



Ex Libris Fr. Joannis

ECMC. die 10 Marti.

835.



COMPENDIUM  
THEOLOGIAE  
UNIVERSAE

AD USUM  
EXAMINANDORUM.

AUCTORE R. P.

THOMAE CHARMES,

Provinciae Lotharingiae Capuccinorum  
Definitore, Custode Generali, nec-  
non antiquo Sacrae Theologiae  
Professore.

EDITIO NOVISSIMA

Auctior & emendatio



NANCEII,  
MDCCLXIII.

SUMPTIBUS REMONDINIANIS,  
SUPERIORUM PERMISSU.

1015.  
i. e. 25. Aug.  
P. Edwardus  
b. l. m. l. d.

*Cruciora.*  
Hunc Librum  
post salutem  
certi Sacerdotis  
redemit. de manib.  
Judaï.

*Hon. 3. g. p. 15.*



MUSEUM OF THE

ETHNOLOGICAL

DEPARTMENT

WASHINGTON

EXHIBITION

OF THE

G. I. 4

ETHNOLOGICAL

DEPARTMENT



WASHINGTON

EXHIBITION

OF THE

ETHNOLOGICAL

F

N

cin

T

ma

fin

On

pra

ide

am

an

L

vi

dic

ce



## FACULTAS IMPRIMENDI

A Reverendissimo

PATRE VICARIO GENERALI

TOTIUS ORDINIS CONCESSA.

**N**OS F. GELASIUS a Goritia, Vicarius Generalis  
totius Ordinis F. F. Minorum S. Francisci Capu-  
cinorum, L. J.

Cum Opus, cui titulus est, *Compendium universæ  
Theologiæ per interrogata & responsa*, &c. a R. P. Tho-  
ma ex Charmes, sacrae Theologiæ olim Lectore, & de-  
finitore elaboratum, a duobus deputatis Theologis  
Ordinis nostri jam fuerit revisum & approbatum, tenore  
præsentium, facultatem facimus, ut servatis servandis,  
idem Typis detur. Datum Romæ in Conventu nostro  
Immaculatae Conceptionis, die decima tertia Aprilis,  
anno 1754.

F. GELASIUS,  
qui supra.

( L. S. )

## APPROBATIO

CLARISSIMI

D. D. De TERVENUS,

SS. THEOLOGICÆ DOCTORIS,

CENSORIS REGII, &amp;c.

**L**Egi, jussu D. D. Cancellarii, *Compendium universæ  
Theologiæ*, quod & perspicuitate & brevitate sua  
visum est mihi perutile ad revocanda in memoriam stu-  
diosæ juventutis, fidei & morum principia. Datum Nan-  
ceji die decima Octobris, anno 1754.

TERVENUS.

A :

AP.



4

## APPROBATIONES THEOLOGORUM ORDINIS:

**E**GO infra scriptus, de mandato Reverend. PATRIS GENERALIS, legi Opus, cui titulus est, *Compendium Theologiae per interrogata & responsa, ad usum examinandorum, Auctore R. P. Thoma ex Chaymes, &c.* in quo nihil deprehendi Catholicæ fidei ac bonis moribus contrarium, imo hoc Opus propria laude jam commendatum, non tantum sacræ Theologiæ Candidatis perutile, verum & eruditis non inajucundum fore judicavi, sic prælo dignum censeo. Datum Nanceji, die 15. Martii, anno 1754.

F. NICOLAUS FRANCISCUS  
A GERBEVILLA, QUONDAM  
SS. THEOLOGIÆ LECTOR ET  
PROVINCIALIS.

**D**E Mandato Reverendissimi PATRIS GENERALIS, attente legi Opus, cui titulus: *Compendium Theologiae universæ per interrogata & responsa, ad usum examinandorum a R. P. Thoma ex Chaymes . . . compositum.* Opusculum sane, etsi brevi calamo, non minori tamen studio & opera elaboratum judicabit quisque illud, & audis iisque candidis pervolverit oculis, & mente fingere netra perpenderit; nihilque in eo, quod aut bonis moribus, aut fidei orthodoxæ consentaneum, aut etiam & peritorum amica attentione, & tyronum, quorum præsertim gratia continuatum est, sedulo conatu dignum non sit, reperiet; idem proinde de eo, ac de universa ejusdem Auctoris laudata Theologia judicium ferendum censeo, typisque utiliter mandari posse existimo. Datum San-Deodati die 3. mensis Martii, anno 1754.

F. CAROLUS FRANCISCUS  
A BADONVILLA, CAPUCCINUS,  
GUARDIANUS, ET ANTIQVVS  
SS. THEOLOGIÆ LECTOR.

IN-



# I N D E X

## T I T U L O R U M.

---

### T R A C T A T U S I.

*De Prolegomenis.*

### D I S S E R T A T I O I.

*De ipsa Theologia.*

14

### D I S S E R T A T I O II.

*De locis Theologicis.*

17

Cap. I. *De Scriptura sacra.*

ibid.

Cap. II. *De traditione & SS. Patribus.*

26

Cap. III. *De Ecclesia.*

30

§. I. *De membris Ecclesie.*

ibid.

§. II. *De notis Ecclesie.*

34

§. III. *De proprietatibus Ecclesie.*

37

Cap. IV. *De Romano Pontifice.*

40

Cap. V. *De Conciliis.*

42

§. I. *De Conciliis in genere.*

ibid.

§. II. *De Conciliis generalibus in specie.*

46

Cap. VI. *De Locis extrinsecis Theologie.*

52

### D I S S E R T A T I O III.

*De propositionum Censuris.*

53

### T R A C T A T U S II.

*De Deo Uno.*

### D I S S E R T A T I O I.

*De existentia Dei.*

56

### D I S S E R T A T I O II.

*De natura, seu essentia Dei.*

61

### D I S S E R T A T I O III.

*De attributis divinis generatim.*

63

A 3

DIS-



## DISSERTATIO IV.

<i>De attributis divinis speciatim.</i>	66
Cap. I. <i>De simplicitate Dei.</i>	ibid.
Cap. II. <i>De infinitate &amp; perfectione Dei.</i>	69
Cap. III. <i>De immutabilitate, incomprehensibilitate, &amp; ineffabilitate Dei.</i>	71
Cap. IV. <i>De invisibilitate Dei.</i>	72
Cap. V. <i>De visibilitate Dei.</i>	74
Cap. VI. <i>De Dei aeternitate, immensitate, &amp; bonitate.</i>	83
Cap. VII. <i>De intellectu &amp; scientia Dei.</i>	87
§. I. <i>De existentia, proprietatibus, &amp; divisione scientiæ Dei.</i>	ibid.
§. II. <i>De scientia simplicis intelligentiæ.</i>	88
§. III. <i>De scientia visionis.</i>	89
Cap. VIII. <i>De voluntate Dei.</i>	96

## APPENDIX.

<i>De voluntate Dei circa salutem hominum.</i>	101
Cap. IX. <i>De iustitia, misericordia, &amp; providentia Dei.</i>	102
Cap. X. <i>De Prædestinatione.</i>	104
Cap. XI. <i>De Reprobatione.</i>	109

## TRACTATUS III.

*De Deo Trino.*

## DISSERTATIO I.

<i>De Trinitatis mysterio in genere.</i>	113
Cap. I. <i>De existentia SS. Trinitatis.</i>	ibid.
Cap. II. <i>De modo cognoscendi SS. Trinitatem.</i>	120
Cap. III. <i>De processionibus divinis.</i>	121
Cap. IV. <i>De Personalitatibus &amp; relationibus divinis.</i>	128
Cap. V. <i>De iis quæ tribus personis sunt communia.</i>	131

## DISSERTATIO II.

<i>De Personis divinis in particulari.</i>	132
--	-----

## DISSERTATIO III.

<i>De mutua prædicatione nominum absolutorum de relativis, &amp; vicissim.</i>	134
--	-----

TRA-



TITULORUM.  
TRACTATUS IV.

*De Deo Creatore.*

DISSERTATIO I.

<i>De Angelis.</i>	136
Cap. I. <i>De existentia, natura, &amp;c. Angelorum.</i>	ibid.
Cap. II. <i>De loco, motu, potentia motrice, &amp; locutione Angelorum.</i>	137
Cap. III. <i>De peccato, &amp; pœna peccati Angelorum.</i>	138
Cap. IV. <i>De variis Angelorum ordinibus, ac de eorum missione, illuminatione, &amp; custodia.</i>	139

DISSERTATIO II.

<i>De creatione primi hominis.</i>	141
------------------------------------	-----

TRACTATUS V.

*De Deo Incarnato.*

DISSERTATIO I.

<i>De possibilitate, convenientia, &amp;c. Incarnationis.</i>	146
Cap. I. <i>De possibilitate &amp; convenientia Incarnationis.</i>	ibid.
Cap. II. <i>De necessitate Incarnationis.</i>	149
Cap. III. <i>De existentia Incarnationis.</i>	151
Cap. IV. <i>De causis Incarnationis.</i>	153
Cap. V. <i>De quidditate Incarnationis.</i>	156
Quæst. I. <i>De persona assumente, &amp; natura assumpta.</i>	ibid.
Quæst. II. <i>De unione hypostatica.</i>	162

DISSERTATIO II.

<i>De Christo.</i>	168
Cap. I. <i>De scientia Christi.</i>	ibid.
Cap. II. <i>De gratia, donis, ac virtutibus Christi.</i>	170
Cap. III. <i>De libertate, &amp; merito Christi.</i>	172
Cap. IV. <i>De satisfactione Christi.</i>	172
Cap. V. <i>De variis Christi titulis &amp; officiis.</i>	178
Cap. VI. <i>De adoratione, seu cultu Christi, ejus matris, Sanctorum, imaginum, ac reliquiarum.</i>	183
Cap. VII. <i>De B. V. Maria, Matre Christi.</i>	185



## TRACTATUS VI.

## De Gratia Christi.

## DISSERTATIO I.

- De gratia actuali. 188  
 Cap. I. De necessitate gratie actualis. ibid.  
 Cap. II. De natura & divisione gratie actualis. 195  
 §. I. De gratia sufficienti. ibid.  
 §. II. De gratia efficaci. 198  
 Cap. III. De distributione gratie sufficientis. 200

## DISSERTATIO II.

- De gratia habituali. 204

## TRACTATUS VII.

## De Actibus Humanis.

- Cap. I. De fine actuum humanorum. 212  
 Cap. II. De natura actuum humanorum. 215  
 Quæst. I. De voluntario, & involuntario. ibid.  
 §. I. De involuntario per violentiam & metum. 216  
 §. II. De involuntario per concupiscentiam & ignorantiam. 217  
 Quæst. II. De libertate. 219  
 Cap. III. De moralitate actuum humanorum. 222  
 Quæst. I. De speciebus moralitatis. ibid.  
 Quæst. II. De principiis moralitatis. 224  
 Quæst. III. De affectionibus moralitatis. 226  
 Quæst. IV. De prima moralitatis regula. ibid.

## TRACTATUS VIII.

## De Conscientia.

- Cap. I. De conscientia vera, & erronea. 229  
 Cap. II. De conscientia scrupulosa, & lata. 231  
 Cap. III. De conscientia certa, & dubia. ibid.  
 Cap. IV. De conscientia probabili, & improbabili. 233

## TRACTATUS IX.

## De Legibus.

- Cap. I. De Legibus in communi. 137  
 Cap. II. De Lege æterna. 239  
 Cap. III.



# TITULORUM.

9

Cap. III. De Lege naturali. ibid.

Cap. IV. De Lege positiva divina. 242

Cap. V. De Lege humana in genere. 245

Cap. VI. De variis speciebus legum humanarum. 249

§. I. De Lege scripta & consuetudinaria. ibid.

§. II. De Lege favorabili, seu de privilegiis. 250

§. III. De Lege poenali. 251

§. IV. De Lege irritante. 252

Cap. VII. De cessatione legum humanarum. ib.

## TRACTATUS X.

De precipuis Ecclesie Preceptis.

§. I. De precepto auditionis Missae. 254

§. II. De precepto sanctificationis festorum. 255

§. III. De preceptis jejunii & abstinentiae. 257

## TRACTATUS XI.

De Variorum Statuum Obligationibus.

Cap. I. De obligationibus beneficiatorum. 258

Quaest. I. De Horis Canonicis. ibid.

Quaest. II. De Beneficiis. 261

Art. I. De variis titulis, quibus beneficia acquiruntur. ibid.

Art. II. De iis quibus conferri debent beneficia, ac de bonorum Ecclesiasticorum usu & dominio. 263

Art. III. De beneficiorum pluralitate, & beneficiatorum residentia. 264

Art. IV. De Simonia. 266

Cap. II. De obligationibus religiosorum. 267

Cap. III. De obligationibus personarum judicialium. 269

## TRACTATUS XII.

De Virtutibus in Genere.

## TRACTATUS XIII.

De Virtutibus Theologicis.

271

## DISSERTATIO I.

De Fide.

[273

§. I. De objecto fidei. 274

§. II. De proprietatibus fidei. 275

A 5

§. III.



- §. III. De necessitate fidei . 276  
 §. IV. De vitiis fidei oppositis . 278

## DISSERTATIO II.

- De Spe Theologica . 279

## DISSERTATIO III.

- De Charitate . 282

- §. I. De precepto & ordine charitatis . ibid.

- §. II. De officiis charitatis . 284

- §. III. De vitiis charitati oppositis . 285

## TRACTATUS XIV.

## De Virtute Religionis .

- §. I. De devotione & oratione . 288

- §. II. De voto . 289

- §. III. De juramento . 291

- §. IV. De vitiis religioni oppositis . 293

## TRACTATUS XV.

## De Virtutibus Cardinalibus .

## DISSERTATIO I.

- De prudentia, fortitudine, & temperantia . 296

- §. I. De prudentia . ibid.

- §. II. De Fortitudine . ibid.

- §. III. De Temperantia . 297

## DISSERTATIO II.

- De Justitia . 298

- Cap. I. De Jure . 299

- Cap. II. De Contractibus in genere . 303

- Cap. III. De Contractibus in particulari . 305

- §. I. De locatione & conductione . ibid.

- §. II. De emptione & venditione . 307

- §. III. De mutuo & usura . 310

- §. IV. De Cambio . 313

- §. V. De censibus, seu, redditibus annuis . 314

- §. VI. De contractu societatis . 315

- Cap. IV. De injuria & restitutione in communi . 316

- Cap. V. De injuria & restitutione in particulari . 319

- §. I. De injuria in bonis corporis, & eorum restitutione . ibid.

- §. II. De injuriis in fama & bonore, & earum restitutione . 320

- §. III. De injuriis in bonis fortune & restitutione . 322

TRA.



TITULORUM.

II

TRACTATUS XVI.

De Peccatis.

- Art. I. De Peccatis in communi. 324  
 Art. II. De Peccatis in particulari. 326  
 §. I. De Peccato commissionis & omissionis. ibid.  
 §. II. De Peccatis ignorantiae, infirmitatis, & malitiae. 327  
 §. III. De Peccatis oris, & cordis. ibid.  
 §. IV. De Peccato mortali & veniali. 330  
 §. V. De Peccatis capitalibus. 332  
 §. VI. De Peccato originali. 337

TRACTATUS XVII.

De Sacramentis.

DISSERTATIO I.

- De Sacramentis in genere. 339  
 §. I. De essentia, existentia, & auctore Sacramentorum. ibid.  
 §. II. De materia & forma Sacramenti. 341  
 §. III. De Ministro Sacramentorum. 343  
 §. IV. De subiecto Sacramentorum. 347  
 §. V. De effectibus Sacramentorum. 348  
 §. VI. De caeremoniis Sacramentorum. 352

DISSERTATIO II.

- De Baptismo. 352  
 §. I. De natura, materia, & forma Baptismi. ibid.  
 §. II. De necessitate Baptismi. 354  
 §. III. De ministro & subiecto Baptismi. 356  
 §. IV. De effectibus & caeremoniis Baptismi. 357

DISSERTATIO III.

- De Confirmatione. 358  
 §. I. De natura, materia, & forma Confirmationis. ib.  
 §. II. De ministro, subiecto, & necessitate Confirmationis. 360  
 §. III. De effectibus & caeremoniis Confirmationis. 362

DISSERTATIO IV.

- De Eucharistia. 363  
 Cap. I. De Eucharistia ut est Sacramentum. ib.  
 §. I. De essentia Eucharistiae. ib.  
 §. II. De materia & forma Eucharistiae in fieri. 364  
 §. III. De re in Eucharistia contenta. 368



§. IV. De ministro & subjecto Eucharistiae.	374
§. V. De usu Eucharistiae.	376
§. VI. De effectibus Eucharistiae.	379
Cap. II. De Eucharistia prout est Sacrificium.	380
§. I. De existentia & essentia Sacrificii Missae.	381
§. II. De efficacia & valore Sacrificii Missae.	382
§. III. De causa efficiente Sacrificii Missae, & iis, pro quibus applicari potest.	384
§. IV. De stipendio celebrantibus concessa.	385
§. V. De circumstantiis ad celebrationem requisitis.	386

## DISSERTATIO V.

De poenitentia.	387
§. I. De existentia Sacramenti Poenitentiae.	388
§. II. De materia & forma Poenitentiae.	390
§. III. De contritione.	393
§. IV. De confessione.	398
§. V. De satisfactione.	402
§. VI. De ministro Poenitentiae.	404
§. VII. De effectibus Poenitentiae.	407

## APPENDIX I.

De satisfactione per suffragia.	408
---------------------------------	-----

## APPENDIX II.

De satisfactione per indulgentias.	410
------------------------------------	-----

## DISSERTATIO VI.

De Extrema Unctione.	412
----------------------	-----


## DISSERTATIO VII.

De Ordine.	415
§. I. De Ordine, variisque Ordinis speciebus.	ib.
§. II. De materia & forma singulorum Ordinum.	418
§. III. De ministro, subjecto, & effectibus Ord.	419
§. IV. De irregularitatibus.	421
§. V. De Censuris.	424

## DISSERTATIO VIII.

De Matrimonio.	429
§. I. De sponsalibus.	ibid.
§. II. De existentia & essentia Matrimonii.	430
§. III. De Ministro Matrimonii, & consensu ad eum requisito.	432
§. IV. De bonis & proprietatibus Matrimonii.	434
§. V. De impedimentis Matrimonii.	439
§. VI. De dispensatione ab impedimentis Matrim.	445





# THEOLOGIA

REDACTA IN

## COMPENDIUM

PER  
INTERROGATA ET RESPONSA  
AD USUM EXAMINANDORUM.

NOTA.

*Hujus Compendii duodecim erunt Tractatus.*

- |                       |                      |
|-----------------------|----------------------|
| 1. ERIT DE PROLEGO-   | 7. DE ACTIBUS HUMA-  |
| MENIS.                | NIS.                 |
| 2. DE DEO UNO.        | 8. DE LEGIBUS.       |
| 3. DE DEO TRINO.      | 9. DE OBLIGATIONIBUS |
| 4. DE DEO CREATORE.   | VARIORUM STATUM.     |
| 5. DE DEO INCARNATO.  | 10. DE VIRTUTIBUS.   |
| 6. DE DEO PER GRATIAM | 11. DE PECCATIS.     |
| SANCTIFICATORE.       | 12. DE SACRAMENTIS.  |

### TRACTATUS I.

*De Prolegomenis.*

**H**ujus Tractatus erunt tres Dissertationes; 1. de ipsa Theologia. 2. De locis Theologicis. 3. De propositionum Censuris.

DIS-



## DISSERTATIO I.

## De ipsa Theologia.

Quæres 1. Quid est Theologia?

*Resp.* Theologia, quæ secundum vim nominis, est *Sermo de Deo*, definitur: *Habitus mentis, quo ex veritatibus immediate, vel mediate revelatis, aut ex una saltem revelata, varie de Deo, rebusque divinis, conclusiones per discursum deducuntur.*

Quæres 2. Quosuplex est Theologia?

*Resp.* Duplex, nimirum speculativa, & practica, seu moralis ..... *Speculativa*, est ea, quæ in objecti sui contemplatione quiescit, nihil circa illud operans . . . *Moralis*, est ea, quæ ad informandos mores tota occupatur.

Quæres 3. Existitne Theologia?

*Resp. Affirm.* Quia ex sacris Scripturis & traditione probamus res divinas, quomodo Christus ipse suam probavit divinitatem ex hoc Davidis textu, Psal. 109. *Dixit Dominus Domino meo; ex quo sic arguit; Ipse ergo David dicis eum Dominum, & unde est filius ejus?*

Quæres 4. An Theologia sit necessaria?

*Resp. 1.* Theologia, secundum substantiam spectata, simpliciter & absolute necessaria est corpori Ecclesiæ, quia ex Aug. (a) Theologia est, *Scientia, qua fides saluberrima gignitur, nutritur, defenditur & roboratur*; atqui talis scientia est absolute necessaria corpori Ecclesiæ; ergo, &c.

*Resp. 2.* Theologia Scholastica corpori Ecclesiæ non est absolute necessaria, quia Ecclesia, cum sola Theologia positiva, diu stetit, diuque floruit sine ope Scholasticæ, quæ primum apud Græcos ortum habuit sæculo VIII. & apud Latinos sæculo XII. tempore Petri Lombardi Episcopi Parisiensis, cui originem debet.

Est tamen valde utilis, cum multum conferat v. ad Philosophos per propria ad fidem veritatis perducendos, 2. Ad refellendos Sophistas. 3. Ad faciliorem rerum, quæ ex fide sequuntur, intelligentiam, quod enim varie multiformique argumento suadetur, id firmitus hæret animis discipulorum; hinc Div. Basil. in cap. 2. *Isaie*, dicit *Dialectica muri instar est dogmatibus, quod eanem finit facile diripi, & quorumlibet incurssioni patere.*

*Dicas:* Scriptura & SS. Patres rejiciunt usum Philosophiæ, tanquam fidei noxium; ergo, &c.

*Resp. Dist. ant.* Tanquam fidei nocivum, per accidens, cont. per se, nego ant. Loquuntur ergo Scriptura &

(a) Lib. 14. de Trinit. cap. 1.



& Patres de Philosophia falsa & sophistica, supra auctoritatem Scripturæ & traditionis dominativa, quæque tota est ad simplicitatem fidei circumveniendam; non vero de vera Philosophia, quam adhibent Theologi ad detegenda & solvenda hæreticorum sophismata, & quæ captivatur in obsequium fidei, a qua regitur ut ancilla, & cui dominari non permittitur.

Quæres 5. *Quodnam est objectum materiale Theologiæ?*

*Resp.* Est Deus ipse, & res omnes, quæ ad Deum aliquo modo referuntur, vel tanquam effectus ad causam, ut Angelus, homo, mundus hic aspectabilis; vel tanquam instrumentum salutis nostræ animatum, ut Christus, qui per passionem suam nos redemit, & per gratiam suam nos perducit ad Patrem; vel tanquam instrumentum salutis inanimatum, ut sunt Sacramenta novæ Legis, quæ sanctificant hominem per gratiam, quam significant & producant; vel tanquam media ad finem, ut sunt adus humani. *Ratio est*, quia Theologia circa illa omnia versatur.

Quæres 6. *Quodnam est objectum formale quod Theologia?*

*Resp.* Est ipsa divinitas; quia est fons & radix omnium, quæ in Deo sunt, & a Deo producuntur; quare enim est Creator, Sanctificator, &c. quia habet divinitatem: quare est unus, trinus, infinitus quia habet divinitatem; ergo divinitas est formalitas, sub qua Theologia attingit suum objectum materiale; ergo, &c.

Quæres 7. *Quodnam est objectum formale quo, seu motivum Theologiæ?*

*Resp.* Est conclusio, quæ ex revelatione per argumentationem deducitur. Unde fundatur mediate in revelatione; per quod differt 1. a fide divina, quæ habet pro motivo immediato ipsam revelationem; 2. a scientiis mere naturalibus, quæ nec fundantur in revelatione, nec deducuntur ex illa.

Quæres 8. *Ad quem habitum mentis reducitur Theologia?*

*Resp.* Reducitur ad scientiam; quia ad scientiam proprie dictam, duo sufficiunt, nempe evidentia consequentiæ, & certitudo consequentis; atqui Theologia 1. habet evidentiam consequentiæ, id est, evidenter cognoscit propositionem, quam infert, necessaria sequi ex præmissis. 2. Habet certitudinem consequentis, id est, veritatis, quæ ex præmissis deducitur, cum nitatur divina revelatione, quæ est certissima, cum Deus nec falli, nec fallere possit.

Quæres 9. *An Theologia sit speculativa, vel practica?*

*Resp.* Est speculativa simul & practica. Speculativa quidem, quatenus sistit in contemplatione sui objecti attributionis, quod est Deus. Practica vero, quia ad Dei possessionem dirigit per virtutis exercitium, & peccati fugam.



Quæres 10. *Utrum Theologia sit certior omnibus scientiis naturalibus?*

*Resp.* Est certior, 1. *Certitudine objecti*, quia versatur circa objectum magis immutabile & invariabile, nempe circa Deum, resque divinas. 2. *Certitudine subiecti*, quia motivum, propter quod intellectus assentitur conclusioni Theologicæ, est certius ac firmitus eo, quod in aliis scientiis intellectum determinat ad assensum: est enim divina revelatio, quæ maiorem certe habet certitudinem, quam principia lumine naturali cognita, quæ sunt motiva scientiarum naturalium.

Quæres 11. *An conclusio Theologica sit æque certa, ac fides divina?*

*Resp. Negative:* Quia conclusio Theologica est tantum certa propter unam saltem præmissam de fide; ergo fides est certior conclusioni Theologicæ; nam, ut fert axioma, *Propter quod unumquodque scit, & illud magis*.

Quæres 12. *Utrum Theologia nostra sit subalternata scientiæ Sanctorum, seu intuitivæ Dei visioni?*

*Resp.* Est subalternata improprie, non proprie.

*Prob. Prima pars:* Quia duæ conditiones requiruntur & sufficiunt ad subalternationem improprie dictam; nempe. 1. Quod scientia subalternans sit superior subalternata. 2. Quod scientia subalternata ad scientiam subalternantem comparandam ordinetur; atqui 1. scientia Beatorum, est superior Theologia viatorum. 2. Theologia viatorum ad scientiam Beatorum comparandam ordinatur; ergo.

*Prob. Secunda pars:* Quia ad proprie dictam subalternationem requiritur, 1. Ut scientia subalternata habeat idem objectum ac scientia subalternans, sed contractum per aliquam rationem accidentalem realem, sub qua a subalternante non consideretur. 2. Ut scientia subalternata desumat sua principia a subalternante. 3. Ut subalternata cum subalternante sit compatibilis in eodem subiecto. Atqui Theologia nostra nullam habet ex his conditionibus respectu scientiæ Beatorum: nam 1. habet idem objectum ac Theologia Beatorum, nulla differentia reali contractum, nempe Deum sub ratione deitatis. 2. Theologia nostra non desumat sua principia a scientia Beatorum, cum principia nostræ Theologiæ sint propositiones fidei, quæ non reperiuntur in scientia Beatorum. 3. Nostra & Beatorum Theologia non possunt esse in eodem subiecto, cum nostra sit obscura & invidens, Beatorum vero sit clara & evidens, quæ duo sese mutuo excluduat; ergo, &c.

Quæres 13. *An Theologia nostra sit etiam sapientia?*

*Resp. Affirm.* Quia sapientia est cognitio rerum altissimarum per altissimas causas; atqui Theologia nostra est cognitio rerum altissimarum, nempe Dei rerumque divi-



divinarum, per altissimas causas, nempe per revelationem divinam, quæ haud dubie est causa altissima; ergo.

Quæres 13. *An Theologia sis scientia ordinis supernaturalis?*

Resp. Est scientia ordinis naturalis; quia ratio formalis specificativa Theologiæ, nempe discursus per quem acquiritur, est mere naturalis, cum sit actus intellectus agentis secundum suam virtutem naturalem; ergo.

Nec obstat, quod Theologia habeat causam supernaturalem, nempe revelationem, siquidem revelatio est causa tantum remota Theologiæ, cujus causa proxima est iudicium de connexionem, quam habet aliqua veritas cum articulo revelato, quod iudicium est merus foetus rationis illam connexionem per discursum apprehendentis; porro ordo, in quo est Theologia, non sumitur ex ejus causa remota supernaturali, sed ex ejus causa proxima, quæ naturalis est.

## DISSERTATIO II.

### De locis Theologicis.

Quæres I. *Quid sint loci Theologici?*

Resp. Sunt sedes, ac veluti promptuaria, ex quibus Theologia sua desumit argumenta.

Quæres 2. *Quor sunt loci Theologici?*

Resp. Sunt decem præcipui: scilicet, *Scriptura sacra, traditio, auctoritas Patrum, Ecclesia Catholica, decreta summorum Pontificum, Concilia*, præsertim generalia, *auctoritas scholasticorum, rationis naturalis argumenta, philosophorum placita, humana ratio*... sex primi sunt interni, ex quibus Theologia certa desumit argumenta; sex ultimi sunt externi, ex quibus desumit argumenta duntaxat probabilia. De his omnibus, sequentibus capitibus.

## CAPUT I.

### De Scriptura sacra.

Quæres I. *Quid est Scriptura sacra?*

Resp. Est, *Verbum Dei, ab auctore hagiographo, afflante Spiritu sancto, scriptum, & ut tale ab Ecclesia nobis manifestatum.*

Quæres 2. *Utrum Scriptura, quæ nobis ab Ecclesia ut sacra proponuntur, sint libri veri, prout verum opponitur supposito?*

Resp. Sunt libri veri, & non suppositi; quia illi libri, quovis Ecclesiæ sæculo, adscripti sunt auctoribus, quorum nomen præ se ferunt, ut constat 1. ex infinitis Scripturæ editionibus, quæ, sub iisdem semper titulis,



lis, in lucem prodierunt. 2. Ex eo quod scriptores subsequentes, libros antea scriptos sub iisdem nominibus semper allegent: sic in novo Testamento citantur libri Moysis, Isaïæ, Hieremiæ, &c. 3. Ex primis Ecclesiæ Patribus, qui libros novi Testamenti sub propriis nominibus referunt; ergo sunt libri veri.

*Quæres 3. Libri veteris Testamenti, qui Bibliis continentur, suntne integri?*

*Resp.* Sunt integri quoad partes substantiales, id est, quoad fidem & mores. Quia non fuerunt depravati a Judæis, nec ante Christi adventum, neque enim eam eis depravationem obiecerunt Christus & Apostoli; atqui tamen, nusquam Dominus & Apostoli, qui cetera crimina arguunt in Scribis & Phariseis, de hoc crimine, quod erat maximum, reticuisse, inquit Div. Hieron. in cap. 6. Isaïæ. Nec post Christi adventum, tum quia testimonia, quæ a Christo & Apostolis ex veteri Testamento laudantur, omnia inveniuntur nunc in Moyse & Prophetis, ut ab illis citata sunt... Tum quia præcipua de Christo vaticinia, eodem modo in nostris codicibus leguntur, quo in Judaicis... tum quia tanta est Judæorum religio erga libros sacros, ut scribat Philo Judæus quemlibet Judæum centies potius moriturum, quam ut pateretur legem in aliquo mutari.

*Quæres 4. An textus originarius græcus novi Testamenti sit purus & integer?*

*Resp.* Est integer quoad partes substantiales: 1. Qui idem est apud sectas, alioquin sibi insensissimas. 2. Quia non tempus, nec auctores hujus depravationis citari possunt. 3. Quia nulla rationabilis hujusce depravationis suspicio potest subesse: nam si a Catholicis attentata fuisset, eam illis hæretici mox exprobrassent; si autem ab hæreticis, Catholici statim reclamassent; ergo, &c.

*Quæres 5. Utrum libri, qui Bibliis continentur, sint divina auctoritatis, ac proinde infallibilis regula fidei?*

*Resp. Affirm.* Quia ab auctoribus sacris, ex speciali Spiritus sancti afflatu sunt scripti, juxta illud 1. Petri 1. Non voluntate humana allata est aliquando Prophetia, sed Spiritu sancto inspirati, locuti sunt sancti Dei homines.

*Quæres 6. Quis est auctor principalis Scripturæ sacræ?*

*Resp.* Est Deus ipse, qui eam Prophetis & Apostolis, quasi dictando, inspiravit, Ipse scripsit, inquit D. Greg. in præfat. in Job, qui & illius operis inspirator extitit.

*Quæres 7. Quinam fuerunt auctores Scripturæ instrumentales?*

*Resp.* Fuerunt homines, quibus Deus ad scribendum usus est, juxta illud Apostoli, Hebr. 1. Olim Deus loquens Patribus in Prophetis, novissime diebus istis locutus est nobis in filio.

Quæ-



Quæres 8. Quomodo Deus scriptoribus sacris afflaverit, quæ scripserunt? an per simplicem approbationem eorum, quæ humanitas scripserunt? an per specialem assistentiam? an per inspirationem?

Resp. 1. Ad Scripturam sacram non sufficit simplex approbatio; alias Scriptura non esset Verbum Dei, quia non procederet de ore ejus. Unde cum Apostolus refert aliquas Poetarum sententias, ex non sunt Scriptura sacra, prout dictæ sunt a Poetis, sed prout scriptæ sunt ab Apostolo ex inspiratione Spiritus sancti.

Resp. 2. Nec sufficit specialis Spiritus sancti assistentia, alias definitiones Conciliorum essent Scriptura sacra.

Resp. 3. Nec requiritur in omnibus divina revelatio. Revelatio enim, est veritatis, antea ignotæ, manifestatio a Deo facta; atqui non omnia, quæ scripta sunt, antea scriptores sacri ignorabant; ergo.

Resp. 4. Requiritur & sufficit proprie dicta Spiritus sancti inspiratio. Non voluntate humana allata est aliquando prophetia, sed Spiritu sancto inspirati, locuti sunt sancti Dei homines... Porro inspiratio, est incitatio quadam interior, quæ quis impeditur ad aliquid fixum & determinatum scribendum, siue antea fuerit notum, siue non.

Quæres 9. Quid est Scriptura sacra canon?

Resp. Est certus ac determinatus catalogus librorum, quos Ecclesia ut sacros recipit. Unde dicuntur libri canonici. Quod si aliquos non recipiat Ecclesia, eo quod non certo constet eorum divinitas, dicuntur apocryphi.

Quæres 10. Quæ libros complectitur canon Hebræorum?

Resp. Complectitur libros viginti duos; ut docet Josephus, lib. 1. contra Appionem. Quod si aliqui ex Patribus plures quam 22. enumerent, id contingit, quod nonnullos, ex iis quos Josephus recensuerat, in plures partes, quas in plures libros dividerint.

Quæres 11. Quomodo Hebræi dividebant suum canonem?

Resp. Dividebant in Legem, Prophetas, & Agiographos.

Sub Lege includebantur 5. libri Moysis.

Sub Prophetis includebantur 8. libri nempe 1. Josue. 2. Judicum cum Ruth. 3. Samuel, id est, liber 1. & 2. Regum. 4. Melachim, id est 3. & 4. Regum. 5. Isaïas. 6. Hieremias cum Threnis. 7. Ezechiel. 8. Liber duodecim minorum Prophetarum.

Sub Agiographis reponebantur 9. libri, nempe, Job; Psalterium Davidis; Proverbia Salomonis; Ecclesiastes; Cantica canticorum; Daniel; Paralipomenon; Esdras, & Esther.

Hinc, Tobias, Judith, Baruch, Sapientia, Ecclesiasticus.



*sticus, primus & secundus Machabæorum*, licet in magna veneratione fuerint apud Hebræos, non tamen erant repositi in eorum canone.

Quæres 12. *Quot, & quosdam libros in suo canone recipias Ecclesia Catholica?*

Resp. Recipit libros 71. nimirum 45. veteris Testamenti, & 27. novi, quos postquam recensuit C. Trid. sess. 4. addit: *Si quis autem libros ipsos integros cum omnibus suis partibus, prout in Ecclesia Catholica legi consueverunt, & in veteri vulgata editione habentur, pro sacris & canonicis non susceperis, & traditiones prædictas sciens & prudens contempseris, anathema sit.*

Quæres 13. *An canon sacrorum librorum mox laudatus, primum a C. Trid. fuerit conditus?*

Resp. *Negative.* Nam ab antiquissimo tempore in Ecclesia Dei fuit constitutus, ut declarat decretum Tridentinum. Ergo Patres Tridentini, ut suum canonem adornarent, accurate expenderunt traditionem Patrum & Conciliorum, quæ præcesserant: deinde, facto illo examine, definiunt, communem Patrum & Conciliorum traditionem ferre, libros omnes ab Apostolis, ac primitiva Ecclesia habitos fuisse pro canonicis, & eos ut tales ab omnibus suscipi debere statuerunt.

Quæres 14. *Quomodo dividuntur libri canonici?*

Resp. *Dividuntur 1. In Proto-canonicos, & Deutero-canonicos. Proto canonici sunt illi, qui semper & ab initio in canonem Ecclesiæ fuerunt relati. . . Deutero-canonicis sunt illi, qui ab initio in canonem Ecclesiæ non fuerunt relati, eo quod aliqui catholici de eorum veritate dubitarent, quos tamen successu temporis Ecclesia, facto traditionis patrum examine, in suum canonem recepit.*

*Dividuntur 2. Ratione materiæ, de qua tractant, in legales, historicos, sapientiales, & propheticos.*

Quæres 15. *Quot sunt libri legales veteris Testamenti?*

Resp. Sunt 5. libri Moysis, scilicet, *Genesis, Exodus, Leviticus, Numeri, & Deuteronomium.* Qui ex quinario numero vocantur *Pentateuchus.*

Quæres 16. *Quot sunt libri historici veteris Testamenti?*

Resp. Sunt 17. nimirum, *Josue, Judicum, Ruth, quatuor Regum, duo Paralipomenon, duo Esdra, Tobias, Judith, Esther, Job, duo Machabæorum.*

Quæres 17. *Quot sunt sapientiales veteris Testamenti?*

Resp. Sunt 5. scilicet, *Proverbia, Ecclesiastes, Canticum Canticorum, Sapientia, Ecclesiasticus.*

Quæres 18. *Quot sunt libri Prophetici veteris Testamenti?*

Resp. Sunt libri compositi a Prophetis, quorum 6. majores, scilicet, *David, Isaias, Hieremias, Baruch, Ezechiel, & Daniel.* Et 12. minores, nempe, *Oseas, Joel, Amos, Abdias, Jonas, Michæas, Nahum, Habacuc, Sophonias, Aggeus, Zacharias, & Malachias.*

Quæ-



Quæres 19. Quos sunt libri legales novi Testamenti?  
 Resp. Sunt quatuor Evangelia, secundum Matthæum, Marcum, Lucam, & Joannem.

Quæres 20. Quos sunt libri historici novi Testamenti?  
 Resp. Est unus, *Acta Apostolorum* dictus, quem scripsit D. Lucas, in quo mirandam Ecclesiæ nascentis historiam, illiusque in omnes gentes propagationem per Apostolos, & præcipue per Petrum & Paulum, describit.

Quæres 21. Quos sunt libri sapientiales novi Testamenti?

Resp. Sunt 21, nimirum 14 Epistolæ Div. Pauli, & 7. Epistolæ *Cartholice*, quæ etiam dicuntur *Canonice*, quarum *duo* Petri, *tres* Joannis, *una* Jacobi, & tandem *una* Judæ.

Quæres 22. Quos sunt libri Prophetici novi Testamenti?

Resp. Est unus, nempe, *Apocalypsis*, quem scripsit Joannes in exilio, quod passus est in insula Pathmos. Multa in eo prædicit, nimirum Ecclesiæ persecutiones, & durissimas crudelitates sub execrabili Antichristo, & tandem gloriam futuram Beatorum. Quæ omnia sunt tot æigmatibus involuta, ut nemo hætenus clare potuerit exponere mysteria in Apocalypsi annuntiata, Tot enim in ea sunt *Sacramenta*, quos verba, ait Div. Hieron. Epist. ad Paulinam.

Quæres 23. Quosnam libros hæretici ex canone librorum sacrorum deleverunt?

Resp. Lutherani & Calvinistæ, omnes veteris Testamenti libros, qui in antiquo Judæorum canone non reperiuntur, e Scripturarum canone deleverunt, sicut & librum *Esther*.

Quoad libros novi Testamenti, Lutherani e canone deleverunt Epistolas Pauli *ad Hebræos*, *Jacobi*, *secundam Petri*, *secundam*, & *tertiam Joannis*, & *Apocalypsim*. Hos tamen libros admittunt Calvinistæ, præter Epistolam *ad Hebræos*, quam etsi divinam eam esse fateantur, negant tamen esse Paulinam.

Quæres 24. Quo idiomate libri canonici primum conscripti fuerunt?

Resp. 1. Juxta D. Hieron. libri veteris Testamenti hebraica lingua fuere conscripti, *exceptis* 1. libris Danielis, Tobie & Judith, qui chaldaice primitus exarati fuerunt; *exceptis* 2. libris Sapientiæ, & secundo Machabæorum, qui, juxta eundem D. Hieron. in Prologo Galeato, græce fuerunt scripti.

Resp. 2. Omnes libri novi Testamenti græce editi sunt ab Apostolis, *exceptis* Evangelio D. Matthæi, & Epistola ad Hebræos, qui hebraice fuerunt scripti, ut testantur Div. Hieron. & Eusebius, *Lib. 6. Histor. Cap. 11.*

Quæres 25. An editio Hebraica *Esdræ* sit authentica?  
 Nota: Authenticum est illud, quod est indubitatae auctoritatis, & in judiciis fidem facit.

Resp.



*Resp. Affirm.* Nam textus Hebraicus tempore Div. Hieronymi erat incorruptus quoad partes essentielles, & authenticus, cum, juxta hunc Textum, vetus Testamentum latine interpretatus sit; atqui ille textus (ejusque exemplaria) semper fuit custoditus, & conservatus a SS. Patribus, & Romanis Pontificibus, & usque in hodiernum diem servatur in Bibliotheca Vaticana, & in aliis Bibliothecis; ergo &c.

*Objectiones:* Sola vulgata est declarata authentica a Conc. Trident. ego, &c.

*Resp.* Est sola declarata authentica, per exclusionem aliarum versionum latinarum, conc. per exclusionem editionum hebraicæ & græcæ germanarum, nego ant. neque enim Patres Tridentini fontium mentionem fecerunt.

Quæres 26. *Quanam versiones revocentur ad editionem hebraicam?*

*Resp.* Tres, scilicet *Samaritana*, quæ non differt ab hebraica, nisi penes characteres. *Syriaca*, quæ tempore Christi vocari solebat hebræa, quia Hebræi linguam syriacam sibi vulgarem fecerant; hæc, quæ Christus & Apostoli usi sunt, fuit semper summæ auctoritatis. *Chaldaica*, quæ potius paraphrasis est dicenda quam versio, & quæ nullius est auctoritatis, cum Thalmudistarum fabulis sit conspersa.

Quæres 27. *Quos sunt veteris Testamenti versiones græcæ?*

*Resp.* Sunt varix, inter quas præcipuum locum obtinet *Versio 70. Interpretum*: sic dicta, quia eam fecerunt 72. seniores Judæi, sex nimirum ex qualibet tribu, græcæ pariter & hebraicæ peritissimi, regnante Ptolomæo Philadelpho Aegyptiorum Rege, qui ad Eleazarum summum Pontificem miserat, senioresque totidem petierat, qui sacros libros in græcum sermonem transferrent, in *Pharos insula*.

Quæres 28. *Utrum versio 70. sit authentica?*

*Resp. Affirm.* Tum quia ea usa est olim, & etiam nunc utitur Ecclesia græca; tum quia ea usi sunt Apostoli, cum vetus Testamentum in suis Epistolis ad gentes ad fidem conversas laudarunt. Hinc D. Irenæus de hac versione loquens, *Lib. 3. cap. 15.* ait: *Per aspirationem Dei interpretata sunt Scriptura.*

Quæres 29. *Quos sunt utriusque Testamenti latine versiones?*

*Resp.* Sunt varix, inter quas præcipuum locum tenet versio D. Hieronymi, quæ *Vulgata* dicitur, & qua nunc utuntur omnes Catholici occidentales. . . . Eam Concil. Tridentinum, *Sess. 4.* declaravit *authenticam*, hoc sensu, quod sit immunis ab omni errore in his omnibus, quæ ad fidem & mores spectant, ut docet Canus, *lib. 2. de locis, cap. 13.*

Quæres 30. *Utrum Concil. Tridentinum, Vulgaram ds.*



*declarando authenticam, eam præsulere hebraicis & græcis fontibus?*

*Resp. Negative:* Quia Concilium Vulgatam nullo modo contulit eum fontibus, sed tantum prætulit ipsam variis versionibus latinis, quæ circumferebantur: *Considerans*, inquit, non parum utilitatis accedere posse Ecclesie Dei, si ex omnibus latinis editionibus, quæ circumferuntur sacrorum librorum, quænam pro authenticis habenda sit, innotescat, statuis, &c.

*Quæres 31. Quandonam licitum sit recurrere ad fontes pro emendatione codicum latinorum?*

*Resp.* Licitum est 1. quando in codicibus nostris videtur esse error scribarum, aut librariorum.

2. Quando latini codices variant, nec certo sciri potest, quænam sit vera vulgatæ lectio; ea enim tunc vera erit, quæ fonti erit conformis.

3. Quando sententia in latino, est ambigua.

4. Licet recurrere ad fontes, ad proprietatem & energiam vocabulorum habendam.

*Quæres 32. An Scriptura sacra in lingua vernacula translata, expediat omnibus?*

*Resp. Negative:* Quia licet in se optima, tamen ratione loci, temporis, & personarum, pluribus potest esse noxia; multi enim propter infirmitatem, ignorantiam, aut malitiam, plus ex ejusmodi lectione detrimenti, quam utilitatis haurire possent, ut *experimento manifestum est*, ait Conc. Trident. Sess. 4.

*Quæres 33. An Ecclesia prohibuerit lectionem Scripturæ sacre in lingua vernacula translata?*

*Resp.* 1. Non prohibuit absolute; quia nullibi extat talis prohibitio generalis.

*Resp.* 2. Ecclesia iustissimis de causis prohibuit, ne lectio Scripturæ sacre in lingua vulgari translata omnibus indiscriminatim concedatur; sed iudicio Episcopi aut inquisitoris stetur, ut cum consilio Parochi aut Confessarii, Bibliorum a Catholicis auctoribus versorum, lectionem in vulgari lingua eis concedere possint, quos intellexerint ex ejusmodi lectione, non damnum, sed fidei atque pietatis augmentum capere posse, quam facultatem in scriptis habeant, &c. Regula IV. Conc. Trident.

*Quæres 34. Quid est sensus sacre Scripturæ?*

*Resp.* Est, genuina ejus significatio.

*Quæres 35. Quotuplex est sensus sacre Scripturæ?*

*Resp.* Duplex litteralis nempe & mysticus, seu spiritualis.

*Sensus litteralis*, est ille, quem verba, sive proprie, sive metaphoricæ accepta, immediate significant. Si verba proprie accipiuntur, sensus litteralis est proprius: si metaphoricæ, est metaphoricus.

*Sensus mysticus*, seu spiritualis, est ille, qui, non verbis ipsis, sed rebus per verba significatis, indicatur.

Sic



Sic quod in Genesi litteraliter dicitur de duobus filiis Abraham, Apostolus in sensu mystico exponit de duobus Testamentis.

*Quæres 36. Quotuplex est sensus mysticus?*

*Resp.* Triplex, moralis nempe, allegoricus, & anagogicus... *Moralis*, est rei ad morum instructionem significatio, per aliam rem, Scripturæ verbis immediate significatam. Unde est de rebus agendis... *Allegoricus*, est rei ad Christum & Ecclesiam militantem pertinentis significatio, per aliam rem Scripturæ verbis immediate significatam. Hinc est de rebus credendis... *Anagogicus*, est rei ad Ecclesiam triumphantem pertinentis significatio, per aliam rem Scripturæ verbis immediate significatam. Unde est de rebus sperandis.

Hi quatuor Scripturæ sensus his verbis exprimuntur :

*Littera gesta docet ; quid credas allegoria ;*

*Moralis quid agas ; quo tendas anagogia .*

*Quæres 37. An sub eisdem & Scripturæ verbis, multiplex aliquando reperiatur sensus litteralis?*

*Resp. Affirm.* Sic illud Psalmi secundi, *Dominus dixit ad me, Filius meus es tu, ego hodie genui te*, Apostolus, *Hebr. 1.* exponit de generatione Christi æterna, cui *Angelorum dixit, Filius meus es tu &c.* quod idem Apostolus, *Act. 13.* explicat de Resurrectione Christi : *Resuscitans Jesum, sicut in Psalmo 2. scriptum est : Filius meus es tu, ego hodie genui te.*

*Quæres 38. Ex quonam sacre Scripturæ sensu Theologia possit certa deducere argumenta?*

*Resp.* Ex solo sensu litterali, non autem ex mystico, nisi aut ab Ecclesia proponatur, aut Scripturæ & traditionis auctoritate nitatur, aut ex ipsa textus sacri serie certo colligatur. Quia tunc certum est sensum mysticum a Spiritu sancto fuisse intentum : talis est sensus, quem Apostolus, *1. Cor. 9.* ex his verbis *Deut. 25. Non alligabis os bovi trituranti*, eruit ad probandum ministris Evangelii deberi stipendia : *Numquid de bobus cura est Deo*, inquit, *an propter nos utique hoc dixit ; nam propter nos scripta sunt.*

*Quæres 39. Utrum in quolibet Scripturæ textu, præter sensum litteralem, contineatur aliquis sensus mysticus?*

*Resp. Negative.* Quia ut ait D. August. quæst. 2. super Genesim : *In quibusdam locis solus sensus litteralis querendus.* Quinam enim sensus mysticus in his verbis : *Non occides. Non furtum facies?*

*Quæres 40. Utrum detur aliquis Scripturæ textus, in quo non sit sensus litteralis, sed tantum Spiritus-*

*Resp. Negative.* Quia nullus assignatur textus, cujus verba aliquid immediate non significant, sive proprie, sive improprie ; atqui talis sensus est litteralis ; ergo, &c.



Quæres 41. Quando idem textus videtur habere duos sensus contrarios & impossibiles, quomodo exponi debeat?

Resp. Exponi debet juxta sequentes regulas,

I. Regula. Ille sensus est solus verus, qui a tota Ecclesia est receptus; sic hujus textus, *Pater major me est*, sensus totius Ecclesiæ est filium magnum in omnibus, sed solum secundum humanitatem, esse patre minorem.

II. Regula. Ille sensus est verus, qui magis cohæret cum alio Scripturæ sacræ loco, quomodo hic textus, *Pater major me est*, intellectus de minoritate filii secundum humanitatem, cohæret cum hoc alio textu: *Ego & pater unum sumus*. Joan. 10.

III. Regula. Sensus SS. Patrum est tenendus, maxime si omnes, vel plures in eundem sensum consentiant.

IV. Regula. Ubi Patres circa sensum S. Scripturæ dissentiant, liberum est cuique, quem probabiliorum iudicat, sequi, modo illos sensus Ecclesia non respuat.

V. Regula. Quando uterque sensus est impossibilis, nec quis fuerit a Spiritu sancto intentus cognosci potest, nec ex alio Scripturæ loco, nec ex traditione Patrum, nec ex Conciliis, nec ex recursum ad fontes, tunc ille præferendus est, qui rationi naturali est conformior.

Quæres 42. Quid sit sensus accommodatius?

Resp. Est ille, quo ea qua litterali, aut mystico sensu, alia occasione, dicuntur in Scriptura, per quandam extensionem ac similitudinem ad aliquid aliud applicantur. Hic sensus non habet auctoritatem divinam, cum nec immediate, nec mediate a Spiritu sancto fuerit intentus; potest tamen admitti, cum eo Scriptura, Ecclesia, & Patres usi fuerint: sic quod Zach. 4. dicitur de Jesu Sacerdote, & Zorobabele Duce, S. Joannes Apoc. 11. accommodat Enoch & Eliæ, dicens: *Hi sunt duo Olive*.

Quæres 43. Quenam conditiones requiruntur, ut Scripturae adscribatur sensus accommodatius?

Resp. Quatuor.

I. Ut non asstruatur, tanquam sensus litteralis aut mysticus.

II. Ut sensus falsus non attribuat Scripturæ per accommodationem.

III. Ut sensus accommodatius ad res pias applicetur.

IV. Ut quando sacer scriptor dicit quidpiam factum esse, ut adimpleretur Scriptura, illud per accommodationem non accipiat; sed vel sensu litterali, quando id secundum litteram fit, quod erat prædictum; vel mystico, quando figura, aut prophetia ipso eventu impletur.



## CAPUT II.

De traditione &amp; SS. Patribus traditionis testibus.

Quæres 1. Quid est traditio?

*Resp.* Est doctrina ad fidem, mores, vel disciplinam Christianam spectans, quæ in libris canonicis non est scripta, sed tantum aut in Conciliis, aut in Patribus, aut in unanimi Ecclesiarum consensu, conservatur.

Quæres 2. Quotuplex sit traditio?

*Resp.* Triplex, nimirum 1. *Divina*, quæ est verbum Dei non scriptum, sed ab Apostolis, quatenus verbi Dei præconibus, ad nos, viva voce, transmissum. 2. *Apostolica*, quæ est doctrina, quam Apostoli ipsi, quatenus Ecclesie Pastores, instituerunt, & ad nos viva voce transmiserunt; v. g. observatio diei Dominicæ, jejunii Quadragesimalis, &c. 3. *Ecclesiastica*, quæ est doctrina, quæ a successoribus Apostolorum, accedente fidelium usu, fuit introducta, & ad nos usque transmissa; v. g. festorum celebrationes, aquæ lustralis usus, &c.

Quæres 3. Utrum extiterint tum in lege naturæ, tum in lege Mosaica, divinæ quædam traditiones?

*Resp.* 1. Extiterunt in lege naturæ: nam Adamus filios suos docuit, quæ sibi de mediatore Christo, & aliis mysteriis revelata fuerant; filii Adami, quæ a Patre didicerant, suis posteris ad Moysen usque (non interrupta serie) communicarunt; ergo, &c.

*Resp.* 2. Extiterunt in Lege Mosaica: quia Israelitæ ex sola traditione habebant divinitatem librorum in canone repositum; remedium ad tollendum peccatum originale, non solum in femellis, sed etiam in masculis ante octavum diem decedentibus, &c. Hinc Genes. 18. dicitur; *Interroga patrem tuum, & annuntiabis tibi, majores tuos, & dicent tibi.*

Quæres 4. Utrum in lege nova, necessaria admittenda sit traditio divina, tanquam altera fidei regula?

*Resp. Affirm.* Quia non omnia fidei dogmata continentur in verbo Dei scripto; v. g. quod libri in Scriptura sacra contenti, sint divini; quod Deipara, etiam post partum, virginitatem servaverit; quod valeat baptismus datus parvulis; quod valeat datus ab hæreticis & peccatoribus; quod sint tantum quatuor Evangelia; quod Christus descenderit ad inferos, &c. Ergo ad hæc omnia credenda necessaria est traditio. Hinc Apostolus Thessalonicensis jubet, ut traditionibus firmiter adhererent: *Itaque, inquit Thessal. 2. c. 2. & tenete traditiones, quas didicistis, sive per sermonem, scilicet ore prolatum, sive per Epistolam nostram.* Quem locum Div. Chrysostomus, Hom. 4. enarrans, ait: *Hinc patet, quod non omnia per Epistolam tradiderunt Apostoli, sed multis.*



multa etiam sine litteris. Eadem vero fide digna sunt, tam ille, quam ista. . . traditio est, nihil queras amplius.

*Obijcies* 1. Moyses Deus 4. Apostolus Galat. 1. Div. Jeanes Apoc. ult. Christus Matth. 15. prohibent usum traditionum, tum in fide, tum in moribus; ergo &c.

*Resp. Nego ant.* Nam 1. Moyses & D. Joannes prohibent tantum traditiones, quæ sunt additio ad verbum Dei. Non additis, inquit Moyses, ad verbum quod ego præcipio vobis, nec auferetis ex eo. Div. Jean. ait: Si quis apposuerit ad hæc, apponet & Deus super illum plagas. At divinæ traditiones non sunt additiones humanæ ad verbum Dei, cum sint ipsummet verbum Dei, licet non scriptum; ergo. . . Præterea vetant tantum, ne minuatur, vel addatur aliquid, per quod textus alteretur, vel corrumpatur: alias illicitum fuisset Deuteronomio & Apocalypsi alios addere libros.

2. Apostolus quoque de traditionibus ad verbum Dei additis loquitur, nempe de traditione conjungendi legis cum Evangelio, quæ contraria erat doctrinæ quam Paulus Galatas docuerat. Miror, inquit, quod tam cito transferimini in aliud Evangelium. . . sed licet nos aut Angelus de celo evangelizet, præterquam quod evangelizavimus vobis, anathema sit. In quo textu particula, præter, sumitur evidenter pro particula, contra: sed traditiones divinæ non sunt contrariæ verbo Dei, cum & ipsæ sint verbum Dei; ergo, &c.

3. Christus non loquitur de traditionibus divinis, sed de pharisaicis, quæ Dei Legi erant contrariæ: Irritum fecistis mandatum Dei, inquit, propter traditionem vestram.

*Obijcies* 2. Patres passim docent, omnes tum fidei, tum morum regulas Scripturis contineri. In his quæ aperte posita sunt in Scripturis, ait August. lib. 2. de doctrina Christi. cap. 9. inveniuntur illa omnia quæ continent fidem, moresque vivendi; ergo.

*Resp.* Patres iis in locis loqui de iis tantum fidei mysteriis, quorum explicita cognitio est ad salutem necessaria, & de communibus morum præceptis, quæ in Decalogo continentur: at non loquuntur de aliis omnibus mysteriis, nec de conclusionibus, quæ ex Decalogo colligi debent; alias sibi contradiceret Div. August. qui lib. 1. contra Crescon. cap. 33. dicit: Scripturæ veritatem a nobis teneri, quando facimus, quod universa Ecclesia placet: etiam si nihil de ea ve scriptum legamus.

*Quæres* 5. Quomodo traditiones divinæ & apostolicæ distinguuntur a traditione mere Ecclesiastica?

*Resp.* In hoc distinguuntur, quod mere Ecclesiastica, cum post tempora Apostolorum emanarit, non semper viguit, sed habet initium aut in decretis SS. Pontificum, aut in Conciliorum canonibus, aut in statutis Patrum. 2. Non ubique viguit, sed in una, aut in aliquibus tantum Ecclesiis particularibus reperitur & observatur.



vatur. *Econtra*, divinæ & apostolicæ traditiones semper & ubique vigerunt, juxta hanc regulam ab Augustini. lib. 4. *contra Donat. cap. 24. traditam: Quod universa tenas Ecclesia, nec Conciliis insitutum, sed semper reventum, non nisi auctoritate Apostolica traditum rectissime creditur.*

Quæres 6. *Quomodo traditiones divinæ secerni possunt a traditionibus pure Apostolicis?*

Resp. Ad hoc vulgo traduntur quatuor regulæ:

I. Reg. Si quod fidei dogma Patres concordissime tenuerint, ejusque contrarium, ut hæreticum, refutarint, nec tamen in Scripturis reperiatur; illud est traditionis divinæ: quia omnia fidei dogmata habemus ex divina revelatione. Hujusmodi est perpetua virginitas Deiparæ, etiam post partum.

II. Reg. Si quidquam est nunc in Ecclesia, communi fidelium consensione probatum, quod humanam excedit potestatem, illud est traditionis divinæ. Talis est, v.g. praxis vota dissolvendi, juramenta relaxandi, &c.

III. Reg. Si SS. Patres unanimiter doceant aliquam traditionem esse divinam, tenenda est ut traditio divina, etiamsi illius materia non excedat potestatem Apostolicam & Ecclesiæ. Secus si solum ut traditionem Apostolicam, vel Ecclesiasticam tradiderint. Ratio est, quia unanimis Patrum consensus est fidei nostræ infallibilis regula.

IV. Reg. Quando aliqui Patres in hanc traditionem non consentiunt, judicandum est eam traditionem esse divinam, quæ reperitur in præcipuis & apostolicis Ecclesiis, in quibus interrupta non fuit Episcoporum successio, qualis nunc est sola Ecclesia Romana.

Quæres 7. *Quinam sunt traditionis testes?*

Resp. Sunt Patres, qui primis Ecclesiæ temporibus sanctitate & doctrina ab Ecclesia recepta & approbata illustres, Christo filios genuerunt, genitos nutrierunt, ac in fide & communione catholica perseverarunt. Hinc in Patre Ecclesiæ quatuor requiruntur, 1. Scientia eminens ab Ecclesia recepta & approbata. 2. Eximia vitæ sanctitas. 3. Perseverantia in fide & communione catholica. 4. Tandem antiquitas notabilis.

Quæres 8. *Unum unius aut alterius Patris de rebus divinis sententia, aliis tacentibus, firmum argumentum ministrat?*

Resp. *Negative*: Quia nullus Pater de se est infallibilis, cum aliqui, etiam ex gravioribus, erraverint, etiam in eis, quæ post deprehensa fuerunt pertinere ad fidem.

Quæres 9. *Quale Theologo præbeas argumentum plurium Patrum in unum dogma consensus, aliis ex altera parte, licet paucioribus, reclamantibus?*

Resp. Præbet argumentum probabile, sed non omnino certum.

Prob.



*Prob. prima pars:* Quia probabilitas alicujus facti ex trinfeca, ex numero testium eruitur; ergo ubi plures sunt testes, ibi est magna probabilitas, quod veritatem fuerint assecuti, licet alii, numero pauciores, reclamant.

*Prob. secunda pars:* Quia cum plures Patres unum factum affirmant, aliis, licet numero paucioribus, reclamantibus, non certo constat ultra pars veritatem asferat; fieri enim potest, ut qui ex altera parte reclamant, assecuti fuerint germanum, aut Scripturæ, aut traditionis sensum; ergo &c.

Quæres 10. *Utrum unanimitas SS. Patrum in aliquo dogma consensus certissimum & infallibile præbeat Theologo argumentum in iis, quæ ad fidem & mores spectant?*

*Resp. Affirm.* Quia unanimitas ille consensus, certissimum est divinæ traditionis testimonium; ergo certissimum & irrefragabile subministrat argumentum. *Hinc* 1. Conc. Nicænum II. anat. 7. ait: *Qui doctrinas SS. Patrum, & traditionem Catholicæ Ecclesiæ contemnunt, execratio.* Ex quo patet doctrinam SS. Patrum, & Ecclesiæ traditionem ita esse connexas, ut qui unam tenerit labefactare, alterius quoque fidem concutiat, necesse sit. *Hinc* 2. Patres Chalesedonenses in definitione fidei sic clamant: *Hæc est fides Patrum, omnes ita credimus.* Unde C. Trid. sess. 4. districte prohibet, ne quis *Scripturam, contra unanimitatem SS. Patrum sensum, audeat interpretari.*

*Obijcies:* Singuli Patres sunt fallibiles; ergo & unanimitas Patrum consensus.

*Resp. Nego consequ.* Etsi enim singuli labi possint, quia homines; omnes tamen simul errare non permittit Deus, quia unanimitas omnium consensus, est sensus Ecclesiæ, ideoque & Spiritus sancti Ecclesiam per Patres doceatis. Unde eorum testimonium non est tunc humanum, cum sit Ecclesiæ, ideo Spiritus sancti sensus.

Quæres 11. *Quenam servande sunt cautiones in legendis, aut laudandis patribus?*

*Resp. 1.* Considerandum est, quo modo scripserint; nam 1. si modo Theologico scripserunt, rigorosius; si vero modo oratorio, minus rigorose eorum verba sunt accipienda; nam inter concionandum multa ex zelo hyperbolice dixerunt. 2. Si ex professo aliquam questionem tractaverint, accuratius locuti sunt.

2. Considerandum est, quo tempore scripserint; namque 1. Si ante exortas hæreses materiæ discussionem, minus accurate, quam postea scripserunt. . . 2. Si ante Ecclesiæ definitionem, potuerunt abique hæreseos nota scribere, quæ postea ab Ecclesia fuere damnata; & ideo nec Div. Cyprianus, nec alii Africani, rebaptizantium errorem propugnantes, fuerunt hæretici.

3. Considerandum est, qua ætate scripserint; quia æta-



te juniori multa scribuntur, quæ ætate senili maturius examinata, vel gravius tractantur, vel omnino retractantur, ut constat ex libris retractationum D. Augustini.

4. Considerandum est, quæ occasione scripserint, sæpius namque contigit, ut SS. Patres in refellendis quibusdam hæresibus, ubi sint terminis, qui, in specie quidem, oppositis erroribus fauerent; sed reipsa & secundum sensum, ab illis omnino differrent.

5. Cum agitur de aliquo dogmate, olim ab hæreticis impugnato, illi Patres præ cæteris sunt consulendi & sequendi, quos ad has hæreses debellandas Deus Ecclesiæ suæ, singulari beneficio, concessit: hinc ubi agitur de Christi divinitate, S. Athanasius; ubi de incarnatione, S. Cyrillus; ubi de prædest. & gratia, S. Augustinus cæteris omnibus sunt præferendi.

## C A P U T III.

### De Ecclesia.

Quæres: **Q**uid sit Ecclesia strictè sumpta?

Resp. Est, cæteris hominum viatorum, & ejusdem fidei Christiana professione, & eorumdem sacramentorum communione adunatus, sub regimine legitimorum Pastorum, ac præcipue Romani Pontificis. De omnibus quæ Ecclesiam spectant agemus distinctis paragraphis.

### S. I. De Membris Ecclesiæ.

Quæres 1. Utrum infideles sint membra Ecclesiæ?

Resp. Negat. Nam eos extra Ecclesiam esse testatur Apostolus 1. Cor. 5. Quid enim mihi, ait, de iis qui foris sunt judicare?

Quæres 2. Utrum Catechumeni sunt in Ecclesia?

Resp. Non sunt. Constat tum ex Ecclesiæ definitione: tum quia per solum baptismum homines aggregantur Ecclesiæ, juxta illud Act. 2. Qui receperunt sermonem ejus, baptizati sunt, & appositæ sunt (utique ad Corpus Christi, quod est Ecclesia) in illa die animæ civiter eris millia. Ergo licet prius crediderint, non sunt in Ecclesiam appositæ, nisi per Baptismum. Hinc C. Florent. ait: Baptismus vitæ spiritualis janua est.

Obijciat 1. Catechumeni possunt salvari; ergo.

Resp. Nego consequ. Quia ad hoc ut quis salvetur, non requiritur absolute, ut actu sit in Ecclesia; sed sufficit; ut in ea sit per sincerum cordis desiderium, nec per eum sit, quis in eam actu per Baptismum ingreditur; taliter autem se habent Catechumeni.

Obijciat 2. Catechumeni habent fidem, & charitatem; ergo, &c.

Resp.



*Resp. Dist. conseq.* Sunt in Ecclesia quoad animam, *conc.* quoad corpus, *nego conseq.* ut ergo quis dicatur esse in Ecclesia, non sufficit, quod habeat esse formale Ecclesiae, sed requiritur praeterea, ut habeat esse materiale, quod quidem positum est in eo quod quis Baptismum actu suscepit.

*Quæres 3. Utrum soli prædestinati sine membra Ecclesiae?*

*Resp. Negat.* Nam reprobi, qui sub legitimis pastoribus fidem exterius profitentur, sunt membra Ecclesiae, ut constat 1. ex Matth. 3. ubi Ecclesia comparatur aræ, quæ habet *paleas igni inextinguibili comburendas*. 2. Matth. 22. comparatur convivio nuptiali, in quo erat qui eiec- tus fuit in tenebras exteriores. 3. Matth. 25. comparatur decem virginibus, inter quas fuerunt quinque fatuæ, quibus sponsus dixit: *Nescio vos*,

*Obijcies 1.* Ecclesia comparatur cum Arca Noe; ergo sicut in Arca Noe non fuerunt, nisi qui salvandi erant ex aquis diluvii, ita & in Ecclesia sunt ii tantum qui sunt prædestinati.

*Resp. Dist. ant.* Quoad aliqua, *conc.* quoad omnia, *nego ant.* in eo ergo stat Ecclesiae cum Arca Noe comparatio, 1. Quod sicut in Arca fuerunt animalia munda & immunda, ita & in Ecclesia sunt boni & mali. 2. Quod sicut nemo salvari potuit extra arcam, ita nemo potest extra Ecclesiam salvari; in hoc stat, nec alia querenda est similitudo.

*Obijcies 2.* Div. August. sæpius docet, reprobos ad Ecclesiam non pertinere; ergo, &c.

*Resp. Dist.* Docet reprobos ad Ecclesiam non pertinere, quoad suum esse finale, quod est status patriæ, *conc.* quoad suum esse formale, quod est charitas; vel corporale, quod est cœtus hominum viatorum eandem fidem sub legitimis pastoribus profitentium, *nego*. D. ergo August. sumit Ecclesiam secundum suum esse finale.

*Quæres 4. Utrum soli iusti sunt membra Ecclesiae?*

*Resp. Negat.* Nam etiam gravissimi peccatores sunt membra Ecclesiae, ut constat 1. Ex figuris Ecclesiae in superiori responsione relatis. . . . 2. Ex eo quod possint ejici ab Ecclesia Matth. 18. & de facto incestuosus Corinthius de Ecclesia ab Apostolo eiec- tus est. 1. Cor. 5. . . . 3. Quia pro peccatoribus specialiter institutum fuit poenitentiae Sacramentum, neque enim Sacramenta nisi pro Ecclesiae membris sunt instituta; ergo.

*Obijcies 1.* Peccatores non pertinent ad Christum, juxta illud Rom. 8. *Qui Spiritum Christi non habet non est ejus*. Ergo.

*Resp. Dist. min.* Non pertinent ad Christum, secundum formam, quæ est charitas, *conc.* secundum materiam, quæ est externa fidei professio, *nego ant.*



*Obijcies 2.* Ecclesia est sancta; ergo . . . .

*Resp.* Est sancta ratione præcipuorum ejus membrorum, doctrinæ, Sacramentorum; &c. *conc.* ratione omnium ejus membrorum, *nego ans.* Porro denominatio fit a nobiliori parte.

*Obijcies 3.* Impii diabolum habent pro patre, Joan. 8. *Vos ex patre diabolo estis*; Ergo non possunt habere Ecclesiam pro matre.

*Resp. Diss. ans.* Impii habent diabolum pro patre, ratione imitationis, *conc.* ratione doctrinæ, *nego ans.* Sic enim omnes, qui sunt in Ecclesia, sunt filii Dei & Ecclesiæ, ejus doctrinam retineant, tamen possunt esse boni & mali.

*Obijcies 4.* D. August. *lib. 5. de Bapt. c. 3.* affirmat malos non pertinere ad Ecclesiam, eo quod Ecclesia sit sine macula & ruga; ergo, &c.

*Resp. Diss. ans.* Ad Ecclesiam triumphantem, *conc.* militantem, *nego ans.* Ita sese explicat D. August. *lib. 2. Retract. cap. 18.*

*Quæres 5.* Utrum hæretici publici & apostate sint membra Ecclesiæ?

*Resp.* Non sunt; nam Innoc. III. *cap. Eriamiter, de Summa Trin.* dicit quod Ecclesia sit fidelium cœtus & societas; atqui hæretici & apostatæ manifesti circa fidem naufragaverunt, ut docet Apostolus, 1. ad Tim. 1. ergo, &c. Hinc de iis C. Nicænum I. *can. 8.* dicit: *Si qui voluerint venire ad Ecclesiam Catholicam ex Novatians (hæreticis publicis), placuit S. Concilio ut ordinentur, & sic maneat in Cleo.* Nemo autem potest venire in Ecclesiam, nisi qui est extra Ecclesiam.

*Obijcies 1.* Juxta parabolam zizaniorum, in eodem agro sunt zizania cum bono semine; atqui per agrum, intelligitur Ecclesia, pro bonum semens intelliguntur Catholici, & per zizania, intelliguntur hæretici; ergo sunt membra Ecclesiæ.

*Resp. Nego min.* Nam per agrum, non intelligitur Ecclesia, sed universus mundus, ut semetipsum interpretatur Christus, dicens: *Ager autem est mundus*, in quo haud dubie multi sunt hæretici.

*Obijcies 2.* Ecclesia non judicat, nec punit qui sunt extra illam, juxta illud 1. Cor. 5. *Quid mihi de iis qui foris sunt judicare?* Atqui Ecclesia judicat & punit hæreticos manifestos; ergo &c.

*Resp. Nego maj.* Nam Ecclesia judicat & punit suos desertores, quia ad eam pertinent ratione Baptismi.

*Obijcies 3.* Hæretici manifesti, 1. retinent characterem Baptismi; 2. Veros Christi generant filios; 3. Habent vera Sacramenta; ergo.

*Resp. Nego conseq.* Nam 1. character Baptismi non sufficit, ut quis sit in Ecclesia, sed insuper requiritur fidei professio sub legitimis Pastoribus . . . . 2. Veros Christi



Christo filios generant, non ex Ecclesia sponsa Christi, sed ex Ecclesie ancilla, quæ ex Sacramentis a Christo institutis filios Christo generat, non secus ac Ecclesia sponsa Christi . . . . . 3. Habeat vera Sacramenta, quæ non a sua societate, sed a vera Ecclesia acceperunt, quæ secum extra Ecclesiam detulerunt, per quæ gratiam consequatur tum infantes, qui hæresi non consentiunt, tum adulti, qui simplici corde veritatem querunt, parati ei adherere, ubi primum eam cognoverint.

Quæres 6. *Utrum Schismatici manifesti sint membra Ecclesie?*

*Resp.* Non sunt: quia Ecclesia est societas membrorum inter se, & cum suo capite; atqui Schismatici publici non sunt pars illius societatis; *Schisma* enim scissuram & separationem significat; ergo &c. Hinc est, quod Ecclesia in die Parasceve, Deum roget *pro schismaticis, ut eos ad sanctam Matrem Ecclesiam Catholicam & Apostolicam revocare dignetur.*

*Obijciat* 1. Schismatici retinent fidem Catholicam; ergo sunt Catholici.

*Resp. Diss. ant.* Retinent fidem Catholicam extra Ecclesiam Catholicam, *conc.* in Ecclesia Catholica, *nego ant.* Sunt ergo separati ab unitate, & sic extra Ecclesiam, *quamvis ea credant quæ credimus*, ait Aug. lib. de Symbolo, cap. 10.

*Obijciat* 2. Schismatici, etsi nolint subesse S. Pontifici, servant communionem cum Christo per fidem & subjectionem; ergo sunt in Ecclesia.

*Resp. Nego ant.* Quia non potest subesse Christo, qui non vult subesse ejus Vicario.

*Obijciat* 3. Qui renuit subesse suo Episcopo, non est extra Ecclesiam, modo velit subesse Romano Pontifici; ergo qui renuit subesse Romano Pontifici, non est extra Ecclesiam, modo velit subesse Christo.

*Resp. Nego ant.* Nam qui a suo Episcopo, summo Pontifici unito & subdito, sese subjungit, ab Ecclesia universali separari necesse est; nam ex D. Thom. 2. 2. q. 39. art. 1. *Schismatici dicuntur, qui subesse renuunt summo Pontifici, & qui membris Ecclesie et subiectis communicare recusant.*

Quæres 7. *Utrum hæretici & schismatici occulti sint membra Ecclesie?*

*Resp.* Sunt, sed imperfecta tantum, & quantum ad corpus visibile. Hoc probat D. Joannes, *Epist. 1. c. 2.* de iis dicens: *Et nunc Anti-Christi multi facti sunt; ex nobis exierunt, sed non erant ex nobis; nam si fuissent ex nobis, mansissent usque nobiscum.* Ergo sunt in Ecclesia, & non sunt; sunt quoad corpus, nam exierunt ex nobis, non potuissent autem exire de Ecclesia, nisi fuissent in illa. Non sunt in Ecclesia secundum animam, nam non erant ex nobis. Postquam D. Augustinus sic interpretatus est



hunc textum, concludit sic: *Sunt in corpore Christi quomodo humores mali.*

*Obijcies:* Ecclesia definitur *societas fidelium*; atqui hæretici o culti non sunt fideles; ergo....

*Resp. Dist.* Non sunt fideles interius, *conc.* exterius, quoad professionem fidei, *nego.* Hoc autem sufficit, ut ad Ecclesiæ corpus pertineant, ut membra arida & mortua, quæ, quandiu non sunt amputata, sunt vera membra.

*Quæres 8. Utrum excommunicati, excommunicatione majori, sint membra Ecclesiæ?*

*Resp.* Non sunt, siue fiat tolerati, siue non, sint: nam 1. Christus, *Matth.* 18. de excommunicatis dicit; *Si Ecclesiam non audierit, sit tibi sicut ethnicus & publicanus*; atqui ethaici non sunt de Ecclesia. . . . 2. Apostolus jubens excommunicare incestuosum Corinthium, ait: *Cur non magis luttum habuistis, ut tollatur de medio vestri*, id est, ut ejiciatur de medio Ecclesiæ, qui hoc opus fecit?

*Obijcies 1.* Excommunicatio est essentialiter poena medicinalis; atqui non esset talis, si Christianum ab Ecclesia penitus ejiceret; ergo.

*Resp. Dist. min.* Si ejiceret in perpetuum & sine spe redditus, *conc.* ad tempus, nempe, donec a contumacia recedat, *nego.* Nam Ecclesia, hac medicinali poena, cupit delinquentem humiliari, & humiliatum in suum corpus iterum redire.

*Obijcies 2.* Excommunicati tolerati valide Sacramenta administrare possunt, ut constat ex Bulla, *Ad evitanda*; ergo non sunt ab Ecclesia penitus exclusi.

*Resp. Dist. conseq.* Non sunt penitus exclusi, quantum ad jurisdictionem, quæ ipsis in gratiam fidelium conceditur, *conc.* quantum ad bonorum communium participationem, *nego*; hoc enim sensu sunt penitus exclusi.

## § II. De notis Ecclesiæ.

*Quæres 1. Quid sint notæ Ecclesiæ?*

*Resp.* Sunt certæ, atque indubitata quædam signa sensibilia, per quæ vera Christi Ecclesia discerni potest a falsis hæreticorum & schismaticorum sectis, quæ sese Christianas immerito nuncupant.

*Quæres 2. Quales debent esse notæ veræ Ecclesiæ?*

*Resp.* Debeat esse, 1. *propria*, ita ut omnes collesive sumptæ alteri societati convenire non possint, alioquin non possent veram Ecclesiam designare. 2. Debeat esse *notiores ipsa Ecclesia*; alioquin non essent verum medium ad demonstrandam veram Ecclesiam. 3. Debeat esse sensibiles, ut omnes facile cognoscere possint veram Ecclesiam. 4. Debeat esse *inseparabiles a veræ Ecclesiæ*, alioquin certam notitiam parere non possunt.

Quæ-



Quæres 3. Quot sint notæ veræ Ecclesiæ?

Resp. Quatuor a Conc. Constantinopolitano recensentur, his verbis: *Credo . . . Unam, Sanctam, Catholicam, & Apostolicam Ecclesiam*, ad quas omnes aliæ notæ, a diversis auctoribus traditæ, facile revocari possunt.

Quæres 4. In quibus posita est unitas, quæ desideratur in Ecclesiâ?

Resp. In tribus: nimirum, 1. in ejusdem fidei confessione, nam *unus Deus, una Fides, unum Baptisma*. 2. In eorundem Sacramentorum participatione; unde si plus, aut minus admittantur, quam admittit Ecclesiâ, non est unitas. 3. In eodem ubique terrarum regimine sub Pastoribus & Apostolis continua successione ordinatis, atque Romano Pontifici subordinatis.

Quæres 5. Utrum Ecclesiâ sit una?

Resp. Affirm. Quia in Scriptura vocatur, *unum corpus*. Ephes. 4. *unum ovile*, Joan. 10. una sponsa sub unius columbæ figura, *una est columba mea* . . . Hinc Patres comparant Ecclesiam cum Arca Noe, cum veste Christi inconfutiles, cum domo, in qua Agnus Paschalis comederetur: atqui una fuit Arca Noe, una vestis Christi, una domus, &c.

Resolves: Extra Ecclesiam, cum sit una, meminim posse salvari; unde de hæreticis & schismaticis D. Cyprian. *Epist. 62. ad Pomponium*, ait: *Negue enim vivere foris possunt, cum domus Dei una sit, & nemini salus esse, nisi in Ecclesiâ, possit*.

Quæres 6. Quodnam est contrarium unitatis Ecclesiæ?

Resp. Est Sedes Romana: quia jure divino habet primatum in universa Ecclesiâ; unde S. Irenæus, 1. *adversus hæreses*, c. 3. ait: *Ad hanc Ecclesiam Romanam, propter potiorem principalitatem, necesse est omnem convenire Ecclesiam, hoc est, eos qui sunt undique fideles*.

Quæres 7. Utrum Ecclesiâ Romana sit sancta?

Resp. Affirm. Nam sanctitas, quæ veræ Ecclesiæ est nota, in tribus potissimum posita est: nempe, 1. in sanctitate fundatorum. 2. In sanctitate doctrinæ & professionis. 3. In sanctitate præcipuorum membrorum; atqui Ecclesiâ Romana 1. pro fundatoribus agnoscit viros sanctitate insignes, nimirum Apostolos, & Apostolicos viros, qui miraculis & sanctitate clari, martyrium pro Christo & Ecclesiâ subierunt. 2. Fidem sanctam, hoc est, integram, & sanctas morum regulas proficitur. 3. Præcipua ejus membra sunt sancta, in illis nimirum regnat charitas illa, quæ diffusa est in cordibus eorum per Spiritum sanctum qui datus est nobis; ergo.

Obijcies: Ecclesiâ Romana identidem indiget reformatione; ergo non est sancta.

Resp. Diss. Indiget reformatione quoad disciplinam, quæ sæpius in non paucis languescit, cons. quoad fidem



fidem & mores, nego : nam Ecclesia Romana semper retinuit doctrinam, quam ab Apostolis recepit.

Quæres 8. *Vera Ecclesia Christi estne Catholica?*

*Resp. Affirm.* Est enim per totum orbem diffusa. Unde D. Aug. *lib. de vera Relig. cap. 7.* sic loquitur : *Tenenda est nobis Christiana Religio, & ejus Ecclesia communicatio, quæ Catholica est, & Catholica nominatur.*

Quæres 9. *Cuinam Ecclesia convenit Catholica nomen?*

*Resp.* Soli Ecclesie Romanæ : quia sola Ecclesia Romana per totum orbem est diffusa, eminet enim in Europa, Asia, Africa, & America; ergo.

*Obijciat :* Multæ sunt orbis Provinciæ, in quibus Ecclesia Romana non reperitur ; ergo non est ubique diffusa.

*Resp. Dist. conseq.* Non est ubique diffusa physice ; *consc.* naturaliter, *nego.* Porro ad Ecclesie catholicitatem, sufficit diffusio moralis, quæ in hoc consistit, ut Ecclesia, quæ dicitur Catholica, in præcipuis orbis partibus ita emineat, ut diffusior sit qualibet alia secta seorsim sumpta, nec sicut sectæ particulares quibusdam provinciis, aut regnis coarctetur, talis est autem sola Ecclesia Romana : ergo.

Quæres 10. *Utrum vera Christi Ecclesia sit Apostolica?*

*Resp. Affirm.* Quia docet doctrinam ab Apostolis tum scripto, tum viva voce traditam : atque regitur a successoribus Apostolorum ; ergo.

Quæres 11. *Quenam Ecclesia sit Apostolica?*

*Resp.* Sola Romana Ecclesia : nam 1. Ip̃a sola est ; quæ proficitur doctrinam quam Apostoli tradiderunt : nec enim ullus Ecclesie Romanæ novitatem in aliquo dogmate potest obijcere ; cum omnium suorum dogmatum antiquitatem, legitima præscriptione demonstrat : cum econtra sectæ hæreticorum novitatis in doctrina facili negotio convincantur ab Ecclesia Romana, quæ evidenter probat, a quibus, quo tempore, in quo loco, falsa eorum dogmata inuenta fuerunt.

2. Sola est, quæ est Apostolica secundum auctoritatem : sola enim est, cujus Pastores successionem non interrupta ab Apostolis, immediate, vel mediate ordinati & missi fuerunt ; unde D. Augustinus. *lib. contra Episc. Fundam. cap. 4* ait : *Tenes me in Ecclesia Catholica ab ipsa Sede Petri Apostoli . . . usque ad præsentem Episcopatum, successio Sacerdotum.* Cum econtra aliarum societatum ministri ostendere non possint quibus successerint, de quibus D. Cyprianus. *lib. de unit. Eccles. dicit :* *Hi sunt qui se prepositos, sine ulla ordinationis lege, constituunt, qui nemine Episcoporum dante, Episcopi sibi nomen assumunt.*

*Obijciat :* Auctores Ecclesiarum reformatarum habuerunt missionem extraordinariam, qua a Deo immediate



te auctoritatem acceperunt reformandi Ecclesiam : ergo Ecclesiæ reformatæ sunt Apostolicæ.

*Resp. Nego ant.* Nam missio extraordinaria, si quæ foret, miraculis confirmari deberet, ut suam Apostoli & Christus ipse confirmarunt ; atqui Auctores Ecclesiarum pseudo-reformatarum, nullis miraculis se a Deo extraordinarie ad reformandam Ecclesiam missos probarunt ; ergo.

*Inß.* Rapidissima tot populorum conversio, qui intra brevissimum tempus reformationem amplexi sunt, est maximum miraculum, ergo.

*Resp. Nego ant.* Neque enim opus est miraculo, ut quis, relicto austeriore vivendi modo, amplectatur eum qui omnibus cupiditatibus favet, quique vi & armis propugnatus est. Escontra maximum esse miraculum, quod tota Christianitas ad Calvinismum & Lutheranismum non defecerit, nemo non videt.

### §. III. De proprietatibus Ecclesiæ.

Quæres 1. *Utrum vera Ecclesia sit visibilis?* hoc sensu quod inter alias sectas per totum orbem singulari quadam ac eminenti perspicuitate omnium oculis præfulgeat?

*Resp. Affirm. & prob. 1.* Ex figuris quibus Ecclesia comparatur : nempe, *Matth. 5.* comparatur civitati supra montem positæ ; *Psalms. 18.* comparatur soli ; *Marci 4.* comparatur lucernæ in candelabro positæ ; atqui omnes illæ figuræ, sunt visibiles ; ergo . . . . . *Prob. 2.* Quia Ecclesia debet regi ab Episcopis . Si quis per schisma aut hæresim ab Ecclesia discesserit, ad ipsam redire tenetur ; atqui neutrum fieri potest, si Ecclesia non sit visibilis ; ergo, &c.

*Obijciat 1.* Ecclesia creditur ; ergo non est visibilis . . . . . *Resp.* in Ecclesia unum videtur, nempe cœtus hominum Christi fidem sub legitimis Pastoribus profitentium : & aliud creditur, nempe illum cœtum esse veram Christi Ecclesiam.

*Obijciat 2.* Apostolus, *Hebr. 12.* scribit Ecclesiam non esse montem tractabilem ; ergo, &c. . . . . *Resp.* Apostolus loquitur de Ecclesia in cœlis triumphante : unde subdit : *Et millium Angelorum frequentiam, & Ecclesiam primitivorum qui conscripti sunt in cælis.*

Quæres 2. *Utrum Ecclesia visibilis sit indefectibilis?*  
*Resp. Affirm.* Nam 1. dicitur civitas, quam Deus fundavit in æternum. *Psalms. 74.* . . . . 2. Dicitur Regnum quod in æternum non dissipabitur. *Daniel. 2.* Tandem, *Matth. 16.* Christus dixit : Tu es Petrus, & super hanc petram ædificabo Ecclesiam meam, & portæ inferi non prævalebunt adversus eam ; prævalerent autem, si posset deficere ; ergo. Hinc Aug. contra Donatistas, qui hoc dogma negabant, ait : *Non vinqueat Ecclesia,*



non eradicabitur, nec cedes quibuslibet tentationibus, donec veniat hujus seculi finis.

*Obijcies 1.* Ecclesia defecit tempore Eliæ, qui, 3. Reg. 19. ait: *Dereliquerunt possum tuum filii Israel, altaria tua destruxerunt . . . . derelictus sum ego solus.*

*Resp. Nego ant.* Nam Eliæ querenti, *Derelictus sum ego solus*, respondit Deus: *Derelinquam septem millia virorum in Israel, quorum genus non sunt incurvata ante Baal.* Præterea tempore schismatis decem tribuum remanserunt fideles Domino tribus Juda & Benjamin, quibus se adjunxit integra tribus Levi, in quibus visibiliter remansit vera Dei Ecclesia.

*Obijcies 2.* Tempore Ariarum visibiliter defecit Ecclesia, Tunc, ait D. Hieron. dialogo contra Luciferianos, *Nicæna fidei damnatio conclamata est.*

*Resp.* Conclamata est, non quidem a Patribus Concilii Ariminensis, sed a Valente & Ursacio Episcopis Arianis, qui post dissolutionem Concilii experunt palmas suas jactare, dicentes, *se filium non creaturam negasse, sed similem ceteris creaturis.*

*Inst.* Addit D. Hieron. *Ingemuit totus orbis & Ariarum se esse miratus est.* Ergo, &c. . . . *Resp.* Miratus est se esse Ariarum apparenter, conc. in rei veritate, nego. Nam Patres Ariminenses, non nisi Ariarum delis decepti, consenserunt suppressioni vocis, omnesque, vasi nihil periculi esse, nec curandum de vocabulo, cum sensus esset in tuto, ait D. Hieron. & ideo detectis Ariarum fraudibus, reclamationum, dicentes: *Putavimus sensum congruere cum verbis . . . . decepit nos bona de malis existimatio, &c.* ita refert D. Hieron.

*Obijcies 3.* Apostolus 2. ad Thessal. 2. prædixit generalem apostasiam futuram in Ecclesiam tempore Antichristi; ergo . . . *Resp. nego.* Nam Matth. 24. dicitur: *Propter electos breviantur dies illi.* Ergo erunt tunc veri Dei cultores.

*Quæres 3.* Quinam est supremus controversiarum fidei Judex?

*Resp.* Est sola Ecclesia docens; id est, corpus Episcoporum Romano Pontifici adherentium. His enim, & non aliis, dictum est: *Euntes docete omnes gentes*, Matth. ult. his, & non aliis Christus promissit specialem assistentiam ad recte docendum, dicens: *Ecco ego vobiscum sum usque ad consummationem seculi . . . .* Hinc Apostoli constanter affirmant sibi ita commissum esse Evangelium, ut non nisi ab ipsis querendum sit: *Probati sumus a Deo, ut nobis traderetur Evangelium*, ait Apost. 1. Thessalens.

*Quæres 4.* Verum Ecclesia, per totum orbem dispersa, sit infallibilis in definiendis fidei & morum controversiis?

*Resp. Affirm.* Quia hanc infallibilitatem Christus Ecclesiae promissit, 1. Quando Matth. 16. dixit: *Tu es Petrus, & su-*



Et super hanc petram edificabo Ecclesiam meam, & portæ inferi non prævalebunt adversus eam. Atqui si non esset infallibilis, portæ inferi prævalerent adversus eam. . . . 2. Quando Matth. ult. dixit: *Ite docete omnes gentes . . . docentes eos servare omnia quaecumque mandavi vobis*, & ecce ego vobiscum sum usque ad consummationem sæculi. Ergo Ecclesiæ Pastoribus promissit specialem, ac perpetuam assistentiam, ne quid falsum docerent; ergo.

*Obijciat*: Singuli Episcopi, seorsim sumpti, sunt fallibiles, ergo & omnes simul sumpti; nam valet illatio a sensu distributivo ad collectivum. . . . *Resp. Dist.* Valet illatio a distributivo ad collectivum, quando collectio non plus habet, quam distributio, *conc.* quando collectio aliquid habet, saltem ab extrinseco, quod non habet distributio, *nego*. Porro Christus infallibilitatem promissit collectioni Episcoporum, non singulis Episcopis seorsim sumptis.

\* *Quæres 5. Utrum Ecclesiæ iudicium, de sensu librorum & propositionum definitentis, sit infallibile?*

*Resp. Affirm.* Nam Ecclesia est infallibilis in his quæ ad fidem pertinent, ut fide constat; atqui iudicium de sensu orthodoxo, vel heterodoxo librorum, ad fidem pertinet. Ergo. *Prob. min.* Tum ex D. Leone, qui in sua ad Synodum Chalcedonensem Epistola, asserit: *Pertinere ad puritatem fidei atque doctrinæ, damnare hæreses cum suis autoribus*. Tum quia sine infallibili Ecclesiæ iudicio de sensu librorum, fides illibata custodiri non potest, nec defendi: (cum sine eo, nec SS. Patrum libros, in quibus fides traditur, approbare; nec hæreticorum scripta, in quibus evertitur, reprobare possit) ergo cum sit de munere Ecclesiæ, fidem custodire illibatam, eamque contra omnes novitates defendere, ejus de sensu librorum iudicium pertinet ad fidem. . . . Hinc Concilium generale V. tria capitula sub anathematibus poena damnans, declarat se ea damnare virtute horum verborum: *Portæ inferi non prævalebunt adversus eam, & sponsabo se mihi in fide*. Quibus Christus promissit Ecclesiæ infallibilem in rebus religionis auctoritatem.

*Obijciat*: Quæstio de sensu librorum est quæstio facti; atqui Ecclesia non est infallibilis in quæstionibus facti; ergo.

*Resp. Dist. maj.* Est quæstio facti dogmatici, id est, facti dogmate permixti, *conc.* facti particularis, seu personalis; *nego maj.* atqui Ecclesia non est infallibilis in quæstionibus facti particularis, *conc.* pendet enim a testimonio hominum fallaci. In quæstionibus facti dogmatici, *nego min.* iudicium enim Ecclesiæ de facto dogmatico, non pendet ex testimoniis hominum, sed ex collatione doctrinæ in libris contentæ cum Scriptura & traditione, quæ sunt certæ fidei regulæ.



*Inst.* Multi Episcopi diu V. Concilio resisterunt, & damnationem trium capitulorum rejecerunt; ergo senserunt iudicium Ecclesie de factis dogmaticis non esse infallibile.

*Resp. Dist. ant.* Damnationem trium capitulorum rejecerunt, eo quod crederent Ecclesiam falli posse in suo de textibus dogmaticis iudicio, *nego ant.* eo quod falso & ex errore crediderint tria capita in Concilio Chalcedonensi approbata fuisse, & Concilium V. non esse generale, *conc. antec.* unde illi Episcopi tanquam schismatici habiti sunt ab Ecclesia, nec ad ejus communionem fuerunt admissi, nisi postquam tria capita damna- runt, & Concil. V. ut legitimum & generale susceperunt.

#### C A P U T IV.

##### De Romano Pontifice.

Quætes 1. **U**trum D. Petrus acceperit a Christo primatum in universa Ecclesia?

*Resp.* Accepit, non solum supra fideles, sed & supra alios Apostolos. Nam 1. Constitutus est fundamentum Ecclesie, Matth. 16. *Tu es Petrus, & super hanc petram edificabo Ecclesiam meam.* . . . 2. Accepit claves regni cælorum, *Tibi dabo claves regni cælorum*, ibidem: nomine autem clavium intelligitur primatus & suprema potestas. . . . 3. Constitutus est Pastor, non solum fide- lium, sed & omnium Pastorum: Joan. 21. *Pasce agnos meos*, id est, fideles: *pasce oves meas*, id est, Pastores. Ergo, &c. Quare D. Hieron. l. 1. ad Jovinian. ait: *Inter duodecim unus eligitur, ut capite constituto schismatis tolleretur occasio.*

Quætes 2. Quinam D. Petro succedit in universali primatu Ecclesie?

*Resp.* Romanus Pontifex; quia tenet Cathedram in qua Petrus sedit & mortuus est, ut testantur Eusebius in chronico annorum 44. & 71. D. Hieron. de viris illustribus in Petro, Paulus Orosius, l. 7. *histor.* c. 6. & alii omnes scriptores Ecclesiastici fide dignissimi. . . . Hoc dogma de fide definitum est in Concilio Nicæno l. can. 6. *Ecclesia Romana semper habuit primatum.* Chalced. Act. 16. Patres clamant: *Perpendimus omnem quidem primatum & honorem præcipuum secundum Canones anti- quæ Romæ Dei amantissimo Archiepiscopo conservari.* Florentino, in quo sic definitur sess. 6. *Definimus san- ctam Apostolicam sedem, & Romanum Pontificem in universum orbem tenere primatum, & ipsum Romanum Pontificem, successorem esse B. Petri Principis Aposto- lorum, & verum Christi Vicarium, totiusque Ecclesie caput, & omnium Christianorum patrem ac doctorem ex- istere, & ipsi B. Petro pascendi, & gubernandi universam Ec-*



*Ecclesiam a Domino nostro J. C. plenam potestatem traditam esse, quemadmodum etiam in gestis oecumenicorum Conciliorum, & in sacris canonibus continetur.*

Hinc Clerus Gallicanus in comitiis generalibus anni 1681. hanc de Rom. Pontifice edidit declarationem; *Caput est Ecclesie, centrum unitatis: obtinet ille in nos primatum auctoritatis & jurisdictionis sibi a Christo Jesu in persona sancti Petri collatum: qui ab hac veritate dissentiret, schismaticus, imo & hereticus esset.*

*Obijcies 1. Primatus totius Ecclesie fuit privilegium personale Petri; ergo non transit ad ejus successores.*

*Resp. Dist. ant.* Fuit privilegium personale Petri cum potestate, ipsi a Christo facta, illud alligandi ad aliquem determinatum locum, *conc.* sine tali potestate, *neg.* Itaque primatus Petro primum collatus est sine alligatione ad aliquem locum, sed cum potestate illum postea sic ad aliquem locum particularem alligandi; & cum Petrus, ex speciali Dei inspiratione & jussu, sedem Romae ultimo fixerit, illiusque Episcopus mortuus fuerit, inde factum est, ut Romanus Episcopus succedat Petro in omni potestate quam Petrus pro se, & pro suis successoribus, a Christo accepit.

*Obijcies 2. Ex facto Petri sedem Romae figentis ortum est, quod Romanus Episcopus, potius quam alter, succedat Petro in primatu totius Ecclesie; ergo jure humano, non divino, succedit in primatu.*

*Resp. Dist. ant.* Ut succedat in primatu, quoad ordinem successionis, *conced.* quoad ipsam successionem, *neg.* *ant.* nam ut observat Bellarm. lib. 2. de Rom. Pontifice, cap. 12. Aliud est successio, aliud ordo successionis: nam successio Rom. Pontificis in Pontificatum Petri ex instituto Christi est; vario autem successionis, qua Rom. Pontifex, potius quam Antiochenus, aut aliquis alius, succedat, ex facto Petri ortum habuit, non ex prima Christi institutione. Nam potuisses Petrus nullam sedem particularem sibi unquam eligere, sicut fecit quinquaginta primis annis, & tunc moriente Petro, non Episcopus Romanus, neque Antiochenus successisset, sed is quem Ecclesia sibi elegisset; potuisses quoque semper manere Antiochia, & tunc Antiochenus sine dubio successisset; quia vero Roma sedem fixit & tenuit usque ad mortem, inde factum est, ut Rom. Pontifex ei succedat.

*Inst.* Primatus a canonibus Rom. Pontifici est delatus, nam sic ait can. 28. Concilii Chalced. Antiquae Romae throno, quod Urbs illa imperaret, jure Patres privilegia contulerunt. Ergo jure humano primatus competit Rom. Pontifici.

*Resp. Nego ant.* Conc. enim Chalcedonense nullum novum privilegium Rom. Pontifici tribuit, sed privilegia ei a Christo collata declaravit & definivit, quomodo Conc.



Conc. Nicæum definivit Christum esse consubstantialem Patri, ut docet D. Thom. opusculo contra impugnantes religionem: *Ecclesia Romana nullis Synodicis constituta, ceteris Ecclesiis prelatæ est, sed Evangelica voce Domini & Salvatoris nostri primatum obtinuit.*

## C A P U T V.

*De Conciliis in genere & in particulari.*

### §. I. De Conciliis in genere.

Quæres 1. *Quid est Concilium?*

*Resp.* Definitur: *Congregatio Prælatorum Ecclesiæ legitimæ auctoritate convocatorum, ad tractandum de rebus Ecclesiæ gravioribus, quales sunt res fidei, morum, & disciplinæ.*

Quæres 2. *Quot sunt Conciliorum genera?*

*Resp.* Quatuor, generale nimirum, quod universam representat Ecclesiam, & quod œcumenicum vocatur, quando convocatione, celebratione, & exitu legitimum est: *Nationale*; quod regni alicujus; *Provinciale*, quod alicujus Provinciæ, & *Dioecesanum*, quod cujusdam Dioecesis particularis representat Ecclesiam.

Quæres 3. *Cujusnam est Concilium generale convocare?*

*Resp.* Est summi Pontificis, cui soli competit potestas ordinaria convocandi Concilia generalia. Ita ut nisi Concilium ab ipso, vel ab alio de ejus consensu & auctoritate convocetur; aut saltem nisi convocatio, ab alio facta, ab ipso rata habeatur, non possit esse Concilium generale & œcumenicum. . . . *Ratio est*, quia solus est universalis Ecclesiæ caput, Pastor & Princeps, cui soli dictum est Joan. 21. *Pasce agnos meos, pasce oves meas.* Hæc veritas in Concil. Nicæno I. can. 1. definita est his verbis: *Non debent præter sententiam Rom. Pontificis Concilia celebrari.*

*Obijcies* 1. Ostio priora Concilia generalia, non a Rom. Pontificibus, sed ab Imperatoribus fuerunt convocata, & tamen habentur ut legitima & œcumenica; ergo, &c.

*Resp. Dist. ant.* Fuerunt convocata ab Imperatoribus, auctoritate & consensu Roman. Pontificum, a quibus erant rogati, *cons.* proprio suo nomine & auctoritate, *nego.* Tali porro usi sunt œconomia Romani Pontifices, quia sine Imperatorum auxilio non potuissent Episcopos congregare: 1. Quia Legibus imperii cautum erat, metu seditionum, ne, citra Imperatoris auctoritatem, ullus fieri posset hominum conventus. 2. Quia Patres ad Concilium concurrenter indigebant Imperatorum auxilio tam pro securitate itineris, quam pro sumptibus necessariis, quos



quos Imperatores Episcopis, utpote pauperibus, debebant suppeditare.

*Obijciat* 2. Possunt dari casus, in quibus convocatio Concilii generalis est necessaria, v. g. si plures de Papatu contendant, nec ullus velit cedere, nec Concilium convocare; ergo non soli Romano Pontifici competit potestas convocandi Concil. generalia.

*Resp. Dist. conseq.* Non soli Rom. Pontifici competit potestas ordinaria, nego. Extraordinaria, conc. porro casus allegatus est extraordinarius, in quo fatemur posse absque consensu Papæ congregari Concilium, vel per Cardinales, qui sede vacante Ecclesiam Romanam moderantur, vel per Episcopos, motu proprio in unum convenientes, & ideo dixi in responsione: *Potestas ordinaria.*

*Quæres* 4. *Quinam sint ad Concilia vocandi?*

*Resp.* Episcopi, qui soli, *de jure*, habent in Conciliis jus suffragii decisivi tamquam iudices fidei; quia iis solis dictum est Act. 20. *Attendite vobis & universo gregi, in quo vos Spiritus sanctus posuit Episcopos regere Ecclesiam Dei*; ergo ad eos soles pertinet munus pascendi & regendi Ecclesiam. Unde soli in Conciliis subscribunt his verbis: *Ego N. Episcopus definiens subscripsi.*

Dixi in *resp. de jure*: quia de consuetudine vocantur, 1. Cardinales, Generales Ordinum, & aliqui Abbates, quibus ex privilegio S. Pontificis conceditur suffragium decisivum. . . 2. Theologi & Jurisperiti, sed tantum ut consultores, . . . 3. Imperator, Reges & Principes, sed tantum ut Concilii defensores.

*Obijciat*: In Concilio Apostolorum, Act. 15. dicitur: *Convenerunt Apostoli & Seniores videre de verbo hoc.* Atqui per id, *Seniores*, intelliguntur ætate provectiores; ergo, &c.

*Resp. Nego min.* Nam per id *Seniores*, intelligi debent *Presbyteri*; sic enim vertunt translatio ex Syriaco, & translatio Erasmi permissa. Et quamvis non sit certum, an Presbyteri illi fuerint simplices Sacerdotes, an Episcopi, probabile tamen est quod fuerint Episcopi; nomen enim, *Presbyter*, sumitur pro Episcopo, sic 1. Petri, *cap. ult.* dicitur: *Seniores ergo, qui in vobis sunt, obsecro consenior.* Quod si fuerint simplices Sacerdotes, convenerunt ut consultores ad discutiendam controversiam, juxta illud: *Cum magna disquisitione fieret*; sed nullo modo apparet quod Laici fuerint vocati.

*Insp.* Causa fidei & morum pertinet ad omnes fideles; ergo ab omnibus tractanda est. . . . *Resp.* Pertinet ad omnes fideles, sed diverso modo, nam pertinet ad Episcopos ut iudices; ad alios fideles ut discipulos; Episcoporum ergo est definire & docere, fidelium vero definiētes audire, & res ab eis definitas credere.

Quæ



Quæres 5. *Quid requiritur ad legitimam Conciliorum generalium celebrationem?*

*Resp.* Requiritur & sufficit 1. ut convocatio sit generalis; ita ut omnibus majoribus Ecclesiæ Provinciis imnotescat. 2. Ut nullus Episcopus excludatur, nisi sit excommunicatus 3. Ut ex majori parte Provinciarum Ecclesiæ, aliqui adveniant qui cæterorum vota & vices suppleant; ita tamen ut si Concilium celebretur in Oriente, sufficiat multos ex Provinciis Orientis convenire, & aliquos ex Provinciis Occidentis; si autem celebretur in Occidente, sufficit si multi ex Provinciis Occidentis adveniant, & aliqui ex Oriente, qui cæteros repræsentent.

Quæres 6. *Quisnam debet generalibus Conciliis præesse?*

*Resp.* Summus Pontifex, vel per se, vel per Legatos, quibus partes suas commiserit. Nam 1. Solus ex institutione divina primatum obtinet in universa Ecclesia. 2. SS. Pontifices præfuerunt omnibus Conciliis generalibus, quæ hucusque habita sunt, excepto secundo, quod œcumenicum non evasit, nisi quia S. P. Damasus illud approbavit & confirmavit.

*Obijcies:* Constantinus Pogonatus præfedit Concilio VI. nam initio actionum ejus legitur: *Præsidentis eodem piissimo . . . . . Imperatore Constantino;* ergo, &c.

*Resp. Dist.* Præsedit præfidentia honoraria, non vero præfidentia auctoritativa.

Quæres 7. *Quid requiritur ad legitimum Concilii exitum?*

*Resp.* Quatuor; 1. Ut Episcopi convocati habeant suffragiorum libertatem . . . 2. Ut nullus a Concilio excludatur qui audiri voluerit . . . 3. Ut adhibeatur humana diligentia in inquirenda veritate, quia cum Episcopis in Concilio congregatis non fiat nova relatio, debent in purissimis Scripturæ & traditionibus fontibus detegere quæ habent fidelibus proponenda; ad hoc autem requiruntur studium, collationes, disputationes, &c. . . . 4. Ut Concil. approbetur & confirmetur a Rom. Pontifice, juxta cap. *Significasti*, de elect. ubi dicitur: *Omnia Concilia per Romanæ Ecclesiæ auctoritatem robur accepisse.*

Quæres 8. *Utrum Concilium generale perfecte œcumenicum sit infallibile in fidei & morum controversiis definiendis?*

*Resp. Affirm.* 1. Quia universam repræsentat Ecclesiam, quæ in controversiis de fide & moribus est infallibilis, cum sit *columna & firmamentum veritatis*. . . . 2. Quia definitio Concilii est ipsamet definitio Spiritus sancti, juxta illud in Concilio Jerosolymitano assertum, Act. 15. *Vidum est Spiritui sancto & nobis*. . . 3. Idem  
etiam



etiam probatur ex perpetua traditione & sensu Ecclesiæ; quæ Conciliorum œcumenicorum definitiones ut infallibiles & irreformabiles semper venerata est, quæque prohibuit quotquot eorum definitionibus contradixerunt.

*Obijcies 1. D. August. l. 3. contra Maximinum, ait: Nec ego Nicanum, nec tu debes Ariminense, tamquam præjudicaturus, proferre Concilium; nec ego hujus auctoritate, nec tu illius detineris: ergo, &c.*

*Resp. Nego consequ. Ideo enim sic loquitur D. August. quia Maximinus rejiciebat Concilium Nicanum ut illegitimum, & admittebat Ariminense, quod D. August. rejiciebat; ergo in cassum laborassent citando utrumque illud Concilium.*

*Inst. D. August. l. 1. de Bapt. c. 5. asserit, Plenaria Concilia a posterioribus emendari posse. Ergo... Resp. Dist. In iis quæ sunt facti aut disciplinæ, contr. in controversiis fidei & morum, nego.*

*Obijcies 2. D. Gregor. Nazianz. Epist. 55. ad Procop. asserit: Se nullius Concilii finem læsum & falsum vidisse; ergo... Resp. Loquitur de Conciliis particularibus, in quibus Ariana factio prævaluerat.*

*Quæres 9. Utrum Concilia particularia, nationalia, nempe, & provincialia, sint infallibilia?*

*Resp. Non sunt infallibilia de se, ut constat ex Concilio Carthaginensi, in quo 80. Episcopi, sub D. Cypriano congregati, erronee definierunt, Baptismum ab hæreticis datum, esse invalidum... Si tamen S. Pontificis approbatione & accessu, ac Ecclesiæ universæ applausu sint firmata, sunt infallibilia; quia firmanatur infallibili Ecclesiæ auctoritate.*

*Quæres 10. Utrum Concilia generalia sint absolute & in omni eventu necessaria?*

*Resp. Negas. Nam varix hæreses absque Conciliis generalibus fuerunt damnatæ, varia schismata extincta, tum ab Ecclesia dispersa, tum a SS. Pontificibus; tum a Conciliis particularibus S. Pontificis auctoritate roboratis.*

*Quæres 11. An saltem in aliquibus casibus Concilia generalia sint quodammodo absolute necessaria?*

*Resp. Affir. Quia sine Concilio generali aliquoties, neque finis imponi controversiis, neque hæreses efficaciter confutari, neque decreta fidei & morum convenienter determinari possunt; ergo quandoque Concilia generalia sunt quodammodo absolute necessaria, ut veritas investigaretur, inventa stabiliretur, omnisque contradictio occasio præriperetur, ait Nilus Thessalonicensis, l. 1. de primatu Papæ.*

*Quæres 12. In quibus casibus Concilii generalis celebratio est quodammodo absolute necessaria?*

*Resp. Sunt tres. Primus, est hæresis nova, non quæ-*

en.



cumque, sed ea quæ a pluribus, iisque insignibus Ecclesiis propugnata, suo veneno potest magnos inficere populos. . . . *Secundus*, est schisma inter duos, vel plures de Papatu contententes. . . . *Tertius*, est reformatio generalis abusu, qui in Ecclesiam irreperunt.

§. II. De Conciliis generalibus in specie.

Quæres 1. Quot sunt Concilia Apostolorum certa?

*Resp.* Sunt tria Jerosolymis habita. 1. Ad eligendum aliquem in locum Judæ proditoris. 2. Ad eligendos septem Diaconos. 3. Pro dirimenda controversia Antiochiæ orta de Circumcisione, aliisque legalibus ceremoniis servandis a gentilibus ad Christum conversis.

Quæres 2. Quodnam est Concilium generale primum post tempora Apostolorum celebratum?

*Resp.* Est *Nicænum I.* a S. Sylvestro sub Constantino magno convocatum anno 325 in quo definitum est. . . . 1. Contra Arium, Verbum esse Deum, & ejusdem essentiae cum Patre. . . . 2. Pascha debere celebrari die Dominica, quæ occurret post 14. Lunam Martii, contra Quatuordecimanos, qui asserbant Pascha debere celebrari 14. Luna Martii more Judæorum. . . . 3. Extinctum fuit schisma quod Meletius conslaverat contra Ecclesiam Alexandrinam. . . . 4. In hoc Concilio conditi sunt *Canones 20.* pro disciplina ecclesiastica restauranda.

Hoc Concilium est perfecte *œcumenicum*, sicut & Concilium *Sardicense*, quod *Nicæno I.* adjungitur tanquam illius appendix, quia in eo nihil de novo fuit constitutum, sed solum fides *Nicæna* confirmata. *Primum*, fuit approbatum a S. Sylvestro. *Secundum* a Julio I.

Quæres 3. Quodnam est Concilium generale secundum?

*Resp.* Est *Constantinopolitanum I.* a Theodosio seniore, annuente Damaso Papa, congregatum, anno 381. in quo definitum est, contra Macedonium, Spiritum sanctum esse Deum cum Patre & Filio adorandum.

Licet hoc Concilium, convocatione non fuerit generale, cum ad illud Occidentales Episcopi non fuerint vocati, evasit tamen generale *œcumenicum*, quando Damasus Papa illius decreta, ad se missa, approbavit, ac ei, cum suo Rom. Concilio, accessit.

Quæres 4. Quodnam est Concilium generale tertium?

*Resp.* Est *Ephesinum*, a Theodosio juniore, annuente S. Papa Celestino I. congregatum, anno 431. in quo definitum est, contra Nestorium, unam tantum esse in Christo personam Verbi, ac proinde Mariam vere dici, ac esse Dei-param. . . . Hoc Concilium est perfecte *œcumenicum*, a S. Celestino approbatum.

Quæres 5. Quodnam est Concil. generale quartum?

*Resp.* Est *Chalcedonense*, anno 451. a S. Leone magno,



gno, Marciano imperante, convocatum, in eo 1. Dioscorus fuit depositus, eo quod in Concilio Ephesino II. praesidentiam Legatis Rom. Pontificis demegaverit, eamque usurpaverit.... 2. Latrocinii Ephesini (sic vocatur Concil. Ephesinum II.) acta fuerunt reprobata.... 3. Definitum est, contra Eutychem in Christo duas naturas *inconfuse, incommunicabiliter, indivise, inseparabiliter, in unam personam atque substantiam concurrere*.... 4. Theodoretus Cyrensis & Ibas Edesseus, qui in Conciliabulo Ephesino a Dioscero fuerant depositi tamquam Nestoriani, fuerunt in suas Sedes restituti: postquam dixerunt, *Anathema Nestorio*, & subscripserunt definitionis Fidei & Epistolae S. Leonis..... Hoc Concilium est perfecte *oecumenicum*, a S. Leone approbatum.

Quæres 6. *Quodnam est Concil. generale V.*

Resp. Est *Constantinopolitanum II.* anno 553. a Justiniano seniore, annuente S. P. Vigilio, convocatum.... In eo 1. errores Origenis damnati sunt... 2. Dam-natus est Theodorus Mopsuestenus, & ejus anathematismi adversus S. Cyrillum..... 3. Damata & anathematizata sunt scripta Theodoret, & Ibas Edesseus Epistola ad Marium Persam, sed personis eorum, quæ susceptæ erant a Concil. Chalcedonensi, nulla iniusta est nota.... Est perfecte *oecumenicum*, probatum a Vigilio Papa, ac a Leone II.

Quæres 7. *Quodnam est Concil. generale VI.*

Resp. Est *Constantinopolitanum III.* anno 681. a Constantino Pogonato, annuente S. P. Agathone, convocatum.... In eo 1. damnati sunt Monothelitæ cum sua heresi..... 2. Definitum est esse in Christo, duas *naturales voluntates, & duas naturales operationes indivise, inconvertibiliter, inseparabiliter, inconfuse*... Est perfecte *oecumenicum*, approbatum a S. F. Agathone.

Quæres 8. *Quodnam est Concil. generale VII.*

Resp. Est *Nicanum II.* anno 707. a Constantino & Irene ejus matre, de expresso Adriani I. consensu, convocatum.... In eo fuerunt damnati Iconomachi, hoc est, imaginum effractores, restitutusque est usus, & cultus sacrarum imaginum..... Est perfecte *oecumenicum*, approbatum ab Adriano Papa.

Quæres 9. *Quodnam est Concil. generale VIII.*

Resp. Est *Constantinopolitanum IV.* anno 869. a Basilio Imperatore, de expresso Adriani II. consensu convocatum.... In eo 1. Photius, qui, expulso D. Ignatio a Sede Constantinopolitana, illam Sedem invalerat, fuit depositus, & D. Ignatius restitutus.... 2. Varii conditi sunt Canones ad disciplinam spectantes... Est perfecte *oecumenicum*, ab Adriano II. approbatum.

Quæres 10. *Quodnam est Concil. generale IX.*

Resp. Est *Lateranense I.* anno 1123. a Calixto II. tempore Henrici IV. Imperatoris, convocatum.... In eo,



eo, 1. Henricus IV. dimisit Ecclesiæ omnem investituram per annulum & baculum tradendam; possessiones Ecclesiæ ablatis restituit; promisitque se electiones & consecrationes omnino liberas relicturum . . . 2. Concessum est Henrico IV. ut se præsentem sifteret electionibus, quæ in illius imperio fierent; atque ut electis *Regalia* per Sceptrum regium daret, numquam vero per baculum & annulum . . . 3. Actum est de expeditione pro recuperatione Terræ sanctæ . . . 4. Varii editi sunt Canones pro restauranda disciplina ecclesiastica . . . *Oecumenicitas* hujus Concilii certa est apud omnes.

Quæres 11. *Quotnam est Concil. generale X.*

*Resp.* Est, *Lateranense II.* anno 1139. ab Innocentio II. convocatum, ad tollendum schisma per *Petrum Leonem* in Ecclesia factum . . . 1. In eo Concilio, *Petri Leonis*, aliorumque schismaticorum acta, sunt recissa . . . 2. Dammati sunt hæretici, *Petrus de Bruis*, & *Arnaldus de Brixia*, cum eorum hæresibus . . . 3. Ad disciplinam restituendam varii conditi sunt Canones, inter quos Canon; *Si quis suadente diabolo*, est præcipuus. *Oecumenicitas* hujus Concilii certa est apud omnes.

Quæres 12. *Quotnam est Concil. generale XI.*

*Resp.* Est, *Lateranense III.* anno 1179. ab Alexandro III. convocatum ad tollendum schisma in Ecclesiam injectum per Cardinalem Octavianum . . . 1. In eo, ad vitanda in posterum schismata, statutum est, nullam deinceps Papæ electionem fore canonicam, nisi duæ partes Cardinalium ad eam conspirent . . . 2. Ordinationes ab Anti-papis celebratæ, irritæ (quoad usum) declaratæ fuerunt, & collationes beneficiorum nullæ . . . 3. Dammati sunt Waldenses & Albigenes . . . 4. Canones circa disciplinam fuere conditi, maxime ad usuram & simoniam confodiendas . . . *Oecumenicitas* hujus Concilii est certa apud omnes.

Quæres 13. *Quotnam est Concil. generale XII.*

*Resp.* Est, *Lateranense IV.* anno 1215. ab Innocentio III. convocatum . . . 1. In eo damnatus est liber, quem Abbas Joachim scripsit contra Petrum Lombardum . . . 2. Damnata sunt impia & stulta dogmata *Almarici de Bena*, qui transubstantiationem negabat . . . 3. Statuta est expeditio pro recuperatione terræ sanctæ . . . 4. Inter varios Canones pro morum reformatione, celeberrimus ille, qui incipit, *Omnis utriusque sexus*, conditus est. Hujus Concilii *oecumenicitas* ita est conspicua, ut quoties in jure can. laudatur Concilium Lateranense sine addito, intelligatur Concil. Lateran. IV.

Quæres 14. *Quotnam est Concil. generale XIII.*

*Resp.* Est, *Lugdunense I.* anno 1245. ab Innocentio IV. convocatum, contra Fridericum II. Imperatorem: qui erga Ecclesiam Romanam tyrannice se gerebat . . .



1. In eo sententia excommunicationis & depositionis, in Fridericum lata est ab Innoc. IV. . . . 2. Renovatum est decretum pro expeditione contra Turcas faciendâ . . . 3. Varii conditi sunt Canonis disciplinam spectantes . . . Hoc Concil. est perfecte œcumenicum, approbatum ab Innocentio IV.

Quæres 15. *Quodnam est Concil. generale XIV.*

Resp. Est, *Lugdunense II* anno 1274. a Gregorio X. convocatum . . . 1. In eo definitum est Spiritum Sanctum a patre filioque procedere, tanquam ex uno; non autem tanquam ex duobus principiis . . . 2. Dammati sunt qui de novo regalia usurpabant, & qui hæc fieri procurabant . . . 3. Græcis promissa fuit decima pars bonorum Ecclesiasticorum pro terræ sanctæ expeditione . . . œcumenicitas hujus Concilii est indubia.

Quæres 16. *Quodnam est Concil. generale XV.*

Resp. Est, *Vienense*, anno 1311. a Clemente V. convocatum . . . In eo 1. Templariorum Ordo fuit penitus extinctus . . . 2. Dammati sunt Fratricelli, Dulcinistæ, Beguardi, & Beguinæ . . . 3. Decreta est nova expeditio pro recuperatione terræ sanctæ . . . 4. Editæ sunt varæ constitutiones pro morum reformatione, quæ in jure, *Clementina*, dicuntur. *Œcumenicitas* hujus Concilii constat apud omnes.

Quæres 17. *Quodnam est Concil. generale XVI.*

Resp. Est, *Pisanum*, anno 1409 ad extinguendum schisma quod in Ecclesia excitaverant *Angelus Cerearius*, Gregorius XII dictus, & *Petrus de Luna*, Benedictus XIII nuncupatus, convocatum ab utriusque obedientiæ Cardinalibus, quibus præerat *Cardinalis Pisaniensis*, utriusque obedientiæ Decanus . . . in hoc Concilio duo de Papatu contendentes, post trinam de jure citationem non comparentes velut contumaces & perjuri fuerunt depositi; atque in eorum locum fuit successus *Alexander V.* qui decreta Concilii approbavit; ideoque est *œcumenicum*. Ordinarie tamen non recensetur inter Concilia œcumenica, quia in eo schisma fuit sopitum, non extinctum; nam *Alexandro V.* uno post sui electionem anno, Bononiæ mortuo, in ejus locum electus est *Balthasar Cossa*, dictus *Joannes XXIII.* sicque cum Gregorius XII. & Benedictus XIII. decreto Concilii Pisani non parerent, tres nomine visi sunt Pontifices in Ecclesia, indeque auctum schisma, quod a 30. annis Ecclesiam dissecabat.

Quæres 18. *Quodnam est Concil. generale XVII.*

Resp. Est, *Constantiense*, anno 1414 a *Joanne XXIII.* ad extinctionem schismatis, & grassantium variarum hæresum damnationem, convocatum.

In hoc Concilio 1. dammati sunt 45. Articuli *Joann. Wiclefi* Presbyteri Angli; & 31. Articuli *Joann. Hussi*. . . . 2. Hieronymus de Praga, tanquam fautor Articulo-

*Compend. de Charmes,*

C

tum



rum Wiclef, & Huf. traditus est Brachio sæculari, & quo vivens exustus est . . . 3. Pronuntiata est sententia depositionis in Joannem XXIII. qui sententiæ acquievit. . . . 4. Admissa est unanimi consensu Gregorii XII. resignatio . . . 5. Benedictus XIII. e Pontificatu fuit depositus, tanquam contumax, & schismatis fautor. . . . 6. Martinus V. fuit electus.

Quæres 19. *Utrum hoc Concil. sit œcumenicum?*

Resp. 1. Aliqui volunt illud esse partim legitimum, partim illegitimum; legitimum; nempe in iis sess. in quibus damnati sunt errores Joann. Wiclef, & Joann. Huf; illegitimum vero in iis sess. in quibus definiit S. Pontificem esse Concilio inferiorem. Quia illæ Sessiones habitæ sunt ab iis solis qui erant de obedientia Joann. XXIII. qui jam e Concilio recesserat. Unde non sunt habitæ conciliariter, atqui Martinus V. ea solum decreta approbavit, quæ facta sunt conciliariter, & non aliter, nec alio modo.

Resp. 2. Aliqui alii docent, Concilium esse perfecte legitimum, decretumque, quod sess. 4. & 5. fuit editum, spectare quamlibet Synodum generalem; atque absolute definire, *quemlibet cuiuscumque dignitatis, etiam si papalis existat, debere obedire Concilio.*

Resp. 3. Alii tandem docent, concilium esse perfecte legitimum, sed decretum, sess. 4. & 5. editum, non esse absolutum, sed restrictum ad illud Concilium, quod tempore schismatis celebratur, quando scilicet, nullus est Papa indubius.

Quæres 20. *Quodnam est Concilium generale XVIII.*

Resp. Est, *Basileense*, a Martino V. convocatum, quæ convocatio ab Eugenio IV. qui Martino successit, confirmata est. Cœpit anno 1431.

Quæres 21. *Quenam gesta sunt in hoc Concilio?*

Resp. 1. Sessio prima habita est sub *Juliano* Eugenii IV. Legate . . . 2. Eugenius, post hanc sessionem, Julianum Legatum revocavit, Concilium dissolvit, & aliud Bononiæ celebrandum indixit . . . 3. Non obstante hac dissolutione Patres Basileenses, sub præsentia *Ludovici Alemanni*, Card. & Episcopi Arelatenfis, continuaverunt sessiones, in quarum 1. & 2. definierunt Concilium esse supra Papam . . . 4. Citarunt Eugenium, sess. 12. atqui oraverunt, ut dissolutionem Concilii revocaret, quam pro bono pacis irritavit, Concilii continuationem approbavit, atque Legatos iterum misit ad Concilium . . . 5. Concilium, sess. 18. iteravit decretum de Concilii supra Papam superioritate; quam ob causam Legati Eugenii secundo discessere, ac *Eugenius* Concilium transiit Ferrariam, ann. 1437. quo transiit cum majori parte Patrum Basileensium . . . 6. Patres, qui Basileæ remanserunt, continuaverunt Concilium a sess. 25. ad sessionem 45. in quibus irritaverunt *Bulas*



las translationis Concilii, definierunt superioritatem Concilii supra Papam esse veritatem fidei divinæ, atque deposuerunt *Eugenium IV.* in cuius locum elegerunt *Andream*, Ducem Sabaudie, cui *Felices V.* nomen imposuerunt, & qui paulo post ad pacem Ecclesie dandam addicavit.

Quæres 22. *An Concilium Basileense sit legitimum?*

*Resp.* 1. Conveniunt omnes, illud non fuisse legitimum, sed degenerasse in merum Conciliabulum a sess. 25. usque ad ultimam.

*Resp.* 2. Circa alias sessiones duplex est sententia.

*Prima*, Quæ in Italia, Hispania, Germania, &c. docet Concil. Basileense, post primam sessionem, factum fuisse illegitimum, nec a *Nicolao V.* fuisse confirmatum, nisi in iis solis quæ definita fuerant circa beneficia & Censuras Ecclesiasticas: in aliis vero fuisse reprobatum, tum ab *Eugenio IV.* tum a Conciliis Florentino & Lateranensi V. in quo vocatur Conciliabulum omni rebo re carens.

*Secunda*, Quæ in Gallia propugnatur, docet Concilium illud fuisse legitimum a 1. sess. usque ad 25. quia fuit approbatum a *Nicolao V.* non tamen admittitur ab omnibus; nam ipse *Duvalius* Doctor Parisiensis loquens de hoc Concilio, ait: *Hoc Concilium pro beneficiorum Pragmaticis tantum recipitur; nec unquam Pontificis calculo, qui ad Conciliorum firmitatem & valorem est necessarius, fuit confirmatum.*

Quæres 23. *Quodnam est Concilium generale XIX.*

*Resp.* Est, *Florentinum*, ab *Eugenio IV.* ad unionem Græcorum cum Latinis convocatum ann. 1438 in eo definitum est. 1. Spiritum sanctum a Patre filioque procedere . . . 2. Corpus Christi veraciter confici, sive in azimo, sive in fermentato pane triticeo . . . 3. Axiomas, quibus aliquid luendum superest in Purgatorio determinari, ipsisque prodesse vivorum suffragia . . . 4. S. Pontificem in universum orbem tenere primum, &c. . . . est perfecte æcumenicum, ut declarat *Eugenius IV.* dicens, suum decretum editum fuisse, sacro approbante æcumenico Concilio Florentino.

Quæres 24. *Quodnam est Concil. generale XX.*

*Resp.* Est, *Lateranense V.* anno 1512. a *Julio II.* convocatum, ad preveniendum schisma in Ecclesia imminens per Conciliabulum quod aliqui Cardinales *Pisani* contra *Julium* convocaverant . . . Huic Concilio præfuit *Julius* usque ad 4. sessionem, quo defuncto, in 5. sessione, cui præfuit Cardinalis *Ostiensis*, electus est *Leo X.* qui ceteris præfuit.

In hoc Concilio 1. Conciliabulum *Pisanum* fuit reprobatum. 2. Actum est de pace componenda, inter Principes christiani. 3. Montes pietatis fuerunt approbati. 4.



Publicata fuit Pragmaticæ sanctionis abrogatio, & pacta inter Leonem X. & Franciscum I. Regem Galliae concordata, in locum Pragmaticæ substituta. 5. A Leone X. speciali diplomate fuit confirmatum . . . *œcumenicitas* hujus Concilii certa est in toto orbe Christiano, dempta Gallia: quia Senatus & Academia Parisiensis, approbante Clero Gallicano, appellationem ab isto Concilio ad aliud futurum generale interjecerunt, propter abrogatam Pragmaticam.

Quæres 25. *Quodnam fuit Conc. generale XXI.*

*Resp.* Est, *Tridentinum*, anno 1545. a Paulo III. ad damnandos errores Lutheri & Calvinii, convocatum. multa in hoc Concilio circa fidem, mores, & disciplinam fuerunt tractata & definita, quæ hic recensere vatum foret, cum hoc Concilium omnium manibus teratur.

Quæres ultimo. *Utrum Concil. Trident. sit œcumenicum?*

*Resp.* Est perfecte *œcumenicum*, quia legitime fuit convocatum, celebratum, & a Pio IV. confirmatum Bulla singulari, qua illud recipi & ab omnibus observari mandatur.

*Dices:* Non est receptum in Gallia; ergo, &c.

*Resp. dist.* Quoad aliqua disciplinæ decreta, quæ regni juribus & consuetudinibus, ex veterum Canonum præscripto servari solitis, adversantur, *consequenter* quoad fidem, mores, & cætera disciplinæ decreta, *nego ant.* Nam fuit receptum non solum in Conciliis Provincialibus, sed maxime in comitiis Cleri generalibus Lutetiæ Parisiorum, anno 1615.

## C A P U T VI.

### De Locis extrinsecis Theologiæ.

Quæres I. *Quanta sit Doctorum Scholasticorum auctoritas ad faciendam fidem?*

*Resp.* Distinguendum est. Si alii *Scholastici dissensiant*, etiam in minori numero, non majori est ponderis eorum auctoritas, quam rationes quibus nituntur: unde expendendæ sunt & ponderandæ rationes quibus utuntur. Si communiter unam opinionem teneant, eorum auctoritas argumentum subministrat ita probabile, ut absque temeritate non possit rejici: quia in qualibet arte, peritis credendum esse, ratio demonstrat. Si unanimiter in unum dogma consentiant, tanta est eorum auctoritas, ut ei contradicere, si non erroneum, saltem errori proximum sit; quia plusquam probabile testimonium est, sic ferre traditionem, ut docet Canus, lib. 8. de locis c. 4.

Quæres 2. *An ratio naturalis, certa Theologo possit suppeditare argumenta?*

*Resp.* Certa argumenta subministrat, nam. v. gr. ex hoc



hec principio: *Qued tibi fieri non vis, alteri ne feceris*: certo concludit, ergo non furandum, &c. sed non subministrat argumenta Theologica, cum conclusio Theologica, ex una saltem prop. revelata deduci debeat. Est tamen Theologo utilis, imo & necessaria, quia absque ea non potest exhortari in doctrina sana, & eos qui contradicunt arguere. Ratio tamen semper subiicienda est revelationi, velut ancilla quæ subserviat fidei, ait D. Thom. 1. p. quest. 1. art. 8. ad 2.

Quæres 3. *An Philosophorum placita, circa Theologo argumenta sufficere possint?*

Resp. Non posse, nisi firma, ac demonstrativa ratione fulsiantur; unde eorum auctoritas ex eorum rationibus pensanda est.

Quæres 4. *Quodnam argumenti genus subministrant historici fide digni?*

Resp. Distinguendum est. Si plures historici fide digni aliquid factum enarrant, probabile argumentum suppetant, quia imprudens est, qui pluribus fide dignis non adhibet fidem. Si omnes historici fide digni, aliquid factum, nullo contradicente, enarrant, subministrant argumentum certum; quia de facto, quod ab omnibus probatis ac fide dignis historicis, nullo contradicente, refertur, nemo, nisi insipiens sit, dubitare potest.

Quæres 5. *Quantam condiciones requiruntur, ut historicus censetur omni fide dignus?*

Resp. Tres, 1. Ut sit rei quam enarrat coætaneus. 2. Ut nunquam fuerit deceptus. 3. Ut ipse non interfit, quod facta sic extiterint, quomodo ab eo referuntur.

## DISSERTATIO III.

### De propositionum Censuris.

Quæres I. *Quotuplici modo propositiones prave damnnari solent ab Ecclesia?*

Resp. Duplici, 1. In particulari, quando Ecclesia suas singulis notas tribuit. 2. In globo: quando omnes simul damnantur, tanquam falsæ, perniciosæ, hæreticæ, &c. nulli suam notam particularem assignando. Quoquo modo autem damnantur, sunt iudicia Ecclesiæ dogmatica, quæ a fidelibus mentis obsequium exigunt.

Quæres 2. *Quid sit propositio hæretica?*

Resp. Est ea, quæ formaliter & directe adversatur propositioni explicite revelatæ, vel implicite revelatæ, & ut talis ab Ecclesia definitæ.

Quæres 3. *Quid sit propositio erronea?*

Resp. Est ea, quæ opponitur veritati, quam vel universa tenet Ecclesia, quamvis non sit de fide, vel communis Doctorum Catholicorum sententia mediate revelata iudicatur, licet ab Ecclesia id nondum expresse fuerit definitum.



Quæres 4. Quid sint propositiones, heresi proxima, suspecta de heresi, & heresim sapiens?

Resp. Propos. heresi proxima, est ea, quæ maxima cum probabilitate iudicatur heretica.

Suspecta de heresi, est ea, quæ licet aliquo sensu tollerari possit, tamen magna cum probabilitate iudicatur heretica.

Propos. heresim sapiens, est ea, quæ majori cum probabilitate, quam suspecta de heresi, iudicatur heretica.

Quæres 5. Quid sit propositio schismatica?

Resp. Est ea, quæ fideles ab obedientia S. Pontifici, aliisque superioribus Ecclesiasticis debita, retrahit.

Quæres 6. Quid sit propositio seditiosa?

Resp. Est ea, quæ per se nota est subditos ad rebellionem contra Principes civiles inducere.

Quæres 7. Quid sit propos. heresi, aut schismati favens?

Resp. Est ea, quæ heretici, aut schismatici, uti possunt, ad suos errores, vel suam inobedientiam propugnandam.

Quæres 8. Quid sit propositio blasphema?

Resp. Est ea, quæ Deo, vel Sanctis, est injuriosa.

Quæres 9. Quid sit propos. impia?

Resp. Est ea, quæ cultum Deo debitum minuere de se nata est.

Quæres 10. Quid sit propos. scandalosa?

Resp. Est ea, quæ per se nata est proximum inducere ad peccatum.

Quæres 11. Quid sit propos. pernicioza?

Resp. Est ea, quæ facile possunt deduci conclusiones contra fidem, aut bonos mores.

Quæres 12. Quid sit propos. captiosa?

Resp. Est ea, quæ, sub pietatis specie, venenum obtegens, apta est simplicium mentes seducere.

Quæres 13. Quid sit propos. mala sonans?

Resp. Est ea, quæ licet duplicem habeat sensum, unum bonum, & alium malum, absolute tamen & sine distinctione profertur.

Quæres 14. Quid sit propos. piarum aurium offensiva?

Resp. Est ea, quæ aliquid indecorum de Deo, vel Sanctis eius, profert.

Quæres 15. Quid sit propos. temeraria?

Resp. Est ea, quæ absque ullo, aut Scriptura, aut traditionis, aut rationis Theologica fundamento, a communi Theologorum sententia recedit.

Quæres 16. Quid sit propos. falsa?

Resp. Est ea, quæ factum aliquod quod ad fidem pertinet, eique nocere possit, veritati contrarium enuntiat.

Quæres 17. Quid sit propos. Verbo Dei contraria?


Resp.



*Resp.* Est ea, quæ, licet contraria Scripturæ & traditioni, nondum tamen est proscripta ab Ecclesia.

Quæres 18 Quid intelligatur per adverbium, *respective*, cum in decreto, in quo plures propositiones damnantur, dicitur eas, esse *respective hereticas, erroneas, &c.*?

*Resp.* Hæc particula, *respective*, significat nullam esse ex damnatis propositionibus disjunctivæ, in quam non cadat una saltem ex notis, quæ in condemnationis decreto referuntur.





56  
TRACTATUS II.

De Deo uno.

**I**N Deo, prout est unus, considerari possunt, 1. existentia; 2. essentia; 3. attributa generatim; 4. attributa speciatim.

DISSERTATIO I.

De existentia Dei.

Quæres I. **A**N desur in nobis idea de Deo innata, seu ingenita?

*Resp. Affirm.* Quia sæpe cogitamus de ente quod est a se, & est causa aliorum entium; unde Deum naturaliter confitemur, cum clamamus, *O Deus, &, Deus videt, &, Deo commendo, &c.* ut ait D. Cyprianus, *lib. de idolorum vanitatibus*; ergo est in nobis idea Dei; atqui illa idea non est *factitia*, mens enim nullam ex sese potest eudere imaginem entis infiniti, cum & ipsa, & omnia quæ videt, sint finita; nec est *adventitia*, id est, ex rebus sensibilibus efformata, quia universitas rerum sensibilem est, quid maxime finitum, ex quibus proinde non potest erui idea entis infiniti; ergo restat ut idea, quam habemus de Deo, sit innata.

*Obijciat:* Plures fuerunt Athei; ergo non habemus de Deo ideam innatam.

*Resp. Dist. ans.* Fuerunt Athei, *practici*, seu cordis, *conc.* Athei, *speculativi*, seu mentis, *nego*. Atheus *practice* dicitur, is qui, libidine excecatus, ita perditur vivit, ac si non esset Deus, quem vellet non esse, multos esse tales confitemur. Atheus *speculativus* dicitur is qui omnem divinitatis sensum deponit, tales autem fuisse ac esse, prorsus negamus.

*Inst* Dei existentia demonstratur; ergo non habemus de eo ideam innatam.

*Resp. Nego confug.* Multiplici enim via cognosci potest existentia Dei, & per ideam ab ipsa origine menti impressam, & per multiplicem e creaturis petitam demonstrationem.

Quæres 2. *Utrum hæc propositio*, Deus est, *sit per se nota quoad se?*

*Resp. Affirm.* Quia *propos.* per se nota quoad se, est ea cuius prædicatum est de essentia subjecti: atqui in hac *propos.* *Deus est*, prædicatum, nempe, existentia, est de essentia subjecti, nempe Dei; ergo &c.

Quæ



Quæres 3. *Utrum proposi. Deus est, sit per se nota quoad nos?*

*Resp. Affirm.* Nam propositio *per se nota quoad nos*, est ea cujus veritas nobis attendentibus innotescit statim atque intelligimus terminos quibus constat; atqui termini hujus propositionis, *Deus est*, non possunt perfecte intelligi, quin simul intelligatur prædicatum, nempe existentiam, subiecto, nempe Deo, essentialiter convenire, & hoc siquæ ullo medio a priori: nam per hanc vocem, *Deus*, intelligitur ens perfectissimum, quo nihil melius, aut esse, aut cogitari potest, ac proinde ens quod habet realem existentiam, quæ est omnium perfectionum prima; si enim eam non haberet, aliud eo perfectius cogitari posset, ens nimirum cui realis existentia conveniret.

*Obijcies*; Hæc propositio, *Deus est*, potest demonstrari; ergo, &c.

*Resp. Dist. ant.* Potest demonstrari a posteriori, *conc.* a priori, *nego ant.* Equidem propositio *per se nota quoad nos*, non potest demonstrari a priori; sed potest fieri quod illius subiectum habeat aliquos effectus, per quos illius existentia possit a posteriori demonstrari.

Quæres 4. *Utrum existentia Dei possit demonstrari a priori?*

*Resp.* Non potest; quia demonstratio a priori est ea quæ sit per causas rei quæ demonstratur: atqui Deus nullam habet suæ existentiae causam, cum sit *ens a se*; ergo, &c.

Quæres 5. *Utrum existentia Dei possit demonstrari a posteriori?*

*Resp. Affirm.* Quia potest demonstrari per effectus, creaturas nimirum; siquidem creaturæ sunt effectus Dei a quo necessario pendent *in esse, in conservari, & in gubernari*, pendent; ergo, &c. unde demonstrativum est hoc argumentum: *Creaturæ existunt; ergo Deus existit.*

*Obijcies 1.* Existentia Dei, est objectum fidei supernaturalis, credere enim oportet ascendens ad Deum, quia est, Hebr. 12. Ergo non potest demonstrari.

*Prob. consequ.* Scientia & fides non possunt esse simul in eodem intellectu de eodem objecto; ergo objectum fidei non potest demonstrari.

*Resp. Dist. ant.* Non possunt esse, &c. per idem motivum, *conc.* per diversa motiva, *nego.* Nam Dei existentia creditur propter summam Dei revelantis veracitatem; & evidenter cognoscitur propter necessariam connexionem quæ concipitur inter creaturas existentes & earum creatorem, quæ duo motiva sunt valde distincta.

*Obijcies 2.* Medium demonstrationis debet esse necessarium; atqui creaturæ non sunt necessariae; ergo, &c.

*Resp. Dist. maj.* Debet esse necessarium hypotheticæ, & quoad necessariam connexionem cum re demon-



strata, *concl.* absolute & quoad existentiam, *nego maj.* Porro ex hypothesi quod creaturæ existant, necessarium habent cum Deo, a quo dependent, connexionem; ergo dependentia earum non est contingens, sed necessaria.

*Inst.* Omnis demonstratio fit ex prioribus; atqui creaturæ non sunt Deo priores; ergo, &c.

*Resp.* Non sunt Deo priores existentia, *concl.* cognitione, *nego min.* Hoc autem requiritur & sufficit ad veram demonstrationem.

*Obijcies 3.* Per creaturas non potest demonstrari essentia Dei; ergo nec illius existentia, cum qua est unum & idem.

*Resp. Dist. ans.* Non potest demonstrari, quid & qualis sit, *concl.* quod sit, seu existat, *nego ans.* sic licet demonstrari non possit in quo posita sit essentia Solis, recte ex effectibus Solis demonstratur illius existentia.

*Quæres 6.* Quibus argumentis potest demonstrari existentia Dei?

*Resp.* Inter varia, quæ a Theologis afferuntur, quatuor refero.

I. *Potitur ex ente necessario & contingenti*, quod sic proponitur: necesse est ut in rerum natura existat aliquid ens necessarium, alias omnia entia essent contingentia, quæ nimirum potuissent existere aut non existere, quod est absurdum: nam si quæcunque existunt, potuerint existere, aut non existere, posset supponi ea de facto non existere; atqui supponi non potest ea non existere, tunc enim essent possibilia & non essent possibilia, essent possibilia, quia omne contingens, est possibile; non essent possibilia, quia nullum ens necessarium existeret a quo illa producerentur; ergo necesse est, ut sit ens omnino necessarium.

*Obijcies 1.* Materia hujus universi, est necessaria; ergo ex ente necessario non potest demonstrari existentia Dei.

*Resp. Nego ans.* Nam ens necessarium, habet ex necessitate suæ naturæ, quod sit infinitum in omni genere perfectionis; atqui materia non est talis. 1. Quia est iners & otiosa. 2. Quia est mutabilis tum quoad existentiam, alias esset a se, tum quoad existendi modum, cum sit insensitatum modificationum susceptiva; ergo.

*Obijcies 2.* Licet singula entia sint contingentia, tota nihilominus eorum collectio est necessaria; ergo, &c.

*Resp. Nego ans.* Nam ens necessarium, quod probamus, debet esse infinite perfectum, & consequenter simplicissimum; atqui supradicta collectio non est simplicissima; a suis enim partibus componentibus pendet ut sit, quod est maxima imperfectio; ergo.

II. *Potitur ex necessitate primæ cause efficientis, & primi moventis immobilis*, quod sic proponitur: necesse est, ut, in rerum natura, existat ens aliquod improdudum, & primum movens immobile; nam si omnia entia



entia producta fuissent ac mota, saltem unum ex illis seipsum produxisset ac movisset, quod est absurdum, nam si seipsum produxisset, fuisset seipso prius & posterius; causa enim est prior suo effectu, & effectus sua causa posterior. Si seipsum movisset, sive ad esse, sive ad locum, fuisset secundum idem simul in potentia & in actu: in potentia quidem, quatenus potuisset residere motum, in actu autem, quia seipsum movisset, quæ omnia sunt contradictoria; ergo datur prima causa improducta. aliarum effectrix: & primum movens omnino immobile, a quo moveantur cætera quæ moventur. Atqui illa prima causa, illud primum movens, est Deus, ergo datur Deus.

*Obijciat* 1. Materia est improducta & æterna; ergo non potest probari existentia primæ causæ.

*Resp. Nego ant.* Quod non solum repugnat fidei, sed etiam rationi, quæ dicitur ens æternum & improductum esse infinitum, cum a nulla causa limitari poterit; atqui materia est finita, loco circumscripta & maxime iners & otiosa; ergo.

*Obijciat* 2. Dantur entia quæ nullum habitura sint finem; ergo & entia quæ nullum habuerint initium.

*Resp. Nego consequ.* Disparitas est, quod ens, non habens suæ existentie initium, sit a se, & plane independens, quod repugnat creaturæ; sed ens quod non habiturum est finem semper pædet a suo conditore, qui sicut illud ex nihilo libere creavit, ita illud in nihilum potest redigere.

III. *Petitur ex mirabili mundi hujus fabrica:* sicque proponitur: opus in quo reperitur totius naturæ ordo ita sapiens, ut nullus sapientior; ita pulcher, ut nullus pulchrior; ita constans, ut nullus constantior inveniri queat, a suprema quadam mente & intelligentia sapientissima prodit, regitur & ordinatur: atqui talis est tota mundi hujus machina; ergo a suprema quadam intelligentia prodit, &c. Atqui illa intelligentia est Deus; ergo, &c.

*Obijciat:* Universum hoc regitur a sola natura, quo uno cursu & ordine semper eadem agit; v. g. nox semper eodem cursu succedit diei, æstas veri, &c. homines semper eodem modo nascuntur & moriuntur, &c. ergo non datur illius intelligens moderator.

*Resp. Nego ant.* Nam quod illa ita regulariter sibi succedant, hos habent ab ipso Deo auctore naturæ, cui placuit ipsi naturæ regulas permanentes statuere, a quibus seipsum non potest recedere. Porro, *hic ordo facile turbaretur, nisi maxima ratione consisteret*, ait Minutius Felix in Octavio.

IV. *Petitur ex communi hominum sensu*, sicque proponitur: quod omnes homines unanimi, & constanti consensu existere fatentur, illud certissime existit, ait



Cicero; atqui populi, quotquot unquam extiterunt, omnes unanimi consensu Deum existere fatentur: nam *Persa, Gothus, Aegyptius, Turca ipsum agnoscunt...* & totius mundi una vox est, Deus est, ait D. Hieron. Epist. ad Nepotian.

Quæres 7. *Utrum Deus possit invincibiliter ignorari?*

*Resp.* Non potest; nam illius existentia a nemine rationis compote potest invincibiliter ignorari, ejus idea nobis est ingemita; ejus existentia invictissimis argumentis demonstrari potest; atqui, &c. Præterea ignorantia excusat a peccato; atqui ignorantes Deum dicuntur *inexcusabiles*, Rom. 1. ac gravissime puniuntur, *Effunde iram tuam in gentes quæ te non noverunt*. Psalm. 78.

*Obijciat.* Ignorantia Dei non potest superari nisi per discursum ex creaturarum scilicet existentia colligendo existentiam creatoris; atqui multi sunt barbari ita agrestes, ut non sint hujusmodi discursus capaces: ergo.

*Resp. 1. Nego maj.* Quippe omnibus innata est Dei idea, ita ut ad illius cognitionem, sola attentione ad conscientia testimonium opus sit.

*Resp. 2. Nego min.* Nemo enim est ita stupidus, qui ex creaturis non eruat cognitionem saltem probabilem, quod in hos universo sit supremus aliquis gubernator cui sit parendum, qualiscumque tandem ille sit: hoc enim ipso, tenetur inquirere quis ille sit, & qua ratione colendus.

*Inst.* Puer in sylvis educatus, postquam usum rationis adeptus est, indiget aliquo temporis intervallo, ut ex idea sibi indita, & ex creaturis concludat existentiam Dei; ergo illo saltem brevi tempore potest Deum invincibiliter ignorare.

*Resp. Nego ant.* Quia tam clarum est de Deo conscientia testimonium, tam evidens est creaturarum eum creatore connexio, ut si ad ea, ut par est, attenderit, ne momento quidem esse queat sine cognitione Dei, si non statim demonstrativa, saltem probabili, & moraliter certa.

Quæres 8. *Utrum sis unicus Deus?*

*Resp.* Est unus tantum, ut declaratur, Marci 12. *Unus est Deus, & non est alius præter eum.* Ratio est, quia Deus est ens summe magnum; atqui non possunt esse duo entia summe magna, nam esse *summe magnum*, ex Tertull. est parem non habere; at parem non habere ita uni competit, ut nullo modo possit duobus competere; ergo &c.

*Obijciat 1.* Psalm. 81. dixit Deus: *Ego dixi, dii estis*; ergo sunt plures dii.

*Resp.* Sunt plures dii improprie & participative, non proprie & natura. Psalmista enim loquitur de Judicibus, quos



quos vocat deos propter auctoritatem iudicandi populum, quam a Deo participant.

*Obijciat* 2. Suat duo prima rerum principia, unum bonum boni; aliud malum mali; ergo sunt duo dii.

*Resp. Nego ant.* Nam effectus diversi & oppositi non arguunt diversitatem causæ primæ, quæ cum sit infinitæ virtutis, quolibet effectus producere potest, sive similes, sive dissimiles, sive etiam contrarios. Malum ergo culpæ non potest esse a Deo, quia non est effectus, sed defectus, sed malum poenæ, est a Deo; qui illud in ultionem criminum iadigit. Porro sic consideratum, rationem boni iaduit.

*Obijci* 3. Sunt tres in Deo personæ; ergo & tres dii.

*Resp. Nego confeg.* Quia ad deorum multiplicitem, satis non est multiplicitas personarum, sed præterea requiritur naturæ in pluribus personis multiplicatio; at tres personæ in Deo habent eandem numerum naturam, ergo, &c.

## DISSERTATIO II.

### De natura, seu essentia Dei.

Quæres I. **Q**uid intelligitur per Dei essentiam?

*Resp.* Intelligitur aliqua Dei perfectio, quæ consipitur tanquam gradus constitutivus essentia divinx, seu tanquam differentia essentialis naturæ divinx.

Quæres 2. Quos in gradu constitutivo alicujus essentia requiruntur conditiones?

*Resp.* Quatuor. 1. Ut sit quid proprium illi soli rei quam constituit, & a qualibet alia distinguit.... 2. Ut sit quid primum in ipsa re, nec ab alio præsupposito derivatum.... 3. Ut sit fons & radix aliarum proprietatum, quæ in illa re reperiuntur.... 4. Ut sit quid adequatum rei, ita ut totum id complectatur, quod est de conceptu rei quidditativo.

Quæres 3. Quos sunt Theologorum circa Dei essentiam sententia?

*Resp.* Quatuor. 1. Est Thomistarum, quorum alii pro gradu constitutivo essentia divinx assignant intellectionem radicalem, seu facultatem intelligendi; alii communius intellectionem actualem.... 2. Est Nemi-nalium, quibus placet, essentiam divinam constitui per collectionem omnium perfectionum in Deo.... 3. Est Scotistarum, qui eandem collocant in infinitate radicali.... 4. Est aliorum omnium, qui docent essentiam Dei in aseitatem, seu in omnimoda ab alio independentiam, collocandam esse.

Quæ-



Quæres 4. *Utrum essentia Dei posita sit in intellectu-  
no radicali, aut actuali?*

*Resp.* In neutra posita est. 1. Etenim neutra est *prima* perfectio in Deo, nam utraque supponit naturam a qua fluunt, cum concipiantur per modum operationis, & operatio supponat esse. . . . 2. Neutra est radix aliarum Dei perfectionum: quæ enim consequentia? *Deus est intelligens; ergo est infinitus, immutabilis, &c. . . .* 3. Neutra est conceptus Dei adæquatus: nec enim voluntatem, nec volitionem complectitur, quæ tamen Deo æque essentialis est, ac ipsa intellectio.

*Obijcies:* Intellectio actualis est gradus in Deo perfectissimus; ergo, &c.

*Resp. Dist. ans.* Est gradus perfectissimus, in genere facultatis, aut actus naturam ipsam constitutam supponentis, *conced.* in genere naturæ, *nego ans.* Nam neque est prima, neque adæquata perfectio, neque radix est aliarum Dei perfectionum.

Quæres 5. *Utrum essentia Dei posita sit in cumulo omnium perfectionum?*

*Resp. Negat.* Quia ille cumulus, non est specialis perfectio; nec est prima, cum complectatur omnes perfectiones, nec est radix cæterarum, cum ultra illum cumulum, non sit alia; ergo, &c.

*Obijcies:* Cumulus omnium perfectionum, quacumque speciali perfectione perfectior est, ergo, &c.

*Resp. Dist. ans.* Est perfectior quacumque speciali perfectione, quæ non continet implicite alias omnes perfectiones, *conced.* quæ alias omnes implicite continet, *nego ans.* talis est autem *aseitas*, nam *ens a se* nullos perfectionis limites habere potest.

Quæres 6. *Utrum infinitas radicalis, sit formata constitutivum essentie divine?*

*Resp. Negat.* Quia non est perfectio; quæ nobis de Deo cogitantibus prima occurrit, fuit enim ab aseitante: nam si quærat, *quare Deus sit infinitus?* seu, *quare nullos in perfectione terminos agnoscat?* recte respondetur, *quia est a se;* ergo, &c.

*Obijcies:* Infinitas radicalis, est fons & radix omnium Dei attributorum; ideo enim est immensus, omnipotens, &c. quia est infinitus; ergo, &c.

*Resp. Dist. ans.* Est fons & radix mediata, & secundaria, *conced.* primaria, *nego ans.* infinitas enim fuit immediate ab aseitante.

Quæres 7. *Utrum gradus constitutivus essentie divine, sit aseitas?*

*Resp. Affirm.* Nam 1. Deus ipse suam essentiam per aseitatem expressit; quærenti nimirum Moyse *quis es?* Deus ipse respondit: *Ego sum qui sum, sic dices filiis Israel, qui est, misit me ad vos . . .* 2. Aseitans est divinitati maxime propria, per eam enim differt, tum a creaturis,



turis, quæ sunt essentialiter ab alio tanquam a causa; tum ab attributis divinis, quæ sunt ab essentia tanquam a radice; tum a personis divinis, quæ sunt ab alio tanquam a principio. .... 3. Est *prima* perfectio, quæ, nobis de Deo cogitantibus occurrit. .... 4. Est *fons*, & *radix* cæterarum Dei perfectionum, nam qui est a se, a nullo limitari potest. .... 5. Est *adequata* Deo, quia continet formaliter, aut virtualiter omnia quæ dicuntur quidditative de Dei natura; ergo, &c.

*Obisies*: Gradus constitutivus essentiae divinae non potest esse negatio; atqui aseitas est pura negatio dependentiae ab alio; ergo.

*Resp. Dist. min.* Est negatio ratione nominis, *con-* ratione rei per nomen significatae, *nego min.* nam aseitas in se & a parte rei, importat positivam plenitudinem omnis esse.

*Inst.* Aseitas est communis omnibus Dei attributis; ergo non est specialis perfectio.

*Resp. Nego ant.* Intellectum de aseitate, quatenus dicit omnimodam ab alio independentiam, aliae enim perfectiones fluunt ab ipsa aseitate tanquam a radice.

## DISSERTATIO II.

### De Attributis divinis generatim.

Quæres 1. Quid sit attributum divinum?

*Resp.* Est, *quolibet* Dei perfectio, quæ ab essentia divina, tanquam a radice virtualiter profluere concipitur, & de Deo per modum proprietatis predicatur. Alia sunt *positiva*, quæ de Deo aliquam perfectionem affirmant, ut iustitia, bonitas, &c. Alia *negativa*, quæ a Deo aliquam imperfectionem remouent, ut infinitas, incomprehensibilitas, &c. Alia *absoluta*, quæ tribus personis sunt communia; alia *relativa*, quæ uni, vel duabus tantum personis sunt propria, ut pateritas, filiatio, &c.

Quæres 2. Quotuplex est distinctio?

*Resp.* Duplex. Realis nimirum, & rationis. .... *Realis*, est negatio identitatis in ipsa re. .... *distinctio rationis*, est negatio identitatis in conceptu, seu, est diversitas conceptionum ejusdem rei.

Quæres 3. Quotuplex est distinctio realis?

*Resp.* Triplex. Nempe, *realis major*, quæ reperitur inter duas res separabiles, v. gr. inter corpus & animam. *Realis minor*, quæ reperitur inter rem & modum ejus, v. gr. inter digitum & inflexionem digiti. *Et formatis ex natura rei*, quæ reperitur, non quidem inter duas res, sed inter rem & ejus formas, seu inter ejusdem rei varias formas independentem ab operatione mentis diversas.

Quæ-



Quæres 4. Quotuplex est distinctio rationis?

Resp. Duplex. Nempè rationis ratiocinatae, quæ fit per mentem cum aliquo in re fundamento. Et rationis ratiocinantis, quæ fit per mentem, sine ullo in re fundamento: v. g. si quis Petrum a Cepha distinguat.

Quæres 5. Utrum distinctio quæ reperitur inter attributa Dei absoluta, ac inter attributa tum absoluta, tum relativa, & essentiam, sit realis, vel formalis ex natura rei?

Resp. 1. Non est realis, prout definitum est in Concilio Lateran. IV. contra Abbatem Joachim, & in Concilio Rhemenfi contra Gilbertum Porretanum, his verbis: *Credimus nullas omnino res, siue relationes, siue proprietates, siue singularitates, siue unitates dicantur, vel alia huiusmodi, adesse Deo, quæ sint ab æterno, & non sint Deus.* Ratio est, quia de se invicem prædicantur in abstracto, nam *Deus hoc est, quod æternitatem habes, & ipse est æternitas*, ait Div. Greg. lib. 10. moral. c. 20. *Non est ergo in eo aliud esse, & aliud habere.* Ergo non distinguuntur realiter.

Resp. 2. Non est formalis ex natura rei. Nam 1. in Concil. Florent. definitum est, omnia in divinis esse unum & idem, ubi non obviat relationis oppositio: atqui inter attributa absoluta ad invicem comparata, & inter attributa, tum absoluta, tum relativa, ad essentiam divinam comparata, nulla obviat relationis oppositio; ergo sunt unum & idem; ergo inter ea nulla est distinctio actualis ante mentis operationem. . . . 2. Quia juxta Scoti sententiam esset in Deo vera realis formalis compositio, nam compositio est distinctorum unio; atqui juxta Scoti sententiam, est in Deo unio distinctorum distinctione reali formali; ergo erit compositio realis formalis; atqui talis compositio repugnat summæ Dei simplicitati; ergo, &c.

Objectiones: Attributa divina sunt multa independentè ab intellectu; ergo distinguuntur actu formaliter a parte rei.

Resp. Diss. ans. Sunt multa, virtualiter, conc. actualiter & entitative, nego ans. attributa itaque nihil aliud sunt, quam ipsa essentia divina; quæ, licet a parte rei simplicissima, multis realiter distinctis æquivalet in ordine ad diversos effectus præstandos, & diversos conceptus terminandos; ergo non distinguuntur actu ante mentis operationem.

Inst. 1. Justitia actu & a parte rei, non est misericordia; alioquin vera esset hæc prop. *justitia est misericordia.* Atqui falsum consequens. Ergo, &c.

Resp. Diss. Hæc prop. esset vera in sensu reali & identico, cons. in sensu virtuali, formali & præcisivo, nego. Equidem eadem virtus, repræsentata inadæquate ut est principium punitionum, non est formaliter eadem entitas.



entitas representata inadæquate ut est principium miferationum ; verum sic sumuntur prout substantiæ diversis conceptibus , propter multiplicitatem virtuales in Deo .

*Inst. 2.* Essentia & attributa diversas habent definitiões ; ergo & diversas naturas : definitio enim est oratio explicans naturam rei .

*Resp. Dist. ans.* Habent diversas definitiones inadæquatas , *conc.* adæquatas , *nego ans.* definitio *adæquata* exponit rem ut est in se , *inadæquata* explicat rem , prout secundum diversos respectus obijcitur menti . Cum ergo natura divina , quæ infinita est plures habeat respectus , mirum non est , quod per varias definitiones inadæquatas explicetur .

*Inst. 3.* De essentia divina & illius attributis prædicantur contradictoria : nam essentia divina communicatur , personalitas non communicatur : ergo distinguuntur formaliter ex natura rei .

*Resp. Transsees ans. nego consequ.* Quia ad verificanda prædicata contradictoria , sufficit distinctio virtualis . . . . Dixi : *Transsees ans.* quia licet communicari , & non communicari sub eodem respectu , sint contradictoria , non sunt tamen contradictoria , si sic prædicatur de eodem sub diverso respectu : porro *communicari* dicitur de natura in se & absolute sumpta . *Non communicari* vero dicitur de eadem natura , prout est modificata per personalitatem ; ergo sub diverso respectu communicatur , & non communicatur ; ad quod sufficit distinctio virtualis .

*Quæres 6.* Quomodo ergo attributa absoluta inter se , & attributa cum absoluta , cum relativa ab essentia distinguuntur ?

*Resp.* Distinguuntur distinctione rationis ratiocinatæ . Nam distinguuntur per mentem cum fundamento in re , cum sint virtualiter multiplicia , æquivalent enim diversis perfectionibus , quæ actu in creatis distinguuntur .

*Obijcies 1.* Deus est ens simplicissimum ; ergo amovet a se omnem distinctionem .

*Resp. Dist. consequ.* Amovet omnem distinctionem a parte rei , & in se , *conc.* formalem in mente , *nego* . Hæc enim nihil ponit in re ; ergo non officit simplicitati rei .

*Inst. 1.* Compositio etiam rationis , officit summæ Dei simplicitati ; atqui distinctio rationis , importat compositionem rationis in Deo ; nam posita tali distinctione , erit in Deo distinctorum unio , quod importat compositionem .

*Resp. Dist.* Unio distinctorum sese invicem excludentium importat compositionem , *conc.* distinctorum sese invicem includentium , *nego* . Porro attributa & essentia in Deo sese invicem includunt . Quamvis enim mens

atiri-



attributa sine essentia concipiat, eam tamen non excludit ab eis, sed ab ea tantummodo abstrahit per diversos conceptus inadæquatos, rem attribuendo sub diversis nationibus. Qui conceptus non sunt falsi, tum quia *abstractum non est mendacium*: tum quia sunt conformes objecto suo inadæquato.

*Obicitur 2.* Inter attributa & essentiam divinam, sola debet admitti distinctio rationis ratiocinantis: quia nullum est fundamentum reale illa distinguendi mentaliter.

*Resp. Nego ant. & ejus prob.* Nam illud fundamentum, est summa & infinita Dei perfectio, quam mens propter sui tenuitatem, uno conceptu exhaustire non potest.

*Quæres 7. Quomodo attributa essentiam, & essentia attributa sese in suo conceptu essentiali includant?*

*Resp.* Sese includunt in sensu identico, quia nulla distinctione reali distinguuntur, sicutque una simplicissima entitas. Sed non se includunt in sensu formali, saltem explicite, quia attributa non sunt de conceptu formali abstractivo essentiae, nec vice versa.

*Quæres 8. Quomodo essentia de attributis, & attributa de se invicem ac de essentia prædicantur?*

*Resp. 1.* Attributa & essentia divina in concreto, de se invicem prædicantur, sic dicitur: *Deus est justus; justus est Deus, misericors est justus*. Ratio est, quia habent unum commune subiectum, aut quasi subiectum.

*Resp. 2.* Concreta de abstractis, abstracta de concretis, & abstracta de abstractis, de se invicem prædicantur in sensu reali: sic recte dicitur: *Deus est justitia; deitas est justa; justitia est misericordia*. Ratio est, quia sunt unum & idem in omni sensu reali actuali, ut supra probatum est.

*Resp. 3.* In Deo, abstracta de abstractis non possunt de se invicem prædicari in sensu formali per mentem: sic non potest dici: *justitia est misericordia*: quia abstracta secundum sensum formalem considerata, sunt distincta; ergo diversos habent conceptus.

## DISSERTATIO IV.

### De Attributis divinis speciatim.

#### CAPUT I.

##### De simplicitate Dei.

*Quæres 1. Quid sit simplicitas Dei?*

*Resp.* Est negatio compositionis.

*Quæres 2. Quæplex est compositio?*

*Resp.* Duplex. *Realis*, quæ est partium realiter distinctarum unio: ( si partes sint physice, compositio dicitur



citur *physica*; si metaphysicæ, dicitur *metaphysica*) & compositio rationis, quæ est plurium partium sola ratione distinctarum uno: hæc dicitur etiam logica.

Quæres 3. Utrum compositio *physica* habeat locum in Deo?

*Resp. Negat.* Nam omnis compositio *physica*, fit ex materia & forma, vel ex subiecto & accidente; atqui, 1. Deus non constat ex materia & forma, cum sit substantia mere spiritualis: *Spiritus est Deus*, inquit Christus Joan. 4. & eos qui adorant eum, in spiritu & veritate oportet adorare... 2. Non constat ex subiecto & accidente, cum sit immutabilis; ergo, &c.

*Obijctes*; 1. Scriptura, variis in locis, membra humana Deo tribuit, v. g. aures, oculos; ergo, &c.

*Resp. Dist. ant.* Tribuit metaphorice, *conc. proprie, nego.* Per istas enim locutiones, designantur variae Dei perfectiones, quamdam cum facultatibus corporis analogiam habentes: sic per *brachia*, intelligit Dei omnipotentiam, quia in eo membro residet hominis fortitudo.

*Inst.* In Deo sunt affectiones corporeæ, v. gr. poenitentia, ira, &c. Ergo.

*Resp. Dist.* Sunt in Deo, quoad effectum, quia nempe idem facit Deus erga creaturam quæ eum offendit, quod agere solent homines, cum malefactores puniunt, & opera sua destruunt, quæ fecisse illos poenitet, *conc.* quoad affectum, & interiorem animi motum, *nego*; alias Deus mutaretur, cum de non irato fieret iratus.

*Obijctes* 2. Tertull. lib. contra Praxeam, cap. 7. videtur asserere Deum esse Corpus; ergo.

*Resp. Dist. ant.* Prout corpus opponitur nihilo & vacuo, *conc.* prout opponitur substantiæ spirituali, *nego ant.* Agit enim contra Praxeam, qui Verbum divinum non distinguebat a Patre, dicens quod non sit, nisi vox & sonus oris, & aer offensus; quem ut argueret, dixit Deum esse Corpus, per corpus intelligens substantiam per se subsistentem, non molem extensam; quia ait: *Omne quod est, corpus est sui generis*, id est suo modo, & latissimo sensu.

*Obijctes* 3. A creatione mundi, multa de novo advenerunt Deo, v. g. tituli creatoris, iudicis, &c. ergo est compositus ex subiecto & accidente.

*Resp. Dist. ant.* Advenerunt Deo denominative, & objective per meram connotationem ad creaturas, *conc.* intrinsece & subjective per ordinem ad divinam virtutem, *nego ant.* Nam Deus ab æterno habet virtutem creandi, iudicandi, &c. quæ Deo non advenerunt, cum sit ipsi essentialis. Unde patet totam mutationem cadere in res creatas, quæ ab uno statu transiunt ad alium.

*Obijctes* 4. D. August. lib. 5. de Trinit. cap. 4. docet non omnia quæ de Deo dicuntur, secundum substantiam.



stantiam dici; ergo aliqua de eo dicuntur secundum accidens.

*Resp. Nego consequ.* Nam D. August. non opponit substantiam accidenti, sed relationi, asserendo, non cuncta, quæ de Deo dicuntur, absolute dici, sed aliqua relative.

Quæres 4. *Utrum compositio metaphysica ex essentia & existentia, vel ex natura & personalitate, habeat locum in Deo?*

*Resp. Negat.* Nam omnis compositio fit ex rebus distinctis; atqui, 1. existentia Dei, nequidem per mentem distinguitur ab essentia: Deus enim est *ens a se*; atqui *ens a se* includit existentiam in suo conceptu: ergo &c. ... 2. Natura divina & personalitates neque realiter, neque formaliter ex natura rei distinguuntur, (ut superius probatum est) ergo, &c.

Quæres 5. *Utrum in Deo sit compositio logica?*

*Resp. Negat.* Nam in omni composito ex genere & differentia, genus se habet ut potentia perfectibilis & actuabilis a sua differentia; atqui in Deo, ente purissimo & actualissimo, nihil est per modum potentiae; alias actus perfectior cogitari posset; ergo, &c. Hinc SS. Patres cum Cyrillo Alex. damnant: *Alienum est a ratione, genus in Deo ullum nominare.*

*Obijciat:* Compositio, quæ est in sola mente, nihil imperfecti arguit in Deo; atqui compositio ex genere & differentia, est in sola mente; ergo.

*Resp. Nego min.* Nam omnis compositio arguit aliquid in Deo, quod se habet per modum potentiae; atqui omnis potentialitas repugnat enti perfectissimo; ergo.

*Inst.* 1. Illa potentialitas, est pure mentalis; ergo non repugnat Deo.

*Resp. Nego consequ.* Efficit enim ut ens purius Deo excogitari possit, illud nempe in quo non esset talis potentialitas: hoc autem repugnat Deo.

*Inst.* 2. Distinctio fundamentalis, non repugnat Dei simplicitati; ergo nec compositio fundamentalis.

*Resp. Nego consequ.* Disparitas est, quod distinctio fundamentalis nihil aliud arguat, quam summam Dei eminentiam, quam mentis nostræ tenuitas unico conceptu attingere non potest. E contra compositio fundamentalis dicit actum & potentiam, quæ magna est imperfectio, puritati Dei maxime nociva.

Quæres 6. *Utrum Deus possit venire in aliorum compositionem?*

*Resp.* Potest venire in aliorum compositionem quæ dicitur, *cum his*; sed non potest venire in aliorum compositionem quæ dicitur, *ex his*.

*Prob. Prima pars:* Quia compositio *cum his*, fit cum pluribus, ad constituendum compositum, ita conjunguntur, ut unum.



unumquodque eorum remaneat actus; atqui Deus potest venire in ejusmodi compositionem: nam re ipsa Verbum divinum sic componitur in Incarnatione, in qua solius termini rationem habet; ergo.

*Prob. Secunda pars:* Quia compositio ex his, fit ex duobus, quorum unum est materia, alterum forma; atqui ea compositio repugnat Deo; qui si haberet rationem materiæ, esset in potentia ad formam; si haberet rationem formæ, dependeret a materia tamquam a subiecto; ergo, &c.

*Obijcies,* Verbum in Incarnatione, receptum est in natura humana tanquam in subiecto quod informavit ac perfecit; ergo persona Verbi venit in compositionem ex his, tamquam forma.

*Resp. Nego ant.* Nam actus informans, simul cum subiecto, componit unicam naturam; atqui in Christo sunt duæ naturæ; ergo, &c. Hinc *Alamarius* in Concilio Lateran. IV. infans dictus est, quod assereret Deum esse causam formalem hujus mundi.

## CAPUT II.

## De infinitate &amp; perfectione Dei.

*Nota,* I Nfinitum illud est quod nullos habet terminos. Porro tribus modis potest res aliqua dici infinita, nimirum secundum quantitatem molis, secundum virtutem, & secundum essentiam, ita ut infinita sit simpliciter, & in omni genere perfectionis.

*Quæres 1. An Deus sit infinitus quantitate molis?*

*Resp. Negat.* Nam quantitas molis competit solis corporibus, quæ sunt extensa in longum, latum & profundum; atqui Deus non est Corpus; ergo.

*Quæres 2. An Deus sit infinitus secundum virtutem?*

*Resp. Affirm.* Nam est omnipotens, ut suo prebatur loco.

*Quæres 3. An Deus sit infinitus secundum essentiam?*

*Resp. Affirm.* Nam 1. de Deo dicitur Baruch. 3. *Magnus est & non habet finem.* Ergo in Deo est plenitudo omnis esse, ... 2. Deus est *ens a se*; ergo nullos terminos suæ perfectionis: nihil enim a se ipso limitatur, sed a libera voluntate, vel in potentia suæ causæ Deus autem nullam sui esse agnoscit causam.

*Obijcies:* Corpus infinitum omnem occupat locum, a quo omnia alia corpora excludit; ergo si Deus esset ens infinitum, excluderet omnia alia entia.

*Resp. Nego conseq.* Disparitas est; quod sit de essentia Corporis infiniti, ut omnibus omnino locis coexistat cum impenetrabilitate, ac proinde non compatiatur alia secum corpora in loco: at vero infinito secundum essentiam,



tiā, non est essentielle, ut excludat omnes res a se distinctas, sed sufficit, ut omnes earum perfectiones, vel formaliter vel eminenter contineat.

Quæres 4. *Quotuplicis generis sunt perfectiones?*

*Resp.* Triplicis. Nimirum, *simpliciter simplex*, quæ *melior est ipsa, quam non ipsa*, id est, quam melius est habere, quam non habere. *Simplex*, quæ licet nullam imperfectionem importet, tamen impossibilis est cum alia æquali perfectione, sic paternitas in Deo impossibilis est cum filiatione. *Perfectio secundum quid*, quæ in suo conceptu formali aliquam includit imperfectionem, ut esse Corpus.

Quæres 5. *Quotuplicis modo unum continetur in alio?*

*Resp.* Triplici. 1. *Formaliter*, quando in alio continetur secundum propriam formam, sic animalitas continetur in homine. 2. *Eminenter*, quando nobiliori modo continetur in alio, quam in subiecto in quo reperitur secundum propriam suam formam. 3. *Virtualiter*, quando in alio est tanquam in causa, sic planta continetur in semine.

Quæres 6. *Quomodo perfectiones creaturarum simpliciter simplices continentur in Deo?*

*Resp.* Continentur formaliter; quia prædicantur de Deo in abstracto, & secundum propriam formam, juxta illud Job 12. *apud ipsum est fortitudo & sapientia.*

*Obijciat:* Sapientia & benitas creaturarum sunt finitæ & imperfectæ, ergo Deus illas non continet formaliter.

*Resp.* *Dis!* Sunt finitæ & imperfectæ, ratione subiecti ex natura sua finiti, conc. ratione sui, *negō*. Illæ enim virtutes ex se se possunt esse perfectæ & infinitæ, unde in subiecto infinito, sunt infinitæ.

Quæres 7. *Quomodo perfectiones creaturarum simplices continentur in Deo?*

*Resp.* Continentur formaliter: nam quod constituit SS. Trinitatis personas, continetur in Deo formaliter: atqui perfectiones simplices, nempe relationes divinæ, constituunt tres SS. Trinitatis personas, ergo, &c.

Quæres 8. *Quomodo perfectiones creaturarum secundum quid, continentur in Deo?*

*Resp.* 1. Non continentur formaliter, quia dicunt imperfectionem, imo excludunt maiorem perfectionem, v. g. esse corpus, excludit eas mere spirituale, ergo.

*Resp.* 2. Continentur eminenter, quia in Deo continentur nobiliori modo, quam in subiecto in quo reperiuntur secundum propriam suam formam, cum in Deo sint ab omni prorsus imperfectione defœctæ, ergo in Deo continentur eminenter.



## CAPUT III.

De immutabilitate, incomprehensibilitate, &amp; ineffabilitate Dei.

Quæres 1. Quid est immutabilitas?

*Resp.* Est negatio mutationis: unde immutabile dicitur, quod aliter non potest se habere, ac est.

Quæres 2. Quotuplex est mutatio, seu mutabilitas?

*Resp.* Duplex, realis, seu, *intrinseca*, quæ fit per receptionem, aut amissionem alicujus positivæ perfectionis, ut cum lignum mutatur in ignem, & *impropria*, seu *extrinseca*, quæ fit per novam denominationem extrinsecam, absque receptione, vel amissione ullius qualitatis positivæ. De mutatione reali hic agitur.

Quæres 3. Utrum Deus sit omnino immutabilis?

*Resp. Affirm.* Nam 1. Deus dicit Malach. 3. Ego Dominus, & non mutov... 2. Non est mutabilis secundum substantiam, quia est immortalis: nec secundum tempus, quia est æternus, nec secundum locum, quia est immensus, nec secundum quantitatem, quia non est corpus, nec secundum perfectionem, quia est infinitus, nec secundum operationem, quia quæcumque Deus cognoscit & vult, ab æterno cognoscit & vult, ergo, &c.*Obijcies:* Deus transit de loco in locum, ait enim Genes. 11. Venite, descendamus, &c.*Resp. Dist.* Transit metaphorice, quia ita agit quasi moveretur, *conc.* vere, *subdist.* sub specie humana assumpta, *conc.* juxta propriam naturam, *nego.* Porro, Genes. 11. sermo est de Deo sub specie humana apparente.*Inst.* 1. Deus de non creante, factus est creans, ergo mutatus est intrinsece.*Resp. Dist. ans.* Factus est creans, per actum quem semper habuit, *conc.* per actum qui ei de novo advenit. *nego ans.* Itaque per creationem nulla nova entitas Deo advenit, sed nova denominatio & relatio ad creaturas: nihil enim vult in tempore, quod non velit ab æterno, unde actus ejus est æternus.*Inst.* 2. D. August. dicit: Deus movit mutare sententiam, si tu noveris emendare delictum, ergo Deus mutatur.*Resp. Dist. conseq.* Mutatur extrinsece, quatenus eodem modo se gerit, ac si mutaret sententiam, *conc.* intrinsece, quasi novum volendi actum reciperet, *nego.* Itaque, si Deus puniat, sive condonet, punit & condonat per unum & eundem actum, tendentem in diversa objecta, & ideo tota mutatio est in homine.*Inst.* 3. Deus est intrinsece liber, ergo potest mutare sententiam intrinsece.*Resp. Nego conseq.* Quia cum libertas Dei sit perfectissima



suma, potest unico actu, utpote infinito, velle & nolle, amare & odire; ille autem actus, entitative spectatus, est ipse Deus.

Quæres 4. *Utrum Deus possit comprehendere ab intellectu creato?*

*Resp. Negat.* Nam. 1. Deus, *Jerem. 32.* dicitur, *incomprehensibilis cogitatu...* 2. Quia comprehendere Deum, est divinam essentiam cognoscere, quantum cognoscibilis est, ipsamque omni ex parte exhaustire; atqui non potest sic cognosci, nisi per cognitionem infinitam; ejus non est capax intellectus creatus; ergo.

*Obicies:* Beati vident Deum totum, ut est in se; ergo comprehendunt Deum.

*Resp. Dist. ans.* Vident Deum totum, & non totaliter, *conc.* vident Deum totum & totaliter, *nego.* Porro ad comprehensionem Dei non sufficit, ut totus videatur, sed insuper ut videatur totaliter, id est, tam perfecte ac videri potest & exigit, ac consequenter cognitione infinita, cujus mens creata non est capax.

*Inst. 1.* Deus est simplicissimus; ergo non potest videri totus quin simul videatur totaliter.

*Resp. Nego consequ.* Quia ut videatur totaliter, necesse est, ut videatur omni modo quo videri potest & exigit; atqui videri potest & exigit modo infinito; ergo.

*Inst. 2.* D. Aug. *Epist. 112.* ait: *Illud comprehendere, quod ita videtur, ut nihil ejus lateat videntem.* Atqui nihil Dei latet beatos; ergo.

*Resp. Dist. maj.* Ut nihil lateat videntem, tum quoad rem visam, tum quoad omnem amplitudinem ejus cognoscibilitatis, *conc.* quoad rem visam duntaxat, *nego.* Porro cognitio beatorum, cum sit finita, non adæquat totam cognoscibilitatem Dei, qui modo infinito exigit videri.

Quæres 5. *An Deus sit ineffabilis?*

*Resp. Affirm.* Ita definitur in *Conc. Lateran. IV. cap. firmiter*, de summa Trinit. *Credimus quod Deus sit... incomprehensibilis, & ineffabilis.*

Quæres 6. *Quo sensu Deus dicatur ineffabilis?*

*Resp.* Hoc sensu, quod a viatoribus, nullo nomine perfecte, & ut est in se, possit exprimi: quia eum perfecte & ut est in se non cognoscunt.

## C A P U T IV.

### De invisibilitate Dei.

Quæres 1. *Quotplex sit cognitio Dei?*

*Resp. Duplex. Abstractiva* nempe, qua Deum, per medium ab eo distinctum, nimirum per creaturas, cognoscimus; & *intuitiva*, qua Deum, ut in se est, seu essentiam Dei cognoscimus: de hac nunc agimus.

Quæ



Quæres 2. *Utrum Deus videri possit oculis corporeis?*

*Resp. Negat.* Nam in Scriptura Deus dicitur invisibilis 1. ad Tim. 1. *Regi seculorum immortalis & invisibilis.* Et visibilis, 1. Joann. 3. *Videbimus eum sicuti est.* Ergo est visibilis & invisibilis, visibilis per mentem; & invisibilis oculo corporeo. *Ratio est,* quia Deus, cum sit purus spiritus, non est coloratus; ergo est extra obiectum adequatum oculi corporei; ergo oculus corporeus non potest, etiam de potentia Dei absoluta elevari ad intuitivam Dei visionem.

*Obijcies 1.* Scripturæ textus, quibus asseritur Jacob & Moysen vidisse Deum *facie ad faciem*, intelligi debent de visione Dei per oculum corporeum; ergo.

*Resp. Dist. ant.* intelligi debent de visione Dei, sub specie aliena & assumpta, *conced.* in propria natura, *negat.* Viderunt ergo Deum sub specie Angeli Deum repræsentantis, non vero viderunt essentiam divinam.

*Obijcies 2.* Job. c. 19. ait: *In carne mea videbo Deum meum;* ergo, &c.

*Resp. Nego consequ.* Cum D. August. qui, *lib. 22. de Civit. Dei, cap. 19.* observat, Job dixisse, sed, post resurrectionem, visurum Deum *in carne*, id est, resumpto corpore, *non per carnem*, sed per mentem.

*Inst. 1.* Job addit: *Quem visurum sum ego ipse, & oculi mei conspiciuntur.* Ergo.

*Resp. Nego consequ.* Nam Job ibi non loquitur de Deo in se, sed de Deo redemptore, qui in carne assumpta potest videri oculo corporeo.

*Inst. 2.* Job. cap. 42. ait: *Auditu auris audivi te, nunc autem oculus meus videt te.* Atqui ibi loquitur de Deo in se; ergo.

*Resp. Nego min.* Loquitur enim de Deo in sua providentia, quasi diceret: multa audieram de effectibus tue providentiæ: nunc autem, cum a tot miseris sanus evaserim, illos proprio experimento, quasi ad oculum, video.

*Obijcies 3.* Visus est potentia cognoscitiva, Deus vero obiectum cognoscibile; atqui potentia cognoscitiva potest extendi ad quodlibet obiectum cognoscibile; ergo, &c.

*Resp. Dist. maj.* Est potentia cognoscitiva particularis & ad unum obiectum determinata, nempe ad coloratum, *conced.* universalis, *negat.* Deus autem non est coloratus.

*Inst.* Deus, per absolutam suam potentiam elevat ignem corporeum ad comburendas animas, aquam in Baptismo ad producendam gratiam, licet cum illis effectibus nullam habeant proportionem; ergo a pari oculus corporeus elevari potest ad videndum Deum intuitive.

*Resp. Nego consequ.* Disparitas est: quod ignis corporeus,

Compend. ex Charnes,

D

reus,



reus, & aqua baptismalis, non agant modo vitali, & consequenter sint tantum causæ instrumentales effectuum, ad quos producendos a Deo adiunguntur; in causis autem instrumentalibus Deus proportionem aliquam cum effectu producendo, non supponit. E contra oculus corporeus, cum agat vitaliter, est essentialiter causa principalis effectuum quos operatur, ad quos seipsum movere debet; ergo aliquam, saltem inchoatam, cum illis effectibus proportionem habere debet.

Quæres 3. *Utrum Deus per solas naturæ vires possit ab intellectu creato videri intuitive?*

Resp. Negat. Nam 1. ita definitum est in Concilio Viennensi contra Beguardos . . . 2. Isaias 6. 64 dicit: *Oculus, mentis, non vidit, Deus, absque te*, (dante & elevante) *quæ preparasti expectantibus te*. . . Ratio est, quia visio intuitiva est actus supernaturalis, qui non potest elici per solas naturæ vires.

Obijciat: Deus intuitive videndus est intra latitudinem objecti intellectus specificativi; ergo potest naturaliter illius visiones consequi.

Resp. Dist. ant. Est intra latitudinem objecti intellectus specificativi, ipsi improporionati, conced. proportionati, nego. Licet ergo Deus clare videndus, sit intra latitudinem objecti intellectus, quatenus est potentia visiva; tamen cum sit ordinis supernaturalis, ipsi est improporionatus, nec potest illum intuitive videre, nisi aliquo supernaturali auxilio roboretur.

## C A P U T V.

### De visibilitate Dei.

Quæres 1. *Utrum intellectus creatus possit Deum videre?*

Resp. Potest per quoddam auxilium Dei supernaturale: si quidem, Matth. 5. dicitur: *Beati mundo corde, quoniam ipsi Deum videbunt*. Et Apost. 1. Cor. 13. ait: *Videmus nunc per speculum & in enigmate, tunc autem, in patria, facie ad faciem, id est, intuitive*. . . 2. Hæc veritas, quæ definita est in Concilio Florent. demonstratur ex traditione: Nam D. Irenæus, l. 4. contra hæreses, cap. 20 ait: *Participatio Dei, est videre Deum*. . . homines igitur videbunt Deum, & vivens per visionem, immortales facti, & perstringentes usque ad Deum. Et D. Clem. Alex. l. 5. Strom. sic loquitur: *Qui sunt mundo corde, Deum videbunt, postquam extremam perfectionem attigerint*.

Obijciat 1. In Scripturis Deus dicitur *invisibilis*; ergo.

Resp. Illi textus intelliguntur, vel de visione corporæ, vel de visione comprehensiva, vel de visione per se-  
jas



has naturæ vires, vel de visione intuitiva in hac vita; non autem de visione intuitiva in altera vita.

*Obijctes 2.* Multi SS. Patres asserunt Dei naturam non posse intuitive videri; ergo.

*Resp. Nego ans.* Nam SS. Patres unice, rejiciunt possibilitatem visionis Dei comprehensivæ, contra Anomæos, qui, aut ait Div. Chrysest. Hom. 2. contra Anomæos, *Sæpe non minus quam impie saltitabant, se ita Deum posse, ac Deus seipsum novit.* Apposite ergo ad controversiam, quam versabant, exponi debent hæc eorum verba, *videri, & non videri*, quæ pro varia eorum significatione de Deo dici possunt; constat enim SS. Patres vocabula, *videri, & comprehendere*, tanquam synonyma usurpasse.

*Obijctes 3.* Inter mentem finitam & Deum infinitum, nulla est proportio; ergo.

*Resp.* Nulla est proportio *entitatis*, quæ est similitudo in natura, sed est proportio *habitudinis*, in eo posita, quod res aliqua contineatur intra objectum alicujus potentie, nam Deus continetur intra verum, quod est objectum intellectus; illa autem proportio habitudinis, sufficit, ad Deum, cum supernaturali auxilio, videndum.

*Quæres 2.* Utrum aliquibus puris hominibus in hac vita positis fueris concessa intuitiva Dei visio?

*Resp. Nego.* Nam Moyse a Deo postulanti, ut suam ipsi gloriam ostenderet, Exod. 33. respondit Deus: *Non poteris videre faciem meam, non enim videbis me homo & vires.* Ubi nullus, ne Moyses quidem, excipitur. .... Joan. 6. dicitur; *Omnis qui audit a patre venit ad me, non quia patrem vidit quisquam, nisi is, qui est a Deo, hic vidit patrem.* Ubi ab illa prop. negativa excipitur solus Christus; atqui unius exceptio firmat regulam quoad alios; ergo.

*Obijctes 1.* Deus Exod. 33. dixit Moyse: ostendam tibi omne bonum: atqui per, *omne bonum*, intellexit divinam naturam; ergo.

*Resp. nego min.* Nam Deus immediate exclusit intuitivam visionem, dicens: *Faciem autem meam videre non poteris.* Ergo per *omne bonum*, intellexit duntaxat Deus mirabilia quæ per Moysen operaturus erat, ut Israellem a captivitate Aegyptiaca liberaret.

*Inst.* Deus de Moyse, Num. 12. ait: *Os enim ad os loquor ei, & palam, & non per enigmas & figuras.* Dominum videt; ergo intuitive Deum videbat.

*Resp. Dist. seq.* Intuitive videbat Deum, in persona Angeli Deum representantis, *conz.* in propria natura, *nego.* Videbat ergo Angelum, qui Typum Dei gerebat, ut asserit S. Stephanus, *Act. 7.*

*Obijctes 2.* Apostolus 2. Cor. 12. ait se raptum fuisse ad tertium cælum, & audivisse arcana verba quæ non licet homini loqui; ergo, &c.



*Resp. Nego conseq.* Nam enim Apost. loquitur de visis, sed de auditis per revelationem sibi factam in extasi, vel in raptu mirabili quam passus fuerat, idque suadent, tum verbum, *audivi*, quo utitur, tum hæc verba sequentia, *ne magnitudo revelationum extollas me, &c.*

*Quæres 3. Quisnam fuit error Millenariorum?*

*Resp.* In eo consistit, quod docuerint justos post generalem resurrectionem, antequam ad visionem Dei raperentur, cum Christo in terris regnatos, illudque regnum traducturos, vel in ventris ac libidinis voluptatibus explendis, ut docuit infamis Cerinthus; vel in voluptatibus corporeis, sed licitis, ut quidam tenuerunt: vel in solis animæ spiritualibus deliciis, ut docuit Papias Hierosolymitanus Episcopus.

*Quæres 4. Quid de sententia Cerinthi est sentendum?*

*Resp.* Quod sit infamis, ab ipso Christo Matth. 22. damnata: *in resurrectione neque nubens neque nubensur*, & ab Apostol. Rom. 4. *Non est regnum Dei esca & potus.*

*Quæres 5. Quid de sententia Papiæ dicendum?*

*Resp.* Quod sit fabulosa ac delira: nam si vera esset, 1. Regnum Christi esset terrenum, tamen, Joan. 18. dicit: *Regnum meum non est de hoc mundo*. . . . . 2. Regnum Christi mille annorum spatio circumscriptum, quod tamen nullum habiturum esse finem asserit Lucas, cap. 1. *Regni ejus non erit finis.*

*Obijcies:* D. Joan. in Apocal. cap. 20. docet, quod Angelus ligavit diabolum per mille annos. . . . ut non amplius seducat gentes, donec consummentur mille anni. Atqui hoc est Millenariorum sententia; ergo.

*Resp. Nego min.* Nam juxta Millenarios, regnum Christi non erit, nisi post generalem corporum resurrectionem; tamen D. Joannes loquitur de regno mille annorum, qui præcedent adventum Anti-christi, qui regnabit tribus annis & dimidio ante corporum resurrectionem; dicit enim: *Et cum consummati fuerint mille anni, solvitur satanas de carcere suo, & exibit, & seducit gentes.* D. Joannes ergo per mille annos designat durationem præsentis Ecclesiæ, a primo Christi adventu usque ad Anti-christi tempora, quod tempus dicitur regnum Christi.

*Insi.* Quod D. Joan. docet de regno Christi, non potest intelligi de tempore præsentis Ecclesiæ; ergo, &c.

*Prob. ant.* Juxta D. Joan. 1. toto tempore illius regni draco ligabitur; atqui quotidie hominibus insidiatur. 2. Templum illius regni ad mille annos restringitur; atqui Ecclesia ab annis 1754. durat. 3. Animæ decollatorum, propter testimonium Jesu, pertinebunt ad illud regnum; atqui non sunt amplius de Ecclesia; ergo.

*Resp. Ad 1. dist. ant.* Draco est ligatus, quatenus, per mortem Christi, ejus vires depressæ sunt & extenuatæ,



tæ, cont. significavit Christus Joan. 12. dicens: Nunc princeps hujus mundi ejicietur foras. Quatenus insidias hominibus frueretur amplius non potest, nego. Adhuc enim latrare potest, sollicitare non potest, ait D. August. serm. 197. de temp. mordere omnino non potest, nisi volentem.

Resp. Ad 2. dist. maj. Spatio mille annorum, sumptorum indefinite, pro toto illo tempore quod a morte Christi, ad diem usque judicii, vel, ut alii volunt, ad adventum Anti christi intercedit, cons. sumptorum definite, nego. Itaque, mille annos pro annis omnibus hujus sæculi posuit, ait August. loco cit. ut perfecto numero notaretur ipsa temporis plenitudo, quæ per millenarium numerum solet explicari in Scriptura; v. g. Jerem. 31. Ego Dominus faciens misericordiam in millibus his qui diligunt præcepta mea; id est, in omnibus.

Resp. Ad 3. nego min. Cum D. August. ibidem: Neque enim, ait, piorum animæ mortuorum separantur ab Ecclesia quæ nunc est regnum Christi... regnant cum illo, per gloriam essentialem, dum isti mille anni, primæ resurrectionis, decurrunt.

Quæres 6. Utrum animæ justorum, quibus nihil superest expiandum, statim post mortem, ad claram Dei visionem admittantur?

Resp. Affirm. Nam I. Apost. I. Cor. 5. scribit, Sanctos post mortem, habituros esse domum non manufactam, eternam in cælis. Nullum autem tempus interponit inter mortem & possessionem illius æternæ habitationis; ergo, &c. ... 2. Idem asserunt Patres; Quinta securitas, inquit D. Cyprian. exhortat. ad martyrium, claudere in momento oculos, quibus homines videbantur & mundus, & aperiri eosdem statim, ut Deus videatur & Christus... sine damno temporis merces, judice Deo, redditur, ergo statim, & sine damno temporis, iusti visione beatifica donabuntur.

Obicies I. D. Joan. Apoc. 6. dicit, se vidisse subtus altare animas intersectorum propter Verbum Dei; ergo Martyres nondum sunt in cælis.

Resp. Nego confeg. Nam quidquid intellexerit nomine altaris, certum est illas animas in cælo esse; nam infra dicitur: illis data sunt singula stolæ alba; atqui per stolæ albas intelligitur æterna felicitas; ergo.

Inst. Illis martyrum animabus postulantibus gloriam, responsum est, ut requiescerent adhuc modicum, donec compleantur conservi eorum & fratres eorum, id est, ut finem mundi expectarent; ergo nondum fruuntur beatitudine.

Resp. Dist. confeg. Nondum fruuntur beatitudine corporis, conc. animæ, nego. Itaque, animæ illæ, jam una stola, hoc est, animæ felicitate donatæ, gloriam corporis postulant, quæ dicitur non esse ante finem mundi concedenda.



*Obijciat 2.* In ultimo duntaxat iudicio, Christus d'cet electis: *Possidete paratum vobis regnum*, Matth. 25. Deinde Paterfamilias non solvit denarium diurnum, nisi ad vespertinam, *Matth. 20.* id est, nisi ad finem mundi: ergo, &c.

*Resp. Nego confeg.* Uterque enim textus intelligitur de beatitudine completa tum animæ, tum corporis, quæ electi non donabuntur, nisi in fine mundi, post ultimum iudicium.

*Obijciat 3.* SS. Patres iustorum felicitatem ad ultimum usque iudicii diem prætrahunt: ergo.

*Resp. Nego ant.* Exceptis enim paucis, qui Papiæ adhæserunt, ut sunt, *Iustinus, Irenæus, Nepos, Lactantius, Severus Sulpicius, & Augustinus* initio sui Sacerdotii, reliqui omnes asseruerunt, animas iustorum statim post mortem in cælo regnaturas.

*Inst. 1.* D. Aug. *Serm. 299.* docet omnes Sanctos post resurrectionem sabbatizatos in terra cum Christo, antequam in cælum admittantur, & *sabbatizant Sancti & iusti Dei*; ergo &c.

*Resp. Fateor* D. Aug. initio Sacerdotii in opinione Millennium fuisse versatum, ut ipsemet fatetur, *1. 20. de civit. Dei c. 9.* Verum brevi postea istam opinionem exiit, & constanter exinde docuit, animas statim a morte clara Dei visione potiri; nam in *Psalm. 119.* ait: *Ibi, in cælesti Ierusalem, omnes iusti & Sancti sunt, qui fruuntur verbo Dei sine lectione, sine litteris; quod enim nobis per paginas scriptum est, per faciem Dei, illi cernunt.*

*Inst. 2.* D. Bernardus, *Serm. 3. de Sanctis*, ait: *In illam beatissimam, Dei, domum, nec sine nobis intrabunt, nec sine corporibus suis.* Ergo nondum videat Deum,

*Resp. Dist. ant.* Non intrabunt sine nobis in domum Dei, cum completa animæ & corporis felicitate, *conco.* cum felicitate incompleta animæ, *nego ant.* sic se explicat D. Bernard. eodem *Serm.* dicens: *Acceperunt jam singulas stolas, sed non vestiuntur duplicibus donec vestiamur & nos.... Stola enim prima, ipsa est, quam diximus, felicitas & requies animarum, secunda vero, immortalitas & gloria corporum.* Hæc de sana D. Bernardi doctrina nullum relinquunt dubitandi locum.

*Inst. 3.* Joan. XXII. definivit Sanctos, (non nisi post extremi iudicii diem, esse Deum visuros; ergo, &c.

*Resp. Nego ant.* Licet enim Joan. XXII. tanquam Doctor privatus, in ea fuerit opinione, nihil tamen super ea re definiit, ut constat, 1. Quia id declaravit Clerus Gallianus, a Rege in castrum Vincennarum coactus... 2. Quia id ipsum testatur Joan. XXII. revocando priorem suam opinionem per speciale diploma datum Avenione anno ejus Pontificatus ultimo. Quod diploma a Benedictus XII. ejus successor promulgavit anno sequenti, in Extravag. quæ incipit: *Benedictus Deus.*



Quæres 7. Quid sit lumen gloriæ?

Resp. Est habitus supernaturalis, quo mens creata, a Deo elevatur ad intuitivam visionem Dei eliciendam.

Quæres 8. Utrum lumen gloriæ necessarium sit ad Deum intuitivum videndum?

Resp. Affirm. Nam 1. hoc definitum est in Conc. Vicenensi contra Beguardos, & Beguinas. .... 2. Quia cum intuitiva Dei visio sit supernaturalis, intellectus creatus est ex se insufficientis & improporcionatus ad illam eliciendam; ergo ad id indiget elevari per aliquod auxilium supernaturale; atqui illud auxilium est lumen gloriæ; ergo, &c. Hinc, *Psal.* 35. dicitur: *In lumine tuo videbimus lumen.*

Obijciat 1. Omnis facultas potest per se, & sine ullo addito, attingere objectum suum; atqui Deus, utpote summe cognoscibilis, est objectum intellectus creati; ergo.

Resp. Dist. maj. Potest per se attingere objectum suum, sibi proportionatum, conc. sibi improporcionatum, nego. Deus itaque intuitivum videndus, est objectum supernaturale; ergo intellectui creato improporcionatum.

Obijciat 2. Si lumen gloriæ sit principium effectivum visionis beatificæ, intellectus erit tantum causa instrumentalitatis illius visionis; absurdum consequens; ergo.

Resp. Nego seq. maj. Nam tum intellectus, tum lumen gloriæ simul conjuncta, unicum efficiunt visionis beatificæ principium; ergo neutrum suam agendi virtutem recipit ab alio.

Quæres 9. Quotuplex sit objectum intuitivæ Dei visionis?

Resp. Duplex: *primarium* nempe, quod primo, per se, & immediate videtur, & in quo cetera videntur, talis est Deus. *Es secundarium*, quod in alio videntur, nec confert ad beatitudinem, nisi accidentaliter, ejusmodi sunt creaturæ.

Quæres 10. Quid primario beati videant in Deo?

Resp. *Vident* 1. essentiam divinam, & omnia attributa, tam absoluta, quam relativa. Non possunt enim videre Deum ut est in se, facie ad faciem, quin videant omnia attributa quæ sunt in Deo formaliter & intrinsece.

*Vident* 2. omnia mysteria fidei; nam vident *facie ad faciem*, quæ viderunt in terris *per speculum in enigmate*.

Quæres 11. Utrum essentia divina possit videri sine attributis, vel una persona sine alia?

Resp. Non potest, ne quidem de potentia Dei absoluta: nam Christus, *Joan.* 14. ex visione Verbi, concludit visionem Patris: *Philippe, qui videt me, videt & Patrem*; atque dicit id fieri, eo quod fiat unum in essentia: *Quomodo tu dicis, ostende nobis Patrem? non credis, quia ego in Patre, & Pater in me est? Ergo vis*



essentia, videntur omnia quæ sunt idem cum illa, qualia sunt omnia attributa, & omnes SS. Trinitatis personæ.

*Obijcies 1.* Essentia Dei virtualiter distinguitur ab attributis & personis; atqui virtualis illa distinctio sufficit ut unum sine alio terminet actum intellectus; ergo, &c.

*Resp. Dist. min.* Ut terminet actum intellectus abstrahentis, *conc.* intuitive videntis, *nego min.* nam intuitiva visio terminatur ad Deum ut est in se a parte rei, non ut per mentem una perfectio abstrahitur ab alia; atqui Deus, utpote simplicissimus, non potest videri ut est in se, quin videatur totus; ergo.

*Inst.* Deus liber est in concedenda sui clara visione, ergo potest clare manifestare essentiam sine attributis.

*Resp. Dist. ans.* Liber est absolute, quatenus potest se ad videndum exhibere, vel non exhibere, *conc.* liber est hypothetice, *nego ans.* ex hypothesi enim, quod se clare videndum exhibeat, non potest manifestare essentiam, quin manifestet ea quæ realiter identificantur cum essentia divina.

*Obijcies 2.* Personæ divinæ a se invicem realiter distinguuntur; ergo, &c.

*Resp. Nego consequ.* Quia personæ, licet realiter inter se distinctæ, sunt unum & idem cum essentia divina, quæ a beatis primario videtur; ergo hæc videri non potest, quin illæ simul cum ea videantur.

*Inst.* Una persona potuit incarnari sine alia; ergo pariter: &c.

*Resp. Nego consequ.* Disparitas est, quod non necesse sit, ut res quæ alicui unitur, ei adæquate uniatur, hoc est, secundum id omne quod est idem cum ipsa; unde verbum potuit uniri humanitati, quamvis id omne quod est idem cum essentia divina, humanitati conjunctum non fuerit, id est, licet unaquæque persona propriam suam subsistentiam humanitati non unierit. Econtra visio objecti non potest esse intuitiva, quin objectum adæquate attingat, hoc est, secundum omnia quæ sunt ejusdem cum ipso naturæ.

*Quæres 12.* Utrum Beati videant omnes res in aliqua temporis differentia existentes?

*Resp. Negat.* Quia multa sunt quorum cognitionem Deus illis non tribuit, eo quod ad eorum statum non pertineant; sic teste Christo, Matth. 24. non vident ultimi judicii diem; nec vident secreta cordis, nisi ad eos dirigantur.

*Quæres 13.* Utrum aliquas saltem res existentes videant?

*Resp. Affirm.* Nam vident res ad quas naturalem habent appetitum, alias beatitudo non esset status omnium bonorum aggregatione perfectus. Sic 1. vident rerum, quæ sunt in hoc universo, genera & species, & rationes earum. 2. Vident in Deo omnia singularia quæ  
spe.



spectant ad statum in quo, cum in terris degerent, vivere. 3. Vident preces quas viventes ad eos dirigunt, quia hoc spectat communionem quam Christus instituit inter membra Ecclesie regnantis, militantis, & patientis. 4. Sese invicem vident, suosque parentes & amicos cognoscunt. Ad illa enim omnia naturalem habent appetitum.

*Quæres 14. Utrum Beati videant omnia possibilia?*

*Resp. Negat.* Alias comprehendereat Deum, nam omnipotentia est ipse Deus.

*Obijcies:* Beati vident omnipotentiam Dei ut est in se; atqui non possunt eam sic videre, nisi omnia possibilia videant; ergo.

*Resp. Dist. min.* Nisi omnia possibilia videant, consequē, *cons.* distincte & sigillatim, *nego.* Vident itaque omnipotentiam Dei in se, sed non vident sigillatim omnes creaturas ad quas potest sese extendere, alias comprehenderetur, quod menti finitæ est impossibile.

*Quæres 15. In quo beati vident creaturas quas vident?*

*Resp.* Eas vident in Verbo divino, id est in essentia divina.

*Quæres 16. Quomodo Creatura quæ videntur a Beatis, videantur in Verbo?*

*Resp.* Videntur in Verbo formaliter, & causaliter. Nam 1. creaturas videri in Verbo *formaliter*, est illas videri eadem visione, qua videtur essentia divina, in qua representantur itaquam in speculo; atqui creaturæ sic videntur in verbo, quod est speculum rerum omnium.

... 2. Creaturas videri in Verbo *causaliter*, est eas videri in se ipsis, visione equidem distincta a visione essentia divina, sed ab illa causata, ita ut essentia visio præsupponatur tanquam visionis creaturarum causa, saltem moralis; atqui creaturæ sic etiam videntur a Beatis, vel per revelationem ipsis factam, vel per species ipsis a Deo infusas; ergo, &c. ... Primam cognitionem Div. August. *lib. 4. de Genes. ad litt. c. 22.* vocat *matutinam*, quia clarior est. Secundam, vocat *vespertinam*, quia obscurior & imperfectior est.

*Obijcies 1.* Creaturæ non suat in Verbo formaliter; ergo non possunt in eo videri formaliter.

*Resp. Nego consēq.* Nam ut aliquid videatur formaliter in Verbo, sufficit ut cum Verbo habeat connexionem talem, ut Verbum sit ratio formalis & motiva illud cognoscendi; atqui creaturæ habeat talem connexionem cum Verbo, tum ratione causæ exemplaris, quippe factæ sunt ad normam idearum qua de eis Verbum habuit ab æterno; tum ratione causæ efficientis, quippe omnia per Verbum facta sunt; ergo, &c.

*Obijcies 2.* Quod videtur in alio, non videtur intuitive sed obscure; atqui repugnat cognitionem Beatorum non esse intuitivam, sed obscuram; ergo &c.



*Resp. Dist. maj.* Non videtur intuitive, sed obscure, si illud aliud rem perfecte non repræsentet, *conc.* si perfecte non repræsentet, *nego.* Porro Verbum, quod est perfecta imago Patris, est etiam perfecta imago rerum omnium, tum possibilium, tum existentium.

*Obijcies 2.* Si Beati aliquas creaturas viderent in Verbo tanquam in speculo, viderent omnes creaturas tum possibiles, tum existentes; quia Verbum illas omnes repræsentat; falsum ex dictis *conseq.* ergo &c.

*Resp. Dist. maj.* Si viderent eas tanquam in speculo necessario, *conced.* tanquam in speculo voluntario, *nego.* Porro essentia divina est speculum voluntarium, & consequenter beati eas solas creaturas in ea vident, quas Deus illis, pro beneplacito, vult manifestare, eorum intellectum per specialem concursum adjuvando ad harum, non ad illarum cognitionem.

*Quæres 17.* Verum intuitiva Dei visio in omnibus beatis sit æqualis?

*Resp. Negat.* Nam 1. Christus Joan. 12. dicit: *In domo Patris mei mansiones multe sunt.* Quia, inquit D. Greg. Mag. lib. 35. moral. cap. 4. *in illa beatitudinis vite non dispart, unusquisque juxta dispar meritum, datum disparam percipit.* 2. Cor. 15. *Stella enim differat a stella in claritate.* Hinc in Concil. Flor. definitum est, *beatos visuros Deum, sicut est, pro meritorum damna diversitate, alium alio perfectius.*

*Obijcies 1.* Matth. 20. unus denarius retribuitur omnibus qui in vinea patris-familias operati sunt, licet alii plus, alii minus laboraverint; ergo æqualis omnibus discernitur visio beatifica.

*Resp. Dist. conseq.* Erit æqualis quoad substantiam, *conc.* quoad gradum & intentionem, *nego.* Vita æterna erit æqualis omnibus, sed pro meritum diversitate fulgebunt, alius magis, alius minus.

*Obijcies 2.* Deus est maxime simplex; ergo non potest inæqualiter videri.

*Resp. Nego conseq.* Quia æqualitas aut inæqualitas intuitivæ visionis non petuntur ex objecto, sed ex majori vel minori virtute potentix, quæ circa illud objectum versatur; virtus autem illa major vel minor est, prout magis vel minus participat de lumine gloriæ, quod est principium intuitivæ visionis.

*Obijcies 3.* Posita beatitudinis inæqualitate, alter beatus alteri invidet, illiusque majorem felicitatem desiderabit; ergo non erit in statu omnium bonorum aggregatione perfecte.

*Resp. Nego ant.* Nam, ut ait Greg. M. lib. 4. moral. cap. 31. *Nullus illius disparitatis damna sentit, quia tantum sibi, quantum percepit, sufficit, quilibet enim tantum visionis habet, quantum capere potest; unde cum quilibet sit exsaturatus, nullus aliorum perfectiorem statum ambit.*

Quæ-



Quæres 18. Undenam repetatur *inequalitas intuitivæ visionis*?

*Resp.* Repetitur ab inæqualitate luminis gloriæ, tantum a causa physica totali, non vero a majori, vel minori perspicacia intellectus. Ratio Div. Thomæ 1. p. q. 12. art. 6. est, quia, *intellectus plus participans de lumine gloriæ, perfectius Deum videbit; plus autem participabit de lumine gloriæ, qui plus habet de claritate.* Hinc sacra Facultas Parisiensis sequentem damnavit prop. Cujus meliora fuerint naturalia, necessario major erit gratia & gloria.

*Obijciat;* Intellectus concurrit ad visionem beatificam, ergo intellectus magis perspicax, ad eam magis concurret.

*Resp. Diss. ant.* Concurrit per vires supernaturales, a Deo per lumen gloriæ acceptas, *cons.* per vires naturales, *neg.*

*Inst.* Intellectus ad visionem concurrit ut potentia vitalis; ergo per vires naturales.

*Resp. Diss. ant.* Concurrit ut potentia vitalis elevata, & supernaturalizata, *cons.* naturalis, *neg.* Intellectus ergo agit in quantum elevatur per lumen gloriæ, & consequenter tota visionis inæqualitas physice fluit ab inæqualitate luminis gloriæ, intellectum magis, vel minus elevantis.

## C A P U T VI.

[De Dei æternitate, immensitate, & bonitate.

Quæres 1. *Q*uid sit æternitas?

*Resp.* Definitor a Boetio: *Interminabilis vite tota simul & perfecta possessio* . . . dicitur 1. *possessio*, quia est firma, quieta & stabilis . . . Dicitur 2. *Tota simul*, quia nulla est in æternitate partium successio . . . Dicitur 3. *Perfecta*, quia est immutabilis & independens ab alio . . . Dicitur 4. *Interminabilis vite*, quia nec initium habet, nec finem.

Quæres 2. *Utrum Deus sit æternus?*

*Resp. Affirm.* Nam Deut. 31. Deus dicit: *Vivo ego in æternum.* Danielis 6. dicitur: *Ipsa est Deus vivens, & æternus in sæcula*; Ratio est, quia Deus est omnino immutabilis; ergo æternus. Eternitas enim nihil aliud est, quam duratio prorsus immutabilis.

*Obijciat:* In duratione Dei reperitur tempus præsens, præteritum, & futurum; ergo duratio Dei successionem importat; ergo non est æternus.

*Resp. Diss. ant.* Reperitur præteritum, præsens, & futurum, eminenter, quatenus nimirum Deus sua æternitate complectitur omnia tempora, utpote respondens omnibus motibus, qui in diversis temporis partibus fiunt,



*conc. ant.* reperitur formaliter, *nego*. Nam successio-  
nem non importat.

*Inst.* Eternitas coextenditur variis temporum spatiis,  
quæ vere successiva sunt; ergo eternitas est succes-  
siva.

*Resp. Dist. ant.* Eternitas coextenditur eminenter,  
*conc.* formaliter, *nego*. Porro licet res coextensa formali-  
ter, sit mutabilis, sicut res successiva cui coextenditur;  
tamen res coextensa eminenter, est immutabilis.

Quæres 3. *An æternitas sit ita propria Deo, ut nulli  
creatura communicari possit?*

*Resp. Affirm.* Nam omnis creatura habet necessario  
sux existentia: initium, cum sit necessario facta ex nihilo  
quod præcessit. Hinc SS. Patres, ex æternitate Verbi  
probarunt illius divinitatem adversus Arianos.

*Obijcies:* Deus ab æterno est omnipotens; ergo ab  
æterno potuit creare.

*Resp. Dist. conseq.* Potuit ab æterno creare in tempore,  
*conc.* in æternitate, *nego*. Hoc enim implicat, nam om-  
nis creatura supponit nihilum: quod sui creationem  
precedit; nihil autem præcedere potest æternitatem.

Quæres 4. *Quid sit immensitas, & ubiquitas?*

*Resp.* *Immensitas*, est illimitata substantia: divinæ dif-  
fusio, per quam apta est coexistere omnibus rebus & lo-  
cis ... *Ubiquitas*, est actualis Dei inexistencia in omni-  
bus rebus & locis. Immensitas ergo differt ab ubiquita-  
te, tanquam actus primus ab actu secundo.

Quæres 5. *Utrum Deus sit immensus?*

*Resp. Affirm.* Nam 1. Deus Baruch. 3. dicitur: *Ex-  
celsus & immensus*. 2. In Conc. Lateran. IV. definitur:  
*Firmiter credimus ... quod unus solus est verus Deus,  
æternus & immensus ...* 3. Immensitas est perfectio  
simpliciter simplex; ergo, &c.

Quæres 6. *Utrum Deus sit ubique per potentiam?*

*Resp. Affirm.* Nam ex Apostolo 1. Cor. 12. *Deus o-  
mnia operatur in omnibus*; ergo.

Quæres 7. *An Deus sit ubique per præsentiam?*

*Resp. Affirm.* Nam Hebr. 4. dicitur: *Omnia nuda &  
aperta sunt oculis ejus*; ergo.

Quæres 8. *An Deus sit ubique per substantiam?*

*Nota:* Tripliciter res potest esse in loco per substan-  
tiam. 1. *Circumscriptive*, quando res, per diversas sui  
partes, respondet totidem loci partibus, ita ut ulterius  
non extendatur. Hic existendi modus convenit solis cor-  
poribus .... 2. *Definitive*, quando res tota est in toto  
loco, & tota in qualibet parte loci, ita ut existentia  
locati non excedat locum. Hic existendi modus conve-  
nit spiritibus finitis. ... 3. *Repletive*, quando res, to-  
ta est in toto loco, & tota in qualibet parte loci, nec a  
loco definitur, sed est ubique. His notatis

*Resp. Affirm.* Nam 1. Jerem. 23. Deus dicit: *Nun-  
quid*



quid non celum & terram ego impleo? Et Psalm. 138. Quo ibo a spiritu tuo, & quo a facie tua fugiam? si ascendero in celum, tu illic es: si descendero in infernum, ades. Ergo cum Deus sit in celo substantialiter, est etiam in aliis locis substantialiter... 2. Deus est ubique per operationem, ut ipsi fatentur Sociniani; ergo est ubique per substantiam: nam in Deo operatio entitative sumpta, idem est cum illius substantia.

*Obijcies* 1. Scriptura passim asserit Deum esse in celo, non autem in terris, Psalm. 113. *Deus autem noster in celo. Celum celi Domino, terram autem dedit filiis hominum.*

*Resp. Dist. ant.* Asserit Deum esse in celo, quo ad peculiarem modum manifestandæ suæ gloriæ, *conc.* quasi unicum sit ejus domicilium, *nego.*

*Obijcies* 2. SS. Patres passim negant Deum esse in loco: ergo... *Resp. dist.* negant Deum esse in loco circumscriptive, aut definitive, *conc.* repletive, *nego.* Responsio patet ex supra dictis.

*Obijcies* 3. Horrendum est dicere, Deum esse in demonibus, damnatis, in locis foetidissimis; ergo non est ubique... *Resp. nego ant.* Nam purus spiritus incapax est, qui sordibus locorum, ubi est, inquinetur; nec magis is inquinetur Deus, quam sol dum easdem foeditates perustrat radiis suis, & anima dum est in corpore leproso.

*Obijcies* 4. Scriptura & SS. PP. innuunt, Deum non esse in rebus, nisi per suam actionem, Act. 17. *Non longe est ab unoquoque nostrum, in ipso enim vivimus, movemur, & sumus.* D. Joan. Damasc. lib. 1. Orthod. fidei, cap. 16. *Ibi locus Dei esse asseritur, ubi perspicua ejus operatio existit.*

*Resp. nego ant.* Nam dumtaxat præsentiam Dei substantialem ex ejus operatione, quæ a substantia non distinguitur, colligunt.

*Inst.* Ex actione ejus, qui potest agere in distans, non potest colligi præsentia substantialis; atqui Deus utpote omnipotens, potest agere in distans; ergo, &c.

*Resp. Nego min.* Repugnat enim aliquam causam agere in distans: quia omnis causa debet effectum contingere, vel per se, vel per virtutem suam: porro virtus Dei, est ipsamet substantia Dei; ergo.

Quæres 9. *Utrum Deus sit substantialiter extra mundum?*

*Nota:* Dupliciter potest Deus intelligi esse extra mundum, 1. *Positive*, si illic sit tanquam in spatio reali, cui coexistat. 2. *Negative*, si illic existat, sed non extra se, nec cum ulla ad locum coexistentia & connotatione. Itaque

*Resp.* 1. Deus est extra mundum *negative*, alias cælorum ambitu coarctaretur; atqui non potest cælorum



ambitu coarctari, de quo 3. Reg. 8. dicitur : *Celum & cali celorum te capere non possunt*. Ergo.

*Resp.* 2. Deus non est extra mundum *positiva*, quia illic non est tanquam in spatio reali, cui coexistat, sed ibi est in seipso, quomodo jam erat antequam mundus fieret. Unde Poeta canit :

*Dic ubi tunc esset, cum prater eum nihil esset ;  
Tunc ubi nunc, in se : quoniam sibi sufficit ipse.*

Quæres 10. *Quotuplex distinguatur sanctitas ?*

*Resp.* Triplex. Nimirum, *absoluta*, quæ est plenitudo essendi rei. *Relativa*, quæ est perfectio entis conveniens alteri, ab eoque appetibilis. Et *moralis*, quæ est perfecta sanctitas.

Quæres 11. *Utrum Deus sit bonus triplici illa sanctitate ?*

*Resp. Affirm.* Nam 1. est summe perfectus, est enim ens quo nihil melius ac perfectius excogitari potest . . . 2. Est summe conveniens creaturis, ab eisque appetibilis, cum omnes earum perfectiones sint participes divini illius esse . . . 3. Est perfecte sanctus, Psalm. 144. *Sanctus est in omnibus operibus suis*.

Quæres 12. *Utrum Deus sit bonus per essentiam ?*

*Resp. Affirm.* Nam ille est bonus per essentiam, qui habet bonitatem vi essentiae suæ solius, & independenter a quocumque alio; atqui talis est Deus. Quare Christus, *Luce* 18. dixit : *Nemo bonus, nisi solus Deus*. Nempe per essentiam, cum tamen creaturæ sint bonæ per participationem.

*Obijcies* : Deus non est summe bonus ; ergo non est bonus per essentiam.

*Prob. ant.* Quod est summe bonum, debet se summe diffundere, cum bonum sit sui diffusivum ; atqui Deus non se summe diffundit ; ergo.

*Resp. Dist. min.* Non se summe diffundit ad intra, *nego*. Ad extra, *subdist.* propter conditionem creaturæ, *conc.* propter defectum bonitatis infinitæ ex parte Dei, *nego*. Summa itaque bonitas non potest, nisi personæ divinæ, summe communicari, quomodo ad intra communicatur Spiritui sancto in ejus productione.

*Inst.* Si Deus sit summum in quocumque genere bonum, debet excludere omne malum, tum a se, tum a quocumque alio ente; atqui non excludit ; ergo.

*Resp. Dist. maj.* Debet excludere omne malum, si illud summum agat necessario, ut agit ignis, *conc.* si agat libere, ut agit Deus ad extra, *nego*.



## CAPUT VII.

## De intellectu &amp; scientia Dei.

## §. I. De existentia, proprietatibus, &amp; divisione scientiæ Dei.

Quæres 1. **U**trum sit scientia in Deo?

*Resp. Affirm.* Nam Esther 14. dicitur: *Domine qui habes omnium scientiam.* Ratio est quia scientia est perfectio simpliciter simplex, quæ est melior ipsa quam non ipsa.

*Obijciens 1.* Scientia est accidens; ergo... *Resp. diff.* Est accidens in creaturis, *conc.* in Deo, *nego.* Nam in Deo non distinguitur ab essentia.

*Obijciens 2.* Scientia proprie dicta est discursiva; atq; qui cognitio discursiva repugnat Deo.

*Resp. Diff. maj.* Est discursiva, spectata in homine, *conc.* spectata in seipsa, *nego.* Discursus itaque non pertinet ad essentiam scientiæ, est enim tantum ejus defectus & imperfectio; unde excluditur a Deo, qui uno & simplicissimo actu omnia simul pervadit & penetrat.

Quæres 2. *Qualis sit scientia Dei?*

*Resp. 1.* Est, *infinita*, cum extensive, quia omnia cognoscit: tum intensive, quia ejus cognitio est certissima, evidentissima, & omnium comprehensiva... 2. Est *æterna*, quia nunquam habuit initium, nunquam fuit interrupta, nunquam finem habitura est... Est *immensabilis*, quia non est quid realiter & entitative distinctum a Deo, cum sit Deus ipse, ut fides docet.

Quæres 3. *Quotuplex sit in Deo scientia?*

*Resp.* Unica est realiter, quæ est ipse Deus; tamen propter multiplicem ordinem quem dicit ad varia objecta ad quæ se extendit, multiplex a Theologis cum fundamentamento assignatur scientiæ Dei divisio. Nam

1. *Dividitur*, in scientiam *necessariam*, quæ versatur circa Deum & res possibles, quæ non possunt aliter se habere. Et *liberam*, quæ versatur circa creaturas, vel præteritas, vel existentes, vel aliquando futuras.

2. *Dividitur* in *speculativam*, quæ in sui objecti consideratione quiescit; & *practicam*, qua Deus res creatas producit.

3. *Dividitur* in scientiam *simplicis intelligentiæ*, qua Deus cognoscit res mere possibles; in scientiam *visionis*, qua Deus cognoscit res, vel existentes, vel aliquando futuras; & in scientiam *futurorum sub conditione*, qua Deus cognoscit res, quæ nunquam eveniant, sed tamen evenirent, si quædam conditio poneretur, sive postea ponatur, sive non.

§. II.



## §. II. De scientia simplicis intelligentie.

Quæres 1. *Utrum Deus omnes creaturas possibles certo cognoscat secundum esse eminens quod habent in Deo?*

*Resp. Affirm.* Nam Deus perfecte comprehendit suam omnipotentiam; ergo perfecte cognoscit ea omnia, ad quæ potest sese extendere; atqui se extendit ad omnia possibilia; ergo.

Quæres 2. *Utrum Deus possibilia videat, etiam secundum esse proprium & formale quod haberent in seipsis, si producerentur?*

*Resp. Affirm.* Quia sic considerata habent verum esse, nec ille modus videndi ullam in Deo importat imperfectionem, nec excludit perfectiorem videndi modum, in essentia nimirum tanquam in causa; ergo.

Quæres 3. *Quo in medio Deus videt res possibles?*

*Resp.* Eas videt 1. *in sua essentia tanquam in causa earum effectrice*: nam Deus comprehendit suam essentiam; ergo eam cognoscit, tum secundum quod est in se, tum secundum id ad quod potest se extendere; sed qui divinam essentiam sic cognoscit, in ea videt res possibles; ergo, &c. . . Eas videt *in seipsis, prout in essentia divina, tanquam in specie intelligibili, representantur*, quia in essentia divina reperitur ratio speciei illarum intelligibilis.

*Obijcies contra primam partem*: Deus non prius cognoscit suam essentiam, prout est causa rerum effectrix, quam res possibles; ergo essentia, sic considerata, non est medium cognitionis divinæ.

*Resp. Dist. ant.* Non prius cognoscit tempore, *cont. ratione, nego.* Itaque non prius cognoscit tempore, quia cognoscendo suam essentiam, simul & eodem instanti, per eandem cognitionem, cognoscit res possibles, propter connexionem, quam habet cum illis. Verum prius ratione cognoscit suam essentiam, quam res possibles, quia essentia est ratio cognoscendi res possibles per eundem cognitionis actum, ita ut essentia per se directe & immediate concipiatur cognosci; res possibles vero non nisi mediate, indirecte, & per aliud.

*Obijcies contra secundam partem*: Res possibles in seipsis non sunt; ergo Deus eas non potest cognoscere in seipsis.

*Resp. Dist. ant.* In seipsis non sunt formaliter, *cont. objective, nego.* Equidem possibilia esse proprium non habent actu, sed possunt habere, & reipsa haberent, si producerentur: Deus autem res, quas producere potest, cognoscit, & quidem secundum esse eorum proprium, non quod habent, sed quod haberent, si producerentur.

## §. III.



## §. III. De scientia visionis.

Quæres 1. *Utrum Deus seipsum videat comprehensivè?*

*Resp. Affirm.* Nam seipsum tantum cognoscit, quantum cognoscibilis est; ergo, &c.

Quæres 2. *Utrum Deus certo cognoscat omnia præsentia & præterita, ac etiam occultas cordis cogitationes?*

*Resp.* Cognoscit, & quidem sigillatim ut sunt in seipsis; nam illa omnia sunt cognoscibilia; ergo cognoscuntur a Deo qui habet scientiam infinitam. Unde, *Ecclesi. 23.* dicitur: *Oculi Domini multo plus lucidiores sunt super solem, circumspicientes omnes vias hominum... & hominum corda insuentes in absconditis partibus.*

Quæres 3. *Quo in medio Deus videat seipsum?*

*Resp.* Videt seipsum per suam essentiam absque ullo medio; quia nihil prius est essentia divina in quo ipsa videatur.

Quæres 4. *Quo in medio Deus videat entia præsentia & præterita?*

*Resp.* Videt tum in seipsis, tum in sua essentia tanquam in specie intelligibili, in qua, tanquam in speculo, repræsentatur realis eorum existentia.

Quæres 5. *Quo in medio Deus videat peccata?*

*Resp.* Videt in forma quæ illis est opposita, sicut per lucem cognoscuntur tenebræ, ait D. Thom. hic.

Quæres 6. *Utrum Deus omnia & singula futura contingentia libera absolute cognoscat?*

*Resp.* Certissime cognoscit: nam 1. id testatur Scriptura, *Psal. 138.* *Intellexisti cogitationes meas de longe... & omnes vias meas prævidisti....* 2. Deus multas actiones hominum futuras prædixit... 3. Quia alias Deus nec infinitus, nec immutabilis esset, nam multas de novo cognitiones acquireret.

*Obijciēs* 1. Deus, prædicens futura libera, utitur his particulis, *forte, forsitan*; ergo illa certo non novit.

*Resp. Nego consequ.* Nam illæ particulæ in Deo, non sunt verba dubitantis, sed increpantis, ut docet Div. August. *tract. 37. in Joan.* Unde idem significant ac, *utique.*

*Obijciēs* 2. Præscientia futurorum stare non potest cum libertate hominis: nam quod Deus prævidit, necessario eveniet; ergo.

*Resp. Diss. probat.* Necessario eveniet, necessitate hypothetica & consequente liberam creatæ voluntatis determinationem, *conc.* necessitate absoluta & antecedente liberam creatæ voluntatis determinationem, *nego ant.* Unde Div. Aug. *lib. 3. de lib. arb. cap. 4.* ait: *Sicis tu memoria tua non cogis facta esse quæ præterierunt, sic Deus præscientia sua non cogit facienda quæ futura sunt.*

*Obijciēs* 3. Si actio a Deo prævisa, sit infallibiliter futu-



futura, frustraneæ sunt consultationes & deliberationes ; salum. conseq. ergo, &c.

*Resp. Nego sequel. maj.* Nam Deus non aliter res futuras prænocit, quam per causas per quas futuræ sunt ; atqui inter causas rerum, numerantur consultationes & deliberationes ; ergo, &c.

*Inst.* Vel Deus prævidit me saluum fore, vel damnandum ; *si primum*, quidquid egero, siue bonum, siue malum, saluus ero ; *si secundum*, quidquid egero damnabor ; ergo, posita præscientia, frustraneæ sunt consultationes, &c.

*Resp. Dist. ans.* Deus prævidit me saluum fore, vel damnandum, propter bona, vel mala opera mea, eaque libera, *conc.* independentes a bonis vel malis operibus meis liberis, *nego ans.* Nempe non nisi per bona opera obtineendam esse salutem æternam præordinavit Deus ; quæ si fiant, Deus obtineendam salutem prævidet ; si vero non fiant, salutem non obtineendam Deus prævidet ; unde nullam necessitatem rebus futuris imponit præscientia Dei.

Quæres 7. *Utrum Deus libera absolute futura videat in reali eorum cum æternitate coexistentia ?*

*Resp. Negas.* Nam ab æterno non existunt, alias essent futura, ut supponitur ; & non essent futura, quia essent æterna ; ergo ab æterno non coexistunt æternitati realiter ; siquidem coexistere, nihil aliud est, quam simul cum alio realiter existere.

*Obijcies 1.* Æternitas complectitur omnia omnia tempora, præsentia, præterita, & futura : nam est infinita & indivisibilis duratio ; ergo, &c.

*Resp. Dist. ans.* Complectitur omnia tempora, quæ existunt, *conc.* quæ non existunt, *nego ans.* Porro futura non existunt actu ; ergo non coexistunt æternitati, sed coexistent, quando erunt actu.

*Inst.* Quod coexistet rei quæ est tota simul, jam & coexistit ; atqui futura coexistent æternitati, quæ est tota simul ; ergo, &c.

*Resp. Nego maj.* Quia licet æternitas sit tota simul, tamen virtualiter est extensa, & durationi infinitas partes sibi succedentes habenti æquipollet ; & ideo quod finitam durationem habet, æternitati secundum ejus totam entitatem respondet quidem, non vero secundum omnes ejus partes virtuales ; nec proinde dici potest ibi ab æterno coexistere.

*Obijcies 2.* SS. Patres & Scholæ Magistri docent Deo nihil esse futurum, sed omnia præsentia ; ergo, &c.

*Resp. Dist. ans.* Docent Deo nihil esse futurum quoad cognitionem, *conc.* quoad realem existentiam, *nego ans.* Unde Div. Aug. sese explicans, lib. 5. de Genesi ad litteram, c. 18. dicit : *Antequam fierent, & erant, & non erant, erant in Dei scientia, non erant in sua natura.*  
Quæ-



*Quæres 8. Utrum Deus videat libera absolute futura in proximis eorum causis in actu primo consideratis?*

*Resp. Negat.* Nam causa libera, nempe voluntas, etiam proxime ad agendum disposita, non habet infallibilem connexionem cum effectu futuro libero, cum, positis omnibus ad agendum prærequisitis, adhuc maneat indifferens ad agendum vel non agendum; ergo effectus non potest in sua causa certo cognosci.

*Quæres 9. Utrum Deus futura libera absoluta cognoscat in suis decretis absolutis physico præmouentibus?*

*Resp. Negat.* Nam illa decreta non satis cum dogmate catholico circa humanam libertatem coherere videntur, cum iis positis actiones nostræ non fiat in nostra potestate: quotiescumque enim aliquod prævium & antecedens non est in nostra potestate, nec a nobis impeditibile, toties effectus, qui ex illo sequitur, non est in nostra potestate; atqui decretum absolutum & physice præmouens, 1. non est in nostra potestate, cum, ex adversariis, sit ante omnem prævisionem determinationis voluntatis nostræ ad agendum: 2. Non est a nobis impeditibile, cum, ex iisdem, motione ineluctabili & insuperabili applicet voluntatem ad actum; ergo actio consequens ex illo decreto, non est in nostra potestate.

*Quæres 10. In quo ergo medio Deus videat futura libera absoluta?*

*Resp. Ea videt*, in seipsis objective & terminative, id est, in determinata eorum veritate: nam futura libera habent veritatem per se cognoscibilem: unumquodque enim, eo ipso quo est, & eo modo quo est, seu præsens, seu præteritum, seu futurum, suam habet veritatem, eamque per se cognoscibilem; ergo cognoscuntur a Deo infinite cognoscitivo.

1. Ea videt in sua essentia, tanquam in specie intellectibili in repræsentando, quia in essentia divina, quæ est similitudo rerum, reperitur ratio speciei illarum intelligibilis.

2. Ea videt in decreto, quo decernit actu concurrere cum causa libera ad suum actum, in hypothesi quod præviderit eam acturam, si concursus suum decerneret: nam Deus futura libera absoluta videt in illo medio, quo posito, de illis futuris verum est dicere, *erunt*, & quo non posito, id dici non potest; atqui posito decreto, quo, prævisa per scientiam conditionatorum operatione causæ secundæ, si concursus illi decernat, re ipsa eidem concursus illum decernit, de illis futuris verum est dicere, *erunt*, quo non posito, id dici non potest; nam eo posito, res est absolute futura, nec ante futura est absolute, quam illud sit ponendum, licet conditionate futura sit.

*Quæres 11. Utrum Deus futura libera conditionate certo cognoscat?*

*Resp.*



*Resp.* Certo cognoscit, etiam ea quorum non est ad actum reducenda cognitio; 1. Quia ea certo & determinate prædixit futura sub conditione. 2. Quia quicquid est determinative verum, scitur a Deo, atqui futura conditionata, sunt determinate vera, nam possunt de iis fieri contradictoriae propositiones, quarum necesse est alteram esse determinate veram, alteram determinate falsam; ergo.

*Obij.* SS. PP. scientiam conditionatorum damnant ac irridunt in Semi-pelagianis; ergo est rejicienda.

*Resp. Dist. ant.* Damnant scientiam conditionatorum ratione abusus quem illius scientiæ faciebant Semi-pelagiani, *conc.* damnant scientiam conditionatorum in se spectatam, *neg. ant.* Itaque Semi-pelagiani abutebantur scientia Dei conditionata, docentes, causam prædestinationis ad fidem & gloriam, esse bona opera ex solis viribus liberi arbitrii elicita, quæ Deus futura prævidebat. Et cumurgerentur exemplo infantium meritis parium, quorum alii sine Baptismo decedunt, alii Baptismo donati, respondebant, testibus Aug & Prospero, Epist. 194. ad Sixtum: *Deus in eis quos hinc aufert, prævidet quemadmodum visiturus esset quisque, si viveret: & ideo quem nequiter novit fuisse visiturum, sine Baptismo fecit emori; sic in eo puniens opera mala, non qui fecit, sed quæ facturum fuit, si ad adultam ætatem pervenisset; quod ut aperte falsum reprobant SS. Patres.*

Quæres 12. Utrum Deus libera sub conditione futura videat in decretis absolutis ex parte sui, & duntaxat conditionatis ex parte creature libere?

*Resp. Negat.* 1. Quia declarata Dei absoluta prædeterminationia non satis cohæret cum libertate hominis, ut supra probatum est. . . 2. Quia Christus Matth. 11. obijurat Judæos præ Tyriis, quod non egerint poenitentiam, quam egissent Tyrii, si habuissent eadem gratiæ, tum externæ, tum internæ auxilia, quæ habuerunt Judæi, atqui si Christus non novit conversionem Tyriorum, nisi dependenter a decreto absoluto ex parte sui, hæc obijurgatio, Judæis facta præ Tyriis, non esset iusta: nam Judæi, in doctrina prædeterminantium, destituti sunt auxilio prædeterminante, absolute necessario ad agendam poenitentiam, & quo posito repugnat non agi poenitentiam: Tyrii vere illud habuissent; ergo Judæi injuste a Christo obijurgati fuissent præ Tyriis, quod dicere nefas est. . . 3. Quia per decreta absoluta ex parte subiecti, & conditionata ex parte objecti, Deus absolute statueret fieri, quod non fieri absolute decernit, statuendo nimirum conditionem, sine qua non possunt fieri, nunquam esse ponendam: v. g. *Statuo Tyrios poenitentiam aduros, si apud ipsos fierent miracula quæ facta sunt apud Judæos, sed simul statuo talia miracula apud ipsos nunquam operari;* atqui hic modus operandi est inanis, &



& maiestatis divinæ omnino indignus; ergo... 4. Si admitterentur decreta prædeterminantia, Deus nihil videret ante suum decretum; atqui hoc falsum est ex D. Aug. 1. de prædest. sanctor. dicente: *Prædestinatio*, id est, absoluta prædefinitio, est quæ sine præscientia esse non potest: potest autem esse sine prædestinatione præscientia. *Prædestinatione* quippe Deus ea præscivit quæ fuerat ipse factururus; unde dictum est, *fecit quæ futura sunt*. *Præscire* autem potens est etiam quæ ipse non facit, sicut quæcumque peccata... 5. Si admitterentur decreta prædeterminantia, Deus æque prædefiniret peccata conditionate futura, ac omnes alios actus creaturarum, & sic esset capsa & auctor peccati.

*Respondens Thomiste*, Deum prædefinire entitatem actus peccaminosi, non vero malitiam actus, quam averfatur & prohibet. Sed:

*Contra est 1.* Quia non potest intelligi prædeterminatio ad entitatem actus peccaminosi, quin sit prædeterminatio ad malitiam actus, seu ad actum ut malus est. Nam quisquis est auctor actus, cui annexa est malitia, ad eumque prædeterminat secundum entitatem, is quoque ad eum prædeterminat, ut malus est.

*Contra est 2.* Quia si Deus præmovendo creaturam liberam ad entitatem peccati, non præmoveret ad ejusdem malitiam, nihil esset in quo Deus videre posset peccati malitiam; atqui illam certo cognoscit, ut docet D. Aug. supra citatus.

*Respondens*, Deum cognoscere peccata in suo decreto permissivo. Sed hoc falsum est; nam decretum illud permissivum, vel supponeret prævisionem peccati, si illud permitteret & ad illud concurrere paratus esset; vel non supponeret. Si primum, esset eadem sententia, quæ nostra. Si secundum, decretum illud permissivum diceret voluntatem negandi, etiam iustis, auxilium necessarium ad peccatum vitandum, ex quo necessario sequeretur peccatum, quo durius nihil, nihila voluntate divina alienum magis.

*Obicies 1.* Vera & sincera voluntas Dei antecedens salvandi omnes, est absoluta ex parte Dei & conditionata ex parte creaturæ; ergo decreta absoluta ex parte subiecti & conditionata ex parte objecti, non sunt rejicienda.

*Resp. Dist. confeg.* Non sunt rejicienda, quando conditio pendet a sola creatura, quomodo in hac prop. *Deus vult omnes homines salvos fieri, si illi mandatis obtemperaverint*, conditio pendet a sola creatura, cum Deus, quantum est ex se, omnibus det, aut saltem offert media quæ sunt ad salutem consequendam necessaria, cont. quando conditio pendet a solo Deo, aut saltem partim a Deo, partim a creatura, nec Deus ex sua parte conditionem illam vult implere, nego confeg. Illa enim decreta sunt



sunt ludicra & superflua & consequenter maiestatis divi-  
ne indigna.

*Obijcies 2.* Voluntas creata ex se est indifferens & in-  
determinata; ergo debet determinari a Deo.

*Resp. Nego Conseq.* Nam causa secunda libera seipsam  
in actu secundo determinat quantum ad exercitium; qua-  
tenus sic agit, ut possit non agere; alias non esset libera.

*Quæres 13.* Quo in medio Deus videat libera conditio-  
nare futura?

*Resp.* Ea videt, 1. In se ipsis; 2. In essentia sua  
tanquam in specie intelligibili; eodem modo, quo  
*quæst.* 10. diximus Deum videre libera absolute futura;  
eandem enim rationes valent pro liberis sub conditione  
futuris.

*Quæres 14.* Per quam scientiam Deus videat libera sub  
conditione futura?

*Resp.* Per scientiam mediam, in qua includitur Dei  
decretum de futuritione rei ponendum, tanquam pars condi-  
tionis sub qua res esset futura, & ut talis prænotificatur.

*Prob. 1.* Quia scientia media est, certa & infallibilis  
cognitio actuum liberorum sub conditione futurorum, in-  
dependens ab omni decreto Dei absoluto, eoque anterior;  
atqui Deus per talem scientiam cognoscit libera sub con-  
ditione futura; ergo, &c. . . *Prob. min.* Deus certo &  
infallibiliter nescit quomodo quisque sit vocandus, ut  
vocantem non respuat, non reluctetur, sed vocationi  
divinæ obtemperet, ut docent Div. August. lib. 1. ad  
Simplicia *quæst.* 2. Cujus autem miseretur, inquit, sic  
eum vocat, quomodo scit ei congruere, ut vocantem non  
respuat: & D. Chrysost. Hom. 31. in Matth. qui quærens  
cur Christus Matthæum non cum Petro simul ac Joanne  
& aliis discipulis vocavit? Respondet; Certo quemad-  
modum tunc ad illos accessit, vocavitque quando ob-  
temperaturos sciebat, sic Matthæum quoque tunc vocavit  
quando miraculorum fama perdomitum, minime relucta-  
surum videbat. Qua de causa etiam Paulum post resur-  
rectionem piscatus est. Atqui illa cognitio est scientia  
conditionata, per quam Deus, antecederet ad omne  
decretum absolutum, infallibiliter novit talem hominem  
libere consenturum, si tali, aut tali vocatione prævenia-  
tur; ergo datur in Deo scientia media, &c.

*Prob. 2.* Si libera sub conditione futura, ex decretis  
ex parte Dei absolutis, suam haberent futuritionem, præ-  
scientia Dei non præsupponeretur decretis Dei actualibus  
& absolutis; atqui ex PP. præscientia Dei, decretis  
eiusdem actualibus & absolutis præsupponitur. Non  
propterea erit aliquid, quia id fecit Deus futurum, sed  
quia futurum est, scitur a Deo antequam fiat, ait Origen.  
in cap. 8. Epist. ad Rom. Et quidem præscientia Dei  
vera atque inculpabilis est, inquit Div. Joan. Damasc. lib.  
adversus Manichæos, verum ipsa haudquaquam causa est,



*cur omnino fiat quod futurum est, sed quia hoc, vel illud facturi sumus, ideo prænoscit.* Et D. Thom. 3. p. 2. q. 1. art. 3. ad 4. ait: *Prædeterminatio*, id est, absoluta prædeterminatio, supponit præscientiam futurorum. Nihil certius clarius.

*Obijciat*: Nihil omnino futurum est independente a Dei decreto; ergo Deus non cognoscit futura sub conditione independente a decreto.

*Resp. Dist. ant.* Independentem a Dei decreto absoluto vel conditionate, *conc.* semper absoluto, *nego ant.* Nempe ante decretum nihil vere est futurum; verum decretum debet proportionari naturæ & conditioni rei futuræ, si res sit absolute futura, admittendum est decretum absolutum, non quidem antecedens prævisionem rei futuræ sub conditione, sed subsequens, si vero res sit futura duntaxat sub conditione nunquam ponenda, sufficit decretum conditionatum, quod sit pars conditionis sub qua res futura prænoſcitur.

*Inst.* Ut actus sit conditionate futurus, debet extrahi e statu meræ possibilitatis ad statum futuritionis, atqui ad hoc requiritur decretum absolutum ex parte subjecti & conditionatum ex parte objecti, ergo, &c.

*Resp. Transeat maj. nego min.* Nam ut aliquid e statu meræ possibilitatis extrahatur ad statum conditionatæ rei futuritionis, sufficit decretum conditionate ponendum, quod includitur in ipsa conditione.

*Dixi: Transeat maj.* Quæ posset negari, quia actus sub conditione futurus, non est vere futurus, sed solum esset futurus si poneretur aliqua conditio, ad quod non requiritur ut actus ab uno statu extrahatur ad alium; sed sufficit ut habeat veritatem objectivam, vi cuius de illo dici potest, *esset, si poneretur talis conditio*: veritas autem objectiva non pendet ab ullo decreto actuali.

*Inst. 2.* Futurum sub conditione habet aliquid, quod non habet mere possibile, ergo e statu possibili est extrahendum.

*Resp. Dist. ant.* Habet aliquid objective, *conc.* entitative, *nego ant.* Itaque res sub conditione futura ætèrnam habet entitatem actualem aut futuram, sed solum haberet, si poneretur aliqua conditio: unde rei mere possibili superaddit solummodo veritatem objectivam, quatenus de ea dici potest, non solum quod posset esse, sed etiam quod esset, si poneretur aliqua conditio, quod dici non potest de re mere possibili.

Cæteras objectiones vide Tomo 2. Ubi hæc conclusio fufus est tractata.

*Quæres 15.* *Utrum scientia Dei sit causa rerum?*

*Resp.* Est causa rerum directiva, quia suppeditat ideas, ad quas factæ sunt res quæ ex nihilo educæ sunt.

*Quæres 16.* *Quenam Dei scientia sit causa rerum?*

*Resp. 1.* Non est scientia visionis: nam versatur circa res jam productas pro aliqua temporis differentia, ergo



non potest dirigere potentiam executricem ad illas producendas.

*Resp.* Est Scientia simplicis intelligentiæ. Nam Deo essentias & proprietates rerum omnium possibilium representando, proponit modum quo fieri possunt: ergo Deum dirigit ad operandum.

Quæres 17. *Quotuplex sit idea?*

*Resp.* Duplex, objectiva nempe & formalis.

*Idea objectiva*, est forma quædam, seu exemplar, in mente artificis existens, ad cuius imitationem extra se operatur. . . *Idea formalis*, est cognitio formæ seu exemplaris, quod artifex sibi in suo opere exprimendum proponit.

Quæres 18. *An sint in Deo idee?*

*Resp. Affirm.* Nam Deus operatur sciens & volens; ergo habet ideas rerum omnium, quas producit conformes illis ideis.

Quæres 19. *An plures sint in Deo idee?*

*Resp.* 1. Est unica idea formalis; quia in Deo unica est rerum omnium cognitio.

*Resp.* 2. In Deo sunt plures idææ objectivæ; nam idea objectiva, est forma in mente divina existens, ad quam Deus respiciens, omnia entia producit, vel producere potest; sed illa entia sunt plura; ergo & illorum idææ.

## C A P U T V I I I.

### De voluntate Dei.

Quæres 1. *AN sit in Deo voluntas?*

*Resp. Affirm.* Nam Christus Matth. 6. dicit Patri: *Fiat voluntas tua.* Ratio est, quia voluntas est perfectio simpliciter simplex.

Quæres 2. *Quotuplex est in Deo voluntas?*

*Resp.* A parte rei unica est, quemadmodum est, unica natura, a qua est indistincta: tamen secundum nostrum concipiendi modum, multiplex est.

Quæres 3. *Quomodo voluntas Dei dividitur nostro concipiendi modo?*

*Resp.* Dividitur in voluntatem beneplaciti, & voluntatem signi.

Quæres 4. *Quid sit voluntas beneplaciti?*

*Resp.* Est ipsa Dei volitio qua aliquid vult, vel non vult. Hæc est proprie dicta voluntas, Deo intrinseca.

Quæres 5. *Quid sit voluntas signi?*

*Resp.* Est signum quoddam externum declarans Dei volitionem, sic mandata Dei dicuntur voluntas Dei; Matth. 12. *Qui facit voluntatem patris mei, ipse intrabit in regnum celorum*, id est, qui servat mandata Dei, quæ sunt signa voluntatis beneplaciti Dei. Hæc voluntas signi est metaphorica, Deoque extrinseca.

Quæ.



Quæres 6. Quotuplex est voluntas signi?

Resp. Quintuplex : scilicet præceptum , prohibitio , permissio , consilium , & operatio , juxta hunc versum : *Præcipio , & prohibeo , permitto , consulis , impleo.*

Quæres 7. Quomodo dividitur voluntas beneplaciti ?

Resp. Dividitur 1. In antecedentem & consequentem.

*Voluntas antecedens*, est ea, qua Deus aliquid vult secundum se spectatum, abstrahendo a circumstantiis quæ illi adjungi possunt. Hac voluntate vult omnes homines salvos fieri, quia hoc in se bonum est.

*Voluntas consequens*, est ea, qua Deus aliquid vult simpliciter & absolute, spectatis omniibus circumstantiis particularibus. Hac voluntate vult hominem in impotentia finali morientem damnari.

Dividitur 2. In absolutam & conditionatam.

*Voluntas absoluta*, est ea, quæ a nulla conditione pendet, talis est voluntas de mundo condendo. Hac semper est efficax.

*Voluntas conditionata*, est ea, quæ ex aliqua conditione pendet. Uade non semper est efficax, quia non semper ponitur conditio requisita.

Quæres 8. Utrum voluntas Dei sit causa rerum imperans ?

Resp. Affirm. Nam Psal. 113. Omnia quaecumque voluit fecit. Et Ephes. 1. Operatur omnia secundum consilium voluntatis suæ.

Quæres 9. Utrum voluntas Dei semper impleatur ?

Resp. 1. Voluntas signi non semper impletur, nam multi contemnunt Dei consilia, & ejus mandatis non obediunt. Prov. 1. Desperistis omne consilium meum, & increpationes meas neglexistis.

Resp. 2. Voluntas Dei antecedens non semper impletur : nam hac voluntate vult omnes homines salvos fieri. 1. ad Tim. 2. sed non omnes salvantur, quia conditionem quæ a Deo simul & a libera hominis cooperatione pendet, homines ex sua parte non implent ; ergo, &c.

Resp. 3. Voluntas Dei consequens semper impletur : de ea nimirum intelligi debent hæc Psal. 123. verba : Omnia quæcumque voluit Dominus, fecit ; necnon & ista ipsius Dei apud Isaiam 46. Omnis voluntas mea fiet.

Obijcies : Non potest conciliari humana libertas cum absoluta Dei voluntate circa liberas nostras actiones ; ergo.

Resp. Nego ant. Quia voluntas Dei absoluta circa liberas hominis actiones, supponit liberam hominis determinationem a Deo conditionate prævisam : qua præsupposita, Deus pro suo beneplacito, absolute decernit hanc actionem, quare vocatur, voluntas consequens.

Quæres 10. Utrum voluntas Dei sit libera ?

Resp. Est vere & proprie libera circa creaturas : nam

Compend. ex Charmer.

E

Psal.



Psal. 113. *Omnia quaecumque voluit Dominus, fecit.* Et Psal. 93. *Deus ultionum libere egit.* Ratio est, quia libertas est perfectio simpliciter simplex.

*Obijcies:* Vera libertas dicit indifferentiam ad agendum vel non agendum; atqui Deus non habet hanc indifferentiam; ergo.

*Prob. min.* Deus semper fuit determinatus ad agendum; ergo non est indifferens ad agendum, vel non agendum.

*Resp. Dist. conseq.* Non est indifferens indifferentia passiva, qua possit novum actum immanentem producere ac in se recipere; item non est indifferens indifferentia suspensionis, qua, aneeps consilii, quid agat, nondum decreverit, *conc.* non est indifferens indifferentia activa, quæ est vis ad agendum vel non agendum, et competens, qui ad certum quid agendum non alligatur *nego*.

Quæres 11. *In quo posita sit libertas divinæ voluntatis?*

*Resp.* Posita est in entitate divinæ voluntatis; quatenus pro nutu intrinsece connotat objecta extra se posita; nam ad libertatem Dei duo requiruntur; 1. Ut sit perfectio quædam Deo intrinseca; 2. Ut dicat indifferentiam activam, atqui in nostra sententia: 1. Actus Dei liber, est perfectio Deo intrinseca, cum sit ipsamet divina voluntas; 2. Dicit indifferentiam activam, cum ita connotet creaturas, ad quas terminatur, ut potuerit illas non connotare: ergo.

*Obijcies:* Idem non potest esse necessarium simul & liberum; sed actus divinæ voluntatis est necessarius; ergo.

*Resp. Dist. maj.* Sub eodem respectu, *conc.* sub diverso, *nego*. Porro actus divinæ voluntatis est necessarius quoad entitatem, liber vero quoad terminationem ad creaturas.

Quæres 12. *Utrum Deus sit omnipotens?*

*Resp. Affirm.* Eccli. 1. *Deus est altissimus, creator, omnipotens.* Et, *Matth. 4.* Christus dicit: *Pater, omnia tibi possibilia sunt.* Ratio est, quia Deus est infinitus, ergo habet infinitam virtutem; atqui infinita virtus idem est ac omnipotentia; ergo.

*Obijcies:* Deus non potest facere alia ab eis quæ actu vult facere & facit, ergo.

*Resp. Dist. ant.* De potentia ordinata, *conc.* de potentia absoluta, *nego* Potentia ordinata spectatur cum decreto, vi cuius non potest facere, nisi quæ statuit, cum nihil possit fieri sine decreto. Potentia absoluta spectatur seorsim a decreto; per hanc potest facere quidquid non implicat contradictionem.

Quæres 13. *Quodnam est objectum divinæ voluntatis?*

*Resp.*



*Resp.* Objectum *primarium*, est Deus ipse, quia est summum bonum, & ratio volendi cetera, juxta illud Prov. 16. *Universa propter semetipsum operatus est Dominus* . . . . Objectum *secundarium*, sunt creaturæ, tum in aliqua temporis differentia existentes, tum mere possibiles; quia Deus vult id omne quod habet rationem boni; atqui creaturæ in aliqua temporis differentia existentes, habent bonitatem actualem participatam; possibiles vero habent bonitatem possibilem; ergo Deus illas vult & amat: nam, *Deus vult . . . ea quæ sunt, vel possunt esse bona*, ait D. Thom. lib. 3. contra gentes, cap. 84.

*Quæres 14. Utrum Deus amet necessario?*

*Resp.* 1. Amat seipsum necessario, quia est summum bonum, clare & intuitive visum. . . . 2. Amat creaturas possibiles etiam necessario, si considerentur entitative, quia sic non distinguuntur a potentia divina. . . . 3. Creaturas in aliqua temporis differentia existentes amat libere, quia non sunt summum bonum.

*Quæres 15. Quo amore Deus seipsum amat?*

*Resp.* Amore complacentiæ, quia necessario sibi complacet in sua bonitate; non vero amore benevolentis, quia nihil suæ perfectioni addit per suam bonitatem.

*Quæres 16. Quo amore Deus amat creaturas in aliqua temporis differentia existentes?*

*Resp.* Amat amore benevolentis & efficaci, quia illis libere vult & confert aliquod bonum, nempe esse & conservari.

*Quæres 17. Quo amore amat creaturas possibiles?*

*Resp.* Amore complacentiæ & inefficaci; quia sibi complacendo in earum possibilitate, nihil statuit circa earum existentiam.

*Obijciens:* Possibilia sunt pure nihil, atqui Deus non potest amare pure nihil; ergo.

*Resp. Dist. maj.* Sunt pure nihil, in se, conc. in potentia Dei, in qua continentur, & a qua non distinguuntur, nego. Ideo quando Deus amat amat possibilia, amat suam omnimodam potentiam, in qua sibi complacere concipitur.

*Quæres 18. Utrum Deus velit mala naturæ & pœnæ?*

*Resp.* Non ea vult directe & per se, ratione ipsorum, quia quæ talia non habent rationem boni; sed ea vult indirecte & per accidens, nimirum ratione alterius quod directe vult. Sic quia vult directe ut servetur naturæ ordo, vult indirecte defectus naturæ qui cum illo ordine conjunguntur; sic quia vult iustitiam suam servari, vult irrogationem pœnæ, sine qua non potest iustitia servari: hoc sensu Eccli. 3. dicitur: *Bona & mala, vita & mors, a Deo sunt.*

*Quæres 19. Utrum Deus velit mala culpe?*

*Resp.* Nullo modo vult, juxta illud Psal. 5. *Non Deus volens iniquitatem tu es.* Unde Conc. Trid. sess. 6. can. 6. defi-



definit: *Si quis dixerit, non esse in potestate hominis vias suas malas facere, sed mala opera, ita ut bona Deum operari, non permissive solum... anathema sit.*

*Obijciat:* Exodi 9. dicitur, induravitque Dominus cor Pharaonis; atqui indurare cor hominis, est velle ut peccet; ergo.

*Resp. Dist. min.* Indurare positive, infundendo malitiam, *conc.* negative, subtrahendo nimirum gratiam specialem & uberiorem propter peccata præterita, qua subtracta, homo frequenter cadit, nec refurgit, nego. Sic autem tantummodo Deus indurat.

## APPENDIX.

*De voluntate Dei circa salutem omnium, & morte Christi pro omnium salute.*

*Nota.* **H**As duas quæstiones conjungimus, quia inter se sita connexæ sunt, ut separari a se invicem nullatenus possint. Circa quas,

1. Non est quæstio, utrum Deus velit salvare omnes homines voluntate signi, aut voluntate simplicis complacentiæ otiosæ & sterilis.... 2. Utrum Christus, moriendo, sufficiens pretium ad salvandos omnes homines obtulerit; id enim fatentur omnes hæretici. Sed quæstio est, 1. utrum Deus, antequam, secundum nostrum concipiendi modum, præviderit merita aut demerita hominum, omnes salvos fieri velit voluntate sincera & activa, conditionata tamen, nempe, modo in gratia moriantur.... 2. Utrum Christus, voluntate conditionata & antecedente, voluerit omnibus & singulis hominibus ad salutem prodesse suum sanguinem, illumque in hunc finem Deo Patri obtulerit. Unde

*Quæres 1. Utrum alios salvos fieri velit, quam prædestinatos?*

*Resp.* Vult, & quidem vera & sincera voluntate beneplaciti, ut fides docet. Nam Joan. 3. dicitur: *Sic Deus dilexit mundum, ut Filium suum unigenitum daret, ut omnis qui credit in eum, non pereat sed habeat vitam æternam.* Atqui tamen non omnes, qui credunt in Christum, sunt prædestinati; ergo.... 2. Fuit in Deo vera & sincera voluntas salvandi Apostolos; *Hæc est voluntas ejus qui misit me Patris,* ait Christus, Joan. 6. *ut omne quod dedit mihi, non perdam ex eo, sed resuscitem illud in novissimo die.* Atqui tamen Judas, qui erat unus ex eis non erat prædestinatus: *Quos dedisti mihi, custodivi,* ait Christus, Joan. 17. & *nemo ex eis perivit, nisi filius perditionis;* ergo.

*Quæres 2. Utrum Deus velit sincera salutem omnium omnino hominum, nullo dempto?*

*Resp. Affirm.* Nam 1. Apostolus, 1. ad Tim. 2. ait: *Deus*



*Deus vult omnes homines salvos fieri, & ad agnitionem veritatis venire. Atqui hanc Dei voluntatem extendi ad omnes & singulos homines, probant, tum votum Apostoli monentis ut fiant orationes pro omnibus hominibus, pro Regibus, & omnibus qui in sublimitate sunt, licet fuerint infideles, & in infidelitate obierint. Tum ratio quam illius voluntatis reddit, quia aempe, Unus est Deus, unus mediator Dei & hominum, homo Christus Jesus, qui dedit redemptionem semetipsum pro omnibus, Ergo sicut Apostolus monet fieri orationem pro omnibus hominibus; sicut unus est Deus omnium hominum, nullo excepto, ita & omnium salvator est & redemptor: ita & vult omnes omnino & singulos homines salvos fieri. Decretorium est illud testimonium; quare C. Carissimum desinit: Deus omnipotens omnes homines, sine exceptione, vult salvos fieri, licet non omnes salventur. Quod autem quidam salvantur, salvantis est donum: quod autem quidam pereunt; pereuntium est meritum.*

*Obijciat: Hæc Apost. verba, Deus vult omnes salvos fieri, significant tantum voluntatem signi; ergo Deus non vult sincere omnes homines salvos fieri.*

*Resp. Nego ant.* Tum quia illa verba in sensu proprio significant voluntatem beneplaciti; tum quia Deus, vi illius voluntatis, destinavit omnibus redemptorem, *Proptrio Filio suo non pepercit, sed pro nobis omnibus tradidit illum*; omnibusque & singulis præparat aut confert media salutis æternæ consequendæ vere sufficientia, ut fule probavimus Tomo III. de gratia, cap. 3.

*Instab.* Div. Thomas asserit quod voluntas antecedens magis potest dici velleitas, quam absoluta voluntas; atqui velleitas non est proprie in Deo; ergo.

*Resp. Diss. ant.* Potest dici velleitas comparate ad voluntatem absolutam, quæ semper est efficax, conc. absolute & in se, quasi esset in Deo mera circa salutem reproborum complacentia, nego. Ita se explicat hic D. Thom. lib. contra gentes, cap. 159. Deus, quantum est in se, inquit, paratus est omnibus gratiam dare, vult enim omnes homines salvos fieri. Ergo, ex D. Thoma, illa voluntas non est otiosa & sterilis; ergo est sincera voluntas, licet inefficax.

*Quæres 3. Utrum Christus mortuus sit pro salute duntaxat prædestinatorum?*

*Resp. Negat.* Id ipatet ex SS. Pontificibus Innocent. X. & Alex. VII. qui, Constitutione ab universa Ecclesia recepta, hanc prop. Janseii: *Semipelagianum est dicere, Christum pro omnibus omnino hominibus mortuum esse, aut sanguinem fuisse, damnarunt, tanquam falsam, temerariam, scandalosam, & intellectum eo sensu, ut Christus pro salute duntaxat prædestinatorum mortuus sit; damnarunt, tanquam impiam, blasphemam, contumeliosam, divine pietati derogantem, & hæreticam; ergo hæc*



eius contradictoria: *Christus non est mortuus pro solum prædestinatorum salute*, est dogma fidei.

Quæres 4. *Utrum Christus sit mortuus pro omnibus omnino hominibus, nullo excepto?*

*Resp. Affirm.* Nam id aperte probat Apostolus, 2. Cor. 5. dicens: *Si unus pro omnibus mortuus est, ergo omnes mortui sunt; & pro omnibus mortuus est Christus.* Decretorium est illud testimonium, in quo probat Apostolus omnes & singulos in Adam fuisse mortuos, ex eo quod Christus pro omnibus sit mortuus; nulla autem esset consequentia, si vel unus esset, pro quo Christus non esset mortuus. Unde Concilium Carisiacum, cap. 4. definit: *Nullus est, fuit, vel erit homo, pro quo passus non fueris, Christus, licet non omnes passionis ejus mysterio redimantur*; ergo. Et D. August. lib. 20. de civit. Dei, cap. 6. ait: *Omnes itaque mortui sunt in peccatis; nullo prorsus excepto. . . & pro omnibus mortuis, vivus mortuus est unus.*

*Obijciat:* Christus, Matth. 20. dicit se venisse dare animam suam, redemptionem pro multis; ergo non pro omnibus.

*Resp. Nego consequ.* Nam vox, multis supponit pro omnibus, unde Div. August. lib. 2. operis imperfecti, Juliano dicenti, omnes pro multis sumi, respondet, non repugnare omnibus multis, quia ipsi omnes, non pauci, sed multi sunt. Quo sensu Apost. Rom. 5. ait: *Si unus delicto multi mortui sunt*; ubi vox, multi, evidenter sumitur pro voce, omnes.

*Inst.* D. August. Epist. 169. ad Evodium, ait: *Non peris unus ex iis pro quibus mortuus est Christus*; ergo mortuus est pro solis prædestinatis.

*Resp. Dist. ans.* Pro quibus mortuus est Christus voluntate absoluta & efficaci, cont. voluntate conditionata, antecedente, & generali, nego ans. porro D. August. loquitur de voluntate Christi efficaci; sicque intelligendi sunt omnes alii Patres, qui nobis obijciuntur.

## C A P U T IX.

*De justitia, misericordia, & providentia Dei.*

Quæres 1. *Utrum sit in Deo justitia commutativa?*

*Resp. Negat.* Nam ut ait D. Thom. q. 21. art. 1. *Cum omnia nostra ex Deo sint, nec quisquam quidpiam dederit, pro quo sibi a Deo retribuat, jure in ipso justitia commutativa non est.*

Quæres 2. *Utrum justitia distributiva in præmiis bonorum & malorum vindictam, sit formaliter in Deo?*

*Resp. Affirm.* Nam Psalm. 10. *Iustus Dominus, & justitias dilexit.* Ratio est, quia bonis præmium, & malis supplicium; pro ratione eorum meriti vel demeriti reddit.

*Quæ*



Quæres 3. *Utrum sit in Deo misericordia?*

*Resp.* Non est quatenus dicit tristitiam de miseria aliena: est autem quatenus significat voluntatem alienæ miseriæ subveniendi; hæc enim voluntas est perfectio sine imperfectione.

Quæres 4. *Quid sit providentia?*

*Resp.* Definitur: *Ratio ordinis rerum ad finem*, per media congrua.

Quæres 5. *Utrum detur providentia?*

*Resp. Affirm.* Id enim asserit Scriptura Eccli. 6. *Aqualiter cura est illi de omnibus.* Et cap. 14. *Tua autem, Pater, providentia gubernat.* Ergo.

*Obijcies* 1. Multa casu fiunt & fortuito, 2. Multa fiunt frustra in rerum natura. 3. Impii ut plurimum prospere agunt, iusti contra adversis premuntur: atqui hæc cum providentiæ existentia stare non possunt; ergo, &c.

*Resp. Ad 1. dist. ant.* Multa casu fiunt respectu nostri, qui ignoramus causas multorum effectuum, & finem ad quem ex intentione Dei diriguntur, *conc.* respectu Dei, *nego min.*

*Resp. Ad 2. dist. ant.* Multa fiunt frustra, *respective* ad causas particulares, *conc.* *respective* ad providorem generalem, *nego ant.* illa enim quæ frustra fieri videntur, ad decorem universi ordinantur.

*Resp. Ad 3. nego consequ.* Nam in hoc & malis providet Deus & bonis; malis quidem, ut eos adducat ad poenitentiam, & virtutes morales, si quæ sint in eis, compenset: bonis vero, ut expiantur in hac vita peccata eorum: ut virtus eorum probetur, exerceatur, & perficiatur; ut, præsentem vitam contemneantes, Deum ardentius quærant: ut eorum merces augeatur, &c.

*Obijcies* 2. Si Deus omnibus provideat, actus creature etiam liberæ, a Deo provisi, erunt necessarii; nam fiunt necessario; ergo &c.

*Resp. Nego ant.* Cum enim providentia disponas omnia suavis, res necessarias necessario, res vero liberas libero modo regit & gubernat; equidem quæ sunt a Deo provisa fiunt necessario necessitate hypothetica quæ nullatenus officit libertati, non vero necessitate absoluta.

Quæres 6. *Utrum providentia semper assequatur finem rerum quæ ei subsunt?*

*Resp.* Semper assequitur suum finem generalem, quæ est manifestatio bonitatis, aliorumque attributorum divinarum; at non semper assequitur suum finem specialem, sic homo non semper assequitur beatitudinem, quæ est finis specialis ad quem ordinatur a divina providentia. Ratio est, quia Deus finem generalem vult efficaciter; non autem semper sic vult finem specialem.



## CAPUT X.

## De Prædestinatione.

**Quæres 1.** **Q**uot modis spectari potest prædestinatio?  
*Resp.* Potest sumi duobus modis, 1. *Incomplete*, pro voluntate Dei absoluta & efficaci dandi gratiam nude & solitarie sumptam, vel gloriam item nude & solitarie sumptam. 2. *Complete*, pro voluntate divina absoluta, & efficaci dandi gratiam simul & gloriam, seu quatenus non tantum respicit gloriam æternam: sed etiam omnia gratiæ dona, quibus creatura rationalis ad gloriam perducitur.

**Quæres 2.** *Quomodo definitur prædestinatio complete sumpta?*

*Resp.* Definitur a Div. Aug. lib. de dono Persev. cap. 14. *Præscientia & præparatio beneficiorum Dei, quibus certissime liberantur, quicumque liberantur.*

Dicitur 1. *Præscientia*, quo nomine intelligitur scientia visionis præsupponens scientiam conditionatorum, tum quia D. August. illam scientiam præponit decreto absoluto præparationis beneficiorum gratiæ & gloriæ. Tum quia Div. Aug. cap. 17. de Deo ait: *Namque in sua, que falli nunquam potest, præscientia, opera sua futura dispoſere, id omnino nec aliud quidquam, est prædestinare.*

Dicitur 2. *Præparatio*, id est, præordinatio in Deo existens ab æterno.

Dicitur 3. *Beneficiorum Dei*, per quod alii gratiæ solius, alii gloriæ solius, alii verisimiliter, tum gratiæ tum gloriæ dona intelligunt.

Dicitur 4. *Quibus certissime liberantur*, nempe a peccato per gratiam efficacem, & a miseria per gloriam æternam.

Dicitur 5. *Quicumque liberantur*, quia prædestinatio non ad omnes homines, sed ad aliquod tantum extenditur, per quod differt a providentia tum naturali, tum supernaturali, quæ est voluntas dandi gloriam antecedens & conditionata.

**Quæres 3.** *Utrum existat vera ex parte Dei prædestinatio?*

*Resp.* De fide est dari, Matth. 25. *Venite, benedicti Patris mei, possidete paratum vobis regnum a constitutione mundi.* Et Rom. 8. *Quos prædestinavit, hos & vocavit, &c.* Ratio est, quia quicquid Deus facit in tempore, illud ab æterno facere præordinavit ac decrevit.

**Quæres 4.** *Quotplex est scholasticorum sententia circa causam meritoriam prædestinationis ad gloriam solitarie sumptam?*

*Resp.* Duplex 1. *Sententia* distinguit prædestinationem in eam quæ est secundum ordinem intensiouis, estque actus divinæ voluntatis ab æterno decernentis alicui da-



re gloriam; & eam quæ est secundum ordinem executionis, estque ipsa actualis gloriæ retributio. Atque docet prædestinationem spectatam secundum ordinem executionis esse propter gratiæ merita: spectatam vero secundum ordinem intentionis, esse mere gratuitam, & independentem a quovis prædestinati merito factam, ita ut Deus aliquos in 1. instanti ad gloriam efficaciter præelegerit, & in 2. eisdem ad gratiam efficacem & ad merita supernaturalia, quibus gloria est obtinenda.

2. *Sententia* docet efficacem prædestinationem ex præsupposita meritum gratiæ prævisione fieri, ita ut Deus nemini prius gloriam efficaciter decernat, quam præviderit eum gratiæ certo consenturum.

Quæres 5. *Utrum prædestinatio ad gloriam fiat ex prævisis gratiæ meritis?*

*Resp. Affirm. Prob. 1.* Ex Script. Matth. 23. ubi Christus prædestinatos alloquens, ait: *Venite benedicti Patris mei, possidete paratum vobis regnum a constitutione mundi: esurivi enim & dedistis mihi manducare, &c.* Ubi manifeste Christus docet, regnum cælorum non tantum dari, sed etiam parari propter bona opera: nam particula causalis, *enim*, quæ illa verba, *possidere, & paratum*, subsequitur, utrumque afficit, ut exponunt PP. D. Chrysost. Hom. 80. in Matth. *Quia sciebam vos, antequam nati essetis, huiusmodi futuros, inquit, hos vobis a me parata sunt.* Et Div. Hieron. verba Matthæi objecta interpretans, ait: *Hoc iuxta præscientiam Dei accipiendum est, apud quem futura iam facta sunt.* At præscientia non respicit collationem actualem gloriæ, sed solum illius præparationem ob futura merita; ergo.

*Prob. 2.* Ex Rom. 8. *Quos præscivit, & prædestinavit*; præscientia hic præmittitur prædestinationi, ut significetur præscientiam meritum esse causam directivam prædestinationis, ut exponunt. D. Ambros. lib. 5. de fide: *Quos præscivit, inquit, hos & prædestinavit, quia non ante prædestinavit, quam præscivit; sed quæ merita præscivit, eorum præmia prædestinavit.*

*Prob. 3.* Ex SS. PP. D. Epiph. in exposit. horum Christi verborum: *Non est meum dare vobis, ait. Non est meum dare vobis, sed si laboraveritis, eris vobis paratum a Patre meo.* Et Div. Chrysost. *Non est meum dare: sed quibus labore, atque sudore paratum est.* Ergo gloria non tantum datur, sed etiam præparatur ob prævisa merita, ut immediate declarat D. Chrysost. dicens: *Num igitur quasi non potentem illum ideo facere condemnabimus? nequaquam, sed iustitiam ejus admirabimur: quoniam non personam, sed rem, id est, merita, respicit.*

D. Aug. lib. 2. de peccatorum meritis, ait: *Dominus noster hanc suam mercedem nullis generis humani temporibus, ante*



ultimum futurum iudicium denegavit, quos per certissimam præscentiam, & iustissimam misericordiam secum regnatos in vitam prædestinavit æternam. Atqui prædestinati per certissimam præscentiam & per iustissimam misericordiam, est certe prædestinari propter prævisa merita; ergo, &c.

Idem lib. 1. ad Simplicianum, qu. 2. ait: Non tamen electio (ad gloriam) præcedit justificationem, sed electionem justificationis: nemo enim eligitur, nisi iam distans (per bona opera prævisa) ab illo qui respicitur. Unde quod dictum est, elegit nos ante mundi constitutionem, non video quomodo sit dictum nisi præscentia, operum scilicet cum gratia Dei elicitorum.

D. Fulgent. lib. 1. ad Monimum, cap. 24. ait: Prædestinavit ad regnum, quos præscentis ad se misericordiam prævenientis auxilio redituros, & in se, misericordiam subsequenti auxilio mansuros. Quod manifeste indicat prædestinationem ad gloriam esse post prævisa merita.

Prob. 3. ratione: Deus ab æterno decrevit satere quod facit in tempore, & quidem eodem modo quo illud facit in tempore, juxta illud D. Thom. in cap. 8. Epist. ad Rom. lect. 6. Eadem ratione Deus beneficia, quæ nobis confert in tempore, præparavit ab æterno; atqui Deus in tempore dat gloriam propter merita, ut fides docet; ergo, &c. Prob. maj. Quia SS. PP. inferunt executionem gratuitam ex electione gratuita: Deus nato gratis gratiam suam tribuit, inquit Div. Fulgent. lib. 1. de prædest. & gratia, quia gratis eam præparaverat, nascituro; ergo idem est modus eligendi finem cum modo illum executioni mandandi. Cæteræ probationes videantur Tomo II. nostræ Theologiæ.

Obijciat 1. Christus Lucæ 12. dixit discipulis suis: Nolite timere, pusillus grex, quia complacuit Patri vestro, dare vobis regnum. Atqui vox ista, complacuit, significat voluntatem puri beneplaciti, quæ excludit omne meritum prævisum; ergo.

Resp. Dist. min. Vox, complacuit, significat voluntatem puri beneplaciti antecedentem, conditionatam, & inefficacem dandi gloriam sub conditione meritorum, contra voluntatem absolutam & efficacem, nego min. Alias Judas, qui de illo pusillo grege erat, fuisset efficaciter electus ad gloriam.

Obijciat 2. Rom. 9. dicitur: Cum nondum nati fuissent, aut aliquid boni egissent aut mala (ut secundum electionem propositum Dei maneret) non ex operibus, sed ex vocante dictum est eis (Rebecca) quia major serviet minori, sicut scriptum est: Jacob dilexi, Esau autem odio habui. Unde sic argumentor: ante omne prævisum meritum Jacob diligitur; atqui per illam dilectionem Jacob, illius prædestinatio intelligitur; ergo.

Resp. Dist. min. Intelligitur illius prædestinatio ad



gratiam, *conc.* ad gloriam, *nego*: Nam, ex ipso textu, Esau perinde gratis fuit odio habitus, ac Jacob dilectus; ergo si sermo esset de prædestinatione ad gloriam, sequeretur reprobationem fieri etiam ante prævisa demerita, & ex solo Dei beneplacito; quod est hæreticum.

*Obijciat* 3. D. Aug. pluribus in locis, docet prædestinationem fieri ante prævisa omnia merita; ergo.

*Resp. Dist. ant.* Docet prædestinationem ad gratiam fieri ante omnia merita, *conc.* prædestinationem ad gloriam, *subdist.* ante omnia merita naturalia & gratiam præcedentia, *conc.* ante omnia merita gratiæ, *nego*.

Itaque D. August. in locis, quæ nobis obijciuntur, impugnat Pelagianos, qui docebant gratiam Dei secundum merita nostra naturalia dari; & Semi-pelagianos, qui docebant gratiam dari propter merita quorum saltem initium esset a natura & libero arbitrio; sicque tota quaestio inter Div. Aug. & ejusmodi hæreticos, non erat de meritis antecedentibus prædestinationem ad gloriam, sed de meritis antecedentibus prædestinationem ad gratiam. Inde est quod Div. Doctor loquens obiter de prædestinatione ad gloriam, docuit eam non esse factam ex operibus naturalibus ad sensum illorum hæreticorum, qui non poterant dicere, eam esse factam ex prævisis meritis a gratia præveniente adequate profectis, cum saltem tenerent initium fidei esse a nobis, ut solis, & non a prædicta Dei gratia adjutis.

*Quæres* 6. *Quid sis effectus prædestinationis?*

*Resp.* Est id omne, quod, virtute prædestinationis factæ, Deus ex speciali affectu confert electo, ut eum ad gloriam perducatur.

*Quæres* 7. *Quid requiratur ut aliquid sis effectus prædestinationis?*

*Resp.* Tria. 1. *Requiritur*, ut sit a Deo. Quare peccatum non est effectus prædestinationis. . . . 2. *Requiritur*, ut detur ex meritis Christi, quare creatio non est effectus prædestinationis. . . . 3. *Requiritur*, ut certissime ad ipsius gloriæ consecutionem conducat, sive formaliter, sive dispositive, sive etiam occasionaliter.

*Quæres* 8. *Quos sunt effectus prædestinationis?*

*Resp.* Sunt tres. Scilicet, vocatio, justificatio & glorificatio, juxta illud Rom. 8. *Quos autem prædestinavit, hos & vocavit, & quos vocavit, hos & justificavit, quos autem justificavit, illos & glorificavit.*

*Obijciat*: Vocatio & justificatio sunt communes prædestinatis & reprobis; ergo non sunt effectus prædestinationis.

*Resp. Dist. ant.* Sunt communes, si spectentur in se, *cont.* si spectentur ex parte Dei, *nego ant.* Nam ex parte Dei dantur prædestinatis ex absoluta & efficaci intentione perducendis ad gloriam; reprobis vero conceduntur tantum ex voluntate Dei generali salvandi omnes homines;



amines; ideo in illis sunt tantum communes providentia generalis effectus.

Quæres 9. *Utrum peccati permissio predestinationis sit effectus?*

*Resp.* Non est per se, sed occasionaliter, quatenus nimirum a Deo ordinatur ad prædestinati salutem. Quare D. August. *Serm. 33. de verbis Domini*, ait: *Audeo dicere: Superbis consensibus expedit cadere, ut in eo ipso, in quo se extollunt, humiliantur, & cum timore & tremore salutem suam opeantur.*

*Obijcies:* Permissio peccati non est Dei beneficium, nec est ex meritis Christi; ergo.

*Resp. Diss. ans.* Non est Dei beneficium, nec ex meritis Christi, in se considerata, conc. prout subest intentioni divinæ, nego ant.

Quæres 10. *Utrum predestinatio sit certa?*

*Resp.* Est certissima secundum se; nam. Joan. 10. *Christus de electis*, ait: *Non peribunt in æternum, & non rapiet eas quisquam de manu mea. Et cap. 13. Scis Christus quos elegeris.*

Quæres 11. *Utrum predestinatio sit certa respectu nostri?*

*Resp.* Non est certa, certitudine absoluta, absque speciali revelatione; nam *Eccles. 9.* dicitur: *Nescis homo utrum amore vel odio dignus sit, sed omnia in futurum servantur incerta.* Hinc Concil. Trident. *Sess. 6. can. 16.* definit: *Si quis magnum illud usque in finem perseverantia donum se certo habiturum, absoluta & infallibili certitudine dixerit, nisi hoc ex speciali revelatione didicerit, anathema sit.*

Quæres 12. *Quot sunt signa predestinationis?*

*Resp.* Varia assignantur a Patribus vitæ spiritualis: nempe frequens & devotus Sacramentorum usus. Zelus honoris Dei & salutis proximi. Frequens de Deo sermo & cogitatio. Desiderium patiendi pro Christo. Ardens desiderium audiendi verbum Dei. Rerum caducarum contemptus, & cælestium amor. Metus & tremor in operanda salute cum vera humilitate conjunctus. Devotio erga B. M. V. cui Ecclesia accommodat ista *Prov. 8.* verba: *Qui me inveneris, invenies vitam, & habuisti salutem a Domino.*

Quæres 13. *Utrum predestinatio sit immutabilis?*

*Resp.* Est immutabilis. 1. *Ex parte Dei prædestinatoris*, quia Deus nunquam mutabit decretum, quo statuit efficaciter gloriam electis conferre. 2. *Ex parte prædestinatorum*, quia non possunt non consequi gloriam, ad quam electi sunt. Hinc D. August. *l. de corrept. & gratia, c. 13.* ait: *Certus est prædestinatorum numerus, qui neque augeri, neque minui potest.*

*Obijcies:* Qui scripti sunt in libro vitæ, possunt ex eo deleri; ergo non est immutabilis prædestinatio.

*Resp.*



*Resp. Dist. ans.* Qui scripti sunt in libro vitæ, secundum quid, *conc.* simpliciter, *neg.* Liber vitæ secundum quid, est ille in quo inscribitur qui ad gratiam prædestinatus est. Liber vitæ simpliciter, est ille in quo inscribitur qui ad gloriam æternam est prædestinatus. Porro potest quis excidere a gratia, nunquam vero a gloria, quando ad eam est prædestinatus.

*Inst. 1.* Moyſes, *Exod.* 32. ait: *Aut dimitte eis hanc noxam, aut si non facis, dele me de libro tuo, quem scripsisti.* Ergo supponit prædestinationem non esse ex parte Dei immutabilem.

*Resp. Nego conſeq.* Nam ille textus intelligitur de libro vitæ hujus temporis, de quo etiam loquitur. *Num.* 31. dicens ad Dominum: *Obsecro ut interficias me, & inveniam gratiam in oculis tuis.*

*Inst. 2.* David, *Pſal.* 68. loquens de libro vitæ simpliciter, ait: *Deleantur de libro viventium;* ergo, &c.

*Resp. Dist. conſeq.* Possunt deleri, negative, id est, non inscribi, *conc.* positive, *neg.* Unde ibidem additur: *Et cum iustis non scribuntur.*

*Quæres 14.* Utrum prædestinatio necessitatem inferat prædestinati?

*Resp. Negat.* Quia decretum prædestinationis supponit scientiam conditionatorum, per quam causa libera prævideatur sese determinatura, ex hypothesi quod Deus velit concurrere cum illa.

## C A P U T XI.

### De Reprobatione.

*Quæres 1.* Quid sit reprobatio?

*Resp.* Definitur a magistro, lib. 1. sent. distinct. 4. *Præscientia impietatis quorundam, & preparatio damnationis eorumdem.*

Dicitur 1. *Præscientia impietatis*, ut significetur reprobationem fieri ex præviſis demeritis... Dicitur 2. *Impietatis*, id est, peccati, vel originalis solum, vel actualis solum, vel utriusque simul conjuncti in adultis non baptizatis... Dicitur 3. *Et preparatio damnationis eorumdem*, per quod intelligitur absolutum Dei decretum aliquos excludendi a gloria, & ad supplicium æternum deputandi.

*Quæres 2.* Quotuplex sit reprobatio?

*Resp.* Duplex; positiva nempe, & negativa.

*Quæres 3.* Quid sit reprobatio positiva?

*Resp.* Est decretum divinum, quo aliqui excluduntur a vita æterna, & deputantur ad penas æternas. Hæc etiam dicitur *adequata*.

*Quæres 4.* Quid sit reprobatio negativa?

*Resp.* Ab aliquibus definitur: *Mera non electio ad vitam*



vitam eternam. Ab aliis vero: *Actus positivus*, quo Deus quosdam non tantum non eligit, sed etiam excludit a vita eterna, tanquam a beneficio indebito. Quo sensu potest d. ci reprobatio positiva inadequata.

Quæres 5. Utrum detur reprobatio adequata?

Resp. Affirm. Matth. enim 25. Christus ait: *Discedite a me, maledicti, in ignem eternum.*

Quæres 6. Quenam sit causa reprobationis positiva?

Resp. Est solum peccatum a Deo prævisum, ut fides docet contra Calvinum, qui non aliam reprobationis causam statuit, præter voluntatem Dei, qui aliquos, pro solo suo beneplacito, prædestinando, alios ad penas æternas antecedenter ad eorum demerita prædestinavit...

Prob. responsio ex Script. Sap. 1. *Deus mortem non fecit, nec latatur in perditione vivorum.* Atqui si Deus aliquos, ante omne demeritum, excluderet positive a gloria, & penis addiceret æternis, faceret mortem, & maxime lataretur in perditione vivorum; ergo. Hinc Christus, Matth. 25. ait: *Discedite a me, maledicti, in ignem eternum, qui paratus est diabolo & angelis ejus: esurivi enim, & non dedistis mihi manducare, &c.* Et D. August. lib. 3. contra Julian. dicit: *Non potest, Deus, quempiam sine malis meritis damnare, quia justus est; ergo dogma Calvini blasphemat Deum esse injustum.*

Objectiones: Prov. 16. dicitur: *Universa propter semetipsum operatus est Dominus, impium quoque ad diem malum;* ergo Deus impium creavit eo fine, ut reprobatus esset.

Resp. Nego consequ. Non enim aliter verba allata intelligi debent, quam quod homo, quamvis prævideatur in peccatum lapsurus, atque adeo damnandus, non destinatur tamen a Deo produci, ut inde patefiat gloria Dei, qui melius judicavit de malis benefacere, quam nulla mala permittere, ait D. August. in Enchiridio, cap. 27.

Quæres 7. Utrum peccatum originale prævisum, sit causa reprobationis adultorum baptizatorum, ut volunt Janſenius & ejus discipuli?

Resp. Negat. Nam peccatum originale in hominibus baptizatis fuit per Baptisma remissum, ut Conc. Trid. Sess. 5. can. 5. definivit his verbis: *Si quis per J. C. gratiam, qua in Baptismate confertur, verum originale peccatum remissi negat, anathema sit.* Quam definitionem confirmat ex hoc Rom. 8. *Nihil damnationis est iis qui sunt in Christo Jesu, id est, qui vero consecuti sunt cum Christo per Baptisma in mortem, ut habet Trid.*

Respondenti adversarii, peccatum originale remitti per Baptisma quoad culpam, non vero quoad poenalitatem: in baptizatis enim remanent ignorantia & concupiscentia, quæ moralem quandam peccandi necessitatem inducunt, nisi Deus efficaciter adjuvet. Sed.



*Contra est*: Nam Conc. Trid. definit, concupiscentiam nocere, non consentientibus, sed viriliter per J. C. gratiam repugnantibus, non valere. Item docet, quod baptizati, Deo dilecti effecti sunt, heredes quidem Dei, cohæredes autem Christi, ita ut nihil prorsus eas ab ingressu cæli remotetur. Atqui si concupiscentia esset causa reprobationis a gloria, plurimum noceret, baptizatus haberet aliquid, quod eum ab ingressu Cæli removere-  
tur; ergo, &c.

*Obiicies*: D. August. Epist. 105. ad ista verba: *Jacob dilexi*, Esau autem odio habui, dicit: quid oderas in Esau antequam fecisset aliquid mali, nisi originale peccatum? Ergo reprobatus est propter solum peccatum originale.

*Resp.* Nego consequ. D. August. enim non agit ibi de reprobatione a gloria, sed agit de reprobatione a gratia speciali, ut ostendat eam non dari propter bona opera naturæ prævisa, quandoquidem Deus uni suam largitur gratiam antequam quidquam boni egerit, & alteri denegat antequam quidquam egerit mali; addit enim: *Ubi nunc opera, vel præterita; vel futura tanquam liberi arbitrii viribus impleta, vel implenda? nonne apertam protulit Apostolus de gravitate gratiæ, hoc est, veræ gratiæ commendatione, sententiam?*

*Quæres* 8. Utrum detur negativa adulterum reprobatio a gloria tanquam a beneficio indebito, quæ fiat ex solo Dei beneplacito ante prævisum quodcumque peccatum actuale?

*Resp.* Non datur, sed unica reprobationis adulterum baptizatorum causa, sunt actualia eorum peccata; quia sincerus effectus homines salvandi, stare non potest cum reprobatione negativa a gloria: nam affectus, qui non tam est, quam esset futurus, si nihil obficeret, non est sincerus; atqui, juxta adversarios, affectus Dei erga salutem hominum, non tam est, quam esset, si nihil aliud obficeret: *Voluntas illa antecedens*, inquit Alvarez, disp.

34. conclus. 4. *Actum conditionatum importat in Deo, quo vallet salutem omnium, nisi ex hoc impediretur pulchritudo universi, & bonum universale divine justitiæ & misericordiæ.* At quomodo hoc conciliari potest cum his, *Ezech. 33. verbis: Nolo mortem impij, sed ut convertatur a via, & vivat?*

Hinc SS. Patres unanimiter rejiciunt reprobationem negativam, cum asserant eam fieri ob prævisa peccata actualia: sic D. Prosper, *respons. ad 3. objectionem Gallorum*, de reprobis dicit: *Idea prædestinati non sunt, quia tales futuri (nempe mali in fine vitæ) ex voluntaria prævaricatione præcisi sunt. . . essent autem prædestinati, si essent reversuri, & in sanctitate mansuri.*

*Obiicies*: Deus excludit negative, seu non eligit hominem ad gloriam, quia est illi indebita; ergo sola Dei voluntas est causa reprobationis negativæ.

*Resp.*



*Resp. Nego ant.* Quia, posita misericordia & ordinatione Dei, qui sincere vult omnes homines salvos fieri, eisque dat sufficientia media, quibus ad salutem pervenire possint: posita item redemptione per Christum, Deus non potest excludere hominem a gloria, præise quia est beneficium ipsi indebitum; sed requiritur ex parte hominis peccatum, sive originale, si prævideatur non remittendum, sive actuale in reatis.

*Quæres 9. Quæ sint effectus reprobationis?*

*Resp.* Sunt quatuor, nempe; 1. Est permissio peccati cum morte conjuncti... 2. Est excæcatio mentis, qua fit ut homo se peccare non amplius advertat, sicque non convertatur, infallibiliterque moriatur impœnitens... 3. Est obduratio cordis, qua fit ut induratus lucentem veritatem rejiciat, & adhortantibus hoc unum respondere soleat, *non possum*... 4. Est pœna tum damni, tum sensus.

*Quæres 10. Quomodo Deus peccatorem indues & excusat?*

*Resp.* Hoc exequitur duobus modis, 1. Cum peccatori denegat auxilia efficacia, per quæ converteretur actu, & non moreretur in peccato... 2. Cum permittit peccatorem incidere in tentationes & occasiones peccandi, quibus videt futurum ut peccata peccatis accumularet: aut etiam illi offert objecta per se bona, vel certe non mala, quibus abutitur in suam perniciem, sicut advenit Pharaoni, ut explicat D. Aug. *lib. de gratia & libero arbitrio, cap. 21.*





# TRACTATUS <sup>113</sup> III.

## De Deo Trino.

**H**Ujus Tractatus erunt tres Dissertationes : 1. Erit de Trinitate in genere ; 2. De Personis divinis in particulari ; 3. De mutua prædicatione nominum absolutorum de relativis , & relativorum de absolutis .

### DISSERTATIO I.

#### De Mystrio Sanctissime Trinitatis in genere.

**H**ic agemus 1. De existentia Trinitatis ; 2. De modo eam cognoscendi ; 3. De processionibus divinis ; 4. De personalitatibus & relationibus divinis ; 5. de his , quæ tribus personis sunt communia .

### CAPUT I.

#### De existentia Sanctissime Trinitatis.

Quæres 1. **Q**uid sit mysterium S. Trinitatis ?  
*Resp.* Est unus Deus in tribus personis subsistens .

Dicitur 1. *Unus Deus* , id est , una natura divina , unitate numerica & singulari , non vero unitate specifica , quæ per singulares differentias dividatur & multiplicetur , ut natura humana in Petro , Paulo , Andrea .

Dicitur 2. *In tribus personis* , realiter distinctis , contra Sabellianos , cui docuerunt , unicam esse in Deo personam pro diversis ejus officiis trinominem , qui ideo *Patripassiani* dicti sunt , quia Filius , qui eadem est persona cum Patre , passus est .

Dicitur 3. *Subsistens* ; contra Socinianos , qui negant Spiritum sanctum esse subsistentem personam , asseruntque eum esse tantum Dei virtutem & efficaciam .

Quæres 2. *An Trinitas personarum in Deo possit probari ex veteri Testamento ?*

*Resp. Affirm.* Nam , *Genes. 1.* dicitur : *Vidit quod esset bonum , & ait : Faciamus hominem ad imaginem & similitudinem nostram* : ubi hæc verba : *vidit Deus , & ait* , ponuntur in singulari , ut unitas naturæ manifestetur : ista vero , *faciamus , nostram* , ponuntur in plurali ,  
ut



ut multiplicitas personarum demonstraretur: illa enim verba ad quoddam alias personas, a loquente distinctas, diriguntur.

Gen. 3. dixit Deus: *Ecce Adam quasi unus ex nobis factus est*, ubi, si non essent plures personæ, sensus esset, *ecce Adam quasi unus ex me factus est*, quæ locutio inepta est & ridicula.

Psal. 109. dicitur: *Dixit Dominus Domino meo. . . . ex utero ante luciferum genui te*, atqui filius realiter distinguitur a Patre. Hoc textu usus est Christus, Matth. 22. ut probaret suam divinitatem.

Quæres 3. *An Trinitas possit probari ex novo Testamento?*

Resp. Affirm. Matth. 28. *Docete omnes gentes, baptizantes eos in nomine Patris, & Filii, & Spiritus sancti*. Joan. 14. Christus, ait: *Ego rogabo Patrem, & alium Patrem dabit vobis. Quem locum contra Sabellianos sic urget D. Athanas. Cum Christus de se loquitur, dicit, ego: cum de Patre, dicit, ille, cum de Spiritu sancto, subiungit, alium: nonne igitur manifesta peritiae est, negare tres?*

1. Joan. 5. v. 7. *Tres sunt qui testimonium dant in celo, Pater, Verbum, & Spiritus sanctus, & hi tres unum sunt*. Unde omnia fidei symbola Trinitatem personarum in Deo continentur.

Obijciat 1. Deus in Scripturis dicitur solus, Deut. 32. *Videte quod ego sim solus*. Ergo.

Resp. Diss. ant. Deus dicitur solus, per exclusionem deorum aliorum, conc. per exclusionem personarum in Deo, nego ant. Dicit eam Christus, Joana. 8. *Solus non sum, sed ego & qui misit me*.

Obijciat 2. Juxta scholæ axioma: *Quæ sunt eadem uni tertio, sunt eadem inter se*, atqui personæ divinæ sunt quid idem uni tertio, nempe naturæ divinæ; ergo.

Resp. Diss. maj. Quæ sunt eadem uni tertio incommunicabili & singulari, sunt eadem inter se, conc. quæ sunt eadem uni tertio communi & communicabili, nego axioma. Sic quamvis Petrus & Paulus sint quid idem cum natura humana, non tamen sunt idem inter se, quia natura humana est communis & communicabilis Petro & Paulo; unde non valet hoc argumentum: *Petrus est homo, Paulus est homo: ergo Petrus est Paulus*.

Obijciat 3. cum Sociniani: Spiritus sanctus non est vera persona per se subsistens; ergo non sunt tres personæ in Deo.

Resp. Nego ant. Nam Scriptura sacra Spiritui sancto proprias tribuit actiones, nempe docere. Joan. 14. *Pater actus autem Spiritus sanctus . . . vos docebit omnia*. Venire, arguere, audire, loqui, accipere, Joana. 16. *cum venerit ille, arguet mundum de peccato . . . Quicumque audiet loquens . . . de meo accipiet*, atqui actiones



nes personam viventem & per se subsistentem denotant, juxta illud effatum, *actiones sunt suppositorum*; ergo, &c.

*Inst. 1.* Actiones personales tribuuntur Spiritui sancto per figuram profopopejæ, per quam res, quæ non est persona, inducitur loquens, quasi esset persona; ergo ex illis actionibus non potest erui quod sit vera persona subsistens.

*Resp. Nego ant.* Quis enim, nisi cæcus sit, dicat hæc verba, Act. 10. *Dicit spiritus ei (Petro) ecce viri tui querunt te... vade cum eis nihil dubitans, quia ego mis illos*, de Spiritu sancto dici figurate, cum pronomine, *ego*, apertissime demonstret personam quæ imperat & mittit?

*Inst. 2.* Quando Scriptura de Spiritu sancto dicit; *Interpellas pro nobis gemitibus inenarrabilibus*, figurate loquitur; ergo, &c.

*Resp. Retorqueo*; quando Scriptura dicit Christum esse vitem, ostium, agnum, &c. figurate de Christo loquitur; ergo semper de Christo figurate loquitur. Ergo ex subiecta materia, ex antecedentibus & consequentibus, æstimandum est, aa Scriptura figurate loquatur vel non.

Quæres 4. *Quinam negarunt divinitatem personarum divinarum?*

*Resp.* Ariani divinitatem Verbi, Macedoniani divinitatem Spiritus sancti, Sociniani utriusque divinitatem negarunt.

Quæres 5. *Utrum Filius Dei, sit verus Deus, Patri consubstantialis?*

*Resp. Affir. Prob. 1.* Ex veteri Testamento Isaia 9. *Filius datus est nobis... & vocabitur nomen ejus admirabilis, consiliarius, Deus, fortis, Pater futuri seculi.* Psal. 109. *Dixit Dominus Domino meo: ubi hæc particula; Dixit Dominus*, intelligitur de Deo Patre: & ista, *Dominio meo*, de Deo filio, qui secundum naturam divinam tantum, est Dominus Davidis, non secundum naturam humanam, quam ab ipso Davide recepit... eodem Psalmo, *Deus Pater dicit Filio: Ex utero*, id est, ex propria mea substantia, *ante luciferum*, id est, ab æterno, *genus te*, nimirum per veram ac proprie dictam generationem, unde est Filius naturalis.

*Prob. 2.* Ex novo Testamento. Matth. 14. cum Caiphas interrogasset Jesum: *Tu es Christus Filius Dei benedicti?* respondit, *ego sum*; quod Caiphas, cæterique Judæi de filio naturali intellexerunt, alias Caiphas non dixisset, *audistis blasphemiam*: nec Judæi clamasset, *eum esse reum mortis*.

Joan. 1. dicitur: *In principio*, id est, ab æterno, *erat Verbum*, & *Verbum erat apud Deum*, id est, a Deo genitum, & *Deus erat Verbum*: *omnia per ipsum facta sunt...* & *Verbum caro factum est*. Hic Verbum clare & di-



& distincte appellatur *Deus*. . . . Et c. 10. dixit Christus *Ego & Pater unum sumus*, id est, una natura divina : in hunc locum S. Aug. ait : *Quod dixis, unum, liberat te ab Ario : quod dixis, sumus, liberat te a Sabellio*. Si, unum, ergo non diversum ; si, sumus, ergo Pater & Filius. . . c. 16. *Omnia quaecumque habes Pater, mea sunt* ; atqui Pater habet naturam divinam ; ergo .

1. Joan. 5. *Scimus quoniam Filius Dei venit, & dedit vobis sensum, ut cognoscamus verum Deum, & simus in vero Filio ejus, hic est verus Deus & vita eterna*.

Hinc in Conc. Nicæno 1. definitum est Filium esse Deum de Deo, lumen de lumine, Deum verum de Deo vero, genitum non factum, consubstantialem Patri.

*Obicies* 1. Christus sic allequitur Patrem : *Hec est vita eterna, ut cognoscant te solum Deum verum* ; ergo solus Pater est Deus.

*Resp. Dist. consequ.* Solus Pater est Deus, per exclusionem fallorum deorum, *consequ.* per exclusionem aliarum personarum divinarum, *nego consequ.* Quia quando attributum absolutum uni personæ tanquam soli tribuitur, non excluduntur aliæ personæ divinæ, sed solum res quæ sunt naturæ diversæ a natura divina ; sic quando dicitur : *Nemo novit Patrem, nisi Filius, non excluditur Pater, quia inseparabiles sunt*, ait D. Aug. lib. 1. de Trinitate, c. 6.

*Obicies* 2. Nomen, *Deus*, aliis a Deo entibus tribuitur in Scripturis, ut cum Deus Moysi dixit : *Constitui te Deum Pharaonis* ; ergo ex hoc quod Verbum dicatur *Deus*, non sequitur quod sit vere & realiter Deus, sed tantum figurate & participative.

*Resp. Dist. ant.* Aliis a Deo entibus tribuitur, cum additione, seu restrictione, *consequ.* absolute & simpliciter, *nego ant.* Sic cum Moyses dicitur *Deus*, additur *Pharaonis*. Sed de solo Christo dicitur, quod sit Deus absolute.

*Obicies* 3. Christus, Joan. 10. ut hanc Judæorum opinionem, quod se Deo æqualem faceret, amoveret, respondit seipsum non aliter Deum dixisse, aut filium Dei, quam in scripturis ii, ad quos *sermo Dei factus est*, dicuntur dii ; ergo.

*Resp. Nego ant.* Nam Christus ibi argumentatur a minori ad majus sic : si iudices propter auctoritatem quam a Deo acceperunt, dii appellantur ; quanto magis Deus dici debet ille quem *Pater sanctificavit*, nimirum sanctitate increata & personali. Unde addit : *Si non facio opera Patris mei, nolite credere mihi ; si autem facio, & si mihi non vultis credere, operibus credite*, nam opera mea quæ nemo alius facit, probant me a Patre missum, & vera locutum, cum Deus non possit miracula edere ad confirmandum mendacium ; operibus ergo credite, ut cognoscatis & credatis quia Pater in me est, & ego in Patre, propter identitatem naturæ & consubstantialitatem.

Alii



Alii textus obijciuntur a Socinianis, sed facile solvuntur.  
*Luca* 18. Christus dicit: *Quid me dicis bonum? nemo bonus nisi solus Deus.* Sed ejusmodi responsio est ad mentem principis illius, qui Christum ut purum hominem habebat.

*Ecclesi.* 24. Sapientia, quæ est Verbum, dicit: *Ante secula creata sum.* Sed intelligitur de creatione improprie dicta, nempe de simplici productione & generatione, non de educatione rei ex nihilo.

*Joan.* 1. De verbo dicitur: *Omnia per ipsum facta sunt.* Sed intelligitur de causa efficiente, non de causa instrumentali: particulæ enim *ab, ex & per* in scripturis idem significant.

*Joan.* 14. Dicit Christus: *Pater major me est.* Sed inde sequitur tantum quod Christus sit minor Patre secundum humanitatem, non secundum divinitatem.

*Joan.* 5. Christus ait: *Non possum ego a me ipso facere quidquam;* sed non inde sequitur, quod non habeat æqualem potentiam cum Patre: hoc ergo ideo dicit, quia omnipotentia est ipsi a Patre communicata.

Quæres 6. *Utrum divinitas Verbi possit probari ex traditione Patrum qui ante Concilium 1. Nicanum floruerunt?* Alios enim nobis dimittunt Sociniani.

*Resp. Affir.* Nam 1. S. Ignatius Martyr, Epist. ad Tarsenses, redarguens eos qui de Christo dicebant: *Quoniam novus homo est,* ait: *Qualiter autem nudus homo audiret? Sede a dextris meis? qualiter autem & diceret, Priusquam Abraham fieret, ego sum, &c.*

2. S. Martialis, Petri Comes. in 1. ad Burdigalensem Epist. c. 2. ait: *Christus mori potuit, quia homo fuit. Filius Dei ante principium fuit: Et quia Deus erat, diu tenevi in morte non potuit. Resurrexisti enim ante lucem tertia die, de loco ubi eum sepeliri vidimus, & apparuit nobis.*

3. Div. Dionys. areopagita, l. de divinis nominibus, c. 2. dicit: *Sacra scriptura evadunt ipsummet Deum, se designando, dixisse: Quid me interrogas de bono? nemo bonus nisi solus Deus.* Porro Deus qui sic se designavit, est Deus Filius: etenim, addit D. Dionys. *Es verbum ipsum, quod natura bonum est,* ait: ego bonus sum.

4. S. Justinus, Apologia 2. pro Christianis, de Christo dicit: *Qui quod Verbum & primogenitus Dei sit, Deus etiam est.*

5. S. Theophylus VI. Patriarcha Antiochenus, lib. 1. Commentariorum in Evangelia, dicit: *Obtulerunt ei (Christo) Magi munera, aurum ut Regi, thus ut Deo, myrrham ut homini ad sepulturam.*

6. S. Dionys. Alexandr. Epist. contra Paulum Samosatensem, ait: *Unus est Christus qui est in Patre, cœternum Verbum, una ejus persona, Deus invisibilis, & visibilis factus.*

7. Eusebius Pamphilus, Cæsareæ Episcopus, lib. 2. de fide, ait: *Gentiles non sumus, quia non dicimus Deos. Judæi non sumus, quia & Christum Deum confitemur.*  
 1. Hinc Concil. Nicanum l. definiit, Filium Dei esse, Deum



*Deum de Deo, lumen de lumine, Deum verum de Deo vero, genitum, non factum, consubstantialiam Patri, &c.*

*Obijcies 1. D. Ignatius, Epist. ad Tarlenses, de Filio, dicit: Non ipse est, qui super omnia Deus Pater, sed Filius ejus... Resp. Quod per hæc verba vult tantum Filium non esse fontem totius divinitatis.*

*Obijcies 2. D. Justinus, Dialogo cum Triphone, asserit 1. Deum Patrem esse Filio causam ut sit... 2. Filium esse administrum Dei Creatoris. 3. Christianos in secundo loco habentes (Filius Dei) cum ratione venerari. Ergo.*

*Resp. ad 1. Quod Justinus nomine causæ, intellexit principium... ad 2. dico quod Filius dicatur Patris minister improprie, quatenus & esse, & operandi virtutem accepit a Patre sine dependentia ab illo.... ad 3. Filius dicitur secundo loco haberi ratione originis, quia est secunda persona, non vero ratione naturæ & dignitatis.*

*Obijcies 3. D. Irenæus, l. 3. adversus hæreses cap. 8. dicit Deum Patrem præcepisse Verbo per quod cæli firmati sunt. Ergo.*

*Resp. Præceptum improprie, hoc sensu, quod Pater voluit mundum fieri per Verbum, hoc est, voluntate Verbi a Patre accepta & utrique communi. Perro illud præceptum non arguit inferioritatem in Verbo.*

*Obijcies 4. Clem. Alexand. l. 1. Stromatum, dicit: Beneficentissima est natura Filii, quæ soli omnipotenti propinquissima est. Et l. 5. dicit Verbum esse sapientiam primo creatam.*

*Resp. ad 1. Quod natura sumatur pro persona, ut frequenter usurpatur apud veteres... ad 2. Verbum primo creatum, sumitur pro Verbo, primo genitum. est autem primo genita, quia prior est origine persona Spiritus sancti.*

*Obijcies 5. Origenes, l. 8. contra Celsum, dicit 1. Verbum non esse universum Deum. 2. Contendit Filium, ut Filius est, esse minorem Patre, juxta illud Christi: Pater major me est.*

*Resp. ad 1. Veteres per hæc Verba universum Deum, solam personam Patris, per appropriationem intellexerunt... ad 2. Filius, quia Filius, dicitur minor Patre, ratione originis, quia ab eo recipit esse, unde Pater dicitur fons totius divinitatis; sed non est minor ratione essentiae; ita hunc textum: Pater major me est: interpretatur Div. Athanas. Orat. 2. contra Arianos.*

*Obijcies 6. Tertullianus 1. docet, l. contra Hermogenem, c. 3. Deum non fuisse semper Patrem: Non tamen ideo Pater semper, quia Deus semper, inquit... 2. l. contra Praxeam, dicit: Pater tota substantia est, Filius vero derivatio totius & portio, sicut ipse proficitur: Pater major me est... 3. ibidem dicit: Deum Filium agnosco, secundum a Patre defendo.*

*Resp. ad 1. Quod Tertull. loquatur de paternitate essentia.*



sentiali, quæ respicit productionem creaturarum, estque tribus personis communis; non vero de paternitate notionali quæ est ad filium naturalem... ad 2. Quod intelligi debeat secundum imperfectum nostrum concipiendi modum, non vero realiter; sic enim loquitur Tertull. ut ostendat Filium esse a Patre per generationem, ut inde concludat contra Praxeam, eum a Patre distingui persona & hypostasi... ad 3. *dist.* Ratione originis, *cons.* ratione naturæ, *nego.*

Quæstiones 7. *Utrum Spiritus sanctus sit virus Deus, Patri, Filioque consubstantialis?*

*Resp. Affirm.* Nam 1. in Scriptura vocatur Deus, *Aët.* 6. D. Petrus sic Ananiam alloquitur, *Anania*, cur tentavit satanas cor tuum, *mensiri te Spiritui sancto*... non es mentitus hominibus, sed Deo... 2. Spiritui sancto tribuuntur omnes perfectiones quæ soli Deo sunt propriæ, nempe, immensitas, *Sap.* 1. *Spiritus Domini replevit orbem terrarum.* Omniscientia 1. *Cor.* 2. *Spiritus omnia scrutatur, etiam profunda Dei.* Associatio cum Patre & Filio in omnibus operibus ad extra, *Matth.* 28. *Baptizantes eos in nomine Patris, & Filii, & Spiritus sancti.*

Unde Tertull. 1. *adversus Praxeam*, c. 13. ait: *Pater est Deus, Filius Deus, & Spiritus sanctus Deus.* Et Conc. Constantinop. 1. definiuit: *Credimus Spiritum sanctum, Dominum, & vivificantem... cum Patre & Filio adorandum & glorificandum, qui locusus est per Prophetas.* Ergo est Patri & Filio consubstantialis.

*Obijciat* 1. Plura in Scripturis de Spiritu sancto leguntur quæ Deo vero convenire nequeunt; ut Roman. 8. dicitur, postulare & gemere. *Ephes.* 4. dicitur contristari. 1. *Thessalon.* 5. dicitur extinguui.

*Resp.* 1. Dicitur postulare & gemere, quia nos postulare facit, & coram Deo gemere... 2. Dicitur contristari, quia improbat quod male gerunt homines... 3. Dicitur extinguui, non ratione sui, sed ratione gratiarum, quas homo extinguit, vel non utendo, vel abutendo.

*Obijciat* 2. Christus de Spiritu sancto loquens, ait: *Non enim loquitur a semetipso, sed quæcumque audiet loquetur.* Ergo, &c.

*Resp. Dist. ans.* Quæcumque audiet, procedendo, loquetur, *conc.* quæcumque audiet, discendo, *nego ans.* Spiritus sanctus per suam processionem, accipiendo naturam divinam, recipit etiam omnium rerum cognitionem, quæ cum ipsa identificatur.



## CAPUT II.

De modo cognoscendi SS. Trinitatem.

Quæres 1. **U**trum mysterium SS. Trinitatis possit ratione naturali demonstrari?

*Resp. Negat.* Ait enim Christus Matth. 11. *Nemo novit Filium nisi Pater, neque Patrem quis novit nisi Filius, & cui volueris Filius revelare.* Ergo mysterium SS. Trinitatis sola revelatione cognosci potest. Et ratio est, quia omnis demonstratio vel sit a priori, seu per causas; vel a posteriori, seu per effectus; atqui mysterium SS. Trinitatis non potest demonstrari a priori, cum Deus nullam sui causam habeat; neque etiam a posteriori, quia creaturæ non dependent a Deo quatenus trinus est; sed quatenus unus est in natura: prodeunt enim ab omnipotentia, quæ, cum sit toti Trinitati communis, arguit unitatem naturæ, non distinctionem personarum; ergo.

*Obijcies* 1. Antiqui Philosophi, Plato, Aristoteles, Trismegistus, imo & Sybillæ, mysterium Trinitatis agnovere; &c.

*Resp. Dato, non concessio, antecedente, nego confeg.* Nam si Philosophi gentiles aliquam de hoc mysterio notitiam habuerunt, illam habuerunt vel per revelationem ipsi immediate factam, ut de Sybillis tradunt DD. August. & Hieron. vel ex lectione librorum Moyfis & Prophetarum.

*Obijcies* 2. Certissimum est 1. Deum esse intelligentem & volentem. 2. Omne intelligens & volens terminum utrique actionis producere. 3. Producentem & productum distingui realiter. 4. Hunc duplicem terminum debere esse substantiam in Deo, qui nihil accidentale potest in se admittere. 5. Hos terminos naturam divinam, & quidem individuum participare, quia multiplex non potest esse natura divina, & quidquid in Deo est, necessario Deus est.

*Resp.* Hanc probationem non esse demonstrationem, nam mens humana, sibi relicta, cognoscere minime potest actionem intellectus & voluntatis in Deo esse productivam; qualis enim illius erit terminus? an aliquod accidens? at in Deo, utpote ente perfectissimo, nullum esse potest. An substantia? minime; alias, cum, juxta leges naturæ, omne productum substantia distinguatur a producente, tot essent naturæ divinæ, quot personæ producentes & productæ; ergo essent plures dii, quod lumini naturali repugnat; ergo gentilis concludet potius Deum, intelligendo & volendo, nullum producere terminum substantialem & personalem; imo ostendet talem terminum non esse necessarium, quia, fatentibus Theologis, Filius & Spiritus sanctus intel-



Intelligunt & volunt, nes tamen producunt terminum.  
 Quæres 2. Utrum, supposita fide hujus mysterii, pos-  
 sit variis exemplis illustrari?

Resp. Exemplis illustrari potest, sed imperfectis: il-  
 lustratur enim & probabile suadetur exemplo mentis hu-  
 manæ; quæ licet realiter una, tribus tamen pollet fa-  
 cultatibus, scilicet, intellectu, voluntate, & memoria,  
 quæ relative distinguuntur.

### C A P U T III.

#### De processionibus divinis.

Quæres 1. Quid sit processio?

Resp. Est emanatio, seu origo u-  
 nius ab alio. Alia est immanens, cujus terminus ma-  
 net intra suum principium. Alia transiens, cujus ter-  
 minus extra suum principium exit; sic in humanis, si-  
 lius a patre productus.

Quæres 2. Quosuplex sit processio immanens?

Resp. Duplex, nempe, physica, qua unum ab alio  
 procedit actione quadam physica, quæ includit muta-  
 tionem, dependentiam, & diversitatem naturæ in eo  
 quod ab alio procedit; talis est nostra intellectio a qua  
 verbum mentale, quod est accidens, procedit. Et me-  
 taphysica, qua unum ab alio procedit tanquam a mero  
 principio, seclusa omni imperfectiōne mutationis, de-  
 pendentia, ac diversitatis naturæ, remanentibus solum  
 istis duobus respectibus, a quo alius, & qui ab alio:  
 inter principium, & id quod oritur a principio.

Quæres 3. Utrum sis in Deo vera processio metaphy-  
 sica?

Resp. Affirm. Probaturque ex Script. Joan. 8. Chri-  
 stus de seipso dicit: Ego ex Deo processi. Et de Spi-  
 ritu sancto. Joan. 15. dicit: Paracletus, quem ego mis-  
 ram vobis a Patre, Spiritus veritatis, qui a Patre  
 procedit. Hinc Conc. Nicænum I. definiuit, Filium  
 esse, Deum de Deo; & Constantinop. I. definiuit, Spi-  
 ritum sanctum ex Patre procedere.

Objectiones 1. Si Filius & Spiritus sanctus procederent,  
 penderent a suo principio; atqui, &c.

Resp. Dist. maj. Si procederent in tempore & libere,  
 conc. si procederent ab æterno & necessario, nego maj.

Instabis: Persona produens prior est persona produ-  
 cta; ergo procedit in tempore.

Resp. Dist. ant. Prior est prioritate originis, conc.  
 prioritate temporis & naturæ, nego. Porro prioritas o-  
 riginis nullam importat imperfectiōnem.

Objectiones 2. Si sit in Deo processio, erit in Deo mu-  
 tatio interna: Pater quippe transibit a statu non produ-  
 centis, ad statum producentis; atqui, &c.

Compend. ex Chermes.

F

Resp.



*Resp. Nego maj.* Nam, sicut ait D. Augustin. *Semper gignit Pater, & semper nascitur Filius*; ergo producit Pater, & producitur Filius; absque ulla sui mutatione.

*Quæres 4. Quot sint in Deo processiones?*

*Resp.* Sunt duæ, nec plures, nec pauciores; quia in Deo sunt tantum duo modi operandi ad intra, qui in suo quique genere exhaustiuntur productione unius personæ infinitæ, nimirum unus per intellectum, quo producitur Verbum divinum; & alter per voluntatem, quo producitur Spiritus sanctus; ergo.

*Obijciat 1.* In Deo processio est infinita; ergo est unica.

*Resp. Dist. ant.* Est infinita, in suo genere, *conc.* in omni genere, *neg.* Sic processio per intellectum, est infinita in genere intellectionis, & sic unicum est Verbum. Similiter processio per voluntatem, est infinita in genere volitionis, sed nulla est in Deo processio infinita in omni genere.

*Obijciat 2.* Filius & Spiritus sanctus eundem intellectum, eandemque cum Patre recipiunt voluntatem; ergo, &c.

*Resp. Dist. ant.* eundem intellectum, eandemque recipiunt voluntatem essentialem, *conc.* notionalem, *neg.* *ans.* Intellectus & voluntas essentiales, sunt intelligendi & volendi facultates, quæ, sic præcise, sunt infocundæ. Intellectus & voluntas notionales, sunt intelligendi & volendi facultates, quatenus habent adjunctas relationes paternitatis & spirationis activæ, quæ, ut sic sunt fecundæ; porro nec Filius recipit a Patre intellectum notionalem, nec Spiritus sanctus recipit a Patre & Filio voluntatem notionalem, quia hæ sunt exhaustæ per eorum productionem.

*Quæres 5. Quid sit principium divinarum processionum?*

*Resp.* Est id, a quo divinæ personæ oriuntur.

*Quæres 6. Quotuplex est principium divinarum processionum?*

*Resp.* Triplex, nempe, principium *quod*, & principium *quo*, tum proximum, tum remotum... Principium *quod*, seu, denominationis, est persona producens... Principium *quo*, remotum, est id per quod persona *mediate* tantum operatur; seu est radix & prima ratio, qua virtus immediate operativa convenit personæ producenti... principium *quo*, proximum, est virtus per quam persona *immediate* operatur.

*Quæres 7. Quodnam est principium divinarum processionum?*

*Resp. 1.* Principium *quod*, est persona Patris respectu Filii, & personæ Patris & Filii, respectu Spiritus sancti.

*Resp. 2.* Principium *quo remotum*, est natura divina, quia principium *quo proximum*, intellectio nimirum & vol-



voluntate notionales, in natura divina, tanquam in radice, continentur.

*Resp. 3.* Principium quo proximum, sunt intellectus & voluntas notionales, seu intellectus & voluntas prout connotant relationes paternitatis & spirationis activæ: quia sunt virtus, per quam Pater, vel Pater, & Filius immediate operantur; nimirum intellectione notionali Pater immediate producit Filium; volitione vero, Pater & Filius producant Spiritum sanctum.

*Obijciat 1.* Principium quo proximum, non debet esse commune omnibus personis; alioquin omnes & singulæ producerent; atqui intellectus & voluntas sunt communes omnibus personis, ergo, &c.

*Resp. Diss. min.* Intellectus & voluntas essentielles sunt communes, cont. notionales, nego min.

*Obijciat 2.* Cum Durando: Natura divina est principium quo proximum processionum; ergo.

*Resp. Nego ant.* Repugnat enim huic recepto in Scholæ effato, ac in Conc. Lateran. sub Innoc. III. confirmato: *Natura nec produsit, nec producitur*; unde opinio Durandi ab omnibus ut temeraria rejicitur.

*Inst. SS. Patres dicunt cum D. August. lib. 15. de Trinit. c. 20 Verbum esse Filium natura.* Ergo natura est principium quo proximum processionum.

*Resp. 2. Nego consequ.* Quia SS. Patres per verbum, *natura*, non significant principium generationis, sed modum generationis, ut illo termino demonstrarent adversus Arianos processionem Filii non esse liberam, sed naturalem & necessariam, proindeque Verbum esse Filium Dei naturalem.

*Obijciat 3.* Sola relatio non est cæteris personis communis; ergo sola relatio est principium quo proximum processionis.

*Resp. 3. Nego ant.* Nam intellectus notionalis, quatenus nimirum adjunctam habet relationem originis, est Patri singularis, & principium proximum, quo, generationis.

Quæres 8. *Quomodo vocatur processio Verbi a Patre?*

*Resp.* Vocatur generatio, juxta illud Scripturæ de Verbo loquentis: *Generationem ejus quis enarrabit?* & illud Symboli Nicæni, *Genitum non factum*. Ratio est, quia Verbo convenit veræ generationis ratio; nam, generatio definitur, *Origo viventis a vivente, principio conjuncto, in similitudinem naturæ, vi processionis formaliter*. Atqui processio Verbi, 1. Est origo viventis a vivente, Jean. 5. *Sicut Pater habet vitam in semetipso, sic & dedit Filio habere vitam in semetipso*. . . . 2. Est a principio conjuncto, non quidem per partitionem sui esse, ut fit, in creatis, sed per totius naturæ communicationem. . . . 3. Est in similitudinem naturæ, & quidem vi processionis formaliter, quia procedit per intellectum,



qui tendit in verbum, seu speciem expressam, quæ est objecti representatio, accidentalis in creatis, sed substantialis in Deo; unde intellectus creatus producit solum imaginem accidentalem: at vero intellectus divinus utpote perfectissimus, necessario producit substantialem Dei imaginem, proindeque Filium consubstantialem.

Quæres 9. *Quanam sis specialis ratio, propter quam processio Verbi dicatur generatio, at proinde Verbum dicatur Filius?*

*Resp.* Est, quod Verbum a Patre procedat per intellectum, qui præcise quatenus est intellectus perfectissimus, vim habet producendi terminum similem in natura: nam omnis intellectus ex propria sua virtute tendit ad producendum terminum similem objecto cognito, & quidem tanto perfectiori similitudine, quanto perfectior est; atqui intellectus Patris æterni est perfectissimus; ergo debet producere terminum sibi similem similitudine perfectissima; atqui similitudo perfectissima est similitudo in natura; ergo, &c.

Quæres 10. *Quanam sis specialis ratio propter quam processio Spiritus sancti non dicatur generatio?*

*Resp.* Est quod Spiritus sanctus, vi actionis per quam producit non recipiat esse simile Patri & Filio, a quibus procedit: scilicet procedit ab utroque per actum voluntatis, & est terminus amoris divini; atqui terminus amoris divini non est principio suo similis in natura vi processionis suæ formaliter, nam actus voluntatis per se non est similitudo, sed tantum pondus aliquod, & impulsus in rem amatam; ergo terminus amoris divini non est principio suo similis in natura vi processionis suæ formaliter: ergo non est Filius.

*Obijcies 1.* Spiritus sanctus est perfecte similis suo principio: ergo procedit per generationem.

*Resp. Dist. ans.* Est similis suo principio, realiter & identice; *conc.* vi processionis suæ formaliter, *nego antesd.* Quod Spiritus sanctus sit Patri, & Filio perfecte similis, id tantum habet ex eo quod natura divina identificetur amoris per quem procedit.

*Inst.* Spiritus sanctus procedit formaliter ut Deus; ergo perfecte similis est Patri & Filio vi processionis suæ.

*Resp. Nego ans.* Nam Spiritus sanctus procedit tantum ut impulsus Patris & Filii, qui licet a parte rei sit Deus propter sui cum divinitate identitatem, tamen sub ratione qua est impulsus, non est Deus, quia non procedit per actionem quæ per se & immediate naturam divinam communicet.

*Obijcies 2.* Voluntas reduplicative ut est voluntas perfectissima, producit unionem perfectissimam objecti amanti cum principio amante; atqui unio perfectissima, est unio in natura; ergo voluntas perfectissima producit unionem in natura.

*Resp.*



*Resp. Nego min.* Nam voluntas, prout remanet in linea voluntatis, non ad aliam tendit unionem, quam ad unionem per affectum, quæ consequenter nunquam potest per se pertingere ad efficiendam unionem identicam, hoc est, ad efficiendum unum identice ex principio amante & objecto amato.

*Quæres 11. Ex quarum verum cognitione procedat Verbum?*

*Resp.* Procedit essentialiter & necessario ex cognitione non solum essentiae divinae & attributorum absolutorum, ut omnes fatentur, sed etiam ex cognitione trium personarum, & creaturarum possibilium. Nam procedit necessario ex cognitione comprehensiva essentiae divinae; atqui cognitio comprehensiva essentiae divinae, est ipsamet cognitio attributorum divinarum, personarum divinarum & creaturarum possibilium, quæ cum natura divina identificantur; ergo, &c.

*Obijcies:* Cognitio, ex qua Verbum procedit, Verbo producto prior est; item productio Verbi prior est productione Spiritus sancti; ergo Verbum non potest produci ex cognitione sui ipsius & Spiritus sancti.

*Resp. Dist. ant.* Prior est prioritate originis, *conc.* prioritate temporis, *nego ant.* Cum ergo in quocumque instanti reali simul extiterint Pater, Verbum, & Spiritus sanctus, nulla est contradictio, quod Verbum producat ex cognitione trium personarum.

*Inst.* Verbum est imago illius objecti, ex cujus cognitione procedit; atqui non est imago sui ipsius, & Spiritus sancti; ergo, &c.

*Resp. Dist. maj.* Est imago objecti ex cujus cognitione procedit, repræsentativa, *conc.* naturalis, *nego maj.* Ad imaginem repræsentativam sufficit ut procedat objective ex re cognita; sed ad imaginem naturalem requiritur, ut procedat active & productively: per hoc cum Verbum non producat a cognitione sui ipsius & Spiritus sancti, nisi objective, id est, quatenus sunt objectum paternæ conditionis, consequens est, ut non sit eorum imago naturalis, sed solius Patris, a quo solo active procedit.

*Quæres 12. Utrum Verbum procedat etiam ex cognitione omnium creaturarum in aliqua temporis differentia existentium?*

*Resp.* Procedit, non quidem necessario, & essentialiter, quia, cum sit summe necessarium, non procedit necessario & essentialiter, nisi ex cognitione absolute necessaria; sed ex earum cognitione procedit concomitanter & quasi consequenter: quia Verbum procedit ex cognitione omnium rerum quas repræsentant; atqui res omnes in aliqua temporis differentia existentes repræsentant; ergo &c.

*Obijcies:* Licet nulla foret creatura præterita, præsens,



sens, aut futura, Verbum semper esset idem Verbum; ergo non procedit ex earum cognitione.

*Resp. Dist. ant.* Eset semper idem Verbum quoad *se-*  
*cons.* quoad representationem concomitantem & quasi  
consequentem, *nego ant.* Si enim nullæ essent creatu-  
ræ, nullas utique Verbum representaret.

*Quæres 13. Utrum Spiritus sanctus procedat a Patre  
& Filio?*

*Resp.* De fide est ab utroque procedere. Ita enim de-  
finitum est in Conc. Generali Lateran. IV. Lugdunensi  
II, & Florentino in definitione fidei, quæ anno 1439.  
solemniter promulgata est, probantibus etiam Græcis,  
qui a doctrina catholica postmodum recessere, negant-  
que pertinaciter Spiritum sanctum a Filio procedere,  
contra quos.

*Prob. 1. ex Scriptis.* Ad Galat. 4. dicitur; *Mis- se Deus*  
*Spiritum Filii sui in corda vestro.* Joan. 16. *Si non*  
*abiero, Paracletus non veniet ad vos; si autem abiero,*  
*mittam eum ad vos... ille, Spiritus sanctus, me cla-*  
*rificabit, quia de meo accipiet.* Atqui Spiritus sanctus,  
non dicitur Spiritus Filii, non dicitur mitti a Filio, non  
dicitur accipere a Filio, nisi quia a Filio procedit; ergo &c.

*Prob. 2. ex tradit.* PP. Græcorum. S. Martialis,  
Epist. ad Burdigalenses, ait; *Spiritus Domini... pro-*  
*cedens est a Patre & Verbo.* S. Athanas. in Symbolo:  
*Spiritus sanctus a Patre & Filio... procedens.* S. Chry-  
sost. Homil. 2. in Symbolum: *In Spiritum sanctum*  
*credimus, qui, procedens de Patre & Filio, charitate*  
*conjungitur.* S. Cyrillus in thesauro: *Cum Spiritus san-*  
*ctus... procedat a Patre & Filio, manifestum est ex*  
*divina essentia ipsum esse.*

*Obijciat 1. Patres Græci passim scribunt Spiritum*  
*sanctum ex Patre per Filium procedere; ergo non cre-*  
*diderunt eum ex Filio procedere.*

*Resp. Nego consequ.* Nam PP. Græci per particulas  
*ex,* & *per,* idem significant, uso tamen receptum fuit  
apud ipsos, ut particula, *ex,* uteretur ad designandum  
principium sine principio, & particula, *per,* ad designan-  
dum principium ex principio.

*Obijciat 2. Conc. Constantinop. I. Symbole Nicæno*  
*addidit hæc verba: Qui a Patre procedit, nulla facta*  
*mentionem Filii; ergo &c.*

*Resp. Nego consequ.* Ideo enim Concil. Constantinop.  
non adiecit particulam, *Filiique,* non quod Spiritus  
sanctus non procederet a Filio, sed quia agebat tantum  
contra Macedonium & Eunomium, qui asserbant Spi-  
ritum sanctum a solo Filio procedere, eumque creaturam  
esse; & ideo satis fuit Concilio definire Spiritum san-  
ctum procedere a Patre, non negando, sed supponendo  
eum procedere etiam a Filio.

*Obijciat 3. Si Spiritus sanctus a Patre Filiique pro-*  
*cede-*



cederet, essent duo principia Spiritus sancti; falsum consequens, ergo.

*Resp. Nego seq. maj.* Quia ad multiplicitatem principiorum, non sufficit multiplicitas suppositorum, sed insuper requiritur multiplicitas virtutis spirative; atqui in Patre & Filio una eademque est virtus spirativa, cum ei sit unica eademque voluntas; ergo, &c.

*Quæres 14. Utrum particula: Filioque, jure rationabiliter a Concil. Lugdunensi II. addita fuerit Symbolo Nicæno?*

*Resp. Affirm.* Quia 1. definierunt Patres Florentini: *Definimus*, inquit, *explicationem illorum verborum, Filioque, veritatis declarande gratia, & imminente tunc necessitate, licite & rationabiliter Symbolo fuisse oppositam* . . . 2. Quia Ecclesia habet jus novam particulam Symbolo addendi, quoties id necessarium judicaverit ad fidem catholicam, contra insurgentes hæreses, clarius explicandam . . . 3. Quia particula, *Filioque*, in Symbolo jam continebatur in hac voce: *Qui ex Patre procedit*; non enim potest a Patre procedere, quin procedat etiam a Filio, qui eandem cum Patre habet vim spirandi.

*Obijciat:* Concil. Ephesinum expresse prohibuit ne quis alteram a Nicæna formulam proferret aut conferberet; sed qui Symbolo addit particulam, *Filioque*, alteram fidem profert, &c.

*Resp. Nego min.* Nam ille solus alteram fidem profert, qui Symbolo addit aliquid fidei Nicæne contrarium, quod non facit qui Symbolo addit particulam, *Filioque*, quæ est fidei Nicæne expositio & explicatio.

*Quæres 15. Utrum Spiritus sanctus a Filio distinguatur, si per impossibile ab eo non procederet?*

*Resp.* Non distingueretur realiter, quia non esset fundamentum distinctionis: nam sola processio unius personæ ab alia, est distinctionis fundamentum, juxta effectum Div. Anselmi, *Omnia in divinis sunt unum & idem, ubi non obviat rationis oppositio*; atqui si Spiritus sanctus non procederet a Filio, nulla inter ipsum & Filium esset relationis oppositio; ergo, &c.

*Obijciat 1.* Quamvis Spiritus sanctus non procederet a Filio, duæ adhuc essent processionēs una per intellectum altera per voluntatem; ergo in illa hypothēsi Spiritus sanctus adhuc distingueretur a Filio.

*Resp. Dist. ant.* Duæ essent processionēs, secundum rationem distinctæ, *conc.* realiter distinctæ, *nego ant.* Nam in illa hypothēsi unica realiter processio foret, & una persona producta, quæ secundum quod per intellectum procederet, Filius; secundum quod per voluntatem, Spiritus Sanctus diceretur.

*Inst.* Saltem illæ duæ processionēs essent oppositæ disparatæ, neque enim una esset altera; atqui oppositæ dispa-



di parata sufficit ad fundandam realem personarum distinctionem; ergo.

*Resp. Nego min.* Nam ad distinctionem personarum realem, requiritur oppositio relativa originis, ut patet in Patre, in quo paternitas & spiratio activa opponuntur disparate, nec tamen realiter distinguuntur in Patre.

*Obijctis 2.* Filiatio & spiratio passiva distinguuntur realiter; atqui inter utrumque est oppositio disparata tantum; ergo, &c.

*Resp. Nego min.* Nam est oppositio relativa ratione spirationis activæ, quæ tam exigit esse in Filio, quam in Patre, quatenus est amor mutuus Patris & Filii, cujus amoris terminus est Spiritus sanctus.

#### C A P U T IV.

##### De Personalitatibus & relationibus divinis.

Quæres 1. **Q**uid sit persona?

*Resp.* Est, substantia intellectualis & per se perfecta subsistens, & ultimo completa.

Dicitur 1. *Substantia intellectualis*; quia accidens cum sit ens alteri inharens, non est persona, sicut nec ens irrationale, quod solum dicitur, *Hypostasis*, substantia, & suppositum.

Dicitur 2. *Per se perfecta subsistens*, id est, quod non communicetur alteri tanquam supposito, ita ut, nec in esse, nec in operari ab alio dependeat. Hinc humanitas Christi non est persona, quia unitur Verbo divino tanquam supposito, a quo dependet in esse & in operari.

Dicitur 3. *Ultimo completa*, id est, quod non ordinatur ad aliud, ut cum illo constituat totum; hinc nec manus, nec anima rationalis, sunt personæ.

Quæres 2. *Quid sit personalitas, seu subsistentia?*

*Resp.* Est, forma, seu, modificatio naturæ intellectualis, per quam natura constituitur per se perfecta subsistens, & ultimo completa.

Quæres 3. *Quot sunt subsistentiæ in Deo?*

*Resp.* Sunt tres relative: nam in Deo sunt tres personæ, ut fides docet; ergo & tres subsistentiæ relative, nimirum, paternitas, filiatio, & spiratio passiva.

Quæres 4. *Utrum præter tres subsistentias relativas, quarta admittenda sit, communis & absoluta?*

*Resp. Negat.* Quia effectus formalis subsistentiæ, est constituere veram personam; ergo si esset in Deo subsistentia absoluta & communis, essent in Deo quatuor personæ, quod fidei catholicæ repugnat. Præterea illa subsistentia vel esset communicabilis alteri, vel non; si primum, esset in Deo unica subsistentia, & consequenter unica persona, quod repugnat fidei catholicæ.

*Obijctis 1.* Deus præcisis relationibus, est per se subsistens;



fiens; atqui non est per se subsistens substantia relativa; ergo substantia absoluta.

*Resp. Dist. ant.* Est per se subsistens, quatenus tō per se subsistens opponitur accidenti, *conc.* quatenus dicit naturam ultimo terminatam, *nego ant.* Porro hoc ultimo sensu accipimus nomen *substantie*.

*Obijcies 2.* Substantia absoluta, est perfectio; ergo Deo tribuenda.

*Resp. Dist. ant.* Est perfectio non excludens imperfectionem, *conc.* omnem imperfectionem excludens, *nego ant.* Itaque substantia absoluta redderet naturam divinam incommunicabilem, unde in Deo esset uicea persona, quod est maxime imperfectum.

*Quæres 5.* Quid sit relatio originis?

*Resp.* Est, *Ordo*, seu, *respectus unius personæ divinæ ad alteram*. Potest spectari secundum *esse in*, id est, prout afficit subjectum in quo est; & secundum *esse ad*, id est, prout respicit terminum ad quem refertur.

*Quæres 6.* Quot sint in Deo relationes?

*Resp.* Sunt quatuor, nempe paternitas, filiatio, spiratio activa, & spiratio passiva: quia singulis processionibus duæ respondeant relationes, una producentis ad productum, altera producti ad producentem: atqui duæ sunt in Deo processionēs: ergo.

*Quæres 7.* Utrum relationes originis sint reales?

*Resp. Affirm.* Nam, 1. fundatur in reali origine unius personæ ab alia. 2. Per eas personæ ab invicem realiter distinguuntur; atqui distinctionis realis fundamentum reale est; ergo. 3. In Deo existunt absque mentis opera, & nomine cogitante; ergo.

*Obijcies 1.* Relatio realis dicit dependentiam unius ab altero; ergo in Deo nulla est relatio realis.

*Resp. Dist. ant.* Dicit dependentiam improprie dictam & connexionis, *conc.* proprie dictam & causalem, *nego ant.* Itaque relationes divinæ efficiunt quidem ut personæ habeant connexionem cognitionis & existentiae, correlata enim sunt simul natura & cognitione; cum non possit esse & cognosci Pater, quin sit, & cognoscat Filius; sed non efficiunt ut personæ a se invicem pendeant tanquam effectus a causa, quia per illa natura non producit, sed communicatur.

*Quæres 8.* Quomodo relationes divinæ inter se distinguantur?

*Resp.* Vel sibi mutuo opponuntur: ut sunt paternitas, filiatio, & spiratio passiva, vel non. Si primum, realiter distinguuntur; si secundum, non distinguuntur realiter; quia, in divinis omnia sunt unum & idem, ubi non obviat relationis oppositio. Hinc spiratio activa non distinguitur realiter a paternitate & filiatione.

*Obijcies 1.* Paternitas & filiatio non opponuntur spirationi passivæ; ergo ab illa non distinguuntur realiter.

F 5

Resp.



*Resp. Dist. ant.* Non opponuntur per se & immediate, *conc.* mediante spiratione activa, cum qua identificantur, *nego ant.*

*Obijcies 2.* Paternitas & spiratio activa habent terminos realiter distinctos; ergo distinguuntur realiter.

*Resp. Nego conseq.* Quia ad productionem terminorum realiter distinctorum, sufficit distinctio virtualis; porro paternitas & spiratio activa distinguuntur virtualiter.

*Inst.* Spiratio activa in Patre communicatur Filio, paternitas non communicatur; ergo distinguuntur realiter.

*Resp. Nego conseq.* Eadem quippe res sub diverso respectu communicatur, & non communicatur: sic licet paternitas & spiratio activa sint in Patre eadem res; tamen communicatur Filio, quatenus ei non opponitur relative; non communicatur, quatenus ei relative opponitur. Porro sola paternitas opponitur Filio relative.

*Quæres 9.* Utrum relationes divine sint perfectiones?

*Resp.* Sunt perfectiones, sive spectentur secundum esse in, quia sic spectatæ modificant ac determinant naturam divinam ad esse Patris, aut Filii, aut Spiritus sancti. Sive spectentur secundum esse ad, ut docent Thomistæ contra Scotistas, quia, etiam sic spectatæ, sunt in Deo, nemine cogitante; at quidquid est in Deo realiter, est perfectio; ergo &c.

*Obijcies:* Si relationes secundum esse ad, essent perfectiones, sequeretur, 1. tres personas simul sumptas plus continere perfectionis, quam una sola persona; hæreticum conseq. Ergo, &c. *Sequeretur 2.* unam personam non habere omnes perfectiones.

*Resp. Ad 1. nego ant.* Quia una persona, non minus quam tres personæ, habet divinam naturam, quæ est omnis perfectio; ergo non minus est perfecta.

*Resp. Ad 2. dist. ant.* Sequeretur unam personam non habere omnes perfectiones simpliciter simplices, *nego ant.* Simples tantum, *subdist.* formaliter & actu, *conc.* eminenter, *nego ant.* Itaque relationes in Deo non sunt perfectiones simpliciter simplices, sed sunt perfectiones simplices tantum, quæ in Deo continentur eminenter tantum & identice, propter humanam earum cum essentia divina identitatem.

*Quæres 10.* Quodnam sit munus divinarum relationum?

*Resp.* Est personas constituere, & unam personam ab aliis distinguere; quia per id personæ divinæ constituuntur & distinguuntur, quod singulare est, non commune; atqui solum relativum in Trinitate singulare est; ergo.



## CAPUT V.

De his que tribus personis sunt communia.

Quæres 1. **Q**uam sint tribus personis communia?*Resp.* Tria, nempe, notio, circumin-  
cessio, & missio.Quæres 2. *Quid sit notio?**Resp.* Est, nota quadam peculiaris, quæ persone divi-  
ne dignoscuntur, & ab invicem secernuntur. Unde una-  
quæque notio non potest esse communis tribus personis.Quæres 3. *Quot sint in Deo notionis?**Resp.* Sunt quinque, nec plures, nec pauciores; in-  
nascibilitas, nimirum, paternitas, filio, spiratio  
activa, & spiratio passiva. Nam per paternitatem & fi-  
liationem, Pater & Filius dignoscuntur, & a se invicem  
secernuntur; & per spirationem activam & spirationem  
passivam, Pater & Filius distinguuntur a Spiritu sancto,  
siveque ternarius numerus personarum ostenditur. Et ne  
plures personæ cogitentur quam tres, necessario addi de-  
bet, innascibilitas, per quam ostenditur Patrem a mul-  
to principio esse; ergo quinque admittendæ sunt in Deo  
notiones.*Obijciat* 1. Innascibilitas, sumpta pro negatione pro-  
cessionis ab alio, non dicit perfectionem; ergo non est  
notio.*Resp. Nego ant.* Dicit enim esse principium fontale  
totius divinitatis: atqui hoc dicit summam perfectionem;  
ergo, &c.*Inst.* Nascibilitas, seu processio ab alio, non dicit im-  
perfectionem; ergo innascibilitas non dicit perfectionem.*Resp. Nego consequ.* Utrumque enim in Deo est æque  
perfectum, non procedere & procedere, quia utrumque  
eandem naturam divinam participat; porro natura divi-  
na est omnis perfectio.*Obijciat* 2. Tam improductivitas in Spiritu sancto di-  
cenda est notio, quam innascibilitas in Patre; ergo sunt  
plus quam quinque notionis.*Resp. Nego ant.* Disparitas est, quod innascibilitas  
aliquam exhibet dignitatem in Patre; nam ex eo quod  
non producatur, sequitur quod sit principium totius dei-  
tatis; sed improductivitas nullam importat dignitatem,  
alias perfectior esset illa creatura, quæ producere non  
posset, quod falsum est.Quæres 4. *Quid sit circumincessio?**Resp.* Est, personarum divinarum intima in se mutuo  
existentia: quare ad illam duo requiruntur, nimirum  
identitas naturæ, & distinctio personarum.Quæres 5. *Utrum detur in Deo circumincessio persona-  
rum?*



*Resp. Affirm.* Nam Christus, Joan. 14. dicit: *Non creditis quia ego in Patre, & Pater in me est?* Et paulo post, *Pater, in me manens, ipse facit opera.* Ratio est, quia habent unam eandemque naturam indivisibilem.

*Objectiones:* Si Pater sit in Filio, Filius erit Pater, nam in Filio erit paternitas; hæreticum consequens; ergo.

*Resp. Nego seq. ans. &, dist. probationem;* in Filio erit paternitas *identice*, ratione nimirum essentiae divinae, quæ una eademque numero est in tribus personis, *conc. formaliter*, id est, per modum formæ hypostaticæ, & proprietatis personalis, cuius est constituere personam, *nego.*

Quæres 6. *Quid sit divinarum personarum missio?*

*Resp.* Est, processio unius personæ ab alia, cum habitudine ad novum existendi modum in creaturis.

Dicitur 1. *Processio*, quia persona, quæ non procedit, proprie non mittitur: *Pater*, inquit D. August. lib. 4. de Trinit. c. 10. non dicitur missus; non enim habes ex quo procedas.

Dicitur 2. *Cum habitudine ad novum existendi modum*, &c. ut designetur quod missio fiat in tempore, nec sit æterna, ex parte respectus quem dicit ad creaturam, vel locum in quo incipit esse novo modo.

Quæres 7. *An detur missio in divinis?*

*Resp. Affirm.* Dicitur enim, Joan. 8. *Solus non sum, sed ego, & qui misit me, Pater.* Et Joan. 15. *Cum veneris Paracletus, quem ego misi vobis a Patre.*

Quæres 8. *Quotuplex sit missio in divinis?*

*Resp.* Duplex, visibilis nempe & invisibilis.

*Missio visibilis*, est ea, quæ fit in specie sensibili; talis fuit missio Filii in carne assumpta, & Spiritus sancti in specie columbæ super Christum.

*Missio invisibilis*, est ea, quæ fit sine specie sensibili; per gratiam interiorem, qua Deus homines sanctificat.

## DISSERTATIO II.

### De personis divinis in particulari.

*Nota.* Cum jam multa de personis divinis in partia culari exposuerimus, restat hic de earum nominibus, tam propriis, quam appropriatis.

Nomen *proprium*, est illud, quod uni personæ realiter ita convenit, ut alteri minime convenire possit.

Nomen *appropriatum*, est illud, quod, licet realiter toti Trinitati sit commune, tamen, propter quandam rationem specialem, uni personæ singulari modo tribuitur.

Quæres 1. *Quos sensu nomina primæ personæ propria?*

*Resp.*



*Resp.* Dicitur 1. *Pater*, quia proprie generat Filium. 2. *Ingenita*, non quia non nascitur; hoc enim sensu Spiritus sanctus est ingenitus; sed quia non producitur. 3. *Principium fontale totius divinitatis*, quia Filio & Spiritui sancto divinitatem ex sua infinita fecunditate communicat: unde *divinitas* sumitur hic in concreto, pro personis quæ a Patre ducunt originem.

Quæres 2. *Utrum, Pater possit etiam dici causa, & auctor Filii & Spiritus sancti?*

*Resp.* 1. Juxta usum latinæ vocis non potest ita vocari; quia causa apud Latinos definitur, *principium influens esse in aliud*: unde importat diversitatem substantiæ & dependentiam unius ab alio.

*Resp.* 2. Apud Grecos *Pater* sæpius dicitur causa & auctor Filii & Spiritus sancti; sed improprie & lato modo, quia per illas voces intelligunt dumtaxat principium originis, ut luculenter explicat Cardinalis Bessarion, sess. 25. Concil. Florentini.

Quæres 3. *Quodnam est nomen primæ personæ appropriatum?*

*Resp.* Per appropriationem dicitur, *primum creaturæ, primum principium*; quare vocatur, *Pater noster, creator omnium*. Congruenter enim ratio primi principii creaturarum appropriatur ei, qui primum est in Trinitate principium.

Quæres 4. *Quenam sunt nomina secundæ personæ propria?*

*Resp.* Dicitur 1. *Filius*, quia procedit per veram generationem. 2. *Verbum*, quia est terminus ab intellectu Patris fecundo productus. 3. *Imago*, quia est similis Patri in natura, vi processionis suæ formaliter, ut supra probavimus.

Quæres 5. *Quodnam est nomen appropriatum Filio?*

*Resp.* Est, *sapientia*: cum etiam sapientia sit virtus intellectus, congruentissime appropriatur Filio, qui est terminus sapientiæ intellectiōis.

Quæres 6. *Quenam sint nomina tertiæ personæ propria?*

*Resp.* Dicitur 1. *Spiritus sanctus*, non quidem hoc sensu quod sit immaterialis & omnis impuritatē expers; sic enim est nomen essentiale, commune tribus personis, sed hoc sensu, quod sit *spirata*, & quidem per voluntatem, a qua est omnis sanctitas. 2. *Donum*, quia procedit ex voluntatis inclinatione, cujus est dare gratuito & sine spe retributionis; ergo est donum notionally sumptum. 3. *Amor*, quia est terminus subsistens ac personalis mutui amoris Patris & Filii.

Quæres 7. *Quenam sunt nomina Spiritui sancto appropriata?*

*Resp.* Ipsi tribuuntur omnia opera bonitatis, charitatis, & misericordiæ; quia ex perfectissima charitate



tate procedit. Hic vocatur *Paracletus*, id est, consolator: consolatur enim nos per dona gratiæ, quibus nos cumulat.

### DISSERTATIO III.

*De mutua predicatione nominum absolutorum de relativis, & relativorum de absolutis.*

Quæres 1. *Quomodo nomina absoluta abstracta prædicantur de personis?*

*Resp.* Prædicantur in singulari, non vero in plurali; hinc recte dicitur: *Tres personæ sunt una deitas, una sapientia, &c.* sed perperam diceretur: *Sunt deitates, sapientie, &c.* Ratio est, quia nomina abstracta formam sine subiecto significant; atqui in Deo est unica forma; ergo, &c.

Quæres 2. *Quomodo nomina absoluta concreta prædicantur de personis?*

*Resp.* Si sint nomina substantiva, vel adjectiva substantivè sumpta, prædicantur de personis in singulari tantum; si vero sint adjectiva, prædicantur de personis in plurali. Ratio est quia forma in nominibus substantivis, vel adjectivis substantivè usurpatis, significat per modum substantiæ, & habentis esse per se: contra in adjectivis significat per modum accidentis, seu, adiacentis suo supposito, & in eo esse habentis; ergo in nominibus substantivis, vel adjectivis substantivè usurpatis, singularitas vel pluralitas petitur a singularitate, vel pluralitate formarum, & in adjectivis petitur a singularitate, vel pluralitate suppositorum; atqui in Deo est unica substantia, plura vero sunt supposita; ergo, &c. Hinc recte dicitur: *Tres personæ sunt unus Deus, unus creator*; sed perperam diceretur: *Sunt tres Dei, tres creatores*. Recte enim dicitur: *Tres personæ, sunt tres creantes, &c.*

Quæres 3. *Utrum personæ possint prædicari de nominibus absolutis?*

*Resp. Affirm.* Ratio est, quia inter personas & essentiam est realis identitas. Hinc istæ propositiones sunt veræ: *Essentia, seu, Deus est tres personæ, Essentie est Pater; Deus, vel, essentia est paternitas.*

Quæres 4. *Utrum nomina absoluta abstracta supponant pro personis?*


*Resp. Negat.* Alias essentia produceret seipsam, cum eadem numero sit essentia in tribus personis. Hinc si hæc propositio: *Essentia generat*; esset vera, redderet huic sensum: *essentia producit seipsam*, quod repugnat, producas enim realiter debet distingui a producto.

Quære



Quæres 2. *Utrum nomina absoluta contraxerint supponant pro personis?*

*Resp.* Aliquando supponunt pro essentia, aliquando pro persona. Nam hæc propositiones sunt veræ: *Deus creas: Deus generat:* atqui in prima propositione, *Deus* supponit pro essentia, in secunda supponit pro persona; ergo, &c.





## TRACTATUS IV.

De Deo Creatore.

*Nota.* **M**Oyses Genes. 1. narrat creationem hujus mundi aeternabilis sex diebus perfectam fuisse, refertque quid singulis diebus productum fuerit, ad quem remittimus eos qui ordinem creationis voluerint scire, ut differamus, 1. de Angelis. 2. de primo homine.

## DISSERTATIO I.

De Angelis.

**A**Gemus, 1. de existentia, natura Angelorum, & de statu in quo fuerunt conditi. 2. De loco, motu, potentia motrice & locutione Angelorum. 3. de eorum peccato & ejusdem poena. 4. De variis eorum ordinibus, ac de eorum missione, illuminatione, & custodia.

## CAPUT I.

De existentia, natura, &amp; statu in quo Angeli fuerunt conditi.

Quæres 1. **U**trum existant Angeli?

*Resp. Affirm.* De iis enim frequenter loquitur Scriptura: Genes. 22. *Angelus Domini de celo clamavit, dicens, Abraham, &c.* Matth. 18. *Angeli eorum in celis semper vident faciem Patris.* Hæc veritas definita est in Concilio Lateran. cap. *firmiter*.

Quæres 2. *Quo tempore Angeli fuerunt creati?*

*Resp.* Simul cum mundo creati sunt, nec ante, ut constat ex cap. *firmiter*, & prob. ex Genes. 1. in principio creavit Deus cælum & terram, ubi sub nomine *celi* comprehendit Angelos, ut explicatur Exodi 20. *Sex diebus fecit Dominus cælum, terram, & omnia quæ in eis sunt; ergo & Angelos qui in cælis continentur.*

Quæres 3. *Quid sit Angelus?*

*Resp.* Est, *substantia creata, spiritalis, complexa.* Dicitur 1. *Substantia creata*: id est, per se subsistens & ex nihilo producta.

Dicitur 2. *Spiritalis*, id est, incorporea, sunt enim *administratores Spiritus*, Hebr. 1. atqui ex Lucæ 24. *Spiritus carnem & ossa non habet.*

Di-



Dicitur 3. *Completa*: id est, non ordinata ad alterius compositionem; per hoc ab anima rationali distinguitur, quæ quidem est spiritualis, sed incompleta, & ordinata ad corpus, quosum unum per se efficit.

Hinc Angelus est immortalis & incorruptibilis, quia non constat ex partibus, quæ dissolvi possint, utpote Spiritus.

Quæres 4. *In quo statu Angeli fuerunt creati?*

Resp. 1. Fuerunt creati in statu beatitudinis naturalis. Quia fuerunt creati in perfectione excludente omnem miseriam: miseria enim est poena peccati.

Resp. 2. Non fuerunt creati in statu beatitudinis supernaturalis. Nam de ratione beatitudinis supernaturalis, est stabilitas & confirmatio in bono; atqui Angeli, statim ut creati sunt, stabiliti & confirmati non fuerunt in bono, ut patet ex lapsu malorum angelorum; ergo, &c.

Resp. 3. Fuerunt creati in statu gratiæ sanctificantis & ut constat ex Ezech. 18. ubi quod de rege Tyri ad litteram dicitur, a SS. Patribus de lucifero intelligitur: *Ambulasti perfectus in viis tuis a die conditionis tue, donec inventa est iniquitas in te*; per peccatum amisit perfectionem, non naturalem; ergo supernaturalem; sed perfectio supernaturalis consistit in gratia sanctificante; ergo.

## CAPUT II.

*De loco, motu, potentia motrice, & locutione Angelorum.*

Quæres 1. *An Angeli sint in loco?*

Resp. Affirm. Nam, *Apocal. 10.* dicitur, diabolus fuisse ligatum & missum in abyssum; ergo est in loco; alias esset nullibi, quod repugnat.

Quæres 2. *Quomodo Angelus sit in loco?*

Resp. 1. Non est in loco *circumscriptive*, quia non habet partes quæ variis partibus loci corresponsdeant, cum omnis materiæ sit expers.

Resp. 2. Est in loco *definitive*; quia certo spatio ita continetur, ut non sit alibi.

Quæres 3. *An Angeli moveantur localiter?*

Resp. Affirm. Nam transeunt de loco in locum fluxu continuo, ut constat ex *Luce 2. Discesserunt Angeli a pastoribus in celum.*

Quæres 4. *An Angeli possint movere corpora localiter?*

Resp. Affirm. Nam ex *Danielis 14.* Angelus portavit Prophetam Habacuc ex Judæa in Babylonem.

Quæres 5. *Utrum Angeli inter se colloquantur?*

Resp. Affirm. *Isaie 6.* Duo Seraphim clamabant alter ad alterum, Sanctus, Sanctus, &c.

Quæres



Quæres 6. *Quomodo Angeli inter se colloquantur?*

*Resp.* Angelus alterum angelum alloquitur, suam intellectionem aut volitionem ad illum dirigendo per actum quo vult, ut utraque, vel alterutra illi pateat. Nam loqui ad alterum, nihil aliud est, quam conceptus mentis alteri manifestare, ait D. Thom. 1. Part. Quæst. 107. Artic. 1.

### C A P U T III.

*De peccato Angelorum, & ejusdem pena.*

Quæres 1. *Quidnam fuit peccatum Angelorum?*

*Resp.* Fuit superbia, qua æqualitatem cum Deo desideraverunt, in eo desiderio mirum in modum sibi complacentes, nam, *Isaia* 14. de diabolo, sub nomine regis Babylonis, dicitur: *Detrasta est ad inferos superbia tua . . . quomodo cecidisti de calo, lucifer, qui mane oriebaris? qui dicebas in corde tuo: In caelum conscendam . . . similis ero Altissimo.*

Quæres 2. *Quot angelos lucifer secum traxerit?*

*Resp.* Cum D. Thom. 1. quæst. 63. art. 8. cum plurimos secum traxisse, quamquam non tot, quot in gratia cum suo duce Michael remanserunt. Nam, *Apost.* 12. legitur draconem traxisse post se tertiam partem stellarum, id est, Angelorum, ut interpretantur Patres & Theologi.

Quæres 3. *Quotuplex poena consecuta est peccatum demonum?*

*Resp.* Quadruplex. Prima, est, *caecitas mentis*, per quam privantur omni penitus lumine, non quidem naturali, quia peccatum non destruit naturam; sed supernaturali, ex quo fit ut nullum ordinem habeant ad vitam æternam; *Ezech.* 28. *Ejeci te de monte Dei, id est, de gratia, & perdidisti te, o Cherub.*

Secunda, est, *obstinatio voluntatis in malo*, qua fit ut nullum possint exercere actum moralem omnino bonum: unde vocantur spiritus mali, *Psalmo* 77. *Immisiones per Angelos malos.*

Tertia, est, *exclusio a gloria . . . Quarta, est, tormentum ignis.*

Quæres 4. *An detur aliquis locus in terra visceribus ad cruciatum demonum destinatus?*

*Resp. Affirm.* Ut testatur D. Petrus, *Epistol.* 2. cap. 2. *Deus Angelis peccantibus non pepercit, sed rudentibus inferni detractos ad tartarum tradidit cruciandos.*

Quæres *An demones torqueantur igne vero & corpore?*

*Resp. Affirm.* Ut tradit communis Patrum & Ecclesie sensus, in Scriptura fundatus, *Deuter.* 32. *Ignis succensus est in furore meo, & ardebit usque ad inferni novissima.* Et *Matth.* 25. *Discedite a me, maledicti, in ignem æternum, qui paratus est diabolo & Angelis ejus.*

Quæ.



Quæres 6. *Quomodo demones ab igne corporeo torquentur?*

Resp. Hanc questionem esse mere philosophicam, de qua nihil certum posse haberi in hac vita, ingenue fateatur Div. Aug. l. 21. de civis. Dei, cap. 10. dicens: *Quamvis miris, tamen variis modis, etiam spiritus incorporeos posse pena corporalis ignis affligi.*

## C A P U T VII.

*De variis Angelorum ordinibus, ac de eorum missione, illuminatione & custodia.*

Quæres 1. *Utrum Angeli sint in magno numero?*

Resp. Affirm. Nam, Daniel 7. dicitur: *Millia millium ministrabant ei, & decies millia censebantur ei.*

Quæres 2. *Quomodo ordinantur Angeli?*

Resp. In Hierarchiis & Choris... Hierarchia, definitur, multitudo ordinata sub unius sacri Principis gubernatione, ad sacras functiones destinata... Chorus, definitur, Hierarchia angelicæ gradus unus, conveniens in Hierarchiæ suæ communi modo illuminationes, distinctus secundum officia diversa.

Quæres 3. *Quos sint Hierarchiæ Angelorum?*

Resp. Tres à D. Dionysio recensentur, l. de celest. Hierarchia, cap. 6. nempe, *suprema*, quæ immediate a Deo recipit illuminationes, easque transmittit Angelis secundæ Hierarchiæ... *media*, quæ divinas illuminationes immediate recipit ab Angelis primæ Hierarchiæ, easdem transmittit Angelis tertiæ Hierarchiæ... *infima*, quæ divinas illuminationes recipit ab Angelis secundæ Hierarchiæ, easque transmittit hominibus.

Quæres 4. *Quos sunt chori Angelorum?*

Resp. Novem, nempe, tres in qualibet Hierarchia... In prima continentur *Seraphini, Cherubini, & Throni*... In secunda, sunt, *Dominiones, Virtutes, & Potestates*... In tertia, sunt, *Principatus, Archangeli, & Angeli.*

Quæres 5. *Utrum, & a quo Angeli mittantur?*

Resp. Angeli hominibus a Deo mittuntur, tum ad quædam ipsius exhibenda ministeria; tum ad ipsi præannuntianda ventura; sic, Tobie 12. Angelus Raphael ait: *Tempus est ut revertar ad eum qui me misit: Et Lucæ 1. Missus est Angelus Gabriel a Deo, &c.*

Quæres 6. *Utrum Angeli ab aliis Angelis superioris Hierarchiæ mitti possint?*

Resp. Affirm. Quia inter Angelos est prælatio, nam Daniel 10. Michael, dicitur, unus de principibus primis.

Quæ-



Quæres 7. *Utrum Angeli illuminent homines?*

*Resp. Affirm.* Estque de fide, nam revelant hominibus plures veritates; juxta illud Danielis 9. *Docuit me, (Gabriel) dixitque: Daniel, nunc egressus sum ut docerem te, & intelligeres, &c.*

Quæres 8. *An Angeli deputentur ad custodiam hominum?*

*Resp. Affirm.* Idque fides docet, ut constet ex Psalm. 90. *Angelis suis Deus mandavit de te, ut custodiant te.*

Quæres 9. *An singuli fideles suum habeant Angelum custodem?*

*Resp. Affirm.* Constat ex Matth. 18. *Videte, ne condemnatis unum ex his pusillis: dico enim vobis, quis Angelorum in celis semper videt faciem Patris mei, qui in celis est.* Ubi Christus cum dicit, *Angeli*, significat, non unum, sed plures pluribus præfici, cum dicit, *Angeli eorum*, significat singulis deputari. Unde S. Hieronym. in cap. 18. Matthæi exclamat: *Magna dignitas animarum, ut unaquæque, ab ortu nascivitatis, habeat in custodiam sui Angelum delegatum.* Ubi non distinguit inter fideles, & infideles ac reprobos.

Quæres 10. *Utrum singula regna habeant Angelos custodes?*

*Resp. Affirm.* Nam Danielis 10. fit mentio Angeli qui præerat regno Persarum, & alterius Angeli qui præerat regno Græcorum: unde D. Basilii, de Angelis agens, ait: *Alii ipsorum gentibus præpositi sunt, alii fidelium singulos consequuntur.*

Imo, communis est sententia Patrum, singulas Diceceses, civitates, & communitates suos Angelos tutelares habere. Ita docent Origenes, Hom. 20. in Numeros, D. Ambros. lib. 2. in Lucam, &c.

Quæres 11. *Quenam ministeria circa nos exarsent Angeli custodes?*

*Resp.* 1. Homines a periculis imminuentibus liberant, Genes. 48. dicit Jacob, *Angelus qui eripuit me de cunclis malis...* 2. Impediunt me demones hominibus noceant, Tobie 8... 3. Pias cogitationes suggerunt ad prosecutionem boni & fugam mali: unde Deus Moysen hortatur ut audiat Angelum Exodi 13. *Observa eum & audi vocem ejus, nec contemnendum putas: quia nomen dimisses cum peccaveris, & est nomen meum in illo...* 4. Preces nostras Deo offerunt, suasque nostris conjungunt, Apoc. 8. *Alius Angelus venit... ut daret de orationibus Sanctorum omnium super altare aureum, quod est ante thronum Dei...* 5. Clientium suorum animas in Purgatorio consolantur, easque plene purgatas ad cælum deducunt, Lucæ 16. *Factum est autem ut moveretur mendicus, & portaretur ab Angelis in sinum Abrahamæ.*

Quæ-



Quæres 12. *Utrum quilibet homo, ad pugnam habeat angelum malum?*

Resp. 1. Quod dæmones hominibus semper nocere conentur, eos, Deo ita permittente, impugnando, & ad peccatum impellendo: quare Apost. Ephes. 6. docet nos debere colluctari, *adversus principes & potestates, adversus mundi rectores tenebrarum harum.*

Resp. 2. Non est credendum, quod Deus cuilibet homini tentatorem mittat ad exercitium; quia hoc repugnat bonitati Dei, qui Jac. 1. *Neminem tentas.*

Resp. 3. Valde probabile est luciferum cuilibet homini dæmonem tentatorem deputasse, ut colligi posse videtur ex 1. Petri 5. *Vigilate quia adversarius vester diabolus, tanquam leo rugiens, circumit, querens quem devoret.*

## DISSERTATIO II.

## De primi hominis creatione.

Quæres 1. *Quam fuerunt primus homo & prima mulier?*

Resp. Fuerunt Adam & Eva. Est de fide contra Præadamitas. Dicitur enim Genes. 1. *Homo non erat qui operaretur terram . . . formavit igitur Dominus Deus hominem &c.* Et sapientiæ 10. *Hec (sapientia) illum, qui primus formatus est a Deo Pater orbis terrarum, cum solus esset creatus, custodivit.*

Quæres 2. *Ubinam fuerint conditi Adamus & Eva?*

Resp. Fuerunt conditi extra Paradisum voluptatis, in quem paulo post translati fuere, Genes. 2. *Tulit ergo Deus hominem, & posuit eum in paradiso voluptatis.* Ubi per tñ hominem, intelligitur Adamus, & Eva, juxta illud Genes. 1. *Creavit Deus hominem ad imaginem suam, ad imaginem Dei creavit illum, masculum & feminam creavit eos.*

Quæres 3. *Quomodo Adam & Eva creati sunt?*

Resp. 1. Adam ex limo terræ formatus fuit a Deo, qui *inspiravit in faciem ejus spiraculum vite*, id est, animam, Gen. 1. unde corpus ex præsupposito subjecto productum est; anima econtra ex nihilo creata est . . . 2. Corpus Evæ formatum est ex costa Adami, quam Deus extraxit, & spatium quod occupabat replevit carne. Genes. 1.

Quæres 4. *Quare Scriptura dicit, mulierem esse datum viro in adjutorium?*

Resp. Hoc dicitur eo quod data sit ad filiorum generationem. *Ad quod aliud adjutorium mulier facta sit viro*, inquit D. Aug. lib. 9. de Genes. ad litteram, 6. 7. *si generandi causa subtrahatur?*

Quæres 5. *In quo consistis imago & similitudo Dei, ad quam homo factus est?*

Resp.



*Resp.* In eo consistit, quod homo intellectu, voluntate libera, & dominio in alias creaturas sit praeditus; per has facultates enim, pro modulo suo imitatur suum exemplar: nempe per intellectum efformat Verbum, in quo ipsi representantur omnia quae sub eius notitia cadunt. Per voluntatem liberam, non solum producit amorem eorum omnium quae intellectus amanda proponit; sed etiam actum suorum est Dominus; atque praestit cunctis animantibus, ideo dicitur: *Faciamus hominem ad imaginem & similitudinem nostram, & praestit piscibus maris, & volatilibus caeli, &c.*

*Quaeres 6. In quo statu primus homo fuit creatus?*

*Resp.* In statu iustitiae originalis. Nam Eccli. 7. dicitur: *Deus fecit hominem rectum*. Atqui illa rectitudo est iustitia originalis, qua anima hominis erat perfecte subdita Deo, & appetitus sensitivus perfecte subditus animae, &c.

*Quaeres 7. Quos sint dotes iustitiae originalis?*

*Resp.* Sunt quinque. Prima est, *gratia sanctificans*, quam in suo ortu accepit primus homo. Juxta illud Eccli. 17. *Deus creavit de terra hominem . . . & secundum se vestivit illum virtute*. Quem textum PP. ac interpretes intelligunt de gratia justificante, quam Adamus accepit in sua creatione.

Secunda dos, est, *scientia*, quam primus homo in suo ortu tantum accepit a Deo, ut non potuerit esse erroris obnoxius. Juxta illud Eccli. 17. *Deus . . . disciplina intellectus replevit illos, creavit illis scientiam spiritus*. Quare D. August. lib. 3. de lib. arbit. cap. 18. dicit: *Approbare falsa pro veris, ut error invidus, non est natura instituti hominis, sed pena damnati*.

Obijciat: Eva innocens dicit, Genes. 3. *Serpens decipit me & comedi*; ergo.

*Resp.* Nego ant. Nec enim Eva innocens erat quando fuit decepta, jam enim peccaverat in corde, per internam electionem, ait D. August. lib. 11. de Genesi ad litteram.

Tertia dos, est, *subiectio partis inferioris ad superiorem*, qua homo innocens nullis inordinatis concupiscentiae motibus fuit obnoxius. Nam Eccli. 17. *Deus fecit hominem rectum*; atqui non fuisset rectus si inordinatis concupiscentiae motibus fuisset obnoxius; ergo. Hinc Conc. Trid. Sess. 5. can. 5. definivit, *concupiscentiam ideo ab Apostolo dici peccatum, quia ex peccato est, & ad peccatum inclinat*.

Quarta dos, est, *immortalitas*, ut fide constat contra Pelagium; nam Sap. 2. dicitur: *Deus mortem non fecit*; Invidia autem diaboli mors intravit in mundum. Et Rom. 5. *Per unum hominem peccatum intravit in mundum*; & per peccatum mors. Hinc synodus Palaestina hanc Pelagii propositionem damnavit ut haeticam: *Adam*

mor-



mortalis factus est, ita ut, siue peccaret, siue non peccaret, mortuus esset. Idem definit Conc. Trid. Sess. 5. can. 1.

*Obijcies:* Corpus primorum parentum ante peccatum constabat ex elementis contrariis non secus ac nunc; ergo erat mortale.

*Resp. Dist. confeg.* Quia per dotem immortalitatis, quam homo innocens a Deo accepit in suo ortu, pugna elementorum fuit taliter impedita, ut nullam homini lationem asserre potuerit, & sic mori non potuerit.

*Inst. 1.* Corpus Adami innocentis tandem consensuisset; ergo.

*Resp. Nego ant.* Nam, ex D. Aug. lib. de peccat. meritis, cap. 3. corpus Adami innocentis, habebat . . . de ligno vite stabilitatem contra vetustatem.

*Inst. 2.* Corpus Adami potuit obrui aqua, igne, ferro, &c. Ergo.

*Resp. Nego ant.* Quia singulari Dei providentia fuisset conservatum.

*Inst. 3.* Aug. loco cit. dicit: Illud corpus, hominis innocentis, jam erat mortale; ergo, &c.

*Resp. Dist. ant.* Erat mortale, id est, poterat mori, con. debebat mori, nego ant. Unde addit D. August. Sed ipsum mortale, non est factum mortuum, nisi propter peccatum. Et lib. 1. operis imperfecti contra Julian. dicit: Poterat mori: poterat namque peccare. Et lib. 6. de Genes. ad litt. cap. 25. Mortalis ergo erat conditio corporis animalis, immortalis autem beneficio conditoris.

Quinta dos, est, immunis ab omni miseria: quia erant beati beatitudine naturali. Quis enim, ait D. August. lib. 11. de Civit. Dei; cap. 12. primos illos homines in paradiso negare audeat beatos fuisse ante peccatum?

*Obijcies:* Homines in statu innocentie famem & sitim passi fuissent, ad eas enim extinguendas usi fuissent cibo & potu; ergo.

*Resp. nego ant.* Neque enim cibis datus est hominibus innocentibus, ut famem extinguerent, sed ut ipsam vitarent, ait D. August. lib. 14. de Civitate Dei, cap. 26.

Quæres 8. Quid sit status nature pure?

*Resp.* Est, conditio nature humane, considerata in meris suis perfectionibus naturalibus absque gravia & peccato, obnoxia tamen iisdem, quibus natura lapsa premitur, infirmitatibus: nimirum fami, siti, aegritudini, morti, & concupiscentiæ.

Quæres 9. Utrum status nature pure fuerit possibilis? seu, quod idem est, utrum iustitia originalis, sanctitas, immortalitas, &c. fuerint homini innocenti supernaturales? ad hujus quæstionis intelligentiam.

*Nota:* naturale, hic dicitur, quod est secundum exigentiam nature, ipsique debitum, vel tanquam ejus pars, vel



vel tanquam proprietas ex ejus principiis fluens, ita ut sine iniustitia ipsi denegari non possit.... *Supernaturale* est quod superat omnem naturæ humanæ exigentiam, eique plane debitum est.

*Resp. Affirm.* Et prob. 1. ex his prop. Baji a Pio V. Greg. XIII. & Urbano VIII. damnatis .... Prop. 21. *Humana natura sublimatio & exaltatio in consortium divinæ naturæ, debita suis integritati primæ conditionis, & proinde naturalis dicenda est, & non supernaturalis* .... Prop. 23. *Absurda est eorum sententia, qui dicunt hominem ab initio, dono quodam supernaturali & gratuito, supra conditionem naturæ suæ fuisse exaltatum, ut fide, spe, & charitate Deum supernaturaliter coleverit* ... Prop. 35. *Quæsnelli, Gratia Adami est sequela creationis, & erat debita natura sanæ & integræ.*

*Prob. 2.* Deus potest hominem creare cum defectibus naturalibus: *Quamvis*, inquit D. August. lib. 1. retract. cap. 9. *Ignorantia & difficultas, etsi essent primordia hominis naturalia, nec sic culpandus, sed laudandus esset Deus.* Atqui concupiscentia, mortalitas, &c. sunt defectus naturales, qui non possunt, nisi Creatoris gratia, impediri; ergo, &c.

*Obijciat* 1. Deus non potuit hominem creare cum concupiscentia & ignorantia. 1. Quia sunt poenæ peccati. 2. Quia concupiscentia inclinatur ad peccatum.

*Resp. Nego ant.* Nam 1. sunt poenæ peccati in statu præfenti, *conc.* in statu naturæ puræ, *nego*, nam tunc non supplicium peccati, sed proficiendi admonitio & perfectionis exordium fuisset, ait D. August. lib. de lib. arbitri. cap. 20. 2. Concupiscentia non inclinatur ad peccatum, *per se*, cum sic potentia sit concupiscendi bona sensibilia, quo sensu est bonum naturæ; sed tantum *per accidens*, quod Deus permisisset ex munere causæ primæ.

*Obijciat* 2. Deus non potuit creare hominem sine ordinatione ad suum finem ultimum: ergo nec potuit eum creare sine iustitia & sanctitate ad illum finem assequendum ordinatis.

*Resp. Dist. ant.* Sine ordinatione ad suum finem ultimum naturalem, qui consistit in perfecta quadam contemplatione Dei abstractiva, & ejusdem, ut auctoris naturæ, amore, qui viribus naturæ non depravatæ elici potest, *conc.* sine ordinatione ad suum finem supernaturalem, qui consistit in visione Dei intuitiva & amore fructivo, *nego ant.*

*Inst.* 1. Deus non potuit creare hominem in eo statu, in quo non potuisset amare Deum propter se; atqui in statu naturæ puræ homo non potuisset amare Deum propter se; ergo, &c.

*Resp. Dist. min.* Homo non potuisset amare Deum propter se, amore supernaturali, *conc.* ad hoc enim requiritur gratia, qua in illo statu caruisset. Nam potuisset amare Deum



Deum amore naturali, nego min. Ad hunc enim sufficere possunt media naturalia, quibus Deus hominem iuvasset in illo statu. Porro amor naturalis est possibilis, ut constat ex damnatione huius propositionis Bajanae: *Distinctio illa duplicis amoris, naturalis videlicet, quo Deus amatur ut auctor naturae, & gratuiti, quo Deus amatur ut beatorum, vana est & commentitia, & ad illudendum sacris litteris & plurimis veterum testimonio excogitata.*

Quæres 10. Quodnam fuerit peccatum primorum parentum?

Resp. Fuit superbia, quæ est mater inobedientiæ: nam Tobias, sap. 4. deterrens filium suum a superbia, dat hanc rationem: *In ipsa enim initium sumptis omnis perditio.*

Quæres 11. Quanam fuit causa peccati primorum parentum?

Resp. Causa illius extrinseca, fuit diabolus, qui illos induxit ad divinæ legis infractionem, dicens Evæ: *In quocumque die comederis ex eo... eris sicut dii...* Causa vero interna, fuit eorum voluntas; cum ne ignorantia, nec concupiscentia laboraverint in illo statu.

Quæres 12. Quale fuit peccatum primorum parentum?

Resp. Fuit mortale, nimirum superbia, qua independentiam a Deo sibi, tribuere concupierunt.

Quæres 13. Quanam fuerunt peccati primorum parentum pœna quoad corpus?

Resp. Fuerunt duæ. Prima fuit ejectio e statu beatitudinis, in huius vitæ miseras, famem nempe, sitim, dolores, &c. Secunda, fuit mors corporalis. Utraque describitur Genes. 3.

Quæres 14. Quanam fuerunt pœna quoad animam?

Resp. Fuerunt tres, Prima, fuit spoliatio omnium donorum supernaturalium... Secunda, fuit vulnus facultatum naturalium: nam, licet naturalia in Adamo peccante extincta non fuerint, valde tamen lauciata fuerunt per quatuor vulnera quæ Adamus accepit in potentiis animæ, scilicet, ignorantiam, in intellectu; malitiam in voluntate; infirmitatem in irascibili; & concupiscentiam in appetitu concupiscibili... Tertia, fuit mortis æternæ debitum morale, quod Adamus per suum peccatum contraxit, & in hanc miseram sortem omnes posteriores traxit, a qua non possunt exurgere, nisi per merita Christi mediatoris.



## TRACTATUS V.

## De Deo Incarnato.

*Nota.* **D**Ei incarnati nomine intelligitur compositum resultans ex unionem naturæ divinæ cum natura humana, in una Verbi divini persona.

Duplex erit hujus Tractatus dissertatio: 1. erit de possibilitate, convenientia, necessitate, existentia, causis, & quidditate Incarnationis. 2. Erit de Christo, qui est terminus Incarnationis.

## DISSERTATIO I.

*De possibilitate, convenientia, necessitate, &c. Incarnationis.*

## CAPUT I.

*De possibilitate Incarnationis, & ejusdem convenientia.*

*Quæstio I. Utrum Incarnatio sit possibilis?*

*Resp. Affirm. 1.* Quia peracta est; atqui ab actu ad posse valet consequentia. 2. Quia nullam involvit repugnantiam.

*Objectiones 1.* Repugnat Verbum mutari; atqui non potest uniri naturæ humanæ in unitatem personæ, quin mutetur; ergo. *Resp. nego min.*

*Prob. min.* Verbum non potest uniri naturæ humanæ, quin recipiat novam formam, videlicet, naturam humanam; sed qui recipit novam formam mutatur; ergo.

*Resp. Diss. maj.* Quia recipiat novam formam tanquam terminum, qui illam formam ultimo compleat ac perficiat, *conq.* tanquam subjectum quod ab illa forma perficiatur, *nego maj.* & sic ad minorem. Itaque Verbum per Incarnationem non recipit in se humanitatem, & consequenter non est subjectum ab illa perfectibile; sed est terminus illius intrinsecus; quatenus, seipsum humanitati communicando, illam perficit, ac ultimo complet; subindeque non mutatur.

*Inss.* Verbum per incarnationem, de non homine fit homo intrinsece; ergo mutatur.

*Resp.*



*Resp. Dist. ans.* De non homine fit homo intrinsece, per assumptionem humanitatis, solamque illius terminationem, *conc.* per sui conversionem in humanitatem, *nego ans.* proindeque in Incarnatione nulla facta est mutatio in Verbo divino.

*Obijcies 2.* Inter unibilia debet esse quædam proportio: atqui inter Verbum infinitum, & naturam humanam finitam nulla est proportio; ergo

*Resp. Dist. maj.* Debet esse proportio habitudinis, qualis est inter terminus & terminatum, *conc.* proportio entitatis ad entitatem, *nego maj.* Licet ergo inter verbum & naturam humanam nulla sit proportio entitatis, est tamen proportio habitudinis, quatenus natura humana est terminabilis, & Verbum infinite terminativum.

*Obijcies 3.* Natura humana non potest spoliari sua propria subsistentia; nam subsistentia est ipsamet natura; ergo, &c.

*Resp. Nego ans.* Ad probationem, *dist.* Subsistentia est ipsamet natura, præsuppositivè, *conc.* formaliter, *nego.* Itaque subsistentia præsupponit naturam, sed secundum se & formaliter, nihil aliud est quam negatio communicabilitatis, seu, unionis substantialis cum alio perfectiore, quæ negatio tollitur, cum natura humana personam Verbi in se recipit, quia tunc definit esse sui juris.

*Inst.* Persona definitur: *Natura rationalis individua substantia.* Atqui impossibile est dari aliquam naturam actu existentem, quin sit substantia individua; ergo natura humana non potest spoliari sua propria subsistentia.

*Resp. Dist. ans.* Quin sit substantia individua, per propriam subsistentiam, vel alienam perfectiorem, *conc.* semper per propriam subsistentiam, *nego min.* Natura ergo humana Verbo divino substantialiter unita, non subsistit subsistentia propria, sed subsistentia Verbi, a quo substantialiter perficitur & completur, in quo sistit, a quo terminatur, & cuius juris tota efficitur.

*Quæres 2.* Unum possibilitas incarnationis possit ratione demonstrari?

*Resp.* Nulla ratione potest demonstrari *positive*. 1. Quia Coloss. 1. dicitur: *Mysterium quod absconditum fuit a seculis, & generationibus, nunc autem manifestatum est in Sanctis eius, quibus voluit Deus notas facere divitias gloriæ Sacramenti huius in gentibus, quod est Christus.* 2. Demonstrari non potest *a priori*, quia non habet causam naturalem; nec *a posteriori*, quia nullus est effectus in rerum natura, qui necessariam habeat cum mysterio connexionem; ergo.

*Obijcies 1.* Intellectus perfectus, v. gr. angelicus evidenter, *positive*, cognoscit Deum posse efficere quidquid non implicat contradictionem; atqui mysterium incarnationis non implicat contradictionem; ergo.



*Resp. Dist. maj.* Indeterminate & in genere, *conc.* determinate & in particulari, *nego maj.* Alias Dei omnipotentiam, in qua sunt omnia possibilia, comprehenderet, quod est impossibile.

*Obijctes 2.* Angelus naturaliter cognoscere potest, naturam humanam posse spoliari propria subsistentia; ergo naturaliter cognoscere potest naturam humanam posse subsistere subsistentia verbi.

*Resp. 1. Nego ant. 1.* Quia nullum est in naturalibus exemplum, quo constat naturam humanam spoliari posse subsistentia sibi propria. *2.* Quia natura humana ita determinata est ad propriam subsistentiam, ut absque ea naturaliter non possit existere.

*Resp. 2. Nego consequ.* Quamquam enim Angelus posset naturaliter cognoscere naturam humanam posse spoliari propria subsistentia, non sequitur tamen, quod posset naturaliter cognoscere eam subsistere subsistentia Verbi: tum quia infinita est, inter naturam humanam & Verbi subsistentiam, proportio. Tum quia posset iudicare Deum conservare illam naturam individuaem abique omni subsistentia; sicut de facto conservat species Eucharisticas abique omni subiecto.

*Queres 3. Utrum Incarnatio fuerit conveniens Deo?*

*Resp. Affirm.* Nam per Incarnationem præcipua Dei attributa, nimirum, omnipotentia, sapientia, bonitas, misericordia, & iustitia, hominibus manifestantur.

*Obijctes 1.* Summam Dei maiestatem dedecet humiliari; atqui per Incarnationem Deus sese humiliasset; ergo.

*Resp. Dist. maj.* Dedecet Deum humiliari, secundum se *conc.* secundum carnem assumptam, *nego.* Cum itaque divinitas sit omnino invariabilis, secundum se nec exaltationis, nec humiliationis est capax; sed ratione humanitatis sibi unitæ potest humiliari ad manifestationem suæ magnitudinis.

*Obijctes 2.* Inconveniens est, ut majus bonum ordinetur ad minus; atqui in Incarnatione, majus bonum ordinaretur ad minus, nempe Incarnatio Dei ad reparationem generis humani; ergo, &c.

*Resp. Dist. maj.* Non est conveniens, ut majus bonum ordinetur ad minus, tanquam medium ad finem ultimum, *conc.* tanquam causa ad effectum, *nego maj.* Incarnatio itaque ordinatur *1.* Ad reparationem generis humani tanquam causa ad effectum quem producit. *2.* Ordinatur ad gloriam Dei, tanquam ad finem ultimum; porro gloria Dei excellentior est vita Christi.

*Obijctes 3.* Innocentem tradere ad supplicium est inconveniens, cum maxima sit iniustitia; atqui in Incarnatione, &c.

*Resp. Dist. maj.* Si illud supplicium habeat rationem punitionis, *conc.* satisfactionis tantum & reparationis, *nego.* Disparitas est, quod in punitione attendatur pec-



cantis iniquitas; in satisfactione vero pro alio, spectatur satisfaciens charitas: porro in satisfaciendo, unus potest ferre poenam pro alio.

Quæres 4. *Utrum Incarnatio fueris conveniens homini redimendo?*

Resp. Fuit conveniens homini, siue spectetur in individuo, quia per Incarnationem factum est, ut hic homo esset Deus, ac proinde caput hominum & Angelorum, supremo patriæ cultu solendus. Sive spectetur in specie, quia tota natura humana, per conjunctionem Verbi cum uno ex ejus individuis, fuit exaltata ad supremum honorem cognitionis & consanguinitatis cum Deo.

Quæres 5. *Utrum Incarnatio toti universo fueris conveniens?*

Resp. Affirm. Quia in aliqua sui parte ad fastigium divinitatis erectum est.

Quæres 6. *Utrum mysterium Incarnationis fueris convenienter impletum in planitudinem temporis?*

Resp. Affirm. Nam conveniens fuit ut Christus in medio annorum veniret, ut sæcula anteriora per fidem suæ Incarnationis futuræ illuminaret, & sequentia per doctrinam evangelicam illustraret, & per Sacramenta a se instituta sanctificaret.

## C A P U T II.

### De necessitate Incarnationis.

Quæres 1. *Utrum Incarnatio fueris absolute necessaria?*

Resp. Negas. Nam est opus ad extra, circa quod Deus est omnino liber.

Quæres 2. *Utrum fueris absolute necessaria ex hypothesis peccati hominis?*

Resp. Negas. Nam Deus hominem perditum potuit relinquere in peccato & statu damnationis, sicut reliquit Angelos apostatas.

Quæres 3. *Utrum Incarnatio fueris absolute necessaria ex hypothesis, quod Deus hominem lapsum voluerit reparare?*

Resp. Negas. Nam Deus potuit hominem multis aliis modis liberare, nempe, vel peccatum gratis condonando, vel imperfectam hominis satisfactionem acceptando: unde D. August. lib. de Agone Christiano, cap. 12. merito stultos vocat qui contra sentiunt.

Quæres 4. *Utrum Incarnatio absolute necessaria fueris, ex hypothesis quod Deus hominem reparare voluerit per condignam atque rigorosam pro peccato satisfactionem?*

Resp. Affirm. Quia nulla creatura pura, quantalibet gratia ornata, condignam atque rigorosam pro peccato satisfactionem exhibere potest. Nam ut satisfactio sit condigna & rigorosa, debet esse, 1. *Æquivalens*; 2. *Debent fieri*



*fieri ex propriis, & 3 Ex aliunde indebitis.* Atque satisfactio a pura creatura exhibitæ.

1. *Non est æquivalens gravitati injuriæ.* Quia offensæ Dei est infinita, saltem extrinsece & objective; satisfactio vero puræ creaturæ, est valde finita. Ratio est, quia injuria crescit pro vilitate personæ lædenti & dignitate personæ læsæ; contra vero satisfactio iisdem capitibus decrescit; ergo offensæ personæ infinitæ illata, est infinita, & satisfactio a pura creatura exhibitæ, est finita, & quasi nulla præ Deo offenso.

2. *Non est ex propriis:* quia pura creatura satisfacere non potest, nisi ex eis, quæ sunt sub Dei dominio.

3. *Non est ex aliunde indebitis:* quia quod Dei proprium est, illi quoque est debitum.

*Obijciat 1.* Homo purus, per actum perfectæ contritionis, reddit Deo totum, quod ab ipso per peccatum abstulerat, nempe rationem ultimi finis; ergo condigne satisfacit Deo.

*Resp. Nego consequ.* Licet enim redditio rei ablata sufficiat ad restitutionem, satis tamen non est ad condignam satisfactionem præ injuria Deo per peccatum illata, quæ, cum sit infinita, non potest condigne reparari, nisi per satisfactionem infinitam, cujus homo purus, quantalibet gratia sit ornatus, non est capax.

*Inst. 1.* Tantus est valor actus perfectæ charitatis, quanta est gravitas injuriæ Deo per peccatum illatæ; ergo.

*Resp. Nego ant.* Quia valor actus charitatis moraliter æstimatur ex dignitate personæ satisfaciendi, ac proinde est finitus; contra gravitas offensæ Dei moraliter æstimatur ex dignitate personæ læsæ, a qua consequenter infinitam quandam gravitatem contrahit.

*Inst. 2.* Homo purus, per actum charitatis perfectæ, posset mereri vitam æternam de condigno; ergo & condigne satisfacere Deo.

*Resp. Nego consequ.* Disparitas est, quod meritum, cum respiciat mercedem, nullam requirat personarum æquā itatem; bene autem satisfactio, quæ, cum a persona offensæ specificetur, non potest condigne exhiberi, nisi a persona ejusdem ordinis & dignitatis.

*Obijciat 2.* Peccatum veniale est quid finitum; ergo pro eo potest homo purus condigne satisfacere.

*Resp. Dist. ant.* Est quid finitum, entitative, consequ. objective & terminative, *nego ant.* Infert enim Deo infinito injuriam, quæ condigne compensari per opus finitum non potest.

*Inst.* Ergo, sublata Incarnatione, homo justus, venialiter peccans, æternum periret, falsum consequ. ergo.

*Resp. Nego illatum.* Quia Deus pro peccato veniali non exigit satisfactionem rigorosam, & ideo, in quocumque statu, homo justus potest mereri gratiam, cui annexa est peccati remissio.



## CAPUT III.

## De existentia Incarnationis.

Quæres 1. *Q*uam negant Messiam jam advenisse? *Resp.* Negant gentiles, quibus hoc mysterium est *stultitia*, & Judæi, quibus est *scandalum*, ait Apostolus. (1. Cor. 1.)

Quæres 2. *Q*uomodo demonstratur adversus gentiles Messiam jam advenisse?

*Resp.* Demonstratur fidei nostræ motivis credibilitatis, quæ in tractatu de fide exponemus, ad quem lectorem remittimus.

Quæres 3. *Q*uomodo demonstratur adversus Judæos Messiam jam advenisse?

*Resp.* Demonstratur innumeris propemodum oraculis Prophetarum, quæ in Jesu Nazareno fuerunt impleta, ex quibus duo tantum refero, quæ sunt celeberrima.

I. *Oraculum.* Habetur Genes. 49. ubi Jacob prædicens filiis suis quæ eorum posteris eventura erant, sic Judam alloquitur: *Juda se laudabunt fratres tui . . . adorabunt te filii patris tui . . . non auferetur sceptrum de Juda, & dux de femore ejus, donec veniat qui mittendus est, & ipse erit expectatio gentium.*

Hæc prophetia manifeste intelligitur de Messia, qui solus per excellentiam dicitur *mittendus*. Exodi 4. *Mitte quem missurus es*, qui solus potest dici, *expectatio gentium*. Gen. 28. *Benedicantur in te & in semina tuo cunctæ tribus terre*; de quo dicitur quod sit venturus, ubi sceptrum desierit esse in Juda: atqui jamdiu sceptrum seu principatus, seu regimen politicum desit esse in Juda: nimirum tempore Herodis, qui erat alienigena, Idumæus scilicet, seu ex posteris Esau, ut docet Joseph lib. 14. *Antiq. Judaicarum*, cap. 2. & quo regnante, natus est Jesus Nazareus, in quo impleta sunt omnia, quæ de Messia prædicta sunt a Prophetis; ergo, &c.

*Objicies* 1. Particula, *donec*, in Jacob vaticinio, non significat cessationem regni dignitatis in Juda, sed ejusdem continuationem; ita ut sensus sit: *Postquam veneris Messias, qui sceptrum eribus Jude, vestitur, nunquam dantept auferetur*; ergo nondum venit Messias.

*Resp.* Nego ant. Absque ullo enim, vel levissimo fundamento, particula, *donec*, vertitur in particulam, *postquam*, absque ullo scripturarum exemplo, in quibus particula, *donec*, cessationem rei naturaliter significat; sic Genes. 26. de Isaac dicitur: *Ibat proficiens, atque suscrescens, donec magnus effectus esset*; tunc enim desit succrescere.

*Objicies* 2. Vaticinium Jacob non fuit impletum in Jesu Nazareno: nam 1. Herodes non erat alienigena, cum



dicat Nicolaus Damascenus Herodem genus duxisse a primoribus Judæorum, qui in Judæam venerant a Babylonia...  
 2. Sceptrum defuit in Juda sexcentis circiter annis ante Christi nativitate, quando scilicet Nabuccodonosor, vastata Judæa, destructa Jerusalem, & incenso templo, Judæos cum eorum rege Sedecia captivos transtulit Babyloniā...  
 3. Post captivitatem Babylonicā, Machabæi, qui erant ex tribu Levi, tribui Juda præfuerunt per 400. circiter annos ante adventum Jesu Nazareni.

*Resp. Nego ant.* . . . *Ad 1. nego ant.* Nam Herodes fuit Idumæus; ergo alienigena, nec audiendus est Nicolaus Damasc. qui hoc scripsit ex adulatione, ut inde gratiam Herodis sibi conciliaret.

*Ad 2. nego ant.* Nam durante captivitate Babylonicā, rex Judæorum erat Joachim de tribu Juda, quem in ipsa captivitate, ad solium regni exaltavit Evilmerodach, rex successor Nabuchodonosoris, 4. Reg. c. ult. post mortem regis Joachim, Zorobabel, ex tribu Juda & regio sanguine oriundus, recepit legislativam potestatem, & ducis nomen; non ergo penitus ablatum est sceptrum de Juda, neque dux de Femore ejus in captivitate Babylonica, cujus tamen utriusque potestatis, regiæ & ducalis, ablatio, erat adventus Messię certum indicium, in Jacob vaticinio indicatum.

*Ad 3. dist. ant.* Machabæi præfuerunt tribui Juda, auctoritate ab illa tribu accepta, *conc.* auctoritate propria ab illa tribu independente, *nego ant.* Itaque tempore Machabæorum, suprema potestas semper mansit penes tribum Juda, quæ summus sacerdotes de tribu Levi, & Concilium Sanhedrin eligebat, ut, suo nomine & secundum suas leges, rempublicam administrarent. Sic hodie apud Polonos viget regia potestas, licet sceptrum gerant principes externi, quia ab illa gente in reges assumuntur.

II. Oraculum ducitur ex cap. 9. Danielis, ubi Angelus Gabriel Daniele deprecantem pro libertate populi sui, consolatur, his verbis: *Septuaginta hebdomades abbreviate sunt super populum tuum, & super urbem sanctam tuam, ut consummaretur pravaricatio, & finem accipiat peccatum, deleatur iniquitas, & impleatur visio & prophetia, & ungatur Sanctus Sanctorum.* Certum & evidens est ista dici de vero Messia; atqui hebdomades 70. intra quas Archangelus Gabriel annuntiat venturum esse Messiam, jamdiu elapsæ sunt: nam hebdomada in Sacra Scriptura sumitur tantum duobus modis, 1. pro septem diebus; 2. pro septem annis; atqui sive septuaginta hebdomades sumantur pro hebdomadibus dierum; sive sumantur pro hebdomadibus annorum (ut factum debent) jam diu præterierunt; nam 70. hebdomades dierum faciunt dies 490. & 70. hebdomades annorum faciunt annos 490. Hoc porro spatium a multis



multis jam sæculis elapsum est; ergo Messias jam diu venit.

*Obijcies:* Non potest assignari tempus, quo 70. hebdomades sint enumerandæ; ergo ex prophetia Danielis non potest colligi, saltem certo Messiam promissum jam advenisse.

*Resp.* Dato antecedente, quod tamen falsum est, quia juxta fere omnes Chronologos hodiernos, 70. hebdomades ducunt initium ab anno 20. Artaxerxis Longimani, qui eo anno Nehemiæ fecit facultatem iterum ædificandi Jerusalem, 2. *Esdra* 2. *negotio conseq.* Nam etsi manifestum non esset, a quo præcise tempore enumerandæ forent 70. hebdomades, tamen adhuc esset evidens elapsam esse ultimam, in cujus medio Messias prænuntiatur morti tradendus; nam desinere debuit ante cessationem sacrificii veteris; atqui sacrificium illud jamdiu desit; in uno enim Jerosolymorum templo, juxta legis Mosaicæ præscriptum, sacrificia offerri poterant; ergo, cum a mille septingentis annis, & amplius, Jerosolymorum templum dirutum fuerit, sacrificia apud Judæos omnino desierunt. Consule Tom. II. dissert. 4. ubi duo allata vacinia, & plura alia accuratius exponuntur.

*Quæres 4. Utrum Jesus Nazarenus sis Messias qui venit?*

*Resp. Affirm.* Quia omnes prophetiæ de Messia editæ, in Jesu Nazareno fuerunt impletæ, ut citato loco Tom. II. demonstravimus.

## C A P U T IV.

### De causis Incarnationis.

*Quæres 1. Quenam sis causa efficiens incarnationis?*

*Resp.* Est tota Trinitas; nam est opus ad extra, sed opera ad extra, sunt opera totius Trinitatis; cum sint opera omnipotentis tribus personis communia; ergo, &c.

*Quæres 2. Quenam sis causa finalis Incarnationis?*

*Resp.* Est liberatio hominis a peccato, ejusque cum Deo reconciliatio, ut fides docet, Joan. 3. *Misist Deus Filium suum in mundum, ut salvetur mundus per ipsum.* Matth. 18. *Venit Filius hominis, salvare quod perierat*, Conc. Nicænum I. sic definit: *Qui propter nos homines, & propter nostram salutem, descendit de celis, &c.* Hinc excluditur error Pelagianorum, qui docuerunt Christum datum esse hominibus ut exemplum, Doctorem, & Legislatorem, non vero ut Redemptorem propriæ.

*Quæres 3. Utrum Christus venerit, cum propter peccatum originale, tum propter peccata actualia?*

*Resp. Affirm.* Idque est de fide, juxta illud 1. Joan. 1. *Sanguis Jesu Christi emundat nos ab omni peccato.* Præ-



cipue tamen venit propter peccatum originale, quia totum genus humanum infectum.

Quæres 4. *Utrum, si homo non peccasset, Verbum, vñ presentis decreti, fuisset incarnatum, saltem in carne impassibili, ut Scotiste fingunt?*

Resp. Negative: Nam. Nullibi aut Scriptura, aut traditio asserunt, quod Verbum fuisset incarnatum, si homo non peccasset; imo quoties Scriptura de motivo incarnationis loquitur, non aliud assignat, quam peccatum delendum, Joan 3. *Non misit Deus Filium suum ut iudicaret mundum, sed ut salvetur mundus per ipsum* .... 2. Patres expresse docent, Christum, homine non peccante, non fuisse venturum: *Si non haberet caro salvari*, inquit D. Irenæus, lib. 5. adversus hæreses, cap. 4. *nequaquam Verbum Dei caro factum esset*. Origenes, Hom. 24. in Numeros; *Si non fuisset peccatum ... mansisset, Christus, hoc quod in principio erat, Deus Verbum*. Et D. Aug. Serm. 8. de verbis Apostoli. *Si homo non perisset, Filius hominis non venisset*.

Obijcies 1. Deus voluit Messie futuritionem, antequam decerneret hominis futuritionem, juxta illud Prov. 8. *Dominus possedit me in initio viarum suarum, antequam quidquam faceret in principio*; ergo.

Resp. Nego ant. Ea enim Prov. verba intelliguntur de Christo, non ut est homo, sed ut est Verbum Patris: hoc constat, quia ibidem de seipso dicit: *Cum eo, Deo, eram cuncta componens*: quod de solo Verbo æterno dici potest.

Obijcies 2. Christus, Coloss. 1. dicitur *Primogenitus omnis creature*; ergo fuit futurus ante omnem creaturam.

Resp. Dist. ant. Ut Deus, conc. nam addit: *Omnia per ipsum & in ipso creata sunt*; ut homo, subdist. prioritatem honoris & dignitatis, conc. prioritatem temporis & intentionis, nego ant. cum D. Hieronymo in hunc locum dicente: *Primogenitus, non quod Divus illum ante omnem creaturam producere constitueris, sed quod illi creaturam omnem subjeceris*.

Obijcies 3. Christus est caput Adami innocentis, imo & Angelorum, Coloss. 2. *Est caput omnis principatus & potestatis*; ergo futurus fuit Adamo non peccante.

Resp. Dist. ant. Est caput Adami innocentis & Angelorum, dignitate & excellentia, conc. influxu, nego ant. Gratia enim, quæ primis parentibus ante lapsum, & Angelis sanctis concessa est, erat donum Dei creatoris, non Christi redemptoris.

Quæres 5. *Utrum humanitas Christi meruerit suam cum Verbo divino unionem?*

Resp. Negative: Quia Christi humanitas nunquam fuit sine unionem hypostatica; ergo illam non meruit; alias effectus esset prior sua causa.

Quæ-



Quæres 6. *Utrum veteres Patriarchæ meruerint Incarnationem secundum substantiam?*

*Resp. Negativæ:* Nam Incarnatio, secundum substantiam sumpta, præsupponitur cuilibet merito: de fide enim est nullum in statu naturæ lapſæ meritum esse, nisi ex meritis Dei incarnati; ergo, &c.

*Obijciunt:* D. Thom. in 3. q. 3. a. 1. ait: *Acceleratio Incarnationis potius cadere sub merito de condigno, Incarnatio autem sub merito de congruo:* ergo.

*Resp. Nego conseq.* Nam D. Thom. correxit hanc sententiam in sua summa, dicens: *Gratia non potest cadere sub merito, quia est merendi principium: unde multo minus Incarnatio cadit sub merito, quia est principium gratiæ.*

Quæres 7. *Utrum veteres Patriarchæ aliquas Incarnationis circumstantias meruerint?*

*Resp. 1.* Nullas meruerunt de condigno; quia nulla ipsis a Deo facta est talis promissio.

*Resp. 2.* Non meruerunt circumstantias Incarnationis secundum præsens decretum necessarias; quia Incarnatio ab eis non abstrahit, ut actu decreta est.

*Resp. 3.* Meruerunt de congruo aliquas circumstantias, secundum præsens decretum, non necessarias: sic Abraham meruit, ut Christus de sua stirpe nasceretur, Gen. 22. *Benedicentur in semine tuo*, id est, in Christo, omnes gentes terræ, quia obedisti voci meæ. Sic Daniel suis precibus meruit accelerationem adventus Messie, Daniel. 9.

Quæres 8. *Utrum B. Virgo meruerit divinam maternitatem?*

*Resp. 1.* Non meruit de condigno. Quia Deum inter & B. Virginem nullum intercessit pactum de danda illi divina maternitate.

*Resp. 2.* Meruit de congruo divinam maternitatem. 1. Quia talis est sensus Ecclesiæ, quæ sic congratulatur B. Virgini, quia quæ meruisti portare, resurrexisti, &c. 2. Quia ita sentiunt Patres. D. Hieron. Epist. 17. ad Eustochium: *Propono tibi B. Virginem, quæ tantæ exitus puritatis, ut Mater Domini esse mereretur.* D. August. lib. de nat. & grat. cap. 36. *Concipere meruit & parere eum, quem constat nullum habuisse peccatum.*

*Obijciunt 1.* Gratia singulares, quibus cumulata fuit B. Virgo, ei concessæ sunt intuitu maternitatis divinæ; ergo, cum illæ gratiæ ei omnino gratis concessæ fuerint, gratuita quoque debuit esse maternitas divina.

*Resp. Dist. ant.* Intuitu maternitatis decernendæ propter merita, ad quæ disponderetur per illas gratias, con. intuitu maternitatis jam decretæ absolute, nego ant. Equidem B. Virgo, a primo instanti suæ conceptionis, eximiiis gratiis & privilegiis fuit præventa, quibus correspondens, non solum fuit condigne disposita, ut esset Mater Dei, sed etiam meruit de congruo divinam illi maternitatem.



*Obijciat* 2. Omnia merita B. Virginis fundata fuere in hoc numero Christo, ex hac numero matre genito; ergo merita B. Virginis non præcefferunt maternitatem, quæ consequenter non cecidit sub meritum.

*Resp. Dist. ant.* Fundata fuere in Christo in hac numero matre genito, *specificative*, id est, qui genitus est hac matre, *cons.* ex hac numero matre genito *reductive*, id est, quatenus ex hac matre genitus est, *nego ant.* Nam licet nulla B. Virginis merita fuerint, nisi ex illo, qui est filius hujus matris, tamen non fuerunt ex illo, quatenus fuit filius hujus matris. Qued enim Christus ex hac numero matre natus sit, non fuit circumstantia necessaria ad merendum; prius enim Christus cogitatur nasciturus ex aliqua matre, quam ex hac numero matre.

## CAPUT V.

### De quidditate Incarnationis.

**A** Genus 1. de persona assumente, & natura a Verbo assumpta; 2. de utriusque unione hypostatice.

## QUESTIO I.

### De persona assumente & natura assumpta.

**Quæres** 1. **Q**uamnam persona divina assumpsit naturam humanam?

*Resp.* Sola persona Filii; nam Joan. 1. de persona Filii dicitur: *Verbum caro factum est*. Quod nullibi de Patre aut Spiritu sancto dicitur. Unde Christus se minorem Patre dicit; scilicet, ratione humanitatis assumptæ.

Hinc excluditur error Sabellianorum, qui negantes realem personarum distinctionem, docebant Verbum non potuisse incarnari, quin Pater & Spiritus sanctus incarnarentur; unde *Patripassiani* dicti sunt.

*Obijciat*: Una persona non potest videri intuitive absque altera; ergo non incarnari.

*Resp. Nego consequ.* Disparitas est, quod essentia divina, quæ est primarium visionis intuitivæ objectum, identificetur tribus personis, & consequenter non possit sine illis videri intuitive; e contra tres personæ a se invicem realiter distinguuntur, ac proinde terminatio humanitatis, quæ est effectus relativus, potest prodire ab una persona, absque eo quod prodeat ab aliis.

**Quæres** 2. *Utrum Verbum assumpsit verum & reale corpus?*

*Resp. Affirm.* Nam 1. Scripturæ verum Corpus Christo tribuunt: Joan. 1. *Verbum caro factum est*. Lucæ ult. Christus, post resurrectionem, suum Corpus discipulis pal-



palpandum obtulit. . . 2. Christus est verus homo, Joan. 8. *Queritis me interficere, hominem qui veritatem locutus sum vobis.* Ex Conc. Nicæno 1. *Incarnatus est, & homo factus est.* . . . 3. Ecclesia damnavit Simonem Magum, Menandrum, Saturninum, Marcionem, &c. quod contederent, Christi Corpus non fuisse verum, sed apparens tantum & phantasticum.

*Obijcies* 1. Christus, *Philip.* 2. dicitur: *In similitudinem hominum factus.* Ergo non habuit veram carnem, sed apparentem & phantasticam.

*Resp. Dist. ans.* In similitudinem hominum, quoad statum peccati, in quo sunt homines, conc. scilicet, ut ait idem Apostolus, Rom. 8. *Misit Deus Filium suum in similitudinem carnis peccati.* Quoad substantiam, nego *ans.* Est enim verus homo, unde additur. *Factus est obediens usque ad mortem, homo vero nisi verum Corpus habeat, non moritur.*

*Obijcies* 2. Apostolus, 2. Cor. 5. dicit: *Et si cognovimus secundum carnem Christum, sed nunc jam non novimus;* Ergo Christus non habet veram carnem.

*Resp. Nego consq.* Alias sequeretur nullum hominem habere veram carnem, cum Apostolus dicat *Neminem novimus secundum carnem.* Sensus ergo est, licet olim pluris fecerimus Christum haberet pro consanguineo, nunc mortui veteris vitæ affectibus, angustius de eo sentimus, nec amplius eum novimus *secundum carnem*, sed *secundum spiritum*, ut auctorem gratiæ & salutis, qualem eum toto orbe prædicamus.

*Quæres* 3. *Utrum Corpus Christi fuerit terrenum, an vero caeleste?*

*Inst.* Fuit terrenum, ut Ecclesia definivit contra Valentinum, Apollinarem & Apellem; ratio est, quia natus est de Maria Virgine, Matth. 10. *de qua natus est Jesus.*

*Obijcis:* Apostolus, 1. Cor. 15. Christum Adamo opponens, ait: *Primus homo de terra, terrenus: secundus homo de celo, celestis;* ergo Christus habuit corpus caeleste.

*Resp. Nego consq.* Christus non dicitur celestis, quod habuerit corpus caeleste; sed quod substituerit substantia Verbi divini.

*Quæres* 4. *Utrum Verbum immediate assumpserit dentes, ungues, capillos, res humores, & maxime sanguinem?*

*Resp. Affirm.* Nam immediate assumpsit quidquid ad naturæ humanæ perfectionem & integritatem pertinet; atqui dentes, ungues, & capilli, ad naturæ humanæ perfectionem & ornatum pertinent; tres vero humores, & maxime sanguis ad ejusdem integritatem spectant; ergo.

*Quæres* 5. *Utrum Verbum assumpsit veram animam humanam?*

*Resp. Affirm.* Nam 1. Christus, Joan. 10. ait: *Ego pono animam meam, ut iterum sumam eam, in resurrectione...*



2. Dammati sunt Arianī, quod vellent Verbum carnem assumptū abſque anima, cuius vices obibat ipſummet Verbum. ... 3. Chriſtus eſt verus homo; ergo animam rationalem habuit.

Quæres 6. *Utrum anima Chriſti fuerit mente prædi-*  
*ca?*

*Reſp. Affirm.* Eſtque de fide contra Apollinarem: unde S. Fulgentius, *de fide ad Petrum, cap. 24.* dicit: *Firmiſſime tene, & nullatenus dubites, Chriſtum Filium Dei habere veram noſtri generis carnem, & animam rationalem.* Ratio eſt, quia in Chriſto fuerunt paſſiones humanæ; atqui illæ paſſiones nihil aliud ſunt, quam affectiones animæ rationalis cum ex perceptione boni præſentis, vel mali imminæntis oriuntur; ergo.

*Obijciat:* Mens humana eſt imago Verbi; ergo hæc Verbo præſente, evaneſcere debet.

*Reſp. Diſt. ant.* Eſt imago Verbi a Verbo perficienda, *conc.* ſupplens vicem Verbi, *nego ant.* Equidem imago rei, ſupplens illius vicem, evaneſcit re præſente; ſed non evaneſcit, ſi a re, cuius, eſt imago, ſit perficienda: ſic imago hominis in ſpeculo, quia perficitur ab homine, non evaneſcit eo præſente, imo reſultat ex ejus præſentia.

Quæres 7. *Utrum Verbum aſſumpſerit voluntatem humanam?*

*Reſp.* Aſſumpſit: unde in Chriſto ſunt duæ voluntates, duæque operationes, divina nimirum & humana. Nam 1. Chriſtus ipſe ſuam humanam voluntatem a Patris, & conſequenter Verbi, voluntate diſtinxit, Lucæ 21. *Non mea voluntas, ſed tua fiat.* Supra quæ verba S. Athanaſ. *lib. de Incarnatione*, dicit: *Cum ait; non mea voluntas, ſed tua fiat. . . . Duas voluntates ibi oſtendis, alteram humanam, quæ eſt carnis; alteram divinam quæ Dei eſt. . . .* 2. Monotheliſtæ in IV. Synodo tanquam hæretici damnaſi ſunt, quod unam, (Verbi nimirum) in Chriſto voluntatem fuiſſe contenderent; definitumque eſt: *Uti duas naturas accepimus, ita & duas naturales voluntates, & naturales ipſius operationes agnoſcimus.*

*Obijciat:* 1. D. Dionyſius, *lib. de divinis nominibus*, docet: *Unam eſſe in Chriſto Dei virilem operationem:* Ergo.

*Reſp. 1. Nego ant.* Nam in textu legitime, legitur, novam operationem, pro quæ Monotheliſtæ ſubſtituerunt hæc verba, *Unam operationem*, ut ipſis exprobrat Martinus Papa I. in Concil. Lateranenſi conſultatione tertia.

*Reſp. 2. Diſt. conſeq.* Eſt una operatio in Chriſto mixta, *conc.* ſimplex, *nego conſeq.* Itaque triplex fuit genus actionum Chriſti, ſcilicet, pure divinæ, pure humanæ, & mixtæ . . . pure divinæ, ſunt ea quæ a Chriſto emanarunt, ut Deus eſt, id eſt, abſque ullo ad humanam naturam reſpectu, ut ſunt rerum conſervatio, ſanatio in-

firmi



fieri a Christo absente. *Pure humane*, sunt eæ, quæ naturæ humanæ sunt propriæ, ut edere, flere, velle, intelligere, &c. *Mixtæ*, sunt eæ quæ ab utraque natura prodierunt, v. g. dum Christus suo contactu curabat ægrotos: in ea quippe curatione agebat utraque natura, divina nempe per suam omnipotentiam, & humana per suum contactum. Hæc non est simplex, sed duplex operatio, divina nempe & humana, quæ licet non sint divise, sunt tamen realiter a se invicem distinctæ. Porro hæc mixta operatio a Græcis vocatur *Theandrica*, & a Latinis *Dei virilis*, id est, Dei hominis operatio.

*Obijcies* 2. Actiones sunt suppositorum; atqui in Christo unicum est suppositum; ergo, &c.

*Resp. Dist. maj.* Sunt suppositorum denominative, *conc.* elicitive, *neg. maj.* Itaque sola natura est principium elicitivum actionum, unde earum unitas, vel multiplicitas desumitur ab unitate, vel multiplicitate naturæ, non vero ab unitate vel multiplicitate suppositi.

*Quæres* 8. *Utrum Verbum assumpserit omnes corporis humani defectus communes?* v. g. famem, sitim, corruptibilitatem, mortem, &c.

*Resp. Affirm.* Nam, *Esuriit*, Matth. 4. *fatigatus ex itinere, sedit*, Joan. 4. *Flavit super Jerusalem*, Lucæ 19. *Crucifixus est ex infirmitate*, 2. Cor. 13. unde *Conc. Ephes.* Anathematismo 12. definit: *Si quis non confiteatur Dei Verbum carne passum & crucifixum, mortemque gussasse, anathema sit.* Hinc damnaatur error Iuliani Halicarnassensis, qui asserbat carnem Christi fuisse incorruptibilem & impassibilem.

*Obijcies* 9. Psal. 15. *David prædixit carnem Christi fore incorruptibilem; non dabis Sanctum tuum videre corruptionem.* Ergo.

*Resp. Dist. ant.* Post ejus mortem, *conc.* ante ejus mortem, *neg. ant.* David ergo loquitur de corruptione putredinis quam non sensit caro Christi, non vero de corruptione alterationis & mortis.

*Insp.* Illi defectus & dolores sunt pœnæ peccati; atqui nullum fuit in Christo peccatum.

*Resp. Dist. ant.* Suet pœnæ peccati proprii, vel alieni, *conc.* proprii semper, *neg. ant.* In Christo ergo fuerunt pœnæ peccati alieni, nempe hominis, pro quo se vadem ac sponsoem dedit.

*Obijcies* 2. Visio beatifica excludit omnem dolorem sensibilem; atqui, &c.

*Resp. Dist. maj.* Si non impediatur ne animæ felicitas in corpus & inferiores potentias resiliat, *conc.* si impediatur, *neg. maj.* Hoc autem Deus impedivit in Christo.

*Quæres* 9. *Utrum Verbum assumpserit defectus corporis humani particulares?* v. g. morbos, deformitatem, &c.

*Resp. Negat.* Nam illi defectus proveniunt ex triplici veluti radice; 1. Ex culpa, puta intemperantia. 2. Ex

aeris



aeris intemperie. 3. Ex defectu virtutis formatricis. Atqui ex nulla harum radice evenire potuerunt in Christo: 1. *Non ex culpa*, nam fuit impeccabilis; 2. *Non ex aeris intemperie*, nam optimi fuit temperamentum, unde facillime potuit inclementiæ aeris resistere. 3. *Non ex defectu virtutis formatricis*: nam corpus ejus formatum est de Spiritu sancto, cujus virtus deficere non potest.

*Obijcies*: Isaïa 53. de Christo dicitur: *Non est species ei, neque decor.*

*Resp.* Isaïas loquitur de Christo pendente in patibulo, non autem ante passionem, ut interpretatur D. Hieron. in hunc locum.

*Quæres* 10. *Utrum peccatum fueris in Christo?*

*Resp. Negat.* Juxta illud ad Hebr. 4. *Habemus Pontificem sententiam per omnia pro similitudine, absque peccato.* Et illud 1. Petri 2. *Christus peccatum non fecit, nec inventus est dolus in ore ejus.*

*Obijcies*: Christus, Psal. 21. ait: *Longe a salute mea verba delictorum meorum.* Apost. 2. Cor. 5. de Christo, dicit: *Eum qui non novit peccatum, pro nobis peccatum fecit; Ergo.*

*Resp. ad 1.* Quod Christus peccata nostra, vocat sua, qui debitum satisfaciendi pro illis in se suscepit... *Ad 2.* peccatum ibi sumitur pro hostia, seu victima pro peccato, quo sensu Oseas, cap. 4. de sacerdotibus: ait: *Peccata populi mei, id est, hostias pro peccatis oblatas, comedens.*

*Quæres* 11. *Utrum humanitas Christi, seu Christus ut homo, fueris impeccabilis?*

*Resp. Affirm.* Nam Lucæ 1. dicitur: *Quod natus est ex te sanctum, vocabitur Filius Dei...* 2. Id expresse asserit D. August. lib. 2. de peccat. meritis, cap. 11. *In cuius, non tantum divinitate, sed nec in anima, nec in carne ullum potuit esse peccatum...* 3. Potentia peccandi tribui posset Verbo tanquam principio quod: nempe denominationes tribuuntur supposito tanquam principio quod, sic Verbo propter unionem cum natura humana, mors, fames, &c. tribuuntur; atqui id impium est; ergo, &c.

*Obijcies*: Christum potuisse mori non repugnat; ergo nec repugnat eum potuisse peccare: non enim Deus minus est vivens per essentiam, quam sanctus per essentiam. *Resp. Nego consequ.* Disparitas est, quod mors sit malum pœnæ, cujus Deus auctor esse potest: quare nihil impedit, quominus, per idiomatum communicationem, Deus, in natura creata subsistens, dicatur mortuus; e contra peccatum est malum culpæ, cujus Deus nec directe, nec indirecte auctor esse potest: ac proinde peccatum magis repugnat sanctitati per essentiam, quam mors repugnet vitæ per essentiam in aliena natura subsistenti.

*Quæres* 12. *Unde reperi debent impotentia peccandi in Christo?*

*Resp.*



*Resp.* Repetenda est præcise ex hypostatica naturæ humanæ cum Verbo unionæ. Nam 1. Est communis contra Durandum, Gabrielem, & Scotum, qui eam repetunt ex visione beatifica, gratia justificante, & singulari Dei protectione, quæ si a Christo separata fuissent, inquit, peccare potuisset . . . 2. Quia est sententia Patrum: S Athanas. *Serm. 2. contra Apollinarem*, de Christo dicit, quod sit *sanctus natura sua, & immutabilis ad malum*. Atqui natura Christi consistit in unionæ hypostatica humanitatis cum Verbo; ergo D. Ambros. *lib. de incarnat. cap. 7.* dicit: *Anima Christi est inscapan peccati, quia per unionem facta est impeccabilis*. . . 3. Quia si humanitas Verbo unita posset peccare, ipsum Verbum posset peccare, non solum denominative, sed etiam formaliter: nam quando plures naturæ in idem suppositum conveniunt, tenetur superior, saltem si commode possit, regere inferiorem, & impedire ne peccet, alioqui peccatum ipsi imputatur; atqui natura divina & humana in idem Christi suppositum conveniunt; ergo, &c.

*Obicies 1.* In Deum nulla cadit obligatio; ergo non tenetur gubernare naturam humanam a se assumptam.

*Resp. Dist. ans.* Nulla cadit obligatio ex aliqua lege superioris, *conc.* ex rectitudine divinæ voluntatis, *nego ans.* Sic Deus tenetur non mentiri, quia tenetur ad nihil faciendum suæ sapientiæ & sanctitati repugnans, ad idque ex suis intrinsecis determinatur ac necessitatur.

*Obicies 2.* Per actiones naturæ assumptæ honestas, Verbum secundum se, non meruit; ergo a pari non peccaret per ejusdem actiones inhonestas.

*Resp. Nego conseq.* Disparitas est, quod Verbum secundum se, actiones honestas naturæ assumptæ non obtulit alteri a se tanquam superiori, a quo possit præmium accipere, quod antecederet non sit suum, quod tamen essentialiter requiritur ad rationem meriti; verum permittendo actiones inhonestas fieri a natura sibi hypostatice unita, voluntate divina consentiret in actiones essentiali suæ bonitati ac sanctitati repugnantes, easque producere ut suas, adeoque peccaret secundum se, quod omnino repugnat.

Quæres 13. *Utrum fuerit in Christo fomes peccati?*

*Resp.* Non fuit: quia fomes peccati oritur a peccato originali, quod Christus nec contraxit, nec debitum habuit contrahendi, cum non descenderit ab Adamo via ordinaria. Hinc in quinta Synodo anathematizantur, qui, cum Theodoro Mopuesteno, dicebant Christum fuisse motibus concupiscentiæ obnoxium.

*Obicies:* Christus, *Hebraeor. 4.* dicitur: *Tentatus per omnia pro similitudine absque peccato*. Ergo tentatus fuit a fomite peccati.

*Resp. Dist. ans.* Tentatus fuit, tentatione extrinseca, v. gr.



v. gr. a diabolo; *cons.* tentatione intrinseca, quæ est a fomite peccati, *nego ant.* Fuit ergo tentatus experientia malorum quibus obnoxii sumus, hoc autem absque peccato, & iis quæ sunt, vel effectus, vel causæ peccati.

Quæres 14. *Utrum in Christo fuerint anime passionēs?*

*Resp. Affirmative;* Nam in eo fuit tristitia, Matth. 26. *Tristis est anima mea usque ad mortem.* Fuit amor, Joan. 11. *Domine, ecce quem amas, infirmatur.* Fuit timor, Marci 14. *Cæpit pavere & tædere.* &c. Ratio est, quia passionēs sunt connaturales appetitus sensitivi p̄ reflectiones, quæ nec dedecent naturam humanam Verbo hypostatice unitam, nec statui beatitudinalis reputantur.

Quæres 15. *Utrum passionēs in Christo nostris passionibus fuerint similes?*

*Resp.* Fuerunt similes quoad substantiam, quia fuit homo nobis consubstantialis. Non fuerunt similes quoad modum; 1. Quia passiones in nobis plerumque feruntur ad illicita, quod non fuit in Christo. 2. Quia frequenter in nobis præveniunt iudicium rationis, sed in Christo semper oriebantur secundum dispositionem rationis. 3. In nobis sæpe trahunt ac perturbant rationem, quod in Christo non fuit. Ita D. Thom. q. 15. art. 4.

## Q U Æ S T I O II.

### De unione hypostatice.

Quæres I. *Utrum unio hypostatica sit idem cum productione humanitatis Christi?*

*Resp. Negas.* Nam productio humanitatis Christi, cum sit opus ad extra, est actio toti Trinitati communis, unio vero solius est Verbi divini: ergo illæ duæ actiones sunt realiter distinctæ.

*Obijcies 1.* Leo Mag. Epist. 11. dicit: *Natura nostra non sic assumpta est, ut prius creata, postea assumeretur, sed ut ipsa assumptione crearetur.* Ergo.

*Resp. Nego conseq.* Nam his verbis S. Leo docet concomitantiam, non vero identitatem duplicis illius actionis, ut inde refelleret Nestorium, qui contendeat humanitatem Christi aliquo tempore realiter fuisse sine unione cum Verbo, ex quo concludebat B. V. M. esse quidem Christi param, non vero Dei-param.

*Obijcies 2.* Maria Virgo est vere Mater Dei: atqui non est vere Mater Dei, nisi actio humanitatis productiva sit eadem ac actio unitiva humanitatis ejusdem cum Verbo; ergo.

*Resp. Nego min.* Nam ut B. V. M. vere sit Mater Dei, sufficit ut ejus actio generativa, terminata fuerit ad humanitatem eodem instanti assumptam, licet forte in posteriori nature.

Quæres



Queres 2. *Utrum unio hypostatica sit entitas realiter distincta a Verbo & humanitate unitis?*

*Resp.* Non est; siue illa entitas sit qualitas supernaturalis absoluta, ut voluit Gabriel: siue sit relatio realis humanitatis ad Verbum, ut voluit Scotus: siue sit entitas modalis a Verbo & humanitate realiter distincta, ut voluit Suarez. 1. Quia non potest admitti entitas copulans humanitatem cum Verbo divino, quin recipiatur tum in Verbo, tum in humanitate; atqui illa non potest recipi in Verbo, alias mutaretur: ergo. 2. Quia si unio hypostatica sit entitas realiter ab extremis distincta, debet admitti secunda entitas, per quam prima uniat, & tertia per quam uniat, secunda, & sic in infinitum; atqui ille in infinitum processus repugnat; ergo, &c.

*Obijciat* 1. Humanitas Christi ad unionem erat indifferens; ergo debuit per aliquid reale superadditum determinari.

*Resp. Nego confeg.* Nam indifferencia unibilium tollitur per accessionem unius ad aliud: & ideo indifferencia humanitatis Christi ad sui unionem cum Verbo fuit sublata per actionem qua Verbum illi suum esse divinum communicavit.

*Obijciat* 2. D. Thom. 3. p. 4. 2. a. 7. dicit: *Unio est relatio quadam, qua consideratur inter divinam naturam & humanam, secundum quod conveniunt in una persona Filii Dei*: ergo ipsamet unio est relatio.

*Resp. Dist. confeg.* Unio, sumpta pro mutua habitudine qua oritur ex conjunctione humanitatis & Verbi, *conc.* sumpta pro formali humanitatis & Verbi vinculo, *nego confeg.* Ita Cajetanus D. Thomam interpretatur.

Queres 3. *Quid sit ergo unio hypostatica?*

*Resp.* Nihil aliud est, quam communicatio divini esse, a Verbo facta humanitati, eam transferendo in suam propriam substantiam; nam, posita illa communicatione, concipi & exponi possunt omnia Incarnationis mysteria, ut probavimus Tomo I.

Queres 4. *Quinam erraverunt circa modum quo facta est unio hypostatica?*

*Resp.* Erraverunt Nestorius Patriarcha Constantinopolitanus, & Eutyches, Constantinopoli Abbas.

1. Nestorius docuit, unionem Verbi divini cum humanitate, non fuisse factam in persona, & ideo non fuisse physicam, substantialem & hypostaticam, sed moralem tantum & accidentalem, qualis reperitur inter Deum & templum in quo habitat: ex qua doctrina;

*Sequitur* 1. Duas esse in Christo personas, divinam nempe & humanam.

*Sequitur* 2. Verbum assumpsisse hominem, tum naturam, tum persona perfectum, qui primum in utero B. Mariæ Virginis formatus, postea ad unionem cum Verbo

af-



assumptus est; ex quo necessario sequitur, Christum non esse vere Deum, & B. V. Mariam non esse Matrem Dei, sed tantum Christi.

Sequitur 3. Admitti non debere realem idiomatum communicationem, qua utriusque naturæ proprietates de se invicem prædicarentur in Christo.

2. *Eusebii* docuit ante unionem duas fuisse in Christo naturas realiter distinctas, divinam scilicet & humanam; post unionem vero unam tantum remansisse: sive quia natura humana conversa est in divinam, & qua penitus absorpta est; sive quia ex duabus naturis confusus & permixtus, conflata est una tertia natura a duabus distincta, sicut mixtum ex elementis substantialiter transmutatis producitur.

Quæres 5. *Utrum unio Verbi facta sit in unita persone?*

*Resp. Affirm.* Nam 1. Scriptura aperte docet, unum eundemque Christum esse Deum & hominem. Rom. 9. *Israelite .... ex quibus est Christus secundum carnem, qui est super omnia Deus.* Philip. 2. *Hoc sentite in vobis, quod & in Christo Jesu, qui cum in forma Dei esset, non rapinam arbitratus est esse se equalem Deo, sed semetipsum exinanivis formam servi accipiens, &c.* Ergo si unus & idem est homo & Deus, non duæ, sed una est in Christo persona, particula enim, quæ, in his textibus designat personam. 2. Conc. Ephesium sic definit: *Si quis non confitetur Dei Verbum carni secundum hypostasim unitum, & unum tantum cum sua carne Christum, eundem nimirum Deum simul & hominem; anathema sit.* 3. Duæ naturæ formaliter ab invicem distinctæ, de se invicem substantive & in concreto prædicari non possunt, nisi uniantur in persona: atqui natura divina & humana formaliter ab invicem in Christo distinctæ, de se invicem substantive & in concreto prædicantur: dicitur enim, *Deus est homo, homo est Deus; ergo, &c.*

*Obijciat* 1. Humanitas Christi vocatur templum divinitatis: Joan. 2. *Solvite templum hoc, &c. ergo diversa persona Verbi & humanitatis.*

*Resp. Dist. ans.* Vocatur templum improprie, conc. proprie, *nego ans.* Itaque Verbum dicitur inhabitare humanitatem, metaphorice, eodem nempe modo, quo anima nostra dicitur inhabitare corpus nostrum, 1. Cor. 5. *Si terrestris domus nostra hujus habitationis dissolvatur, &c.* Attamen non licet inferre in homine duas esse personas.

*Obijciat* 2. SS. Patres Christum vocant, *Hominem deservum, desicatum, dominicum, divinitatis templum, divinitatis instrumentum;* atqui illæ omnes loquendi formulæ indicant unionem duntaxat moralem inter utramque in Christo naturam; ergo, &c.

*Resp.*



*Resp. Nego min.* Illi enim termini indifferentes sunt ad exprimendam unionem moralem tantum, vel physicam & substantialem; personarum ergo loquentium mens, scopus, & circumstantiæ accurate pensandæ sunt, ut geminus verborum illorum sensus habeatur. Christus ergo a Patribus dicitur, *deus, deificus, dominicus*, quia Deum sibi hypostatice unitum desert; Vocatur, *templum divinitatis*, substantialiter & hypostatice inhabitantis. Vocatur, *instrumentum divinitatis*, sed conjunctum, pertinens ad unitatem personæ.

Quæres 6. *Utrum B. V. Maria vere & proprie sit Mater Dei?*

*Resp. Affirm.* Nam genuit Filium Dei, Lucæ 1. *Quod nascetur ex te sanctum, vocabitur Filius Dei*; ergo est vere & proprie Mater Dei, prout definitum est in Concil. Ephesino contra Nestorium, his verbis. *Si quis non confiteatur, Emmanuelem vere Deum esse, & ob id Sanctam Virginem Dei param (genuit enim illa incarnatum Dei Patris Verbum secundum carnem) anathema sit.*

*Obje.* 1. B. V. Maria non genuit divinitatem: ergo. *Resp. Nego conseq.* Nam ut B. V. Maria sit Mater Dei, sufficit quod eum genuerit, qui non prius homo quam Deus exiit, eodem fere modo, quo, ut mulier aliqua vere dicatur mater hominis corpore & anima constantis, non opus est ut animam ipsam genuerit, sed sufficit, ut eum genuerit; qui anima præditus est.

*Obje.* 2. Mater debet esse ejusdem naturæ cum Deo; atqui B. V. Maria non est ejusdem naturæ cum Deo; ergo.

*Resp. Nego maj.* Nam, ut B. V. Maria dicatur & sit Mater Dei, sufficit, ut ejus partus ad suppositum divinum terminatus sit.

Quæres 7. *Utrum unio Verbi incarnati facta fuerit in unitate naturæ, ita ut unica sit in Christo natura?*

*Resp. Negat.* Quia Christus non potest esse Deus & homo, quin in eo sit utraque natura divina & humana, non confusa & permixta, sed omnino distincta; qui Christus est verus Deus, Matth. 16. *Tu es Christus Filius Dei vivi*. Est etiam verus homo Joan. 8. *Queritis me interficere hominem, qui vera locutus sum vobis*. Ergo . . . Hinc Concil. Chalcedonenſe definiit, *Christum esse Deum verum & hominem verum, consubstantialem Patri secundum deitatem, consubstantialem nobis secundum humanitatem . . . unum eundemque Christum, Filium, Dominum. Unigenitum, in duabus naturis inconfuse, incommunicabiliter, indivise, inseparabiliter agnoscendum.*

*Obje.* 1. Julius S. P. epist. ad Dionysium, dicit: *Necesse est eos, cum duas naturas dicunt, unam adorare, alteram non adorare.* Et D. Gregor. Thaumaturgus, in

ex



exposit. fidei. Non dua persone, inquit, neque dua nature, non enim quatuor nos adorare dicimus. Ergo.

*Resp.* Quod illa scripta falso ab Eutyshianis adscribuntur illis Patribus, ut probat Leontius, *Bibl. PP. Tom. 9. p. 707. G.*

*Obijciat* 2. Div. Cyrillus, *Epist. 1. ad Successum*, negat duarum naturarum distinctionem post unionem: *Post unionem*, inquit, *naturas easdem a se mutua non dividimus.*

*Resp. Nego ant.* Non enim negat distinctionem naturarum, sed negat tantum earum divisionem & separationem, quia nimirum in unitate personæ adunantur.

*Inst.* Idem, *Epist. 2.* docet duas naturas in Christo sola mentis consideratione distingui; ergo non suat distinctæ realiter.

*Resp. Nego consequ.* Nam utitur verbo, *distingui*, pro verbo, *dividi & separari*, quod patet ex eo quod in exemplum distinctionis de quo agit, profert unionem animæ cum corpore, quæ licet distincta sint, non sunt tamen separata.

*Obijciat* 3. S. Athanas. in Symbolo ait: *Sicut anima rationalis & caro unus est homo, ita Deus & homo unus est Christus.* Atqui anima & corpus in unam hominis naturam coalescunt; ergo, &c.

*Resp. Nego consequ.* Nam in eo tantum valet comparatio a D. Athanasio allata, quod sicut ex unionem animæ & corporis, una resultat hominis persona, ita & in Christo ex utriusque naturæ unionem.

Quæres 8. *Utrum unio hypostatica sit quid creatum?*

*Resp.* Est quid creatum, non *strictus*, quatenus creatio dicitur productio rei ex nihilo, sed *late*, quatenus sumitur pro actione qua aliquid fit, quod ante non erat: ratio est, quia incarnatio facta est in tempore.

Quæres 9. *Utrum unio hypostatica sit substantialis?*

*Resp. Affirm.* ut probavimus contra Nestorium.

Quæres 10. *Utrum unio hypostatica sit supernaturalis?*

*Resp. Affirmat.* Nam ad esse personale cum Deo attolli, est naturæ creatæ prorsus indebitum, omnemque illius exigentiam superat.

*Obijciat*: SS. Patres & Concilia docent unionem hypostaticam esse naturalem.

*Resp. To, naturale*, opponunt ficto & umbratili; non vero opponunt gratuito beneficio.

Quæres 11. *Utrum unio hypostatica sit indissolubilis?*

*Resp. Affirm.* Nam, Joan. 12. *Christus manet in aeternum*; & Hebr. 13. *Christus heri & hodie, ipse & in secula.* Unde axioma theologicum, *Quod semel Verbum assumpsit, nunquam dimisit.* Ego in triduo mortis Verbum mansit unum cum corpore & anima separatis: sed,

Quæres 12. *An Sanguis in Passione effusus, toto triduo mortis remanserit Verbo unitus?*

*R. sp.*



*Resp. Affirm.* Nam 1. fuit pars naturæ humanæ integrans, in resurrectione reassumenda. 2. Si in triduo mortis Calix fuisset consecratus, Verbum per concomitantiam fuisset sub speciebus vini, juxta illud Joan 6. *Qui bibit meum Sanguinem in me manet & ego in illo.*

*Quæres 13. Utrum totus Sanguis in Passione effusus, reassumptus fuerit a Verbo in resurrectione?*

*Resp.* Reassumptus fuit totus moraliter, id est, quoad maximam partem; sed probabile est quod non fuerit reassumptus totus physice: nam in linteaminibus, lancea, corona spinea, &c. remanserunt maculæ sanguineæ, quæ certe non fuerunt purus color, cum colores non sint activi, nec aliter communicentur, quam per adhaerentiam substantiæ coloratæ.

*Quæres 14. Utrum ex unionis hypostatice Verbi cum humanitate sequatur, personam Christi esse compositam?*

*Resp. 1.* Non est composita compositione, ex his. Nam omnis compositio ex his, fit ex partibus propriè dictis; atqui natura divina in Christo non potest habere rationem partis propriè dictæ: alias esset ens incompletum, dicens ordinem ad suam compartem, ut ab ipsa compleatur; ergo, &c.

*Resp. 2.* Est vere & propriè composita, compositione cum his. Nam compositio cum his, nihil aliud est, quam realis extremorum realiter distinctorum conjunctio ad constituendum unum per se; atqui in Christo talis est conjunctio; ergo. Unde Concil. generale V. anathema dicit ei, *qui non confiteatur unam ejus (Christi) subsistentiam compositam*; nimirum ex duabus naturis.

*Quæres 15. Utrum ex unionis hypostatice sequatur communicatio idiomatum in Christo?*

*Nota:* Communicatio idiomatum fieri potest in concreto, vel in abstracto. *Fit in concreto*, quando fundatur in unitate personæ, quia concreta supponunt personam, unde sensus hujus propositionis: *Deus est homo*, hic est, *persona habens divinitatem, est persona habens humanitatem*. *Econtra fit in abstracto*, quando fundatur in communicatione proprietatum divinitatis propriarum factæ humanitati, v. gr. *Humanitas est immensa, est ubique*. Hanc admittunt Lutherani, Ubiquistæ. His notatis:

*Resp. 1.* Datur in Christo vera & realis communicatio idiomatum in concreto. Nam 1. Scriptura humanitati in concreto tribuit ea quæ divinitatis sunt propria, v. gr. descensum de cælo, & existentiam in cælo dum Christus in terra degeret, Joan. 3. & vicissim divinitati in concreto tribuit ea quæ solius humanitatis propria sunt, v. g. mortem, Act. 3. *Auctorem vitæ interfecistis*. Unde in Symbolis fidei. *Deus dicitur pro nobis passus, mortuus, ac sepultus*... 2. Nomina concreta supponunt præcedem in recto, nempe præ supposito; ergo de se invicem possunt prædicari.



*Nec dicat*, hæc propositio, *unus de trinitate passus est*, fuit damnata a Felice III. S. P. *Respond.* enim quod non fuerit damnata in sensu obvio, in quo est vera & Catholica, sed damnata fuit in sensu Petri Gnaphæi & aliorum Eutychanorum, qui cum docerent divinitatem solam, humanitate penitus absorpta, remansisse in Christo, existimabant divinitatem carni factam consubstantiali, vero passam esse, quod est hæreticum.

*Resp. 2.* Non datur in Christo communicatio idiomatum in abstracto, ut fides docet contra Eutychanos, Ubiquistas. Nam quæ realiter a se invicem distinguuntur, non possunt de se invicem prædicari, nisi in aliquo communi subiecto, seu supposito uniantur; atqui duæ naturæ in Christo & earundem proprietates realiter distinguuntur, nec in ullo communi subiecto uniantur, quando considerantur in abstracto; ergo. Unde de humanitate Christi dicitur Matth. ult. *Non est hic*, *survexis enim*, &c.

*Obijcies 1.* Quando duo inseparabiliter uniantur, ubicumque unum illorum est, ibi debet esse & alterum; atqui verbum & humanitas inseparabiliter uniantur, & Verbum est ubique; ergo humanitas Christi est ubique.

*Resp. Dist. maj.* Si hæc duo uniantur adæquate & totaliter, *conc.* inadæquate, *nego maj.* Sic quia humanitas Christi non adæquat immensitatem Verbi, ideo ubi illa reperitur, reperitur etiam Verbum; sed non ubicumque est Verbum, est etiam humanitas.

*Obijcies 2.* Hæc propositio est vera: *Christus*, seu, *hic homo*, qui est *Christus*, est ubique; ergo & ista: *Christus*, ut homo, est ubique.

*Resp. Nego consequ.* Disparitas est, quod in prima prop. *homo*, supponit pro supposito, quod est immensum & ubique; in secunda vero, *homo*, propter particulam, *ut*, supponit pro sola humanitate, quæ, cum sit finita, non potest esse ubique.

## DISSERTATIO II.

*De sermone totali Incarnationis, seu de Christo.*

*Nota.* **I**N Christo perpendi possunt; scientia; gratia; dona ac virtutes; libertas; meritum; satisfactio; varii tituli ac officia; adoratio ipsi debita, & tandem Mater.

### CAPUT I.

*De scientia Christi.*

*Quæres 1.* **U**trum fuerit in Christo scientia creata?  
*Resp. Affirm.* Nam anima rationalis in Christi.



Christo non fuit sine sua propria operatione, alias fuisset imperfecta, utpote frustrata sine propter quem est; atque propria animæ rationalis operatio est cognitio & scientia; ergo.

*Obijciat*: Frustra fit per plura quod potest fieri per pauciora; ergo, cum Christus omnia cognoverit per scientiam divinam, scientia creata fuit inutilis.

*Resp. Dist. ans.* Quando fit per eandem facultatem, conc. quando fit per diversas facultates, *neg. ans.*

*Quæres 2.* Quotuplex sit scientia creata?

*Resp.* Triplex, scilicet, *beatifica*, quæ in clara Dei visione posita est. *Infusa*, quæ a Deo liberaliter infunditur, absque ullo humanitatis actu. Et *Acquisita*, quæ propriis naturæ viribus, successu temporis, comparatur.

*Quæres 3.* Utrum Christus, ut homo, habueris scientiam beatificam?

*Resp. Affirm.* Nam Christus, *Joan. 8.* dicit: *Si dixero quantum nescio eum, (Patrem) ero similis vobis mendax, sed scio eum, & sermonem ejus servo*: hic Christus loquitur de seipso ut homo est, ut probant hæc verba: *Sermonem ejus servo*. Atqui asserit se scire Patrem; scire autem, est rem clare & intuitive cognoscere: qui enim clare & intuitive non videt, credit, non novit, nec scit; ergo.

*Obijciat*: Christus in terris erat viator; ergo non potuit est visione beatifica.... *Resp.* Erat viator simul & comprehensor. Erat viator respectu impassibilitatis & immortalitatis sui temporis, quam debuit mereri, *Lucæ 24.* *Oportuit Christum pati, & ita inire in gloriam suam*, id est, corporis sui. Erat comprehensor respectu visionis beatificæ, qua patiebatur.

*Inst.* Visio Beatifica cum maximo dolore, maximaque tristitia, non potest compati; atqui Christus maximos dolores, maximamque expertus est tristitiam.

*Resp. Dist. maj.* Naturaliter, conc. per miraculum, *neg.* Porro Christus per miraculum contulit vim delectationis, quam sua anima percipiebat ex Dei fruitione, ut ipsa posset tristitiæ affectionem percipere.

*Quæres 4.* Utrum Christus, ut homo, habueris scientiam infusam?

*Resp. Affirm.* Nam Christus fuit vir perfectissime, *rem. 31.* *Novum creavis Dominus super terram, &mina circumdabit eum*. Atqui non fuisset vir perfectus, si, more cæterorum hominum, ad plenam rerum omnium scientiam debuisset paulatim, & quasi per ætatis gradus pervenire; ergo Unde Apostolus, *Coloss. 2.* de Christo, ait: *In quo sunt omnes thesauri sapientie & scientie*.

*Obijciat*: Per scientiam beatificam cognoscuntur omnia, quæ cognosci possunt per infusam; ergo hæc inutilis est.

*Compand. ex Charrmes.*

II

*Resp.*



*Resp. Dist. ant.* Cognoscuntur, diverso modo, *cont.* eodem modo, *neg.* Nam per scientiam beatificam res cognoscitur in essentia divina; ut per scientiam infusam res cognoscitur in se, seu in propria specie; hic autem cognoscendi modus Christum decebat, sicut & decuit, ut videret oculis corporeis, quod mente per scientiam beatificam videbat.

*Quæres 5. Quandonam humanitas Christi fructa est utraque illa scientia, beatifica & infusa?*

*Resp.* Fructa est a primo conceptionis instanti. Quia utraque illa scientia ipsi debebatur vi suæ unionis hypostaticæ cum Verbo; atqui a primo instanti conceptionis anima Christi fuit unita Verbo; ergo.

*Quæres 6. Utum Christus, ut homo, habuerit scientiam acquisitam?*

*Resp. Affirm.* Nam Lucæ 2. de Christo dicitur: *Proficiebat ætate & sapientia*; atqui non proficiebat sapientia infusa, ea enim in ipso fuit a primo conceptionis puncto; ergo proficiebat sapientia acquisita. Et Hebr. 5. *Cum esset Filius Dei, didicisti ex eis quæ passus es, obedientiam*, id est, quam arduum esset exequi quæ Deus ab eo postulabat.

## C A P U T II.

*De gratia, donis ac virtutibus Christi.*

*Quæres 1. Utrum fuerit in Christo gratia unionis?*

*Resp.* Fuit gratia unionis per quam ejus humanitas sanctificata est sanctitate substantiali; nam sanctificari substantialiter, est habere esse divinum sibi substantialiter unitum; atqui humanitas Christi per unionem hypostaticam, habet esse divinum sibi substantialiter unitum; ergo.

*Obijciunt 1.* Verbum non communicat humanitati suam immensitatem, æternitatem, &c. ergo nec suam sanctitatem.

*Resp. Nego confeg.* Disparitas est, quod humanitas sit capax recipiendæ sanctitatis substantialis, quæ nihil aliud est, quam sui unio hypostatica cum Verbo; e contra cum sit finita & limitata, non est capax æternitatis & immensitatis recipiendæ.

*Obijciunt 2.* Humanitas Christi, est tam capax divinæ potentiae & scientiæ, quam sanctitatis; atqui Verbum non communicat humanitati omnipotentiam & omniscientiam; ergo, &c.

*Resp. Dist. maj.* Disparitas est, quod sanctitas se habeat per modum rei ejusdem moralis, subjectum moraliter efficientis, ob quam dignum censetur, quod diligatur a Deo, & jus habeat ad æternam beatitudinem, quæ omnia non præsupponunt aliquam formam intrinsicam



Quæres 2. *Utrum Christus ut homo habuerit gratiam habituales?*

*Obijcies 1. Gratia habitualis reddit subiectum, in quo est, Filium Dei adoptivum; atqui Christus non potest esse Filius Dei adoptivus; ergo.*

Objicies 2. Gratia habitualis non erat Christo, necessa-  
ria; ergo.

*Resp. Dist. ant.* Absolute, *conc.* ut connaturaliter eliceret actus supernaturales & meritorios, *nego ant.*

*Inft.* Gratia habitualis non ordinatur ad operationem; ergo non fuit neceffaria Chrifto ad actus fupernaturales eliciendos connaturaliter.

*Resp. Dist. ant.* Non ordinatur ad operationem primario & proxime, *sonc*, radicaliter & secundario, *nego ant.* Equidem gratia habitualis primario & proxime ordinatur ad sanctificandam animam & eam efficiendam Deo gratam; verum secundario & radicaliter ordinatur ad operationem, quatenus virtutem animæ confert ad producendos actus supernaturales.

Quæres 3. *Utrum gratia Christi habitualis fuerit in-*  
 *finita?*

*Resp.* Non fuit infinita physice, quia est creata; sed fuit infinita moraliter, id est, juxta quamdam æstimationem moralem, propter conjunctionem cum personalitate Verbi.

Quæres 4. Quasnam insuper gratias Christus habue-



*Resp.* 1. Habuit gratiam actualem, non quidem excitantem, quia semper vigil & ad optima, quæque erectus fuit, sed cooperantem, qua eguit ad actus supernaturales.

*Resp.* 2. Habuit omnes gratias datas, nempe gratiam sanitatum, operationem virtutum, genera linguarum, &c.

*Resp.* 3. Habuit omnia dona Spiritus sancti; Isaïæ 11. *Requiescet super eum Spiritus Domini, Spiritus sapientiæ & intellectus; Spiritus consilii & fortitudinis; Spiritus scientiæ & pietatis; & replebit eum Spiritus timoris Domini.*

Quæres 5. *Utrum virtutes Theologicæ fuerint in Christo?*

*Resp.* 1. In Christo fuit *charitas*: Nam vel est quid idem cum gratia habituali, ut volunt Scotistæ; vel ejus individua comes, ut volunt Thomistæ.

*Resp.* 2. In Christo non fuit *fides*, quia statui beatitudinis adversatur, propter ejus obscuritatem; nec *spes*, quia fides est fundamentum spei; ergo ubi non est fides, nec est spes.

Quæres 6. *Utrum omnes virtutes morales infuse fuerint in Christo?*

*Resp. Affirm.* Nam simul cum gratia habituali infunduntur.

Quæres 7. *Utrum omnes virtutes morales acquisite fuerint in Christo?*

*Resp.* Eæ virtutes, quæ peccatum non supponunt, fuerunt in Christo. Quia animam ejus perficere ac rite instituere poterant ad opera legi naturæ consentanea exercenda intra limites ejusdem legis.

Hinc 1. *Temperantia* non fuit in Christo, quatenus importat resistantiam pravis concupiscentiæ motibus, quia sic peccatum supponit; sed solum quatenus dicit abstinentioniam ab omni voluptate venerea.

Hinc 2. *Penitentia* non fuit in Christo, quatenus dicit dolorem de peccatis propriis; sed solum quatenus dicit principium actus, quo dolemus de peccatis alienis & offensa Dei.

## C A P U T III.

### De libertate, & merito Christi.

Quæres 1. **U**trum Christus fuerit liber circa præcepta legis naturalis?

*Resp.* 1. Non fuit liber quoad substantiam rei imperatæ: quia rem legem naturali præceptam non potuit omittere, aut rem eadem lege prohibitam ponere.

*Resp.* 2. Fuit liber quoad motivum & circumstantias rei imperatæ; quia nec motivum actus, nec ejusdem circumstantiæ imperantur; ergo, &c.

Quæ-



Quæres 1. *Utrum Christus in subeunda morte a Patre præcepta fueris liber?*

*Resp. Affirm.* Nam 1. Christus, Joan. 10. dicit: Ego pono animam meam... nemo tollas eam a me, sed ego pono eam a me ipso. Supra quæ verba D. Aug. Tract. 47. in Joan. introducit Christum dicentem: Non glorietur Judæi... sevant quantum possunt, si ego nolueris animam meam ponere, quid seviendo facturi sunt? 2. Christus ipsa sua morte meruit, Joan. 10. Propterea me diligit Pater, quia pono animam meam. Et Hebr. 5. Consummatus, factus est omnibus obtemperantibus causa salutis æternæ. Atqui ad merendum requiritur libertas a necessitate simpliciter, ut definiuit Innoc. X. ergo, &c.

Quæres 3. *Quomodo Christi libertas circa mortem præceptam, cum ejus impeccabilitate conciliari potest?*

*Resp.* Conciliari potest dicendo Christi libertatem in hoc consistere, quod potuerit dispensationem a Patre petere & obtinere si voluisset, quam tamen libens ac volens non petivit, juxta illud Matth. 25. An putas, quia non possum rogare Patrem meum, & exhibebis mihi modo plus quam duodecim legiones Angelorum? Sed qui dispensationem ab aliquo præcepto petere potest & obtinere, nec tamen eam vult petere, ad hujus præcepti observationem, vel non observationem, est maxime liber: ergo.

*Obijciat:* Quando Christus dixit: An putas quia non possum rogare Patrem, &c. jam acceptaverat legem moriendi; ergo inde non potest concludi, quod dispensationem ab illa lege potuerit obtinere.

*Resp. Dist. ans.* Jam acceptaverat legem moriendi, & simul facultatem sibi reservaverat, dispensationem petendi ab illa lege, si vellet, *cons. serus, nego ans.* Id constat ex textu.

*Inst. 1.* Præceptum quo quis sese liberare potest per dispensationem quam habet in sua potestate, non est verum & rigorosum præceptum; atqui Christo fuit impositum verum & rigorosum præceptum; ergo.

*Resp. Dist. maj.* Non est rigorosum præceptum, si ab eo quis possit sese eximere auctoritate propria, *cons. si sola auctoritate præcipientis, nego maj.*

*Inst. 2.* Præceptum rigorosum semper obligat sub culpa; atqui præceptum, a quo quis potest dispensationem obtinere, non semper obligat sub culpa; ergo.

*Resp. Dist. maj.* Semper obligat sub culpa, vel ad rem præceptam exequendam, vel ad obtinendam dispensationem, *cons. semper obligat ad exequendam rem præceptam, nego.*

Quæres 4. *Utrum Christus vere ac proprie meruerit?*

*Resp. Affirm.* Ut fides docet: Hebr. 5. Consummatus, factus est omnibus obtemperantibus sibi, causa (utique meritorea) salutis æternæ. Trid. Sess. 6. cap. 7. Christus sua



sanctissima passione in ligao crucis nobis justificationem meruit, & pro nobis Deo Patri satisfecit. Ratio est, quia in Christo reperiuntur omnes conditiones ad meritum de condigno, scilicet status viæ, libertas arbitrii, sanctitas, & promissio ex parte Dei, Isaïæ 55: Si posueris pro peccato animam suam, videbit semen longævum.

Quæres 5. Quandoenam incipit mereri Christus?

Resp. A primo conceptionis instanti, Hebr. 10. Ingressionem mundum dicit: hostiam. & oblationem. noluisse. . . . tunc dixi, ecce venio, ut faciam, Deus, voluntatem tuam. . . . in qua voluntate sanctificati sumus, per oblationem Corporis Christi semel.

Obijciat: Prius est esse quam operari; ergo Christus non meruit primo suæ conceptionis instanti.

Resp. Dist. ant. Prius est natura, cons. tempore, nego. Unde potuit eodem instanti reali incipere esse & operari libere, ideoque mereri.

Quæres 6. Utum Christus adhuc hodie mereatur?

Resp. Negat. Nam ad meritum requiritur status vitæ: unde de seipso dicit: Me oportet operari opera ejus, qui misit me, donec dies est: venis non quando nemo potest operari.

Obijciat: Hebr. 7. de Christo dicitur, quod sit semper vivens ad interpellandum pro nobis. Ergo adhuc meretur.

Resp. Nego cons. Nam interpellat pro nobis, non de novo merendo; sed meritum in sua morte consummatum Deo offerendo, nobisque applicando.

Quæres 7. Per quosnam actus Christus meruerit?

Resp. Per solos actus liberos humanitatis suæ: ex quo D. Thom. hic quest. 29. art. 3. ad 1. dicit: Nec tamen per charitatem meruit in quantum erat charitas comprehensoria, sed in quantum erat viatoris.

Quæres 8. Quid sibi Christus meruerit?

Resp. Sibi meruit gloriam Corporis, & nominis exaltationem, Philipp. 2. Humiliavit semetipsum, factus obediens usque ad mortem, mortem autem crucis. Propter quod & Deus exaltavit illum, & donavit illi nomen, quod est super omne nomen, &c.

Obijciat: Corporis gloriæ & nominis exaltatio erant Christo debitæ ratione unionis hypostatice; ergo, &c.

Resp. Nego cons. Nam debitum naturale, & meritum inter se non pugnant; ergo duplici illo titulo Christus recepit gloriam Corporis, & nominis exaltationem.

Quæres 9. Quid nobis Christus meruerit?

Resp. Nobis meruit 1. omnia dona gratiæ, Rom. 8. Justificati gratis per gratiam ipsius, per redemptionem quæ est in Christo Jesu. Unde Concil. Trid. sess. 6. cap. 5. Declarat ipse justificationis exordium in adultis a Deo per Christum Jesum, præveniente gratia, sumendum esse. 2. Omnia dona gloriæ, Rom. 5. In visa regnabunt per unum Jesum Christum. Quod etiam definitur in Cons. Trid. sess. 6. cap. 16.

Quæ



Quæres 10. Quid Christus Angelis sanctis meruerit?

Resp. 1. Non eis meruit gratiam & gloriam essentialem: nam 1. non est mortuus pro ipsis, Hebr. 2. *Qui sanctificat, & qui sanctificantur, ex uno omnes*. . . *nusquam enim Angelos apprehendit, sed semen Abrahe*. 2. Gratia, & consequenter gloria, decreta est Angelis ante prævisam Incarnationem.

Resp. 2. Angelis sanctis meruit quasdam illustrationes, & gaudia, aliaque dona accidentalia. Nam Coloss. 2. *Christus est caput omnis principatus & potestatis*, id est, Angelorum; ergo aliqui ipsis meruit: atqui ipsis non meruit gratiam & gloriam essentialem; ergo, &c.

## CAPUT IV.

## De satisfactione Christi.

Quæres I. **U**trum Christus vere ac proprie pro nobis satisfecerit?

Resp. Affirm. Prout fides docet contra Socinianos: nam ad proprie dictam satisfactionem tria requiruntur, nempe 1. impositio pœnæ a superiore. 2. Ejusdem pœnæ voluntaria susceptio in inferiore. 3. Ejusdem pœnæ, læso rei, per veram subrogationem, perolutio; atqui 1. Deus oneravit Christum pœnis peccato debitis, Isaïæ 53. *Posuit Dominus in eo iniquitatem omnium nostrum*. 2. Christus illas pœnas persolvendas in se suscepit, Galat. 3. *Christus nos redemis de maledictione legis, factus pro nobis maledictum*, id est, punitionem nobis debitam in se transtulit. 3. Easdem pœnas læso nostri, per veram subrogationem, persolvit, 1. Cor. 5. *Qui non novit peccatum, pro nobis peccatum fecit*; ergo.

Obijcies; Si Christus pro nobis satisfecisset; 1. Debitum nostrum non fuisset gratis remissum. 2. Inanes & frustraneæ essent nostræ privatæ satisfactiones. 3. Innocens pro reo plecteretur, quod est contra æquitatem. 4. Deus sibi ipsi satisfaceret, nam Christus est Deus: atqui hoc repugnat; ergo.

Resp. Ad 1. distinguendo: Debitum non fuit gratis remissum, respectu Christi sponsoris, qui pro debitore solvit, conc. respectu hominis debitoris, cujus persona le debitum in sponsorem solutionem personalem acceptaverit, fuit certe maxima benignitas, eaque censetur gratuita debiti remissio respectu hominis.

Resp. Ad 2. nego sequel. Quia licet Christus omne pretium pro nobis solverit, ejus tamen merita non applicantur, nisi per bonas nostras actiones per gratiam Christi elicitas, nec Deus acceptavit satisfactiones Christi, nisi sub hac conditione.

Resp. Ad 3. dist. Est contra æquitatem, ut innocens pro



pro reo plectatur, si sponsor ejus non fuerit a Deo ipso constitutus, *conc.* si sponsor ejus fuerit, *nego*. Peccata enim rei quoad poenam censentur translata in sponsores.

*Resp. Ad 4. nego ans.* Ad prob. *dist.* Christus est Deus, simul & homo, *conc.* est Deus tantum, *nego*. Porro Christus ut homo, sibi ipsi satisfecit ut Deo, in quo nulla est contradictio.

*Quæres 2. Utrum Christus satisfecerit ex vera justitia?*

*Resp. Affirm.* Nam Rom. 3. dicitur: *Quem proposuit Deus propitiationem per fidem in sanguine ipsius, ad ostensionem justitiæ suæ.* Et Coloss. 2. *Delens quod adversum nos erat chirographum decreti, quod erat contrarium nobis, & ipsum tulit de medio affigens illud cruci.* Atqui hæc voces: *Ostensio justitiæ, delens chirographum, sonant satisfactionem ex vera justitia; ergo.* Quare D. August. lib. 13. de Trinitate, ait: *Non autem diabolus potentia Dei, sed justitia superandus fuit.*

*Obijcies.* Inter Patrem & Filium, non potest dari actus justitiæ strictæ dictæ; atqui Christus ut Deus homo, est Filius Patris æterni; ergo.

*Resp. Dist. maj.* Si Filius non habeat bona propria, *conc.* si habeat, *nego.* Filius autem Dei habet humanitatem, cujus est Dominus; ergo ex propriis potuit satisfacere.

*Quæres 3. Utrum Christus satisfecerit ex justitia rigore?*

*Resp. Affirm.* Nam satisfactio rigorosa definitur: *Redditio voluntaria honoris æquivalentis, ex propriis, & aliunde indebitis, ad compensandam injuriam alteri, per peccatum, illatam; atqui sex conditiones in illa definitione contentas habuit satisfactio Christi; ergo, &c. Nam:*

I. Fuit voluntaria: Isaïæ 53. *Oblatus est, quia ipse voluit.*

II. Fuit æquivalens, imo & superabundans. Nam I. ex Psalm. 129. *Copiosa apud eum redemptio.* Et Rom 5. *Ubi abundavit delictum, superabundavit & gratia.* Ergo redemptio per Christum fuit superabundans. 2. Satisfactio Christi in genere moris est infinita simpliciter valoris: nam ille valor petitur ex dignitate personæ satisfaciæntis, quæ est illius principium quod; persona autem Christi est infinita simpliciter; ergo, &c.

*Obijcies:* Christus satisfecit per actiones humanas; atqui actiones humanæ Christi non sunt infinitæ; ergo ejus satisfactio non fuit infinita.

*Resp. Dist. min.* Non fuerunt infinitæ, quoad entitatem physicam; *conc.* quoad valorem moralem, *nego min.*  
Du.



Duplex enim fuit valor moralis in actionibus Christi Theandricis, nimirum radicalis & derivatus; *radicalis*, est ille qui petitur ab ipsa Verbi divini personalitate, in quantum est veluti pars pretii oblati, ex qua & ipsa actione, unum quoddam morale coalescit, quod Deo in satisfactionem offertur. Hic valor est infinitus, utpote fluens a persona Verbi infinita. *Valor derivatus*, est ille qui petitur ab ipsa Verbi personalitate, prout habet rationem circumstantiæ significantis actiones agentis. Hic est etiam infinitus, utpote fluens ex unione hypostatice Verbi cum humanitate.

*Inst.* Ut valor radicalis actionum Christi sit infinitus, debuit persona Christi sese submittere & offerre; atqui persona Christi, utpote divina, non potuit sese submittere & offerre; ergo, &c.

*Resp. Dist. min.* Persona Christi secundum se sumpta, *conc.* hypostatice unita cum humanitate, *nego min.* Nam de ea sic considerata scribit Apostolus Coloss. 3. *Humiliavit semetipsum.*

III. *Satisfactio Christi fuit ex propriis bonis*; nam Christus satisfecit per actiones *Theandricas*; atqui actiones *Theandricæ* erant sub speciali & absoluto Christi dominio, persona enim Verbi, utpote divina, sub nullius dominio jacebat, siue spectetur ut erat pars satisfactionis, siue ut dignificabat actiones satisfactorias; ergo, &c.

*Obijcies*: Christus satisfecit in quantum erat homo; atqui omnia; quæ Christus habuit ut homo, erant sub dominio Dei; ergo.

*Resp. Dist. maj.* Christus satisfecit in quantum erat homo & Deus simul, *conc.* in quantum homo tantum, *nego maj.* Suppositum enim Verbi & fuit pars satisfactionis, & actiones satisfactorias dignificavit.

IV. *Satisfactio Christi fuit ex bonis alias indebitis*; constat ex dictis: illud quippe est alteri indebitum, quod est sub singulari & absoluto Christi dominio; atqui, &c.

*Obijcies*: Omnes actiones Christi satisfactoriæ erant creaturæ; ergo erant Deo debitæ titulo gratitudinis, religionis, &c.

*Resp. Dist. ant.* Erant creaturæ, quoad entitatem, *conc.* quoad valorem substantialem, *nego min.* Valor enim ille oritur ab ipsa verbi persona, quæ sicut nulli subjacet, sic nulli quidquam debet.

V. *Satisfactio Christi fuit ad compensandam injuriam Deo per peccatum illatam.* Rom. 5. *Cum inimici essemus, reconciliati sumus Deo per mortem filii ejus.*

VI. *Satisfactio Christi fuit ad alterum.* Quia fuit ab ipsa Verbi divini personalitate, ut terminante naturam humanam; at personalitas Verbi prout terminat naturam humanam distinguitur non tantum a personis Patris & Spiritus sancti, sed etiam a seipsa prout in divina tantum natura subsistit; habet enim naturam distinctam,



dominium distinctum, personam saltem virtualiter distinctam; ergo, &c.

*Obijciat*: Satisfactio, quæ a Filio exhibetur Patri, non est proprie ad alterum, quia Pater & Filius unam tantum, saltem moraliter, personam constituunt; ergo.

*Resp. Nego maj.* Ad prob. *dist.* si non habeant dominia diveria, *cont.* si habeant, *nego ant.* Perro Christus, prout est homo, dominium habet omnino distinctum a dominio Patris, ratione cujus personam virtualiter a Patre distinctam habet.

## C A P U T V.

*De variis Christi titulis & officiis.*

*Quæres* 1. *Quibus titulis insignitur Christus, ut homo?*

*Resp.* In scripturis hi præcipue numerantur.

1. Est & vere dicitur prædestinatus, 1. Ad filiationem divinam, quia decretum fuit ab æterno, ut Christus quatenus homo, esset in tempore Filius Dei, Rom. 1. *Qui prædestinatus est Filius Dei in virtute.* 2. Prædestinatus est ad visionem beatificam, quia prædestinatus est ad divinam filiationem, cui visio beatifica debetur, & ex qua sequitur.

*Obijciat*: Prædestinatio refertur ad personam; atqui persona Christi non potest dici prædestinata ad divinam filiationem; ergo.

*Resp. Dist. min.* Persona Christi, prout in seipsa subsistens, *cont.* prout subsistens in natura humana, *nego.* Licet ergo persona Verbi semper fuerit Filius Dei simpliciter, non tamen fuit semper Filius Dei, quatenus subsistens in humanitate assumpta, sed hoc acquisivit in tempore ex mera Dei liberalitate.

II. Est Filius Dei, non adoptivus, sed naturalis, ut definiit Adrianus Papa & Concil. Francofordiense, contra Felicem & Elipandum. Nam 1. Scriptura Christum etiam, prout est homo, vocat Dei Filium, Rom. 8. *Qui proprio Filio suo non peperit, sed pro nobis omnibus tradidit illum.* Atqui non est traditus secundum divinitatem, sed secundum id, quod erat homo, ait Adrianus Papa; ergo. 2. In Concil. Francof. approbatus est Liber, qui inscribitur, *Sacrosyllabus*, in quo dicitur: *Proprius Filius factus est ex muliere, non adoptivus.* 3. Filius adoptivus est persona extranea quæ per gratiam ad hereditatem assumitur. Atqui Christus, etiam ut homo, non est persona extranea respectu Dei, cum sit ipsamet persona Verbi, quæ est vere & proprie Filius Dei; ergo, &c.

Hinc Christus, etiam ut homo, nec est, nec dici potest servus proprius: nam servus proprie est is, qui non est sui juris, sed domini, ad cujus hereditatem & bona nul-



nullum habet jus; atqui Filius naturalis est sui juris, ac vi suæ originis habet jus ad bona & hæreditatem Patris; ergo.

*Objicies* 1. D. Hilarius, lib. 2. de Trinit. ait: *Possessis dignitas non admittitur, dum carnis humilitas adoptatur*; ergo.

*Resp.* in textu Hilarii mendum irrepsisse in aliquibus exemplaribus, positumque, *adoptatur*, pro, *adoratur*.

*Objicies* 2. Christus habet formam adoptionis, nempe gratiam sanctificantem; ergo est Filius adoptivus: forma enim necessario producit suum effectum.

*Resp.* Nego *conseq.* Ad prob. *dist.* in subiecto capaci, *conc.* in subiecto incapaci, *nego*. Porro Christus, cum sit Filius naturalis, incapax est adoptionis.

*Objicies* 3. Filius naturalis, est productus in similitudinem naturæ; atqui Christus, ut homo, non est productus a Deo in similitudinem naturæ; ergo.

*Resp.* *Dist. maj.* Filius naturalis, qui producit per viam generationis, *conc.* per viam unionis substantialis cum Verbo, *nego maj.* Itaque Christus, ut homo, in primo suæ conceptionis instanti fuit hypostaticè unitus cum Verbo, cujus unionis virtute fit, ut una sit cum Deo persona, & consequenter Filius Dei naturalis.

*Objicies* 4. Christus, Philipp. 2. formam servi accepit; ergo.

*Resp.* *Dist. ant.* Accepit formam servi improprie, & quoad officia tantum, *conc.* quoad conditionem servilem, *nego ant.* Equidem ad officia servi sese demisit Christus, sed servi conditionem nunquam suscepit, imò nec suscipere potuit, utpote Filius Dei naturalis.

III. Est caput Ecclesiæ, Ephes. 1. *Ipsium dedit caput super omnem Ecclesiam*. Ratio est, quia in omnia Ecclesiæ membra gratiam & dona spiritualia influit; nam, Joan. 1. de plenitudine ejus omnes accepimus.

Hinc est caput morale 1. *Angelorum*, in quos influit per varias illuminationes, variaque dona gloriæ & gaudiorum accidentalium. 2. *Beatorum*, quibus communicat gloriam. 3. *Iustorum*, quibus communicat gratiam & charitatem. 4. *Fidelium peccatorum*, qui illi uniuntur per fidem, quæ, licet sit mortua, est tamen gratia per Christum. 5. Est etiam caput *infidelium*, non quidem actu, cum nullam vitam ipsis communicet, neque perfectam per charitatem; neque imperfectam per fidem; sed potentia, quatenus ipsis communicat gratias actuales, quibus si cooperarentur, ulterioribus auxiliis instruerentur, quibus possent ad fidem pervenire, baptizari & salvari. 6. Nullo modo est caput *damnatorum*, quia nullum a Christo recipiunt influxum, a quo in æternum sunt separati.

IV. Est Rex, non solum ut Deus, sed etiam ut homo;



mo; nam, *Rf. 2.* de seipso dicit: *Ego autem constitutus sum Rex super Sion montem sanctum ejus*: atqui non est constitutus Rex ut Deus, cum titulum illum sario ex natura divina habeat: ergo. Porro regnum Christi fuit spirituale, non temporale, ut ipsemet declarat, *Joan. 18.* *Regnum meum non est de hoc mundo.*

V. Est Judex vivorum & mortuorum, etiam ut homo; nam, *Act. 10.* *Ipsa est constitutus a Deo Judex vivorum & mortuorum*; atqui non est constitutus Judex ut Deus; ergo.

VI. Est vere ac proprie Sacerdos, prout homo hypostatice unitus Deo; *Plalm. 109.* *Tu es Sacerdos in æternum secundum ordinem Melchisedech.*

Dicitur 1. *Prout homo hypostatice unitus Deo*; quia Sacerdos debet esse medius inter Deum & homines, debetque habere Superiorem cui sacrificet; atqui Christus, non ut Deus, sed ut homo, est medius inter Deum & homines, estque Deo inferior; ergo. Hinc Apostolus, *Hebr. 5.* dicit: *Omnis Pontifex ex hominibus assumptus*, &c.

Dicitur 2. *Secundum ordinem Melchisedech*; quia Melchisedech, offerendo panem & vinum, præfiguravit sacerdotium a Christo instituendum.

Dicitur 3. *in æternum*: 1. Quia Christus non habet successores, sed vicarios, nam *Hebr. 7.* *Eo quod maneat in æternum, sempiternum habet sacerdotium*. 2. Quia effectus sacrificii Christi, qui est consummatio sanctorum in gloria, in æternum duraturus est; & sic causa dicitur æterna ab æternitate effectus.

VII. Christus ut homo, est Patronus noster; quia 1. in hac vita vere ac proprie oravit pro nobis, *Lucæ 6.* *Exiit in montem orare, & erat pernoctans in oratione Dei*. 2. Etiam nunc in cælis orat pro nobis, *Rom. 3.* *Christus, qui est ad dexteram Dei, qui etiam interpellat pro nobis*. Ad quæ verba D. August. *Epist. 59.* ait: *Quia postulat, pro eo positum est, interpellat*.

*Obijcies*; Christus nunc non meretur; ergo nec orat.

*Resp. Nego consq.* Disparitas est, quod status viæ requiratur ad merendum, non autem ad orandum.

*Inst.* Qui orat, impetrat; sed qui impetrat meretur; ergo, &c.

*Resp. Dist. min.* Qui impetrat propter dignitatem actualem suæ orationis, meretur, *cons.* propter merita præterita, *nego min.* Sic autem Christus impetrat.

VIII. Est mediator Dei & hominum, 1. ad *Tim. 2.* *Unus Deus, unus & mediator Dei & hominum homo Christus Jesus*; ergo est mediator, non secundum divinitatem, ut vult Calvinus; sic enim est Deus; ergo non medius inter Deum & homines, sed secundum humanitatem Verbo



Verbo divino hypostatise unitam, sic enim distat a Deo in natura, & ab hominibus in dignitate infinita gratiæ unionis: Christus ergo est mediator, ut homo Deus, seu ut homo subsistens persona divina, ita ut persona divina fuerit principium quod mediationis Christi, & natura humana principium quo.

Quæres 1. *Utrum Christi mediatio excludat mediationem Sanctorum, una cum ipso in celis regnantium?*

Resp. Non excludit; quia licet Christus sit solus mediator simpliciter, quatenus reconciliat partes dissidentes, non solum orando, sed etiam solvendo & satisfaciendo uni parti pro altera; sancti tamen sunt mediatores secundum quid & mediate, quia interpellant Deum pro hominibus, sed mediate tantum, nempe per Christum qui nos redemit.

Quæres 2. *Quid fides doceat de sanctorum erga nos officiis?*

Resp. Docet 1. Sanctos suas orationes pro nobis offerre. 2. Bonum ac utile esse eos invocare. Mandat sancta Synodus omnibus Episcopis, &c. ut juxta catholicæ & apostolicæ Ecclesiæ usum a primævis christiana religionis temporibus receptum . . . fideles diligenter instruans, docentes eos, sanctos una cum Christo regnantes, orationes suas pro hominibus Deo offerre; bonum atque utile esse suppliciter eos invocare, &c.

Hoc dogma jam definitum fuerat in VI Synodo, cap. 7. Solo Deo adorato, invocet Christianus sanctos Christianos, ut pro se intercedere apud maiestatem divinam dignentur.

Ratio est, quia pium & utile est invocare Sanctos viventes. No cesses pro nobis clamare ad Dominum, ubi salvet nos, inquit filii Israel ad Samuelem, lib. 1. Reg. cap. 7. & Apostolus Rom. 5. ait: Obsecro vos, fratres, ut adjuvetis me in orationibus pro me ad Deum. Ergo similiter pium ac utile est invocare homines Sanctos, qui cum Christo regnant in cælis.

Prob. consequ. Quia si non sit pium ac utile Sanctos invocare; hoc est vel quia nolunt nobis succurrere; vel quia non possunt; vel quia quod oramus ignorant; vel quia ipsos invocando fit injuria Deo & Christo; atque neutrum horum dici potest.

Non primum, cum nunc majori charitate sint præditi, quam cum in terris degerebant.

Non secundum, quia si poterant nobis succurrere, cum hic erant peregrini, quanto magis nunc poterunt in patria?

Non tertium, quia unde sciunt Angeli conversionem peccatorum, pro qua tantopere gaudent in cælis? Lucæ 15. Inde sciunt Sancti nostras preces, nimirum per revelationem divinam.

Non



*Non quartum*, quia similiter fieret injuria Christo, viventes Sanctos invocando. Hoc argumentum Calvinistæ nunquam solvere potuerunt.

*Obicies 1.* Injuriosum est Christo mediatorem apud Deum adjungere; atqui praxis invocandi Sanctos, Christo mediatorem adjungit; ergo.

*Resp. Dist. maj.* Injuriosum est adjungere Christo mediatorem, primum & simpliciter, *conc.* secundarium & secundum quid, *neg.* Nam mediator secundarius non est ille qui pro nobis solvit ac satisfacit; sed est ille tantum qui pro nobis orat per merita primarii mediatoris, quod tantum abest ut sit Christo injuriosum, quin potius ejus merita maxime commendat.

*Obicies 2.* Oratio, quæ ad Sanctos mortuos dirigatur, ab illis, ignoratur, nam, Eccli. 19. *Mortui nihil novimus amplius.* Ergo est prorsus inutilis.

*Resp. Nego ant.* Nam Lucæ 15. beati gaudent de poenitentia peccatoris; ergo cognoscunt actus liberos hominum viventium, non quidem *naturaliter* & virtute propria, quo sensu textus allatus debet intelligi, sed *supernaturaliter*, per revelationem: omnia enim quæ ad ipsos pertinent, vident in Deo.

## C A P U T VI.

*De adoratione, seu cultu Christi, ejus matris, Sanctorum, imaginum, ac reliquiarum.*

**Quæres 1.** Quid sit adoratio?

*Resp.* Est, *testificatio excellentiæ altius, & propter illam nostræ erga eum submissionis.* Si excellentia sit civilis, cultus est mere civilis; si sit sacra & supernaturalis, cultus est sacer. Si cultus exhibetur alicui rei propter excellentiam propriam, dicitur *absolutus*; si propter excellentiam alterius quem representat, vel ad quem relationem habet, dicitur *respectivus*.

**Quæres 2.** Quæplex est adoratio sacra?

*Resp.* Triplex est, propter excellentiæ diversitatem: nimirum *latria*, *hyperdulia* & *dulia*. . . . *latria*, soli Deo exhibetur propter infinitam ejus excellentiam; hic cultus latriæ, secundum communem usum, per nomen, *adoratio*, exprimitur. . . . *hyperdulia*, soli B. M. V. exhibetur propter eximiam ejus super omnes alias creaturas præeminentiam. . . . *dulia*, Sanctis exhibetur propter eorum gratiæ & gloriæ supernaturalem excellentiam.

**Quæres 3.** Utrum Christus, quatenus est hic homo, sit colendus cultu latriæ absoluto?

*Resp. Affirm.* Quia sic sumptus, est verus Deus.

**Quæres 4.** Utrum Christus, ut homo, sive humanissae Christi,



*Christi, pro ut conjuncta Verbo divino, adorari debeat cultu latræ absoluto?*

*Resp. Affirm.* Nam 1. Apostolus, *Philipp. 2.* dicit: *Christus factus est pro nobis obediens usque ad mortem . . . propter quod & exaltatus illum, & donavit illi nomen quod est super omne nomen; ut in nomine Jesu omne genu flectatur; ergo is est cultu latræ adorandus quem Deus exaltavit in meritorum mercedem; atqui Christus, non ut Deus, sed ut homo fuit exaltatus in meritorum mercedem; ergo . . . 2. D. Damasc. lib. 3. de fide, ait: Unus igitur Christus, Deus perfectus, & homo perfectus, quem adoramus cum Patre & Spiritu unicæ adoratione cum ejus immaculata carne: neque tamen, hoc agentes, creatura servimus; non enim velus nudam carnem adoramus, sed us divinitati conjunctam . . . 3. Concilium generale V. Si quis, inquit, duas adorationes introduci, & non una adoratione Verborum incarnatum cum propria ejus carne adoras; anathema sit . . . 4. Tota Christi persona latræ cultu adoratur; atqui tota Christi persona, non est solum personalitas Verbi, sed etiam omnis naturæ quæ in illa subsistit; ergo.*

*Obijcies; Humanitas Christi non est Deus; ergo.*

*Resp. Dist. ant.* Humanitas a Verbo separata, *conc.* cum Verbo hypostatice unita, *nego*; Quia sic spectata, est natura Verbi, cui conjuncta est in unitate personæ.

*Quæres 5. Utrum B. Virgo, ceterisque Sancti, colendi sint aliquo cultu religioso absoluto?*

*Resp. Affirm.* Prout definit Conc. Trid. *sess. 25.* contra Lutheranos & Calvinistas. Nam tam licet Sanctos cultu religioso colere ob eorum supernaturales dotes, quam licet cultu civili & politico honorare Principes; atqui, &c. ergo Honorare debet Sanctos, ut amicos Dei, ut filios & heredes Dei, ait Div. Damasc. lib. 4. de fide, cap. 16.

*Obijcies; Apoc. 19.* Angelus Joanni, volenti ipsum adorare, dixit: *Vide ne feceris, servus enim tuus sum . . . Deum adora.* Ergo.

*Resp. Nego conseq.* Non enim Angelus hunc cultum reculavit, quod sit illicitus, sed quia, ut docet D. August. sic apparuit, ut potuerit existimari Christum, quare monendus fuit D. Joannes, ne cultum latræ exhiberet.

*Inst.* Apostolus, *Coloss. 2.* ait: *Nemo vos seducat in humilitate & religione Angelorum.* Ubi reprehendit quosdam, qui Angelis cultum exhibebant; ergo.

*Resp.* Reprehendit quosdam qui Angelis exhibebant cultum *latræ*, dicentes per eos mundum fuisse conditum, nosque Deo reconciliatos, non autem per Christum, quem Angelis inferiorem esse contendebant.

*Quæres 6. Utrum aliquis cultus religiosus debeatur sacris Imaginibus?*

*Resp. Affirm.* Nam. I. post Nicænam II. Synodum, in qua dammati sunt Iconoclastæ; Concilium Trid. *sess. 25.*



damnas Lutheranos & Calvinistas, definiit, Imagines Christi, Dei paræ Virginis, & aliorum Sanctorum, in Templis præsertim habendas & retinendas; eisque debitum honorem & venerationem impertiendam. 2. Regis imagini, quod Regem repræsentet, cultus civilis exhibetur; ergo religiosus exhiberi debet Imaginibus quæ rem sacram repræsentant. 3. Traditione constanti certum est Imagines sanctas in Templis fuisse honorifice collocatas, atque fidelium venerationi expositas.

Quæres 7. *Quinam cultus debeat sacris Imaginibus? An absolutus, an relativus?*

Resp. Debetur *relativus*, quia honorantur per ordinem ad prototypa: *Imaginis enim honos ad primum transiit*, ait Conc. Nicænum II. & *qui adorat Imaginem, adorat in ea depicti subsistentiam*. Et Conc. Trid. *Honos qui eis exhibetur, refertur ad prototypa, quæ illæ repræsentant*.

*Obijciunt*: Conc. Francofordiense, Parisiense, & Libri Carolini Synodum II. Nicænam damnarunt ergo probatum in illa Synodo cultum Imaginum; ergo &c.

Resp. *Neg. ans.* Neque enim Concilia Francofordiense, & Parisiense, neque Libri Carolini damnarunt Concilium Nicænum II. quia probavit cultum legitimum sacrarum Imaginum; sed quia, errore facti, crediderunt hoc Concilium definiisse Imagines Sanctorum cultu latriæ absoluto adorandas esse, itemque tale decretum a Græcis sine consensu S. Pontificis latum fuisse. Huic errori occasionem dedit confessio fidei Constantini Constantiæ Cypri Episcopi, a Conc. Nicæno approbata ac recepta, sed e Græco in Latinum male redacta, his verbis: *Suscipio & amplector sanctas & venerabiles Imagines secundum servitium adorationis, quod consubstantiali Trinitati emitto*. Cum sit in Græco habeatur: *His consensio & consors sum, suscipiens & cum honore amplectens sanctas & venerandas Imagines: ac latriæ adorationem soli supersubstantiali ac vivifica Trinitati deferro*.

Quæres 8. *Utrum vera Crux debeat adorari?*

Resp. Debet adorari cultu latriæ relativo, ut probatum definitio Tridentina, sess. 25. tum auctoritas Ecclesiæ, quæ veræ Crucis inventionem, & ejusdem exaltationem, festo solemniter honorari voluit; in quibus solemnitatibus canit: *O Crux, ave, spes unica*: &, *Tuam crucem adoramus*, &c. Ratio est, quia vera Crux est primum victoriæ Christi & nostræ salutis instrumentum.

*Obijciunt*: Vera Crux Christo ignominiam attulit: ergo.

Resp. *Dist. ans.* Christo ignominiam attulit, & simul est signum victoriæ Christi & nostræ salutis, conc. & tale signum non est, nego. Itaque adoramus Crucem, non quatenus ignominiam Christo attulit, sed quatenus est signum victoriæ Christi & nostræ salutis.

Quæ-



Quæres 9. *Utrum Reliquiæ Sanctorum pie ac religiose colantur?*

*Resp. Affirm.* Ut probat D. Hieron. *Epist. ad Riparium*, confutans Vigilantium; & definit Conc. Trid. Sess. 25. *Affirmantes*, inquit, *Sanctorum Reliquiis venerationem atque honorem non deberi . . . omnino damnandos, prout jam pridem eos damnavit, & nunc etiam damnas Ecclesia*. Ratio est, quia honor ipsis exhibitus redundat in ipsos Sanctos, quorum sunt pretiosæ exuviae.

## CAPUT VII.

De B. V. Maria Matre Christi.

Quæres 1. *AN Maria Mater Christi semper fuerit Virgo?*

*Resp.* Fuit Virgo ante partum, in partu, & post partum; ut fides docet contra Cerinthum, Ebionem, Jovinianum, & Helvidium. Ita definitum est in Conciliis Constantinop. V. & Lateranensi sub Martino V. *Videte miraculum Matris Dominice*, inquit D. Aug. Serm. 13. *Virgo concepit, Virgo parvultus, Virgo post partum permansit.*

*Obijcies* 1. Matth. 1. dicitur: *Antequam convenirent, Maria & Joseph, inventa est in utero habens de Spiritu sancto*; ergo postea convenerunt.

*Resp. Nego consequ.* Nam, ut notat Div. Hieron. contra Helvidium, per particulam, *antequam*, *Scriptura quid factum non sit, ostendit*; non vero ostendit quid postea factum sit. Unde addit D. Hier. *Quod dicitur, antequam convenirent, non sequitur, ut postea convenerint.*

*Inst.* Ibidem, de Joseph dicitur: *Et non cognoscebas eam, donec peperit Filium suum primogenitum*; atque particula, *donec*, significat terminum continentiae Joseph; ergo.

*Resp. Nego min.* Nam particula, *donec*, non ita tem-  
pus præcedens connotat, ut futurum etiam non res-  
piciat, v. gr. *Psal.* 109. *Deus dicit Filio: Sede a dextris meis, donec ponam inimicos tuos scabellum pedum tuo-  
rum*; quis inde inferat Christum non amplius futurum a dextris Dei, postquam inimicos ejus posuerit scabellum pedum illius? Ergo particula, *donec*, duntaxat ostendit quid ante factum non sit.

*Obijcies* 2. Christus habuit fratres, Matth. 12. *Ecco mater tua, & fratres tui.* Ergo.

*Resp. Nego consequ.* Nam Scriptura appellat fratres non solum eos, qui ex iisdem patre & matre nati sunt, sed etiam eos qui consanguinei sunt; sic Abraham, Genes. 13. dicebat Loth nepoti suo, *nos fratres sumus.*

Quæres 2. *Utrum B. Virgo immunis fueris ab omni peccato actuali, sive mortali, sive veniali?*

*Resp.*



*Resp. Affirm.* Nam 1. Conc. Trident. Sess. 6. can. 23. definit, *Hominem semel iustificatum . . . non posse in tota vita peccata omnia, etiam venialia, visare, nisi ex speciali Dei privilegio, quemadmodum de B. Virgine tenet Ecclesia.* 2. D. Aug. lib. de nat. & grat. c. 36. *Excepta sancta Virgine Maria, de qua, propter honorem Domini, nullam prorsus, cum de peccatis agitur, habere volo questionem.* 3. D. Thom. opusc. 60. art. 30. dicit: *Maria non fuisset idonea Mater Christi, si aliquando peccasset: & post multas illius veritatis redditas rationes in Scriptura fundatas, sic concludit: Es ideo simpliciter sciendum est, quod B. Virgo nullum peccatum actuale commisit, nec mortale, nec veniale, ut sic impleatur quod dicitur Cantic. 4. Tota pulchra es, amica mea.*

*Obijcies cum Luthero:* Maria admittit peccatum infidelitatis, quando dixit Angelo: *Quomodo fiet istud?* & peccatum impatientiæ, quando dixit: *Fili, quid fecisti?*

*Ad 1.* Respondet D. Bernardus, hom. 4. Super missus est: *Non dubitavit de facto; sed modum requirit & ordinem: neque enim querit, an fiet istud, sed quomodo.*

*Ad 2.* Nego ans. Præfata etiam B. Mariæ verba non sunt impatientiæ & reprehensionis indicia, sed doloris de absentia amantissimi Filii sui.

*Quæres 3. Unde habuit impeccabilitatem B. Virgo Maria?*

*Resp.* Habuit per confirmationem in gratia; unde ejus impeccabilitas fuit moralis, non physica, quæ soli comprehensori competit, cum oriatur ex amore Dei necessario, & ejusdem visione intuitiva.





## TRACTATUS VI.

## De Gratia Christi.

Quæres 1. *Quid sit gratia Christi?*

*Resp.* Est donum supernaturale, gratis a Deo per merita Christi collatum, quod de se tendit ad actum & finem supernaturalem.

Dicitur 1. *Donum supernaturale*; ut distinguatur a donis naturalibus, ut sunt creatio, conservatio, &c. quæ sunt beneficia, gratuita sed naturalia.

Dicitur 2. *Gratis a Deo collatum*; ut ostendatur gratiam non rependi præcedentibus meritis, alioquin gratia jam non est gratia, ait Apost. Rom. 11.

Dicitur 3. *Per merita Christi*; ut distinguatur a gratia status innocentie, quæ independentè a meritis Christi fuit concessa.

Dicitur 4. *Quod ex se tendit ad actum & finem supernaturalem*; quia per gratiam creatura rationalis adjuvatur ad operationes, quæ naturales illius vires superant, quæque ad æternam illius salutem ordinantur.

Quæres 2. *Quomodo dividitur gratia Christi?*

*Resp.* Dividitur in *externam*, quæ hominem exterius tantum afficit; ut sunt prædicatio Evangelii, lex, miracula, &c. & *internam*, quæ hominem interius afficit, sive ipsi insit per modum habitus, sive per modum actus transiens.

Gratia *interna*, alia est *gratis data*, quæ primario & per se conceditur alicui propter aliorum salutem, ut sunt dona prophetiæ, miraculorum, linguarum, &c. Alia *gratum faciens*, quæ ad propriam salutem illius, cui confertur, primario & per se ordinatur.

Gratia *gratum faciens*, alia est *actualis*, quæ est auxilium quoddam internum, intellectui aut voluntati a Deo transeunter impressum, quo potentie illæ, de se insufficientes, adjuvantur ad eliciendos actus supernaturales, quibus iustitia, vel iustitiæ incrementum obtineatur. Hinc hominem gratum Deo reddit efficienter. Alia est *habitualis*, estque qualitas homini permanentè inhaerens, quæ ipsum formaliter reddit Deo gratum & sanctum.

De utraque illa gratia, actuali & habituali hic agemus duplici Dissertatione.



## DISSERTATIO I.

## De gratia actuali.

**G**ratia interioris actualis 1. necessitatem, 2. naturam & divisionem, 3. distributionem inquiremus, triplici capite.

## CAPUT I.

## De necessitate gratia actualis.

**Quæres 1.** **Q**uinam erraverunt circa gratia actualis interioris necessitatem?

**Resp.** Erraverunt 1. *Pelagiani*, qui negarunt tum necessitatem, tum gratuitatem gratia actualis interioris ad quodlibet opus salutare peragendum.

2. *Semipelagiani*, qui docuerunt 1. initium fidei esse a nobis. 2. hominem per usum voluntatis mereri gratiam ad opus salutare ulterius perficiendum, & salutem eternam consequendam: ex quo sequebatur gratiam non prævenire voluntatem, sed ipsam præveniri a voluntate. 3. Perseverantiam usque in finem a nostro libero arbitrio pendere, nec esse donum Dei speciale.

3. *Lutherus & Calvinus*, qui liberi arbitrii vires ita extenuant, ut nihil omnino boni moralis per solas naturæ vires fieri posse contendant; eaque opera quæ per solas naturæ vires fiunt, esse vitiosa & peccata.

4. *Bayus & Jansenius*, qui docent, 1. Gratiam habitalem ita necessariam esse ad quodlibet opus bonum morale, ut omnia peccatorum opera fiat peccata. 2. Omnes infidelium virtutes esse vera vitia, & omnia eorum opera esse peccata.

**Quæres 2.** *Utrum homo lapsus possit, sine gratia interiori præveniente, efficere aliquod opus salutare?*

**Resp. Negat.** Prout de fide sæpius definitum est contra Pelagianos in Concilio Diopolitano, Carthagineensi III. & Arausicano II. constatque ex Scriptura; Joan. 6. *Nemo potest venire ad me, nisi Pater, qui misit me, traxerit eum.* Et cap. 15. *Sine me nihil potestis facere.*

2. Cor. 3. *Non quod sufficientes simus cogitare aliquid a nobis, quasi ex nobis, sed sufficientia nostra ex Deo est...* Ratio est, quia media debent esse proportionata fini, & ejusdem cum illo ordinis; atqui opera salutaria sunt media ad salutem eternam, quæ est supernaturalis; ergo debent esse supernaturalia: atqui non possunt esse supernaturalia nisi præveniantur & excitentur gratia supernaturalis auxilio; ergo, &c.

**Obicies 1.** Mystero credibiliter proposito, potest homo ratione utens assentiri & credere absque gratia interioris



rioris auxilio; ergo fides, quæ est opus salutare, potest haberi absque gratia actuali.

*Resp. Diss. ant.* Fide humana & ad vitam æternam sterili, *conc.* fide supernaturali & salutari, *nego. ans.* Na. n. contrariatur Concilio Trid. *Sess. 6. can. 3.* definiens: *Si quis dixerit, sine preveniente Spiritus sancti inspiratione, atque ejus adjutorio, hominem credere, sperare, diligere, aut penitere posse sicut oportet, ut ei gratia justificationis conferatur, anathema sit.*

*Inst.* Qui mysterio credibiliter proposito assentitur, credit propter Dei revelantis auctoritatem; ergo ejus fides est supernaturalis; habet enim objectum supernaturale.

*Resp. Nego. confeg.* Nam ut actus sit intrinsece supernaturalis, non sufficit, ut circa objectum supernaturale versetur, sed insuper requiritur ut procedat a principio supernaturali: facultas enim non potest ultra vires proprias tendere, nisi per formam aliquam superadditam vegetetur & corroboretur.

*Obicies 2.* Homo justus, habituali-gratia donatus, potest absque gratia actuali voluntatem præveniente, facere aliquod opus salutare; ergo, &c.

*Resp. Nego. ans.* cum D. August. qui, *lib. de nat. & grat.* ait: *Sicut oculus corporis, etiam plenissime sanus, nisi candore lucis adjutus, non potest cernere; sic homo perfectissima justificatus, nisi æterna luce justitia divinitus adjuvatur, recte non potest vivere.* Ita etiam definit *Cont. Trid. Sess. 6. cap. 16.*

*Quæres 3.* Utrum homo lapsus, sine gratia præveniente, possit incipere aliquod opus salutare?

*Resp. Negat.* Ut definit *Conc. Arausicanum II. can. 5.* *Si quis sicut augmentum, ita etiam initium fidei ipsumque credulitatis affectum... non per gratiæ donum, id est, per inspirationem Spiritus sancti... sed naturaliter nobis inesse dicit, apostolicis dogmatibus adversarius approbatur.*

Ergo, homo, per solas naturæ vires, non potest se præparare ad gratiam, ut definivit idem Concilium, *can. 7.* & ratio est, quia actus naturalis nullam habet proportionem ad formam supernaturalem, qualis est gratia; eam enim non exigit: ergo, &c.

*Obicies 1.* *Prov. 16.* dicitur: *Hominis est præparare animam, & Domini gubernare linguam;* ergo hominis est incipere opus salutare, cujus intuitu Deus præparat & confert gratiam.

*Resp. Diss. confeg.* Hominis est incipere opus salutare, ope gratiæ prævenientis, *conc.* per solas naturæ vires, *nego.* Sensus ergo textus est, hominis esse animam ope gratiæ prævenientis præparare ad ulteriorem gratiam specialiozem, quæ necessaria est, ut pie cogitata, recte & fructuose eloquatur.

*Obicies 2.* *Zachariæ 1.* Deus dicit: *Convertimini ad me,*



*et convertat ad vos; ergo homo debet incipere negotium salutis.*

*Resp. Dist. conseq.* Homo debet incipere, praevenitur & excitatus a gratia divina, *conc.* per vires naturales, *nego.* Conversio enim hominis ad Deum est fructus gratiae praevenientis, & conversio Dei ad hominem designat gratiae subsequenter collationem. *Cum dicitur convertimini ad me, & ego convertar ad vos: libertatis nostrae admonetur, ait Concil. Trident. Sess. 6. capit. 5. cum respondemus, converte nos, Domine, ad te, & convertemur: Dei gratia nos praeveniri confitemur.*

*Obijcies 3.* Axioma Theologicum, *faciendi quod in se est Deus non denegat gratiam;* ergo homo per solas naturae vires potest se ad gratiam preparare.

*Resp. Dist. ant.* Faciendi quod in se est ex gratiae viribus, *conc.* ex naturae viribus, *nego.* Axioma 1. sensu intellectum, est D. Thomae, 1. 2. q. 109. a. 6. ad 6. dicentis: *Nihil homo potest facere, nisi a Deo moveatur, secundum illud Joan. 15. Sine me nihil potestis facere: Et ideo cum dicitur homo facere quod in se est, dicitur hoc esse in potestate hominis secundum quod est motus a Deo.* 2. Sensu intellectum, damnatum est a Clero Gallicano, an. 1700. Tanquam instans Semipelagianismum, mutatis tantum verbis.

*Quaeres 4.* Utrum iustus in praesenti statu indigeat speciali gratiae auxilio ad reipsa perseverandum usque in finem vitae?

*Resp. Affirm.* Ita enim definitum est Concilii Arausicano II. & Trid. Sess. 6. can. 23. *Si quis dixerit iustificatum, vel sine speciali auxilio Dei in accepta iustitia perseverare posse, vel cum eo non posse, anathema sit.* Ratio est, quia donum perseverantiae hominem reddit in bono ita immobilem, ut finem, nempe mortem in Christo, indeclinabiliter assequatur: atqui homo iustus cum auxiliis gratiae ordinariis non potest habere illam immobilitatem; ergo gratia perseverantiae est donum speciale, ab aliis auxiliis distinctum, quod ideo a Conc. Trid. can. 16. vocatur, *magnum perseverantiae donum.*

*Obijctes:* Ut quis in accepta iustitia usque in finem perseveret, sufficit ut ultimum impleat praeceptum; atqui illud implere potest cum auxilio ordinario; ergo.

*Resp. Dist. min.* Cum auxilio ordinario implere potest ultimum praeceptum, quatenus praecise praeceptum est, *conc.* quatenus est ultimum, *nego.* Ultimum siquidem non est, nisi quatenus mors contingit post ejus fidelem adimpletionem, illud autem singulari Dei beneficio tribui necesse est, cum in statu gratiae iustificantis ex hac vita eripi, speciale sit donum Dei.

*Quaeres 5.* Quid sit perseverantiae donum?

*Resp.*



*Resp.* Definitur a Div. August. lib. de dono persever. cap. 1. *Bonum Dei, quo usque in finem (vitæ) perseveratur in Christo.*

Quæres 6. *In quo præcise situm sit magnum perseverantia donum?*

*Resp.* situm est in duobus : 1. In interno gratiæ actualis auxilio, quo homo iustus, vel a peccando retrahitur, vel a suis peccatis, propter quæ a Deo deferi merebatur, cito resipiscit, ac tandem in accepta iustitia perseverat. 2. In singulari Dei protectione externa, qua Deus ab homine iusto graves tentationes, peccandi occasiones, & alia salutis obfacula removet, ac tandem ejus mortem cum gratia sanctificante conjungit.

Quæres 7. *Utrum homo lapsus possit absque gratia aliquod opus bonum morale naturalis ordinis velle & facere?* per opus bonum morale intelligimus opus bonum ex objecto, fine, & aliis circumstantiis, seu opus, quod ex parte objecti bonum est, & ex parte operantis refertur ad finem honestum, v. gr. datio elemosynæ ad sublevandum pauperem.

*Resp. Affirm.* Nam Rom. 2. dicitur : *Gentes quæ legem non habens, naturaliter ea quæ legis sunt faciunt ; ejusmodi legem non habentes, ipsi sibi sunt lex, qui ostendunt opus legis scriptum in cordibus suis.* Ergo gentiles aliquod opus bonum naturalis ordinis possunt facere naturaliter, id est, sine gratia, sine fide, ut interpretantur Patres. Ratio est, quia per peccatum Adami liberum arbitrium minime extinctum est, viribus licet attenuatum & inclinatum, prout docet Conc. Trid. Sess. 6. 1. Ergo potest homo solis liberi arbitrii viribus aliqua opera moraliter bona prepter finem honestum elicere : v. gr. potest gentilis naturali pietate honorare parentes, naturali commiseratione sublevare proximi miseriam, quia id honestum est, & rationi naturali conforme.

Hinc merito SS. Pontifices, Pius V. Greg. XIII. & Urban. VIII. has propositiones Bajanæ proscripserunt : 25. *Omnia opera infidelium sunt peccata, & philosophorum virtutes sunt vitia...* 37. *Cum Pelagio sentis, qui boni aliquid naturalis, hoc est, quod ex natura viribus ortum ducit, agnoscis.* Item Clem. XI. has Quæstionellanas damnavit : 39. *Voluntas, quam gratia non prevenit... est capax omnis mali, & incapax ad omne bonum...* 40. *Sine gratia nihil amare possumus, nisi ad nostram condemnationem.*

*Objicies 1. Apost. Hebr. 11. dicit : Sine fide impossibile est placere Deo ; ergo.*

*Resp. Dist. ans.* Impossibile est placere Deo, in ordine ad vitam æternam, conc. in ordine ad honestatem moralem naturalis ordinis, nego. Itaque quando Scriptura & Patres sic loquuntur, intelligendi sunt de opere salutari, non autem de opere sterili in ordine ad vitam



æternam ; qualia sunt opera bona facta absque gratia :

*Obijcies 2.* Matth. 7. dicitur : *Non potest ... arbor mala bonos fructus facere* ; atqui infidelis est arbor mala ; ergo .

*Resp. Dist. maj.* Quando agit ex sua malitia , *conc.* aliter , *nego* . Porro infidelis non semper ex sua malitia & infidelitate agit , sed quandoque ex dictamine rectæ rationis .

*Inst.* D. Aug. *lib. de spiritu & lit. c. 14.* ait : *Non est fructus bonus , qui de charitatis radice non surgit* . Atqui nullum opus infidelis de charitatis radice surgit ; ergo .

*Resp.* D. Aug. loquitur de opere bono salutari , non autem de opere bono morali , quod sic præcise , non est alutare , cum sit sterile ad vitam æternam ; sese explicat *lib. 4. contra Julian. c. 5.* dicens : *Scito , nos illud bonum hominum d. cere . . . per quod solum homo potest ad æternum Dei donum regnumque perduc.* Unde ejus testimonia nihil habent commune cum præsentis nostræ quæstione .

*Obijcies 3.* Conc. Arausicanum , *can. 22.* ait : *Nemo habet de suo , nisi mendacium & peccatum* ; ergo .

*Resp. Nego consequ.* Sensus enim Canonis est , hominem sibi soli sufficere ad peccandum , eum vero ad bonum operandum indigere auxilio Dei , naturali quidem ad bonum morale , & supernaturali ad bonum salutare . Ex his

*Sequitur 1.* Aliqua legis naturalis præcepta faciliora posse absque gratia observari quantum ad substantiam ; nam omne bonum morale est præceptum legis naturalis .

*Sequitur 2.* Hominem lapsum posse absque gratia Deum ut auctorem naturæ amare , amore imperfecto , id est , amore qui non sit super omnia : nam voluntas amare potest naturaliter , quod intellectus naturaliter potest cognoscere ; atqui intellectus naturaliter potest cognoscere Deum esse tum summum bonum propter se amabile , tum summum nostrum bonum ; ergo , &c. Unde Apost. Rom. 1. dicit : *gentes esse inexcusabiles , quia cum cognovissent Deum , non sicut Deum glorificaverunt , aut gratias egerunt* . Ergo Deum amare potuerunt .

Hinc SS. Pontifices merito hanc Baji propositionem damnaverunt , *Distinctio illa duplicis amoris , naturalis videlicet , quo Deus diligitur ut auctor naturæ , & gratuiti , quo Deus amatur ut beatificator , vana est & commentitia* . SS. Patres , qui videntur centitari , loquuntur de amore supernaturali , perfecto , & conducenti ad vitam æternam .

*Sequitur 3.* Hominem lapsum posse aliquando absque supernaturalis gratiæ auxilio leves qualdam vincere tentationes , victoria sterili . Quia quando facultas potest aliquid naturaliter , id etiam potest cum levisus impedimenti ; atqui homo lapsus aliquod opus bonum ordinis



divinis naturalis potest peragere absque gratia; ergo, &c. Hinc merito damnata est hæc Baji propositio: *Fures sunt & latrones, qui dicunt... ulli tentationi sine gratia illius adiutorio resistere hominem posse, si eius in eam non incidat, aut ab ea non superetur.*

*Obijciunt:* Scriptura, Concilia, & SS. Patres indefinitè docent victoriam temptationum esse a Deo; ergo leves tentationes non possunt vinci, nisi per gratiam Dei.

*Resp. Nego consequens.* Non enim ideo soli Deo adscribunt victoriam temptationum indefinitè, quod nulla levior tentatio possit vinci absque gratia; sed 1. Quia Scriptura semper, & SS. Patres plurimum loquuntur de victoria meritoria, quæ absque gratiæ auxilio haberi non potest. 2. Quia loquuntur de universo temptationum agmine, quod non potest vinci absque speciali Dei auxilio, 3. Quia SS. PP. Pelagianos impugnabant, qui cum indistinctè victoriam temptationum naturæ viribus tribuerent, efficacius refelli non potuerunt, quam si illarum indistinctè victoriam ad gratiam Dei referrent. Nunc itaque:

*Quæres 8. Virum homo lapsus, absque gratia divina auxilio, possit omnia legis naturalis præcepta quoad substantiam operis servare?*

*Resp.* Non potest potentia morali: nam Apost. Rom. 8. ait: *Video aliam legem in membris meis, repugnantem legi mentis meæ. (id est, legi naturali) & captivantem me sub lege peccati, quæ est in membris meis.* Hinc exclamatur: *Infelix homo, quis me liberabit de corpore mortis huius?* Respondet: *Gratia Dei per Jesum Christum;* ergo natura humana, ita per peccatum infirmata est, ut hoc præceptum: *Non concupisces;* non possit implere, nisi per gratiam Dei, qua vulnus inflicturn sanetur.

*Obijciunt:* Rom. 2. dicitur: *Gentes quæ legem non habent, ea, quæ legis sunt, faciunt;* ergo homo lapsus absque gratia potest observare omnia legis naturalis præcepta.

*Resp. Nego consequens.* Textus enim non de omnibus præceptis est intelligendus, sed tantum de aliquibus, iisque facilioribus, quæ quandoque & aliquando a gentibus naturaliter possunt observari, quando nimirum graves non adsunt occasiones ab illa observatione removens.

*Inst.* Homo lapsus habet potentiam moralem ad omnia præcepta legis naturalis distributive; ergo & ad omnia collective.

*Resp. 1. Dist. ant.* Habet potentiam moralem ad omnia distributive præcepta, quæ sunt facilia, quale est præceptum honorandi parentes, conc. quæ sunt ardua, sive ex objecto, sive ex tentatione & aliis circumstantiis, nego. Sapiens enim cap. 8. de præcepto continentie, ait: *Sciri quoniam alisey non possem esse continens, nisi Deus daret.*

Compend. ex Chaymes.

I

Resp.



*Resp. Nego consequ.* Collectio enim difficultatem habet, quam non habent singula.

*Quæres 9.* Utrum homo lapsus possit absque gratia Deum ut auctorem naturæ amare amore perfecto & super omnia?

*Resp. Negat.* Nam amor Dei super omnia perfectus & efficax omnium Dei præceptorum executionem importat, ita ut voluntas parata sit absolute & efficaciter Deo in omnibus placere, omniaque ei displicentia vitare; atqui homo lapsus non potest sine gratia omnia Dei præcepta, etiam naturalia, exequi; ergo.

*Obijcies:* Amor Dei super omnia perfectus, lege naturali præcipitur; ergo solis naturæ viribus potest elici.

*Resp. Dist. consequ.* Potest elici a natura sana, conc. a natura per peccatum vitiata, *nego consequ.* Licet enim præceptum naturale amoris Dei super omnia non superet vires naturæ integræ, superat tamen vires naturæ vitiatæ; ergo non potest impleri absque auxilio gratiæ naturæ sanantis, ait D. Thom. 1. 2. q. 109. a. 3.

*Inst.* Homo lapsus potest naturaliter cognoscere Deum, etiam ut auctorem naturæ, esse super omnia amabilem; ergo & naturaliter amare super omnia.

*Resp. Nego consequ.* Disparitas est, quod, ut ait Div. Thom. ad 3. *Natura humana magis est corrupta per peccatum quantum ad appetitum boni, quam quantum ad cognitionem veri*, eo quod peccatum voluntate commissum est, & ideo amoris Dei perfecto, non cognitioni Dei super omnia amabilis, obstant infirmitas & corruptio naturæ.

*Quæres 10.* Utrum homo lapsus possit absque auxilio gratiæ gravem tentationem vincere victoria sterili?

*Resp. Negat.* Nam Scriptura significat opus esse gratiæ auxilio ad superandas tentationes, Psal. 17. *In te eripiar a tentatione.* Et Matth. 26. *Vigilate & orate ne intretis in tentationem.* Unde hic Pelagii articulus: *Victoria nostra, non est ex Dei adiutorio, sed ex libero arbitrio;* damnatus est in Conc. Diospolitano, c. 11.

*Obijcies:* Homo lapsus potest solis naturæ viribus vincere tentationem mortis ex motivo pravo, v. gr. ex vanæ gloria; ergo & ex motivo honesto.

*Resp. Nego consequ.* Disparitas est, quod homo lapsus ab objectis delectabilibus & pravis multum afficiatur, & ideo vincit unam tentationem per aliam fortioiorem, qualis est pertinacia, & inanis gloriæ cupiditas; e contra motivo honestatis parum afficitur, & sic illud motivum totam relinquit difficultatem, non tollit, neque minuit.

*Quæres 11.* Quanam gratia interior requiratur ad observanda omnia legis naturalis præcepta, & graves tentationes superandas?

*Resp.* Requiritur 1. gratia habitualis quæ sanet naturam.

2. Re-



1. Requiritur gratia actualis; quia licet gratia habitus-  
lis sanet naturam, tamen nec intellectus ignorantiam,  
nec voluntatis malitiam, nec appetitus sensitivi rebellian-  
tem tollit; ergo ad hoc requiritur gratia actualis.

Quæres 12. *Utrum gratia, quæ requiritur ad obser-  
vanda præcepta naturalia propter solam honestatem mo-  
ralem, debeat esse supernaturalis?*

Resp. Debet esse supernaturalis ratione principii, quia  
est homini indebita; non vero ratione objecti, quia ho-  
minem non dirigit ad finem supernaturalem.

## C A P U T II.

### De natura & divisione gratiæ actualis.

Quæres I. *Quomodo dividitur gratia actualis?*

Resp. I. Dividitur in excitantem & ad-  
juvantem, .. gratia *excitans*, est supernaturalis & in-  
deliberatus intellectus & voluntatis motus, quo Deus nos  
veluti torpentes & semper sopitos, ad bonum supernaturale  
movet & excitat, & a malo retrahit.. vocatur etiam  
*operans*, quia Deus pium illum motum operatur in no-  
bis sine nobis libere consentientibus... vocatur etiam  
*præveniens*, quia prævenit voluntatem, causando in ea  
boni motus initium.

Gratia *adjuvans* est concursus supernaturalis Dei, quo  
nobiscum per gratiam excitantem illustratis ac motis,  
concurrit ad omnes & singulos actus supernaturales & li-  
beros... vocatur etiam *cooperans*, quia bonam scien-  
tiam nobiscum operatur Et *subsequens*, quia subsequitur  
& executioni applicat bonum motum jam in voluntate  
per gratiam excitantem inchoatum.

2. Gratia *excitans*, dividitur in sufficientem & effica-  
cem, de quibus duplici Paragrapho agemus.

#### §. I. De gratia sufficienti.

Nota I. Gratia sufficienti sumi potest, 1. *genericè*, prout  
convenit etiam gratiæ efficaci, & est, *ea qua voluntati  
subministrat vires pares & proportionatas effectui bono,  
ad quem proxima movet, & quem Deus ultimatè inten-  
dit, producendo...* 2. *Specificè*, quatenus opponitur  
gratiæ efficaci: diciturque more sufficiens, & hæc definitur:  
*Ea quæ licet vires pares & proportionatas subministrat  
ad ponendum effectum ad quem datur, & quem Deus ul-  
timatè intendit, illum tamen non forsitur ex sola culpa  
voluntatis, nolentis gratia consentire.*

2. Alia est *proxima sufficiens*, quæ dat immediatam  
potentiam ad executionem operis a Deo ultimatè intenti;  
v. gr. ad executionem talis præcepti. Hæc vocatur *gra-  
tia actionis*... Alia est *remota sufficiens*, quæ non dat  
equidem



equidem immediatam potentiam exequendi operis a Deo ultimate intenti, sed dat immediatam potentiam ad implorandum per orationem uberius Dei auxilium, non conferendum a Deo nisi prius oraverit homo, & certo conferendum, si reipsa oraverit, gratiæ primæ obsequens. Hæc vocatur *gratia orationis*.

Quæres 1. *Quinam rejecerunt gratiam sufficientem?*

*Resp.* Eam rejecerunt 1. *Calvinus, Lutherus & Bejus*, qui volunt sic gratiam determinare voluntatem ad actum, ut nullum libertati locum relinquant; ergo: secundum eos, omnis gratia est necessitans & efficax. 2. *Jansenius*, (quem sequitur *Quesnellus*) docet gratiam ita invictæ ac insuperabiliter voluntatem humanam determinare ad unum, ut semper consensum voluntatis exprimat.

Quæres 2. *Quotuplicem admittunt gratiam Janseniani?*

*Resp.* Duplicem, primam, quæ plenum atque perfectum effectum assequitur, & ad id a Deo datur, hancque vocant efficacem & victricem relative.... *Secundam*, quæ efficit quandam velleitatem & complacentiam boni operis inefficacem, & ad id duntaxat a Deo datur, hancque sufficientem appellare non recusant hodierni Janseniani, asseruntque eam conferre completam, perfectam, & expeditam ad præceptum observandum potentiam. Verum, quod maxime notandum, nemine *possentia*, intelligunt potentiam absolutam duntaxat, & abstractam a præsentibus subjecti circumstantiis & dispositionibus, non vero relativam, & ad illas circumstantias comparatam. Deus enim, inquit, voluntate antecedente, & a præsentibus subjecti circumstantiis abstrahente, vult per hanc parvam gratiam opus perfectum impleri; verum, consideratis illis circumstantiis, non vult, voluntate absoluta & consequente, opus perfectum per illam impleri, sed aliquod duntaxat imperfectum ac inchoatum boni operis desiderium. Ex quo

*Sequitur* 1. Gratiam parvam Jansenianam esse efficacem, quia, juxta illos, omnem obtinet effectum, propter quem in talibus circumstantiis a Deo datur.

*Sequitur* 2. Illam gratiam esse insufficientem, quia propter defectum virium est impar & improporcionata ad oppositam concupiscentiæ delectationem superandam, ut ipsemet asserit Jansenius l. 2. de gratia, c. 17. dicens: eam nullo modo sufficere, ut homo Dei mandatum operetur, ut Deum super omnia diligat, &c. Lices aliquid faciat, nempe velleitates quasdam excites.

Quæres 3. *Utrum datur in præsentis statu nature lapsæ gratia vere & relative sufficiens, id est, quæ voluntati ad opus bonum perficiendum conferat potentiam completam, expeditam, & relativam ad præsentem subjecti circumstantias, cui tamen dissensu libero resistat humana voluntas?*

*Resp. Affirm.* Ut fides docet; nam, *Proverb.* 1. Deus dicit;



dicit: *Vocavi, & veniſtiſti*; *extendi manum meam, & non fuiſti qui aſpiceret*; *deſpexiſtiſti omne conſilium meum, & increpationes meas neglexiſtiſti*. Ubi vocatio, extenſio manuum, conſilium Dei, etiam intus pulſantiſtiſti, gratiam vere & relative ſufficientem indicat, alias non eſſet iuſta Dei increpatio & obiurgatio; atqui illi gratiæ diſſenſu libero reſiſtit voluntas humana, *veniſtiſtiſti, deſpexiſtiſti*, &c. ergo, &c. . . . Matth. xi. Chriſtus exprobrat Chorozaſtiſti, quod non egiſſent poenitentiam ad aſpectum miraculorum a ſe patratorum: *Ve tibi, Chorozaſin, ve tibi, Bethſaida*, &c. Ergo revera cum gratia ipſiſtiſti collata poenitentiam agere potuerunt, non tantum remote, & absolute, ſed proxime & relative; ergo, &c.

Conc. Senom. p. i. in decretis fidei, c. 15. dicit: *Eo extendimus (liberum arbitrium) ut voluntas humana miſericordiæ prævenientiſtiſti auxilio ſuffulta, & interiori quodam & occulto ſecretioriſtiſti aſſatu contacta, ſeſe converſat ad Deum*. Poſtea addit: *Non tale eſt huiusmodi trahentiſtiſti Dei auxilium, cui reſiſtiſti non poſſit*; quoties enim Dominus voluit congregare filios Jeruſalem . . . & naluert, &c.

Hinc merito damnata eſt ut hæretica hæc ſecunda Janſenii propoſitio: *Interiori gratiæ, in ſtatu nature lapſæ, nunquam reſiſtitur*.

*Obſiſtiſtiſti* x. Rom. 9. dicitur: *Non eſt volentiſtiſti, neque currentiſtiſti, ſed miſerantiſtiſti Dei*. Ergo non eſt in poteſtate vocati, vocationi obtemperare, vel non obtemperare.

*Reſp. Diſt. ant.* Non eſt volentiſtiſti, neque currentiſtiſti, per ſolas naturæ vices, *conced.* per gratiam, *ſubdiſt.* non eſt volentiſtiſti, primario & principaliter, *conced.* ſecundario, quaſi homo nihil divini gratiæ cooperaretur, *nego*. Hoc unum vult Apoſtoluſ, bonum opus magiſ eſſe a Deo per gratiam, quam ab homine, qui abſque gratia neſ cenari, nec conſentire poteſt. Unde ait Apoſtoluſ, *Non ego, ſed gratia Dei mecum*; id eſt, ait D. Auguſt. lib. de gratia, cap. 5. *Non ſoluſ, ſed gratia Dei mecum*; ac per hoc nec gratia Dei ſola, nec ipſe ſoluſ, ſed gratia Dei cum illo.

*Inſt.* Nemo poteſt ſe diſcernere in negotio ſalutiſ, juxta illud i. Cor. 4. *Quiſ ſe diſcerniſ? quid habet quod non accepiſtiſti*? Atqui ſi duobuſ hominibuſ detur gratia ſufficientiſ, cui unus obtemperet, alter reluſtetur, qui obtemperaverit, ſe diſcernit ab eo qui reluſtatur; ergo non datur taliſ gratia.

*Reſp. Diſt. mai.* Nemo poteſt ſe diſcernere, per proprias vires, *conced.* quatenuſ per gratiam motuſ & adjuſtuſ, *nego*. Neque enim qui ſic per gratiam, qua excitatur & juvatur, ſe diſcernit, contradicit Apoſtolo prohibenti ſolum ne homo glorietur de bono opere, quaſi principium illiuſ efficienſ non acceperit a Deo. Ita Div. Auguſt. lib. de ſpiritu & liſ. cap. 33.



*Obijciat* : 1. Gratia sufficiens, cui voluntas resistat, est gratia possibilitatis pelagiana, quam confutavit Div. August. & damnavit Ecclesia; ergo, &c.

*Resp. Nego ant.* Nam Pelagius per gratiam possibilitatis in eligebat liberum arbitrium, quod docebat per se solum valere ad quodlibet opus salutare simpliciter: equidem libero arbitrio adjunxit gratiam, non quidem ad posse simpliciter, sed tantum ad facilius posse, quæ gratia nihil aliud, secundum ipsum, erat, quam gratia exterior, ex nimirum, doctrina & exempla Christi; in quo toto cælo differt a nobis Catholicis.

*Inj.* 1. Pelagius admittebat posse bene agere esse a Deo; ergo.

*Resp. Dist.* Esse a Deo ut auctore naturæ, *cons.* ut subministrante gratiam interiorem naturæ superadditam, *nego*. Itaque Pelagius naturam & liberum arbitrium vocabat gratiam possibilitatis, legem vero & doctrinam vocabat adiutorium possibilitatis naturalis.

*Inj.* 2. Pelagius deinceps possibilitati naturali subjunxit adiutorium Dei actuale; ergo.

*Resp. Dist. ans.* Subiunxit auxilium Dei actuale, quod esset lex, vel doctrina, vel revelatio, vel exemplum, *cons.* quod esset subministratio virtutis interioris, *nego*.

#### S. II. De Gratia efficaci.

*Quæres* 3. *Utrum detur gratia efficax?*

*Resp.* De fide est dari gratiam efficacem qua Deus voluntates nostras certo & infallibiliter flectere potest quocumque voluerit. *Prov.* 21. *Cor Regis in manu Domini, & quocumque voluerit, inclinabit illud.*

*Quæres* 2. *Quotuplici modo sumitur gratia efficax?*

*Resp.* Sumitur in actu primo & secundo.

*Gratia efficacia in actu* 1. *strictæ*, est virtus gratiæ prævenientis, ut certo & infallibiliter illatura effectum, seu consensum voluntatis. De hac sola hic agitur.

*Gratia efficacia, in actu* 2. est eadem virtus gratiæ ut cooperata cum effectu, quia illius vi elicited est. Hæc includit gratiam adjuvantem, & cooperationem voluntatis a gratia motæ.

*Quæres* 2. *In quo consistit erroneum systema Calvinianum efficaciam gratiæ?*

*Resp.* Consistit in hoc, quod docuerit gratiam esse vere ac physice necessitantem, ita ut non possit ipsi voluntas humana resistere. Quod systema damnavit Conc. Trid. sess. 6. can. 4.

*Quæres* 3. *Unde Jansenius repetit gratiæ efficaciam?*

*Resp.* Ipsam repetit ex ipsius gratiæ indeliberata delectatione, quæ sit gradibus superior opposita concupiscentiæ delectatione item indeliberata, & illius relative per gradus



gradus victrice. Tota ergo vis delectationis relativa est, ita ut si major fuerit vis gratiæ, quam vis concupiscentiæ, necesse sit voluntatem bene operari: si econtra major fuerit vis concupiscentiæ, necesse sit voluntatem male operari; ergo, juxta ipsum, efficacia gratiæ repeti debet ex delectatione voluntatem ad unum ineluctabiliter determinante, quod est error Calvini.

Quæres 4. *Utrum illud Janſenii ſystema ſit hæreticum?*

*Reſp. Affirmo* Nam 1. hæreticum eſt aſſerere hominem non poſſe diſſentire motioni Dei illum ad bonum excitantis: non poſſe reſiſtere gratiæ divini tum cum ab ipſa movetur & excitatur ad bonum, prout definiunt Concilia Trid. & Senonenſe, dicens: *Næque enim tanta gratiæ neceſſitas libero præjudicat arbitrio; nec enim tale eſt Dei irabentis auxilium, cui reſiſti non poſſit.* Atqui illud aſſerit, qui gratiæ efficaciam repetit ex delectatione ſuperiori relative victrice; ergo.

2. Illud ſystema eſt hæreticum, ex quo, per connexionem evidentem & neceſſario, profluunt concluſiones hæreticæ; atqui ex ſystemate delectationis ſuperioris relative victricis, neceſſario & per connexionem evidentem, profluunt quinque famoſæ propoſitiones Janſenii hæreticæ, cujus ſunt concluſiones, ut probamus in noſtra Theologia; ergo.

*Obijcies* 1. *Systema delectationis prævenientis relative ſuperioris & per gradus victricis, eſt ipſiſſimum D. Auguſtini ſystema, qui, in Ep. ſ. ad Galat. ait: Quod amplius non delectat, ſecundum id operemur neceſſe eſt.* Ergo.

*Reſp. Nego ant.* Ad probationem, diſt. quod amplius nos delectat, delectatione deliberata & electiva, conc. delectatione indeliberata, & conſenſum voluntatis præveniente, nego. Duplex itaque eſt delectatio: alia *indeliberata*, quæ eſt ſuavis quædam propenſio verſus bonum honeſtum, vel ſenſibile, excitata in nobis ſine nobis. Alia *deliberata*, quæ rationis advertentiam & voluntatis conſenſum ſequitur, & eſt niſus voluntatis verſus bonum, ſive honeſtum, ſive delectabile. Porro Div. Auguſt. non loquitur hic de delectatione indeliberata: ipſe enim, *lib. 8. confeſſ. c. 8.* de ipſo diſt; *Es non faciebam id quod incomparabili affectu mihi magis placebat;* Ergo loquitur de delectatione deliberata, ſubſequentem liberam voluntatis determinationem. Similiter per iſta verba: *Secundum id operemur neceſſe eſt;* intelligit neceſſitatem conſequentem, non antecedentem, ita ut illius effati hic ſit ſenſus: *Si aliquid absolute & efficaciter amplius diligamus, neceſſario operemur ſecundum illud.*

*Inſt* Amor deliberatus non eſt delectatio, ſed fructus delectationis præviæ; ergo D. Auguſt. per has voces: *Quod amplius delectat, &c.* Non intellexit amorem deliberatum.



*Resp. Nego ant.* Nam est simul fructus delectationis & delectatio, at D. Aug. hic per *to delectare*, intelligit amorem deliberatum, ad quem significandum illo verbo multoties usus est: sic *serm. 5. de verbis Apostoli*, ait: *Concupiscentia mihi narras delectationes, sed condelector legi Dei*, id est, magis amo.

*Obijcies 1.* In conflictu duplicis delectationis praviæ & ineliberatæ, minor non potest superare majorem; ergo.

*Resp. Nego ant.* Ait enim D. Thom. 3. p. q. 70. art. 4. *Quod minima gratia possit resistere cuilibet concupiscentiæ, ac vitare omne peccatum mortale.*

*Obijcies 3.* D. Aug. *lib. de corrept. & grat. c. 12.* loquens de gratia huic statui necessaria, ait: *Subveniens est igitur infirmitati humana, ut divina gratia indeclinabiliter & inseparabiliter ageretur.* Ergo nunc voluntas non potest gratiæ resistere.

*Resp. Nego consequ.* Nam Verbum *ageretur*, sumitur pro, *corroboraretur*, unde votes, *indeclinabiliter, inseparabiliter*, non cadunt in ipsam voluntatem, quasi a gratia ita moveretur, ut ei resistere non posset, sed cadunt in ipsam concupiscentiam & adversitates hujus vitæ, a quibus voluntas, gratia divina corroborata, superari non potest, si gratiæ firmiter obtemperare voluerit: quare D. Aug. addit: *Es ideo quamvis infirma, non tamen desieres, neque adversitate aliqua vinceretur.*

*Inst.* D. Aug. *lib. de peccat. meritis, c. 19.* gratiam vocat *victtricem delectationem*; atqui non est victrix nisi quia oppositam concupiscentiam gradibus superat; ergo.

*Resp. Nego min.* Gratia enim dicitur, *victrix*, quia facit ut voluntas ipsi libere cooperans, vincat oppositam concupiscentiam; non autem ideo dicitur *victrix*, quod propter sui intentionem vincat voluntatem, eamque resistere impotentem faciat, nam *lib. de spiritu & lit. c. 33.* dicit: *Consentire autem vocationi Dei, vel ab ea dissentire, propriæ voluntatis est.*

### C A P U T III.

#### De distributione gratiæ sufficientis.

**Quæres 1.** **U**trum omnibus iustis, urgente præcepto, detur a Deo gratia vere & relative sufficientis ad servanda omnia præcepta?

*Resp. Affirm.* Nam 1. Cor. 10. de omnibus iustis, dicitur: *Fidelis est Deus, qui non patietur vos tentari supra id quod potestis, sed faciet etiam cum tentatione proventum, id est, auxilium, ut possitis sustinere.* Ergo.

1. Conc. Trid. definit: *Si qui dixerit, Dei præcepta homini, etiam iustificato & sub gratia constituto, esse ad observandum impossibilia, anathema sit.* Cujus definitionis rationem reddit, *cap. 11.* his D. August. verbis:

*Deus*



Deus impossibilia non jubet, sed iubendo monet & facere quod possis, & parere quod non possis, & adjuvas ut possis. Quibus verbis aperte significatur hominem habere gratiam, vel proximam, vel remote sufficientem ad præcepta implenda.

Hinc jure merito damnata est ut hæretica hæc prop. Janseii: *Aliqua Dei præcepta hominibus iustis volentibus & conantibus, secundum præsentem quas habent vires, sunt impossibilia, deest quoque illis gratia, qua possibilia fiant.*

*Obijcies*; Div. Petrus erat iustus, quando negavit Christum; atqui tunc ipsi defuit gratia vere & relative sufficiens, ut posset Christum non negare; ergo &c.

*Resp. 1. Nego maj.* Nam quando Divus Petrus Christum exterius negavit, jam interno præsumptionis peccato excederat a sua iustitia, ut docet Div. Augustin. serm. 285. *Interrogatus (Petrus) in corde suo præsumpsit se pro eo etiam moriturum, viribus suis hac tribuerat.*

*Resp. 2. Dist. min.* Ipsi defuit gratia proximè sufficiens, conced. remote sufficiens, nego. Habebat enim gratiam orationis & humilitatis, qua si bene usus fuisset, obtinisset gratiam proximè sufficientem, per quam tentationi resistisset, nec Christum negasset. Ita D. Augustin. lib. de corrept. & grat. capit. 9. *Dixeras in abundantia tua: animam meam pro te ponam: tibi festinando tribuens, quod tibi fuisset postea a Domino largiendum.*

*Quæres 2. Utrum fidelibus peccatoribus non obduratis datur gratia vere sufficiens, qua possunt peccata vitare, & a peccatis respicere?*

*Resp. Datur pro loco & tempore*: nam 1. Deus vult vere & sincere, ut peccatores, saltem non obdurati, non pereant, sed convertantur, Ezech. 33. *Vivo ego, dicit Dominus, nolo mortem impii, sed ut convertatur a via sua, & vivat*; atqui non possunt converti absque gratia sufficeat; ergo, &c. 2. Div. August. lib. 1. retract. cap. 22. ait: *In potestate hominis est mutare voluntatem in melius, sed ea potestas nulla est, nisi a Deo deat.* Ergo.

*Quæres 3. Utrum peccatoribus induratis datur pro loco & tempore gratia vere sufficiens?*

*Resp. Datur*: nam 1. S. Stephanus, Act. 7. Judæos obduratos objurgat quod Spiritui sancto eos ad conversionem moventi, semper resisterent: *Dura cervice, & incircumcisi cordibus & auribus, vos semper Spiritui sancto resistitis.* 2. D. August. in Psalm. 6. ait: *Ea est cecitas mentis: in eam quisquis datus fuerit, ab interiori luce secluditur, sed nondum penitus, cum in hac vita est.* 3. S. Prosper in respons. ad object. Vincentianas: *Nemini Deus conversionis admittit viam, nec quemquam boni possibilitate disposuit.* 4. Demum indurati peccant imputabiliter; ergo habent gratiam, saltem remote sufficientem.

*Obijcies 1. Joan. 12. de induratis Judæis dicitur*;



*Propterea non poterant credere, quia iterum dixit Isaias: exccecaui oculos eorum, & induravi cor eorum, ut non videant oculis, & intelligant corde, & sanem eos; ergo.*

*Resp. Dist. ans.* Non poterant credere, impotentia consequente & voluntaria, conc. antecedente & involuntaria, orta ex subtractione omnis omnino gratiæ, nego. Nam, quare non poterant credere, ait Div. August. Tract. 53. in Joan. Si a me queratur, cito respondeo, qui nolbant: malam quippe eorum voluntatem praevidit Deus, & per Prophetam prænuntiavit.

*Obijciat 2. D. August. lib. 1. ad Simplic. quest. 1. dicit: Obducatio Dei, est nulla misereri; atqui illi, cuius non vult Deus misereri, non confert gratiam; ergo.*

*Resp. Dist. min.* Non confert gratiam specialem, qua, ut ait ibidem, Cujus miseretur, sic eum vocat quomodo se sit ei congruere, ut vocantem non respuat, conc. nullam confert gratiam, nego. Contrarium eaim supra asseruit, in Psalm. 6.

*Inst. D. August. Epist. 107. ad Vitalem, ait: scimus gratiam non omnibus hominibus dari. Ergo agnovit gratiam sufficientem non omnibus concedi.*

*Resp. Nego consequ.* Neque enim ibi D. Doctor loquitur de gratia actuali, sed de gratia justificationis per Baptismum acceptæ.

*Quæres 3. Utrum infidelibus possitvis, iis nimirum qui Evangelium audire recusarunt, dentur pro loco & tempore gratiæ sufficientes, quibus remote saltem & mediate ad fidem pervenire possint?*

*Resp. Affirm.* Nam 1. Christus, Joann. 16. ait: Cum veneris illo, Spiritus sanctus, arguet mundum de peccato... de peccato quidem, quia non crediderunt in me. Atqui frustra arguerentur qui Evangelium respuerunt, si ipsis defuisset gratia interior, sine qua non potuerunt credere, nam, ut ait D. Aug. lib. 15. de civit. Dei, cap. 6. Nisi Deus interiore gratia mentem regat atque agat, nihil prodest homini omnis predicatio veritatis.

*Quæres 5. Utrum infidelibus negatvis, iis nempe cui Evangelii prædicationem non audierunt, dentur gratiæ sufficientes?*

*Resp. Affirm.* Nam Scriptura, Sap. 12. dicit: O quam bonus & suavis est, Domine, spiritus tuus in omnibus: ideoque eos qui exerrant, id est Ethnicos, partim corripi: & de quibus peccant, admones & alloqueris, ut, relicta malitia, credant in te, Domine. Atqui eos non admonet peccatorum, nec eos alloquitur, nisi per gratiam internam; ergo... Ratio a priori est, quod Deus omnes homines salvos fieri, & in agnitionem veritatis venire velit, voluntate vera & sincera, ex qua profluunt in omnes gratiæ sufficientes; ergo.

*Obijciat: Fides est prima gratia; atqui infideles non habent fidem; ergo.*

*Resp.*



*Resp. Nego maj.* Si nomine fidei intelligatur fides perfecta & christiana, id est, assensus quem intellectus præbet revelatis: scilicet assensum illum præcedunt pia cogitatio de credendo, sancta voluntatis motio erga revelata, quæ sunt fides inchoata, quæ non potest haberi sine gratia. Hinc merito damnata est hæc Quæsnelli propositio: *Fides est prima gratia & fons omnium aliarum.*

*Inst. 1. D. August. Tract. 3. in Joann. ait: Quam gratiam primo accepimus? fidem. Ergo.*

*Resp. Dist. confeg.* Fides est prima gratia, comparate ad gloriam, *conc.* absolute, *nego.* Hic enim D. August. comparat fidem cum gloria, & docet fidem, qua promerita est vita æterna, esse ipsa vita æterna priorem.

*Inst. D. August. lib. de gestis Pelagii, cap. 14. ait: Fides initium est, unde bona opera incipiunt: ergo.*

*Resp. D. August. ibi per fidem non intelligit fidem perfectam & Christianam, qua creditur explicite in Christum: sed fidem imperfectam & inchoatam, qua creditur in Deum quomodocunque, non tamen sine aliquo supernaturali lumine; qualis fuit fides in Cornelio. Fidem imperfectam D. August. comparat cum conceptione; perfectam vero cum nativitate, & addit: Non tamen solum concipi, sed etiam nasci opus est, ut ad vitam perveniantur æternam.*

*Inst. 3. Actor. 16. Paulus & Timotheus versati sunt a Spiritu sancto loqui Verbum Dei in Asia; ergo Asiaticis Deus denegavit auxilium fidei sive inchoatæ, sive perfectæ.*

*Resp. Nego confeg.* Quoad fidem imperfectam, hæc enim haberi potest ante prædicationem Evangelii, ut patet exemplo Cornelii, cujus orationes & eleemosynæ meritum habuere, antequam ipsi Evangelium annuntiasset D. Petrus; ergo jam in ipso erat inspiratio & inchoatio fidei, ut docet D. August. dicens: *Nec tamen sine aliqua fide donabas & orabat.*

*Obijciat 2. Si infidelibus negativis dentur gratiæ sufficiens, quibus ad fidem adduci possent si illis bene uterentur, ignorantia mysteriorum fidei, qua laborant, erit vincibilis & culpabilis, utpote voluntaria in causa; consequens est falsum & damnatum in Bajo; ergo.*

*Resp. Nego seq. maj. & ejus probationem:* Nam ut aliquid sit voluntarium in causa, non sufficit ut sequatur ex illa causa, sed insuper requiritur, ut cognoscatur, aut cognosci possit sequi ex illa causa; atqui infideles negativi, nec cognoscunt, nec cognoscere possunt ex transgressione legis naturalis sequi infidelitatem, cum inter utrumque non sit necessaria connexio; ergo, &c.

*Quæres 6. Usum illis infantibus, quibus, sive in luctum editis, sive in utero materno, absque ulla parentum aus-*



aliorum culpa decedentibus, nulla humana industria Baptismus applicari potest, Deus de remediis salutis sufficienter, quantum est ex se providebit?

*Resp. Affirm.* Nam 1. Deus illos infantes vult facere salvos fieri, nunquid parvuli homines non sunt, ut non pertineant ad id, quod dictum est, omnes homines? ait D. August. lib. 4. contra Julian. cap. 8. expendens hanc Apostoli sententiam: Omnes homines vult salvos fieri. 2. Deus Baptismum instituit ad illorum infantium salutem, & iis per se facile applicari potest, licet propter aliquod impedimentum interveniens illis applicari non possit.

*Obijcies:* D. August. lib. de dono persever. cap. 12. ait: Plurimque enim festinantibus & parvis ministris, ut Baptismus parvulo datur, Deo semen nascente, non datur; ergo Deus aliquibus parvulis non vult applicari remedium salutis.

*Resp. Dist. conseq.* Non vult, voluntate efficaci consequente prævisionem obstaculorum non tollendorum, nempe concursum causarum secundarum, in quo mors parvuli naturaliter & sine miraculo vitari nequit, conc. voluntate antecedente & conditionata, nego. Deus itaque, cum sit provisor universalis omnium causarum, permittit illas concursum suum naturalem servare, nec, ut subveniatur tali puero, tenetur per miraculum, aut turbare naturalem rerum ordinem, aut puerum inquitam conservare plusquam exigit ordo naturalis.

## DISSERTATIO II.

### De gratia habituali.

Quæres I. *Q*uid sit gratia habitualis?

*Resp.* Est, donum Dei supernaturale, homini intrinsece & permanentiter inherens, quo redditur formaliter Sanctus, Deo gratus, Filius Dei adoptivus, & hæret vite æternæ.

Dicitur 1. Donum supernaturale, id est, naturæ vires superans.

Dicitur 2. Intrinsece inherens, quia infunditur animæ, eamque intrinsece informat, & reddit formaliter Sanctam; juxta illud 1. Corinth. 3. Nescitis quia templum Dei estis vos, & Spiritus Dei habitat in vobis. Et illud 1. Joan. 3. Omnis qui natus est ex Deo, peccatum non facit, quoniam semen ipsius in eo manet. Ergo gratia sanctificans habitat & manet in homine iusto, qui consequenter fit Sanctus per donum internum animæ ejus inherens.

Ergo, hæretica est doctrina Calvinii docentis hominem non esse justum per interiorem justitiam, sed duntaxat per extrinsecam imputationem justitiæ Christi, qua ejus obteguntur peccata, ita ut gratia sanctificans sit ipsa met



met iustitia Christi per fidem apprehensa & nobis imputata, non quidem per fidem qua simpliciter credimus, sed qua firmiter confidimus in promissionibus divinis, ita ut apud eos fides nihil sit aliud, quam certa fiducia, qua, veluti manu, apprehendimus iustitiam Christi, tanquam vestem, qua nos operimus, iuxta illud Rom. 13. *Induimini Dominum Jesum.*

*Objicies:* Christus, ex Apost. 1. Cor. 1. *Factus est nobis sapientia a Deo, & iustitia, & sanctificatio, & redemptio*; ergo iusti efficiuntur per iustitiam Christi nobis imputatam.

*Resp. Dist. ans.* Factus est nobis iustitia, &c. efficienter & meritorie, conc. formaliter, nego. Hic enim per metonymiam, sumitur causa pro effectu: unde Concil. Trident. sess. 6. cap. 7. exponens causas justificationis, ait: *Unica formalis causa, justificationis, est iustitia Dei, non qua ipse iustus est, sed qua nos iustos facit*: Et can. 11. *Si quis dixerit homines justificari & vel sola imputatione iustitiae Christi, vel sola peccatorum remissione, exclusa gratia & charitate, quae in cordibus eorum per Spiritum sanctum diffundatur, atque illis inhereat: aus etiam gratiam qua iustificamur essentium favorem Dei, anathema sit.*

Dicitur 3. *Permanentem*. Quia confertur per modum habitus stabilis & permanentis, ut patet exemplo parvulorum, qui per Baptismum sunt permanentem iusti, nec capaces sunt ullius actus.

Dicitur 4. *Quo redditur Filius Dei adoptivus*. Quia infusio gratiae habitualis habet speciem divinae cuiusdam generationis, quae nos efficit divinae consortes naturae.

2. Petri 1.

Dicitur 5. *Heredes vitae aeternae*; Nam Roman. 8. *Si Filii, & heredes: heredes quidem Dei, coheredes autem Christi.*

Quaeres 2. *Utrum gratia habitualis distinguatur realiter a charitate?*

*Resp.* Affirmant Thomistae; probabilius negant Scotistae, quia in Scripturis omnes effectus gratiae habitualis tribuuntur charitati.

Quaeres 3. *Quot sint effectus gratiae habitualis?*

*Resp.* Sunt duo, justificatio, nimirum, & meritum.

Quaeres 4. *Quid sit justificatio?*

*Resp.* Definitur a Concil. Trid. Sess. 6. Cap. 4. *Translatio ab eo statu, in quo homo nascitur filius primi Adam, id est, a statu peccati, in statum gratiae & adoptionis filiorum Dei per secundum Adam, Jesum Christum.*

Quaeres 5. *Utrum in justificatione impii vere deleantur peccata?*

*Resp. Affirm.* Prout Ecclesia in Concil. Trident. Sess. 5. Can. 5. definit contra Calvinum: *Si quis per Dominum nostrum Jesu Christi gratiam, quae in baptismo confertur,*



fertur, reatum peccati originalis remitti negas, aut etiam asseris non tolli totum quod veram & propriam peccati rationem habes, sed illud dicis tantum radi, aut non imputari, anathema sis. Deus enim Isaïæ 43. ait; Ego sum ipse qui deleo iniquitates tuas propter me. Et Joann. 11. dicitur; Ecce Agnus Dei, ecce qui tollis peccata mundi; ergo.

*Obijcies:* In justificatione peccata solummodo teguntur, non imputantur, dissimulantur, Psalm. 31. *Beati . . . . . quorum secreta sunt peccata.* Et, *beatus vir cui non imputavit Dominus peccatum.* Et Sap. 11. *dissimulas peccata hominum propter penitentiam.*

*Resp. Nego ant.* Et dico ad primum, quod peccata ita tegantur ut non remaneant, sed deleantur, dicitur enim, *Beati quorum remisse sunt iniquitates:* & Psalm. 50. *Dele iniquitatem meam.* Dico ad secundum, quod non imputare, idem est ac non punire id quod non est, ut insinuat secunda pars illius versus: *nec est in spiritu ejus dolus*, id est, peccatum; si non est, quomodo remanet? . . . . . Dico ad tertium, quod dissimulare sumitur pro, *delevit, auferre*, unde Syriaca versio habet; *Misereris omnium . . . . . & auferis iniquitates hominum, quam pœnitueris eos.*

*Quæres 6.* Utrum in justificatione impiis fiat interior animi renovatio, per gratiam animæ ejus inherentem?

*Resp. Affirm.* Ut Concil. Trident. Sess. 6. Cap. 7. definit contra Calvinistas. *Justificatio, inquit, non est sola peccatorum remissio, sed & sanctificatio, & renovatio interioris hominis per voluntariam susceptionem gratiæ & donorum.* Nam Ephes. 4. dicitur; *Renovamini spiritu mentis vestræ, & induite novum hominem, qui secundum Deum creatus est in justitia & sanctitate veritatis.*

*Obijcies.* 1. Joana. 5. dicitur. *In hoc apparuit Filius Dei, ut dissolveret opera diaboli.* Ergo justificatio consistit in sola peccatorum remissione.

*Resp. Nego Conseq.* Nam opera diaboli non dissolvuntur, nisi per deletionem peccati, & novæ vitæ supernaturalis largitionem: Christus enim Joann. 10. ait; *Ego veni ut vitam habeant, & abundantius habeant.*

*Quæres 7.* Utrum in adultis prærequirantur dispositiones ad justificationem?

*Resp. Affirm.* Nam Isaïæ 45. dicitur; *Convertimini ad me, & salvi eritis.* Atqui illa conversio ad Deum fieri nequit, absque motu liberi arbitrii; ergo, &c. Hinc Prov. 16. dicitur; *Homini est animam præparare, nimirum, cum adjutorio Dei tangenti cor hominis per auxilium gratiæ,* ait D. August. lib. ad Bonif. cap. 9. ratio a priori, est voluntas Dei, qui noluit servare hominem sine hominis cooperatione.

*Obijcies:* Si ad justificationem requireretur actus liberi arbitrii, Deus expectaret voluntatem nostram; atqui ex Con-



Concil. Arausicano II. *Usque a peccato purgemur, Deus voluntatem nostram non expectat; ergo &c.*

*Resp. Dist. maj.* Deus expectat voluntatem nostram, quæ excitata a gratia præveniente sese ad gratiam justificationis cum gratia adjuvante se præparet, *conc.* quæ præveniat gratiam excitantem & adjuvantem, *nego maj.* Hoc ultimo sensu Concil. Arausicanum dicit: *Deus voluntatem nostram non expectat.*

Quæres 8. *Quanam dispositiones requirantur ad justificationem?*

*Resp. Ex Concil. Trident. sess. 6. cap. 6. requiruntur,*

1. *Fides*, juxta illud Matth. ultim. *Qui non credideris, condemnabitur.*

2. *Timor divini justitiæ*: Eccli. 1. *Timor Domini expellit malum; nam qui sine timore est, non poteris justificari.*

3. *Actus spei*: Rom. 8. *Spe salvi facti sumus.*

4. *Actus dilectionis Dei*: nam 1. Joan. 3. *Qui non diligit, manet in morte.* Quænam autem dilectio requiratur, dicitur in Dissert. de Pœnitentia.

5. *Pœnitentia*, de qua Act. 2. dicitur: *Pœnitentiam agite, & baptizetur unusquisque vestrum in nomine Jesu Christi in remissionem peccatorum vestrorum, & accipietis donum Spiritus sancti, id est gratiam justificantem.*

*Obijcies* 1. *Sola fides ad justificationem disponit, juxta illud Matth. 9. Fides tua te salvum fecit.*

*Resp. Nego ant.* Quod damnatum est in Calvino a Concil. Trident. can. 9. *Si quis dixerit sola fide impium justificari, ita ut intelligat nihil aliud requiri, quod ad justificationis gratiam consequendam cooperetur . . . anathema sit.* Textus allatus intelligi debet de fide formata, quæ per charitatem operatur.

*Inst. Apost. Ephes. 2. a dispositionibus justificationis excludit opera: Gratia enim estis salvati per fidem . . . non ex operibus; ergo &c.*

*Resp. Dist. ant.* Excludit opera sine fide & gratia facta, *cons.* cum gratia & fide facta, *nego.* Itaque Apostolus solum rejicit opera ante fidem facta, quæ non sunt salutaria; quia cum fides sit omnis meriti fons & prima origo, nullum est ante ipsam opus meritum. Ita D. August. lib. de prædest. Sancto. cap. 7. *Ideo dicit Apostolus justificari hominem ex fide, & non ex operibus, quia ipsa prima datur, ex qua imperentur cætera, quæ proprie opera nuncupantur, in quibus vivitur.* Et, lib. de grat. & liber. arbitrii. cap. 7. *Homines non intelligentes quod ait Apostolus, inquit, putaverunt eum dicere homini sufficere fidem . . . etiamsi opera bona non habeas, quod absit.* Loquitur ergo Apostolus de fide vestita operibus spei, charitatis, pœnitentiæ, uno verbo de fide, quæ per charitatem operatur, ad Galat. 5.

Quæres 9. *Quanam fides preparat ad justificationem?*

*Nota:*



*Nota:* Triplensem fidem distinguunt hæretici hujus temporis, duce Calvino, nempe 1. *fidem historicam*, seu, *dogmaticam*, qua credimus vera esse quæ a Deo revelata & promissa sunt. 2. *Fidem miraculorum*, qua est, juxta Calvinum, facultas edentorum miraculorum. 3. tandem, *Fides promissorum*, quæ est certa fiducia, qua credimus veras esse promissiones de gratuita peccatorum remissione per Christi merita; & hanc iterum duplicem esse disunt, nempe, *generalem*, qua credimus omnibus, qui in Christum credunt promissam esse peccatorum remissionem; & *particularem*, qua unusquisque sibi divinam promissionem applicans, credit, seu potius confidit, sibi omnia sua peccata esse dimissa per Christum, hancque esse quæ disponit ad justificationem; contra quos

*Resp.* Fides necessaria ad justificationem est fides historica, seu dogmatica, ut definiit Concil. Trident. sess. 6 can. 12. *Si quis dixerit fidem iustificantem nihil aliud esse, quam fiduciam divinæ misericordiæ peccata remittentis per Christum... anathema sit.* Ratio est, quia Scriptura, actum fidei ad justificationem disponentis describens, illum explicat per assensum datum divinæ revelationi, Marc. ultim. *Predicatio Evangelium omni creature: qui crediderit* (omnia in ea contenta) *salvus erit.*

*Obijciens:* Christus, Matth. 9. dixit: *Confide, fili, remittuntur tibi peccata tua.* Ergo &c.

*Resp.* Nego *conseq.* Equidem ad remissionem peccatorum requiritur fiducia, quæ est actus spei, qua peccator sperat sibi remittenda peccata per Christum; sed nec sola requiritur, cum præsupponat actum fidei, quo peccatores *libere* moventur in Deum, credentes vera esse, quæ divinitus revelata, & promissa sunt, ut docet Concil. Trident. cap. 6. Nec est illa hæreticorum fides, qua unusquisque credit sibi remissa esse peccata, sed est vera spes theologica, ut constat ex ipso textu.

*Quæres 10.* *Utrum justificatio sit equalis in omnibus?*

*Resp.* *Negative*, ut de fide definitum est contra Jovinianum, & iterum definiit Concil. Trident. contra Lutherum & Calviannos nam 1. unus altero est iustior. Matth. 11. *Inter natos mulierum non superavit major Joanne Baptista.* 2. Iustitia potest augeri, 2. Petri 3. *Crescite in iustitia;* & Apoc. ult. *Qui iustus est, justificetur adhuc.* Ergo.

*Quæres 11.* *Utrum iustitia sit amissibilis?*

*Resp.* Est amissibilis, & revera amittitur per subsequens peccatum, ut definiit Concil. Trident. can. 23. *Si quis hominem semel iustificatum dixerit amplius peccare non posse, neque gratiam amittere, atque adeo eum qui labitur & peccat, nunquam vere iustificatum fuisse; anathema*



ma sit. Nam, Ezech. 18. Cum averteris se justus a sua justitia, & feceris iniquitatem, morietur in eis: in injustitia, quam operatus est, morietur. Hinc, Apost. Philipp. 2. hortatur, ut cum metu & tremore salutem nostram operemur.

**Obijcies:** Dicitur, 1. Joa. 3. Omnis qui natus est ex Deo, peccatum non facit, quoniam semen ipsius in eo manet, nec peccare potest, quia ex Deo natus est. Ergo justus a sua justitia excidere non potest.

**Resp. Nego conseq.** Textus enim debet intelligi in sensu composito gratiæ justificantis, & filiationis divinæ: Cum enim peccat homo, ait D. August. lib. de grat. cap. 21. non secundum charitatem, sed secundum cupiditatem peccat, secundum quam non est natus ex Deo.

**Inst. 1. Corinth. 13.** Charitas nunquam excidit; ergo.

**Resp. Nego conseq.** Sensus enim est quod charitas perseveret in Patria, ubi alii habitus fidei & spei cessabunt.

**Quæres 12.** Utrum homo possit esse certus, certitudine fidei, se esse justificatum?

**Resp.** Non potest citra specialem revelationem, prout definiit Conc. Trid. contra Lutherum; nam, Ecclesi. 9. dicitur: Sunt justi atque sapientes, & opera eorum in manu Dei, & tamen nescit homo utrum amore aut odio dignus sit; sed omnia in futurum servantur incerta. Unde Apost. 1. ad Cor. 4. ait: Nihil mihi conscius sum, sed non in hoc justificatus sum, qui animæ me iudicas, Dominus est.

**Obijcies,** Apostol. Rom. 8. ait: Certus sum, quia neque mori, neque vita, neque Angeli, neque Principatus ..... neque creatura alia poterit nos separare a charitate Dei; ergo.

**Resp. Nego conseq.** Ex hoc textu sequitur equidem, quod nulla creatura possit justum invitum a sua justitia dimovere; sed non sequitur quod justus possit scire, absque speciali revelatione, quod sit justus.

**Quæres 13.** Quid sit meritum?

**Resp.** Est opus retributione dignum.

**Quæres 14.** Quosuplex sit meritum?

**Resp.** Duplex, nempe, meritum de condigno, cui præmium debetur ex aliqua justitia; & meritum de congruo, cui præmium debetur ex aliqua duntaxat decentia & congruitate: quod si habeat promissionem adjunctam, dicitur de congruo infallibili; si vero non habeat promissionem adjunctam, dicitur de congruo fallibili.

**Quæres 15.** Utrum bona iustorum opera sint meritoria?

**Resp. Affirm.** Prout Conc. Trid. definiit contra Calvinum & Lutherum: Si quis dixerit, ait can. 32. hominis justificati bona opera ita esse dona Dei, ut non sint etiam bona ipsius justificati merita; ..... anathema sit. Nam, Ecclesi. 13. dicitur: Ne verearis usque ad mortem justificari, quia apud Dominum est merces bonorum operum.



*Objiciunt*: Rom. 6. dicitur, *Gratia autem Dei vita æterna*; ergo non est merces.

*Resp.* Nego consequ. Nam vita æterna dicitur & merces & gratia, quia principium meriti habemus ex gratia gratuito data: merces vero, quia retribuitur bene operantibus per vires a gratia acceptas.

*Insp.* Gloria est nostra hæreditas, Rom. 8. *Si filii & heredes*; atqui hæreditas coniertur filiis absque ullo merito; ergo.

*Resp. Dist. maj.* Est hæreditas, jure adoptionis ineunda, conc. jure nativitatis, nego. Porro conditiones adoptionis divinæ, sunt observatio mandatorum, Matth. 23. *Si vis ad vitam ingredi, serva mandata*.

*Quæres 16.* Quot conditiones requirantur essentialiter ad meritum de condigno?

*Resp.* Requiritur sex, nempe, duæ ex parte hominis merentis; tres ex parte actus meritorii; & una ex parte Dei præmiantis.

*Ex parte hominis*, requiritur, 1. quod sit justus, nam Christus, Joan. 15. dicit: *Sicut palmes non potest ferre fructum ex semetipso, nisi manserit in vire, sic nec vos, nisi in me (per gratiam sanctificantem) manseritis*.... 2. Quod sit viator, Joan. 9. *Venit nox, quando nemo potest operari*, ubi per, noctem, intelligit mortem.

*Ex parte actus*, requiritur 1. quod sit liber a necessitate; unde hæretica est hæc Jansenii prop. *Ad merendum, vel demerendum in statu naturæ lapsæ, non requiritur in homine libertas a necessitate, sed sufficit libertas a coactione*..... 2. Quod sit bonus & honestus, 2. Petri 1. *Satagite ut per vestra bona opera certam vestram vocationem & electionem faciatis*.... 3. Quod sit supernaturalis, tum in entitate, ita ut eliciatur ex gratiæ actualis auxilio, tum quoad modum, ita ut eliciatur ex imperio charitatis. *Hoc amore opus est*, inquit D. August. lib. 4. contra Julianum, cap. 3. *ut bonum beatificum sit*, id est, meritum beatitudinis.

*Ex parte Dei*, requiritur promissio mercedis; nam Deus non potest nobis debitor fieri, nisi intercedat promissio ex parte ipsius; unde vita æterna dicitur in Scripturis promissio. Hebr. 10. *Ut voluntatem Dei facientes, reportetis promissionem*.

*Quæres 17.* Utrum justus possit mereri reparationem suam post lapsum futurum?

*Resp.* Non potest illam mereri de condigno, quia nulli id promisit Deus: potest tamen illam mereri de congruo fallibili, quia eam petit cum Propheta, Psalm. 70. *Cum defecerit virtus mea, ne derelinquas me*; atqui frustra eam peteret, nisi posset mereri de congruo, & impetrari; ergo.

*Quæres 18.* Utrum justus possit mereri de condigno gratiam perseverantiæ?

*Resp.*



*Resp.* Non potest secundum viam ordinariam, quia nulla in Scriptura reperitur talis promissio a Deo facta; potest tamen mereri de congruo fallibili; nam ex Div. Augusti lib. de dono persever. cap. 6. *Hoc donum Dei suppliciter emereri potest*; atqui suppliciter emereri, est mereri de congruo; ergo.

Quæres 19. *Utrum iustus possit alteri mereri primam gratiam?*

*Resp.* Non potest de condigno, quia non promisit Deus se daturum aliis quod in eorum favorem petierimus; potest tamen de congruo fallibili, juxta illud Jacobi 5. *Orate pro invicem, ut salvemini*. Hinc Deus iratus amicis Job, eos remittit ad illum, ut pro ipsis oret, & impetret veniam peccati eorum; & August. *Serm. 2. de Sanctis*, ait: *Si Martyr Stephanus non orasset, Ecclesia Paulum hodie non haberet.*





373  
TRACTATUS VII.

De Actibus Humanis.

Nota. **A** Gemus hic de fine, natura, & moralitate actuum humanorum.

CAPUT I.

De fine actuum humanorum.

Quæres. 1. **Q**uid sis finis?

Resp. Definitur: *Id, cujus gratia aliquid fit.*

Dicitur 1. *id*, hoc est, bonum, sive verum, sive apparens, quia voluntas a solo bono alliei & moveri potest.

Dicitur 2. *Cujus gratia*: id est, cujus amore & fruendi desiderio agens operatur.

Dicitur 3. *Aliquid fit*: id est, assumitur medium, quod ad finis affectionem inservire posse judicatur. Hinc patet finem esse primam omnium causarum.

Quæres 2. *Quomodo dividitur finis?*

Resp. 1. Dividitur in finem, *qui*, *cui*, & *quo*.

*Finis qui*, est objectum quod per media consequi intendimus; unde vocatur ab aliquibus, finis *objectivus*.

*Finis cui*, est suppositum cui appetimus finem *qui*, sic proximo appetimus sanitatem, beatitudinem, &c.

*Finis quo*, est actio qua finis *qui* possidetur: unde vocatur etiam finis *formalis*. Sic Deus est finis *qui*, seu *objectivus* hominis, & visio beatifica, est finis *quo*, seu, *formalis*.

2. *Dividitur*, in finem *operis* seu *intrinsicum*, & finem *operantis*, seu, *extrinsicum*.

*Finis operis*, est res illa ad quam opus ex se ordinatur: . . . . . *finis operantis*, est ille quem sibi proponit operans: sic in elemosyna finis *operis*, est sublevatio pauperis, finis *operantis*, est vel amor Dei, vel vana gloria, &c.

3. *Dividitur*, in *ultimum*, & *non ultimum*, seu *intermedium*.

*Finis ultimus*, est is qui ita intenditur, ut in eo consistatur. . . . . *Finis non ultimus*, seu, *intermedius*, est is qui ita intenditur, ut ad ulteriorem finem referatur, tale est pharmacum quod intenditur propter sanitatem.

Porro si finis *ultimus* sit talis in uno tantum genere, dicitur, *respective ultimus*. Si sit talis in omni genere, ita ut ad aliud referri non possit, dicitur, *ultimatus*, talis est solus Deus.

Quæ.



Quæres 3. Quid intelligitur per effectum finis?

Resp. Intelliguntur actus quibus voluntas tendit in finem.

Quæres 4. Quot sunt effectus finis?

Resp. Sunt octo; scilicet:

1. *Volitio*, seu amor simplex & complacentia, qua bonum voluntati propositum, placet, abstrahendo ab ejus possibilitate aut impossibilitate.

2. *Intentio*, hoc est, desiderium efficax finem obtinendi per media consentanea.

3. *Consilium*, quo inquiruntur media ad finem assequendum aptiora. Hic actus, licet sit ab intellectu elicited, est tamen effectus finis, quia est imperatus ab intentione efficaci voluntatis.

4. *Consensus*, quo approbantur & acceptantur media ab intellectu ad finem consequendum proposita.

5. *Electio*, quæ ex pluribus mediis per consensum approbatis, unum præ alio ad finis consecutionem amplectitur.

6. *Imperium*, quo voluntas imperat usum mediorum, quæ, post debitam deliberationem, electa sunt.

7. *Usus*, quo voluntas seipsam, aut alias potentias, applicat ad medii electi executionem.

8. *Fruitio*, qua voluntas suaviter quiescit in boni amati possessione. Unde est delectatio ex amore & præsentia rei amatae causata.

Quæres 5. Utrum voluntas e duobus mediis possit eligere minus idoneum, relicto magis idoneo?

Resp. Affirm. Quia voluntas est libera, & medium magis idoneum, non est necessarium. Tamen ut electio sit recta & honesta, debet eligi medium magis idoneum; alias electio feret imprudenter.

Quæres 6. Utrum quidquid homo vult deliberare, illud velit propter finem ultimum?

Resp. Illud vult implicite saltem & virtualiter propter finem ultimum spectatum confuse & in communi, quia semper operatur ut bene sibi sit; non autem illud vult semper propter finem ultimum spectatum in particulari & determinate; quia talis finis est Deus; atqui quidquid homo vult deliberare, illud non vult propter Deum, quia plura vult quibus se avertit a Deo; ergo.

Quæres 7. Utrum homo possit agere simul & semel propter plures fines ultimos adequatos & totales?

Resp. non potest: Quia de ratione finis simpliciter ultimi, totalis, & adequati, est, quod omnia ad ipsum, ipse vero ad aliud non referatur; atqui repugnat simul dari duo ultima hujusmodi; ergo, &c. Hinc gentiles, qui plures sibi proponebant deos, rationem finis ultimi inter eos dividebant, ita ut unum pro uno bono latendo, alium pro alio colerent.

Quæres 8. Quis est finis ultimus hominis?

Resp.



*Resp.* Est beatitudo, quæ definitur: *Status omnium bonorum aggregatione perfectus.*

*Quæres 9. Quotuplex est beatitudo?*

*Resp.* Duplex, *objectiva*, quæ est bonum cuius possessione satiatur appetitus hominis; & *formalis*, quæ est actio, quæ, cum summo voluptatis sensu, possidetur obiectum beatitudinis.

*Quæres 10. Quid est beatitudo hominis objectiva?*

*Resp.* Est Deus, quia solus potest hominis animam ita satiare, ut nihil amplius ipsi desiderandum superfit, juxta illud D. August. lib. 19 de civit. Dei, c. 26. *Recessisti nos ad te, & inquietum est cor nostrum donec requiescas in te.* Hinc sequitur res terrenas, puta honores, divitias, scientias, &c. Animam occupare posse, nullatenus satiare.

*Quæres 11. In quo consistit beatitudo formalis?*

*Resp.* Thomista eam reponunt in visione Dei intuitiva; *Scotista*, in solo amore fructivo. Tandem plurimi in gaudio beatifico, quod definitur; *Intimus ac suavissimus creatae mentis sensus, quo mens adeo sibi confessa est se bene esse, ut nihil ultra exspectat.* Horum sententia probabilior est: nam 1. Scriptura Matth. 27. dicit; *Intra in gaudium Domini tui.* Et D. August. lib. 10. confess. cap. 23. *Beata vita, inquit, est gaudium de veritate.* 2. Beatitudo formalis, est status beati, quo in summo bone clare viso & amato, tamquam in suo fine ultimo omnimode satiatus, suavissime conquiescit; atqui talis status formaliter habetur per gaudium, ut constat ex ejus definitione; ergo.

*Quæres 12. Quot sint dotes anime beate?*

*Resp.* Sunt tres, nempe inamissibilitas gloriæ, impeccabilitas, & modus quo Deum diligit, itaque.

1. Beatitudo est *inamissibilis*, alias cum timore possideretur, & sic non esset status omnium bonorum aggregatione perfectus.

2. Beati sunt *impeccabiles*, nam peccatum, quod est averio a Deo, compati non potest cum amore beatifico, qui est intima unio cum Deo.

3. Beati necessario amant Deum, tum necessitate specificationis, ita ut non possint eum odisse, tum necessitate exercitii, ita ut non possint ab ejus amore cessare.

*Quæres 13. Quot sint dotes corporis Beati?*

*Resp.* Sunt quatuor, quas refert Apostol. 1. Corinth. 13. nempe, *impassibilitas*, quæ excluditur a corpore beati omnis passio corruptiva. *Subtilitas*, quæ redditur alterius corporis penetrativum: *Agilitas*, quæ redditur imperceptibiliter ac celerissime mobile. *Claritas*, quæ redditur luminosum & simile crystallo.

*Quæres 14. Quid sit aureola?*

*Resp.* Est animæ beate gaudium accidentale de excellenti victoria sua, in corpus speciali fulgore redundans.

*Quæ.*



Quæres 15. *Quæ sint aureolæ?*

Resp. Sunt tres. 1. Est Martyrum, qui de mundo ;  
2. Virginum, qui de carne ; 3. Doctorum, qui de diabolo  
triumpharunt.

## C A P U T II.

*De natura actuum humanorum.*

Quæres I. *Quid sit actus humanus?*

Resp. Est ille, qui procedit a volun-  
tate cum rationis advertentia & libertate.

Dicitur 1. *Qui procedit a voluntate* : sive immediate,  
ut amor, odium, &c. Et tunc dicitur, *actus elicitus* ;  
sive mediate, ut meditatio, ambulatio, &c. Et tunc di-  
citur, *actus imperatus*, quatenus ex imperio voluntatis  
elicitur ab alia potentia, nimirum meditatio ab intelle-  
ctu, & deambulatio a potentia motrice.

Dicitur 2. *Cum rationis advertentia & libertate* : per  
quod distinguitur ab actione hominis, quæ naturaliter pro-  
cedit ab homine absque rationis advertentia & libertate.

Ergo in actu humano duo spectanda sunt, scilicet vo-  
luntarium, & liberum. Agemus ergo 1. de voluntario,  
& involuntario. 2. De libero.

## Q U Æ S T I O I.

*De voluntario, & involuntario.*

Quæres 1. *Quid sit voluntarium?*

Resp. Est id quod est a principio in-  
trinseco cum cognitione singulorum in quibus est actio.

Dicitur 1. *Id*, hoc est, actio, vel passio, vel omisso.

Dicitur 2. *Quod est a principio intrinseco* ; nempe a vo-  
luntate ; ut distinguatur a violento, quod a principio ex-  
trinseco prodit. Unde violenta tractio in carcerem non  
est voluntaria in eo qui trahitur.

Dicitur 3. *Cum cognitione singulorum in quibus est actio* :  
id est, finis & circumstantiarum. Hinc si una circum-  
stantia omnino sit ignorata, actio quoad illam non est  
voluntaria. Si cognitio sit perfecta, voluntarium est per-  
fectum, si sit imperfecta, est imperfectum.

Quæres 2. *Quomodo dividitur voluntarium?*

Resp. 1. Dividitur in *expressum*, quod Verbo, aut  
alio signo declaratur ; & *tacitum*, quod colligitur ex ali-  
quo facto, vel facti omissione, juxta hanc regulam ju-  
ris : *Qui tacet, consentire videtur*. Porro taciturnitas  
æquivalere consensui in duobus casibus tantum. 1. Cum  
aliquid favorabile proponitur. 2. Cum, qui tacet, lo-  
qui tenetur.

2. Dividitur in *directum*, quod in se ipso est volitum,  
vel



vel actualiter, vel virtualiter. Et in *indirectum*, quod licet non sit in se ipso volitum, est tamen volitum in sua causa. Porro ad voluntarium indirectum tria requiruntur. 1. Ut operans praevideat, aut praevidere possit, & debet, effectum hunc ex hac causa secuturum esse. 2. Ut effectum hunc impedire possit, ejus causam auferendo. 3. Ut hanc causam auferre teneatur, aut saltem nullum jus habeat eam ponendi; quia nimirum nulla subest eam ponendi necessitas aut utilitas.

Quæres 2. Quid sit involuntarium?

Resp. Est, id quod vel est a principio extrinseco, ut ea quæ fiunt ex violentia, vel metu; vel a principio intrinseco quidem, sed sine cognitione, prout contingit in his quæ fiunt per passionem, vel per ignorantiam; de quibus sit.

### §. I. De involuntario per violentiam & metum.

Quæres 1. Quid est violentum, seu coactum?

Resp. Est, id quod est a principio extrinseco, in contrarium resistente passo. Quod si passum totis viribus, quantum potest & debet, resistat, dicitur *violencia absoluta*. Si vero resistat aliquo modo, sed non quantum potest & debet, dicitur *violencia secundum quid*.

Quæres 2. Utrum omnis violentia tollat voluntarium?

Resp. Violentia absoluta omnino tollit voluntarium, quia actio nullatenus procedit a voluntate: violentia vero secundum quid, non tollit voluntarium, sed minuit tantum, quia voluntas non resistit omnimode, ergo actio sic coacta procedit partim a voluntate, partim a principio extrinseco.

Quæres 3. Utrum voluntas possit cogi?

Resp. Non potest cogi quoad actus elicitos: quia actus elicitus voluntatis est essentialiter volitio; ergo est essentialiter voluntarius.

Dixi: Quoad actus elicitos: quia potest cogi quoad actus aliarum potentiarum, sed tunc non sunt a voluntate imperati.

Quæres 4. Utrum quæ fiunt ex metu gravi sint involuntaria?

Resp. Sunt absolute & simpliciter voluntaria, & secundum quid tantum involuntaria, quia licet consensus datur cum repugnantia, nihilominus datur, ac proinde licet a tanto peccato excusent, non tamen excusant a toto.

Nec dicas: Matrimonium & votum solemne ex metu gravi celebrata, sunt invalida; ergo sunt absolute & simpliciter involuntaria.

Resp. Dist. ans. Sunt invalida jure ecclesiastico, conc. jure naturali, nego. Non ergo sunt invalida defectu voluntarii, sed sunt invalida, quia Lex ecclesiastica ea irritat.



§. II. De involuntario per concupiscentiam  
& ignorantiam.

Quæres 1. Quid sit concupiscentia, seu passio?

Resp. Est, motus appetitus sensitivi bonum sensibile prosequens, vel malum sensibile fugiens. Concupiscentia sic sumpta, vel est *anteced.* quæ præcedit voluntatis consensum quem allicit: vel *conseq.* quæ excitatur, seu imperatur a voluntate.

Quæres 2. Utrum concupiscentia antecedens causas involuntarium?

Resp. Ex una parte auget, & ex altera minuit voluntarium; nam ad voluntarium perfectum duo requiruntur, nimirum, *propensio voluntatis in objectum*, & *cognitio singulorum in quibus est actio*; atqui concupiscentia antecedens auget propensionem voluntatis in objectum; minuit vero cognitionem eorum, in quibus est actio; ergo.

*Obijcies*: Concupiscentia antecedens semper minuit liberum, ut constat ex iis motibus qui *secundo primi* dicuntur, imo quandoque tollit liberum, ut constat ex iis motibus qui *primo primi* dicuntur, qui ideo non sunt peccata, quia absque rationis advertentia & voluntatis consensu exurgunt; ergo semper minuit voluntarium.

Resp. Nego *conseq.* Nam ratio voluntarii sita est in propensione voluntatis, ratio vero liberi sita est in indifferentia voluntatis: atqui potest minui, imo quandoque tolli indifferentia voluntatis, etsi non minuat eisdem propensio in objectum; ergo, &c.

Quæres 3. Utrum concupiscentia consequens tollat voluntarium?

Resp. Negas. E contra auget voluntarium, & liberum quia voluntas eam vult & imperat, ut majori nisu obiecto pravo, quod insequitur, fruatur, siue velit concupiscentiam in se, eam nempe impellendo in pravum obiectum; siue eam velit in causa, fovendo nimirum prava habitus quibus impellatur in pravum obiectum. Ex quo sequitur peccatum ex pravo habitu perpetratum, esse gravius eo, quod tantum semel fuit admissum.

Quæres 4. Quid sit ignorantia?

Resp. Est, carentia cognitionis debite.

Quæres 5. Quotuplex est ignorantia?

Resp. Duplex, alia juris, alia facti, & utraque est vel vincibilis, vel invincibilis.

*Ignorantia juris*, est ea qua lex ignoratur; v. gr. si quis ignoret affinitatem dirimere matrimonium.

*Ignorantia facti*, est ea, qua ignoratur aliquod factum particulare esse legi contrarium; v. gr. si quis

Compend. ex Chaymes.

K

sciens



sciens affinitatem dirimere matrimonium, ignoret eam, cui nubit, sibi esse affinem.

*Ignorantia vincibilis*, est ea quæ potuit ac debuit vinci; v. gr. studio, & diligentia debita. Hæc vel est *affectedata*, qua quis expresse vult ignorare, ut liberius peccet: vel *crassa*, qua quis non quidem expresse vult ignorare, sed non curat ea addiscere quæ potest & tenetur scire.

*Ignorantia invincibilis*, est ea, quæ, adhibita sufficienti diligentia, non potuit vinci.

Quæres 6. *Utrum detur ignorantia invincibilis juris naturalis?*

*Resp. 1.* Non datur circa prima principia, nec circa proximas earum conclusiones; v. ser. circa præcepta Decalogi, quia eorum cognitio tam evidens est, ut sine difficultate haberi possit: nullus quippe est, qui non videat veritatem huius primi principii: *Quod tibi fieri non vis, alteri ne feceris*: ex quo facili negotio concludit: *Ergo non est furandum, occidendum, &c.*

*Resp. 2.* Potest esse ignorantia invincibilis juris naturalis, quoad conclusiones a principiis magis remotas, qualis est prohibitio usuræ, uxorum pluralitas, &c. Ratio est experientia, qua constat homines doctissimos ac sanctissimos in iis conclusionibus sequi opiniones contradicterias; ergo in iis quandoque falluntur.

Quæres 7. *Utrum omnis ignorantia invincibilis casus involuntarium?*

*Resp.* Causat simpliciter; quia quod sit ex tali ignorantia, fit absque cognitione singulorum in quibus est actio, & contra voluntatis propensionem. Hinc ignorantia invincibilis excusat ab omni peccato, quia ex D. August. lib. de vera religione, cap. 4. *Usque adeo peccatum voluntarium est, ut nullo modo sit peccatum, si non sit voluntarium; & hoc ita manifestum est, ut nulla doctorum paucitas, nulla indoctorum turba differat...* Unde Alex. VIII. hanc propositionem damnavit: *Tametsi detur ignorantia invincibilis juris naturalis, hæc in statu naturæ lapsæ operantem ex ipso non excusat a peccato formali.*

Quæres 8. *Utrum ignorantia vincibilis tollat voluntarium?*

*Resp. 1.* Ignorantia *affectedata* voluntarium & peccatum auget, nedum minuit, quia procedit ex majori deliberatione & affectu liberius peccandi.

*Resp. 2.* Ignorantia *crassa*, non *affectedata* facit opus simpliciter voluntarium; quia qui agit ex illa ignorantia, vult, saltem indirecte, causam peccati, ergo vult peccatum.

*Resp. 3.* Ignorantia *crassa*, facit opus involuntarium secundum quid; unde minuit voluntarium & peccatum; quia minuit cognitionem, & fit contra aliquam



voluntatis inclinationem, ut patet in eo qui non facta  
sufficienti diligentia, putans occidere feram, occidit  
amicum.

## Q U Æ S T I O II.

De voluntario libero, seu de libertate.

Quæres 1. *Quotuplex est libertas?*

*Resp.* Duplex, nempe libertas a co-  
actione, seu spontaneitatis, & libertas a necessitate sim-  
plici.

*Libertas a coactione*, est immunitas ab omni violentia  
contra voluntatis propensionem ab extrinseco illata.

*Libertas a necessitate simplici*, definitur: *Potentia  
activa, quæ, possis omnibus ad agendum prærequisitis,  
possi ex se agere, vel non agere, aut hoc agere, vel  
ejus contrarium.*

Dicitur 1. *Potentia activa*; scilicet, voluntas.

Dicitur 2. *Quæ possis omnibus*, &c. si enim unum ex  
prærequisitis ad agendum desit, profecto in actum po-  
tentia prorumpere nequit.

Dicitur 3. *Ex se*; id est, ex propria sui determinatione.

Dicitur 4. *Potest agere, vel non agere*; v. gr. amare,  
vel non amare, & est libertas *contradictionis*, & *exercitii*.

Dicitur 5. *Aut hoc agere, vel ejus contrarium*; v. gr.  
eligere bonum vel malum, & est libertas *contrarietatis*,  
seu, *specificationis*.

Quæres 2. *Quotuplex sit necessitas?*

*Resp.* 1. Dividitur 1. in *anteced.* quæ vel rationis &  
voluntatis usum antecedit, ut sit in motibus primo pri-  
mis; vel quæ licet fiat ex plena rationis advertentia, sic  
tamen voluntatis consensum indeclinabiliter antecedit,  
ut eam invincibiliter & insuperabiliter exprimat; talis  
in sententia Jansenii inducitur ex delectatione relative su-  
periori sive ad bonum, sive ad malum, cui voluntas nec  
unquam vult, nec velle potest resistere relative, id est,  
in his circumstantiis, in quibus veratur.

Dividitur 2. In *necessitatem specificationis*, quæ facul-  
tas ita determinatur ad unum, ut in oppositum ferri non  
possit; & in *necessitatem exercitii*, quæ voluntas ita de-  
terminatur ad actum, ut ab illo non possit abstinere:  
sic Deus ab amore sui non potest abstinere.

Dividitur 3. In *necessitatem physicam*, quæ est ante-  
cedens & naturalis ad unum determinatio, quæ voluntas  
ita unum vult, ut aliud hic & nunc velle non possit; &  
in *necessitatem moralem*, quæ est summa difficultas vel  
operandi bonum, vel abstinendi a malo, quæ tamen actu  
& de facto vinci potest, qualis ex inveteratis habitibus  
contrahitur.

Quæres 3. *Quanam requiritur libertas ad liberum ar-  
bitrium?*



*Resp.* Requiritur libertas a simplici necessitate; nec sufficit libertas a coactione: nam SS. PP. Pius V. Greg. XIII. Urbanus VIII. damnarunt has Baji propositiones: *Quod voluntarie fit, etiamsi necessario fiat, libere tamen fit: sola violentia repugnat libertati hominis naturali.* Ergo liberum arbitrium non consistit in solo voluntario; ergo ad merendum vel demerendum non sufficit sola libertas a coactione. *Ratio est*, quia ea sola potentia est libera libertate arbitrii, quæ, positis omnibus ad agendum prærequisitis, potest agere, vel non agere; ergo ea potentia non est libera libertate arbitrii, quæ, positis omnibus ad agendum prærequisitis, non potest suum actum suspendere, sed invincibili necessitate ad unum determinatur.

*Obijcies 1.* D. August. lib. 2. de lib. arb. cap. 3. ait: *Illud nos habere in potestate dicimur, quod, cum volumus, facimus.* Atqui actus pure spontaneos & necessarios facimus, cum volumus; ergo, &c.

*Resp. Diss. maj.* Illud habemus in potestate, quod, cum volumus, facimus, ita ut possit non fieri, *concl.* ita ut non possit non fieri, *neg. maj.* Actus autem necessarios facimus, cum volumus, ita ut non possimus ipsos non facere; unde non sunt in nostra potestate; nam, *Hoc quisque habere in potestate dicitur, quod, si vult, facit; si non vult, non facit*, ait D. Aug. lib. de spiritu & lit. cap. 31.

*Obijcies 2.* SS. Patres asserunt solam coactionem officere libertati; ergo.

*Resp.* Quod SS. Patres has voces, *cogi*, & *coactio*, non sumunt stricte, pro violentia proprie dicta, quæ repugnat actibus a voluntate elicitis; sed late, pro quacunque necessitate antecedente, ad unum insuperabiliter determinante, ut constet ex eorum dictis.

*Quæres 4.* *Quanam in statu natura lapsa requiritur libertas ad merendum vel demerendum?*

*Resp.* Requiritur libertas indifferentiæ, seu a simplici necessitate, nec sufficit libertas a coactione, ut fides docet contra Jansenium, ejus hæc prop. damnata est ut hæretica: *Ad merendum, & demerendum, in statu naturæ lapsæ, non requiritur in homine libertas a necessitate, sed sufficit libertas a coactione.* Ratio est, quia, ut quis mereatur vel demereatur, debet habere dominium suæ actionis, & de ea disponere prout vult; atqui agens ex necessitate, etiam simplici, non habet dominium suæ actionis, nec de ea potest disponere prout vult, tanquam Dominus; ergo, &c.

*Obijcies:* D. August. lib. 1. operis imperfecti, cap. 106. ait: *Non est igitur impunitatis securitas in necessitate peccandi.* Ergo ad demeritum non est necessaria libertas a necessitate.

*Resp. Diss. sensq.* Non requiritur libertas a necessitate



tate morali, *conc.* a necessitate antecedenti physica, nego *conseq.* Addit enim D. Doctor: *Sed ut non obis ista necessitas, donas ille cui dicitur: De necessitatibus meis erue me.* Ergo loquitur de necessitate morali [quæ] viaci potest per gratiam Christi.

Quæres 5. *Utrum homo lapsus sit liber ad bonum & malum, non solum libertate a coactione, sed etiam a necessitate simplici antecedente?*

*Resp. Affirm.* Idque constat ex Script. Eccli. 15. *Deus ab initio constituit hominem, & reliquit illum in manu consilii sui. Adjecit mandata & praecepta sua: si volueris mandata servare, conservabunt te. . . apposuit tibi aquam & ignem, ad quod volueris, porrige manum tuam. Ante hominem vita & mors, bonum & malum: quod placueris ei, dabitur illi.* Ad quæ verba D. Augustinus, lib. de grat. & lib. arb. cap. 2. dicit: *Ecces, apertissime videmus expressum liberum humane voluntatis arbitrium.* Deut. 30. *Moyse Israelitas sic alloquitur: Testes invoco hodie celum & terram, quod proposuerim vobis vitam, & mortem, benedictionem & maledictionem; elige ergo vitam, ut & tu vivas & semen tuum.* Certe qui potest eligere vitam vel mortem, est liber ab omni necessitate antecedente, etiam simplici & voluntaria.

*Objeies 1.* Homo lapsus captivatur sub lege peccati, nec facit quod vult, imo facit quod non vult, Rom. 7. *Video aliam legem in membris meis repugnantem legi mentis meæ, & captivantem me in lege peccati.* Et: *Non quod volo bonum hos facio, sed quod nolo malum, hoc ago; ergo, &c.*

*Resp. Dist. ans.* Quoad sensum, *conced.* quoad consensum, nego *ant.* loquitur itaque Apostolus de motibus concupiscentiæ indeliberatis, quos necessario quidem experimur; & sic sub eis captivamur, nec facimus quod volumus, sed eis non necessario obsequimur, & sic non necessario peccamus.

*Objeies 2.* D. Aug. *Enchiridii*, cap. 30. ait: *Liberum arbitrio male utens homo & se perdidit & ipsum.* Et in Epist. ad Vitalem, dicit: *Liberum arbitrium ad diligendum Deum primi peccati granditate perdidimus; ergo.*

*Resp. Dist. conseq.* Per peccatum primi parentis amissum est liberum arbitrium, quoad plenam cum immortalitate iustitiam, quam habuit in illo statu felicitatis, & quæ consistebat in dono integritatis, in immunitate a morte, a concupiscentia inordinata, & ab ignorantia, *conc.* quoad substantiam, nego: seipsum explicat D. August. lib. 1. ad Bonifacium, cap. 2. dicens: *Quis nostrum dicat, quod primi hominis peccato perieris liberum arbitrium de humano genere? liberum quidem perierit per peccatum, sed illa quæ in paradiso fuit habendi planam cum immortalitate iustitiam, propter quod natura humana divina indiget gratia:*



222 *Compendium*  
scilicet, ut libertas aliquid boni supernaturalis elicere possit.

## C A P U T I I I.

*De moralitate actuum humanorum.*

Quæres *O* *Uid sit actus moralis?*

*Resp.* Est, actus humanus: *conformis* vel *difformis* regulis morum, vel ab eis *permisus*. Unde *moralis* præter liberum, dicit ordinem & relationem ad regulas morum.

Agemus de speciebus, principiis, affectionibus, & primaria regula moralitatis.

## Q U Æ S T I O I.

*De speciebus moralitatis.*

Quæres 1. *O* *Uos & quanam sint species moralitatis?*

*Resp.* Sunt tres, nimirum, *indifferentia*, quam lex permittit; *bonitas*, quam imperat; & *malitia*, quam prohibet.

Quæres 2. *Quosuplici modo considerari possit actus humanus?*

*Resp.* Considerari potest *in specie*, nimirum, quatenus dicit ordinem ad solum objectum, ad quod ex se tendit. Vel *in individuo*, nimirum quatenus dicit ordinem ad objectum, circumstantias, & finem operantis.

Quæres 3. *Utrum dentur actus humani indifferentes in specie?*

*Resp. Affirm.* Nam varia sunt objecta quæ ex se plane sunt indifferentia ad bonitatem vel malitiam, ut sunt, *ambulare, levare festucam, &c.* Ergo actus humani, spectati in ordine ad objecta illa sola, sunt indifferentes.

Quæres 4. *Utrum dentur actus indifferentes in individuo?*

*Resp. Negat.* Nam actus in individuo spectatus includit finem operantis; atqui nullus actus spectatus secundum finem, quem sibi proponit operans, est indifferens: nam talis finis est bonum honestum vel iucundum, neque enim potest amari malum quatenus malum; si sit bonum honestum, actus est bonus; si sit bonum iucundum, actus est malus: neque enim licitum est homini in suis actibus deliberatos operari propter solam delectationem, ut definiuit Innoc. XI. Prop. 8. & ideo tenetur referre actus suos deliberatos ad honestum.

*Obijciat* 1. Actus, qui sunt præcise ad sublevandam levem naturæ indigentiam, ut ambulare, spueri, &c. nullam, neque ex objecto, neque ex fine, contrahunt bonitatem vel malitiam; ergo.

*Resp.*



*Resp. Nego ant.* Vel enim illi actus, qui sunt media, fiunt propter solam voluptatem, & tunc sunt venialiter mali, quia homo, utpote rationalis, operari tenetur propter finem excellentiorem quam bruta: vel fiunt ob sanitatis conservationem & rectam corporis consistentiam, & tunc sunt moraliter boni, quia sunt conformes naturæ rationali, qua rationali.

*Inst.* Sunt aliquæ operationes per se tantum ordinatæ ad oblectandum, v. gr. visio pulchri, ad oblectandos oculos; olfactio odoris, ad oblectandas nares, &c. Ergo saltem istæ poterunt propter solam voluptatem licite exerceri.

*Resp. Nego ant.* Nulla enim operatio ad solam delectationem, ut ad finem ultimum, ordinatur; sed ultra tendit ad finem ulteriorem, v. gr. olfactio odoris ordinatur finaliter ad cerebrum confortandum; visio pulchri ad excitandos spiritus qui deserviunt ad operationem humanam rite exercendam, &c.

*Obijcies 1.* Nemo tenetur ad impossibile; atqui in statu naturæ corruptæ impossibile est omnes actus nostros deliberatos ad Deum referre tanquam ad finem ultimum; ergo.

*Resp. Diss. min.* Impossibile est actus nostros ad Deum referre actualiter, *conc.* virtualiter, *nego min.* Neque enim opus est ut finem honestum actu intendamus in singulis actibus, sed sufficit ut illum intendamus virtualiter, qualiter censetur intendere ut plurimum qui ordinate & christiane vivit.

*Quæres 5.* Utrum actus externus augeat bonitatem, aut malitiam actus interni efficacis?

*Resp.* Non auct per se: nam voluntas efficax bene vel male agendi pro facto apud Deum reputatur: *Quia fecisti hanc rem, & non pepercisti filio tuo unigenito propter me, benedicam tibi*, ait Deus Abrahamo mactare filium parato, licet sacrificium opere non compleverit. Ude *Matth. 5.* dicitur: *Qui videtis mulierem ad concupiscendum eam, jam mactatus est eam in corde suo.* Quæ verba expendens D. Bernardus, *Epist. 77.* ait: *Quid plinius quod voluntas pro facto reputatur, ubi factum excludit necessitas?*

*Dixi: Per se;* quia actus externus *per accidens* auct malitiam actus interni, nam experientia operis nonnunquam actum internum reddit intensiorem aut diuturniorem: sic v. gr. voluptas actualis, quæ percipitur ex fornicatione, fornicationis affectum intensiorem efficere solet, ergo.

*Obijcies:* Actus internus & externus mali diversis prohibentur præceptis: nempe *non mechaberis: non concupisces.* Ergo diversa est utriusque malitia.

*Resp. Nego conseq.* Non enim ideo ponuntur diversa præcepta, quod in externis actibus sit diversa malitia,



cum propter idem motivum prohibeantur : sed ideo ponuntur quia periculum erat ne homines carnales legem observasse sibi viderentur, si a solis actibus externis abstinere, quamvis internis præberent consensum, sicut quidam ex Judæis asseriebant, quos redarguit Christus dicens : *Audisti quia dictum est, non moechaberis : ego autem dico vobis : omnis qui viderit mulierem ad concupiscendum eam, jam moechatus est eam in corde suo.*

## Q U Æ S T I O II.

*De principiis moralitatis.*

**Quæres 1.** *Uid intelligitur per principium moralitatis?*

*Resp.* Intelligitur id, unde actus humanus desumit suam bonitatem aut malitiam.

**Quæres 2.** *Undenam actus humanus suam desumat bonitatem aut malitiam?*

*Resp.* Ex objecto, fine, & circumstantiis.

**Quæres 3.** *Ex quonam objecto moralitas desumitur?*

*Resp.* Ex objecto spectato secundum suum esse morale : non secundum suum esse physicum, v. gr. objectum, a quo adulterium suam desumit malitiam, non est foemina, præcise ut est foemina, cum ut sic possit esse objectum adulterii & actus conjugalis : sed est foemina prout cognoscitur contra prohibitionem rectæ rationis. Objectum ergo secundum esse morale, est objectum prout ab agente attingitur modo rectæ rationi consentaneo, vel dissidentaneo.

**Quæres 4.** *Quonnam moralitatem actus humanus desumat ab objecto?*

*Resp. 1.* Desumit moralitatem specificam : quia ratione objecti quædam virtutes & vitia a se invicem specie differunt : sic ratione objecti virtutes Theologicæ differunt specie a virtutibus moralibus : sic homicidium specie differt ab adulterio, quia eorum objecta specie differunt.

*Resp. 2.* Desumit moralitatem primariam : quia actus humanus non potest concipi sine moralitate ab objecto sumpta, licet possit concipi sine aliis, v. gr. furtum in loco sacro perpetratum, licet possit concipi sine malitia sacrilegii, non potest tamen concipi sine malitia injustitiæ ; ergo &c.

**Quæres 5.** *Verum moralitas actuum humanorum desumatur etiam a fine extrinseco, seu a fine operantis?*

*Resp. Affirm.* Nam 1. facit actum ex indifferente bonum, vel malum, si studium ad vanam gloriam est malum, & studium ad lucrum animarum est bonum. 2. Facit actum ex malo pejorem, v. gr. si quis furetur ad moechandum. 3. Facit actum ex bono malum, v. gr. si quis det eleemosynam ob vanam gloriam ; ergo &c.

*Quæ-*



Quæres 6. *Utrum moralitas, quæ desumitur a fine extrinseco, sit specifica & essentialis?*

*Resp.* Si actus spectetur ut est imperatus a fine; ex cuius efficaci intentione procedit, desumit specificam moralitatem a fine, quia præcipue & essentialiter respicit finem operantis. . . . si vero spectetur ut est elicitus a voluntate, tunc desumit moralitatem specificam ab objecto, quia præcipue & essentialiter respicit solum objectum. Sic actus eleemosynæ ad satisfaciendum pro peccatis, si spectetur ut est elicitus a voluntate, suam specificam bonitatem desumit a misericordia; si spectetur ut est imperatus a poenitentia, suam specificam bonitatem desumit a virtute poenitentiae.

Quæres 7. *Quid sit circumstantia actus humani?*

*Resp.* Definitur: *Accidens quoddam, moraliter afficiens actum humanum iam constitutum in suo esse, tam physico, quam morali.*

Dicitur: *Moraliter afficiens actum humanum: id est, conferens ipsi aliquid bonitatis vel malitiae accidentalis.*

Quæres 8. *Utrum moralitas actuum humanorum desumatur etiam a circumstantiis?*

*Resp. Affirm.* Quia subjacent regulis morum: vel enim ab eis præcipiuntur, vel prohibentur; ergo, &c.

Quæres 9. *Quotuplicis generis sint circumstantiae?*

*Resp.* Duplicis: alia enim est *mutans speciem*, quæ actum humanum trahit in speciem diversam ab ea quam ab objecto suo immediato desumit; talis est circumstantia loci facti in furto . . . alia est *aggravans, vel minuens speciem*, quæ scilicet minuit, vel augeat bonitatem aut malitiam actus intra eandem speciem, v.g. incestus 1. vel 4. gradu.

Quæres 10. *Utrum circumstantia conservant actui humano moralitatem speciei diversam a moralitate, quæ provenit ex objecto?*

*Resp.* Hanc conferunt, circumstantiæ speciem mutant, non vero eæ quæ speciem duntaxat aggravant: quia illæ, non vero istæ, important ordinem convenientiæ vel inconvenientiæ ad rectam rationem, diversum ab eo quem importat objectum: non enim solum est inconvenientiens rectæ rationi furari, sed etiam furari in loco sacro; ergo &c.

Quæres 11. *Quandonam circumstantia speciem mutat?*

*Resp.* 1. *Mutat speciem*, quando efficit ut actus opponatur alicui virtuti, cui alioquin non opponeretur, vel efficit ut ei sit conformis: quia tunc sunt plures conformitates aut difformitates ad rectam rationem.

2. *Quando circumstantia efficit*, ut actus diverso modo eidem virtuti sit conformis, aut difformis: quia ubi est diversus modus conformitatis vel oppositionis cum eadem virtute, tunc facit diversa esse conformitatem vel inconvenientiam cum recta ratione.



**Quæres 12.** *Utrum circumstantiæ debeant esse cognitæ & volitæ, ut ad peccatum imputentur?*

**Resp.** Debeant esse cognitæ & volitæ, saltem interpretative; hoc est, requiritur, ut agens illas cognoscere debuerit ac potuerit: ratio est, quia alias actus non esset voluntarius quoad circumstantiam incognitam.

**Quæres 13.** *Quot sint circumstantiæ actuum humanorum?*

**Resp.** Sunt septem versu sequenti contentæ:

*Quis, quid, ubi, quibus auxiliis, cur, quomodo, quando.*

*Quis*, designat qualitatem & conditionem accidentalem personæ operantis, v. gr. quod sit sacerdos, conjugatus, voto obstrictus, &c.

*Quid*, denotat qualitatem objecti, v. gr. an res furto ablata sit sacra, vel prophana, gravis, aut levis.

*Ubi*, denotat qualitatem loci, v. gr. an sit publicus, vel sacer.

*Quibus auxiliis*, denotat media & instrumenta, quibus operans usus est ad operandum, v. gr. si quis ope dæmonis, expresse vel tacite invocati, aliquid consequi voluerit.

*Cur*, denotat finem extrinsecum operantis.

*Quomodo*, denotat modum accidentalem quo fit actio, v. gr. an ex malitia aut ignorantia, aut infirmitate.

*Quando*, denotat durationem & qualitatem temporis accidentalem, v. gr. an in die festo quis inebriatus sit.

### Q U Æ S T I O III.

#### *De affectionibus moralisatis.*

**Quæres 1.** *Quid intelligitur per affectionem moralisatam?*

**Resp.** Intelligitur ejus multiplicatio in eodem actu.

**Quæres 2.** *Utrum actus ex objecto malus, in finem bonum relatus, desinat esse malus?*

**Resp.** Hunc actum esse simpliciter malum, juxta istud Theologiæ effatum; *Bonum ex integra causa, malum ex quolibet defectu*. Ergo ubi medium malum est, actus est simpliciter malus: hinc peccat qui mentitur ad vitam innocentis conservandam, nam Rom. 3. *Non sunt facienda mala, ut eveniant bona*.

**Quæres 3.** *Utrum saltem intentio boni finis minuat malitiam actus ex objecto mali?*

**Resp.** Minuit per se; quia malum operatur ex intentione boni finis, minorem habet affectum ad peccatum; ergo minus peccat.

**Quæres 4.** *Utrum unus idemque actus (v. gr. eleemosyna ob vanam gloriam possit esse bonus ex objecto bono, & malus ex fine malo?*

**Resp. Negative:** Ita declaratur Matth. 6. *Attendite*  
ne



ne iusticiam vestram, id est, opera vestra bona, facia-  
tis coram hominibus, ut videamini ab eis: alioquin mer-  
cedem non habebitis apud patrem vestrum qui in celis  
est. Atqui si illa opera remanerent bona, non forent  
absque mercede; ergo, &c.

Quæres 5. Utrum circumstantia venialiter mala, que  
in decursu operis boni, & in bonum finem directi, irre-  
pit, totam ejus bonitatem auferat & meritum?

Resp. Negativa. Nam illa circumstantia nullo modo  
influit in actum bonum, neque ut causa efficiens, ne-  
que ut causa finalis, sed eum tantummodo extrinsece com-  
mitatur; ergo &c.

#### Q U Æ S T I O IV.

##### De prima moralitatis regula.

Quæres 1. **Q**uenam sit prima moralitatis regula?

Resp. Pro prima moralitatis regula, alii  
assignant naturam rationalem, prout rationalis est, id  
est, prout est intellectiva & volitiva cum libertate:  
alii, lumen rationis ab æterna ratione nobis cælitus de-  
rivatum ad discernendum justum ab injusto: alii, volun-  
tatem divinam, & legem æternam, quæ est ratio Dei  
dirigens omnes creaturas in suum finem. Verum illa  
quæstio est pure speculativa, & ideo in ea discutienda  
non immorabimur, ut ad utiliora & practica progredia-  
mur; ideo

Quæres 2. Quotuplici modo possimus voluntatem no-  
stram voluntati divine conformare?

Resp. Duplici, nempe, 1. *positive*, per actum expres-  
sum; 2. *negative*, per non repugnantiam, seu, per ap-  
probationem.

Quæres 3. Quotuplex est volitum in Deo?

Resp. Duplex, nempe, *materialis*, quod est objectum  
quod Deus vult; & *formale*, quod est motivum quo  
Deus vult objectum materiale.

Quæres 4. Quomodo voluntatem nostram voluntatis di-  
vine teneamur conformare, tum in volito materiali, tum  
in volito formali?

Resp. 1. Tenemur conformare *positive*, dum agitur  
de præcepto, quia tenemur adimplere præceptum divinum,  
hocque propter motivum quo Deus dedit præceptum.

Resp. 2. Tenemur *negative* tantum conformare volun-  
tatem nostram voluntati divine, dum agitur de consi-  
lio: sic non tenemur velle *positive*, seu amplecti virgi-  
nitatem, quam Deus nobis tantum consulit; sed tenemur  
eam velle *negative*, id est, tenemur eam approbare,  
quia est bona; debemusque esse dispositi eam amplecti,  
si Deus vellet, & sub motivo quo Deus vellet.

Quæres 5. Utrum semper & in omnibus teneamur vo-  
lun-



*Justitiam nostram voluntati divinae negativè conformare?*

*Resp. 1.* Tenemur in volito formali, quia motivum agendi in Deo est æquissimum, nempe manifestatio suæ gloriæ, justitiæ, & aliorum attributorum.

*Resp. 2.* Non tenemur in volito materiali, quia plura vult Deus quæ non vult nos velle, nisi saltem voluntate conditionata, nempe, si Deus voluerit, v. gr. Deus, ut causa prima & universalis, vult bella, pestes, mortem parentum, damnationem peccatorum, &c. quæ tamen non vult nos velle, & quæ sunt mala respectivè ad nos, ad quos non pertinet ordo universi, aut divinæ justitiæ manifestatio; ergo.





# TRACTATUS VIII.

## De Conscientia.

Quæres 1. **Q**uid sit conscientia?

Resp. Est, *Actus intellectus practici di-*  
*stantis quid hic & nunc, spectantis omnibus circumstan-*  
*siis, faciendum sit ut bonum, vel omittendum ut malum.*

Dicitur 1. *Actus*; quia testificatur, accusat, remor-

det, dirigit, &c.

Dicitur 2. *Intellectus*; quia solius intellectus est de

agendis vel non agendis judicare.

Dicitur 3. *Intellectus practici*; quia versatur circa a-

ctiones humanas, ut eas dirigit, non solum in genere, ut

facit prudentia generalis, sed in particulari. Unde ejus

judicium vocatur *practice practicum.*

Dicitur 4. *Disstantis quid hic & nunc*, &c. per quod

differt tum a synderesi, quæ versatur circa prima mo-

rum principia; tum a prudentia generali, quæ ex pri-

mis principis deducit tantum conclusiones generales,

abstrahentes scilicet a circumstantiis: conscientia vero

prima principia applicat ad hoc vel illud in particulari;

v. gr. synderesis dicitur: *Quod tibi fieri non vis, alteri*

*ne feceris*: ex quo prudentia generalis concludit genera-

liter: *Ergo non est resinendum id quod est alterius.*

Unde conscientia subsumit: *Atqui hæc pecunia, quam*

*casu inveni, est aliena*; deinde concludit: *Ergo eam*

*retinere non debeo.*

Quæres 2. *Quomodo dividitur conscientia?*

Resp. Dividitur 1. in veram & erroneam; 2. in cer-

tam & dubiam; 3. in scrupulosam & latam; 4. in pro-

## CAPUT I.

### De conscientia vera, & erronea.

Quæres 1. **Q**uid sit conscientia vera, seu recta?

Resp. Est ea, quæ dicitur aliquid esse li-

citum, vel illicitum, quod revera licitum, vel illicitum

est. Hæc est certissima morum regula, cum sit recta

synderesis & legis applicatio ad actum particularem hic

& nunc agendum.

Quæres 2. *Quid sit conscientia erronea seu falsa?*

Resp. Est ea, quæ dicitur aliquid esse licitum vel illi-

citum, quod revera non est tale. Et duplex est, scilicet

invincibiliter, & vincibiliter erronea.

Conscientia invincibiliter erronea, est ea, cujus error,



omni diligentia adhibita, depelli non potuit, aut non debuit. Quotiescunque est inculcata.

Conscientia vincibiliter erronea, est ea, cuius error adhibita diligentia necessaria, depelli potuit ac debuit. Et hæc vel est affectata, vel crassa, pro ratione ignorantie ex qua nascitur.

Quæres 3. *Utrum conscientia erronea sit morum regula?*

Resp. Non est per se, quia falsa est omnino; ergo debet deponi: est tamen morum regula per accidens, si sit invincibiliter erronea; quia est iudicium, quod sine formidine partis oppositæ existimatur verum, quod nec debet, nec potest deponi.

Quæres 4. *Utrum peccet, qui agit contra conscientiam erroneam?*

Resp. Semper peccat, siue error sit vincibilis, siue invincibilis; quia non agit ex fide, id est, ex persuasione quod liceat; atqui ex Rom. 14. *Omne quod non est ex fide, peccatum est*; ergo, &c. Ratio est, quia qui agit contra conscientiam, vult peccatum; ergo peccat.

Quæres 5. *Utrum peccet qui operatur secundum conscientiam erroneam, distantes aliquid licitum esse, quod revera illicitum est?*

Resp. Non peccat, si error sit invincibilis; quia error invincibilis excusat operantem ex eo, sicut ignorantia invincibilis quam importat . . . peccat vero, si error sit vincibilis; quia talis error excusare non potest operantem ex eo, sicut nec ignorantia vincibilis ex qua oritur.

Obijctes: Si laborans conscientia vincibiliter erronea, peccet eam sequendo, peccet etiam eam non sequendo, necessario peccabit; absurdum conseq. ergo, &c.

Resp. *Dist. seq. maj.* Necessario peccabit, necessitate hypothetica, si nimirum conscientiam non deponat, quam debet & potest deponere, utpote vincibilem, *con.* necessitate simplici & absoluta. *neg.* Tota ergo peccandi necessitas, quæ huic homini incumbere videtur, plane est voluntaria, quia rem sedulius perpendere, doctiores consulere ut errorem deponeret, minime dignatus est.

Quæres 6. *Utrum Confessarius teneatur monere poenitentem, qui laborat conscientia vincibiliter erronea?*

Resp. Semper tenetur, etiamsi prævideat monitionem suam poenitenti profuturam non esse, quia si poenitens non moneatur, semper peccabit ex ignorantia vincibili, quæ a peccato non excusat.

Hinc poenitens debet moneri 1. Cum interrogat Confessarium, quia tunc habet dubium de licitate suæ actionis. 2. Cum error versatur circa prima juris naturalis principia, vel circa primas eorum conclusionæ, quia circa illa ejus ignorantia est tantum vincibilis.

Quæres 7. *Utrum Confessarius teneatur monere poenitentem, qui laborat conscientia invincibiliter erronea?*

Resp.



*Resp.* Debet eum monere, 1. Si error in boni communis dependium vergat, quidquid sit de monitionis successu: hinc invalide ordinatus moneri debet. . . . 2. Si error sit in præjudicium tertii particularis. . . . 3. Si error sit de necessariis ad salutem necessitate medii. . . . 4. Si spes emendationis afulgeat.

*Resp.* 2. Non debet eum monere, & monitio nociva magis, quam utilis, futura prævideatur; quia nempe periculum est, ne poenitens, qui hactenus materialiter tantum peccavit, formaliter postea sit peccaturus, monitionem Confessarii spernendo.

## CAPUT II.

*De conscientia scrupulosa, & lata.*

Quæres 1. *Q*uid sunt conscientia scrupulosa & lata?

*Resp.* Scrupulosa, est ea, qua mens, levibus nixa fundamentis, cum anxietate judicat aliquid esse mali; vel times ne aliquid mali subsit in actione bona, vel indifferenti.

Lata, est ea, qua mens, ex levissimis, & quidem cupiditati faventibus, rationibus, licitum esse putat quod malum esse facile deprehendi potest, aut pro levi peccato habet, quod grave communiter reputatur. Ultraque ad erroneam pertinet.

Quæres 2. *Utrum ille conscientia sine morum regula?*

*Resp.* Non sunt, quia sunt improbables & imprudentes, cum vanis & futilibus nitantur rationibus, quæ prudentes homines movere non possunt, hinc debent deponi.

Quæres 3. *Utrum scrupulosus possit ac debeat contra scrupulos agere?*

*Resp.* Si scrupulus sit verum judicium de malitia operis, non potest scrupulosus contra scrupulum non depositum agere: quia scrupulus sic sumptus est conscientia practice erronea, contra quam actu retentam non licet agere. . . . si vero scrupulus sit timor ne aliquid mali subsit in opere, junctus cum judicio absoluto & practico de licitate actionis, tunc scrupulosus debet contra scrupulos operari, ipsos contemnendo ac negligendo, ut obtemperet, judicio vero & certo de licitate actionis.

## CAPUT III.

*De conscientia certa, & dubia.*

Quæres 1. *Q*uid sit conscientia certa?

*Resp.* Est, judicium firmum & suum formidine, saltem rationali, de bonitate aut malitia operis hic & nunc agendi.

*Quæ-*



Quæres 2. *Quid sit conscientia dubia?*

*Resp.* Est, *suspensio iudicii circa bonitatem aut malitiam operis hic & nunc agendi*, vel quia pro neutra parte rationes occurrunt suadentes, in quo casu conscientia dicitur, *negative dubia*. Vel quia pro utraque parte occurrunt rationes æque ponderantes, tuncque dicitur, *dubia positive*.

Quæres 3. *Utrum conscientia practice dubia sit regula morum?*

*Resp.* Non est: nam regula morum debet determinare ad assensum; atqui conscientia dubia non determinat ad assensum, ut constat ex ejus definitione; ergo, &c. Hinc qui agit cum conscientia dubia non deposita peccat, quia non agit ex fide; ergo debet deponi.

Quæres 4. *Quo principio conscientia dubia possit deponi, & fieri moraliter certa?*

*Resp.* 1. In materia iustitiæ potest deponi hoc juris principio: *In dubiis melior est conditio possidentis*: quia merito præsumitur possessorem alicujus rei, quam apud se habet, esse verum illius Dominum: quatenus communis evanit, ut qui possidet, rem suam, jusque suum possideat, licet aliter aliquando evenire possit.

*Resp.* 2. In aliis materiis deponi potest per hanc juris regulam: *Pro eo standum est, pro quo stat præsumptio*. Quia qui in dubiis pro ea parte stat, pro qua stat præsumptio, prudenter agit; ergo licite agit; ergo &c.

Quæres 5. *Si pro neutra parte præsumptio stare clare videatur, quomodo deponendum est dubium?*

*Resp.* Debet deponi hoc juris principio: *In dubiis tutior pars est eligenda*. Nam Eccli. 3. dicitur: *Qui amat periculum, in illo peribit*. Et cap. 21. *Quasi a facie colubri fuge peccata*. Sed qui in dubio, in quo pro nulla parte stat præsumptio, non eligit partem tutiorem, non fugit peccatum tanquam a facie colubri, item se expant periculo peccandi; ergo peccat; ergo in dubiis tutior pars est eligenda: idque præcipiunt multi Canones.

*Objectiones* 1. Canones qui dicunt in dubiis partem tutiorem esse amplectendam, sunt tantum consilii, non præcepti; ergo, &c.

*Resp. Nego ant.* Nam Canones illi his constant terminis præceptivis: *Via tutior est eligenda*. *Semitam debemus eligere tutiorem*. *Quod certius existimamus, tenere debemus*. Unde Clerus Gallicanus, ann. 1700. hanc interpretationem damnat his verbis: *Neque id consilii, sed præcepti loco habeamus, dicente Scriptura: qui amat periculum, in illo peribit*.

*Objectiones* 2. Lex dubia non potest certam parere obligationem; atqui si in dubio de licitate actionis, ab ea esset abstinendum, lex dubia certam pareret obligationem; ergo, &c.

*Resp. Diss. maj.* Non potest certam parere obligationem.



tionem, petitam ex parte legis de qua dubitatur, *cont.* ex parte legis naturalis quæ vetat ne quis se exponat periculo peccandi, *nego*. Lex enim naturalis non solum præcipit ut obediamus superioribus, sed etiam vetat ne nos exponamus evidenti periculo superiorum leges transgrediendi.

## CAPUT IV.

## De conscientia probabili, &amp; improbabili.

Quæres I. *Q*uid sit conscientia probabilis?

*Resp.* Est, actus, quo intellectus, ob motivum grave, quamvis absolute fallibile, judicat actionem hic & nunc exercendam, esse licitam vel illicitam. Unde probabilitas est verisimilitudo.

Dicitur I. Ob motivum grave, quod si petatur a ratione, probabilitas dicitur *intus*; si ab auctoritate doctorum, vocatur *extrinseca*.

Dicitur 2. *Quamvis absolute fallibile*, quia licet illud motivum idoneum sit ad viros pios & prudentes determinandos ad assensum, illos tamen non determinat sine formidine partis oppositæ.

Conscientia improbabili, est actus, quo intellectus ob motivum nullius vel levis momenti, judicat actionem hic & nunc exercendam, esse licitam, vel illicitam.

Quæres 2. Quid sit opinio *tuta*, *tusior*, & *minus tuta*?  
*Resp.* Opinio *tuta*, est ea quæ removet a periculo peccandi. *Tusior*, quæ magis removet. *Minus tuta*, quæ minus removet.

Quæres 3. *Utrum liceat sequi opinionem probabilem hominis libertati faventem, in concursu probabilioris quæ faves legi?*

*Resp.* Non licet: Nam I. *Apost. I. ad Thessal. 5.* ait: *Omnia probate, quod bonum est tenete, ab omni specie mala abstinete vos.* Sed qui sequitur opinionem minus probabilem faventem libertati, seu potius cupiditati. I. *Non omnia probat*, quia non se determinat prudenter. 2. *Non tenet quod bonum est*; quia amplectitur quod ei malum apparet potius quam bonum. 3. *Non abstinet ab omni specie mala*; quia amplectitur quod probabilius malum esse judicat; ergo, &c.

2. Illa doctrina est nova, ut declaravit Clerus Gallicanus, anno 1700. *Quod ergo in praxi eam nobis liceat sequi sententiam, quam nec ipsi us probabiliorum eligendam judicemus, inquit, hoc novum, hoc inauditum, hoc certis ac notis auctoribus postremo demum seculo proditum, & ab iisdem pro morum regula positum, repugnat huic effato a Patribus celebrato: Quod ubique, quod semper, quod ab omnibus: Nec habere potest christiana regula securitatem.*

3. Quia



3. Quia ille non agit licite, qui non agit prudenter; sed qui eligit sententiam minus probabilem faventem libertati in concursu probabilioris quæ stat pro lege, non agit prudenter: nam non habet certitudinem moralem de honestate suæ actionis, de qua hoc habet iudicium: *Probabilius & verisimilius est hanc actionem esse malam & illicitam*; ergo.

*Obijctis 1.* Qui sequitur opinionem probabilem in concursu probabilioris, prudenter agit; nam agit ductus argumentis quæ viros pios & doctos ad assensum determinare possunt: ergo.

*Resp. Nego ant. & prob.* Nam adveniente luce probabilioris sententiæ, lux sententiæ minus probabilis statim evanescit; ergo non remanet vere probabilis; ergo viros doctos & pios non potest determinare ad assensum.

*Inst. 1.* Nullum comparativum destruit positivum; ergo major probabilitas non destruit minorem.

*Resp. Dist. ant.* Nul. um comparativum, *comparative* sumptum, *conc.* comparativum *adversative* sumptum, quomodo hic *id probabilius* sumitur, *nego ant.* Sic *Ap. 1. Cor. 7* sumit *id melius*, in hoc textu: *Melius est nubere, quam uri*, non quod bonum sit uri, sed quod ex his duobus inter se comparatis, unum sit bonum, alterum malum.

*Inst. 2.* Opinio minus probabilis fundatur motivo gravi, alias non esset probabilis; ergo juxta illam licet operari.

*Resp. Dist. ant.* Fundatur motivo gravi, superato per motivum gravius in oppositum, *conc.* non superato, *nego ant.* Porro motivum grave superatum a graviore, fit leve, nec meretur assensum.

*Obijctis 2.* Licitum est sequi opinionem minus tutam in concursu tutioris; ergo a pari, &c.

*Resp. Nego consequ.* Disparitas est, quod opinio tuta, etiam in concursu tutioris, nulli exponat periculo peccandi, cum tuta supponatur: contra vero probabilis in concursu probabilioris exponit operantem periculo peccandi contra legem.

*Inst.* Ergo non licet sequi opinionem probabiliozem, imo nec probabilissimam: nam non excludit omnem incertitudinem; ergo habet secum periculum peccati.

*Resp. Nego consequ.* Ad prob. *dist.* non excludit incertitudinem objectivam & metaphysicam, *conc.* moralem, *nego.* Porro qui agit cum certitudine morali de licitate suæ actionis non peccat, qui facit totum quod in se est ad inquirendam veritatem: unde si forte eam non attingat, excusatur a peccato ratione ignorantie invincibilis.

*Quæres 4.* Utrum liceat sequi opinionem probabilem quæ favet hominis libertati, in concursu aequæ probabilis quæ favet legi?

*Resp.* Non licet, sed tunc ea opinio est legenda, quæ



quæ est tutior. Nam, in dubiis semitam debemus atque  
sustinentem, ex regula juris, sed qui versatur in æquali o-  
pinionum contrariorum probabilitate, versatur in vero ac  
proprie dicto dubio, cum non sit potior ratio, cur in-  
tellectus iudicet unam opinionem esse veram, quam al-  
teram, & sic in suspensio remaneat inter veritatem & fai-  
sitatem; ergo, &c.

*Obijciat* 1. Qui habet opiniones utrumque probabiles,  
non est in dubio vero & proprie dicto; ergo non tenetur  
partem tutiorem sequi.

*Prob. ant.* In veris dubiis intellectus neutri parti ad-  
hæret; in opinione e contra uni realiter adhæret, licet  
cum formidine partis oppositæ; ergo, &c.

*Resp. Dist. 2. partem ant.* In opinione, quæ non con-  
currit cum contraria æqualiter probabili, intellectus uni  
parti realiter adhæret, *contra* quæ concurrat, *neg.* Tunc  
enim intellectus inter utrumque anceps ac suspensus ma-  
neat; necesse est; ergo tutior pars est eligenda ut vitetur  
periculum peccati.

*Inst.* Opinio probabilis non amittit gravitatem sui mo-  
tû, ex eo quod concurrat cum opinione opposita æque  
probabili; ergo non reddit intellectum ancipitem & sus-  
pensum.

*Resp. Nego ant.* Nam gravitas unius opinionis eliditur  
per gravitatem opinionis contrariæ æque probabilis, &  
sic neutra pars apparet magis vera quam falsa, unde in-  
tellectus debet suspendere assensum & dissensum, ac pro-  
inde manere dubius.

*Obijciat* 2. In dubio tantummodo practico tutior pars  
est eligenda; atqui intellectus inter duas æquales proba-  
bilitates constitutus, licet dubius *speculativo*; non est ta-  
men dubius *practico*; ergo.

*Resp. Nego min.* Nam intellectus *speculativo* dubius,  
est necessario dubius *practico*, cum in praxi nulla occurrit  
circumstantia quæ dubium speculativum tollat; atqui  
hic nulla est circumstantia quæ minuat pondus ratio-  
num propter quas intellectus est *speculativo* dubius; er-  
go, &c.

*Inst.* Intellectus speculative dubitans, v. g. utrum con-  
tractus *mohatra* sit licitus vel illicitus, potest se deter-  
minare per hunc actum reflexum, *Licetum est sequi opi-  
nionem certo probabilem*; ergo.

*Resp. Nego ant.* Quia supponit falsum, nempe opinio-  
nem probabilem in concursu alterius æque probabilis re-  
tinere suam probabilitatem, quod falsum esse supra pro-  
bavimus.

Quæres 5. *Utrum liceat sequi opinionem probabilem  
quæ favet libertati, in concursu minus probabilis quæ fa-  
vet legi?*

*Resp. 1.* Non licet in iis quæ sunt necessaria ne-  
cessitate mediæ ad salutem, vel quæ requiruntur ad  
viam.



validam administrationem, & receptionem Sacramentorum; quia in his ignorantia invincibilis, aut major probabilitas nihil juvat ad obtineandum finem quem procurare tenemur, cum non possit salus obtineri, nec effectus Sacramenti haberi, nisi reipsa ponantur ea quæ Deus ad hunc finem exigit.

*Resp. 2.* Licet, ubi agitur de licito actum humanorum; nam ex D. Thoma, 2. 2. q. 70. art. 2. *Certitudo non est querenda in omni materia; in actibus enim humanis, super quibus constituuntur judicia, non potest haberi certitudo demonstrativa, eo quod sunt circa contingentia & variabilia: & ideo sufficit probabilis certitudo quæ in pluribus veritatem attingas, etsi in paucioribus a veritate deficiat.* Atqui si non liceret sequi opinionem minus tutam, quæ sit tutiore notabiliter probabilior, non sufficeret probabilis certitudo, sed requireretur certitudo demonstrativa, quæ non potest semper haberi: ergo &c. Ratio est, quia opinio probabilior est verior, cum traditioni, quæ est morum regula, sit consensior.

Hinc merito Alex. VIII. & post ipsum Clerus Gallic. anno 1700. hanc prop. damnaverunt: *Non licet sequi opinionem probabilem, vel inter probabiles probabilissimam.*

*Obijciens:* Qui sequitur opinionem minus tutam, licet probabiliorem, non est certus de bonitate suæ actionis; ergo, &c.

*Resp. Dist. ans.* Non est certus metaphysice, *cons.* moraliter, *nego.* Porro certitudo moralis sufficit ut homine tute operetur: etsi enim admittas formidinem de opposito, & scrupulos, non tamen advertendos, sed contemnendos, ait Gerson, lib. 4. de consil. Theologice.

*Inst.* Qui judicat actionem minus tutam esse honestam; simul judicat eam forte esse illicitam; ergo non est certus moraliter.

*Resp. Dist. ans.* Simul judicat eam forte esse illicitam, illicitate materiali invincibili, *cons.* formali, vel materiali vincibili, *nego min.* Formido ergo, quam admittit opinio probabilior, non impedit certitudinem moralem de licito actionis; unde est contemnendam, ut docet Gerson.



## TRACTATUS IX.

## De Legibus.

*Nota:* **A**gendum est hic 1. de Legibus in communi; 2. de Lege æterna; 3. de Lege naturali; 4. de Lege positiva divina; 5. de Lege humana.

## CAPUT I.

## De Legibus in communi.

Quæres 1. **Q**uid sit Lex?

*Resp.* Est, *Rationis ordinatio stabilis ad bonum publicum promulgata ab eo qui curam communis habet, cum intentione obligandi subditos.*

Dicitur 1. *Ordinatio*; id est, præceptum, quod tenet locum generis; omnis enim lex est præceptum, sed non omne præceptum est lex.

Dicitur 2. *Ordinatio rationis*; id est, rationi consentanea & iusta, tum ex parte objecti, quod debet esse bonum honestum & moraliter possibile, tum ex parte Legislatoris, qui suam potestatem non debet excedere; tum ex parte subditorum, inter quos servari debet proportionis æqualitas in onerum distributione, quæ debet fieri pro cuiuscumque virium & facultatum proportionem.

Dicitur 3. *Stabilis*; id est, non ad tempus, sed in perpetuum duratura, nisi abrogetur, vel nisi mutatis circumstantiis noxia aut inutilis fiat.

Dicitur 4. *Ad bonum publicum*; quia est finis legis & potestatis legislativæ.

Dicitur 5. *Promulgata*; id est, intimata subditis, qui aliter non possent legem observare.

Dicitur 6. *Ab eo qui curam Communitatis habet*; id est, qui jurisdictionem exteriorem habet in communitatem perfectam; v. g. in Ecclesiam, Regnum, Provinciam, Diocesim, &c.

Dicitur 7. *Cum intentione obligandi subditos*; per quod lex distinguitur a consilio, quod per se non obligat, etsi sit morum regula.

Quæres 2. *Quid sit legis promulgatio?*

*Resp.* Est, *authentica illius notificatio eis facta, a quibus Legislator vult eam impleri.*

Quæres 3. *Utrum promulgatio sit de essentia legis?*

*Resp.*



*Resp.* Est complementum essentiale legis, prout actu & de facto obligantis; ratio est, quia voluntas Legislatoris per promulgationem constituitur formaliter in esse regulæ, cui subditus se conformare debet, juxta illud D. Augusti, apud Gratianum, dist. 4. cap. 3. *Leges instituuntur, cum promulgantur*; ergo ante promulgationem non habet completam rationem legis.

*Objectiones* 1. Lex est regula, promulgatio vero est applicatio regulæ; atqui applicatio regulæ, non est de essentia regulæ; ergo, &c.

*Resp. Dist. maj.* Promulgatio est applicatio regulæ sumptæ incomplete, conced. sumptæ complete, nego maj. & sic ad minorem. Itaque lex incomplete sumpta, est voluntas interna Legislatoris; lex vero complete sumpta, est eadem voluntas rite applicata per promulgationem, & ideo promulgatio est complementum essentiale legis complete sumptæ.

*Objectiones* 2. Lex obligat non solum eos quibus jam innotuit, sed & eos quibus est incognita; ergo promulgatio non est de essentia legis.

*Resp. Nego conseq.* Equidem divulgatio legis, quæ cuilibet subito in particulari innotescit, non est de essentia legis; bene vero promulgatio, ad quam sufficit, ut cum requisitis solemnitatibus facta, cuilibet particulari facile innotescere possit, quæ posita, omnes leges constringuntur, sive qui eam norunt, sive qui eam ignorant, etiam invincibiliter: licet enim ignorantia invincibilis eos excuset a peccato, non tamen eos reddit habiles ad actus ad quos per legem sunt inhabiles facti.

*Quæres* 4. *Utrum lex prioris legis revocatoria debeat promulgar?*

*Nota:* Lex alia est *favorabilis*, quæ est præter jus commune, & nulli affert præjudicium. Alia *odiosa*, quæ juri communi adversatur, aut alteri nocet.

*Resp.* 1. Lex, prioris legis favorabilis revocatoria, debet promulgari, nam vera lex debet promulgari, nisi jus aliter statuat; atqui lex revocatoria est vera lex, nec jus statuit eam non debere promulgari; ergo, &c. Hinc lex revocatoria privilegii audiendæ Missæ tempore interdicti debet promulgari.

*Resp.* 2. Lex prioris legis odiosæ revocatoria, non debet promulgari: quia illa lex est favorabilis; atqui ex juris axiomate: *In favorabilibus necessaria non est promulgatio*; ergo, &c.

*Resolves:* Plurimas facultates, quæ in Concilio Tridentino Episcopis largiuntur, esse ubique terrarum validas, licet in singulis Provinciis Concilium non sit promulgatum; quia subtractio harum facultatum, quæ jure communi Episcopis competunt, erat ipsis oneri.



## CAPUT II.

## De Lege æterna.

Quæres 1. **Q**uid sit lex æterna?*Resp.* Definitor a Div. August. Ratio divina, vel voluntas, ordinem naturalem servari iubens, & perturbari vetans.

Dicitur 1. Ratio divina: id est, in mente divina existens.

Dicitur 2. Vel voluntas: quia lex in actu voluntatis formaliter existit, Psal. 102. Deus notas fecit vias suas Moysi, &amp; filiis Israel voluntates suas, id est, leges &amp; præcepta.

Dicitur 3. Ordinem naturalem servari iubens, &amp;c. Id est, ordinem generalem ad quem res sunt institutæ, v. gr. quod ignis sursum inclinatur, lapis vero deorsum.

Quæres 2. Utrum omnia subiciantur legi æternæ?

*Resp.* Omnia subiciuntur: nam creaturæ rationales ipsi subiciuntur ut præcipienti vel prohibenti; irracionales vero illi subiciuntur ut ordinati & moventi illas in suos fines, non vero ut præcipienti, quia non sunt capaces præcepti & obedientiæ.

Quæres 3. Utrum omnes leges a lege æterna deriventur?

*Resp. Affirm.* Nam de lege æterna dicitur, Prov. 8. Per me reges regnant, & legum conditores iusta decernunt, Ratio est, quia in omnibus moventibus ordinatis, virtus secundi moventis derivatur a primo; ergo necesse est quod omnes rationes gubernationis, quæ sunt in inferioribus gubernationibus, a lege æterna deriventur.

Quæres 4. Quomodo leges ab æterna derivantur?

*Resp.* Derivantur diversimode: nam lex divina ab æterna immediate profluit; lex naturalis mediante luminæ rationis; lex humana mediante potestate principibus communicata.

## CAPUT III.

## De Lege naturali.

Quæres 1. **Q**uid sit lex naturalis?*Resp.* Definitor a Div. Thom. I. 2. q. 91. art. 2. Participatio legis æternæ in rationali creatura.

Dicitur 1. Participatio legis æternæ: quia illius est fulgor &amp; radius, per quod convenit cum omnibus legibus positivis, omnes enim, si iustæ sint, ab æterna derivantur.

Dicitur 2. In rationali creatura: quia ejus menti ab auctore naturæ imprimitur, per quod differt a legibus positivis, quarum nullum vestigium in cordibus nostris reperitur, cum sint prorsus extrinsecæ.

Quæres 2. Quanam pertineat ad legem naturæ?

*Resp.*



*Resp.* Omnia præcepta, ad quæ ex natura rei, & independentèr a quacumque lege positiva, obligamur, talia sunt:

1. Universalissima principia præctica cuilibet naturaliter nota, quale est illud: *Quod tibi fieri non vis, alteri ne faceris.*

2. Ea præcepta quæ ex primis principiis per facilem & evidentem discursum deducuntur: sic ex hoc principio: *Quod tibi fieri non vis, alteri ne faceris*, ista facile deducuntur: ergo *non est furandum, non est occidendum, & alia Decalogi præcepta.*

3. Ea præcepta quæ ex primis principiis, non nisi difficili, nec statim obvio discursu deducuntur: quomodo ex hoc principio *quod tibi fieri non vis*, &c. concluditur: *Ergo ne divitis quidem pecunia danda est ad usuram.*

Quæres 3. *Utrum omnes actus virtutum pertineant ad legem naturæ?*

*Resp.* Pertinent, si spectentur secundum rationem genericam qua sunt virtuosæ, quia ad eos sic spectatos natura inclinat. Non pertinent vero si spectentur secundum proprias suas species, v. g. si actus temperantiæ spectetur ut exercendus per abstinentiam a carnibus, sic non est de lege naturali, sed positiva, pendet enim ex voluntate & præcepto Ecclesiæ.

Quæres 4. *Utrum pertineat ad legem naturalem, ut actus virtutis fiat ex motivo honesto & virtuoso?*

*Resp. Affirm.* Quia lex naturalis præcipit ut actus hominis sint semper rectæ rationi consentanei; atqui actus virtutum facti ex motivo pravo non sunt rectæ rationi consentanei; ergo.

Quæres 5. *Utrum lex naturalis possit mutari?*

*Resp. 1.* Non potest mutari proprie: nam legem mutari proprie, est legem definire, vel per se ipsam, cum de iusta sit iniusta, vel per abrogationem & irrationem; atqui lex naturalis 1. de iusta non potest fieri iniusta, cum nihil præcipiat, nisi quod est intrinsece bonum, nihilque prohibeat, nisi quod est intrinsece malum. 2. Non potest abrogari, neque irritari, cum nihil aliud sit quam legis æternæ radius, quæ est imdefectibilis, & tam necessaria quam ipse Deus, cui identificatur.

*Resp. 2.* Potest mutari improprie, nimirum per subtractionem materia, cum nempe id quod erat materia legis naturalis definit esse ejusdem materia; v. g. alienum retinere invito Domino, est materia legis naturalis prohibentis, at per legitimam præscriptionem definit esse materia illius legis, quia definit esse alienum, proindeque potest invito Domino retineri.

Quæres 6. *Utrum simplex interpretatio locum habeat in lege naturali?*

*Resp. Affirm.* Nam simplex interpretatio nihil aliud est



est quam simplex terminorum legis expositio ; atque legis naturalis termini quandoque exponi debent ; sic hoc præceptum : *Non occides* : exponi debet de occasione facta auctoritate privata, vel extra casum iusta defensionis, cum hi casus in universalitate legis naturalis non comprehendantur.

Quæres 7. *Utrum epikeia locum habeat in lege naturali?*

Resp. Nego. Quia lex naturalis excipit omnes casus excipiendo; ergo, &c.

Quæres 8. *Utrum Deus possit dispensare in lege naturali?*

Resp. Non potest, quia non potest facere ut quod est intrinsece malum, sit honestum & licitum.

*Obijciunt* : Deus non semel dispensavit in lege naturali : & quidem 1. cum Abrahamo, ut ei liceret filium occidere. 2. Cum Israelitis, ut Ægyptiorum vasa aurea furerentur. 3. Cum Osea, ut fornicarie ad meretricem accederet. 4. Cum Patriarchis, ut plures haberent uxores. 5. Cum Judæis, ut secundas inirent nuptias. 6. Cum iisdem, ut ab alienis fumerent usuras. 7. Cum obstetricibus Ægyptiacis, ut mererentur. 8. Cum primis hominibus, ut proprias sorores in uxores fumerent ; ergo, &c.

Resp. *Dist. ant.* Dispensavit, improprie, subtrahendo nimirum materiam legis naturalis, *cons. proprie*, manente nimirum legis naturalis materia, *nego ant.* Et quidem :

1. Deus, ut supremus vitæ & necis Dominus, prius dedit Abrahamo jus in vitam filii, quam illi præceptum de eo occidendo impenderet & sic subrepta est materia legis naturalis, quæ solum vetat homicidium auctoritate privata factum.

2. Deus, ut supremus rerum omnium Dominus transfudit in Israelitas dominium earum quæ abstulerunt ab Ægypto; unde quod rapuerunt non erat a ienon, sed suum.

3. Deus non concessit Osea ut accederet ad mulierem meretricem ante matrimonium initum, sed præcepit, ut eam, quæ prius fornicaria fuerat, duceret in uxorem, & ad eam affectu maritali accederet, in quo nihil est alienum a jure naturali.

4. Lex naturalis non prohibet matrimonium unius cum pluribus uxoribus, quando Deus, disponens de jure matrimonii in bonum universi, dominum corporis viri ab una uxore in plures dividit, & impedit incommoda quæ ex uxorum pluralitate sequi possent.

5. Deus non permisit Judæis, ut secundas inirent nuptias, nisi post irritatum vinculum prioris matrimonii, quod non est amplius contrarium juri naturali.

6. Deus non concessit Judæis, ut ab omnibus alienis acciperent usuras, sed ab illis quibuscumque iustum bellum gerebant, quibus non fortunas modo, sed &

*Compend. ex Chaymes.*

I.

vi.



vitam eripere potuissent; unde quod exigebant, erat suum jure belli, non alienum.

7. Deus cum obstetricibus non dispensavit in mendacio; unde vere peccaverunt mentiendo: neque eas remuneravit propter mendacium, sed propter bonam intentionem, qua volebant prodesse Hebraeis mulieribus, licet medium fuerit vitiosum.

8. Matrimonium fratris cum sorore inter filios Adami non fuit prohibitum jure naturæ *compellente necessitate* propagandi genus humanum, ait Div. August. *lib. de civit. cap. 16.* cum enim unicus mas, & unica foemina a Deo conditi fuissent, necesse fuit sorores fratribus commiscerentur.

*Inst.* Deus per summum Pontificem dispensat in voto & juramento; ergo.

*Resp. Dist. ant.* Dispensat proprie, *nego* improprie, votum nempe & juramentum relaxando & tollendo, *conc.* Porro, ea relaxatione facta, tollitur obligatio juris naturalis de reddendo promisso.

## C A P U T IV.

### De Lege positiva divina.

Quæres I. *Q*Uosuplex est lex divina positiva? *Resp.* Duplex, vetus, seu mosaica, & nova, seu evangelica.

Quæres 2. *An lex vetus fuerit bona?*

*Resp. Affirm.* Juxta illud Apostoli, Rom. 7. *Lex quidem sancta, & mandatum sanctum, & justum, & bonum.* Nec mirum; nam fuit regula morum data a Deo; Christus eam executioni mandavit; ergo.

*Objicies:* 1. Ezech. cap. 20. dicit Deus; *Dedi eis præcepta non bona, & judicia in quibus non vivent;* ergo.

*Resp. Dist. ant.* Dedi permissive, *conc.* positive, *nego ant.* Scilicet textus ille debet intelligi de tyrannicis gentilium præceptis colendi Moloch per masturbationem primogenitorum, quibus subdi Israelitas permisit Deus in reñam suæ idololatriæ; unde addit: *Et pollui eos, id est, permisi eos pollui, in muneribus suis, cum offerrent omne quod aperit vulvam.*

*Inst. 1.* Ex Apost. Rom. 8. *lex culpa non vacavit;* ergo.

*Resp. Dist.* Non vacavit culpa, sumpta pro infirmitate & imperfectione, *conc.* pro peccato, quasi aliquid mali contineret, *nego.* In hoc autem fuit infirma, quod per se homines justificare non poterat, sed tantum per fidem in Christum venturum.

*Inst. 2.* Rom. 5. dicitur: *Lex subintravit, ut abundaret delictum;* ergo cupiditati fomenta præbuit.

*Resp. Nego ant.* Nam particula *ut*, non significat causam, sed occasionem, ita ut sensus sit: *Lex subintravit,*



vis, unde factum est (propter depravationem naturæ nati-  
ventis in vitium) ut abundaret delictum: ita interpre-  
tatur Cornelius a Lapide.

*Obijcies 2. cum Quesnello: Lex vetus carebat gratia  
ad sui observationem necessaria; ergo.*

*Resp. Nego ant.* Licet enim gratia per legem non da-  
retur, una tamen cum lege conferbatur: scilicet, fides  
mediatoris, per quem justificari sunt antiqui Patres, sicut  
etiam nos justificamur, ait D. Thom. 1. 2. q. 98. art. 2. ad 4.

*Quæres 3. Quos genera præceptorum compledebatur lex  
vetus?*

*Resp.* Tria; nempe, *moralia*, quæ ordinantur ad ma-  
res juxta rectæ rationis normam componendos, conti-  
nenturque in Decalogo. *Ceremonialia*, quibus certi ri-  
tus ad Dei cultum ordinati præscribuntur. Tandem *ju-  
dicialia*, quibus præscribitur modus justitiæ inter Ju-  
dæos servandæ.

*Quæres 4. Quosnam obligavit lex vetus?*

*Resp.* Solos obligavit Judæos, quibus solis data fuit,  
Psal. 147. *Non fecis taliter omni nationi, & judicio sua  
non manifestavit eis.* Tamen gentiles præceptis morali-  
bus fuerunt subditi, non tamen vi legis scriptæ, sed vi  
solius leges naturalis.

*Quæres 5. Utrum lex vetus sit abrogata?*

*Resp. Affirm.* Nam ex Apost. Hebr. 7. *Translato Sa-  
cerdotio, necesse est ut legis translatio fiat.* Atque Sacer-  
dotium Aaronicum penitus & absolute translatum fuit  
& abrogatum; ergo & lex Mosaica; unde, Apost. Rom.  
6. dicit absolute; *Non estis sub lege, sed sub gratia.*

*Obijcies 1. Baruch. 4. dicitur: Lex quæ est in ater-  
num; ergo.*

*Resp. Nego conseq.* Eodem enim sensu lex dicitur ef-  
se in æternum, quo omnes leges dicuntur perpetuæ; ni-  
mirum, 1. quia sunt ad longum tempus; 2. Quia in  
earum promulgatione nullus apponitur determinatus ter-  
minus; unde semper durant, donec abrogentur.

*Obijcies 2. Tenemur adhuc servare præcepta Decalogi;  
ergo lex vetus non fuit abrogata quoad præcepta mora-  
lia.*

*Resp. Dist. ant.* Tenemur vi legis naturalis & Evan-  
gelicæ, conc. vi legis Mosaicæ, nego. Unde nego conseq.

*Quæres 6. Quando nam lex vetus fuerit abrogata?*

*Resp. 1.* Fuit abrogata secundum se in ipsa Christi  
morte; nam Apostolus, Hebr. 7. ait: *Translato Sacer-  
dotio, necesse est & Legis translatio fiat.* Atqui Sa-  
cerdotium Aaronicum fuit translatum, & novum condi-  
tum, cum Christus, novus Sacerdos secundum ordinem  
Melchisedech, seipsum Patri in cruce obtulit, juxta il-  
lud Hebr. 10. *Auferit primum (Sacerdotium) ut sequens  
statuatur; ergo.*

*Resp. 2.* Non fuit abrogata quoad vim obligandi, nisi  
L 2 in



in festo Pentecostes; quia non prius desit obligare, quam lex nova coeperit obligare, juxta illud Ephes. 2. *Legem mandatorum decretis* (Evangelicis) *evacuans*; atqui lex nova non coepit obligare, nisi in die Pentecostes, quo primum fuit sufficienter promulgata; ergo.

*Obijciat*: SS. Patres decent communiter legem veterem in ipsa Christi morte mortuam esse; ergo tunc desit obligare.

*Resp. Dist. ant.* Docent mortuam fuisse, secundum se, *conc.* quoad obligationem, & effectum, nego. Adhuc enim utiliter observabatur.

Quæres 7. *Utrum lex vetus, statim atque inutilis ac mortua evasit, quoad præcepta ceremonialia, evaseris etiam mortifera*, ita ut non potuerit amplius absque peccato observari?

*Resp. Negativus*: Nam Apostoli, pro loco & tempore, economiæ causa, sed non ex necessitate salutis, aliquos ritus ceremoniales usurparunt. Sic Div. Paulus, act. 16. *Timotheum ex matre Judæa natum circumcidit propter Judæos qui erant in illis locis*. Item de consilio Jacob & Ienorum, seipse purificavit cum Judæis, & cum illis ingressus est Templum, juxta legis præscriptum, &c. ergo.

*Obijciat*: Apostoli sicte tantum & simulatorie usurparunt legalia; ergo, &c.

*Resp. Nego ant.* Nam illa simulatio fuisset verum mendacium, cultus superstitiosus, & scandalum; alios enim suo exemplo induxissent ad peccandum; atqui nunquam illa sicte esse possunt; ergo.

*Inst.* Post evangelium promulgatum, ritus legales erant falsi; ergo Apostoli non potuerunt illos serio observare.

*Resp. Nego ant.* Neque enim Apostoli ritus legales usurpatant, ut Christum præfigurarent, sic enim fuissent falsi; sed eos duntaxat usurpabant, ut Synagoga cum honore sepeliretur, quod erat maxime licitum.

Quæres 8. *Quo præcise tempore lex vetus evaseris mortifera?*

*Resp.* Evasit mortifera quadragesimo circiter post Christi mortem anno, cum eversum fuit a Tito & Vespasiano Imperatoribus Romanis Templum Hierosolymitanum, quia tunc non erat amplius necessarium deferre honorem Synagogæ penitus sepultæ.

Quæres 9. *Quid sit lex nova?*

*Resp.* Describi potest, *Lex per se justificativa, a Christo condita, ab Apostolis die Pentecostes promulgata, & ad finem mundi duratura*.

Quæres 10. *Utrum lex Evangelica sit vera lex*

*Resp. Affirm.* Nam continet præcepta ad bonum Ecclesiæ ordinata, de quibus Christus, Joann. 14. ait: *Qui habet*



bet mandata mea, & servas ea, illa est qui diligis me. Unde Christus, *Isaie 33.* dicitur, *Dominus legifer noster.*

*Obijcias 1. Rom. 6.* dicitur: *Non estis sub lege, sed sub gratia.* Et *1. ad Tim. 1.* *Lex iusto non est posita, sed iniustus; ergo &c.*

*Resp. Nego consequ.* Primus enim textus intelligitur de lege Mosaica: quæ erat nuda lex, præcipiens, sed non iuvans interius ad præstandum quod iubeat. . . . Secundus textus intelligitur de lege penas intentante, quæ non est posita iusto, qui sponte facit bonum quod lex imperat.

*Quæres 11. Quotuplitis generis sint præcepta nove legis?*  
*Resp.* Triplicis: scilicet, 1. *moralia*, quæ licet non sint a Christo instituta, ab eo tamen sunt confirmata, explicata, & ab erroribus, quibus ex malitia hominum obvoluta fuerant, vindicata. 2. *Præcepta fidei*, quæ sunt a Christo clarius explicata, ita ut explicitè teneamur credere, quæ in lege veteri solum implicite credebantur. 3. *Præcepta sacramentalia*, quæ sunt a Christo de novo instituta, ut sint loco veterum, quæ sunt ab eo abrogata.

## CAPUT V.

### De Lege humana in genere.

*Quæres 1. Quid sit lex humana?*

*Resp.* Est, *rationis ordinatio, stabilis, ad bonum publicum condita, & promulgata ab homine qui curam communis politice aut Ecclesiasticæ habet, cum intentione obligandi subditos.*

*Quæres 2. Quinam possint ferre leges?*

*Resp.* Possunt omnes qui habent curam communis perfectæ, id est, quæ sibi sufficit ad assequendum finem, ad quem instituta est.

Hinc 1. omnes principes supremi, & regiones quæ sunt sui juris, possunt condere leges civiles pro suis subditis.

Hinc 2. Possunt condere leges ecclesiasticas S. Pontifex & Concil. Œcumenicum, pro tota Ecclesia; Concilia nationalia, pro tota natione; Provincialia, pro Provincia; Episcopi, pro sua Diocesi; Legati summi Pontificis, pro territorio suæ legationis, &c.

*Quæres 3. Quænam sit materia legum humanarum?*

*Resp.* Materia legum civilium, est bonum communis temporale; propria vero legis canonicæ materia, est bonum communis spirituale.

*Quæres 4. Utrum lex civilis possit præcipere actus internos?*

*Resp. x.* Potest indirecte præcipere actus, internos, qui



qui per se conjuncti sunt cum actibus externis; sic potest precipere juramenti præstationem, bonorum venditionem; atqui neutrum potest subsistere absque interno voluntatis consensu; ergo, &c. 2. Non potest precipere actus mere internos, quia non sunt necessarii ad finem ad quem instituti sunt, nempe ad conservandam pacem & tranquillitatem reipublicæ.

Quæres 5. *Utrum lex Ecclesiastica possit præcipere actus internos?*

*Resp.* Potest præcipere 1. actus internos, qui per se conjuncti sunt cum externis, unde Innoc. XI. hæc damnavit prop. *Præcepto communionis annua satisfacit per sacrilegam dominici corporis manducationem*, 2. Potest precipere actus internos, qui per accidens conjuncti sunt cum externis, sic præcipit ut fideles Deum exorent ad pacem inter christianos principes obtinendam; atqui hæc intentio est actus internus; ergo, &c. 3. Probabilius potest precipere actus mere internos, quia maxime conducunt ad salutem eternam, quæ est finis proprius legis ecclesiasticæ. Hinc conc. Trid. Sess. 6, exponens doctrinam de justificatione, *discretius inhibet, ne deinceps audeat quisquam aliter credere, prædicare, aut docere*, &c.

*Obijciat:* Nec potestas ecclesiastica, nec civilis judicant de actibus internis; ergo non possunt eos præcipere.

*Resp. Dist. consequ.* Non possunt quod vim coactivam, sive quoad vim directivam, nego *consequ.* Ut ergo lex possit aliquid præcipere, sufficit ut homines ad id quod justum est possit dirigere, obligando eos sub culpa a Deo puniende. Deinde Ecclesia non judicat de actibus exterioribus occultis, & tamen eos præcipit.

Quæres 6. *Utrum modus legis cadat sub præcepto? seu quomodo debet impleri opus præceptum ut satisfiat legi?*

*Resp.* Debet impleri, 1. *Voluntarie*, quia præcipitur actus humanus. 2. *Cum intentione*, saltem interpretativa, *adimplenda legis*, quia actus hominis ultra intentionem ejus non operantur. 3. *Ex fine honesto*, si sit lex ecclesiastica, quia non præcipit nisi actus ad eternam salutem conducentes; ergo debent fieri propter finem honestum.

Quæres 7. *Utrum finis legis extrinsecus, seu a Legislatore intentus, cadat sub præcepto?*

*Resp.* Cadit, si præcipiatur a Legislatore, non cadit, si non præcipiatur.

Quæres 8. *Utrum leges humane, etiam pontificie, non ante obligent, quam in singulis provinciis promulgate fuerint?*

*Resp.* Non ante obligant; id enim pro legibus civilibus declaratur authentica, *ut facta nova constitutio* nos:



nes: & pro ecclesiasticis constat ex Ecclesiæ praxi, quæ semper suarum legum promulgationem summa sollicitudine fieri curavit. Unde etiam Romæ valida habentur matrimonia clandestina in iis locis contracta, ubi Concil. Trident. nondum est promulgatum.

Quæres 9. *Utrum requiratur consensus, seu acceptatio populi, ut lex humana obliget?*

Resp. *Negat.* Nam lex humana a Legislatore absolute lata ad sui acceptationem obligat, iuxta illud Apost. Rom. 13. *Qui potestati resistis, Dei ordinationi resistis.* Unde hæc prop. *Populus non peccat, etsi absque ulla causa non recipiat legem a principio promulgatam,* damnata est ab Alex. VII. & Clero Gallie. an. 1700.

Quæres 10. *Quinam legibus humanis teneantur?*

Resp. 1. Certum est, quod omnes & soli subditi rationis usum habentes, subdantur legibus humanis: quia potestas legislativa subjectionem in aliis essentialiter connotat .... Hinc Legislator non tenetur suis, vel prædecessorum suorum legibus, neque quoad vim directivam, neque quoad vim coactivam: sed tenetur tantum vi legis naturalis dictantis ut superior suis præeat exemplo: unde illa utriusque juris axiomata: *Iustum est principem legibus obtemperare suis,* cap. iustum dist. 9. *digna vox est maiestate regnantis, legibus alligatum se principem profiteri,* leg. 4. Cod. de legibus.

*Obijciat:* Vis directiva non necessario requirit superioritatem in eum quem obligat; ergo Legislator tenetur legibus suis quoad vim directivam.

Resp. *Nego ant.* Nam lex non dirigeret nisi per modum regulæ consuectis, non obligantis.

Quæres 11. *Utrum Clerici, peregrini, advena, & vagi teneantur legibus?*

Resp. 1. Clerici, salva eorum immunitate, tenentur legibus civilibus: quia sunt partes communis politice, de quibus, sicut de aliis dixit Apostolus, Rom. 18. *Omnis anima potestatibus sublimioribus subdita sit.*

Resp. 2. Peregrini & advena non teneantur quidem patriis legibus, nisi ab sint in fraudem, quia; Legislatoris iurisdicctio ita est affixa proprio territorio, ut extra illud non extendatur; sed ipsi, sicut & vagi, teneantur legibus locorum, in quibus versantur, vel per quæ transeunt: ibi enim lex ligat, ubi persona forum sortitur.

Quæres 12. *Utrum leges humane obligent in conscientia?*

Resp. Obligant, & quidem 1. Canonice, Matth. 18. *Quod si Ecclesiam non audieris, sit tibi sicut Ethnicus & Publicanus,* id est, publicus peccator. 2. Civiles, iuxta illud, Rom. 13. *Itaque qui potestati resistit, Dei ordinationi resistit: qui autem resistunt, ipsi sibi damnationem acquirunt.*

*Obijciat:* Potestas civilis est mere temporalis; ergo non obligat in foro conscientie.



*Resp. Diss. ant.* Est mere temporalis ratione subiecti, nempe versatur tantum circa res fluxæ ac labentis naturæ, *conc.* ratione debiti quod imponit, *nego ant.* Est enim potestas quæ a Dei potestate emanat, juxta illud Apostoli: *Non est potestas nisi a Deo.*

Quæres 13. Quos requiruntur, ut lex humana obliget sub mortali?

*Resp.* Duo. 1. Ut materia sit gravis, alias lex esset injusta. 2. Ut intentio Legislatoris sit graviter obligandi, quia legis humanæ obligatio tota pendet a libera Legislatoris voluntate. Dignoscitur autem Legislatorem velle obligare sub mortali. 1. Ex gravitate verborum quibus utitur, ut cum dicitur: *Sub indignatione Dei.* In virtute sanctæ obediencie, &c. 2. Ex gravitate pœnæ quæ transgressoribus imponitur, qualis est pœna excommunicationis, mortis, confiscationis bonorum, &c.

Quæres 14. Utrum lex humana obliget cum gravi pœnâ, etiam mortis?

*Resp.* Non obligat ordinarie, quia nemo tenetur ad id quod est moraliter impossibile; obligat tamen aliquando, nempe 1. Cum id exigit reipublicæ conservatio. 2. Cum violatio legis cederet in contemptum fidei, vel legitime auctoritatis, quia talis contemptus est intrinsece malus. 3. Cum lex violari non potest sine scandalo.

Quæres 15. An peccet contra legem, qui non tollit aus qui ponit impedimentum executionis legis?

*Resp.* Peccat, quia qui præcipit finem, præcipit etiam media necessaria ad affectionem illius finis: nisi tamen illud impedimentum sit vel necessarium, vel tam utile, ut melius sit illud non tolli, quam legem servari, qualis est necessitas opitulandi infirmo tempore Missæ: certum est enim legem humanam non adeo stricte obligare, ut ad eam implendam tolli debeant impedimenta necessaria, aut maxime utilia.

Quæres 16. An qui non potest totum opus præceptum implere, teneatur ad partem quam potest?

*Resp.* Teneatur, si præceptum sit de re divisibili: unde Innocent XI. damnavit hanc prop. *Qui non potest recitare matutinum & laudes, potest autem reliquas horas, ad nihil tenetur: quia major pars trahit ad se minorem.*

Quæres 17. Utrum eodem tempore duobus præceptis satisfieri possit per plures actus?

*Resp.* Potest, modo unius actus non impediatur alium, nec aliter mentem suam exprefferit Legislator. Ratio est, quia facit id quod lege præcipitur. Sic qui tempore Missæ recitat Horas canonicas satisfacit utrique præcepto; sed non satisfacit qui tempore Missæ confitetur peccata, quia confessio impedit attentionem quæ auditioni Missæ debetur: nam Ecclesia præcipit assistere Missæ



Missa per modum orationis; sed qui constitetur, non assistit per modum orantis; ergo, &c.

Quæres 18. *An per unum eundemque actum possint impleri plura præcepta?*

Resp. Possunt, quoties superior prudenter existimatur id concedere, quia obligatio legis non excedit voluntatem Legislatoris; sic qui tenetur ad Horas canonicas ratione ordinis & beneficii, unica recitatione utrique obligationi satisfacit.

Quæres 19. *Quenam sit differentia inter obligationem legis affirmativæ & negativæ?*

Resp. In hoc differunt, quod lex affirmativa obliget semper, sed non pro semper; e contra lex negativa obligat semper, & pro semper: sic nullo tempore licitum est furari, quia præceptum non furaberis, est negativum.

## C A P U T VI.

### De variis speciebus legum humanarum.

Quæres 1. *Quotuplex est lex humana?*

Resp. Duplex, nempe scripta, & non scripta, seu consuetudinaria. Et utraque, vel est mere præceptiva aut prohibitiva, vel pœnalis, vel favorabilis, vel irritans. De mere præceptiva vel prohibitiva huc usque differimus, restat agendum 1. de lege scripta, & consuetudinaria; 2. de lege pœnali; 3. de lege favorabili; 4. de lege irritante.

#### §. I. De lege scripta & consuetudinaria.

Quæres 1. *Quotuplex est lex scripta?*

Resp. Duplex, civilis, quæ jus civile, & Ecclesiastica, quæ jus Canonicum appellatur.

Quæres 2. *Quid sit jus civile?*

Resp. Est corpus juris quod constat quinque partibus, nimirum institutionibus, digesto, codice, novellis seu authenticis, & libro feudorum.

Quæres 3. *Quid sit jus canonicum?*

Resp. Definatur: *Jus quod civium*, (christianorum scilicet) *actiones ad finem eternæ beatitudinis dirigis*. Constat sex partibus, nempe decreto, decretalibus, sexto decretalium, elementialis, extravagantibus Joan. XXI. & extravagantibus communibus.

Quæres 4. *Quid sit consuetudo?*

Resp. Definatur a D. Isidoro: *Jus quoddam, moribus institutum, quod pro lege suscipitur cum deficit lex*.

Dicitur 1. *Moribus institutum*; id est frequentatione actuum ejusdem rationis, a majore & saniori parte communis exercitorum, cum animo se obligandi.

Dicitur 2. *Cum deficit lex*: id est, cum circa aliquid



lex non est lata, vel cum est iutilis, vel cum est dubia aut obscura.

Quæres 5. Quotuplex est consuetudo?

Resp. Triplex, nimirum, alia est *secundum legem*, quæ interpretatur legem, aut quæ est legis existentis executio. Alia est *præter legem*, quæ nec lege præcipitur, nec legi adversatur. Alia *contra legem*, quæ legi adversatur: talis est consuetudo, quæ viget in quibusdam Diocæsis, vescendi carnibus, singulis sabbatis a Nativitate Domini usque ad festum Purificationis inclusive.

Quæres 6. Quot sine effectus consuetudinis?

Resp. Tres, nempe, 1. legem dubiam interpretari; 2. legem novam inducere; 3. veterem abrogare.

Quæres 7. Quot requiruntur conditiones, ut consuetudo vim legis habeat: aut legem abroget?

Resp. Requiritur. 1. *Ut sit honesta*, & *bono communis utilis*: alias esset corruptela. 2. *Ut adsit consensus Legislatoris*, saltem tacitus, id est, ut non contradicat, cum facile contradicere posset. 3. *Ut sit legitime præscripta*, id est, continuata toto tempore ad præscribendum requisito, quod est spatium 10. annorum pro legibus civilibus, & 40. annorum pro legibus Ecclesiasticis: ratio est, quia leges sunt iura; atqui ad præscribenda iura civilia requiruntur 10. anni; & ad præscribenda iura Ecclesiastica requiruntur 40. anni; ergo &c.

## S. II. De lege favorabili, seu de privilegiis.

Quæres 1. Quid sit privilegium?

Resp. Definitur ab Innocent III. *Lex privata, aliquid speciale concedens*. 1. Est *lex*, respectu communitatis, quæ tenetur non impedire usum privilegii. 2. Est *privata*, quia, licet ejus motivum formale sit bonum commune, tamen obiectum ejus materiale respicit bonum alicujus, vel alicuius particularium. 3. *Aliquid speciale indiget*, præter, vel contra jus commune.

Quæres 4. Quomodo dividitur privilegium?

Resp. Dividitur 1. In *reale*, quod immediate conceditur alicui rei; v. gr. loco, dignitati, &c. hoc transit ad successores; & *personale*, quod immediate conceditur personæ ratione sui: hoc extinguitur cum persona.

Dividitur 2. In *favorabile*, quod privilegiato confert commodum, nullique affert incommodum; unde est latæ interpretationis; & *odiosum*, quod uni confert commodum, & alteri præjudicium; talis est exemptio a tributis, quæ alios onerat: unde est strictæ interpretationis, quia odia sunt restringenda. Porro privilegium datum *motu proprio*, semper censetur favorabile.

Quæres 3. Utrum quis privilegio contra legem concessio uti possit contra territorium concedentis?

Resp. Non potest, si privilegium sit locale, quia annexum



metum est territorio concedentis; potest vero, si sit personale, quia afficit personam, eamque sequitur quocumque eat.

Quæres 4. *Quo modo privilegium amittatur?*

Resp. Amittitur 1. lapsu temporis, si sit temporale. 2. Per liberam renunciationem privilegiati. 3. Per non usum spatio ad præscriptionem sufficiente, si alios gravet, quia est tacita illius renuntiatio. 4. Per usum privilegio formaliter contrarium; si gravet alios, est enim præsumpta renuntiatio. 5. Per abusum, post sententiam Iudicis declaratoriam. 6. Per revocationem concedentis, vel ejus successoris, privilegiato significatam.

### §. III. De lege pœnali.

Quæres 1. *Quid sit lex pœnalis?*

Resp. Est ea, quæ pœnam transgressoribus expresse constituit. Alia est *pure pœnalis*, quæ præcipit tantum disjunctive, vel ut fiat aliud, vel ut certa pœna subeat; unde unicum continet præceptum disjunctivum. Et alia *pœnalis mixta*, quæ præcipit aliquid faciendum vel omitendum, & simul pœnam transgressoribus imponit. Unde duo præcepta continet, alterum absolutum faciendi vel omitendi quod præcipitur aut prohibetur; alterum subeundæ pœnæ, si non fiat, aut omittatur quod præcipitur, aut prohibetur.

Quæres 2. *Utrum dentur leges pure pœnales?*

Resp. Possunt dari: nam lex vim habet ex voluntate Legislatoris; ergo si Legislator nolit obligare subditos, nisi ad pœnam, subditi inobedientes non incurrunt nisi reatum pœnæ.

*Obicies.* Ex D. August. *Omnis pœna, si justa est, peccata si pœna est*; erga nulla pœna potest juste imponi absque ulpa.

Resp. *Dist. ans.* Omnis pœna proprie dicta, *consequenter* improprie dicta, *negō ans.* Pœna proprie dicta, est malum propter culpam inflictum: pœna improprie dicta, est malum alia de causa impositum, puta ut illius metu impellamur ad faciendum aliquid, vel ut fiamus in posterum cautiore ad vitandos communes defectus; talis est pœna, quæ per leges pure pœnales imponitur, quæ sapienter pœnam juridicam, sed non theologiceam.

Quæres 3. *Utrum leges pœnales mixtæ obligent in conscientia ad actum præceptum?*

Resp. *Affirm.* Nam lex præceptiva, seu quæ continet præceptum absolutum absque impositione pœnæ, obligat in conscientia; ergo & lex præceptiva cum impositione pœnæ transgressoribus: nam impositio pœnæ non tollit obligationem ad culpam, sed potius indicat & confirmat illam.



Quæres 4. *Utrum leges penales obligent ad subeundam penam, ante sententiam Judicis declaratoriam?*

Resp. Pœnæ, quæ executioni mandari possunt absque actione rei, ut censuræ, vel cum actione rei non valde difficili, suum sortiuntur effectum ante sententiam Judicis declaratoriam, quia leges, illas pœnas ipso facto imponentes, sunt moraliter possibiles. Econtra, si non possint executioni mandari sine actione rei valde difficili, non sortiuntur suum effectum ante sententiam declaratoriam Judicis, quia sunt moraliter impossibiles.

#### §. IV. De lege irritante.

Quæres 1. *Quid sit lex irritans?*

Resp. Est ea quæ actum aliquem, cui desunt aliquæ conditiones, nullum & invalidum facit.

Quæres 2. *Quotuplex sit irritatio?*

Resp. Duplex, nempe, *penalis*, quæ fit in pœnam peccati; & *legalis*, quæ irritat actum ob bonum commune: talis est irritatio matrimoniorum clandestinorum, quæ fit propter periculum fraudis, &c.

Quæres 3. *An ignorantia invincibilis legis irritans impediatur irritationem?*

Resp. Impedit irritationem pœnalem, quia pœna proprie dicta necessario supponit culpam; sed non impedit irritationem legalem, quia non supponit culpam, sed fundatur in præsumptione periculi fraudis, & aliorum incommodorum; atqui in actu, contra legem irritantem legalem celebrato, semper existit periculum fraudis, &c. ergo, &c.

### C A P U T VII.

#### De cessatione legum humanarum.

Quæres 1. *Quo modis cessare potest lex humana?*

Resp. Duobus, nempe 1. *ab insinseco*, quando scilicet, propter mutationem materiæ aut circumstantiarum, fit inutilis bono communi. Item quando cessat respectu totius communitatis, causa adæquata propter quam lex fuit lata, quia Legislator non censetur amplius velle obligare. 2. *Cessat ab extrinseco*, per interpretationem, dispensationem, derogationem, abrogationem, & irritationem.

Quæres 2. *Quotuplex est interpretatio legis?*

Resp. Duplex, nempe, *simplex*, & *per epikeiam*. Interpretatio simplex, est terminorum legis, quæ obsecuritatem patiuntur, simplex expositio. Triplex est; *authentica*, quæ fit ab ipso Legislatore; *usualis*, quæ petitur ex consuetudine; & *doctrinalis*, quæ fit per explicationem Doctum.



De Legibus.

233

*Interpretatio per epikejam*, est benigna & rationabilis declaratio, qua decernitur casum aliquem particularem, ob suas circumstantias, non comprehendendi lege, quamvis lata per verba generalia.

Quæres 3. *Quandonam licitum est uti epikeja?*

*Resp.* 1. Quando observatio legis sit peccaminosa. 2. Quando cedit in damnum reipublicæ. 3. Quando adversatur legi superiori.

Quæres 4. *Quid sit dispensatio?*

*Resp.* Est relaxatio legis, legitima auctoritate ad tempus facta, in aliquo casu, in quo aliqui lex obligaret.

Quæres 5. *Utrum dispensatio concessa sine causa sit licita?*

*Resp.* Esse illicitam, quia non est in ædificationem, sed in destructionem; pacem enim turbat, transgressionibus viam aperit, Superiorum auctoritatem despectui exponit, estque vitium acceptionis personarum.

Quæres 6. *An valida sit dispensatio concessa sine causa?*

*Resp.* Est valida, si concedatur ab ipso Legislatore, quia si lex ab eo pendet in fieri, ita etiam in conservari: est autem invalida, si concedatur a delegato, quia superior non censetur suam delegasse auctoritatem peccando, sed non potest concedere potestatem dispensandi sine causa, quin peccet; ergo, &c.

*Objectiones:* Dispensatio a voto sine causa est invalida; ergo a pari, &c.

*Resp. Nego consequ.* Disparitas est, quod obligatio voti sit juris divini; unde a voto non dispensat homo, nisi ut delegatus a Deo, qui non vult votum remitti absque iusta causa; at obligatio legis humanæ tota pendet a libera voluntate Legislatoris, qui potest eam, etiam sine causa, relaxare.

Quæres 7. *An dispensatio subreptitia, quæ obtinetur per subreptionem veri, vel obreptitia, quæ obtinetur per narrationem falsi, sit valida?*

*Resp.* Est prorsus invalida, quia superior in hoc casu non intendit dispensare, vel saltem censetur solum dispensare sub hac conditione: *Si res ita est*, aut, *si propositæ veritate nitantur*.

Quæres 8. *Qui sint irritatio, abrogatio, & derogatio legis?*

*Resp.* 1. *Irritatio*, Est legis nondum perfecte obligantis abolitio, facta ab eo cujus est illam habere ratam; sic Papa quando non approbat Concilia, ea irritat.

*Abrogatio*, est legis totius perfecte obligantis abolitio, vel per revocationem, vel per contrariam consuetudinem, vel per legem posteriorem universalem priori legi item universali repugnantem.

*Derogatio*, est legis adhuc vigentis secundum aliquam sui partem imminutio; v. gr. cum tollitur dies festus manente obligatione Missæ.



## TRACTATUS X.

## De præcipuis Ecclesiæ Præceptis.

Quæres **Q** *Utr sine præcepta Ecclesiæ?*

*Resp.* Sunt sex, 1. est de auditione Missæ diebus Dominicis & festivis. 2. De annua Confessione. 3. De Communione Paschali. 4. De celebratione Festorum. 5. De jejuniis quatuor Temporum, Vigiliarum, & Quadragesimæ. 6. De abstinentia a carnibus feria sexta & sabbato observanda. De præceptis annuæ Confessionis & Communionis Paschalis opportunius agemus in Dissertatione de Eucharistia & Pœnitentia; unde hic restat de aliis quatuor agendum.

## §. 1. De præcepto auditionis Missæ.

Quæres 1. *An extet præceptum Ecclesiasticum audiendi de Missæ diebus Dominicis & festivis?*

*Resp.* Extare constat, tum ex praxi Ecclesiæ, tum ex Conc. Agathensi, can. 47. *Missas die dominico a secularibus, audiri speciali ordine præcipimus, ita ut ante benedictionem Sacerdotis populus egredi non presumat; qui si fecerint, ab Episcopo publice confundantur.* Graviss autem poena, gravem supponit culpam, a qua excusare potest levitas materiæ. Porro Missa ab eodem Sacerdote celebrata debet audiri ut definivit Innoc. XI. & Clerus Gallicanus in damnatione hujus prop. *Satisfacis præcepto Ecclesiæ de audiendo sacro, qui duas ejus partes, imo quatuor simul a diversis celebrantibus, audit.*

Quæres 2. *Quanam dispositiones requirantur ad Missam debite audiendam?*

*Resp.* 1. *Ex parte corporis*, requiritur modesta conformatio in vultu & habitu.

*Resp.* 2. *Ex parte animæ*, requiritur 1. *Moralis & humana præsentia*, ita ut saltem aliquo sensu, percipi possit quod Missa celebretur. 2. *Intentio implendi præcepti*, saltem interpretativa, quæ nempe contineatur in voluntate Missam audiendi, quæ non excludat intentionem implendi præceptum Ecclesiæ. 3. *Pia ad Deum, divinaque mysteria assensio & affectio*, quæ, in spiritu & veritate oportet Deum adorare. Porro sufficit ut illa affectio proficiat ex motivo cujuslibet virtutis christianæ, nec requiritur ex charitate perfecta, sive habituali, sive actuali, alias soli iusti ad audiendam Missam admittendi essent, & excludendi peccatores, quod falsum est, & damnatum in Quæstione, prop. 89.

Quæres 3. *Quanam sine causæ, excusantes ubi auditione Missæ?*

*Resp.*



*De præcipuis Ecclesiæ Præceptis.*

355

*Resp.* Generatim sunt duæ, scilicet impotentia physica & moralis: quia nemo legem humanam, sive physice, sive moraliter impossibilem, observare tenetur.

*Quæres 4.* *Utrum qui Missam audire nequit, teneatur per aliud pium opus, vel per preces illam supplere?*

*Resp. 1.* Tenetur diebus Dominicis, quia aliquem hebdomadæ diem cultui divino consecrare, præceptum est juris naturalis & divini, quod non potest immutare audiendi sacri impedimentum.

*Resp. 2.* Probabilius etiam tenetur diebus festivis; tum quia districte ab Ecclesiâ præcipitur, ut dies festus, quantum moraliter fieri potest, sanctificetur; ergo si per indictam Missæ auditionem nequeat sanctificari, per aliud pium opus sanctificari debet. Tum quia hæc est praxis fidelium timoratorum, & confessoriorum qui hanc præxim tanquam obligatoriam inculcant poenitentibus.

*§. II. De præcepto sanctificationis festorum.*

*Quæres 1.* *Quid intelligitur per sanctificationem festi?*

*Resp.* Intelligitur, religiosa cujusdam diei determinata ad Deum colendum observatio. Obligat sub mortali, ut constat tum ex omnium fidelium sensu, tum ex damnatione hujus prop. ab Innoc. XI. Præceptum servandi festa non obligat sub mortali, seposito scandalo, sed absque contemptu.

*Quæres 2.* *Quenam sunt opera diebus festis exercenda?*

*Resp.* Præter Missam, debent exerceri opera religionis & charitatis, quod sic exponit Concil. Aquisgranense, ann. 1585. Doceantur populi . . . præsertim ut præter Missam, quæ sine gravissimi peccati poena prætermittenda non potest: præter vespervas item, quibus fideliem quemque, nisi impeditum, interesse maxime convenit, in doctrina christiana rudimentis omnes, tam viri quam famulae, versentur.

Hinc qui vespervis non interest, juxta D. Anton. committit peccatum veniale, nisi suppleat per alia pietatis opera, quia hæc assistentia, licet sæpius ab Ecclesiâ commendata tanquam medium cultui divino proportionatum, nullibi tamen videtur districte præcepta.

*Quæres 3.* *Utrum opera servilia sint prohibita diebus Dominicis & Festis?*

*Resp. Affirm.* Ut tradit D. Aug. *Epist.* 36. dicens: Vacatio a servilibus operibus imperatur, unde illud est, quod lapidare Deus hominem iussit, qui ligna collegerat. Accedit communis praxis Ecclesiæ, & doctorum consensus. Porro hoc præceptum obligat sub mortali ex genere suo, & ideo a mortali excusat materiæ parvitas: imò excusat a toto peccato, si opera non sint ita servilia, quia conveniant nobilibus periade ac servis: ut sunt piscatio, venatio, &c. Modo istis operibus ita serviatur, ut nihil eorum prætermittatur, quæ sunt ad piam Festorum celebrationem necessaria.

*Quæ-*



Quæres 4. *Quenam opera, non servilia, diebus Dominicis & Festivis, prohibeantur a jure?*

Resp. Prohibentur, 1. *Placitum*, id est, omnis actus judicialis qui fit cum strepitu. 2. *Juramentum*, extra-judiciale, puta in instrumento contractus, ait glossa. 3. *Mercatus*, id est, nundinæ, & omnes actus mercandi, qui sunt maxime cum instrumento publico. Ratio prohibitionis est, quia illa omnia retrahunt a cultu divino.

Porro, in opere diebus Festis prohibito materiæ gravitas dijudicanda est iudicio prudentis viri, cum ex duobus hominibus eidem labori per tempus unius horæ vacantibus, unus magis quam alter divertatur a cultu divino, & aliis pietatis operibus.

Quæres 5. *Quenam causa excusant ab obligatione omittendi opera diebus Festis prohibita?*

Resp. Sunt quinque, nempe 1. *Consuetudo legitime introducta*, sic permittuntur emptiones & venditiones rerum parvi momenti clausa officina. . . . 2. *Pietas erga Deum*, sic licet altaria instruere, templa orare, &c. . . . 3. *Charitas erga proximum*. Sic licet medicamenta parare infirmis tunc egentibus. . . . 4. *Utilitas publica*, sic licet in ortu, aut adventu principis theatra perficere, &c. . . . 5. *Necessitas*, propria, vel aliena, spiritualis vel corporalis, quæ præveniri non potuit, dum scilicet sine gravi damno opus aliquod omitti, aut differri nequit, nam sabbatum propter hominem factum est, non homo propter sabbatum, ait Christus Marci 2.

Quæres 6. *Utrum per quodvis peccatum mortale, graviter violetur præceptum de sanctificatione Festorum, ita ut circumstantia Festi addat novam speciem malitiæ mortalis contra religionem, in confessione exprimendam?*

Resp. Contra recentiores affirmat tota venerabilis antiquitas, DD. August. Thomas, Bonaventura, Antoninus, cujus hæc sunt verba: *Peccatum mortale commissum die Festo, est multo gravius, quam alia die. Nam altera propriam deformitatem, habet specialem deformitatem ex illa circumstantia temporis sacri, qua festum violatur; unde talis, ut dicit Nicolaus de Lyra, non solum agis contra unum præceptum, scilicet; non moechaberis; aut illud: non furtum facies; sed etiam contra illud de sanctificatione Sabbati. Est ergo doctrina a confessariis fideliter tenenda & vivide practicanda.*

C. III. *De præceptis jejuniis & abstinence.*

Quæres 5. *Quid sit jejunium ecclesiasticum?*

Resp. 1. Est, abstinencia a quibusdam cibis, cum unica in die refectio, horæ competenti sumenda.

Dicitur 1. *A quibusdam cibis*: nempe, 1. *A carnibus animalium*, quæ a piscibus vere distinguuntur, & ab eis quæ ad pisces reducuntur, ut sunt ranæ, gallinæ aquaticæ, lutræ, &c. 2. *Ad alios cibos ecclesiarum particularium consuetudine prohibitis*, ut sunt ova, & lacticia.

Dici-



Dicitur 2. *Cum unica refectioe in die*: quæ debet esse ita continua, ut non sit moraliter interrupta, alias non una, sed multiplex esset refectio. Tamen huic refectio- ni, ex consuetudine nunc temporis ubique recepta, additur vespertina collatiuncula, in qua iis solum cibis uti licitum est, qui ipsa consuetudine sunt approbati, *cujusmodi*, in his regionibus sunt *uvæ, nuces, poma, & alia ex saccharo condita, imo & aliquid butyri, vel casei, ubi ita consuetudo obtinuit*, ait Sylvius.

Dicitur 3. *Hora compensendi sumenda*, nempe circa meridem, ut fert usus ab Ecclesia receptus: tamen propter justam causam, potest circa meridiem sumi collatiuncula, & coena differri ad vespertinam, quia illa inversio est tantum variatio circumstantiæ jejunio non substantialis; ergo ex justa causa potest fieri.

Quæres 2. *Utrum sumptio potus extra tempus refectio- nis, noceat jejunio?*

Resp. Sumptio potus de se nutritivi nocet jejunio; sumptio vero potus, qui non ad nutritionem, sed ad altera- tionem corporis sedandam, & digestionem ciborum as- sumptorum, sumitur, non nocet jejunio: ita D. Thom.

2. 2. *quest.* 147. *artic.* 6. *ad* 2.

Quæres 3. *Quot sint cause a jejunio excusantes?*

Resp. Sunt duæ, impotentia, scilicet, & labor.

*Ratione impotentie*, excusantur. 1. *Adolescentes*, qui 21. ætatis annum mandum expleverunt, quia sunt in sta- tu augmenti. 2. *Senes*, non ratione senectutis, sed ra- tione magnæ debilitatis. 3. *Infirmi & convalescentes*, quos infirmitas extenuavit. 4. *Pregnantes & nutrices*, quia egent cibo pro se, & pro foetu, vel prole. 5. *Pauperes*, cum simul habere nequeunt quod eis sufficit ad vitam refectionem.

*Ratione laboris*, excusantur illi soli qui opus, vel iter pedibus efficiunt, quo adeo defatigantur, ut simul cum jejunio laborare, vel itinerari non possint, & quod pro- tunc sit ita necessarium, ut absque detrimento corporalis salutis, aut exterioris status, vel spiritualis vite, non possint differri, ait D. Thom. 2. 2. *q.* 147. *a.* 4. *ad* 3.

Non excusantur vero omnes, quorum labor non est gravis, quales sunt, pictores, barbitonfores, factores, notarii, scribæ, &c. Item qui equo vel curru iter agunt, nisi forte, ob extraordinarium cursum ac defatigationem, non possint sine gravi incommodo jejunare. Hinc Alex. VII. sequentes damnavit propositiones.

*Omnes officiales, qui in republica corporaliter labo- rant, sunt excusati ab obligatione jejunii, nec debent se certificare, an labor sit compatibilis cum jejunio.*

*Excusantur absolute a præcepto jejunii omnes illi qui iter agunt equitando, utcumque iter agant, etiamsi iter necessarium non sit, & etiamsi iter unius diei conficiant.*



## TRACTATUS XI.

*De variorum statuum obligationibus.*

*Nota.* **P**Lurium statuum obligationes satis per se patent: qui voluerit eas legere, consulat nostram Theologiam in hoc Tract. hic ergo agemus tantum de obligationibus Clericorum, beneficiatorum, religiosorum, & personarum judicialium, ideo sit:

## CAPUT I.

*De obligationibus beneficiatorum.*

**H**ic agendum est 1. de Horis Canonicis. 2. De beneficiis: inde enim maxime pendent obligationes beneficiatorum.

## QUESTIO I.

*De Horis Canonicis.*

*Quæres. 1.* **Q**uid sint Horæ Canonice?

*Resp.* Sunt preces vocales ab Ecclesia institutæ, ejus nomine quotidie statutis Horis Deo persolvendæ a personis ad id specialiter deputatis.

*Quæres 2.* *Quinam ad Horas Canonicas teneantur?*

*Resp.* Teneantur 1. omnes Clerici sacris ordinibus initiati. 2. Omnes religiosi & moniales professi ad chorum destinati. 3. Omnes Clerici (sive sacris sint initiati, sive non) beneficium ecclesiasticum possidentes, sive teneant sit, sive pingue, sive possideatur in titulum, sive in commendam, teneantur regulariter ad Horas persolvendas sub mortali, & restitutionis obligatione, etiam ante omnem sententiam declaratoriam Judicis. Ita statuit Concil. Lateran. V. & post ipsum Pius V. Bulla, ex proximo.

*Dixi 1.* Clerici beneficium possidentes, ut excludatur tum Coadjutor, licet instituatur, quia nondum est beneficiarius, tum Pensionarius, quia pensio non est beneficium, tenetur tamen juxta Bullam Pii V. *Ad officium patrum Beate M. V.* sub eadem poena sub qua beneficiarii tenentur ad Horas Canonicas.

*Dixi 2.* Regulariter, quia nonnulla extant beneficia, quæ ex sua institutione ad aliquas tantum preces obligant,



gant, v. gr. ad recitationem officii B. M. Virginis, non vero ad officium divinum.

Dixi 3. *Sub mortali*: quia est gravis obligatio ad virtutem religionis & iustitiæ pertinens: materia autem gravis censetur una parva hora, v. gr. prima.

Dixi 4. *Sub restitutionis obligatione*: quia sub hoc onere Ecclesia illis beneficium contulit, ut definivit supra dictus Pius V. qui, regulando restitutionem, statuit ut qui per unum diem officium omiserit, tenetur restituere omnes fructus, qui illi diei responderent, si fructus beneficii dividerentur: qui matutinum tantum omiserit, dimidiam partem, qui reliquas omnes horas, reliquam dimidiam, qui harum singulas, sextam partem, comprehensis etiam distributionibus, quas non lucratur, non recitans, etiam si choro intersit, ut expresse habet Bulla.

Dixi 5. *Ante omnem sententiam*, prout definivit Alex. VII. in damnatione prop. contrariæ.

Quæres 3. *Quibusnam debentur distributiones quotidianæ?*

Resp. his solis qui choro interfunt. *Distributiones*, qui statim horis intersuerint, recipiant: reliquis, quavis collusione aut remissionis exclusa, his careant: juxta Bonifacii VIII. decretum, quod incipit, consuetudinem, inquit Concil. Trid. Sess. 24. c. 12. deinde in decreto Bonif. VIII. additur: *Non censetur presens qui non attendis*: ergo ad lucrandas distributiones requiritur presentia formalis & ad orandum ordinata.

Quæres 4. *In quibus casibus absens distributiones possit lucrari?*

Resp. in tribus, nempe, in casu gravis infirmitatis, rationabilis corporis necessitatis, & utilitatis Ecclesiæ: Excep- tis, ait Bonif. VIII. illis quos infirmitas, seu iusta aut rationabilis corporis necessitas, aut evidens Ecclesiæ utilitas excusaret. Hi enim fictione juris, censentur presentes.

Quæres 5. *Quomodo hora sine recitanda?*

Resp. Hunc modum dat caput, dolenter, de celebratione missarum, his verbis: *Districte precipimus in virtute sanctæ obediencie, ut divinam officium nocturnum pariter & diurnum, quantum eis dederit Deus, studiose celebratur pariter & devote.*

Quæres 6. *Quamam requirantur, ut hora recitentur studiose?*

Resp. Quinque. 1. *Ut in debito recitetur Breviario*, juxta Bullam Pii V.

2. *Ut omnia distincte proferantur, sine syncope*, ait glossa, & voce per se audibili, ita ut recitans, secluso impedimento, possit seipsum audire, quia horæ sunt orationes vocales.

3. *Ut recitentur debito tempore*, juxta consuetudinem.



mem legitime introductam : juxta quam matutinum potest cum , vel sine laudibus recitari pridie , ab eo circiter tempore quo sol est propior ad occasum , quam ad meridiem .

4. *Ut recitetur ordine præscripto* : v. g. matutinum ante laudes , &c. Qui tamen inverteret hunc ordinem , peccaret tantum venialiter , quia præceptum observaret quoad substantiam , omnes horas recitando intra diem naturalem : imo non peccaret , si inversio illa fieret ex oblivione , vel ex justa causa , quia cum hic ordo non pertineat ad substantiam officii , Ecclesia censetur permittere eum mutari , cum adest rationabilis causa .

5. *Ut recitetur absque interruptione , nisi adis justa causa* : illa tamen interruptio est solum venialis , quia hic defectus non est in substantia , sed solum in modo accidentario .

Quæres 7. *Quid requiratur , ut hora devote recitetur ?*

Resp. Requiritur 1. *Intentio* recitandi horas , & Deum orandi , sufficit tamen interpretativa , qualem habet , qui , ut suæ obligationi satisfaciat , assumit Breviarium , vel debito tempore ad chorum convenit , recitandi officii gratia .

Requiritur 2. *Attentio interna* , sive ad verba , quatenus continent laudes Dei , sive ad sensum verborum , sive ad Deum , non quidem *actualis* , quæ sæpius non est in nostra potestate , sed *virtualis* , cum qua subsistit oratio & actus humanus . Porro attentio virtualis , est ipsa actualis initio orationis concepta , quæ virtualiter permanet quamdiu non est revocata , vel expresse , per actum quo vult non intendere : vel tacite , per voluntariam distractionem . Unde Clerus Gallicanus hanc propositionem , *Præcepto satisfaciis , qui voluntarie labiis tantum , non autem mente orat* : damnavit , ut *absonam , & verbo Dei contrariam* .

Quæres 8. *Quot sunt cause excusantes a recitatione horarum , & restitutione ?*

Resp. Sunt quatuor : 1. Est legitima Papæ dispensatio . . . 2. Est gravis infirmitas , qualem habere censetur qui sine notabili documento legere officium non potest . . . 3. Est gravis occupatio honesta & necessaria , quæ absque gravi sui , vel proximi detrimento tum spirituali , tum corporali , differri non potest , sitque majus bonum quam officii recitatio . . . 4. Est tum physica , tum moralis impotentia : qui tamen totum officium recitare non potest , tenetur ad partem quam potest . Unde Innocent. XI. hanc proposuit , damnavit : *Qui non potest matutinum & laudes recitare , potest autem reliquas horas , ad nihil tenetur* .



## INQUÆSTIO II.

## De Beneficiis.

Quæres 1. *Quid sit beneficium?*

*Resp.* Est, *jus perpetuum, competens Clerico, percipiendi fructus ex bonis ecclesiasticis, propter officium spirituale, auctoritate Ecclesie constitutum.* Hoc est, auctoritate Papæ, vel Episcopi. Hinc Capellanix non collative, sed a privatis, licet in perpetuum, dotata pro Missarum celebratione, non sunt beneficia, nec debent conferri per canonice institutionem.

Quæres 2. *Utrum necessario requiratur titulus ad acquirendum beneficium?*

*Resp.* Ita necessario requiritur, ut qui mala fide absque titulo invadit beneficium, non solum illud amittat, sed insuper fiat inhabilis ad aliud postea obtinendum, ita definitur A exand III. cap. *ad aures*, de excess. Prælatorum. Quod si bona fide cum titulo colorato beneficium obtinuerit, sit legitimus illius possessor post triennalem possessionem pacificam, modo beneficium fuerit obtentum absque sponsaculo ingressu, nec ad illud fuerit inhabilis qui illud possidet. Ita habet regula Cancellariæ; Rom. de triennali possessione.

Agemus hic 1. de variis titulis, quibus beneficia acquiruntur. 2. De his quibus conferri debent & de honorum ecclesiasticorum usu. 3. De beneficiorum pluralitate & beneficiariorum residentia 4. De simonia.

## ARTICULUS I.

De variis titulis quibus beneficia acquiruntur.

*Nota:* Ibi tituli sunt septem, scilicet 1. Collatio libera. 2. Præsentatio. 3. Electio. 4. Postulatio. 5. Resignatio. 6. Permutatio. 7. Subrogatio: de quibus sit.

Quæres 1. *Quid sit collatio libera?*

*Ref.* Est, attributio beneficii facta a Prælate, jure pleno atque independenti.

*Dixi:* a Prælate; id est, 1. a Papa in tota Ecclesia, qui quatuor modis confert beneficia, nempe 1. *jure præventionis*, per gratiam expectativam. 2. *jure reservationis*, sic in Gallia reservantur in favorem graduatorum beneficia non patronata, vacantia mensibus Januario, Aprili, Julio, & Octobri. 3. *jure concursus cum quolibet alio collatore ecclesiastico*, modo ceterat beneficium ante ordinarium. 4. *jure devolutionis*.

2. Ab Episcopo in sua Diœcesi, nisi ex fundatione beneficii, aut legitima præscriptione, alteri ecclesiastico competat.

Quæ-



Quæres 2. Quid sit presentatio?

Resp. Est, exhibitio personæ idoneæ, a Patrono facta Prelato, ut ei beneficium vacans conferat per institutionem. Hinc presentatio, dat jus ad rem; institutio, jus in re.

Patronos, alius est Ecclesiasticus, alius Laicus: inter utrumque hoc est discrimen, 1. Quod Patrono Laico concedantur tantum quatuor menses a die vocationis ad presentandum; sex vero Patrono Ecclesiastico, 2. Quod Patronus Laicus variare possit, non vero Ecclesiasticus, qui si indigne nominavit, jure suo pro hac vice excidit. 3. Quod beneficium Patronatus Laici, nec sit obnoxium præventioni Papæ, juri indultariorum, aut graduatorum, aut gratiarum expectativarum; nec possit resignari, permutari, aut pensione gravari absque consensu Patroni, bene vero beneficium Patronatus Ecclesiastici.

Quæres 3. Quid sit electio?

Resp. Est, persona eligibilis pro alij assumptio ad beneficium vacans. Per eam acquiritur jus ad beneficium; nam jus in beneficio obtinetur sola confirmatione; quæ definitur: concessio juris in beneficio facta a superiore ei qui electus est.

Ut sit valida electio, requiritur a jure, 1. Ut omnes qui jus electionis habent, rite vocentur. 2. Ut intra trimestre a die vacationis fiat electio, nisi adsit legitimum impedimentum. 3. Ut electores sint saltem Subdiaconi, si agatur de electione virorum. 4. Ut electorum pars major consentiat.

Quæres 4. Quid sit postulatio?

Resp. Est, obsecratio ab electoribus facta superiori, ut ad beneficium vacans admittere velit aliquem; qui alias eligi non poterat ob impedimentum canonicum. Nullum dat jus ante admissionem & confirmationem.

Quæres 5. Quid sit resignatio?

Resp. Est, spontanea sui beneficii dimissio coram legitimo Superiore eam acceptante. Sine hac acceptione resignans non perdit jus suum. Duplex est, nempe, simplex, quæ fit sine ulla conditione & pacto; & conditionata, quæ fit, vel cum pensionis reservatione, vel ea conditione ut alius personæ designatæ conferatur beneficium: hæc a solo Papa potest admitti; cum in ea versetur simonia, quam solus Papa purgare potest.

Ut resignatio in favorem sit valida, requiritur 1. Ut resignans in infirmitate supervivat 20. dies post resignationem. 2. Ut intra sex menses a die supplicationis, resignatio publicetur in loco beneficii, si fiat in curia Romana: intra mensem vero, si fiat extra Curiam. Ita ferunt Regulæ Cancellariæ, de infirmis, & Reg. de publicandis, in Gallia vigentes.

Quæres 6. Quid sit permutatio?

Resp.



*Resp.* Est, *beneficii ad aliud beneficium facta mutua prelatio*, ab Ordinario admitta, vel ab utriusque Diocesis Episcopis, si beneficia compermutanda sita sint in diversis Diocesis.

*Quæres 7. Quid sit regressus, & an sit licitus?*

*Resp. ad 1.* Est, jus resumendi beneficium resignatum aut permutatum, etiam post admissam a Prælo resigna- tionem aut permutationem.

*Resp. ad 2.* Licet jus regressus sacris Canonibus, a Concilio Trid. confirmatis, sit contrarium, tamen in Gallia vim & robur habet in variis casibus, quos exposui- mus in nostra Theologia, Tomo II.

*Quæres 8. Quid sit subrogatio?*

*Resp.* Est, *unius vocatio in jus & locum alterius*. So- lummodo locum habet inter duos de beneficio litigantes, quorum si unus, lite pendente, e vivis excedat, super- stes in jus & locum ipsius sufficitur.

*Quæres 9. Quid sit pensio clericalis?*

*Resp.* Est, *jus percipiendi fructus ex alterius beneficio*. Creari potest, 1. Ut tollatur beneficiorum magna inæ- qualitas in permutatione facienda. 2. Ut lis inter duos de beneficio colligantes componatur. 3. Ut indigenti Sacerdoti, qui beneficio inservivit, subveniatur. . . . Requiritur tamen. 1. Ut titulario supersint necessaria ad victum & vestitum. 2. Ut pensio non excedat tertiam partem fructuum. 3. Ut pensionarius per 15. annos bene- ficio inservierit, juxta edictum Ludovici XIV. datum anno 1671.

## ARTICULUS II.

*De iis quibus conferri debent beneficia, ac de bonorum Ecclesiasticorum usu & dominio.*

*Quæres I. Quidnam sunt incapaces beneficii possidendi?*

*Resp.* Sunt incapaces, 1. Qui non re- ceperunt primam Tonsuram. 2. Qui non habent ordi- nem sacrum quem beneficium ex sua institutione requi- rit, sufficit tamen ut intra annum suscipiatur ille ordo. 3. Qui non habent ætatem idoneam, quæ varia est pro varietate beneficiorum. 4. Qui sunt aliqua censura vel irregularitate irretiti.

*Quæres 2. Utrum digniores sint promovendi ad benefi- cia, prætermis- sis minus dignis?*

*Resp. Affirm.* Nam Conc. Trid. Sess. 24. cap. 1. de res. hortatur Patronos, Electores, Collatores, ut in pri- mis meminerint eos alienis peccatis communicantes morta- liter peccare, nisi quos digniores, & Ecclesie magis u- tiles, ipsi judicaverint, præfici diligenter curaverint: Ita etiam docet D. Thom. q. 2. 263. a. 2. ad 3. *Quan- tum ad conscientiam eligentis, inquit, necesse est eligere*



*meliozem, vel simpliciter, vel in comparatione ad bonum commune.* Ratio est, quia qui minus dignos eligunt, fidem, quam Ecclesie & fundatoribus debent, violant, & accipiunt personas in re gravi, quod est peccatum mortale. . . . Tamen, cum id postulat charitas vel majus Ecclesie bonum, possunt beneficia simplicia conferri dignis, relictis dignioribus.

*Quæres 3. Utrum beneficiarii sint domini reddituum suorum beneficiorum?*

*Resp.* Sunt administratores tantum, & non domini; unde si in usus superfluos & praphamos impendant partem, quæ eorum honestæ sustentationi superest, tenentur eam restituere ex bonis patrimonialibus, aut quasi patrimonialibus, quæ nimirum ipsis obveniunt ut stipendia quædam pro functionibus Ecclesiasticis. Ita docent Canones Patres, ac Theologi, *Can. fraternitatem, de donation. Episcopopus & quilibet Præatus rerum Ecclesiasticarum procurator est, non dominus.* D. Thom. quodi. 6. art. 12. ait; *Beneficium vero Ecclesiasticum Clericis non sunt veri domini, sed dispensatores.* S. Raymundus, lib. 2. tit. 5. de vapt. & præd. §. 6. docet, Clericos, qui conjugatis conferunt bona Ecclesiastica pauperibus debita, esse raptores, & per consequens teneri ad restitutionem omnium. Unde Joannes Major, in 4. distinct. 24. quæst. 9. asserit se nullum scire, qui ante suam ætatem contrarium docuerit.

*Obijciunt:* 1. Concil. Trident. statuit beneficiarios, minus suum non implentes, fructus suos non facere; ergo dum ipsum rite obeunt, fructus suos faciunt, & horum acquirunt dominium.

*Resp. Dist. consq.* Acquirunt dominium restrictum & gravatum onere iustitæ impendendi superflua in pios usus, conc. dominium liberum, *nego consq.*

*Inst.* Ecclesiastici de bonis mere Ecclesiasticis testantur, non contradicente Ecclesia; ergo sunt veri domini illorum bonorum.

*Resp. Nego consq.* Ecclesia enim non permittit hunc abusum, cum illum damnet, *cap. relatum, de resiam.* sed illum tolerat ad vitandas perturbationes, & multas lites, quæ, ob difficultatem discernendi superflua illa ab aliis bonis, necessario oriuntur: unde hæredes tenentur bona illa pauperibus, vel aliis piis causis restituere.

### ARTICULUS III.

*De beneficiorum pluralitate, & beneficiorum residentia.*

*Quæres 1. Q. Utroplius generis sint beneficia?*

*Resp.* Alia sunt *compatibilia*, quæ personæ



sonalem residentiam non exigunt, nec idem officium eodem tempore perfolvendum, & incompatibilia, quæ sunt duplicis generis. *Primi generis*, sunt ea, quorum unum ipso facto, absque ulteriori sententia, excludit alterum, v. gr. duo beneficia curata, aut canonicatus, aut duæ Capellæ sub eodem tecto. *Secundi generis*, sunt ea, quæ, licet non ita pugnent, ut primum vacet ipso facto, obtento secundo, tamen simul retineri non possunt absque dispensatione, v. gr. duo canonicatus in diversis Ecclesiis.

Quæres 2. *Utrum sit licitum plura simul possidere beneficia?*

Resp. Illicitum est, & juri naturali contrarium, nisi adsit iusta causa; nam, juxta Conciliorum decreta, SS. Pontificum & Patrum oracula, per pluralitatem beneficiorum. 1. Ordo ecclesiasticus pervertitur. 2. Minuitur cultus divinus. 3. Justitia distributiva læditur. 4. Fraudatur voluntas fundatorum. 5. Defuncti injuste precibus atque suffragiis sibi debitis privantur, &c. Atqui hæc omnia juri ac æquitati naturali repugnant; ergo.

Dixi: *Nisi adsit iusta causa*: quæ juxta Concil. Trident. unica est, nempe tenuitas beneficii non sufficientis ad honestam sustentationem, cui adjungi potest aliud beneficium simplex, dummodo utrumque personalem residentiam non requirat, hic tamen alias duas addunt Theologi, quarum 1. *necessitas Ecclesie*, nempe si desint alii, vel idonei. 2. *Est utilitas Ecclesie*, v. gr. ut Ecclesia adversus hæreticos defendatur.

Hinc, qui, absque iusta causa, plura beneficia obtinuit per dispensationem Pontificiam, tenetur, uno relicto, cætera resignare, quia Pontifex non potest dispensare in iis quæ sunt juris naturalis, nisi interveniat iusta causa quæ turpitudinem tollat.

Quæres 3. *Quid sit residentia?*

Resp. Est, commoratio in loco beneficii, personalisque minorum ecclesiasticorum functio.

Quæres 4. *Quinam tenentur ad residentiam?*

Resp. 1. Jure divino tenentur illi quibus incumbit cura animarum, ut definit Concil. Trident. sess. 23. cap. 1. de reform. 2. Canonici, alique Clerici, qui præbendas, vel dignitates in Ecclesiis cathedralibus aut collegiatis possident, Trid. sess. 24. cap. 12. hocque sub pena restitutionis fructuum ipso facto faciendæ pro rata temporis absentiae.

Quæres 5. *Quor sint iustæ causæ a residentia excusantes?*

Resp. Quatuor assignat Concil. Trid. modo ita provideant oribus, ut, ex ipsorum absentia, nullum damnum accipias. 1. Est, christiana charitas. 2. Est, urgens necessitas. 3. Est, debita obediencia. 4. Tandem, evidens Ecclesia vel republica utilitas. Extra has causas compend. ex Charmis.

M

Con



266 *Compendium*  
Concil. Trident. concedit Episcopis ex justa causa tres  
menses absentiae; Canonici duos vel tres; sed Parochis  
nullum tempus concedit.

## ARTICULUS IV.

### De Simonia.

Quæres 1. *Quid sit simonia?*

*Resp.* Est, studiosa voluntas emendi, vel vendendi aliquid spirituale, vel spirituali annexum. Porro aliquid potest esse annexum spirituali tripliciter. 1. *Antecedenter*, ut vasa sacra, altaria, &c. quæ referuntur ad sacrificium Missæ. 2. *Concomitanter*, ut labor intrinsecus in celebratione Missæ, &c. 3. *Consequenter*, ut jus percipiendi proventus beneficiorum, quod supponit officium spirituale.

Quæres 2. *Quotuplex est pretium simonia?*

*Resp.* Triplex, scilicet, *munus a manu*, id est, pecunia, aut quid pecunia æstimabile. *Munus a lingua*, id est, patrosinium, commendatio apud alium, &c. *Munus ob obsequio*, id est, obsequium alteri præstitum, aut præstandum ad rem spiritualem ab ipso comparandam.

Quæres 3. *Quale sit peccatum simonia?*

*Resp.* Est gravissimum peccatum, tum contra religionem, quia est quædam species sacrilegii; tum contra justitiam, quia simoniacus usurpat dominium rerum quod non habet, unde omnes actus simoniaci sunt irriti, & obligant ad restitutionem.

Quæres 4. *Quotupliciter generis est simonia?*

*Resp.* Dupliciter, scilicet, alia est juris divini, & est rei temporalis commutatio pro re spirituali qua tali. Alia est, juris humani, & est, pactio qualibet, aut conventio, quæ ab Ecclesia sub penis simonia inhibetur, quatenus labem redelet simoniacam.

Quæres 5. *Quomodo dividitur simonia?*

*Resp.* Dividitur in realem, mentalem, conventionalem, & confidentialem.

*Simonia realis*, est, pactio simoniaca expressa, vel implicita, ex utraque parte completa, saltem inchoate. Ut si pars pretii soluta fuerit, & res spiritualis tradita.

*Simonia mentalis*, est, datio rei spiritualis pro temporali, vel temporalis pro spirituali, nullo interveniente pacto, etiam tacito.

*Simonia conventionalis*, est, pactio exterius ex una, vel utraque parte facta, dandi vel accipiendi rem temporalem pro spirituali. Quod si pactum ex neutra parte executioni sit mandatum, vocatur, *pure conventionalis*. Si vero ex una parte sit executioni mandatum, vocatur, *conventionalis mixta*, ex conventionali nempe & reali.

Simo-



Simonia confidentie, committi potest quatuor modis :

1. Per accessum, v. gr. cum prælatus, volens alicui per ætatem incapaci procurare beneficium, illud confert alteri, eo pacto, ut quam primum incapax factus fuerit capax, illud accipiat.

2. Per ingressum, v. gr. cum quis beneficium sibi collatum, alteri, ante captam ejus possessionem, resignat, eo pacto ut illud postea ingrediatur, si iste moriatur, vel beneficium dimittat.

3. Per regressum, ut cum quis beneficium a se pos-  
fessum, alteri resignat, eo pacto, ut iste sibi, vel alteri, idem beneficium resignatus sit convenienti tempo-  
re.

4. Per stipulationem pensionis, sibi vel alteri dandæ ex fructibus beneficii.

Quæres 6. Quenam simonia species panis canonici sint obnoxia?

Resp. Sunt duæ duntaxat, realis scilicet, & confidentialis.

Quæres 7. Quenam sunt pena simonia realis?

Resp. Sunt tres: 1. Excommunicatio Papæ reservata, quam ipso facto incurrunt, qui rem spirituales simoniæ obtinuerunt, contulerunt, aut quovis modo procuraverunt. 2. Est privatio rei spiritualis simoniæ acquisitæ, & fructuum ex ea perceptorum. 3. Est inhabilitas ad idem beneficium, si simonia sit commissæ in beneficio.

Quæres 8. Quenam sunt pena simonia confidentialis?

Resp. Ex Bulla Pii V. *desestabilis*, sunt 1. Excommunicatio Papæ reservata contra utrumque contrahentem. 2. Privatio beneficii per confidentiam obtentam. 3. Inhabilitas ad idem beneficium, & ad alia acquirenda. 4. Privatio beneficiorum antea legitime possessorum, & pensionum prius obtentorum, non tamen ante sententiam judicis declaratoriam, cum justo titulo possideantur. 5. Beneficia per confidentiam collata Papæ reservantur. 6. Fructus illorum beneficiorum cameræ Apostolicæ addiuntur, sed hæc additio locum non habet in Gallia.

## C A P U T II.

### De obligationibus religiosorum.

Quæres 1. Quid sit status religiosus?

Resp. Est, stabile vite institutum, ab Ecclesia approbatum, & tendens ad perfectionem per tria vota, paupertatis, obedientiæ, & castitatis.

Quæres 2. Quid sit obedientia religiosa?

Resp. Est, virtus moralis virum religiosum inclinans ad executionem præcepti superioris, in omnibus quæ cadunt sub virtute obedientiæ. Qualia sunt 1. Observatio



regulæ secundum vim obligationis ejus in unaquaque religione receptam. 2. Præcepta superiorum in omnibus quæ præcipiunt consentaneæ ad regulam, constitutiones, & regularem observantiam. 3. Mandata Pontificia, nam votum obedientiæ per se primo & principaliter fit summo Pontifici tanquam supremo omnium religionum præposito generalissimo.

Quæres 3. *Quoruplex est inobediencia & quale peccatum?*

*Resp.* Duplex, nempe, *formalis*, estque *violatio præcepti cum expressa intentione violandi præceptum contemnendi*. Hæc est semper mortalis, etiamsi præceptum sit de re levi, juxta illud Christi: *Qui vos spernit, me spernit*, Luc. 10. sed contemnere Deum in re levi, est grave peccatum; ergo &c. . . Et *materialis*, quæ est, *violatio præcepti, sine expressa intentione violandi illud*. Hæc reperitur, estque mortalis in re gravi, & venialis in re levi.

Quæres 4. *Quid sit castitas religiosa?*

*Resp.* Est, votum solemne, quo religiosus promittit *abstinentiam perpetuam a voluptatibus carnalibus illicitis, & alias licitis*. Hinc peccatum contra castitatem in religioso, est etiam sacrilegium, ac proinde duplicem habet malitiam.

Quæres 5. *Quid sit paupertas religiosa?*

*Resp.* Est, votum solemne, quo religiosus promittit *abdicationem omnis domini, proprietatis, ususque independens a voluntate superioris*. Unde jure merito tanquam veri proprietarii damnantur a Conc. Trid. non solum ii qui absque superioris licentia de rebus mobilibus disponunt, sed etiam ii qui de iisdem utuntur.

Quæres 6. *Quanam licentia superioris requiratur, ut religiosus possit uti rebus temporalibus?*

*Nota:* Quadruplex est licentia, nimirum *expressa*, quæ verbo, vel scripto, vel alio quovis signo conceditur. *Virtualis*, quæ expressæ æquivalet, contineturque in officio alicui commisso. *Tacita*, quæ ex circumstantiis verisimiliter creditur adesse, v. gr. cum prælatus videt subditos aliquid recipere, donare, nec prohibet, cum facile possit, tunc tacite consentire videtur. Et tandem *præsumpta*, quæ, jussa causa occurrente, concluditur, quod superior vellet, si statum rei sciret. His notatis;

*Resp. 1.* Sufficit ut licentia superioris sit *virtualis*, aut *tacita*, quia sufficit ut actus religiosi sint dependentes. Requiritur tamen expressa, 1. Cum agitur de re gravi, nec urget necessitas. 2. Dum facilis ad superiores patet recursus.

*Resp. 2.* Licentia præsumpta non sufficit, nisi cum causa urget, & superior non potest tunc adiri: quia admissa universaliter hac præsumptione, inferiores fere semper



per pro libitu de rebus tanquam suis disponent cum gravi damno religiosæ disciplinæ, quod ex officio tenetur impedire superior.

Quæres 7. *Quenam summa requiratur ad peccatum mortale proprietatis?*

Resp. Generaliter requiritur eadem summa quæ requiritur ad furtum mortale, cum appropriatio facta a religioso sit verum furtum.

Quæres 8. *Quenam sunt pœnæ proprietarioum?*

Resp. Sunt tres. 1. Reclusio ad agendam poenitentiam. 2. Privatio vocis activæ & passivæ ad biennium. 3. Privatio ecclesiasticæ sepulturæ. Quæ pœnæ non sunt latae, sed ferendæ sententiæ.

### C A P U T III.

#### De obligationibus personarum judicialium.

Quæres 1. *Quot sint præcipuæ obligationes Judicis?*

Resp. Sunt quinque: 1. Ut habeat jurisdictionem in personas judicandas, & in causam: alioquin ejus sententia est irrita. 2. Ut habeat scientiam sufficientem ad munus suum recte obeundum, juxta illud Psalm. 2. *Erudimini qui judicatis terram.* 3. Ut habeat constantiam & virtutem ad munus Judicis exercendum, juxta illud Eccli. 7. *Noli quævere fieri Judex, nisi valeas virtute irumpere in iniquitates, ne forte extimescas faciem potentis, & ponas scandalum in iniquitate tua.* 4. Ut justitiam & integritatem in omnibus servet; porro ut illa integritas servetur, utrumque jus prohibet ne Judices munera accipiant. 5. Ut judicet secundum leges, tum quoad modum procedendi, ordinem & formam judicii, tum quoad sententiam ferendam & exequendam, ad hoc enim a Republica vel Principe Judex est constitutus.

Quæres 2. *Utrum Judex possit eum, quem certo cognoscit innocentem, capite damnare, si per testes legitime probetur reus?*

Resp. *Negative*: Quia intrinsece malum est aliquem occidere sine auctoritate; atqui Judex nullam habet auctoritatem in vitam innocentis; hanc enim non potuit ei communicare Respublica, cum nec ipsa talem habeat, sed solus Deus; ergo, &c.

*Obicies*: D. Ambros. *serm. 20. in Psalm. 118.* ait: *Bonus Judex nihil ex arbitrio suo facit, sed, juxta leges & jura pronuntiat;* ergo, &c.

Resp. *Dist. ant.* Juxta leges & jura pronuntiat, cum de facto pronuntiat, *conc.* cum non pronuntiat, *nego*. Porro in præsentî casu non debet pronuntiare, sed tenetur omnes inire vias quibus possit innocentem liberare:



re; quod si non possit eum liberare debet causam ad superiorem Iudicem remittere, & apud eum assumere officium testis, ut possit innocentis liberationem urgere.

Quæres 3. *Quenam sunt dotes accusatoris?*

Resp. Sunt duo, nempe *veritas*, qua deterreatur ab accusatione & probationibus falsis aut dubiis. Et *iustitia*, qua deterreatur ab iniustis molitionibus, v. gr. testes falsos adhibendo, iudices corrumpendo, &c.

Quæres 4. *Quot sunt obligationes testium?*

Resp. Duæ. 1. *Testificare*, dum legitime interrogatur: excipiuntur 1. qui delictum norunt ex confessione sacramentali, vel sub secrete naturali consilii vel auxilii petendi gratia, ut *advocatus*, *medicus*, *obsterin*, &c. 2. Excipiuntur consanguinei & affines delinquentis usque ad 4. gradum.

2. *Perum absque fuce testari*: alias esset perjurus, & teneretur omnia resarcire damna ex sua testificatione sectuta.

Quæres 5. *Utrum reus a Iudice interrogatus teneatur crimen suum fateri?*

Resp. Tenetur sub mortali si iudice interrogetur: quia Iudex habet jus interrogandi & exigendi veritatem ob bonum publicum; ergo est in re obligatio veritatis ipsi clare aperiendæ: jus enim præcipiendi & obligatio obediendi sunt duo correlativa, quorum unum non potest esse sine alio.

Quæres 6. *Utrum reus de complicibus interrogatus, teneatur ipsos designare?*

Resp. Tenetur 1. dum de illis præesserunt infamia, vel indicia sufficientis, vel semi-probatio. 2. Dum ejus crimen necessario complicem requirit. 3. Dum crimen, quod est Reip. valde noxium, vel etiam alicui innocenti, aliter impediri non potest.

Quæres 7. *Utrum licitum sit reo fugere ad vitandam mortem, vel mutilationem?*

Resp. *Affirm.* Quia non coajcitur in carcerem, ut ibi sponte maneat, sed ut ibi detineatur.

Quæres 8. *Ad quid teneatur advocatus, referens, procurator, notarius, & apparitor?*

Resp. Hi omnes tementur ex iustitia, 1. habere competentem scientiam, qua unusquisque suum munus valeat debite exercere. Unde si defectu competentis peritiæ sint causa damni, tenentur illud resarcire. 2. Tenentur in omnibus iustitiam sectari, sub restitutionis obligatione.



# TRACTATUS XII.

## De Virtutibus in Genere.

Quæres 1. **Q**uid sit virtus?

**Resp.** Definitur a D. August. *Bona qualitas mentis, qua recte vivitur, & nemo male vivitur.* Nempe si quis ad prævum finem utatur virtute, deficiet ipsa esse virtus, eritque vitium, ut patet in eo qui ex vana gloria dat eleemosynam.

Quæres 2. *Quomodo dividitur virtus?*

**Resp.** Dividitur in intellectuales, morales, & theologicas.

*Virtutes intellectuales*, sunt eæ quæ perficiunt intellectum in ordine ad cognitionem veri; sunt quinque, scilicet, *intelligentia, sapientia, scientia, prudentia & ars.* *Morales*, sunt eæ quæ perficiunt voluntatem in ordine ad bonum honestum, cuiuscumque sit generis. Quatuor sunt præcipuæ, ideo dicuntur *Cardinales*; nimirum, *prudentia, fortitudo, temperantia, & iustitia.*

*Theologice*; sunt eæ, quæ circa Deum immediate versantur. Sunt tres, nempe, *fides, spes, & caritas.*

Quæres 3. *Quotuplex sit medium virtutis?*

**Resp.** Duplex, scilicet, *medium rei*, quod ita est ex natura rei determinatum & fixum, ut sit semper unum & indivisibile, nec varietur pro loco, tempore, & persona. *Medium rationis*, est illud quod est divisibile, variaturque pro loco, tempore, & persona, juxta prudentis estimationem, quare *ratione definitur.*

Quæres 4. *Utrum sint aliquæ virtutes quæ non consistant in medio?*

**Resp.** Virtutes theologice & intellectuales non consistunt in medio per se & ex parte objecti, quia contra eas non potest peccari per excessum; sed per accidens & ratione subiecti requirunt aliquod medium, quatenus exerceri debent cum moderamine, juxta cuiuslibet naturam, genium, & conditionem.

Quæres 5. *Quenam virtutes consistunt in medio?*

**Resp.** Virtutes morales, cum hoc discrimine, quod iustitia consistat in medio rei, ceteræ in medio rationis: ratio est, quia contra eas peccari potest per excessum, & per defectum.

Quæres 6. *Quotuplici modo spectari potest virtus moralis?*

**Resp.** Spectari potest, 1. *in statu perfecto*, & ea est quæ tam perfecte possidetur, ut omnibus contrariis facile possit resistere. 2. *In statu imperfecto*, & est ea quæ non est ita obfirmata, ut habeat plenam rationem habitus difficile mobilis, sed simpliciter tantum dispositio-



nis, quæ inclinât quidem subiectum ad bene operandum, sed non adeo fortiter, ut omnem difficultatem vincere possit.

Quæres 7. *Utrum virtutes morales necessario sint inter se connexæ?*

*Resp. 1.* Non sunt, si spectentur in statu imperfecto; nam experientia constat multos esse promptos ad opera misericordiæ, qui non sunt prompti ad opera castitatis.

*Resp. 2.* Sunt, si considerentur in statu perfecto, quia virtus in statu perfecto efficit, ut quis lubenter & sine mora operetur in propria illius virtutis materia; at nemo, qui vel una virtute destitutus fuerit, sic se gerit, ut patet in muliere casta, sed avara, aut meticulosa; si enim ingens illi offeratur pecuniæ quantitas, aut minæ mortis ei intententur, haud difficile patietur castitatis detrimentum.





## TRACTATUS XIII.

## De Virtutibus Theologicis.

*Nota:* C Um sint tres virtutes Theologicæ, tres similiter hujus Tractatus erunt Dissertationes.

## DISSERTATIO I.

## De Fide.

Quæres 1. Quid sit fides?

*Resp.* Definitor ab Apost. Hebr. 11. *Sperandarum substantia rerum, argumentum non apparentium.*

Dicitur 1. *Substantia*, id est, basis & fundamentum spei nostræ.

Dicitur 2. *Rerum sperandarum*; quia Deus, quem speramus, est præcipuum fidei objectum, ad quod cætera revelata reducantur.

Dicitur 3. *Argumentum*; id est, convictio. Verum illa definitio non est essentialis, sed descriptiva tantum; unde alia magis evoluta traditur a Theologis; nempe,

Fides est, *virtus Theologica, divinitus infusa, quam firmiter assentimur iis quæ a Deo revelata sunt, propter auctoritatem revelantis.*

Quæres 2. Quomodo dividitur fides?

*Resp.* Dividitur in actualem & habituales; in explicitam & implicitam; in vivam & mortuam; in formatam & informem.

*Fides actualis*, est actus, quo intellectus, ex imperio voluntatis per gratiam excitatus, firmiter assentitur rebus a Deo revelatis, propter auctoritatem Dei revelantis. *Habitualis* vero, est habitus nobis a Deo infusus, actuum fidei elicitorum cum auxilio gratiæ actualis.

*Fides explicita*, est ea, quæ alicui speciali & determinato fidei articulo assentimur: puta Trinitate personarum. *Implicita* vero, est ea, quæ generaliter omnibus a Deo revelatis, & ab Ecclesia propositis, assentimur, nulla determinatione facta ad aliquem particularem articulum.

*Fides viva*, est ea, quam observatio mandatorum comitatur, seu, quæ per charitatem operatur, ut ait Apost. Galat. 5. *Mortua* vero, est ea, quam mandatorum observatio non comitatur, Jacobi 2. *Fides sine operibus mortua est.*

*Fides formata*, est ea, quæ in homine adjunctam ha-



bet charitatem, quæ, tanquam extrinseca sui forma, perficitur. *Informis* vero, est ea, quæ charitate destituta manet.

De fidei objecto, proprietatibus, actibus, & vitiis ipsi oppositis nobis est agendum.

### §. I. De objecto fidei.

Quæres 1. Quodnam sit objectum materiale fidei?

Resp. Objectum materiale adequatum, sunt res omnes quæ a Deo revelatæ sunt, ita tamen ut Deus sit objectum *primarium*, cætera vero revelata sint objectum *secundarium*.

Quæres 2. Quomodo dividitur objectum materiale fidei?

Resp. Dividitur in articulos, & puncta fidei. *Articulus* fidei definitur, *propositio Catholica habens rationem principii in fide, specialemque ab aliis articulis ad credendum difficultatem, ab omnibus explicite credenda*. Econtra, *punctum fidei*, est veritas *secundaria*, cuius fides implicita sufficit ad salutem.

Quæres 3. Utrum articuli fidei successu temporis creverint?

Resp. Non creverunt secundum substantiam, quia Ecclesiæ non fit nova revelatio, omnia enim credenda, Apostolis revelata sunt, juxta illud Christi, Joan. 15. *Omnia quæcumque audivi a Patre meo, nunc feci vobis*. Et cap. 16. *Cum venerit ille Spiritus veritatis, docebit vos omnem veritatem*.

Dixi, *Secundum substantiam*; quia certum est quod creverit quoad maiorem explicationem: Ecclesiæ enim, occasione insurgentium hæresum, varias propositiones definivit, expliciteque credendas fidelibus exhibuit, quæ in Scriptura aut traditione implicite tantum & quoad substantiam continebantur.

Quæres 4. *Utrum* continentur præcipui articuli fidei?

Resp. In Symbolo, quod definitur: *Summa quorundam præcipuorum fidei articulorum, omnibus fidelibus ad expresse credendum proposita, distinguens illos ab infidelibus*.

Quæres 5. Quotuplex est fidei Symbolum?

Resp. Triplex, scilicet, *Apostolicum*, quod ab Apostolis constitutum a cunctis fidelibus in oratione quotidiana recitatur. *Nicenum*, quod in Conc. Nicæno I. contra impietatem Arii, divinitatem Filii negantis, conditum est, & in Conc. Constantinop. I. auctum, contra impietatem Macedonii, negantis divinitatem Spiritus sancti: unde quandoque vocatur, *Nicæno-Constantinopolitanum*. Tandem Symbolum *Athanasianum*, quod insipit: *Quicumque vult salvus esse, quod est receptum ab Ecclesiâ, quæ sua auctoritate sancivit illud esse legendum in Officio divino*.

Quæ-



Quæres 6. Quodnam est objectum formale fidei?

Resp. Est prima veritas in dicendo, seu est revelatio Dei summe veracis; quia est motivum immediatum, propter quod assentimur veritatibus a Deo revelatis: non enim assentimur Deo loquenti, nisi quia verax est, nec eos fallere potest: ex quo

Sequitur 1. Quod omnia objecta fidei supernaturalis, cuiuscumque conditionis illa sint, æque pertineant ad fidem, quia æque participant rationem formalem, seu motivum fidei nostræ supernaturalis, nempe divinam veritatem revelantem, quæ una est & eadem, sicut unus est Deus, & ipsa eodem modo applicatur singulis veritatibus fidei. .... Ergo errant hæretici, doceado esse aliquos articulos fidei non fundamentales, quibus, non obstante Ecclesiæ definitione cognita, liberum est dissentire absque salutis dispendio, & disruptione unitatis catholicæ fidei.

Sequitur 2. Eum totam fidem amittere, qui unicum, vel minimum fidei articulum rejicit; quia fides est indivisibilis, cum, licet plures veritates credat, illas tamen eredit sub uno atque indivisibili motivo, scilicet Dei veritate in revelando. Unde D. Thom. 9. 5. art. 3. ait: Manifestum est, quod talis hæreticus circa unum articulum, fidem non habet de aliis articulis.

§. II. De proprietatibus fidei.

Nota: Quatuor recenseri possunt proprietates fidei, nempe supernaturalitas, certitudo, obscuritas, & credibilitas.

Quæres 1. Utrum actus fidei sit supernaturalis?

Resp. Affirm. Nam 1. ejus motivum, (nempe divina revelatio) est supernaturale. 2. Ejus principium productivum est supernaturale, est enim auxilium gratiæ, Joan. 6. Hoc est opus Dei, ut credatis in eum. Ergo, &c.

Obijcies: Assensus fidei est actus potentiarum naturalium; ergo est naturalis.

Resp. Dist. ans. Est actus potentiarum naturaliter cum auxilio gratiæ & ex motivo supernaturali operantium, conc. naturaliter operantium, nego. Porro, ut actus sit supernaturalis, sufficit ut unum ex ejus principiiis omnino sit supernaturale, licet aliud sit naturale.

Quæres 2. Utrum assensus fidei sit certior quolibet assensu scientifico?

Resp. Est simpliciter & absolute. Nam certitudo formalis desumitur a suo motivo, cui est proportionata; atqui divina revelatio, quæ est motivum assensus fidei, certitudine longe superat lumen naturale rationis, quod est motivum cuiuscumque assensus scientifici; ergo, &c. Hinc Div. Thom. 2. 2. q. 4. art. 8. ad 2. ait: Multo magis homo certior est de eo quod audit a Deo, qui falli non potest, quam de eo quod videt propria ratione, quo falli potest.



Quæres 3. *Utrum fides debeat esse obscura?*

Resp. Debet esse obscura ex parte rei revelatæ; hoc est, non debet clare & evidenter ostendere rem revelatam prout est in se a parte rei. Nam ex Apost. *Fides est argumentum non apparentium*, id est, res quæ creduntur per fidei, non videntur, saltem per motivum quo cognoscuntur, scilicet per revelationem.

Quæres 4. *Utrum quod evidenter scitur aut videtur, possit esse objectum fidei divinæ?*

Resp. Affirm. Nam ex Hebr. 11. *Accedentem ad Deum oportet credere quia est*. Et in Symbolo credimus unum Deum Patrem omnipotentem; atque existentia, unitas, & omnipotentia Dei demonstrantur a Theologis & Philosophis; ergo.

Obijciat. Fides est argumentum non apparentium; ergo.

Resp. Dist. Est argumentum non apparentium, per motivum cognoscendi quod est revelatio divina, *consequenter* per discursum, *subdistinguitur* ut plurimum. *consequenter* semper, *negatio*. Alias sibi contradiceret Apost. cum doceat debere credi Dei existentiam, quam, Rom. 1. docet abstractivè cognosci per ea quæ facta sunt.

Quæres 5. *Utrum mysteria fidei sunt evidenter credibilia?*

Resp. Affirm. Nam probantur argumentis, seu motivis evidentibus & irrefragabilibus; ergo, &c. Quare Clerus Gallie. ann. 1700. sequentem damnavit prop. *Evidens non est, evidentia morali propriè dicta & physica, religionem catholicam esse veram*.

Quæres 6. *Quot sint motiva credibilitatis?*

Resp. Octo numerantur, 1. Sanctitas Christi auctoris fidei nostræ. 2. Sanctitas doctrinæ quam tradit religio Christiana. 3. Stupendus modus quo doctrina christiana propagata est. 4. Admiranda celeritas fere orbis ad Christum conversio. 5. Invidiæ & nunquam interrupta religionis perseverantia inter tot persecutiones, quibus fuit agitata. 6. Sanguis fusus Martyrum. 7. Vaticinia, non solum Prophetarum, sed & Sybillarum. 8. Tandem innumera miracula quæ a viris sanctissimis in veræ fidei confirmationem edita fuerunt.

### §. III. De necessitate fidei.

Quæres 1. *Quotuplex sit actus fidei?*

Resp. Duplex, nempe, internus, qui est, *firmus mentis assensus veritatibus a Deo revelatis, & ab Ecclesia propositis*, propter summam Dei veritatem in dicendo. Et actus externus, qui est exterior fidei professio, ore, vel opere, vel quolibet alio signo facta.

Quæres 2. *Utrum actus internus fidei fueris semper necessarius necessitate mediæ ad salutem?*

Resp. Fuit omnibus adultis: nam ex Hebr. 11. *Sine fide impossibile est placere Deo*. Et Trid. sess. 6. cap. 7. *Sine fide nulli unquam contigit justificatio*.

Quæ-



Quæres 3. *Quanam sunt necessitate mediæ credenda explicata?*

*Resp.* 1. *Omni tempore fuit necessaria necessitate: mediæ fides explicata Dei existens, & Dei remuneratoris: Accedentem enim ad Deum, inquit Apost. Hebr. 11. Oportet credere quia est, & quod inquirentibus se remunerator sit. Ideo hæc prop. Non nisi fides unius Dei necessaria est, non autem explicata remuneratoris, damnata est ab Innoc. XI & Clero Gallic. an. 1700.*

*Resp.* 2. *Post Evangelii promulgationem insuper necessaria est necessitate mediæ fides explicata. 1. Incarnationis, juxta illud Joan. 17. Hæc est vita æterna, ut cognoscant te solum Deum verum, & quem misisti Jesum Christum. 2. SS. Trinitatis, nam mysterium Incarnationis explicite credi non potest, sine fide explicata Trinitatis: nec proinde absolutionis capaces sunt qui illa mysteria ignorant, ut definitivè Innoc. XI.*

Quæres 4. *Quanam christiani credere & scire tenentur vi præcepti?*

*Resp.* Tenentur credere & scire, 1. ea quæ necessaria sunt necessitate mediæ. 2. Quæ continentur in Symbolo. 3. Sacramenta quæ tenentur & volunt recipere. 4. Præcepta Dei & Ecclesiæ. 5. Orationem Dominicam, quæ præscripta est a Christo, Matth. 6. Sic orabitis: Pater noster, &c.

Quæres 5. *Quosnam & quandonom actus fidei obliget?*

*Resp.* 1. *Obligat per se, 1. Infideles & hæreticos, cum eis sufficienter fides est proposita. 2. Filios infidelium, ubi primum sunt sufficienter instructi. 3. Eos qui sunt in probabili mortis periculo. 4. Eos qui in hæresim lapsi sunt. 5. eos qui gravem, contra fidem, temptationem experiuntur.*

*Resp.* 2. *Obligat per accidens, 1. Dum mos ad justificationem præparamus. 2. Dum ad aliquod Sacramentum, maxime Eucharistiæ, accedimus. 3. Dum occurrit occasio fidem externe profitendi. 4. Dum præcipua anni festa celebrantur, quia ex Aug. Enchiridii 3. Fide, spe, & charitate, Deus est colendus.*

Quæres 6. *An teneamur aliquando exterius fidem profiteri?*

*Resp.* *Affirm.* Nam Rom. 10 dicit Apost. Corde animi creditur ad justitiam, ore autem fit confessio ad salutem.

Quæres 7. *Quandonom obligat præceptum exterius profitendi fidem?*

*Resp.* *Obligat 1. cum id exigit honor Deo debitus; 2. cum utilitas proximi id postulat, ita D. Thom. 2. 2. q. 3. art. 2.*

Quæres 8. *Utrum aliquando liceat fidem exterius negare, siue ex animo, siue ex simulatione?*

*Resp.* 1. *Fidem exterius negare nullo unquam casu licitum est: Qui negaverit me coram hominibus, ait Christus,*



**Rus.** Matth. 10. *Negabo & ego cum coram patre Deo.*

**Resp.** Nunquam licet fidem exterius negare ex simulatione, quia esset mendacium detestabile, utpote Dei maxime inhonorativum; ergo nullo unquam casu, etiam mortis acerbissime, potest esse licitum: unde Christus ait: *Qui me erubuerit coram hominibus, hunc & filius hominis erubescat.*

#### §. IV. De vitiis fidei oppositis.

**Quæres 1.** *Quos sint vitia fidei opposita?*

**Resp.** Sunt duo; *infidelitas*, quæ actui interno fidei, & *blasphemia*, quæ fidei professioni opponuntur.

**Quæres 2.** *Quid sit infidelitas?*

**Resp.** Est, *carentia fidei in subiecto apto.*

**Quæres 3.** *Quosplex est infidelitas?*

**Resp.** Triplex, nempe, 1. *Pure negativæ*, quæ est carentia fidei in eo cui fides nullo modo est annuntiata; hæc, cum non sit voluntaria, nec in se, nec in alio, non est peccatum, ut definiunt SS. Pontifices Pius V. & Greg. XIII. contra Bajum. 2. *Privativa*, quæ est carentia fidei in eo cui fides sufficienter est annuntiata, qui tamen omittit credere: hæc est peccatum mortale ex genere suo, quia omittit credere cum possit & debeat. 3. *Positiva*, quæ est carentia fidei in eo qui veritatem fidei sufficienter propositam negat, vel errorem fidei contrarium asserit.

**Quæres 4.** *Quid sit hæresis?*

**Resp.** Est, error voluntarius & pertinax contra aliquam fidei catholicæ veritatem in eo qui se christianum profitetur.

**Quæres 5.** *Quid sit blasphemia?*

**Resp.** Est *consumeliosa in Deum locutio*, sive immediate in se, sive mediate in creaturis, quatenus in eis aliquid Dei attributum relucet, ut sunt sancti, cælum, &c.

**Quæres 6.** *Qualis sit peccatum blasphemia?*

**Resp.** Est per se peccatum mortale, nec ullam admittit parvitatem materiæ: quia maiestatem Dei positiva deprimit; ergo gravem Deo infert injuriam.



## DISSERTATIO II.

## De spe theologica.

Quæres 1. Quid sit spes?

*Resp.* Est, *virtus theologica, sper quam certa cum fiducia beatitudinem æternam, & media filius consequenda a Deo expectamus: Alia est habitualis, alia actualis; alia formata, alia informis. Vide quæ de similibus fidei divisionibus dicta sunt dissertatione 1. Tom. II.*

Quæres 2. Quodnam est objectum spei?

*Resp.* Duplex, materiale & formale. *Materiale*, est res quæ speratur. *Formale*, est motivum propter quod speratur.

Quæres 3. Quodnam est objectum materiale spei?

*Resp.* Objectum materiale *primarium*, est Deus possidendus: quia Deus possidendus *primario* & per se a spe expectatur, & cætera media salutis non nisi propter Deum possidendum expectantur. *Secundarium* vero sunt omnia media ad Deum possidendum necessaria, quia eodem actu, quo finis efficaciter appetitur, media etiam, saltem implicite, appetuntur.

Quæres 4. Quodnam sit objectum formale quod spei?

*Resp.* Objectum formale quod spei, *spectata prout est amor nostre beatitudinis*, est bonitas Dei relative ad nos, quia illa bonitas est id quo movemur & excitamur ad amandum Deum amore spei: sperans enim amat Deum, quatenus est suum bonum, finisque suus ultimus. *Spectata vero ut est tendentia in beatitudinem*, est omnipotentia Dei auxiliatrix nobis propter merita Christi promissa, quia est id quo movemur & excitamur ad Deum, ut summum nostrum bonum, certa cum fiducia expectandum: ita D. Thom.

Quæres 5. In quibus spes non reperitur?

*Resp.* 1. *Non reperitur in damnatis*, Prov. 8. *mortuo homine impio, nulla eris ultra spes: sunt enim certi de sua æterna damnatione.* 2. *Non est in bonis*, quia gloriam essentialiam possident: *spes autem quæ videtur non est spes*, Rom. 8. 3. *Non est in hæreticis*, quia non habent fidem, quæ est fundamentum spei.

Quæres 6. In quibus spes reperitur?

*Resp.* Reperitur 1. *in animabus Purgatorii*, quia in eis remanet fides, quæ est fundamentum spei. 2. *Remanet in catholicis impiis*; quia quodlibet peccatum non opponitur spei, sed sola desperatio.

Quæres 7. Utrum spes locum habeat in iustis perfecta charitate præditis?

*Resp. Affirm.* Ut contra Quietistas definiit Innoc. XI. & contra Semi-quietistas Innoc. XII. nam 1. per-

fectam



fectissimus quisque tenetur recitare orationem dominicam & Deo dicere: *Adveniat regnum tuum*. 2. In quolibet, etiam perfectissimo, est fiducialis expectatio possidendi Deum; sic Moyses, Hebr. 11. *Aspiciebas in venuminationem*. David de se ipso dicit: *Inclinavi cor meum ad faciendas justificationes tuas in eternum propter retributionem*. Div. Paulus de eterna beatitudine loquens, Rom. 8. ait: *Si autem quod non videmus speramus, per patientiam expectamus*. 3. Omnibus justificatis vita eterna, tanquam merces, proponi debet, ut definiit Concil. Trid. sess. 6. cap. 16. de ref.

*Obijcies*: In actu spei reperitur proprium interesse creaturae; ergo repugnat statui iustorum perfectorum.

*Resp. Dist. ant.* Reperitur proprium interesse creaturae, quod ad Dei gloriam ultimo referatur, conc. quod ad Dei gloriam ultimo non referatur, nego.

*Instab.* Homo per actum spei, Deum ad se refert; ergo actus spei est vitiosus, proindeque repugnat statui perfectorum.

*Resp. Dist. ant.* Deum ad se refert, ut ad obiectum cui possessionem Dei optat, conc. ut ad finem ultimum, nego. Homo enim, dum Deo frui desiderat, refert se ad Deum, ut ad finem suum ultimum, quo obtento nihil amplius desiderat.

Quæres 8. *Utrum spes sit certa?*

*Resp.* Est certa ex parte Dei, Eccli. 1. *Scitote quia nullus speravit in Domino, & confusus est*. Sed est incerta ex parte nostri, quia pendet ex conditione custodiæ mandatorum Dei usque in finem, de qua certi esse non possumus, absque speciali Dei revelatione: unde Apost. Philipp. 2. monet: *Cum metu & tremore vestram salutem operamini*.

Quæres 9. *Utrum actus spei sit necessarius necessitate mediæ ad salutem?*

*Resp. Affirm.* Nam, Rom. 8. dicitur: *Spe salvi facti sumus*. Hinc Conc. Trid. inter actus ad justificationem adultorum simpliciter prærequisitos, actum spei recenset.

Quæres 10. *Utrum actus spei sit necessarius necessitate præcepti divini?*

*Resp. Affirm.* Nam I ad Tim 6. *Divinitus huius seculi præcipe*... neque sperare in incerto divitiarum, sed in Deo vivo. Hinc Alex. VII. & Clerus Gallic. an. 1700. hanc prop. damnarunt: *Homo nullo unquam vitæ suæ tempore tenetur elicere actum fidei, spei & charitatis, ex vi præceptorum divinarum ad eas virtutes pertinentium*.

Quæres 11. *Quenam peccata sint spei opposita?*

*Resp.* Duo, nempe, desperatio, quæ est, voluntaria diffidentia assequendi beatitudinem, & obtinendi mediæ ad illam assequendam necessaria. Et presumptio, quæ est,

tem  
dam  
ex h  
per  
mus  
oper  
loru  
cant

Quæ

Deu  
sicut  
non  
conat  
Deum  
proxi  
cum  
Deum  
Ergo  
Deus  
est be  
quod  
Ago  
fidelis

Quæ  
Specia  
Res  
ad al  
situr  
dictu  
zimi  
fui ip  
ergo  
prop.  
non e  
rum a  
Quæ  
septu  
mostra  
Ref  
referr  
ctæ,  
Conci



temeraria beatitudinis, & mediocrem ad eam assequendam necessarium, expectatio. Potest autem oriri, aut ex hæretica opinione, vel Pelagianorum, docentium quod per solas naturæ vires vitam æternam promereri possimus; vel Lutheranorum, asserentium quod fide sola sine operibus justificemur & salvemur. Aut ex desidia maiorum Christianorum, qui inani spe misericordiæ Dei peccant, vel poenitentiam ad finem vitæ differunt.

## DISSERTATIO III.

## De Charitate.

Quæres I. Quid sit Charitas?

Resp. Est, virtus theologica infusa, qua Deum super omnia diligimus propter se, & proximum sicut nos propter Deum. . . . . Dicitur 1. Super omnia, non quidem insensue, ita ut voluntas summo ardore & conatu in Deum tendat: sed appetitativo, ita ut homo Deum rebus omnibus anteponat. . . . . Dicitur 2. Et proximum, quo nomine intelligitur, quicumque nobiscum capax est gratiæ & gloriæ. . . . . Dicitur 3. Propter Deum, ita ut Deus in proximo ametur.

Ergo objectum materiale charitatis adæquatum, est Deus, nos ipsi, & proximus: objectum vero formale, est bonitas & amabilitas Dei, quia est motivum propter quod charitas tendit in objectum suum materiale.

Agemus 1. De præcepto & ordine charitatis. 2. De officiis ejus. 3. De vitiis charitati oppositis.

## §. I. De præcepto &amp; ordine charitatis.

Quæres 1. Utrum præceptum charitatis erga Deum sit speciale, & ab aliis distinctum?

Resp. Est speciale; nam 1. Deuter. 6. traditur seorsim ab aliis præceptis. 2. Respectu aliorum mandatorum dicitur maximum & primum, Matth. 22. Item, Joan. 14. dicitur: In his duobus præceptis (dilectionis Dei & proximi) universa Lex pendet & prophætæ: sed nihil respectu sui ipsius potest esse primum, nec a seipso pendere; ergo. Hinc Clerus Gallic. an. 1700. damnavit hanc prop. Præceptum affirmativum amoris Dei & proximi non est speciale, sed generale, cui per aliorum præceptorum adimplerionem satisficit.

Quæres 2. Utrum semper & pro semper obliget præceptum charitatis, ita ut teneamur omnia præterita opera nostra ad Deum ex motivo propriæ dilectionis referre?

Resp. Negativè: Alias omnes nostræ actiones, quæ non referrentur ad Deum ex motivo charitatis propriæ dilectionis, essent peccata, quod est falsum, ut constat tum ex Concil. Trid. sess. 6. can. 21. definiente, justificatum

nota



non peccare, dum intuitu aeternae mercedis bene operatur. Et ex Alex. VIII. qui hanc propos. damnavit: Quisquis, etiam aeternae mercedis intuitu, Deo famulatur, charitate si caruerit, visio non caret, quoties intuitu licet beatitudinis operatur. Sic etiam damnata est propos. 14. Quenellii.

*Obijcies;* Tenemur omnes actus nostros ad Deum referre ex praecepto charitatis: ergo & ex motivo charitatis.

*Resp. Nego conseq.* Nam ex praecepto charitatis tenemur per actus fidei & spei nos disponere ad charitatem, nec tamen tenemur hosce actus elicere motivo charitatis: sufficit ergo ut actus nostros referamus ad Deum ex fine honesto & rationabili, faciendo opus, quod ex natura sua referibile sit ad charitatem, ait D. Thom. 2. 2. q. 19. art. 6.

Quæres 3. Quandonam obliget praeceptum charitatis?

*Resp.* Obligat 1. Cum quis, moraliter loquendo, usum rationis attigit, ita docet D. Thom. 2. In probabili mortis periculo: tunc enim tuto quique saluti suae consulere debet. 3. Cum necessarius iudicatur ad vitandum peccatum, aut vincendam gravem tentationem. 4. Sæpius in decursu vitæ: nam, Deut. 6. praeceptum dilectionis Dei nocte, & die, in domo & in itinere, debet esse in corde nostro; ergo crebro est implendum. Hinc Alex. VII. & Clem. XI. damnaverunt propositiones sequentes.

1. Præceptum amoris Dei, per se tantum obligat in articulo mortis. 2. An peccet mortaliter qui actum dilectionis Dei semel tantum in visa eliceret, condemnare non audemus. 3. Probabile est ne singulis quidem rigorose quinquenniis, per se obligare præceptum charitatis in Deum. 4. Tunc solum obligat, quando tenemur justificari, & non habemus viam qua justificari possimus.

Quoties autem per annum obliget, per se, non potest facile determinari: non tamen infundata est opinio Scoti asserentis obligare singulis dominicis diebus ac festis, juxta illud D. August. lib. 12. de Trinit. cap. 14. Quis vero est cultus ejus, nisi amor ejus?

Quæres 4. Quomodo debemus diligere proximum?

*Resp.* Actû benevolentiae interno: nam debemus illum diligere sicut nos ipsos; atqui haud dubie nos ipsos diligimus affectu interno; ergo. Hinc Innocent. XI. hanc propos. damnavit: Præcepto proximum diligendi satisfacere possumus per solos actus externos.

Quæres 6. Quandonam obliget præceptum dilectionis proximi?

*Resp.* 1. Obligat per se sæpius in vita, quia simile est præcepto dilectionis Dei, Matth. 22. Secundum autem, mandatum, simile est huic; atqui præceptum dilectionis Dei obligat per se sæpius in vita.

*Resp.*



*Resp.* 2. Obligat per accidens. 1. Dum urget gravis tentatio odii, quæ absque actu dilectionis superari non potest. 2. Dum videmus proximum gravi injuria affici. 3. Dum ex præcepto charitatis debemus proximo succurrere.

*Quæres 6. An illud præceptum se extendat ad inimicos?*

*Resp. Affirm.* Matth. 5. Ego autem dico vobis: diligite inimicos vestros; benefacite his qui oderunt vos, &c. Hinc inimicis debemus 1. ex corde remittere offensam. 2. Ex interno affectu exhibere communia dilectionis signa. 3. Opitulari in necessitate. 4. Damnum ipsis imminens avertere, dum sine gravi nostro incommodo possumus. 5. Dare condonationis signa ubi primum veniam petunt, nisi offensus sit superior, qui, correctionis & aliorum exempli causa, potest externa condonationis signa differre, modo in corde dimittat, & charitatem fervet. 6. Non tenetur tamen læsus remittere actionem injuriarum, quia solus appetitus vindictæ, non ordo justitiæ repugnat charitati.

*Quæres 7. An & quotuplex sit ordo in charitate?*

*Resp.* Est aliquis ordo in charitate, *Cont.* 2. *Ordinavit in me charitatem.* Ille autem ordo duplex est, dilectionis nimirum, & beneficii. Primus petitur ex dignitate objecti, unde meliora magis amari debent. Secundus petitur ex indigentia personæ cui subvenitur, ita ut illi, qui nobis sunt conjunctiores, præferantur cæteris. Hinc

1. *Ordine dilectionis,* Deus est super omnia diligendus, quia est infinite bonus. 2. Creaturæ sanctiores præ cæteris sunt diligendæ, quia sunt Deo conjunctiores. 3. Anima nostra præ corpore, quia est dignior.

2. *Ordine beneficii,* tenemur magis nos diligere, quam proximum in eodem genere bonorum: quia dilectio nostri est regula dilectionis proximi; atqui regula est prior regulato.... Dixi: in eodem genere bonorum, quia tenemur propriam vitam corporalem exponere pro æterna proximi salute, si sit in extrema salutis necessitate. 1. Joan. 3. *Et nos debemus pro fratribus animas ponere.*

3. *Eodem ordine beneficii,* cum omnibus in pari necessitate constitutis non possumus succurrere, si sunt præferendi, qui nobis sanguine vel amicitia sunt conjuncti, juxta gradum & rationem conjunctionis: quia hoc dicat natura rationalis quam charitas non destruit, sed perficit.

## §. II. De Officiis Charitatis.

*Quæres 1. Quenam sint officia charitatis?*

*Resp.* Sunt opera misericordiæ, tum corporalia, tum spiritualia.

*Quæ.*



**Quæres 2. Quot sint opera misericordie?**

**Resp.** Sunt 14. quorum septem priora sunt corporalis, septem posteriora sunt spiritualia, quæ comprehenduntur his versibus:

*Visto, poto, cibo, vedimo, sego, colligo, condo.*

*Consule, carpe, doce, solare, remitte, fer, ova.*

**Quæres 3. Utrum correptio fraterna sadat sub præcepto?**

**Resp.** Cadit sub præcepto, tum naturali; est enim elemosyna spiritualis quæ cadit sub præcepto dilectionis proximi. Tum positivo divino, Eccli. 19. *Corripe amicum . . . ne forte iteret. Matth. 18. Si peccaverit in te frater tuus, vade & corripe eum inter te & ipsum solum; si te audierit, lucratus eris fratrem tuum.* Porro præceptum illud est universale: unde 1. nemo, correctioni faciendæ idoneus, ab ea faciendâ immunis est, Eccli. 17. *Mandavit unicuique de proximo suo.* 2. Non solum æquales, sed & superiores sunt corripiendi, magis tamen obsecrando, quam arguendo, juxta illud 1. ad Tim. 5. *Seniorem ne increpaveris, sed obsecra ut Patrem.*

**Quæres 4. Quenam conditiones requiruntur, ut quis ad fraternam correptionem obligeatur?**

**Resp.** Sex. 1. Ut constet de peccato proximi, præsertim mortali. 2. Ut constet proximum nondum respuisse. 3. Ut sit probabilis spes emendationis, quia nemo ad actum inutilem teatur. 4. Ut nullus adsit magis idoneus, v. gr. dignior vel superior, qui possit & velit corrumpere, nam si noller, perinde esset ac si nullus adesset. 5. Ut non speretur tempus correptionis magis opportunum, in hoc enim casu esset differenda. 6. Ut materia correptionis sit necessaria, qualis est respectu privati peccatum mortale.

**Quæres 5. Quis ordo servandus sit in correptione fraternâ?**

**Resp.** Sub gravi peccato debet; per se loquendo, servari ordo a Christo præscriptus, Matth. 18. Unde si sufficiat secreta admonitio, non sunt adhibendi testes; si testis unus sufficiat, non sunt plures adhibendi; si testes non sufficiant, deferendum est peccatum ad Superiorem, ut illud pro sua auctoritate compescat. . . . Dixi per se loquendo: quia exiipiuntur quatuor casus, in quibus peccatum proximi immediate deferendum est Superiori: 1. Quando crimen est publicum. 2. Quando vergit in grave aliorum detrimentum spirituale vel corporale. 3. Quando prudenter judicatur privatam monitionem non profuturam, quia tunc delinquens eget correptione Superioris. 4. Quando proximus cessit iuri suo ad propriam famam, quomodo fit in Societate Jesu.

**Quæres 6. Utrum deus præceptum elemosynæ?**

**Resp.**

**Res.**

**Q. clau.**

**Res.**

**Q. clau.**

**Res.**

**Q. clau.**

**Res.**

**Q. clau.**

**Res.**

**Q. clau.**

**Res.**

**Quæ.**

**Res.**

**44. rec.**

**opponi.**

**nitur q.**

**proxim.**

**injustu.**

**tur; &**

**verfatu.**

**Quæ.**

**Resp.**

**factum.**

**spiritu.**

**sit ma.**

**requiri.**

**præbea.**

**Quæ.**

**Resp.**

**mox d.**

**ruina f.**

**Quæ.**

**Res.**



*Resp. Affirm.* 1. *Joan.* 3. *Qui habuerit substantiam huius mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in eo?* Ergo facienda est eleemosyna eis qui sunt in necessitate.

*Quæres 7. Quotuplex est necessitas?*

*Resp.* Triplex, nempe, *extrema*, quando proximus est in periculo mortis. *Gravis*, quando proximus e suo statu caderet, nisi ei subveniretur. *Comunis*, quando proximus ordinarius. 1. Pauperibus extremam necessitatem patientibus subveniendum est ex bonis superfluis ad vitam, licet necessariis ad status decentiam. 2. Pauperibus in gravi necessitate constitutis subveniendum est ex bonis ad integram status decentiam aliquantulum necessariis, alias non amaret proximum sicut seipsum. 3. Pauperibus in communi tantum necessitate constitutis, subveniendum est ex superfluis status & conditionis: unde D. Thom. 2. 2. q. 87. art. 1. ad 4. ait: *Dominus omnia superflua pauperibus iubet exhiberi, iuxta illud Lucae II. Quod superest, date eleemosynam.*

### S. III. De vitiis charitati oppositis.

*Quæres 1. Quæ sint peccata charitati specialiter opposita?*

*Resp.* Decem a D. Thom. a quæst. 34. ad questionem 44. recensentur; nempe 1. *Odium Dei & proximi*, quod oppositur amoris Dei & proximi. 2. *Acedia*, quæ opponitur gaudio de bono Dei. *Invidia*, quæ gaudio de bono proximi adversatur, *discordia*, *consensio*, *schisma*, *bellum injustum*, *vixa*, *seditio*, quæ paci charitatis opponuntur; & tandem *scandalum*, quod correctioni fraternæ adversatur.

*Quæres 2. Quid sit scandalum?*

*Resp.* Definitur a D. Thom. q. 43. art. 1. *Dictum vel factum minus rectum, præbens alteri occasionem ruinæ spiritualis.* Non ergo requiritur ut dictum vel factum, sit malum, sed sufficit ut habeat speciem mali, nec requiritur ut ruina sequatur, sed sufficit ut occasio ruinæ præbeatur.

*Quæres 3. Quotuplex est scandalum?*

*Resp.* Duplex, nempe, *activum*, seu, *datum*, quod mox definivimus, & *passivum*, seu *acceptum*, & est ipsa ruina sequens ex scandalo dato.

*Quæres 4. Quotuplex est scandalum activum?*

*Resp.* 1. Duplex, nempe, *directum*, quo quis dictis vel factis proximum in ruinam inducere intendit; v. gr. in fornicationem, & *indirectum*, quo licet quis non intendat expresse proximum ad peccatum inducere, non-



nonnulla dicit vel facit, quæ alius sunt occasio peccandi.

Quæres 5. Quotuplex est scandalum passivum?

Resp. Duplex, nempe, *Pharisaicum*, quod oritur ex sola malitia accipientis, propter dictum vel factum alterius rectum; & *scandalum pusillorum*, quod oritur ex ignorantia aut infirmitate accipientis, propter dictum vel factum alterius rectum, vel indifferens.

Quæres 6. Utrum scandalum datum, sit peccatum?

Resp. Scandalum etiam indirecte datum est peccatum mortale ex genere suo, & quidem distinctum a mala actione; quæ occasionem ruinæ spiritualis præbet; quia graviter peccat contra charitatem proximi, cui est occasio ruinæ. Hinc peccant mortaliter contra castitatem & charitatem proximi, qui imagines nudas faciunt, aut palam exponunt. Qui agunt comedias obscenas, &c.

Quæres 7. Utrum ad vitandum scandalum pharisaicum, dimittenda sint bona temporalia, aut etiam spiritualia?

Resp. Negat. Quia Christus, *Matth. 15.* docet, scandalum pharisaicum esse contemnendum; *Sine illos, ceci sunt.*

Quæres 8. Quid debeat omitti ad vitandum scandalum infirmorum?

Resp. Debet omitti 1. actiones indifferentes. Si *esca scandalizet fratrem meum, non manducabo carnem in aeternum, ne fratrem meum scandalizem*, ait Apost. 2. Opera consilii, quia, cum non sint necessaria ad salutem, possumus illa omittere sine gravi nostro incommodo; atqui lex charitatis exigit, ut fratri, in necessitate spirituali constituto, subveniamus, cum sine gravi nostro incommodo possumus; ergo. 3. Etiam probabilius debent omitti præcepta affirmativa, quia ea deserviunt charitati; ergo non obligant in circumstantiis, in quibus charitas dicat esse omittendam hic & nunc eorum observantiam, ut succurratur spirituali proximorum necessitati. Sic mulier quæ prævidet se turpiter concupiscendam si eat ad Sacrum tali die festo, debet illud omittere, saltem semel & iterum; non potest tamen longo tempore abesse, quia inde oriretur scandalum, & grave damnum spirituale, quod non tenetur subire ad vitandum peccatum alterius.

Quæres 9. Utrum liceat alteri vendere aut dare rem de se licitam, qua prævidetur male usurus?


Resp. Non licet, quia quisque tenetur ex charitate impedire peccatum proximi, saltem cum potest sine gravi suo incommodo.

Quæres 10. Utrum ex gravi causa licet alteri dare rem, aut operam ex se licitam aut indifferentem, quæ tamen spectatis circumstantiis ad peccatum ordinatur?

Resp. 2.



*Resp.* Si proxime ad peccatum ordinetur, non licet ; ut definit Inaoc. XI. propof. 51. quia est moraliter & proxime cooperari peccato alieno . Si remote tantum ordinetur ad peccatum, licet, quia tunc non est moraliter cooperari peccato alieno, fed folum illud permittre ex gravi caufa, ob quam non tenetur illud impedire, nifi fit contra bonum commune, aut Ecclefie: quia bonum commune præponderat bono privati.





## TRACTATUS XIV.

## De virtute Religionis:

Quæres 1. Quid sit Religio?

*Resp.* Est, virtus moralis, per quam Deo, tamquam primo rerum omnium principio, cultus exhibetur. Non est ergo virtus Theologica, quia pro objecto immediato non habet Deum, sed cultum Deo debitum.

Quæres 2. Quinam sint actus Religionis?

*Resp.* Interni, sunt devotio & oratio: externi, sunt votum & iuramentum, de quibus, sicut & de vitiis Religionis oppositis, agemus,

## §. I. De devotione &amp; oratione.

Quæres 1. Quid sit devotio?

*Resp.* Est, volitio efficax tradendi se prompte ad ea quæ pertinent ad cultum Dei. Unde est generalis actus religionis, a quo cæteri omnes informari debent.

Quæres 2. Quid sit oratio?

*Resp.* Est, actus religionis, quo res decentes a Deo postulamus, sive immediate, sive mediante sanctorum intercessione.

Quæres 3. Quotuplex sit oratio?

*Resp.* Duplex, nempe, mentalis, quæ sola mente funditur. Et vocalis, quæ non sola mente, sed etiam ore exprimitur; ergo ut sit vera oratio, mentalem necessario includit.

Quæres 4. Quotuplex sit oratio vocalis?

*Resp.* Duplex; nempe, privata, quæ fit a persona privata & privato nemine: & publica, quæ fit a communitate, vel a ministro Ecclesiæ, nomine communitatis: hæc est præferenda, quia Christus, Matth. 18. promittit specialem assistentiam iis, qui, ad orandum, in unum conveniunt.

Quæres 5. Quot sint necessaria, ut oratio pio fiat?

*Resp.* Tria. 1. *Preparatio*, tum remota, quæ consistit in accurata legis observantia, tum proxima, quæ in hoc consistit ut oraturus imploret divinum auxilium, & curam aliorum operum quantum fieri potest, deponat, foretque diligenter occludat alienis cogitationibus. 2. *Assensio*, sive ad sensum orationis, sive ad Deum: per hoc debet saltem esse virtualis, ut dictum est in Tract. de Horis canonicis. 3. *Perserverantia*, juxta illud Lucæ 18. *Operietur semper orare, & non deficere.*

Quæres 6. Utrum oratio sit necessaria?

*Resp.* Est necessaria, necessitate tum præcepti, tum medii, Matth. 7. *Petite, & accipietis:* dicendo, *petite*, præ-



præceptum imponit, ait D. Thom & addendo: *Accipietis*: medium necessarium, ad obtinenda auxilia ad salutem necessaria, demonstrat.

Quæres 7. *Pro quibus sit orandum?*

Resp. Pro omnibus, qui nondum sunt in termino, 1. ad Tim, 2. *Obsecro fieri orationes pro omnibus hominibus.*

§. II. De Voto:

Quæres 1. *Quid sit votum?*

Resp. Definitur: *Promissio deliberata & Spontanea, Deo facta, de bono meliore ac possibili...* Promissio ergo debet esse 1. *deliberata*, id est, facta cum ea rationis advertentia quæ ad peccatum mortale necessaria est. 2. *Spontanea*, id est, absque errore & metu gravi injuste incusso ad exterquendum votum. 3. *Deo facta*, quia est cultus latræ, qui soli Deo exhiberi potest. 4. *De meliori bono*, id est quod non sit impeditivum majoris boni. 5. *Est possibile*, quia nemo ad impossibile obligari potest.

Quæres 2. *Quomodo dividitur votum?*

Resp. Dividitur in reale, quo promittitur res aliqua, v. gr. elemosyna: vel actio exercenda per alium, v. gr. peregrinatio exercenda per alium. *Personale*, quo promittitur actio voventis propria, v. gr. jejunium. Et *mixtum*, quo promittitur propria actio & res aliqua, v. gr. distributio bonorum suorum cum ingressu religionis.... votum personale solum voventem obligat, nec per alium impleri potest & debet; *reale* ad hæredes transit, sicut & *mixtum* qua parte est reale.

Quæres 3. *Quomodo dividitur votum personale?*

Resp. Dividitur in *solemne*, quod ab Ecclesia approbatum ac in perpetuum acceptatum est. Et *simplex*, quod emittitur absque acceptance Ecclesiæ, saltem in perpetuum: sic vota scholarium Societatis Jesu ex Greg. XIII. sunt simplicia, quia non sunt in perpetuum acceptata.

Quæres 4. *Quomodo dividitur votum simplex?*

Resp. In *absolutum*; quod sine ulla conditione, & *conditionatum*, quod sub aliqua conditione emittitur, v. gr. *voceo talem elemosynam, si pater convalescit.*

Quæres 5. *An sit obligatio adimplendi voti?*

Resp. *Affirm.* Juxta illud Psal. 75. *Povero, & reddite Domino Deo vestro.* Illa autem obligatio est gravis in re gravi, & levis in re levi. Porro materia voti censetur gravis, quæ, si præciperetur ab Ecclesia, obligaret sub mortali.

Quæres 6. *Quot modis possit cessare voti obligatio?*

Resp. Tribus, irritatione, dispensatione, & commutatione.

Quæres 7. *Quid sit irritatio voti?*

*Compend. ex Charmes.*

N

Resp.



*Resp.* Est, *Annulatio facta ab eo, cuius potestati dominativa subiecta est persona vovens, & tunc irritatio est directa, vel materia voti, & tunc est indirecta, seu prorsus est suspensio voti.*

*Quæres 8. Quanam vota irritari possint?*

*Resp.* Ea quæ sunt in præjudicium tertii.

*Quæres 9. Quinam possint irritare vota directe?*

*Resp.* Possunt irritare vota tum realia, tum personalia. 1. *Superior*, respectu suorum subditorum. 2. *Pater*, (& in ejus defectu avus, tutor) respectu filiorum impuberum, quia, ex dispositione juris, illorum vota includunt hanc conditionem: *Nisi superior, vel pater contraxerit.*

*Quæres 10. Quinam possint irritare vota indirecte?*

*Resp.* 1. *Pater*, potest irritare vota filiorum puberum, quæ obstant gubernationi familiæ. 2. *Hæres*, vota famulorum quæ impediunt, vel minuant debitum obsequium. 3. *Mortuus*, vota uxoris, etiam ante matrimonium emissæ, quæ efficiunt usui matrimonii, proli educandæ, & gubernationi familiæ, & visum, uxor potest irritare vota mariti in his, quæ thorum spectant.

*Quæres 11. An irritatio voti, facta sine causa, sit valida?*

*Resp. Affirm.* Quia Deus non acceptat quæ ipsi offeruntur cum alterius injuria; illicita tamen est, cum sit abusus potestatis contra bonum proximi & honorem Dei.

*Quæres 12. Quinam possint dispensare a votis?*

*Resp.* Soli qui habent jurisdictionem spirituales in foro externo, quia hæc potestas pertinet ad externam Ecclesiæ gubernationem: tales sunt Papa respectu omnium fidelium; Episcopus, & alii qui habent jurisdictionem, quasi episcopalem respectu suorum subditorum... sunt tamen 5. vota ex consuetudine Papæ reservata, nempe, *votum castitatis perpetuæ, religionis approbatæ, & triplicis peregrinationis, Ierosolymitane, Compostellæ, & Romane ad limina Apostolorum.* In his tamen potest Episcopus dispensare quando est necessitas, nec patet facillius ad Papam recursus.

*Quæres 13. Quinam possint commutare vota?*

*Resp.* Ipse vovens potest commutare suum votum in aliud certo melius & suæ salutis utilius: sed requiritur auctoritas superioris ut commutetur in bonum minus, quia tunc intercedit partialis dispensatio; vel in bonum æquale, quia res fuit promissa in specie; ergo alia, nisi sit melior, solvi nequit sine consensu creditoris, nempe Dei, cuius vices gerit prælatus.

*Quæres 14. Utrum ad valorem dispensationis, & commutationis in aliud bonum minus aut æquale requiratur iusta causa?*

*Resp. Affirm.* Quia prælati nihil possunt circa jura Dei,



Dei, nisi secundum ejus voluntatem rationabiliter præsumptam, quæ est ut non concedatur dispensatio, nec commutatio sine causa, tum sit contra fidem datam, honorem Dei, & bonum animarum. Causæ autem justæ dispensandi, sunt, necessitas, aut major utilitas spiritalis voventis, & utilitas Ecclesiæ, vel reipublicæ.

§. III. De juramento.

Quæres 1. Quid sit Juramentum?

Resp. Est, Assertatio divini nominis ad fidem faciendam, aut promissionem firmandam . . . invocari autem potest divinum nomen 1. explicite & in se, v. gr. *Deum testor. Per Deum ita est.* 2. Implicite, jurando per creaturas, cælum, templum, &c. Quatenus Deus in eis recludet ac præsidet.

Quæres 2. Quomodo dividitur juramentum?

Resp. Dividitur in assertorium, quo res aliqua præsens aut præterita affirmatur, vel negatur. *Promissorium*, quo firmatur promissio rei præstandæ, & *execratorium*, quo Deus invocatur in testem simul & vindicem, si falsa sit assertio, vel promissio, v. gr. *Auferat me diabolum, vel punias me Deus, si res non ita sit, &c.*

Ergo jurat qui dicit: *Coram Deo loquor; Deus scit quod non mentior: Deus videt, &c.* Ordinarie vero non jurat qui dicit: *Per meam fidem. Fide viri probi. Fide Sacerdotis, &c.* Nam ordinarie sumuntur præ fide humana quam vir probus, Sacerdos, in verbis, vel promissis adhibere debet. Dixi: *Ordinarie*: quia si quis per illas formulas intendit jurare, de facto jurat: unde intentio loquentis est attendenda.

Quæres 3. Utrum juramentum sit licitum?

Resp. Est licitum, si debitis fiat conditionibus, quia est actus religionis, quo jurans implicite testatur Deum esse omniscium.

Obijcies: Christus, *Matth. 5.* damnat omne juramentum: *Ego autem dico vobis non jurare omnino; ergo, &c.*

Resp. Nego ant. Particula omnino, sumitur pro fine causa, sine necessitate, *illud quod dictum est*, omnino, inquit D. August. lib. de mendacio, cap. 5. *Intelligentum est, ut, quantum in te est, non ames jusjurandum.*

Inst. Christus addit: *Sic autem sermo vester, est, est, non, non, quod autem abundantiùs est, a malo est; ergo.*

Resp. Dist. ant. A malo est illius cui juratur, *conc.* a malo est jurantis, nego. Ita D. August. in Serm. Domini in monte, cap. 30. *Isaque*, inquit, non dixit: quod amplius est, malum est, sed a malo est; *Tu enim non malum facis, qui bene useris juramento ut alteri persuadeas quod utiliter persuades, sed a malo est illius, cujus infirmitate cogervis jurare.*

Quæres 4. Quot requirantur conditiones, ut juramentum sit licitum?

N 2

Resp.



*Resp.* Tres, ex Jerem. 4. *Jurabis, vivit Dominus, in veritate, & in judicio, & in justitia.*

*Ad veritatem* requiritur in juramento assertorio, ut jurans prudenter judicet verum esse quod jurat, licet forsan sit falsum: & in juramento promissorio, ut jurans sincere facere intendat quod jurat. Qui jurat sine veritate est perjurus, & peccat mortaliter, etiam si res asserta aut promissa sit levis: nam invocare Deum in testem falsitatis, est gravis injuria. .... item perjurium est, jurare cum restrictione mentali, aut æquivocatione, prout definivit Innoc. XI. prop. 26.

*Ad justitiam* requiritur, ut juramentum sit de re licita, ita ut mortaliter peccaret, qui adsumeret Deum in testem alicujus peccati, etiam venialis. Talis enim committeret gravissimam irreverentiam, ut definivit Innoc. XI. prop. 24.

*Ad judicium* requiritur, ut non juretur sine necessitate. Defectus tamen judicii, est tantum peccatum veniale, modo absit scandalum, & pejerandi periculum, quod vix abesse potest in jurandi consuetudine, hinc qui in ea versantur, non sunt absolvendi, quin prius emendaverint suam pravam consuetudinem.

*Quæres 5. Quando non obligat juramentum promissorium?*

*Resp.* Non obligat, 1. cum est de re illicita, aut impossibili, aut indifferenti 2. Cum est factum per errorem vel dolum circa rei substantiam, vel circa causam finalem & motivum, quia deest verus consensus. 3. Cum materia jurate facta est illicita, vel impossibilis, vel notabiliter mutata, ut qui juravit ducere puellam quæ postea fornicatur.

*Quæres 6. An obliget juramentum promissorium, vi vel metu extortum?*

*Resp. Affirm.* Quia licet sit secundum quid involuntarium, est tamen simpliciter voluntarium, unde naturaliter obligat, nec a jure irritatur, sicut votum.

*Quæres 7. Utrum quis ex juramento facto & doloso obliget?*

*Resp.* 1. Si juret absque animo jurando, non obligatur vi juramenti, quia revera non jurat, sed fingit se jurare; peccat tamen mortaliter, quia graviter abutitur nomine Dei. 2. Si juret intentione seria jurandi, sed sine animo se obligandi, est perjurus, sed obligatur vi juramenti, quia obligatio est omnino inseparabilis a juramento promissorio.

*Quæres 8. Quomodo tollitur juramenti promissorii obligatio?*

*Resp.* Tollitur 1. per remissionem illius in cujus favorem præstitum fuit juramentum, quia subtrahit materiam juramenti. 2. Per irritationem, commutationem & dispensationem, eodem modo quo votum, cum hac



hac sola exceptione quod non possit dispensari in iuramento præstito in favorem alicujus, & ab eo acceptato, nisi bonum commune id exigat, vel nisi promissarius per injuriam extorserit iuramentum.

Quæres 9. *Utrum liceat exigere iuramentum ab eo qui prævidetur pejaturus?*

Resp. Non licet, quia exigens nullum emolumentum referret ex eo iuramento, utpote contra eum, qui illud exigit, præstando . . . Ab ea tamen lege excipitur Judex, qui ad instantiam partis iuramentum exigit, quia tenetur ex officio adhibere omnia media, quibus solet elici veritas, alioquin videbitur prævaricari.

Quæres 10. *Utrum liceat exigere iuramentum ab eo qui per falsos deos juraturus est?*

Resp. Licet in gravi necessitate, quia non postulatur ut per sua idola juret, sed simpliciter ut juret, quod potest licite præstare: illudque iuramentum valet ad faciendam fidem vel firmandum contractum.

[S. IV. De vitiis religioni oppositis.

Quæres 1. *Quenam vitia religioni opponuntur?*

Resp. Religioni opponitur per excessum superstitio, & per defectum irreligiositas.

Quæres 2. *Quid sit superstitio?*

Resp. Est, cultus falsi numinis, vel veri quidem, sed indebitus.

Quæres 3. *Quos sint species superstitutionis?*

Resp. Sunt quinque præcipue, scilicet, idololatria, divinatio, vana observantia, magia, & maleficium.

Quæres 4. *Quid sit idololatria?*

Resp. Est, cultus divinus creature exhibitus. Est gravissimum læsæ majestatis divinæ peccatum.

Quæres 5. *Quid sit divinatio?*

Resp. Est, notitia divinæ usurpatio ope dæmonis ad hoc invocati: sive, expresse, aliquid videlicet usurpando cum expressa intentione ut dæmon cooperetur. Sive implicite, utendo scilicet mediis nullam vim ad occultorum notitia habentibus, neque naturaliter, neque ex instituto divino, aut ecclesiastico.

Si divinatio fiat per manes, id est, per mortuos huius speciem resuscitados, dicitur: *Necromantia*. Si fiat per astra, dicitur *astrologia judiciaria*. Si fiat per sortes, dicitur *sortes divinatoria*, seu sortilegium, a quo sortarii. Si per inspecta manus delineamenta, dicitur *chiromantia*.

Quæres 6. *Quale sit peccatum divinatio?*

Resp. Necromantia est peccatum mortale gravissimum, quia continet expressum pactum cum dæmone: & aliæ species divinationis, sunt peccatum mortale & ex



genere suo, propter tacitum commercium cum dæmone; ergo a mortali excusat ignorantia & simplicitas.

Quæres 7. Quid sit vana observantia?

Resp. Est, *superstitio*, qua ad effectum aliquem obtinendum, adhibentur media vana, inutilia, & improporcionata. Si assumantur ad scientiam repente acquirendam, dicitur, *ars notoria*. Si ad præcavendos funestos effectus ex fortuito eventu, dicitur, *observantia eventuum*. Si ad sanitatem obtinendam, vulnera curanda, dicitur *observantia sanitatum*. Si adhibeantur res sacræ, v. gr. preces, verba Scripturæ, reliquiæ, &c. cum certa persuasione aliquem effectum extraordinarium obtinendi, puta extinguendi incendium, dicitur, *observantia sacrorum*.

Quæres 8. Quale sit peccatum vana observantia?

Resp. Est peccatum mortale ex genere suo, quia in eam dæmon invocatur, saltem tacite & implicite.

Quæres 9. Quid sit magia?

Resp. Est, ratio operandi mira ope dæmonis, ad hoc expresse vel implicite invocati: Est peccatum mortale ex genere suo.

Quæres 10. Quid sit maleficium?

Resp. Est, ratio nocendi aliis ope dæmonis. Unde est peccatum grave contra religionem & iustitiam. Si magus noceat alicui in propria persona, aut in animalibus, vocatur *maleficium venosicum*; si eum flectat ad amorem carnalem, vel odium, vocatur *philtrem*.

Quæres 11. Vivum liceat recurrere ad magum, ut maleficium tollat?

Resp. Nam licet, si non possit tollere nisi per aliud maleficium, vel superstitionem, cum sit intrinsece malum invocare dæmonem; licet vero, si tollat per meram destructionem prioris maleficii, quia honestum est destruere opera diaboli.

Quæres 12. Quid sit cultus indebitus?

Resp. Est tum, *cultus falsus*, sive in se, v. gr. falsatum reliquiarum expositio, sive in sua significatione, v. gr. hodierna usurpatio Judæarum caeremoniarum significantium Messiam venturum. Tum *cultus superfluus*, a Dei instituto alienus, indebitis circumstantiis cumlatus, v. gr. oratio facta tali tempore, loco, situ, &c. Est solum peccatum veniale.

Quæres 13. Quid sit irreligiositas?

Resp. Est, peccatum quo Deus in se, vel in rebus, vel in personis sacris inhonoratur. 5. Est, nempetentatio Dei, sacrilegium, blasphemia, perjurium, & simonia. De perjurio & simonia jam egimus.

Quæres 14. Quid sit tentatio Dei?

Resp. Est, dictum vel factum ad capiendum de Deo experimentum per extraordinarium effectum ab eo temere expectatum. Est peccatum mortale ex genere suo, quia



quia gravem erga Deum importat irreverentiam : potest tamen esse veniale in eo qui non advertit actionem suam esse tentationem Dei , vel quia res non est valde extraordinaria , vel quia periculum est parvum .

Quæres 15. *Quid sit sacrilegium ?*

Resp. Est , *violatio rei sacræ* . Porro cum triplex sit species rei sacræ , nempe locus , res , & persona , triplex est sacrilegium , nimirum locale , reale , & personale ... sacrilegium est peccatum mortale ex genere suo , tanto gravius , quanto res , quæ violatur , est sacratior . Potest tamen esse veniale ob levitatem materiæ , v. gr. furtum unius assis in Ecclesia .

Quæres 16. *Quid sit blasphemia ?*

Resp. Est , *contumeliosa in Deum locutio* . Siye immediate , siye mediate in rebus vel personis sacris , in quibus sicut laudatur Deus , sic & contumelia afficitur ... si blasphemia procedat ex infirmitate , est *in Patrem* . Si ex ignorantia , est *in Filium* . Si ex malitia , est *in Spiritum sanctum* .

Quæres 17. *Quotuplex sit blasphemia ?*

Resp. Quadruplex , nempe , hæreticalis , imprecativa , juratoria , & dehonestativa .

*Hæreticalis* , est ea , qua de Deo aliquid contumeliose affirmatur , v. gr. quod sit injustus , crudelis , &c. Vel negatur , v. gr. quod sit omnipotens , providus , &c. Duplex continet malitiam specificam .

*Imprecativa* , est ea , qua quis Deo malum imprecatur , v. gr. *Pereat Deus ; utinam Deus non esset , &c.*

*Juratoria* , est ea , qua quis jurando blasphematur , c. v. gr. *Hoc ita verum est , ac verum est Deum existere .*

*Dehonestativa* , est indecens nominatio membrorum Christi , v. gr. capitis , ventris , &c.

Quæres 18. *Quale peccatum sit blasphemia ?*

Resp. Est omnium peccatorum mortalium gravissimum , nec admittit levitatem materiæ : unde ob solam actus imperfectionem potest excusari a mortali .



## TRACTATUS XV.

## De Virtutibus Cardinalibus.

Quæres : **Q**uæ sint virtutes Cardinales?

*Resp.* Sunt quatuor, prudentia, fortitudo, temperantia, & iustitia, de quibus agemus duabus dissertationibus.

## DISSERTATIO I.

## De prudentia, fortitudine, &amp; temperantia.

## §. I. de prudentia.

Quæres 1. **Q**uid sit prudentia?

*Resp.* Est, virtus moralis, qua dignoscitur quid in quolibet negotio agendum sit, vel fugiendum. Unde in alias omnes virtutes generalem habet influxum.

Quæres 2. Quodnam sit objectum prudentia?

*Resp.* Objectum materiale, sunt actiones humanæ particulares, de quibus judicat an honestæ sint, an turpes, ex quo iudicio voluntatem inclinatur ad eas, amplectendas, vel fugiendas. Objectum formale vero, est conformitas actionum humanarum cum veritate hic & nunc practica.

Quæres 3. Quos sint officia prudentia?

*Resp.* Tria, nempe, bene consultare, de honestate & inhonestate agendorum : bene judicare, de mediis pro loco & tempore adhibendis, & bene imperare executionem.

Quæres 4. Quotplex sit prudentia?

*Resp.* Duplex, personalis, quæ solum bonum operantis attendit. Et gubernatrix, quæ attendit bonum communis, vel perfectæ, & dicitur politica; vel imperfectæ, & dicitur economica, qua pater recte regit suam familiam.

Quæres 5. Quenam sint vitia opposita prudentia?

*Resp.* Prudentiæ per defectum opponuntur præcipitatio, inconsideratio, inconstansia, & negligentia. Per excessum vero, prudentia carnis, astutia, sollicitudo temporalium, & sollicitudo futurorum.

## §. II. De fortitudine.

Quæres 1. Quid sit fortitudo?

*Resp.* Est, virtus Cardinalis inclinans voluntatem hominis



minis ad pericula mortis tempore & loco debito aggredienda, & ad labores perferendos pro consecutione boni necessarios.

Ergo subiectum immediatum fortitudinis est voluntas, prout est appetitus sensitivus irascibilis.

Ergo duo sunt actus fortitudinis, nempe, *audax aggressio*, & *incommodi perpassio*.

Ergo obiectum materiale fortitudinis sunt *pericula & labores*: obiectum vero *formale* est honestas quæ in hoc consistit, ut homo circa labores & terribilia moderate se gerat, neque timori nimium cedendo, neque ultra modum se dando audaciæ.

Quæres 2. *Quenam sint vitia fortitudini opposita?*

*Resp.* Sunt *temeritas* per excessum, & *ignavia* per defectum.

*Temeritas*, est vitium, quo quis periculis contra rectæ rationis dictamen se committit: scilicet quando, & quomodo non oportet.

*Ignavia*, est vitium, quo quis ab iis deterretur periculis, quibus sese, pro tempore & loco exponere potest & debet. Utraque sæpius est peccatum mortale.

Quæres 3. *Quenam sint virtutes fortitudini annexe?*

*Resp.* Sunt quatuor, nimirum, *magnanimitas*, quæ inclinat ad actus heroicos in omni genere virtutum. *Magnificencia*, quæ inclinat ad magna opera magnis sumptibus efficienda. *Potentia*, quæ firmat animum in tolerantia afflictionum. Et *perseverantia*, qua homo, non obstantibus quibuscumque malis, in opere incæpto firmiter perseverat.

### S. III. De temperantia.

Quæres 1. *Quid sit temperantia?*

*Resp.* Est, virtus Cardinalis, quæ, juxta rectæ rationis dictamen, moderatur affectum usumque voluptatum gustus & tactus. Hinc sequitur, obiectum materiale temperantiæ, esse delectationes corporeas; formale vero esse earundem usum honestum.

Quæres 2. *Quot sint vitia temperantiæ opposita?*

*Resp.* Sunt duo, scilicet, *insensibilitas* per defectum, & *intemperantia* per excessum.

*Insensibilitas*, est vitium, quo quis omnes corporis delectationes, etiam necessarias, refugit & aversatur. Est peccatum veniale ex genere suo, esset tamen mortale, si quis per eam refugeret id ad quod graviter obligatur; v. gr. si quis negaret debitum conjugii exigenti.

*Intemperantia*, est vitium, quo quis voluptates gustus & venereorum immoderate appetit, rationisque ac legis divinæ regulam in earum usu excedit: est peccatum mortale ex genere suo, ut probabimus ex dicendis de gula & luxuria.



Quæres 3. *Quot sint species temperantia?*

*Resp.* Sunt quatuor, nempe *abstinentia*, quæ moderatur affectum, usumque cibi. *Sobrietas*, quæ moderatur affectum usumque potus inebriare valentis. *Castitas*, quæ cohibet, vel moderatur appetitum & usum venereorum. *Pudicitia*, quæ cohibet, vel moderatur oscula, tactus, amplexus, eorumque delectationem.

Quæres 4. *Quot sint virtutes temperantia annexæ?*

*Resp.* Præcipuæ sunt, mansuetudo, clementia, modestia, & eutrapelia.

*Mansuetudo*, est virtus quæ iram coerces, ne exurgat, nisi quando, quantum, & quomodo oportet.

*Clementia*, est virtus, quæ vindictam coerces, ne ultra debitos fines exiliat.

*Modestia*, est virtus, quæ affectus humanos, gestusque, & ornatum corporis moderatur secundum præscriptum rectæ rationis.

*Eutrapelia*, est virtus, quæ in recreationibus modum servat honestum.

## DISSERTATIO II.

### De Justitia.

Quæres 1. *Quid sit justitia?*

*Resp.* Definitor a Juris consultis, *constans & perpetua voluntas ius suum cuique tribuendi*. Clarius definiri potest, *virtus moralis firmans voluntatem ad perpetuo reddendum alteri ius suum ad æqualitatem*.

Quæres 2. *Quomodo dividetur justitia?*

*Resp.* Dividitur in legalem, distributivam, & commutativam.

*Justitia legalis*, est virtus firmans voluntatem privati ad tribuendum reipublicæ debitum, ratione juris alti quod habet in personas privatas & eorum bona.

*Justitia distributiva*, est virtus moralis inclinans eum, qui communitati præest, ad distribuenda officia & bona communitatis juxta cuiusque meritum, si sit remuneratoria, vel ad irrogandas poenas juxta modum culpæ, si sit vindicativa.

*Justitia commutativa*, est, *virtus inclinans privatam ad reddendum alteri privato debitum rigorosum secundum proportionem arithmeticam*; id est, secundum æqualitatem rei ad rem, solutionis ad debitum, nullo habito respectu ad conditionem personæ cui sit solutio, per quod differt a justitia distributiva, quæ servat proportionem geometricam, quæ est adæquatio proportionis rerum distribuendarum eum proportionem conditionis & meriti personarum, quibus res distribui debent.

Quæres 3. *Quanam sit justitia strictè sumpta?*

*Resp.* Sola commutativa quæ reddit alteri quod ei stricto



Eto jure debetur. Unde ex ea sola oritur obligatio restitutionis, non autem ex distributiva, nisi quatenus commutativæ sociatur, quod plerumque contingit.

Quæres 4. *Quodnam est objectum justitiæ?*

*Resp.* Objectum materiale, est res aut actio alteri debita, & reddenda; quia circa illam ita versatur justitia, ut circa eam aliæ quoque virtutes versari possint, cum religio & pietas versentur circa res Deo & parentibus debitas. Formale vero, est eadem res prout stricte debita & ad æqualitatem reddenda, quia sub hoc respectu speciali ita spectatur a justitia, ut sub eodem ab aliis virtutibus non attingatur.

Quæres 5. *Quodnam sit fundamentum justitiæ?*

*Resp.* Est jus. Unde agemus 1. de jure: 2. de contractibus in genere: 3. de contractibus in particulari: 4. de injustitia & restitutione in genere: 5. de injuria & restitutione in particulari.

## C A P U T I.

### De Jure.

Quæres 1. *Quid sit jus?*

*Resp.* Est legitima facultas ad aliquid faciendum, vel prohibendum, vel obtinendum, vel retinendum, vel eo utendum, vel de eo disponendum, ejus violatio injuriam constituit. Hæc descriptio continet omnes juris species.

Quæres 2. *Quomodo dividitur jus?*

*Resp.* Dividitur in jus in re, quod quis habet in rem suam & obtenta per legitimum titulum, & rei traditionem: & in jus ad rem, quod quis habet ut res fiat sua. Jus in re dat actionem realem; jus ad rem dat actionem personalem.

*Resp.* Sex, nempe, usus, usufructus, servitus, habitatio, superficies, & dominium.

Quæres 4. *Quid sit usus?*

*Resp.* Est jus utendi tantum re aliena, salva ejus substantia. Unde simplex usufructus potest quidem uti re aliena pro se & sua familia, quantum quotidiana requirit necessitas; sed non potest ipsos fructus vendere, locare, dare, &c.

Quæres 5. *Quid sit usufructus?*

*Resp.* Est jus utendi, & fructuari re aliena, salva ejus substantia. Unde, usufructuarius non habet tantum jus utendi re aliena, sed & fructuari, id est, percipiendi omnes fructus, quos potest vendere, locare, donare, manente apud eum usufructu, quem non potest vendere aut donare absque consensu proprietarii.

Quæres 6. *Quid sit servitus?*

*Resp.* Servitus active sumpta, est, jus quod quis ha-



bet in re aliena, ut sibi serviat. *Passive sumpta*, est subiectio rei alienæ, ut aliquid in ea fiat, vel non fiat in commodum alterius, salva rei substantia.

Quæres 7. *Quid sit habitatio & superficies?*

Resp. 1. *Habitatio*, est jus habitandi in alienis ædibus, salva earum substantia. 2. *Superficies*, est ius quo quis alieni fundi superficiem possidet & in eo ædificare potest. *Habitatio & superficies* comprehendi possunt sub usufructu late sumpto.

Quæres 8. *Quid sit dominium?*

Resp. Est, *jus disponendi de re tanquam sua, nisi lex, vel pactum obstat*. Sic, licet pupillus sit suorum bonorum Dominus, ea tamen non potest alienare, unde licet habeat ius de iis disponendi, illud ius est ligatum a lege, & ideo non habet actum disponendi.

Quæres 9. *Quomodo dividitur dominium?*

Resp. In plenum seu perfectum, & non plenum seu imperfectum.

*Dominium plenum*, est, ius disponendi de re, illiusque fructibus tanquam suis.

*Dominium non plenum*, est ius disponendi vel de re sola, & dicitur *dominium directum*: vel de solis fructibus rei, & dicitur *dominium utile*.

Quæres 10. *Quænam requiruntur ad acquisitionem domini?*

Resp. Tria, scilicet, titulus, traditio rei, & aditus possessionis.

Quæres 11. *Quid sit ritulus?*

Resp. Est radix unde dominium oritur. Triplex est, nempe, *verus*, qui a parte rei subsistit, talis est venditio facta a vero rei Domino. *Coloratus*, qui bona fide creditur verus, licet, ob latentem aliquem defectum, talis non sit, talis est venditio ab eo facta qui rei venditæ merito credebatur Dominus, licet talis non esset. Et *presumptus*, quem ius, ob temporis diuturnitatem, præsumit, cum tamen forte non interveniret.

Quæres 12. *Quotuplex sit possessio?*

Resp. Duplex, nempe, facti, & juris.

Quæres 13. *Quid sit possessio facti?*

Resp. Definitur; *Apprehensio rei, corporis, animi, & juris ad vinculo*.

Dicitur 1. *Ad vinculo corporis*: quia ut res aliqua incipiat possideri, debet corporaliter apprehendi, vel in se; v. gr. manibus, pedibus, &c. Vel in aliquo instrumento in quo censetur contineri, v. gr. clavium traditione. 2. *Animi*, quia debet apprehendi animo possidendi, unde depositarius non dicitur possidere depositum. 3. *Juris*, quia necesse est, ut ius non impediat talem apprehensionem, sicut impedit ne Laicus apprehendat rem sacram.

Quæ.



Quæres 14. Quid sit possessio juris?

Resp. Definitor: *Jus insisterendi rei tanquam suæ, non prohibita possideri.* Hoc jus oritur ex possessione facti.

Quæres 15. Quomodo dividatur possessio juris?

Resp. Dividitur in *civilem*, qua res, corpore & animo apprehensa, solo animo retinetur: sic possidet res suas qui ab eis abest. Et *naturalem*, qua res corpore & animo occupatur: sic possidet qui rem de facto occupat per se, vel per alium, cum animo eam retinendi, diciturque naturaliter & civiliter possidere, & hæc possessio est firmissima, aliquando possessio *naturalis* separatur a *civili*, v. gr. quando fur occupat rem meam, tunc ille *naturaliter* possidet, ego *civiliter*.

Quæres 16. Utrum homo habeat dominium suæ famæ?

Resp. *Affirm.* Quia ei competunt primarii actus domini circa famam, nempe potest eam sibi acquirere, ablatam in judicio repetere, restitutionem ejus condonare, *nisi id vergat in alterius detrimentum*, ait D. Thom. q. 73. art. 4. ad 1.

Quæres 17. An homo habeat dominium vite & membrorum?

Resp. Habet dominium *utile*, sed non habet dominium *directum*, solus enim Deus *vite & necis habes potestatem*, Sap. 16. hinc homo non potest se mutilare, nisi ad conservationem totius.

Quæres 18. Quorum rerum filii familias, nondum emancipati, habeant dominium?

*Nota*: Bona filiorum familias, alia sunt *castrensia*, quæ acquirit in militia, vel obsequio principis. Alia *quasi castrensia*, quæ acquirit ex beneficio ecclesiastico, vel professione scientiæ, aut artis liberalis. Alia *adventitia*, quæ ei, neque a patre, neque intuitu patris obveniunt. Alia *profectitia*, quæ acquirit filius ex bonis patris, vel intuitu patris.

Resp. 1. Bonorum *castrensiū*, & *quasi castrensiū*, habent dominium plenum & perfectum. 2. *Adventitiariorum*, habent quidem dominium directum, sed pater habet usum fructum & administrationem. 3. *Profectitiariorum*, pater habet dominium plenum & perfectum. Ratio horum omnium, est dispositio juris.

Quæres 19. Quorum bonorum uxores habeant dominium?

*Nota*: Bona uxoris, alia sunt *paraphernalia*, quæ in contractu dotali sibi reservavit, vel quæ, contracto matrimonio, acquisivit, v. gr. donatione, legato, &c. Alia *dotalia*, quæ tradidit marito ad onera matrimonii sustinenda. Alia *communis*, quæ tempore matrimonii communi labore sunt acquisita.

Resp. Jure communi, habent. 1. Bonorum *paraphernalium* dominium plenum. 2. *Dotalium*, habent dominium directum, administratione & usufructu remanente



te peme maritum. 3. *Communium*, habent dominium directum pro dimidia parte, sed administratio, & usufructus sunt mariti. Hinc non possunt ea surripere aut impendere, marito rationabiliter invito.

Quæres 10. *Quomodo acquiritur dominium rerum quæ sub nullius sunt dominio?*

*Resp.* Vel nunquam habuerunt, aut censentur nunquam habuisse dominum, vel habuerunt.

*Si primum*, acquiruntur occupatione. Hinc sunt *primo occupantis*. 1. Animalia omnino fera, in loco publico, & non circumsepto vagantia. 2. Animalia fera, usu mansuefacta, si amiserint consuetudinem ex libera vagatione redeundi in potestatem domini, quia naturalem libertatem recuperarunt. 3. Lapilli, gemmæ, ambrarum, corallium, quæ in litore maris inveniuntur.

*Si secundum*, acquiruntur inventione; sic secundum jus naturale & gentium acquiruntur thesaurus & bona derelicta. Dixi, *secundum jus naturale & gentium*, quia circa ista sunt varix dispositiones juris civilis Romani & Gallici, quæ observandæ sunt, & quas retulimus in nostra Theologia.

Quoad rem inventam, certum est, quod domino sit restituenda, si inveniri possit, quia res semper clamat pro domino, qui in hunc effectum diligenter inquiri debet. Quod si, post sufficientem inquisitionem, dominus non reperiatur, tunc res inventa pauperibus est eroganda, vel in pios usus consumenda, ex authent. *Omnes peregrini*.

Quæres 21. *Quomodo acquiratur dominium rerum, quæ sunt sub alicujus dominio?*

*Resp.* Acquiruntur, *volente domino*, per contractus, ut videbimus capite sequenti; *invito domino*, acquiruntur per prescriptionem.

Quæres 22. *Quid sit prescriptio?*

*Resp.* Est, *acquisitio domini per possessionem bonæ fidei continuatam tempore per legem definito*.

Quæres 23. *Quanam condiciones requirantur ad legitimam prescriptionem?*

*Resp.* Quatuor: 1. *Possessio*, rei non prohibitz possideri, ex Reg. 3. juris in 6. *Sine possessione prescriptio non procedit*.

2. *Bona fides*, ex Reg. 2. juris in 6. *Possessor malæ fidei ullo tempore non prescribit*. Porro non est in bona fide qui inceptit possidere cum dubitatione num res esset sua, quia in dubio faveandum est possessori. Quod si dubitatio superveniat possessioni bona fide inchoatæ, & moralis adhibita fuerit diligentia ad veritatem indagandam, non officit bonæ fidei & prescriptioni, quia in dubio melior est conditio possidentis.

3. *Titulus*, coloratus, aut præsumptus, si prescriptio



ptio sit longissimi temporis ; quia sine titulo non potuit esse bona fides initio possessionis.

4. Est, *tempus a lege definitum*, quod diversum est pro diversitate rerum præscribendarum. Nam,

1. Ad res *mobiles* præscribendas cum titulo requiruntur tres anni inter præsentēs, & quatuor inter absentes. Sine titulo requiruntur 30. anni, quæ præscriptio dicitur longissimi temporis.

2. Ad præscribenda *immobilia* privatorum cum titulo requiruntur decem anni inter præsentēs, & 20. inter absentes. Sine titulo requiruntur 30. . . . . Dixi, *privatorum*; nam ad præscribendum contra Ecclesiam Romanam requiruntur 100. anni; contra alias Ecclesias vel pias causas, 40.

Quæres 24. *Quinam censentur præsentēs?*

Resp. Juxta jus commune, sunt qui in eadem Provincia & sub eodem regimine commorantur. Juxta jus Gallicum, sunt qui commorantur sub unius Ballivi aut Seneschalli jurisdictione, licet bona sint alibi sita.

Quæres 25. *Utrum præscriptio dominium transferat in foro etiam conscientie, ita ut completa præscriptione non teneatur qui præscriptis restituere, etiamsi cognoscat rem fuisse alienam?*

Resp. *Affirm.* Quia dominium illius rei legitima auctoritate fuit translatum propter bonum commune, ne scilicet dominia essent incerta, lites multiplicarentur, &c. ergo.

## C A P U T II.

### De Contractibus in genere.

Quæres I. *Uid sit contractus?*

Q Resp. Est, *pactum utro citroque, vel alterutro tantum obligationem pariens*. Si utro citroque obliget, dicitur *contractus perfectus*, & *onerofus*, quia aliquid datur, & aliud rependitur, tales sunt, venditio, locatio, &c. Si alterutro tantum obliget, dicitur *imperfectus*, & *gratiosus*; quia aliquid recipitur, & nihil rependitur. Talis est donatio, commodatum, &c.

Quæres 2. *Quomodo dividitur contractus?*

Resp. 1. Dividitur in *nominatum*, qui habet nomen speciale, ut venditio; & *innominatum*, qui non habet nomen speciale, sed retinet nomen genericum pacti; v. gr. *Do ut des; do ut facias; facio ut des; facio ut facias*.

2. Dividitur in *nudum*, qui caret omni firmamento, quod actionem civilem parere possit: & *vestitum*, qui tali firmamento ianitur. Porro *firmamenta juris*, sunt, scriptura, stipulatio, testes iuramentum, &c.

3. Dividitur in *contractum bonæ fidei*, in quo Julex ex quo



æquo & bono multa moderari potest, quæ, licet a contrahentibus expressa non fuerint, censentur tamen secundum bonam fidem contractui inesse. Et *contractum stricti juris*, in quo Iudex ad verba contrahentium adstringitur.

Quæres 3. *Quinam contrahere possint?*

Resp. Omnes & soli qui liberam suorum bonorum administrationem habent, nisi a jure impediuntur. Sic tutor, *inst. de auctor. tutor.* impeditur contrahere cum pupillo.

Quæres 4. *Qualis debeat esse consensus ut valeat contractus.*

Resp. 1. Debet esse *verus & internus*; hinc 1. contractus cum errore vel dolo circa substantiam rei, aut circa qualitatem redundantem in rei substantiam initus, est jure naturæ nullus, etiamsi error fuerit tantum concomitans, quia deest consensus verus & substantialis. 2. Initus vero cum errore & dolo circa qualitatem rei accidentalem, est validus, etiamsi error dederit causam contractui, quia tunc adest consensus verus & absolutus circa rem ipsam. 3. Tamen si dolus, qui dedit causam contractui, provenerit ab altera parte contrahente, contractus, etsi validus, potest rescindi pro arbitrio decepti, ratione injuriæ ipsi illatæ, nisi contractus sit indissolubilis, ut sunt matrimonium & professio religiosa.

2. *Debet esse omnino voluntarius*. Hinc contractus initus ex metu gravi, injuste, ab intrinseco libero, ad extorquendum consensum incusso est validus, *nisi jure positivo irritetur*, quia est simpliciter & absolute voluntarius: potest tamen rescindi ad arbitrium vexati, qui per contractus rescissionem se potest indemnem reddere.

Dixi: *Nisi jure positivo irritetur*: sic irritantur, matrimonium, contractus dotalis, professio religiosa, promissio & traditio rerum Ecclesiæ, & jurisdictio metu gravi extorta.

Quæres 5. *Quam obligationem pariat contractus?*

Nota: Obligatio triplex est, nempe, *more naturalis*, quæ obligat in conscientia, quamvis in foro externo non det actionem. *Mere civilis*, quæ dat actionem in foro externo, ob aliquam præsumptionem falsam quamvis non obliget in conscientia; Et *mixta*, quæ ligat tam in foro conscientiæ quam in foro civili.

Resp. Omnis contractus validus etiam nudus, parit obligationem in conscientia licet in foro externo non det actionem, nisi juramento firmetur quia jure naturæ quisque tenetur servare fidem datam, cum eam fallere, intrinsece malum sit. . . dixi: *Nisi firmetur juramento*: quia contractus nudus per juramentum fit vestitus.

Quæres 6. *An contractus sine solemnitatibus a jure requisitis factus, liget conscientiam?*

Resp.



*Resp. Negar.* Paret ex praxi, v. gr. in matrimonio clandestino, in contractu pupilli sine tutoris auctoritate, qui jure naturæ essent validi, nisi jus positivum eis resisteret. Ratio est, quia voluntates & bona subditorum subiunguntur reipublicæ in ordine ad bonum commune & rectam subditorum gubernationem; ergo potest statuere certas conditiones, sine quibus contractus subditorum non sunt validi, nec obligant in conscientia.

*Obijcies:* Lex quæ contractus sine quibusdam solemnitatibus factos irritat, fundatur in præsumptione fraudis; ergo quando non intervenit fraus, contractus est validus.

*Resp. Nego ant.* Non enim fundatur in præsumptione, sed in periculo fraudis, quod semper reperitur.

*Quæres 7. Utrum contractus invalidus firmetur juramento?*

*Resp.* Si contractus ex natura sua sit invalidus, non firmatur juramento, quia juramentum, utpote contractui extrinsecum, non mutat naturam illius. Si vero sit invalidus solo jure positivo firmatur juramento quando irritatio facta est immediate & principaliter propter utilitatem privatam jurantis, quia potest renuntiare juri quod in suum favorem introductum est. E contra non firmatur quando irritatio facta est immediate & principaliter propter bonum commune, sic Clericus non potest renuntiare privilegio canonis & fori, quia tunc juramentum esset de re illicita, & consequenter non tantum non firmat contractum, sed & ipsum est invalidum, nec indiget relaxatione.

Porro juramentum, si firmet contractum, siue non, est validum, si sit de re licita, obligatque, ne Deus reddatur testis falsitatis, sed potest tolli relaxatione.

### C A P U T III.

#### De Contractibus in particulari.

**O**Mnes contractuum species referre non sinit compendii ratio; eas ergo solum attingemus, quæ sunt magis in usu, & in quibus iustitia sæpius læditur, tales sunt locatio & conductio, emptio & venditio, mutuum, cambium, census, & societas,

#### §. I. De locatione & conductione.

*Quæres 1. Quid sit locatio?*

*Resp.* Est, contractus, quo persona, vel res aliqua ad usum, vel fructum pro pretio conceditur . . . . Dicitur; Pro pretio: id est, pro pecunia, si enim fieret pro alia re, esset contractus innominatus.

*Quæ-*



*Quæres 2. Quid sit conductio?*

*Resp.* Est, contractus, quo persona, vel res aliqua ad usum, vel fructum pro pretio comparatur.

*Quæres 3. Quenam sint obligationes locavoris?*

*Resp.* Tenetur 1. rem non locare pretio iusto majore. 2. Aperire conductoris vitia rei locandæ occulta & noxia. 3. Impensas in rei reparationem necessario factas solvere. 4. Non locare rem suam ei qui illa male ulurus est. 5. Remittere pensionem, quando ob casum fortuitum conductor nullum omnino, vel minuire quando modicum fructum ex re conductâ percepit, nisi aliter iuste conventum sit. 6. Rem ante tempus constitutum non repetere, nisi in casibus a iure exceptis.

*Quæres 4. Quenam sint obligationes conductoris?*

*Resp.* Tenetur 1. rem, vel operas personæ, non conducere pretio iusto minore. 2. Non uti re locata, nisi ad usum concessum. 3. Pensionem statuto tempore solvere. 4. Rem, vel personam non dimittere ante terminum constitutum. 5. Modicas impensas ad rei conservationem necessarias facere. 6. Rem locatam, completo locationis tempore, remittere in bono statu.

*Quæres 5. Ex qua culpa conductor teneatur ad restitutionem, si res conductâ pereat, aut deterior fiat?*

*Nota 1.* Culpa duplex est, nempe, *theologica*, quæ est peccatum, & *civilis*, quæ est omissio diligentiae, ex qua alicui damnum creatur, siue omissio sit peccatum, siue non: triplex est, lata, levis, & levissima.

*Culpa lata*, est omissio diligentiae quam communiter homines ejusdem conditionis adhibere solent: v. gr. si quis rem sibi commodatam foris ante exitum relinquit, ex quo a transeunte furripiatur.

*Culpa levis*, est omissio diligentiae quam prudentiores adhibere solent, v. g. si rem commodatam in suo relinquit cubiculo, sed non clauso ostio.

*Culpa levissima*, est omissio diligentiae quam adhibere solent prudentissimi, v. g. si quis cubiculi claudit ostium, sed non observet, utrum sera fuerit bene inducta.

*Nota 2.* Juxta legum dispositionem, & æquitatem naturalem. 1. Si contractus cedat in gratiam solius dantis (ut sit in deposito) rei detentor ad restitutionem non tenetur, nisi ex culpa lata & dolo. 2. Si cedat in solius recipientis utilitatem (ut sit in commodato) recipiens tenetur de culpa levissima, non autem de casu fortuito. 3. Si cedat in utilitatem utriusque, tenetur de culpa levi, non autem de culpa levissima, nec de casu fortuito. His positis:

*Resp.* Conductor tenetur de culpa levi, non sua tantum, sed & subleatariorum & famulorum, quia contractus est in commodum utriusque.



## §. II. De emptione &amp; venditione.

Quæres 1. Quid sint emptio & venditio?

Resp. Emptio definitur, *pactio pretii pro merce*; venditio vero, *pactio mercis pro pretio*, id est, pro pecunia, nam si merx daretur pro merce, esset permutatio, non venditio.

Quæres 2. Quodnam sit rei venalis justum pretium?

Resp. Est illud quod exæquat valorem rei venalis.

Quæres 3. Quotuplex sit pretium rerum venalium?

Resp. Duplex, nempe, *legale*, quod lege Principis, vel Magistratus decreto, taxatum est; & *vulgare*, seu *naturale*, quod communi hominum intelligentium estimatione constituitur, spectatis omnibus circumstantiis, nimirum, copie, vel inopie mercium; laboris, impensarum, & damni in comparandis & conservandis mercibus, &c.

Quæres 4. In quo differant pretium legale & vulgare?

Resp. In hoc quod *legale* consistat in indivisibili mathematico, ita ut, qui taxam non servat, teneatur ad restitutionem: econtra *vulgare*, habet quandam latitudinem, intra quam licet pluris vendere & minoris emere. Unde triplex est, nempe *summum*, quod vendens non potest excedere absque injustitia. *Medium*, quod vendens potest augere usque ad summum, & emens minuere usque ad infimum; & *infimum*, quod emens minuere non potest absque injustitia.

Quæres 5. Quomodo definiri possit latitudo iusti pretii?

Resp. Debet esse major, si res sit pretiosior; minor, si res sit minus pretiosa: v. gr. si pretium *medium* sit 20. *infimum* erit 19. *summum* erit 21. Item, si pretium *medium* sit 100. *infimum* erit 95. *summum* erit 105. In primo exemplo latitudo est trium aureorum; in secundo est decem.

Quæres 6. Utrum liceat ei qui pretio infimo mercem vendit, reducere pretium ad medium vel summum, occulte aliquid de re subtrahendo?

Ref. Negat. Quia venditor ageret contra conventionem, & contra ius alterius ex conventionem acquisitum, quod est injustum.

Quæres 7. Quot sint causa pluri vendendi?

Resp. Sunt quatuor. Est lucrum certo aut probabiliter cessans, vel damnum emergens; v. gr. si vendas, in gratiam emptoris, merces quas constitueras servare in aliud tempus quo plus certa, aut probabiliter sunt valituræ, vel si vendas merces, quas postea teneris carius emere.

2. Est ratio laborum, periculorum, & expensarum in rebus conquirendis, & conservandis communiter occurren-



rentium; nam hæc sunt pretio æstimabilia.

3. Est copia emptorum vel pecuniæ, & penuria mercium, quia ex his crescit æstimatio mercium.

4. Est modus vendendi; nam carius venduntur res in parva quantitate & minutim, quam in magna quantitate, propter majores curas & impensas quas requirit hic modus vendendi.

Quæres 8. Quot sint causa minoris emendi?

Resp. Sunt quatuor: 1. Est emptio rei in solam gratiam venditoris; nam tunc res vilescit propter paucitatem emptorum, nisi tamen aliud exigat charitas; nam hæc prop. *Potest aliquis emere rem vilius ab illo qui vendit necessitate compulsus*, damnata est ab Academia Parisi. tanquam falsa, scandalosa, iustitiam & charitatem violans. . . . 2. Est emptorum paucitas. . . . 3. Copia mercium superveniens. . . . 4. Modus vendendi, v. gr. si emantur in magna quantitate; si merces ultro offerantur; si vendantur sub hasta, gallice, a l'ancien.

Quæres 9. Utrum liceat credito vendere supra latitudinem iusti pretii, vel emere infra, ob anticipatam solutionem?

Resp. Negat. Nam hic modus vendendi & emendi habet rationem mutui, ex quo lucrum percipere usurarium est.

Quæres 10. Utrum liceat chirographa seu credita, & sensus, minoris emere quam contineant?

Resp. Non possunt, si sint certa & liquida; nam, 1. eorum pretium est legale; ergo in indivisibili consistit; 2. non plus valet pecunia præsens, quam absens, ut definit Innoc. XI. prop. 41. . . . Si tamen non essent certa & liquida, haberentur tanquam merces vitiatæ, quæ minoris valent & emuntur, quam integræ.

Obijciat: Lege, minus, de Reg. juris, dicitur: *Minus est habere actionem, quam rem*; ergo, &c.

Resp. Dist. ant. Si res, ad quam datur actio, non nisi cum periculo, labore & expensis possit obtineri, conc. si sine illis possit obtineri, nego. Alias, ex utroque essent omnes usurarii; nam pro pecunia, quam mutuo dant, non accipiunt nisi actionem ad eandem pecuniam recuperandam.

Quæres 11. Utrum venditor teneatur ex iustitia, rei vitium emptori occultum detegere?

Resp. 1. Si vitium rei sit periculosum, tenetur, etiam non rogatus, alias tenebitur compensare omnia damna ex hac venditione provenientia, quia illorum est causa, & occasio.

Resp. Si non sit periculosum, non tenetur, modo minuat pretium pro ratione vitii, quia tunc nulla fit emptori injuria. . . . Tenetur tamen, si de vitio interrogetur, alioquin dolus daret causam contractui, qui posset rescindi pro arbitrio emptoris.

Quæ-



Quæres 12. *Utrum venditor teneatur de evizione?*

*Resp.* Si ignoravit rem, quam vendidit, esse alienam, tenetur quidem pretium restituere; sed non tenetur de evizione. Si vero scriverit rem esse alienam, tenetur de evizione, id est, tenetur emptori non solum pretium, sed insuper totum interesse refundere.

Quæres 13. *Usurum venditio cum pacto retrovendendi, an redimendi, sit licita?*

*Resp.* Est licita in favorem venditoris, ut definitur, cap. Ad nostram, de empt. & vendis. & colligitur expresse ex Levit. 25. ubi omnis terra Israelitici populi sub redemptionis conditione vendebatur . . . sed est illicita & usuraria, si fiat in favorem solius emptoris, quia licet contractus ille fiat sub nomine venditionis, tamen res proprie non videtur vendi, sed solum in pigraus dari, ita ut emptor fructus rei percipiat ob mutuum.

Quæres 14. *Usurum contractus Mohatra sit licitus?*

*Nota.* Contractus *Mohatra* est ille, quo homo, pecunia indigens, emit credito a mercatore merces pretio supremo cum pacto retrovenditionis pretio infimo numerata pecunia.

*Resp. Negative:* Nam fit simul & de industria inter easdem personas cum intentione lucri; ergo nihil aliud est quam mutuum, v. g. 95. librarum, cum obligatione posthac restituendi centum; atqui tale mutuum est usurarium, & ideo damnatum ab Innoc. XI. & Clero Gallicano an. 1700 Sed:

Quæres 15. *An ille contractus, seclusis omni pacto, onere, & scandalo, sit licitus?*

*Resp.* Negat S. Antonin. affirmant alii; nam res illa summo pretio empta, potest statim alii tertio vendi pretio infimo; ergo & ei a quo fuit empta, cum hanc ipse bona fide vendiderit, & nec implicite, ut supponitur, exegit ut ipsi retrovenderetur.

Quæres 16. *Quid sit monopolium?*

*Resp.* Definitur, *Conversio unius, vel plurium mercatorum simul conspirantium, ut ipsi soli vendant, vel emant merces, eo quo voluerint pretio.*

Quæres 17. *Usurum monopolium sit licitum?*

*Resp.* Est injustum & ad restitutionem obligat, nisi auctoritate publica constituatur, quia singuli habent jus contrahendi intra latitudinem iusti pretii; ergo absque gravi injuria cogi non possunt emptores ad emendum summo pretio, & venditores ad vendendum infimo.

Dixi, *Nisi auctoritate publica constituatur*; quia bonum commune postulat, ut privilegium mercatori, aut artificei detur, sine quo negotiationem vel artificium, ob damni periculum, defereretur, in detrimentum rei publicæ.

Quæres 18. *Quot modis fiat monopolium?*

*Resp.*



*Resp. Sex.* 1. Cum mercatores conveniunt de non vendendo, nisi pretio summo, & non emendo, nisi infimo.

2. Cum vi, metu, aut fraude, impediunt ne aliunde merces adveniant, unde oritur caritas.

3. Cum unus, vel pauci, emendo omnes fere merces, inducunt caritatem.

4. Cum mercatores supprimunt merces suas, ut inde earum pretium crescat.

5. Quando opponitur fictus licitator, qui plus offerat, ut alter ascendat in pretio.

6. Cum artifices inter se conveniunt, ut opus ab uno inchoatum, alter non perficiat.

### §. III. De mutuo, & usura.

*Quæres 1. Quid sit mutuum?*

*Resp.* Est contractus, quo res numero, pondere, vel mensura constans gratis transfertur in alterius dominium, cum obligatione aliam ejusdem speciei & bonitatis, post lapsum temporis, restituende.

Dicitur 1. *Res numero*, &c. quia versatur circa res, quæ, vel ad pondus, ut carnes; vel ad numerum, ut pecunia; vel ad mensuram, ut triticum, traduntur.

Dicitur 2. *Transfertur in alterius dominium*; & ideo res mutuo data, mutuuario perit & fructificat.

Dicitur 3. *Cum obligatione reddendi*, quæ obligatio spectat omnes mutuuarios, exceptis pupillis & filiis familias, qui mutuum, sine consensu patris vel tutoris acceptum, non tenentur in conscientia restituere, etiam post mortem patris vel tutoris, si illam in usus inutiles consumperint. *Pupillus*, inquit Justinian. lib. 53. ff. de obligat. & action. *mutuam pecuniam accipiendo, nequidam juri naturali obligatur.*

Dicitur 4. *Aliam ejusdem speciei*; quia si res diversa specie reddatur, erit permutatio, non mutuum.

Dicitur 5. *Et bonitatis*; ut servetur æqualitas.

Dicitur 6. *Post lapsum temporis*; quia est intrinsecum mutuo, ut non statim reddi debeat, aliqui mutuum esset mutuuario inutile. Hinc mutuator tenetur non statim repetere mutuum, sed tempore præfixo; quod si nullum sit præfixum, non potest repetere, nisi post aliquod tempus judicio prudentis assignabile, spectatis natura rei, & fine ob quem datur, quamvis teneatur antea recipere.

*Quæres 2. In qua bonitate mutuum reddi debeat?*

*Resp.* Si mutuum sit in pecunia, debet reddi in bonitate extrinseca; hæc qui mutuo accepit 100. libras, satisfacit reddendo 100. sive interim valor monetæ actus fuerit, sive imminutus . . . si sit in aliis rebus fungibilibus, debet reddi in bonitate intrinseca, verb. gr. mo-



modium pro modio, nisi aliter iuste conventum fuerit.

Dixi, *Nisi aliter iuste conventum sit*; quia in hypothefi quod mutuans præviderit valorem monetæ augendum, vel pretium tritici minuendum, potest iuste convenire ut tot species monetæ, vel tot modios tritici cum auctuario reddat mutuarius, deductis tamen expensis, quas facturus fuisset ad servandum triticum usque ad illud tempus; nam tunc nihil lucratur ex mutuo, sed solum se indemnem reddit.

Quæres 3. *Quid sit usura?*

Resp. Usura, sumpta pro lucre, definitur: *Lucrum ex mutuo immediatè proveniens*. Sumpta pro contractu usurario definitur: *Contractus mutui, quo lucrum usura sortem exigitur, vel intenditur tanquam debitum præsens vi mutui*.

Dicitur 1. *Lucrum*: sive sit pecunia, sive onus alias indebitum, a mutuante impositum mutuuario, v. g. ut molat in molendino mutantis, ut perdat fructus pignoris mutuatori dati pro affecuatione sortis, &c.

Dicitur 2. *Exigitur*: vel expresse, vel implicite.

Dicitur 3. *Vel intenditur*: per quod significatur usura mentalis.

Dicitur 4. *Tanquam debitum*; sive ex iustitia, sive ex gratitudine & benevolentia, modo ex vera obligatione habeantur plus quam datum sit, prout definiit Innocent. XI. præp. 41. & Clerus Gallican. an. 1700.

Dicitur 5. *Immediatè*: nam si primario mutuet ex charitate, & secundario tantum, mediante nempe mutuarii liberalitate, aliquid speraret, non esset usura. Illa autem secundaria intentio dignoscitur ex dispositione mutantis, qui ita est affectus, ut etiamsi non crederet sibi aliquid dari supra sortem, adhuc tamen mutuet, ait Div. Antonin. 2. part. tit. 1. cap. 7.

Dicitur 6. *Vi mutui*: quia si aliquid alio iusto titulo exigatur, non est usura, sed indemnizatio.

Quæres 4. *Quotuplex sit usura?*

Resp. Dividitur 1. in realem & mentalem.

Usura *realis*, est ea, quæ percipitur ex contractu mutui cum pacto explicito, vel implicito aliquid supra sortem accipiendi.

Quando pactum est explicitum, dicitur usura *aperta*, seu, *formalis*. Quando est implicitum, ut cum quis vendit supra pretium summum ob dilatam solutionem, dicitur usura *palliata*, seu, *implicita*, quia mutuum licet sub alio contractu.

Usura *mentalis*, est ea, quæ intenditur a mutuante, sed in pactum non deducitur: quod si recipiatur a mutuante, debet restitui, quia recepta est sine dubio.

Dividitur 2. *In usuram sortis*, quæ percipitur ex pecunia data. Et *usuram usuræ*, quæ percipitur ex lucro usurario. Hanc recipere, ex quovis titulo, sive lucri

cel-



cessantis, sive damni emergentis, prohibitum est, lib. 28. Cod. de usuris.

Quæres 7. Quo iure usura sit prohibita?

Resp. Est prohibita, 1. Iure naturali, quia usurarius vendit mutuuario quod suum non est, nempe usum juris rei mutuo datæ, qui, cum in rebus consumptibilibus non distinguatur a dominio ipsius rei, pertinet ad mutuatarium, qui est Dominus rei mutuatæ.

2. Iure divino, Lucæ 6. Benefacite, & mutuum date, nihil in æe sperantes. Quibus verbis prohiberi usuram definierunt Conc. Lateran. III & V.

3. Iure Canonico, cap. super eo, & cap. consuluis, tit. de usuris.

4. Iure Cesareo, ex D. Aug. Epist. ad Marcel. Quid dicam de usuris, inquit, quas etiam ipse leges & Iudices reddi iubens, ut male partas.

5. Iure Gallico, ex variis constitutionibus Regum Franciæ, inter quas unicam refero Henrici III. in comitiis Blesensibus: *Defendons a toutes personnes de quelque qualité & condition qu'elles soient, inquit, d'exercer usure, par eux, ou par gens interpoles.*

Ergo nec lex, aut, consuetudo patriæ, vel, conditio tueris potest usuram reddere licitam, quia est intrinsece mala, & a Deo indistincte prohibita.

Ergo nihil potest recipi supra sortem, nec propter carentiam pecunie; nec, propter obligationem non repetendi sortem ante certum tempus; nec, propter rationem pecunie presentis quæ datur, pro pecunia absente quæ est reddenda; nec, propter laborem in numeranda pecunia, nec, propter periculum commune & ordinarium: quia illa omnia sunt mutuo intrinseca. . . . item nihil recipi potest ultra sortem pro usu rei mutuatæ, quia pertinet ad mutuatarium. Nec pro utilitate quæ mutuatarius percipit ex musuo, quia non provenit ex pecunia, sed ex industria mutuatarii; ergo ad mutuatarium pertinet.

Quæres 6. Quot sint veri tituli, propter quos liceat aliquid recipere supra sortem?

Resp. Sunt duo tantum, scilicet, damnum emergens, & lucrum cessans: quia tunc mutuans nihil recipit vi mutui, sed iuste suam indemnitate exigit. . . . ad iustitiam horum titulorum requiritur. 1. Ut mutuum sit vera causa damni emergentis, aut lucri cessantis ex mutuo: 2. Ut mutuatarius moneatur de damno emergente aut lucro cessante, alias non consentiret in illorum compensationem. 3. Ut auctarium non sit majus damno orto ex mutuo, aut lucro sperato, deductis expensis faciendis, & periculis incurrendis. 4. Ut mutuans non egigat compensationem lucri cessantis statim mutuo dato: nec cogat mutuatarium ad aliquid solvendum pro damno probabiliter eventuro, si velit se obli-



obligare ad solvendum totum damnum quod reipsa contigerit, sic enim indemnizationem, ad quam solam tenetur, præstat.

Quæres 7. *Utrum liceat mutuum petere, vel accipere sub usuris?*

Resp. Non licet petere, quia nullo modo licet aliquem inducere ad peccandum. Licet tamen in gravi necessitate propria vel aliena accipere ab eo qui usuras exerceat, ait D. Thom. 4. 78. art. 4. si aliter haberi nequit, quia gravis necessitas est iusta causa non impediendi peccatum alienum.

Quæres 8. *Utrum heredes usurariorum teneantur restituere in solidum?*

Resp. Quilibet tenetur tantummodo pro sua parte iuxta vires hereditatis, rationi enim consentaneum est, ut qui tantummodo in parte commodum percipit, onus quoque in parte tantum sentiat.

§. IV. De Cambio.

Quæres 1. *Quid sit cambium?*

Resp. Est, permutatio pecunie pro pecunia cum lucro campforis.

Quæres 2. *Quomplex sit cambium?*

Resp. Duplex, *secum*, & *reale*.

*Cambium secum*, est mutuum nomine cambii velatum, ut cum datur pecunia, recipienda, non eo loco quo fingitur, sed eo quo datur, licet alio tempore: v. gr. Titius, lucri cupidus, negat Lugduni mutuum Mercutio qui pecunia indiget, sed offert cambium ea lege, ut illam cum lucro recipiat Parisius, quamvis sciat reddendam Lugduni post temporis lapsum.

Hoc cambium est verum mutuum nomine cambii velatum, in quo lucrum non exigitur nisi pro carentia pecunie ad certum tempus, & pro solutionis dilatione, quod est usurarium, & ideo a Pio V. reprobatur Bulla, *In eam pro nostro*.

*Cambium reale*, est illud, in quo revera pecunia præsens cum præsentem, vel præsens cum distante permutatur. Duplex est, *manuale*, nempe, & *locale*.

*Manuale*, seu, *minusum*, est de manu ad manum permutatio pecuniarum diversæ rationis, v. g. aureæ cum argentea, minoris cum majore, &c.

*Locale*, seu, *per litteras*, est permutatio pecunie præsentis cum distantem, v. g. cum campforius tempore pecuniam numerat Nanteji, ut recipiat a campfore litteras cambii, quantum ope eandem summam recipiat Parisiis.

Quæres 3. *Utrum cambium reale sit licitum?*

Resp. Est licitum, modo lucrum sit moderatum, & secundum leges aut consuetudinem locorum, vel compend. ex Charnes.



munem peritorum aestimationem. Lucrum enim non percipitur ratione pecuniae, sed ratione impensarum & laboris in conquirendis, coacervandis, & custodiendis variis speciebus monetarum, in cambio manuali: & in cambio locali, ratione oneris quod campfor suscipit proprio periculo monetas transferendi in eum locum, ubi campfarius his indiget, quae omnia sunt pretio aestimabilia.

*S. V. De Censibus, seu, redditibus annuis.*

Quaeres 1. Quid sit census?

Resp. Est, contractus, quo emitur jus percipiendi pensionem annuam ex re, personae aliena frugifera.

Quaeres 2. Quotuplex sit census?

Resp. Duplex, reservativus & consignativus.

Census reservativus, est ille quo quis alteris transfert rei suae dominium plenum, retento sibi jure pensionem aliquam percipiendi. De licitate hujus contractus nemo dubitat.

Census consignativus, est ille quo quis super bonis, personae sua consignat alteri pensionem annuam, sive in fructibus, sive in pecunia. Si fundetur super re fructifera, dicitur, *realis*. Si super persona, dicitur, *personalis*; si super re & persona simul, dicitur, *mixtus*, & ideo licet res pereat, persona semper manet obligata.

Quaeres 3. Quomodo dividitur census consignativus?

Resp. Dividitur in temporalem, & perpetuum.

Temporalis, est ille qui expirat aliquo tempore, vel certo, v. g. 20. annorum; vel incerto, v. g. ad vitam hominis, & dicitur, *vitalitius*.

Perpetuus est ille qui per se semper durat, estque vel redimibilis vel irredimibilis.

Quaeres 4. Utrum census consignativus realis sit licitus?

Resp. Affirm. Nam est amptio juris ad pensionem ex re aliena frugifera annuatim percipiendam: quod jus, utpote pretio aestimabile, potest emi.

Quaeres 5. Utrum census consignativus personalis sit licitus?

Resp. Affirm. Nam licitum est operam & industriam alterius conducere; ergo & emere jus ad fructus inde speratos.

Obijcies: Pius V. Bulla, cum onus, statuit, censum constitui nullo modo posse, nisi in re immobili, aut quae pro immobili habeatur ex sua natura fructifera; ergo &c.

Resp. Nego consequ. Quia Pius V. in dicta Bulla non explicat jus naturale aut divinum, qui sancit jus humanum; ergo non obligat nisi eos, apud quos est recepta; porro non est recepta in Gallia, Germania, Hispania, Lotharingia, Belgio, &c.

Que



Quæres 6. *Utrum census redimibilis sit licitus?*

*Resp.* Redimibilis ad nutum venditoris, est licitus, quia venditio fieri potest cum pacto retrovendendi. Contra redimibilis ad nutum emptoris, est usurarius: nam qui dat pecuniam cum pacto eam recipiendi cum lucro, proprie non emit, sed mutat ad usuram.

Quæres 7. *An census temporalis sit licitus?*

*Resp.* Si sit ad tempus determinatum, est usurarius, quia nihil aliud est quam mutuum cum lucro, sed ad tempus indeterminatum, est licitus, quia æqualis est fors vendentis & ementis.

Quæres 8. *Quot requirantur condiciones ad iusticiam census?*

*Resp.* Quinque. 1. Ut sit iustum pretium juxta taxam principis, vel si desit, juxta communem prudentium æstimationem. 2. Ut res, super qua constituitur census, sit in libera dispositione vendentis. 3. Ut res sit ita fructifera, ut jus ad fructus, quod emitur, adæquet pretium datum. 4. Ut cesset census obligatio vel in toto, vel in parte, dum res, supra quam census pure realis constitutus est, in toto, vel in parte perit aut sterilis evasit. 5. Ut in censu non apponatur poena commissi, quia poena est exorbitans. 6. Additur in Gallia, nempe, ut venditor possit perpetuo censum redimere, refundendo emptori pecuniam suam.

S. VI. De contractu Societatis.

Quæres 1. *Quid sit Societas?*

*Resp.* Est duorum, vel plurium conventio contribuenti aliquid ad commune lucrum & damnum, secundum proportionem rerum contributarum.

Quæres 2. *Quanam requirantur condiciones ad iusticiam societatis?*

*Resp.* Quatuor. 1. Ut negotiatio sit licita. 2. Ut pecunia vere & realiter ponatur ad aliquam negotiationem quæ nata est ferre fructum, alias esset simplex mutuum. 3. Ut lucrum & damnum sociis sint communia, pro rata parte quam quilibet in societatem contulit. 4. Ut pecunia collata subiaceat periculo conferentis, ipsi peritura, si eam perire contingat.

Quæres 3. *Utrum contractus triplex sit licitus? seu contractus quo pecuniam in societatem conferens, pactiscitur cum altero socio, ut, quidquid contigerit, sibi fors sua integra reddatur, cum certo lucro, sed minore eo quod probabiliter sperare potuisset?*

*Resp.* Est usurarius, & ut talis damnatur a Sixto V. Bulla, *detestabilis*. Et a facultate Parisiensi, ann. 1664. Ratio est, quia contractus societatis, cui accedit affectio fortis, destruitur, degeneratque in mutuum, cum pecunia sic affectuata transeat in dominium affectuantis,



quia de ea pro libitu disponere potest; certum est autem nullum lucrum reportari posse ex mutuo; ergo.

*Obijciat*: Licet cum diversis personis sunt tres contractus; ergo & cum eadem.

*Resp. Nego conseq.* Disparitas est, quod societas vitium contractuum degeneret in mutuum, quando fit cum eadem persona, non autem quando fit cum diversa.

*Quæres 4.* Utrum contractus societatis possit addi contractus emptionis lueri incerti majoris, pro lucro certo minore?

*Resp. Affirm.* Quia spes lueri est pretio æstimabilis; ergo potest vendi. Modo tamen capitale non assecuretur a socio, nam est de essentia societatis, ut conferens pecuniam, vel alias res in societatem rei a se collatæ subeat periculum, nam per illud solum onus, res de re sterilis, potest esse fructifera, ut probat D. Thom. 2. 78. art. 2. ad 5.

## CAPUT IV.

### De injuria & restitutione in genere.

*Quæres 1.* **Q**uid sit injuria?

*Resp.* Est, voluntaria juri alieni violatio absque causa legitima. Hinc non committit injuriam qui a furibundo aufert gladium.

*Quæres 2.* Quid sit restitutio?

*Resp.* Est, actus justitiæ commutative, quo res alterius redditur, aut damnum ei illatum reparatur.

*Quæres 3.* Utrum restitutio sit necessaria ad salutem?

*Resp.* Necessaria est in re vel in voto, jus enim naturale vetat ne res aliena detineatur, invito rationabiliter domino: Quod tibi fieri non vis, alteri ne feceris. Unde D. August. Epist. 54. ad Macedonium, ait: Non dimittitur peccatum, nisi restituatur ablatum; sed, ut dixi, cum restitui potest. Cum enim quis restituere non potest, sufficit ad salutem, ut sincerum habeat propositum restituendi, cum poterit: quare dixi, in re, vel in voto.

*Quæres 4.* Utrum præceptum restitutionis sit affirmativum, aut negativum?

*Resp.* Est primario negativum, & secundario affirmativum: primario enim prohibet ne retineatur alienum, & ex consequenti jubet ut restituatur.

*Quæres 5.* Quot sint radices restitutionis?

*Resp.* Sunt tres, nempe, injusta acceptio, injusta detentio, & injusta damnificatio.

*Quæres 6.* Ex qua culpa nascitur obligatio restitutionis?

*Resp.* Ex omni & sola culpa theologica; quia obligatio restitutionis nascitur ex injuria formali; argui omnis & sola culpa theologica, est injuria formalis; ergo, &c. [Porta]



Porro qui ex culpa veniali grave damnum intulit, non tenetur illud reparare ex toto, sed sufficit, si illius partem refarciat pro quantitate culpæ, iudicio viri prudentis.

Quæres 7. Quot sint circumstantiæ restitutionis?

Resp. Sunt novem, hoc disichio comprehensæ:

Quis, quid restituat, quantum, cui, quomodo, quando, Quo ordine, quove loco, quæ causa excuset iniquum.

Quæres 8. Quis, quid, & quantum restituere debeas?

Resp. 1. Tenetur restituere omnis, qui alienum possidet, sive bona fide, sive mala possideat, cum hac differentia, quod possessor bone fidei teneatur tantum restituere rem alienam, & omnes fructus rei naturales, civiles, & mixtos qua parte sunt naturales, si extent; quod si non extent, tenetur tantum restituere id in quo factus est ditior. Econtra possessor male fidei 1. tenetur restituere rem & omnes fructus rei naturales, civiles, & mixtos qua parte sunt naturales, sive extent, sive non extent, quia ipsos consumpsit mala fide; 2. tenetur compensare omne damnum emergens & lucrum inde cessans domino, quia fuit causa iniusta utriusque.

Resp. 2. Tenetur restituere omnis qui sua [cooperatio]ne fuit causa damni efficax, sive physica, sive moralis.

Quæres 9. Quot sint modi quibus aliquis potest cooperari damno alterius?

Resp. Sex numerantur positivi, & tres negativi, his versibus comprehensæ:

Jussio, consilium, consensus, palpo, recursus,

Participans, mutus, non obstans, non manifestans.

De his causis consule nostrum Tom. II. de restit. quest. 3. hic tantummodo, nota, quod per mutuum, non obstantem, non manifestantem, intelligitur is qui ex officio, ut pacto, teneatur clamare, testari, & tacet; obistere, & non obstat; manifestare, & non manifestat. Hinc, qui ex charitate tantum tenetur impedire damnum proximi, & non impedit, non tenetur ad restitutionem, quia peccat solum contra charitatem.

Quæres 10. An omnes cooperatores in solidum restituere teneantur?

Resp. Tenentur in solidum pro ratione influxus in damnum.

Quæres 11. An cooperatores æqualiter teneantur restituere?

Resp. Si æqualiter concurrerunt ad damnum, ut duo mandantes, æqualiter tenentur restituere; si inæqualiter, ut cum unus mandat, alius consultat, alter exequitur, tunc inæqualiter restituere tenentur.

Quæres 12. Quis ordo servandus est inter eos qui inæqualiter restituere tenentur in solidum?

Resp. Sequens statuitur; nempe, 1. loco; & ante omnes, tenetur restituere qui rem alienam detinet, vel qui eam



eam consumpsit mala fide; quod si bona fide consumperit, ad nihil tenetur, nisi in quantum factus est di-  
tior... 2. *loco*, mandans, quia est causa principalis  
damni... 3. *loco*, executor & participans in actione  
damnifica, quia est principalis causa damni post impe-  
rantem... 4. *loco*, tenentur ceterae causae positivae in  
eodem ordine inter se, quia eodem modo in damni-  
ficationem influunt... 5. *loco*, tenentur cooperantes  
negative.

Quæres 13. *Cui sis restituendum?*

*Resp.* Et qui habet jus possidendi, etsi non sit domi-  
nus rei, tales sunt depositarius, commodatarius, &c.  
hinc domino rei, non furi, est restituendum, quia fur  
non habet jus possidendi.

Quæres 14. *Quomodo sit restituendum, & quando?*

*Resp.* Restitutio debet fieri ad æqualitatem, & statim,  
quantum moraliter fieri potest, quia præceptum restitu-  
tionis est primario negativum, & sic obligat semper, &  
pro semper.

Quæres 15. *Quem ordinem servare debet inter credito-  
res, qui omnibus satisfacere est impar?*

*Resp.* 1. Creditoribus certis prius solvendum est, quam  
incertis; 2. hypothecariis, quam chirographariis; 3. in-  
ter creditores hypothecarios prius solvendum est iis qui  
tempore sunt priores, quia sunt potiores jure; 4. singu-  
lis creditoribus chirographariis, seu personalibus, satis-  
faciendum est pro rata, sive sint priores, sive postero-  
res, quia inter eos nulla lex constituit prælationem.

Quæres 16. *Quo loco, seu, cujus impressis restitutio  
fieri debet?*

*Resp.* Si restitutio fieri debeat ratione rei acceptæ,  
debet fieri in loco ubi est res quæ debetur, nec tenetur  
debitor expensis suis, sed expensis domini, illam mitte-  
re ad dominum. Si vero fieri debeat ratione injustæ ac-  
ceptionis, detentionis, & damnificationis, debet fieri  
impensis debitoris, idque in loco ubi dominus rem il-  
lam possessurus erat, si ablata, vel destructa non fuisset.

Quæres 17. *Quanam cause excusant a restitutione?*

*Resp.* Excusat 1. *Impotentia physica & moralis*, quia  
tunc dominus non censetur rationabiliter invitus. 2.  
*Remisso libera creditoris*, quia potest dare quod suum  
est. Econtra non excusat *cessio honorum*, quia per eam  
solum suspenditur obligatio restitutionis, nec *ingressus  
in religionem*, quia restitutio est juris naturalis.



## CAPUT V.

## De injuria &amp; restitutione in particulari .

Quæres : **Q**uotuplicis generis sint bona in quibus proximo noceri potest ?

*Resp.* Sunt triplicis ; nempe , bona corporis , famæ , & fortunæ . De quibus fit

## S. I. De injuria in bonis corporis , &amp; restitutionis .

Quæres 1. Quotuplici modo homo injuriari potest in corpore ?

*Resp.* Duplici , nempe , 1. Per homicidium & mutilationem ; 2. per stuprum & adulterium .

Quæres 2. Utrum liceat malefactores occidere ?

*Resp.* 1. Licet auctoritate publica ; nam , *Exod.* 21. dicitur : *Maleficos non passeris vivere* . Ratio est , quia Respublica potest abscindere membra putrida ob suam incolumitatem .

*Resp.* 2. Numquam licet auctoritate privata , nisi ob propriæ vitæ defensionem ; quia Deus hanc privatis non dedit potestatem .

Dixi , *Nisi ob propriæ vitæ defensionem* ; quia injustum vitæ invasorem licet occidere ; nam , *omnia jura & omnes leges permittunt vim vi repellere* , ait Innoc. III. cap. 18. de homicidio ; modo tamen servetur moderamen insulpatæ tutelæ , ad quod requiritur , 1. ut invasus non mortem invasoris , sed solam sui conservationem intendat , 2. Ut alio modo conservare non possit vitam propriam . 3. Ut sit actualis aggressio . 4. Ut invasus in defensione non excedat : unde qui vitam tuam potest percutiendo , non potest mutilare , qui mutilando , non potest occidere , alias teneretur restituere pro ratione excessus .

Ergo non licet occidere 1. invasorem honoris & famæ , quæ sunt bona longe inferioris ordinis , quam vita & membrorum integritas . 2. Nec invasorem pudicitie , quia , cum sit virtus in animo residens , a violento stupratore eripi nec ipsa potest , ait D. August. lib. 1. de lib. arb. cap. 5. . . . 3. Nec invasorem bonorum fortunæ , quia longe inferioris sunt ordinis quam vita . Hinc , *Exod.* 22. expresse prohibetur ne fur duras occidatur ; quia , ut notat D. Aug. cap. 3. de homic. *poseras discerni quod ad furandum , non ad occidendum , venisset* .

Quæres 3. Quid restituere debeat injustus homicida aut mutilator ?

*Resp.* Debet restituere 1. expensas factas in curatione vulneris , vel morbi inde secuti . 2. Compensare omne damnum emergens & lucrum cessans , ex industria , of-



ficio, arte, &c. 3. Restituere uxori & filiis, quos occisus alebat ex operis & quæstu. 4. Solvere debita occisi vel mutilati, si occisio vel mutilatio causa sit cur credituribus non fiat soluta. Ratio est, quia horum est causa iniusta.

Quæres 4. Quid restituere debeas stuprator virginis?

Resp. 1. Qui virginem sponte consentientem, absque vi, fraude, importunitate precum defloravit, nihil tenetur restituere in conscientia, quia illi non est facta injuria. . . . 2. Qui vi, fraude, importunitate precum eam defloravit, tenetur compensare omnia damna virginis & ejus parentibus inde obvenientia; quia illorum est causa per injuriam; 3. Qui defloravit sub promissione matrimonii, tenetur eam ducere; *excipe*, 1. Si corrupta, se fingendo virginem, nobilem, divitem, decipisset corruptorem. 2. Si postea fornicetur cum alio. 3. Si fictam esse promissionem potuerit, ex magna conditionis dispartitate, deprehendere, quia tunc non est rationabiliter invita, modo damnum aliunde reparetur. 5. Si corruptori superveniat impedimentum dirimeas, in quo Papa non solet dispensare: v. gr. suscepit sacros Ordines.

Quæres 5. Ad quid tenetur adulter?

Resp. Si non sit secuta proles, ad nihil tenetur, quia nullum damnum est secutum. . . . Si vero sit secuta proles, tenetur 1. alimenta subministrare proli ab anno tertio ad tempus quo sibi de alimentis providere poterit: imo ab ipso partu in defectum matris, quæ primo Triennio tenetur alere filium Nothum. 2. Compensare omnia damna quæ marito adulteræ, uti & legitimis hæredibus, ex suppositione spurii consequuntur; quia eorum fuit causa. . . . Si dubium sit an proles sit sua, tenetur restituere pro rata dubii, quia in dubio præsumptio est contra nocentem.

Quæres 6. Ad quid tenetur adultera, prole secuta?

Resp. 1. Si suis simpliciter invita, ad nihil tenetur, 2. Si suis secundum quid invita, tenetur restituere in defectum adulteri. 3. Si libere consensit, æqualiter cum adultero tenetur restituere, sive ex bonis paraphernalibus; sive rem familiarem diligentius administrando, & alio quovis modo possibili & licito.

§. II. De injuriis in fama & honore, & eorum restitutione.

Quæres 1. Quid sit fama?

Resp. Est, *inopina existimatio de alicujus excellentia*. Læditur per detractionem, calumniam, judicium temerarium, & susurrationem.

Quæres 2. Quid sit honor?

Resp. Est, *extrema significatio excellentiæ alterius*. Læditur per contumeliam & irrisionem.

Quæ-



Quæres 3. Quid sint detractio & calumnia?

Resp. Detractio est, *injusta & occulta fame alienæ denigratio*. Calumnia vero est, *falsi criminis vel defectus impositio*.

Quæres 4. Quot modis fieri possit detractio?

Resp. Octo modis, quos exprimentur versus sequentes:

*Impoens, augens, manifestans, in mala versans,*

*Qui negat, aut minuit, reticet, laudare remitte.*

Quæres 5. Quale sint peccatum detractio & calumnia?

Resp. Sunt peccatum mortale ex genere suo. Gravitatis utriusque desumi debet ex circumstantia defectus, aut vitii quod narratur, relative ad personam læsam.

Quæres 6. Quenam sint iuste cause quæ detrahentem a peccato excusant?

Resp. Sunt duæ, scilicet, *justitia*, dum quis ex officio suo tenetur manifestare delictum. Et *charitas*, dum quis aliter non potest impedire damnum sibi vel proximo impendens, quia tunc detractio non est inordinata & injusta.

Quæres 7. Quis tenetur ad restitutionem fame?

Resp. Omnis & solus qui eam abstulit, & ejus cooperatores, ut sunt, mandans, consulens, non obstands, cum tenetur ex officio obitare, &c. Quia illi soli, per injuriam, famam violarunt.

Quæres 8. Quid restituere teneatur detractor?

Resp. Tenetur, quamprimum fieri potest. 1. Restituere famam ablatam, etiam per retractionem, & cum periculo famæ & fortunæ. 2. Resarcire damna ex detractioe orta, cum illorum sit causa injusta.

Quæres 9. Quando nam detractor non tenetur ad restitutionem fame?

Resp. Non tenetur 1. Quando infamatus condonavit, modo infamia non redundet in alios. 2. Quando duæ personæ privatæ sese mutuo infamarunt, quia tunc est iusta compensatio. 3. Quando fama est aliunde reparata, v. gr. per sententiam judicis. 4. Quando infamia penitus abiit in oblivionem. 5. Quando crimen factum est publicum. 6. Quando restitutio est impossibilis, in qua tamen casu detractor tenetur pecunia, vel alio modo damnum compensare. 7. Quando nulla ex detractioe secuta est infamia.

Quæres 10. Quid sit judicium temerarium, & quale peccatum?

Resp. Est, *assensus absolutus & firmus de proximi improbitate ex levibus & insufficientibus indicis oritur*. Est peccatum mortale ex genere suo, quia ex levi, aut nulla causa auferit proximo bonam, quam apud judicantem possidebat, existimationem, quod est magna injuria; quare Christus, Luc. 6. dicit, *Nolite judicare, & non judicabimini*.



Quæres 11. *Quid requiratur ut tollatur injuria illata per judicium temerarium?*

Resp. Sufficit ut qui judicium temerarie tulit, illud apud semetipsum deponat.

Quæres 12. *Quid sit contumelia, & quale peccatum?*

Resp. Est, *injusta & aperta honoris alieni violentia*. Aperta, id est, scienti & presenti facta. Est peccatum mortale ex genere suo, & quidem gravius detractioe, cum fiat coram & in faciem. Obligat ad restitutionem, & quidem ad veniæ petitionem, si opus fuerit, spectata conditione personæ.

Quæres 13. *Quid sit derisio, & quale peccatum?*

Resp. Est, *jocus de proximi defectibus ut rubore afficiatur*. Est peccatum veniale ex genere suo, quia de se gravem proximo non infert injuriam. . . Dixi: *Ex genere suo*: quandoque enim transfertur in aliam foeciem peccati mortalis, v. gr. si irrideantur Deus, sancti, cæremoniæ sacræ, parentes, item & proximus de virtutis cultu.

### §. III. De injuriis in bonis fortune & earum restitutione.

Quæres 1. *Quomodo quis possit in bonis fortune laedi?*

Resp. Per furtum, & rapinam.

Quæres 2. *Quid sit furtum?*

Resp. Est, *occulta rei alienæ ablatio, invito rationabiliter Domino*. Si res ablata, sit sacra, vel in loco sacro, furtum dicitur, *sacrilegium*. Si pertineat ad fiscum, dicitur, *peculatus*. Si sit homo, dicitur *abigeatus*.

Quæres 3. *Quid sit rapina?*

Resp. Est, *manifesta rei alienæ ablatio, invito rationabiliter Domino*. Unde rei sunt rapinæ, qui decimas, mercedem operariorum, vectigalia & justa tributa, defraudant. Qui ad usuram dant. Qui cogunt ad contractus inæquales ineundos. Qui, stipendio sibi publice assignato non contenti, plus aliquid exigunt. Qui fore cedunt, &c.

Quæres 4. *Quodnam sit peccatum furtum & rapina?*

Resp. Est mortale ex genere suo, nam ex Apost. 1. Cor. 6. *Neque fures, neque rapaces regnum Dei possidebunt*.

Quæres 5. *Quenam quantitas requiratur ad furtum mortale?*

Resp. Requiritur ea, quæ, spectatis omnibus, grave damnum infert, privatque notabili utilitate, unde non eadem quantitas in omnibus furtis statui potest pro materia mortifera.

Quæres 6. *Utrum mortaliter peccat, qui, cum intentione furandi notabilem quantitatem, medicum quid ab uno vel pluribus furatur?*

Resp.



**Resp.** Peccat mortaliter toties quoties minutum quid furripit: quia illa minuta furta fiunt ex affectu peccati mortalis; ergo.

**Quæres 7.** *Utrum is, qui, sine intentione furandi magnam quantitatem, plura minuta furatur ab uno, vel pluribus, peccet mortaliter?*

**Resp.** Peccat mortaliter, non quocumque actu, sed eo demum, in quo advertit, saltem confuse, se ad quantitatem notabilem pervenisse. Quia tunc vult & ponit complementum damni notabilis proximi. Unde tenetur ad restitutionem sub mortali, ut definit Innoc. XI. prop. 38.

**Quæres 8.** *An liceat uti occulta compensatione ad rem suam, aut sibi debitam, recuperantam?*

**Resp.** Licitum est, quia jure naturali quilibet potest se indemnem servare: modo tamen concurrant sex conditiones. 1. Quod rem suam non possit auctoritate publica obtinere. 2. Quod debitum ex iustitia sit certum. 3. Quod caveatur ne debitor aut ejus hæredes iterum solvant. 4. Quod absit omne periculum scandali, vel damni alicujus tertii, qui de furto posset accusari. 5. Quod compensatio fiat ex bonis debitoris. 6. Ut famuli, & officiales iustitiæ non utantur tali compensatione, eo prætextu, quod pretium minus iusto accipiant, quia tenentur stare conventioni, Matth. 24. *Non facio tibi injuriam, nonne ex denario convenisti mecum?* contrariam prop. damnavit Innoc. XI. prop. 37.

**Quæres 9.** *Utrum liceat in necessitate consituto aliena surripere?*

**Resp.** Licet in extrema necessitate, quia tunc omnia sunt communia; non licet in gravi, ut definit Innoc. XI. prop. 36, quia in ea, bona non sunt communia. Porro, si, post transactam extremam necessitatem, res ablata extet in specie, debet restitui, quia cessat jus ex necessitate ortum. Si non extet, nihil tenetur restituere, quia durante necessitate, in eam verum habuit dominium.



## TRACTATUS XVI.

## De Peccatis.

## ARTICULUS I.

## De Peccatis in communi.

Quæres 1. *Quid sit peccatum?*

*Resp.* Definitur a Div. August. lib. 22. contra Faustum, cap. 27. *Distum factum, vel concupisum contra legem eternam.* Hæc definitio convenit omni peccato, tum omissionis, quia in moralibus affirmatio & negatio ad idem genus reducuntur, tum originali, quia est factum, non quidem voluntate propria, sed voluntate aliena, nempe, Adami, quæ non erat solum voluntas privatæ personæ, sed etiam communis omnium hominum, quorum Adami erat caput. Tum peccato veniali, quia licet non sit contra finem legis, qui est charitas, est tamen contra legem secundum se spectatam.

Quæres 2. *Unde peccatorum distinctio specifica desumenda sit?*

*Resp.* Desumitur 1. ex diverso motivo quo eadem res præcipitur, quia tunc duplex est objectum formale diversum; sic qui non observat jejunium præceptum ab Ecclesia ex motivo religionis, & injunctum a Confessario ex motivo poenitentiae, duplex specie peccatum committit. . . . Desumitur 2. ex objecto formali, sine, & circumstantiis habentibus malitiam specie diversam, quia ab eis actus moralis desumit malitiam moralem.

Quæres 3. *Quandonam actus moralis ex objecto, sine, & circumstantiis contrahit malitiam specie diversam?*

*Resp.* Contrahit 1. Quando diversis virtutibus est oppositus, sic percussio Clerici opponitur iustitiæ & religionis, 2. Quando opponitur diversis ejusdem virtutis officiis, ut odium Dei, & omisso actus charitatis, 3. Quando opponitur eidem virtuti modo contrario, ut avaritia & prodigalitas. Vel modo diverso, licet non contrario, sic furtum, detractio, homicidium, &c. opponuntur virtuti iustitiæ.

Quæres 4. *Unde desumatur distinctio peccatorum numerica?*

*Resp.* Desumitur 1. Ex objecto materiali, unde quando unus physice actus versatur circa plura objecta materialia, quæ se habeant per modum plurium, plura complectitur peccata; quia plures habet malitias. Sic qui duos homines odit, duos occidit, de duobus detrahit, duo



duo peccata numero committit. 2. *Ex complemento plurimum actuum circa idem objectum*; sic qui omnino successive bis se polluit, bis fornicatur, duo committit peccata numero distincta; e contra qui ex intentione fornicandi, puellam impudice respicit, osculatur, tangit, & tandem fornicatur, unum numero peccatum committit, tanto gravius tamen, quanto plura concurrunt, ait Div. Anton. quia omnes illi actus ordinantur ad actum principalem, cujus sunt inchoationes. 3. *Ex morali interruptione quæ in pluribus ejusdem speciei actibus reperitur*, qui per moralem interruptionem actus humani multiplicentur moraliter. Sic qui visa puella eam impudice concupiscit, & postea a tali concupiscentia se divertit, ut alia cogitet, vel peccati poenitens hanc delectationem abjicit, vel etiam voluntarie ab actu cessat, v. gr. per somnum, statimque ad priorem delectationem revertitur, duo peccata committit.

Quæres 5. *Utrum omnia peccata sint inter se connexa?*

Resp. Negat. Quia privatio honestatis unius virtutis, non est connexa cum privatione honestatis alterius virtutis: nam qui violat iustitiam, non violat misericordiam.

Quæres 6. *An omnia peccata sint inter se equalia?*

Resp. Negat. Nam peccatum est majus vel minus pro majori vel minori rectitudine qua privat, unde Christus dixit Pilato: *Qui me tradidit tibi, majus peccatum habet.* Joan. 19.

Quæres 7. *Quinam sint peccatorum effectus?*

Resp. Sunt duo, scilicet reatus culpæ & poenæ. *Prior*, nihil aliud est quam peccatum habituale, id est, macula qua anima peccans inficitur. *Posterior*, est obligatio ad poenam. Utrumque existere fides docet, Matth. 5. *Qui dixerit fratri suo, fatue, reus eris Gehenne ignis.* Et Hier. 2. *Maculata est in iniquitate tua coram me.*

Quæres 8. *Quotuplex sit peccatum?*

Resp. Duplex, nempe, *originale*, quod aliena voluntate commissum, per viam generationis traducitur. Et *personale*, quod propria voluntate peccantis committitur, & duplex est, *actuale*, & *habituale*.

Quæres 9. *Quotuplex sit peccatum actuale?*

Resp. 1. Dividitur, *ratione præcepti*, in peccatum *commissionis*, quo præceptum negativum transgreditur. Et peccatum *omissionis*, quo præceptum affirmativum transgreditur; ut omissio sacri die festo.

2. Dividitur, *ratione causæ*, in peccatum *ignorantiæ*, quod ab ignorantia culpabili antecedente, voluntarium minuyente, tanquam a causa per accidens, procedit. *Infirmis*, quod procedit a passione antecedente, voluntatem ad consensum trahente; & *malitia*, quod ex plena voluntate & libertate, absque ignorantia vel passione sensitiva antecesserit incitante, committitur.

3. Di-



3. Dividitur, *ratione modi*, in peccatum *cordis*, quod ex natura sua in corde consummatur, ut odium; peccatum *oris*, quod ore perpetratur, ut perjurium; & peccatum *operis*, quod opere externo perficitur, ut adulterium.

4. Dividitur, *ratione objecti*, in peccatum contra Deum, quod specialiter opponitur reverentiae Deo debitae. *Contra proximum*, quod proximo nocumentum affert. Et *contra seipsum*, quo violatur ordo rationis, quem homo servare debet erga seipsum, pro recta sui ipsius gubernatione, ut ebrietas.

5. Dividitur, *ratione effectus*, in *mortale*, quod mortem animae infert. Et *veniale*, quod leviter Deum offendit, nec mortem animae infert.

6. Tandem dividitur, in *capitale*, quod non solum est peccatum per se, sed & aliorum peccatorum radix & causa impulsiva. Et *non capitale*, quod ita est peccatum, ut non sit radix aliorum peccatorum.

## ARTICULUS II.

### De Peccatis in particulari.

#### §. I. De Peccato commissionis & omissionis.

Quæres 1. **U**trum actus bonus, vel indifferens, qui cum omissione culpabilis est conjunctus, & impossibilis cum observantia præcepti, sit peccatum?

Resp. Est peccatum, si sit omissionis causa, vel occasio, ut si quis omitat sacrum ut studeat vel ludat, quia contrahit malitiam omissionis. Si vero tantum concomitantur se habeat ad omissionem, non est peccatum, quia non influit in omissionem.

Quæres 2. *Utrum qui scienter, vel ex ignorantia culpabilis, ponit causam omissionis, vel se ipsius morali periculo exponit, eo ipso malitiam omissionis contrahat?*

Resp. Affirm. Quia vult saltem indirecte & interpretative ipsam omissionem.

Quæres 3. *Utrum ommissio culpabilis in causa, sit etiam culpabilis in se, eo tempore quo omittitur præceptum, etiam si tunc homo non sit sui compos?*

Resp. Affirm. Quia ut aliquid sit in se formaliter peccatum, sufficit quod indirecte & in sua causa sit voluntarium. Hinc poenitens tenetur aperire in confessione, non tantum omissionis causam, sed etiam ipsam omissionem actualem, quia cum posita fuit causa, fuit peccatum omissionis quoad actum; cum vero, instante obligatione præcepti, omisus fuit actus debitus, fuit peccatum omissionis quoad effectum.



## §. II. De peccatis ignorantie, infirmitatis, &amp; malitie.

Quæres 1. *Utrum dentur peccata infirmitatis?*

*Resp. Affirm.* Quia peccare possumus ex passione antecedente, voluntatem ad consensum trahente. Rom. 7. *Cum essemus in carne, passionibus peccatorum operabatur in membris nostris, ut fructificarent moris.*

Quæres 2. *An dentur peccata malitie?*

*Resp. Affirm.* Nam dantur peccata, quæ quis, nulla passione illectus, scienter & libere committit. De illis Job 34. dicit; *Quasi de industria recesserunt ab eo (Deo).* Tale est peccatum ex habitu, quem peccans emendare non curat, ut docet D. Thom. 1. 2. q. 78. art. 2.

Quæres 3. *Utrum dentur peccata ignorantie?*

*Resp.* Dantur, ut fides docet, juxta illud Ps. 24. *De fictis juvenutis mea, & ignorantias meas ne memineris.* Unde, *Levit. 5.* præscribitur ritus sacrificii Deo pro peccatis ignorantie offerendi.

*Obijcies:* Ille non peccat, qui non agit contra conscientiam; sed qui ignorat actionem suam esse contra legem, non agit contra conscientiam; ergo &c.

*Resp. Nego maj.* Ut enim is, qui agit contra legem, immunis sit a peccato, non sufficit quod non agat contra conscientiam, sed insuper requiritur, ut invincibiliter ignoret actionem suam esse contra legem, alias error erit vincibilis, & consequenter culpabilis.

Ergo ad peccandum formaliter necessaria non est actualis cogitatio malitiæ actionis, vel actuale de ea dubium; sed sufficit quod peccans possit & debeat advertere; tunc enim est voluntarium interpretativum, quod, juxta omnes, ad peccatum formale sufficit.

## §. III. De peccatis oris, &amp; cordis.

Quæres 1. *Quenam sint præcipua peccata oris & cordis?*

*Resp.* Sunt mendacium, & delectatio morosa.

Quæres 2. *Quid sit mendacium?*

*Resp.* Est, locutio, aut quolibet significatio contra mentem, cum intentione fallendi. Unde non tantum verbis, sed etiam nutu, gestu, & facto potest quis mentiri.

Quæres 3. *Quoruplex sit mendacium?*

*Resp.* Triplex, nempe, officiosum, quod profertur alienæ utilitatis causa; iocosum, quod profertur voluptatis præcipue, vel alienæ causa; & perniciosum, quod proximo vel religioni nocumentum infert.

Quæres 4. *Utrum omne mendacium sit peccatum?*

*Resp.* Est peccatum, quia est intrinsece malum, & contra dictamen rationis, cum hac tamen differentia, quod



Quod mendasium perniciosum, sit mortale ex genere suo, cum opponatur charitati & iustitiæ erga proximum; iocosum autem, & officiosum, sint tantum venialia, quia, licet aduersentur veritati, leviter tantum aduersantur charitati.

Quæres 5. Quid sint *equivocatio & restrictio mentalis*?

Resp. Equivocatio seu amphibologia, est sermo ambiguus, habens duplicem sensum, quem proferens prævidet ab audiente accipiendum in alio sensu quam ipse intelligit... Restrictio mentalis est, externæ locutionis interna limitatio subaudita... Si sensus a loquente intentus, neque ex modo loquendi, neque ex signis aut circumstantiis, neque ex usu communi, possit deprehendi ab audiente, dicitur *pure mentalis*; si possit ex illis deprehendi, est *late mentalis*.

Quæres 6. Utrum *equivocatio & restrictio mentalis sint mendacia*?

Resp. 1. Si sint pure mentales, sunt mendacia: nam I. D. Aug. lib. de mendacio, cap. 3. dicit: Ille mentitur, qui aliud habet in animo, & aliud verbis: 2. Talis loquitur contra mentem, & proximum decipit: unde Innoc. XI. damnavit prop. contrariam nostræ doctrinæ.

Resp. 2. Si sint late mentales, non sunt mendacia; quia qui eis utitur, nec contra mentem loquitur, nec decipit proximum, eum verum sensum percipere possit & debeat. Hinc ex gravi & iusta causa uti licet restrictione late mentali.

Quæres 7. Quid sit *delectatio morosa*?

Resp. Est, actus voluntatis sibi complacentis in malo, vel displicentis in bono, absque intentione mali exequendi. Dicitur, *morosa*, non a mora temporis, sed a mora voluntatis, quæ, post turpis delectationis advertentiam, eam non repellit, ut potest & debet.

Quæres 8. Utrum consensus in delectationem morosam, sit peccatum?

Resp. 1. Consensus formalis, aut virtualis in delectationem de aliqua re mortaliter mala, est peccatum mortale, ut constat apud omnes.

Resp. 2. Consensus negativus, quo quis, post sufficientem advertentiam, non reprimat delectationem circa illicita, sed mere negative se habet, neque consentiendo, neque dissentiendo, sufficit ad peccatum mortale. 1. Quando imminet periculum consensus positivi & formalis in delectationem, quia se exponit probabili periculo peccati mortalis. 2. Quando etiam abest tale periculum, quia potest & debet repelli, nisi iusta causa excuset; ergo, si non repellatur, erit interpretative voluntaria & peccaminosa.

Dixi, Nisi iusta causa excuset; quia resistere concupiscentiis, est præceptum affirmativum; ergo non obligat semper & pro semper; ergo potest dari aliqua cau-



sa iusta, propter quam non sit peccatum voluntatem  
*more negativo* se habere ad eiusmodi delectationes, qua-  
 lis est probabilis timor, ne ex maiori resistentia delecta-  
 tio augeatur, vel dimissio actionis honestæ necessariæ,  
 vel utilis.

Quæres 9. Qualis sit delectatio morosa?

Resp. Talis est, quale est ejus objectum. Si objectum  
 non sit illicitum, non est illicita; si sit mortaliter aut  
 venialiter malum, est mortaliter aut venialiter mala:  
 quia affectus erga aliquam rem specificatur ab ipsa re,  
 quæ est ejus objectum.

Ergo delectatio de sola cognitione rei, vel de modo  
 ridiculo & miro quo res peracta est, non est peccatum,  
 quia ejus objectum non est malum.

Ergo delectatio de actu intrinsece malo, per acci-  
 dens extra culpam commissio, est peccatum: quia est de subje-  
 cto graviter ex se illicito. Unde Innoc. XI. hanc prop.  
 damnavit: *Licetum est filio gaudere de parricidio a se  
 in ebrietate perpetrato, propter ingentes divitias inde  
 in hereditate consecutas.*

Ergo delectatio venerea quam percipit viduus de copu-  
 la præterita, sponsus de copula futura, conjugatus de  
 præterita vel futura in absentia compartis, est peccatum  
 mortale; quia effusio seminis est ipsis hic & nunc mor-  
 talis; ergo & delectatio venerea, quæ ex natura sua or-  
 dinatur ad seminis effusionem.

Ergo delectatio spiritualis (id est, quæ in sola vo-  
 luntate residet, nec sentitur circa partes venereas) quam  
 percipit viduus de copula præterita, sponsus de futura,  
 est per se mortalis, quia, ut sic, sunt constituti extra  
 matrimonium, in quo solo licita est copula carnalis.

Ergo delectatio spiritualis quam alter conjugum per-  
 cipit ex copula matrimoniali cogitata ut præsentem in ab-  
 sentia compartis, non est per se peccatum mortale; quia  
 copula matrimonialis illi pro tali tempore est licita,  
 quamvis per acci-  
 dens non possit exerceri; ergo licita  
 quoque est delectatio spiritualis de illius cogitatione.

Quæres 10. An liceat delectari de re moraliter mala,  
 sub hac conditione si non esset mala, aut prohibita?

Resp. Non licet, si res sit intrinsece mala, quia nul-  
 la conditio apposta potest ejus malitiam tollere. Econ-  
 tra, licet, si res sit tantum mala, quia est prohibita,  
 quia conditio apposta malitiam tollit ab objecto ut re-  
 præsentatur. Hinc peccat, qui dicit: *Vellem fornicari,  
 si non esset malum*: non peccat vero qui dicit: *Vellem  
 comedere carnes, nisi esset sejunium.*

Quæres 11. An liceat delectari de bono effectu ex pec-  
 cato secuso?

Resp. Licet, quia objectum talis gaudii non est malum.



## §. IV. De Peccato mortali &amp; veniali.

Quæres 1. *Utrum dentur peccata mortalia?*

Resp. Affirm. Nam datur peccatum quod mortem animæ affert, Rom. 1. *Qui talia agunt, digni sunt morte.*

Quæres 1. *Utrum malitia peccati mortalis, prout est offensa Dei, sit infinita?*

Resp. Est infinita secundum quid, objective, & extrinsece: quia offendit Deum, qui est dignitatis infinitæ. Sed est intrinsece & simpliciter finita, quia habet terminum ultra quem potest extendi, nulla enim est offensa Dei, quæ non possit esse major & minor intra eandem speciem.

Quæres 3. *Quos requiruntur ad peccatum mortale?*

Resp. Tria, nempe, plena advertentia, perfectus consensus, & materia gravis in illis peccatis quæ admittunt gravitatem materiæ.

Quæres 4. *Quos sint pœna peccati mortalis?*

Resp. Duæ, nempe, pœna damni, quæ consistit in privatione visionis Dei, & pœna sensus, quæ consistit in dolore ignis infernalis. . . utraque est æterna, Isaie 66. *Formis eorum non moritur, & ignis eorum non extinguitur.*

Quæres 5. *Utrum dentur peccata ex natura sua venialia?*

Resp. De fide est dari, quia sunt quedam peccata quæ ex se nec mortem animæ inferunt, nec pœnam æternam merentur. Unde Pius V. & Greger. hanc Baij prop. damnarunt. *Nullum est peccatum ex natura sua veniale, sed omne peccatum meretur pœnam æternam.*

Obijciat: Quodlibet peccatum est majus malum quam pœna æterna; ergo quodlibet per se meretur pœnam æternam.

Resp. Nego consequ. Equidem peccatum est majus malum quam pœna æterna, quæ, cum sit malum inferioris ordinis, nunquam potest pertinere ad malum culpæ, quæ est superioris ordinis; sed non inde sequitur, quod levissimæ culpæ debeatur pœna maxima, cum, secundum justitiæ vindictivæ exigentiam, pœna debeat correspondere culpæ, ideo culpæ levi non nisi levis pœna debetur.

Inst. Bonum opus salutare, vel levissimum, meretur vitam æternam; ergo & peccatum levissimum meretur mortem æternam.

Resp. Nego consequ. Disparitas est, quod omne opus bonum salutare ex imperio charitatis fiat, cui sane debetur vita æterna; at leve peccatum non procedit ex odio Dei, cum justus, illud committens, in Dei amicitia habitualiter perseveret.

Quæres 6. *Unde repetenda sit prima & præcipua differentia peccati venialis a mortali?*

Resp.



*Resp.* Ex eo repeti debet, quod homo per peccatum mortale ita se avertat a Deo, ut, saltem virtualiter & interpretative, finem suum ultimum constituat in creatura, quam Deo præfert. Econtra per peccatum veniale homo nequidem virtualiter & interpretative finem suum ultimum ponit in creatura, cum eam deferere habitualiter sit dispositus, si illius amore Deum graviter offendi & poenitus amitti intelligeret; unde plus semper appreciative Deum diligit, quam creaturam.

*Quæres 7. Utrum peccatum mortale ex genere suo, possit fieri veniale?*

*Resp.* Potest, 1. Propter defectum plenæ advertentiæ & pleni consensus, qui necessario requiruntur ad peccatum mortale. 2. Propter parvitatem materiæ, nisi sit mortale ex toto genere suo, quia tunc non admittit levitatem materiæ: talia sunt peccata contra Deum, religionem, Sacramenta, & ea quæ gravem important corruptionem, ut luxuria, cujus omnis actus inchoata est pollutio.

*Quæres 8. Utrum peccatum veniale disponat ad mortale?*

*Resp.* 1. Veniale per accidens disponit directe ad mortale; nam qui sæpe furatur parva, inclinatur ad furandum majora. 2. Veniale ex genere suo disponit indirecte ad mortale, nam Eccli. 19. *Qui spernit modicæ, paulatim decideret.* Quia peccatum veniale minuendo fervorem charitatis, auget cupiditatem, & impedit specialem Dei providentiam, qua tentationes & pericula removebat, & uberiores gratias largiebatur.

*Quæres 9. Utrum peccatum veniale ex genere suo, possit fieri mortale?*

*Resp.* Non potest per se, id est, propter solum sui multiplicationem, quia differt essentialiter a mortali. Potest tamen per accidens, nempe per additionem circumstantiæ mortaliter malæ: hocque contingit. 1. Ratione praviæ dispositionis agentis, qui ita est affectus, ut id quod facit adhuc faceret, etiamsi sciret illud esse peccatum mortale. 2. Ratione finis mortaliter mali. 3. Ratione gravis scandali. 4. Ratione proximi periculi mortaliter peccati. 5. Ratione contemptus formalis præcepti, vel superioris. 6. Tandem ratione connexionis & moralis materiæ unionis, circa quam:

*Quæres 10. Quomodo materiæ leves, inter se movantur uniantur ad constituendum unum peccatum mortale?*

*Resp.* Uniantur 1. Per intentionis affectum, sic qui apud se proponit singulis diebus per duos menses furari unum assem, toties quoties unum assem furatur, peccat mortaliter, quia ex intentione summæ totalis furatur. 2. Per ordinem quem materiæ leves habent ad unum numero obligationem, sic peccat mortaliter qui sæpius in die jejunii pauca comedit, ex quibus conjunctim sumptis ori-



oritur notabilis quantitas. 3. *Per summam integram, quam constituunt*, sic qui, etiam abque intentione plura furandi, quotidie unum assem furatur, peccat mortaliter cum pervenit ad gravem quantitatem.

Quæres 11. *Quos assignantur pena peccati venialis?*

Resp. Quatuor: 1. Consistit in hujus vitæ adversis, morbis, ac etiam morte temporali, ut constat exemplo Moysis, uxoris Loth, &c. 2. Est gratiæ uberius subtrahitio. 3. Est diminutio fervoris charitatis, & familiaritatis cum Deo. 4. Est gravissimi ignis purgatorii perfectio temporanea, saltem in his qui in Domino moriuntur.

#### S. V. De Peccatis capitalibus.

Quæres 1. *Quos sit peccata capitalia?*

Resp. Sunt septem; superbia, avaritia, invidia, ira, accidia, gula, & luxuria.

Quæres 2. *Quid sit superbia?*

Resp. Est, *inordinatus appetitus propriæ excellentiæ*. Quæ inordinatio oritur. 1. *Ex defectu humilitatis*, quo superbus superioribus subiaci recusat. 2. *Ex defectu magnanimitatis*, quo superbus quæ sunt supra conditionem suam præsumptuose appetit.

Quæres 3. *Quotuplex distinguitur superbia?*

Resp. Duplex, nempe *perfecta*, qua quis bona, quæ gratuito recepit a Deo, æstimat a semetipso habere, vel pro suis meritis accepisse. Et *imperfecta*, qua quis, agnoscens se omnia Deo debere, cæteris plus æquo se effert, vel qua bona, quæ non habet, arrogat sibi, sive in sua, sive in aliorum opinione.

Quæres 4. *Quale sit peccatum superbia?*

Resp. Superbia *perfecta*, est peccatum mortale ex genere suo, quia repugnat charitati Dei, qui per superbiam contemnitur. *Imperfecta* vero est solum veniale ex genere suo, quia charitati non graviter repugnat.

Quæres 5. *Quid sit ira?*

Resp. Est, *inordinatus appetitus vindictæ, aut quæse vindictæ*. Illa inordinatio oriri potest, 1. *Ex parte objecti*, cum nempe quis optat vindictam ei qui non meruit, vel majorem quam meruit, vel inferendam sine iusta auctoritate. 2. *Ex parte modi*, ut si quis nimis ardentem irascatur interius, vel si nimis exterius manifestet signa iræ, ait D. Thom. q. 158.

Quæres 6. *Quale sit peccatum ira?*

Resp. Si sit inordinata ex parte objecti, est peccatum mortale ex genere suo, cum sit contra charitatem & iustitiam. Si vero sit inordinata ex parte modi tantum, secundum se non habet ex genere suo rationem peccati mortalis, ait D. Thom. ibidem.

Quæres 7. *Quid sit avaritia?*

Resp.



*Resp.* Est, *inordinatus appetitus divitiarum*. Est autem *inordinatus*. 1. *Ratione objecti*, dum nempe aliena concupiscimus. 2. *Ratione finis*, dum finem nostrum in divitiis constituimus. 3. *Ratione excessus*, dum opes ita congerimus, ut nullum iis congerendis modum statuamus.

Quæres 8. *Quale sit peccatum avaritia?*

*Resp.* Est mortale ex genere suo dum charitati vel iustitiæ adversatur, nam, *neque furas, neque avari regnum Dei possidebunt*, 1. Cor. 6.

Quæres 9. *Quid sit invidia?*

*Resp.* Est, *tristitia de bono proximi, quatenus est propria excellentiæ imminutivum*... est mortale ex genere suo, quia opponitur charitati, cuius proprium est de bono proximi gaudere, & de illius malo dolere. Hinc ad Galat. 5. *invidia dicitur excludere a regno Dei*.

Quæres 10. *Quid sit acedia?*

*Resp.* Est, *tristitia & sadium de bonis divinis, ut ad nos pertinentibus*. Ut si quis delectat, quod Deus sit beatitudo nostra, eo quod hæc beatitudo non possit sine difficili virtutum exercitio obtineri... Est peccatum mortale ex genere suo, quia graviter charitati Dei repugnat; per eam enim parvipenduntur amicitia Dei & æterna beatitudo.

Quæres 11. *Quid sit gula?*

*Resp.* Est, *inordinatus appetitus cibi & potus*. Porro est *inordinatus* quinque modis hoc versu contentis:

*Præpropere, lause, nimis, avidenter, studiose.*

Quæres 12. *Quale sit peccatum gula?*

*Resp.* Cum Div. Thom. est peccatum mortale, quando homo finem suum constituit in delectatione gule, paratus scilicet contra præcepta Dei agere, ut delectationes huiusmodi assequatur; alias est solum veniale per se, potest tamen fieri mortale ex circumstantiis.

Quæres 13. *Quos sint species gula?*

*Resp.* Duæ, nempe, *crapula*, quæ est excessus, quo quis omnino sanus ita cibis sese ingurgitat, ut ad vomitum moveatur; est mortale ex genere suo, quia naturæ rationali gravissime repugnat. Et *ebrietas*, quæ est excessus voluntarius in potu usque ad violentam privationem usus rationis: est peccatum mortale ex genere suo, cum sese privare usu rationis sit gravis inordinatio: *Nolite errare*, inquit Apost. 1. Cor. 6. *neque fornicariis, neque idolis servientes... neque ebriosi... regnum Dei possidebunt*. Ergo cum ebrietas sit intrinsece mala, nullo unquam casu potest esse licita.

Quæres 14. *Quid sit luxuria?*

*Resp.* Est, *inordinatus voluptatis venereæ appetitus, vel usus*. Est peccatum mortale ex toto genere suo. Unde non datur parvitas materiæ in delectatione venerea, cum ex natura sua ordinetur ad seminis effusionem, sitque inchoatio quedam illius.

Quæ



Quæres 15. Quos sint species luxurie?

Resp. Septem, nempe, simplex fornicatio, stuprum, raptus, adulterium, incestus, sacrilegium, & peccatum contra naturam.

Quæres 16. Quid sit simplex fornicatio?

Resp. Est, copula carnalis soluta cum soluta corrupta. Est peccatum mortale jure naturali prohibitum, cum adverteretur debitæ educationi & instructioni prelis: Eph. 5. Omnis fornicator non habet hereditatem in regno Dei & Christi.

Quæres 17. Quid sit adulterium?

Resp. Est, copula inter personas, quarum alterutra, vel utraque conjuncta est matrimonio cum alia tertia. Est gravissimum peccatum contra castitatem, & justitiam debitam comparti, quæ juri suo cedere non potest, ut definit Innocent. XI. prop. 50.

Quæres 18. Quid sit stuprum?

Resp. Est, illicita virginis defloratio. Est peccatum gravius simplici fornicatione, in quo, ultra specialem deformitatem amissi signaculi virginittatis, duplex reperitur injuria, una ex parte defloratæ, altera ex parte parentum, sub cujus est custodia; illorum enim jus violatur.

Quæres 19. Quid sit raptus?

Resp. Est, violenta alicujus persone abductio, libidinis explenda causa. Est peccatum mortale duplicem continens malitiam, unam contra castitatem, alteram contra justitiam, ob injuriam abductionis, propter quam gravissimæ in utroque jure statuuntur poenæ.

Quæres 20. Quid sit incestus?

Resp. Est, peccatum luxurie inter personas consanguineas, vel affines, intra gradus prohibitos. Est peccatum gravissimum, quod, præter luxuriæ feccitatem, continet turpitudinem contrariam reverentiæ consanguineis aut affinibus debitæ, graviusque est quo gradus est propinquior, & ideo gravitas incestus declaranda est in confessione.

Quæres 21. Quid sit sacrilegium venereum?

Resp. Est, rei sacræ violatio per actum venereum. Dicitur: Rei sacræ: per quam intelligitur, tum locus sacer qui violatur per voluntariam effusionem seminis; tum persona sacra quæ committit peccatum luxuriæ, vel cum qua committitur. . . est peccatum gravissimum continens duplicem malitiam, unam contra castitatem, alteram contra religionem.

Quæres 22. Quotuplex est peccatum contra naturam?

Resp. Quadruplex, pollutio, sodomia, bestialitas, & inordinatus concubitus.

Pollutio, Est, voluntaria seminis effusio extra copulam quomcumque. Est peccatum mortale per se, cum sit intrinsece malum; & quidem gravius fornicatione.



tionem, quia directe tollit generationem; ergo nullo casu, etiam vitandæ mortis, est licita.

*Sodomia*, Est, coitus libidinosus personarum ejusdem sexus, si sit perfecta, vel diversæ sexus in vase indebito, si sit imperfecta. Est peccatum nefandum, quod poena mortis punitur, juxta leges; & excommunicatione, juxta canones.

*Bestialitas*, Est, coitus cum bestia: est peccatum horrendum, quod igne punitur a legibus.

*Inordinatus concubitus*, Est, in quo non servatur naturalis ordo concumbendi. Si in tali deordinatione sit periculum semina extra vas effundendi, impediendi generationem, aut prolem conceptam suffocandi, est peccatum mortale, quia semen frustratur sine ad quem ordinatum est; si hæc absint, est grave peccatum veniale, a quo excusantur conjuges, qui ob indispositionem alterutrius corporis, non possunt servare modum ordinarium, modo caveatur periculum effusionis extra vas.

#### §. VI. De peccato originali.

Quæres I. Utrum existat peccatum originale?

*Resp.* Existere fide constat; nam 1. id asseritur in veteri testamento, Job. 14. *Quis potest facere mundum de immundo conceptum semine? nonne tu qui solus es?* Quem locum sic vertunt Septuaginta: *Nemo mundus a sordo, neque infans, cujus vita est unius diei super terram.* Certe immunditia illa non est corporea, ut volunt Sociniani, alias ab homine posset mundari; est ergo immunditia peccati, quæ a solo Deo potest mundari. 2. Idem asseritur in novo testamento, Rom. 5. *Sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt...* 3. Id Ecclesia definiit in Conciliis Palæstino contra Pelagianos, & Trid. contra Anabaptistas, &c. 4. Id constat tum ex necessitate Baptismi, tum ex redemptione per Christum, qui mortuus est pro omnibus, ex quo Apostolus concludit: *Ergo omnes mortui sunt*, 2. Cor. 5.

*Obijcies* 1. Ezech. 18. *Anima quæ peccaverit, ipsa morietur: filius non portabit iniquitatem patris*; ergo.

*Resp.* Nego conseq. Namque peccatum originale non est peccatum Adami, sed ex Conc. Trid. sess. 5. can. 3. *Inest cuique proprium*. 2. Propheta loquitur de peccatis personalibus.

*Obijcies* 2. Rom. 5. *Regnavit mors ab Adam usque ad Moysen, etiam in eos qui non peccaverunt in similitudinem prævaricationis Adæ*. Ergo sola mors a Adamo contrahitur.

*Resp.*



*Resp. Nego conseq.* Mors enim, quæ regnavit usque ad Moysen, est poena iusta; ergo supponit peccatum; Rom. 6. *Stipendia peccati mors*; atqui non supponit peccatum personale in eis qui non peccaverunt in similitudinem pravaricationis Adæ; ergo supponit originale.

*Quæres 2. In quo formaliter consistat peccatum originale?*

*Resp.* Consistit in habituali privatione conformitatis ad legem, quam Adam caput nostrum transgressus est, & quam nos ejus voluntate transgressi sumus: nam illud est peccatum originale formaliter, quod Adamus in nos vere, proprie, & intrinsece transfudit; atqui Adamus, transacto actu peccati, in nos vere & intrinsece transfudit habitualem privationem conformitatis ad legem, quam, ut caput nostrum, transgressus est; ergo, &c. *Prob. min.* Adamus in eos transfudit quod in eo post ejus actuale peccatum mansit, & a quo ipse & ejus posterii denominantur peccatores; atqui in eo mansit habitualis privatio conformitatis ad legem; ergo.

*Quæres 3. Quinam est causa proxima transfusionis peccati originalis?*

*Resp.* Est feminalis generatio ab Adamo, in quo, tanquam in capite morali, Deus omnium ejus posterorum voluntates inclusit in ordine ad observationem vel transgressionem præcepti de non comedendo fructu vetito. Ita expresse definitur a Concilio Trid. sess. 5. can. 3. *Revera homines, nisi ex semine Adæ propagati nascerentur, non nascerentur injusti, cum ea propagatione per ipsum, dum concipiuntur, propriam injustitiam contrahant.* Hinc etiam dicimur ab Apostolo Ephel. 2. *natura filii iræ*, id est, generatione. Ratio D. Thom. q. 81. art. 4. est, quia, peccatum originis a primo parente traducitur in posteros in quantum moventur ab ipso per generationem, sicut membra moventur ab anima ad peccatum actuale.

*Quæres 4. Utrum filii fidelium contrahant peccatum originale?*

*Resp. Affirm.* Nam omnes, qui via generationis naturali descendunt ab Adamo, illud contrahunt, nisi speciali privilegio a lege communi eximantur; unde Apost. Ephel. 1. de seipso & aliis filiis fidelium dicit: *Erant natura filii iræ, sicut & ceteri.*

*Quæres 5. Utrum B. Virgo contraxerit peccatum originale?*

*Resp.* Debit equidem contrahere peccatum originale, quia est vera filia Adæ, a quo processit per feminalem generationem, sed non contraxit actu quia ab eo fuit præservata per Christum, ut pro certo universa tenet Ecclesia. Unde licet propositio non sit de fide, quia



quia nondum definita, est tamen fidei consona, ut declaravit Conc. Basileense; & Concil. Trid. sess. 5. decreto, non esse sue intentionis comprehendere in hoc decreto, ubi de peccato originali agitur; beatam & immaculatam Virginem, sed observandas esse Constitutiones Sixti IV. Papa sub panis in eis Constitutionibus consentis, quas innovas.

*Obijciat:* Lex peccati originalis contrahendi comprehendit omnes ab Adamo descendentes; ergo.

*Resp. Dist. ans.* Comprehendit omnes, &c. quando nullum est privilegium eximens a lege communi, conc. quando adest tale privilegium, nego. Porro hoc privilegium habuit B. Virgo, quæ in locutionibus Scripturæ generalibus non comprehenditur, quales sunt istæ, quibus adstruitur generalitas peccati actualis: *Non est homo qui non peccet, in multis offendimus omnes*, ut juxta Trident. tenet Ecclesia Catholica.

*Inst.* De fide est B. Virginem a Christo fuisse redemptam; ergo contraxit peccatum originale.

*Resp. Dist. conseq.* Contraxit peccatum originale quoad debitum, conc. quoad actum, nego. Christus ergo sua redemptione fecit ut B. Virgo non contraheret actum & in se peccatum originale, ad quod contrahendum erat obnoxia; & hic modus redimendi est nobilissimus.

Quæres 6. *Quanam sint pœne peccati originalis?*

*Resp.* Aliæ ipeccant corpus, aliæ animam, aliæ hanc, aliæ alteram vitam.

Quæres 7. *Quanam sint pœne corporis in hac vita?*

*Resp.* Sunt mors, morbi, dolores, & aliæ miseriæ, ut de fide definiit Concil. Trident. sess. 5. can. 1.

Quæres 8. *Quanam sint pœne anime in hac vita?*

*Resp.* Sunt 1. privatio omnium donorum gratuitorum, scilicet iustitiæ originalis, & gratiæ sanctificantis. 2. Quadruplex vulnus in anima, nempe, ignorantia in intellectu, malitia in voluntate, concupiscentia in appetitu concupiscibili, infirmitas in irascibili.

Quæres 9. *Quanam sint pœne peccati originalis in altera vita?*

*Resp.* De fide certum est parvulos sine Baptismo decedentes non solum excludi a regno caelorum, sed etiam privari vita æterna, ut Ecclesia definiit in variis Conciliis contra Pelagianos, & confirmavit Concil. Trid. sess. 5. can. 4.

Quæres 10. *Utrum infantes, sine Baptismo mortui, fruuntur beatitudine naturali?*

*Resp.* Fictitia est illa beatitudo quam infantibus illis asserunt Catherinus, & Cardin. Strondatus, quia pugnat contra Ecclesiæ traditionem: nam Conc. Florent. sess. ult. definiit: *Illorum animas qui in actuali mortali peccato, vel solo originali decedunt, non in infernum descendere, penis tamen disparibus puniendas.* Atqui animæ,  
Compend. ex Charmer. P. quæ




quæ in inferno pœnis puniuntur, carent ane beatitudine naturali; ergo, &c.

Quæres 11. Utrum parvuli cum solo originali decedentes patiantur pœnam ignis?

Resp. Negat. Nam Apoc. 18. dicitur: Quantum se glorificavit, & in deliciis suis, tantum date illi tormentum & luctum; sed in culpa originali nulla fuit delectatio; ergo. Unde Innoc. III. cap. Majores, de Bapt. ait: Pœna originalis peccati, est carentia visionis Dei; actualis vero peccati, est gehennæ perpetua cruciatus. Ubi prior pars videtur intelligenda de carentia visionis Dei cum exclusione cruciatus gehennæ.

Obijcies: SS. Patres, August. Fulgentius, Gregor. Magnus, affirmant infantes sine Baptismo decedentes ituros in ignem æternum, juxta sententiam Domini: Ite, maledicti, in ignem æternum. Ergo.

Respondet D. Thom. qu. 5. de malo, art. 2. ad 1. Dicendum quod nomen tormenti, supplicii, gehennæ, & cruciatus, vel si quid simile in dictis SS. Patrum inveniat, est large accipiendum pro pœna, ita ut ponatur species pro genere. Ideo autem Sancti tali modo loquendi uti sunt, ut detestabilem redderent errorem Pelagianorum, qui assererant in parvulis nullum peccatum esse, nec eis aliquam pœnam deberi. Ita etiam respondet D. Bonaventura in 2. dist. 33. art. 3. q. 1.





## TRACTATUS XVII.

## De Sacramentis.

*Nota :* **H** Ujus Tractatus erunt octo  
Dissertationes de Sacramen-  
tis in genere, & singulis in particulari.

## DISSERTATIO I.

## De Sacramentis in genere.

*Nota.* **S**acramentum hic sumitur pro signo quod nos  
Deo sacrat, atque sanctificat, ejus inquiri-  
mus 1. essentiam, existentiam, & auctorem. 2. mate-  
riam & formam. 3. ministrum. 4. subjectum. 5. esse-  
ctus. 6. ceremonias. Itaque fit

§. I. De essentia, existentia, & auctore Sacramentorum.

*Quæres 1. Quid sis Sacramentum genericè sumptum ?*

*Resp.* Definitur, signum sensibile, sacrum, a Deo per-  
manenter institutum, ad significandam & conferendam  
gratiam.

Dicitur 1. Signum pro genere . . . . 2. Sensibile, sive  
per se, ut aqua in Baptismo, sive per aliud, ut con-  
tritio per externam manifestationem. . . 3. Sacrum, id  
est, ad cultum Dei ordinatum, & ad sanctificationem  
hominis; cujus defectu, transitus maris rubri, serpens  
æneus, manna, non erant Sacramenta . . . 4. A Deo  
institutum, quia solus Deus potest instituere signa gra-  
tiæ infallibiliter conferendæ . . . 5. Permanenter, id est  
quandiu permanet religio. Hinc nec lotio pedum, nec  
insufflatio Christi in Apostolos fuerunt Sacramenta, cum  
Ecclesia illas non retinuerit . . . 6. Ad significandam gra-  
tiam; sive futuram per passionem Christi dandam, sive  
præsentem, per Sacramenta novæ legis actu collatam  
. . . 7. Ad conferendam gratiam, & sanctitatem, sive  
interiorem, ut Sacramenta novæ legis, sive exteriorem  
& pure legalem, ut Sacramenta veteris legis.

*Quæres 2. Quomodo definitur Sacramentum veteris le-  
gis?*

*Resp.* Definitur, signum sensibile, sacrum, a Deo  
permanenter institutum, ad significandam gratiam in-  
teriorerem per passionem Christi dandam, & conferendam  
exteriorerem & legalem.



Quæres 3. *Quomodo definitur Sacramentum nova legis?*

*Resp.* Definitur: Signum sensibile, sacrum, a Christo permanentè institutum, ad significandam & producendam per se & ex opere operato gratiam interiorem.

Quæres 4. *Utrum extiterint Sacramenta in statu innocentie?*

*Resp.* Non extiterunt, cum nec Scriptura, nec traditio aliquorum meminerint. Equidem matrimonium Adami cum Eva dicitur Sacramentum ab Apost. Ephes. 5. sed improprie, quatenus significabat futuram unionem Christi cum Ecclesia; non vero proprie, quia non erat signum sacrans homines.

Quæres 5. *Utrum in statu nature extiterint Sacramenta?*

*Resp.* Fuit aliquod Sacramentum, saltem ad peccatum originale delendum, *quomodo quid esset*, ait Div. Augustin. lib. 5. contra Julian. cap. 11. *aliqua necessaria causa Scriptura sacra latere voluit.* . . . Probabilius tamen est, illud remedium fuisse fidem in Christum venturum aliquo signo exteriori manifestatam, non est enim aliud nomen datum hominibus in quo oporteat nos salvos fieri. Act. 4.

Quæres 6. *Utrum extiterint Sacramenta in lege Moisaica?*

*Resp.* Extiterunt, ut patet in variis expiationibus, purificationibus, consecrationibus, quæ internam significabant gratiam & externam conferebant.

Quæres 7. *Utrum & quot sint Sacramenta nova legis?*

*Resp.* Sunt septem, quia sunt septem signa sensibilia a Christo permanentè instituta ad gratiam significandam & conferendam. Unde Conc. Trident. anathematizat eos qui dixerint esse plura vel pauciora, quam septem, videlicet Baptismum, Confirmationem, &c.

*Obijcies:* Septem sunt Ordines, qui totidem sunt Sacramenta; ergo plus quam septem sunt Sacramenta

*Resp.* Nego consequens. Nam omnes ordinationis species revocantur ad unum genus, quod dicitur Sacramentum ordinis.

Quæres 8. *Quis sit auctor Sacramentorum?*

*Resp.* Est Christus, ita definivit Conc. Trid. sess. 7. Can. 1. *Si quis dixerit Sacramenta nova legis non fuisse omnia a Jesu Christo Domino nostro instituta . . . anathema sit.*

Quæres 9. *An Christus per se & immediatè instituerit omnia Sacramenta?*

*Resp.* Affirm. Nam 1. ea solum quis instituire dicitur, quæ per se ac immediatè instituit, sic Christus non dicitur instituisse sacramentalia, quamvis Ecclesia illa instituerit per potestatem a Deo acceptam. 2. Ecclesia non potest mutare Sacramenta quoad substantiam, ut defini-

vit



de Sacramentis. 341  
vit Conc. Trid. sess. 21. cap. 2. ergo ex non instituit  
quoad substantiam.

§. II. De materia & forma Sacramentorum.

Quæres 1. Quid sint materia & forma Sacramento-  
rum?

Resp. Sunt partes, ex quibus constant Sacramenta.

Quæres 2. Quotuplex sit materia Sacramentorum?

Resp. Duplex, scilicet remota & proxima.

Quæres 3. Quid sit materia remota & proxima & for-  
ma Sacramentorum?

Resp. Materia remota, est res, vel actus sensibilis,  
ex se indifferens ad esse Sacramenti.... materia proxi-  
ma, est usus, seu, applicatio materiae remotæ ad sub-  
jectum.... forma, sunt, verba, aut, quidpiam verbis  
æquivalens quæ materiam indifferentem determinans ad  
esse Sacramenti: v. g. in Baptismo, aqua, est materia  
remota: ablutio, est materia proxima, hæc verba: Ego  
te baptizo, &c. sunt forma.

Quæres 4. An quodlibet Sacramentum novæ legis con-  
sistat rebus tanquam materia, & verbis tanquam forma?

Resp. Constat, nam ex Conc. Florent. in decreto  
unionis, omnia Sacramenta tribus perficiuntur, videlicet  
rebus tanquam materia, verbis tanquam forma, & per-  
sona ministræ conferentis Sacramentum, cum intentione  
faciendi quod facit Ecclesia, quorum si aliquod desit,  
non perficitur Sacramentum.

Obijciunt: Eucharistia non constat verbis; ergo.

Resp. Dist. ant. Eucharistia in facto esse, conc. in fie-  
ri, nego. Porro loquimur de consecratione Sacramentorum,  
non de Sacramentis consecratis.

Quæres 5. Utrum verba Sacramentorum vere sint con-  
secratoria?

Resp. Affirm. Nam per se, & ex opere operato, con-  
secrant & sanctificant susipientem rite dispositum... er-  
rant ergo novatores docentes verba Sacramentorum esse  
tantum promissoria, quatenus sunt sigilla pure materia-  
lia, quibus obsignatur promissio divina de gratia, quæ  
solum datur per fidem promissionum: & concionatoria,  
quatenus fidem audientium excitant, non minus tan-  
quam per conciones excitatur. Quæro ab eis utrum ver-  
ba baptismi dati parvulis excitent eorum fidem ac ipsos  
erudiant?

Quæres 6. Utrum Christus determinaverit materiam  
& formam omnium Sacramentorum?

Resp. Determinavit, alias non esset auctor omnium  
Sacramentorum.

Quæres 7. Quotuplici modo potest determinari materia  
& forma Sacramentorum?

Resp. Duplici, nempe, 1. In genere, dum sub ali-  
qua



qua materia & forma convenienti statuitur confici Sacramentum, nullam speciem assignando. 2. *In specie*, dum ipsamet species assignatur, ut aqua in Baptismo, panis & vinum in Eucharistia.

Quæres 8. *An Christus omnium Sacramentorum materias & formas determinaverit in specie?*

Resp. Non determinavit, sed, eis in genere determinatis, reliquit Ecclesiæ potestatem eas in specie determinandi pro locorum & temporum diversitate. Hoc constat ex praxi diversa Græcorum & Latinorum in sacris ordinationibus conferendis: Græci enim per solam manuum impositionem, Latini vero etiam per exhibitionem instrumentorum ordinem conferunt, ergo, &c.

Obijciat: Si Ecclesia potestatem haberet quorundam Sacramentorum materiam & formam in specie determinandi, eas posset mutare; falsum ex Trid. consequ. ergo.

Resp. Dist. maj. Posset eas mutare secundum suum esse specificum, *conc.* secundum suum esse genericum, *neg.* Eadem quippe potestas sufficit ad mutandam materiam & formam Sacramentorum, quæ fuit sufficiens ad eam determinandam. Ergo Ecclesia nec potest mutare genus Sacramentorum; nec speciem eorum quæ sunt determinata in specie a Christo; sed potest mutare speciem eorum quorum ipsa speciem determinavit.

Quæres 9. *Utrum mutatio materiæ & formæ Sacramentum irritet?*

Resp. Si mutatio sit substantialis, Sacramentum irritat, quia materia vel forma Sacramenti tollitur. Si sit accidentalis, non irritat; peccat tamen qui talem mutationem accidentalem efficit.

Quæres 10. *Quandonam mutatio est substantialis, aut accidentalis?*

Resp. 1. Mutatio materiæ est substantialis, quando materia convertitur in aliam speciem, ut si vinum factum esset acetum: vel quando materia redditur inutilis ad sui usum, ut si quis baptizaret in aqua quidem, sed ita congelata, ut non posset fieri ablutio. 2. Mutatio formæ est substantialis, quando verba non retinent eundem sensum: v. g. *Ego te baptizo in nomine matris, & filii, &c.*

Econtra, mutatio est accidentalis in materia, quando non convertitur in aliam speciem, ut aqua calida in Baptismo, vinum parumper acescens in Eucharistia: in forma vero, quando sensus verborum non tollitur, v. g. si quis dicat: *Ego abluo te in nomine Patris, &c.*

Quæres 11. *Quot modis forma Sacramentorum possit mutari?*

Resp. Sex modis, his versiculis contentis:

*Nil forme demas, nil addas, nil variabis;*

*Transmutare cave, corrumpere verba, morari.*

Quæ



Quæres 12. *Utrum error ministri tollat veritatem Sacramenti?*

*Resp.* Non tollit, quando in forma non est expressis, quia non tollit sensum naturalem verborum, nec quando in forma expressus, sensum verborum non tollit: bene vero quando tollit sensum verborum, quod tunc solum contingit, cum error facit propositionem distinctam. Hinc valida est hæc forma Baptismi a ministro Ariano collati; *Baptizo te in nomine Patris, & Filii, & Spiritus sancti*, qui non sunt persone æquales; sed invalida est ista, *Baptizo te in nomine Patris majoris, Filii minoris, & Spiritus sancti*.

Quæres 13. *An aliquando in administratione Sacramentorum liceat uti forma conditionali?*

*Resp.* Licet, dum vera adest necessitas, ut referunt omnia Ritualia, & definivit Alexand. III. extrav. de Baptismo, cap. 2. Porro illa necessitas reperitur tantum; 1. quando dubitatur utrum Sacramentum non iterabile fuerit collatum, vel etiam an valide fuerit collatum; 2. quando dubitatur an subiectum sit capax Sacramenti, ut contingit in homine, subita vi morbi oppresso, qui nullo exteriori signo dolorem de peccatis significare potest.

Quæres 14. *Utrum liceat uti materia dubia, vel probabilis?*

*Resp.* Licet in Sacramentis necessariis necessitate medii ad salutem, dum urget mortis periculum, nec suppetit materia certa, quia cum Sacramenta sint propter homines, satius est illa periculo nullitatis exponere, quam homines periculo damnationis æternæ.

### S. III. De Ministro Sacramentorum.

Quæres 1. *Quotuplex distingui potest minister Sacramentorum?*

*Resp.* Duplex, nempe, *primarius*, cujus nomine Sacramenta administrantur, & est Christus ut homo propter unionem hypostaticam cum Verbo divino, de quo dicitur, Joan. 1. *Hic est, qui baptizat*. Et *minister secundarius*, qui nomine Christi potest valide conficere Sacramentum.

Quæres 2. *Quotuplex sit minister secundarius?*

*Resp.* Duplex, nempe, *ordinarius*, qui secundum legem a Christo præscriptam potest valide conficere Sacramentum; & *extraordinarius*, qui præter hanc Christi legem ordinariam ad Sacramenta conficienda, & dispensanda committi potest.

Quæres 3. *Quis sit minister ordinarius Sacramentorum?*

*Resp.* Solus homo viator ratione utens: nam soli homini Christus dixit: *Hoc facite in meam commemorationem*.



tionem. Quorum veniseris peccata, remittuntur eis, &c.  
 Quæres 4. An quilibet homo viator sit minister Sacramentorum?

Resp. Excepto Baptismo propter summam ejus necessitatem, & matrimonio propter specialem rationem contractus in quo situm est Sacramentum, illi soli sunt ministri Sacramentorum, qui rite in Ecclesia ad hoc ordinati sunt; ita definit Concil. Trid. sess. 7. can. 10. Si quis dixerit christianos omnes in verbo, & omnibus Sacramentis administrandis habere potestatem, anathema sit.

Quæres 5. Quenam ex parte ministri requiruntur ut Sacramenta legitime perficiantur?

Resp. Trium: nempe, intentio, fides, & probitas.

Intentio, est actus deliberatus voluntatis, quo quis aliquid vult facere.

Quæres 6. Utrum necessaria sit intentio ad validam consecrationem Sacramenti?

Resp. Necessariam esse definiuit Concil. Trident. sess. 7. can. 11. Si quis dixerit, in ministris, dum Sacramenta faciunt & conferunt, non requiri intentionem saltem faciendi quod facit Ecclesia, anathema sit. Hinc iocosa Ecclesie caeremoniarum representatio, quæ intentio lutherana dicitur, non sufficit.

Quæres 7. Quotuplex distinguitur intentio ex parte objecti ad quod fertur?

Resp. Duplex, nimirum externa, & interna.

Externa, describi potest, ea, qua minister in debitis circumstantiis, ac serio, externum Sacramenti ritum perficit; intus tamen suam retinet intentionem, imo contrariam gerit, dicens: nolo facere quod facit Ecclesia, imo contrarium intendo.

Interna est ea, qua minister simul ac sacramentalem ritum exercet, interius & apud se intendit ritum illum celebrare, saltem generatim & confuso; quatenus sanctus, licet non intendat illum celebrare formaliter ut est Sacramentum. Quod non est necessarium, cum Ecclesia recipiat Baptismo a Pagano, Judæo, vel Hæretico collatum, etiam si illum esse Sacramentum ignoret, vel negent.

Quæres 8. Utrum ad valorem Sacramenti sufficiat intentio externa?

Resp. Non sufficit, sed requiritur interna. Nam 1. Concil. Trid. sess. 14. cap. 6 ad validam absolutionem requirit ut ad ipsi Sacerdoti animus serio agendi, in intentio externa, & vere absolvendi, in intentio interna. 2. Conc. Florentinum docet Sacramenta perfici, non solum rebus tanquam materia, & verbis tanquam forma, in quibus consistit intentio externa, sed etiam persona ministri conferentis Sacramentum cum intentione faciendi quod facit Ecclesia; ergo intentio interna requiritur ul-



tra debitam conjunctionem formæ cum materia. Præterea homo non potest se gerere ut minister Christi & Ecclesiæ, quin facere intendat quod facit Ecclesiæ, vel quod Christus instituit, vel quod faciunt Christiani.

*Obijciat* 1. Minister qui habet intentionem ponendi præse ritum externum, ritum a Christo institutum debite observat; ergo.

*Resp. Nego ans.* Ritus enim a Christo institutus importat ipsam internam ministri intentionem.

*Inst* Forma Sacramentorum independentem ab intentione ministri interna est operativa; nam operatur *ex opere operato*; ergo, &c.

*Resp. Nego ans.* Nam forma suam efficacem significationem non habet, nisi ab intentione ministri determinetur: uade intentio ministri in ipsomet opere operato includitur, tanquam causa perficiens Sacramentum per legitimam materiæ & formæ applicationem.

*Obijciat* 2. Sententia Judicis est operativa independentem ab ejus intentione interna; ergo a pari, &c.

*Resp. Nego confeg.* Disparitas est, quod valor sententiæ Judicis pensetur ex hominum sensu qui externa solum norunt, quique ut validam acceptant sententiam juxta leges prolatam. At vero Sacramentorum validitas spectat præcipue ad Dei iudicium, cui etiam interna subsunt, quique a suis ministris exigit ut materiam cum forma uniant, quod fit per intentionem.

*Quæres* 9. Quotuplex sit intentio ex parte ministri?

*Resp.* Quadruplex distinguitur, actualis nempe, virtualis, habitualis, & interpretativa.

*Actualis*, est præsens animi applicatio ad id quod agitur. . . . *Virtualis*, est ipsamet actualis quæ præcessit, ac moraliter perseverat in ministro, quandiu per contrariam intentionem non fuit revocata. . . . *Habitualis*, est ea quæ non fuit revocata, sed est vel somno, vel vino, vel notabili temporis mora interrupta, ita ut non influat in actum humanum, nec per se, nec per virtutem a se relictam. . . . *Interpretativa*, est ea, quæ nec est, nec fuit, sed esset, si ejus objectum proponeretur voluntati: uade non tam est intentio, quam intentionis præsumptio.

*Quæres* 10. Quanam intentio requiritur ex parte ministri, ut Sacramentum sit validum?

*Resp.* 1. Intentio *actualis* non requiritur absolute, quia ut plurimum non est in potestate hominis. 2. *Habitualis*, non sufficit, quia actum humanum non dirigit. 3. *Interpretativa*, quoque non sufficit, quia, cum nec actu, nec virtute existat, non applicat agentem ad actionem. 4. *Virtualis* requiritur & sufficit: quia sufficiens est ad ponendum actum humanum. . . . Porro intentio debet dirigi ad rem determinatam, præsentem, & sensibilem, juxta exigentiam formæ.



**Quæres II. Utrum fides & probitas requirantur in ministro, ut valide conficiat, aut conservat Sacramenta?**

**Resp.** Non requiruntur: nam 1. Ecclesia semper rata habuit Sacramenta ab impiis & hæreticis collata, modum a Domino præscriptum observaverat. Hanc veritatem definiit Concil. Trident. sess. 7. can. 4. & 12. de Bapt. 2. Minister operatur virtute & auctoritate divina; atqui Deus datam ministro potestatem non aufert ob ejus hæresim aut peccatum; ergo, &c.

**Obijciat:** Eccli. 34. *Ab immundo quis mundabitur?* id est, nemo potest mundari.

**Resp. Dist. ant.** Si immundus propria virtute agat, conc. si virtute Christi & Ecclesiæ, nego. Minister autem agit virtute Christi principalis Sacramentorum ministri, de quo Joan. 1. dicitur: *Hic est qui baptizat.*

**Inst.** Nemo dat quod non habet; atqui peccator aut hæreticus non habet Spiritum sanctum; ergo.

**Resp. Dist. maj.** Nemo dat quod nullo modo habet, conc. quod aliquo modo habet, nego. Hæretici & peccatores non habent quidem Spiritum sanctum formaliter per gratiam sanctificantem, sed habent ministerialiter, per gratiam gratis datam, & ideo possunt illum per Sacramenta dare.

**Quæres 12. Utrum peccet qui in statu peccati mortaliis conficit aut dispensat Sacramenta?**

**Resp.** Peccat, & quidem mortaliter, si conficiat aut dispense ex officio: Quia, inquit D. Thom. 3. p. q. 64. art. 6. *hoc peccatum pertinet ad irreverentiam Dei (cujus sunt ministri) & contaminationem Sacramentorum (quorum violator sanctitas).* . . . Dixi, ex officio; quia addit D. Thom. in articulo mortis non peccaret baptizando in casu, in quo etiam posset Laicus baptizare, sic enim patet quod non exhiberet se ut ministrum Ecclesiæ, sed subveniret necessitatem patienti.

**Quæres 13. Utrum liceat petere Sacramenta ab improbo ministro?**

**Resp. 1.** Nunquam licet absque necessitate, quia Lex charitatis postulat, ut non detur malo sacerdoti occasio peccandi.

**Resp. 2.** Si petens sit in extrema necessitate salutis, licite potest petere Sacramentum Baptismi ab excommunicato etiam non tolerato, ut asserit D. Aug. lib. de Bapt. cap. 2. non vero alia Sacramenta, quia Ecclesia in solo casu extremæ necessitatis permittit in spiritualibus communicare cum non toleratis, Bulla, *Ad evitanda.*

**Resp. 3.** In gravi necessitate, (v. g. dum urget præceptum confessionis annuæ) licitum est petere Sacramenta a malo ministro tolerato, si absit alius Sacerdos, quia ex illa necessitate id licet ab alio petere, quod potest licite præstare, quamvis prævideatur peccaturus; atqui malus Sacerdos potest licite conferre Sacramenta, se



se nempe ad id disponendo, vel per confessionem, vel per contritionem; ergo.

*Resp.* Si petens sit in levi tantum necessitate, (v. g. ad Eucharistiam festis solemnioribus frequentandam) licet ipsi petere Sacramenta a proprio Pastore malo tolerato, quia utitur jure suo, & petit rem bonam, quam Parochus potest & tenetur bene facere. E contra non potest petere ab eo qui non tenetur ex officio Sacramenta ministrare, quia eum induceret ad peccandum; nisi tamen ille malus minister sit determinatus Sacramenta ministrare quæ re ipsa ministrat, quia tunc petens non censetur eum inducere ad peccandum, sed solum uti ejus mala voluntate ad peccandum iam determinata.

*Quæres 14. Utrum liceat Sacramenta administrare peccatoribus?*

*Resp. 1.* Si sit peccator notorius, nullo modo licitum est ipsi ministrare Sacramentum, siue illud petat publice, siue privatim: Nam 1. graviter prohibetur dare sanctum canibus, Matth. 7. & cooperari peccato alieno. 2. Minister tenetur fideliter dispensare dona Dei, 1. Corinth. 4. . . . hic tamen nota in Gallia notorietatem facti non sufficere (saltem in foro externo) ut quis peccator publicus habeatur, sed requiri notorietatem juris.

*Resp. 2.* Si sit peccator occultus, vel publice petit Sacramentum, vel occulte . . . . Si publice petat, debet ipsi ministrari, si repelli non possit absque illius infamia & populi scandalo, ut constat ex praxi Ecclesiæ, & exemplo Christi, qui nec Judam a communione removit, ait Eugenius Papa, cap. de offic. judicis ordinarii . . . . Si occulte petat, non debet ipsi administrari, cum possit absque scandalo populi & poenitentis infamia denegari. Ita docet Rituale Rom.

#### §. IV. De subjecto Sacramentorum.

*Quæres 1. Quenam requirantur dispositiones in adultis ut Sacramentum valide recipiatur?*

*Resp.* Requiritur & sufficit intentio recipiendi Sacramentum, excepto Sacramento Poenitentiae . . . requiritur quidem, ex cap. majores de Baptismo, ubi Innoc. III. ait: Ille vero qui nunquam consentit, sed penitus contradicit, nec rem, nec characterem suscipit Sacramenti; ergo concludit D. Thom. 3. p. q. 68. a. 7. Si in adulto deesset intentio suscipiendi Sacramentum, esset rebaptizandus . . . sufficit autem, quia Sacramenta valde administrantur hæreticis, cum Ecclesia definerit eos non esse denuo baptizandos, vel ordiandos, quando redeunt ad Ecclesiam catholicam; atqui in illis non alia fuit dispositio, quam voluntas recipiendi Sacramentum; ergo.



**Dixi: Excepta poenitentia**, quia actus poenitentis sunt illius materia essentia is; ergo sine illis, & aliis quæ non præcedere debent, nullum est Sacramentum Poenitentiae.

**Obijcies:** Nonnulli inviti ordinati sunt, quorum tamen ordinatio rata habita est; ergo.

**Resp. Dist. ans.** Ordinati sunt inviti secundum quid, id est, cum aliqua repugnantia propter metum & reverentiam, conc. ordinati sunt simpliciter inviti, nego. Qui enim sic reluctantes erant, subinde, ut votis Ecclesiae, & superiorum voluntati, se faciles præberent, consentiebant se ordinari.

**Quæres 2. Qualis intentio requiritur in subjecto ad Sacramentum valide recipiendum?**

**Resp.** Non requiritur actualis, aut virtualis, nisi in Matrimonio, nam Concilia & Rituale Rom præcipiunt, ut baptizetur moribundus ratione & sensibus destitutus, modo constet de præterita ejus voluntate; atqui tali moribundo non inest nisi habitualis intentio; ergo sufficit intentio habitualis; imo quandoque sufficit interpretativa ut constet ex constanti praxi Ecclesiae, quæ silentibus repentino morbo correptis, quo usum linguae & rationis amiserunt, administrat Sacramenta Poenitentiae & Extremæ Unctionis, etiamsi illa ante non expetierint, in quibus est solum intentio interpretativa; ergo.

**Quæres 3. Quenam dispositiones requirantur ad recipienda cum fructu Sacramenta?**

**Resp. 1.** Ad Sacramenta mortuorum, requiruntur ex Conc. Trid. quinque actus, nempe, fides, timor, spes, amor Dei initialis, odium & detestatio peccati.

**Resp. 2.** Ad recipienda Sacramenta vivorum, requiritur, præter illos actus gratia sanctificans, qui eam supponunt in subjecto, cum fiat instituta ad eam augendam.

#### S. V. De Effectibus Sacramentorum.

**Quæres 1. Quotuplex sit effectus Sacramentorum?**

**Resp.** Duplex nempe, gratia, quæ ab omnibus produciuntur, & character, qui a Baptismo, Confirmatione, & Ordine tantum produciuntur.

**Quæres 2. Qualem gratiam conferunt Sacramenta? 1. Resp.** Duo item, nempe, gratiam communem omnibus Sacramentis & gratiam specialem unicuique Sacramentum, quæ ideo sacramentalis dicitur.

**Quæres 3. Quid sit gratia illa communis?**

**Resp.** Est gratia sanctificans, vel prima, quam conferunt Sacramenta mortuorum, utpote instituta ad mortuos justificandos; vel secunda, quam conferunt Sacramenta vivorum, utpote instituta ad augmentum gratiæ.

**Quæres 4. Quid sit gratia sacramentalis?**

**Resp.** Definiri potest: Gratia habitualis, annexum habens



*bens jus ad gratias actuales necessarias ad assequendum finem proprium cujusque Sacramenti.*

Ergo gratia sacramentalis non statim a suscepto Sacramento, & simul confertur, sed tantum successive, & opportuno tempore, cum, nempe, occurrunt occasiones finem Sacramenti suscepti spectantes, licet statim cum Sacramento recepto acquiratur jus ad illas gratias suo tempore & loco accipiendas.

Ergo amissa gratia sanctificante amittitur gratia sacramentalis, quia amisso juris fundamento, jus ipsum amittitur, recuperatur autem cum gratia sanctificante, per poenitentiam.

*Quæres 5. Utrum Sacramenta conferant semper æqualem gratiam*

*Resp.* Inæqualem conferunt gratiam iis qui sunt inæqua iter dispositi. Nam Conc. Trid. sess. 6. cap. 7. docet baptizatos recipere gratiam secundum mensuram, quam Spiritus sanctus paritur singulis prout vult, & secundum propriam cujusque dispositionem, & cooperationem. Ratio est, quia Sacramenta sunt causæ necessariae; sed causæ necessariae plus vel minus operantur in subiecto, secundum majorem vel minorem ejus dispositionem, ut pater in igne, qui intensiorem producit calorem in ligno quam in stipula; ergo, &c.

*Obijciat:* Ergo major illa gratia non datur ex opere operato, sed ex opere operantis, virtute nimirum dispositionum quæ sunt in subiecto; absurdum consequens.

*Resp. Nego consequens.* Quia illæ dispositiones non sunt causæ effectrices gratiæ, sed tantum conditiones necessariae ex parte subiecti, sine quibus Sacramenta non tantum producerent gratiam ex opere operato.

*Quæres 6. Utrum Sacramenta novæ legis conferant gratiam ex opere operato, vel tantum ex opere operantis?*

*Resp.* Producent ex opere operato iis qui nullum obicem opposuerunt; non autem ex opere operantis, quia producent eam præcise vi operis ex iusto tuto divino exerciti; non autem ex merito conscientis aut suscipientis Sacramentum. Ita definiit Concil. Trid. sess. 7. can. 8. *Si quis dixeris per illa novæ Legis Sacramenta ex opere operato non conferri gratiam . . . anathema sit.*

*Obijciat 1.* Justificamur per fidem, Roman. 3. *Arbitramur justificari hominem per fidem*; ergo non per Sacramenta.

*Resp. Nego consequens.* Nam justificamur, & per fidem & per Sacramenta, sed diversimode: per fidem tanquam dispositionem necessariam ad justificationem; per Sacramenta, tanquam causam productivam gratiæ. Textus Apostoli non excludit Sacramenta, sed solum opera legis Mosaicæ.

*Obijciat 2.* Voces illæ, *ex opere operato*, sunt novæ; ergo rejiciendæ.

*Resp.*



*Resp. 1.* Non sunt novæ; nam a 500. annis usurpatæ ab Innoc. III. lib. de mysterio Missæ. 2. Non sunt novæ quoad sensum, sed tantum quoad syllabas, nam hæc fuit semper fides Ecclesiæ, quod Sacramenta producerent gratiam ex se, quod idem est ac ex opere operato. 3. Etiam si essent novæ, essent retinendæ, nam Ecclesia habet jus novas usurpandi voces in casibus occurrentibus ad antiquam fidem tuendam.

*Quæres 7. Utrum Sacramenta novæ legis conferant gratiam physicam, aut moraliter tantum?*

*Resp.* Conferunt moraliter tantum, hoc sensu, quod Deum efficaciter & immediate moveant ad gratiam physicæ producendam, ex pacto, scilicet, quo se libere obstrinxit, ut ad præsentiam illorum signorum gratiam certo conferret iis qui nullum opponunt obicem; ita docent Scotistæ contra Thomistas.

*Obijcies 1.* Scriptura testatur hominem ex aqua & Spiritu sancto renasci; salvum fieri per lavacrum regenerationis; atque particulæ, ex, &, per, denotant causalitatem physicam; ergo, &c.

*Resp. Nego min.* Equidem particula, ex, &, per, denotant veram causalitatem, sed abstrahunt a modo causalitatis, cum usurpentur ad causalitatem tum physicam, tum moralem explicandam.

*Obijcies 2.* Vetera Sacramenta producebant gratiam moraliter; ergo nova illam producunt physice.

*Resp. Nego ant.* Nam Sacramenta vetera, utpote infirma & egena elementa, non ex seipsis & ex sua institutione, movebant Deum ad dandam gratiam; sed ex fide duntaxat in Christum vesturum, cuius erant publicæ precesiones; unde non erant causæ morales gratiæ, sed duntaxat conditiones sine quibus non, ut ajunt. At nostra Sacramenta sunt veræ causæ morales, eo quod sint moraliter actus ones Christi, cuius nomine fiunt.

*Quæres 8. Utrum Sacramenta, si hæc (id est, cum pravis dispositionibus) suscepta, sublato per penitentiam obice, reviviscant?*

*Resp. 1.* Sacramenta characterem imprimentia reviviscunt. Id affirmant D. Aug. de Baptismo: *Tunc valere ad salutem incipit Baptismus*, inquit, *cum illa fides veraci confessione recesserit*. . . . De Ordine & Confirmatione constat, nam cum hæc Sacramenta iterari non possint, valide confirmatus, aut ordinatus, gratiam sacramentalem ad assequendum finem horum Sacramentorum necessariam, nunquam obtinere possent, quod videtur incredibile. . . . Propter eandem rationem probabile est *Matrimonium*, durante eodem conjugio, & *Extremam Unionem*, durante eodem morbo, reviviscere, cum iterari non possint.

*Resp. 2.* Non reviviscit *Penitentia*, quia quando est informis, est etiam nulla; quod autem nullum fuit, postea re-



reviviscere & operari non potest. Nec *Eucharistia*, quia, cum sæpius repoti possit, non fuit necesse, ut Christus eam reviviscere voluerit.

Quæres 9. *Quomodo Sacramenta veteris legis consecrabant gratiam?*

Resp. Ex opere operantis tantum: nam ab Apost. ad *Galat. 4.* dicatur, *infirmi & egena elementa*; atqui non essent infirma & egena elementa, si conferrent gratiam ex opere operato; ergo &c. Hinc Concil. Florent. definit, quod non causabant gratiam, sed eam tantum per passionem Christi dandam esse figurabant.

Obijciat: Circumcisio gratiam causabat ex opere operato; ergo.

Resp. Nego ant. Abraham enim Circumcisionem accepit in signum, non ad iustitiam, ait S. Justin. dialogo cum Triphone, cui consentiunt omnes Patres Augustino antiquiores.

Prob. ant. Circumcisio instituta fuit ad peccatum originale deleandum; ergo iustificabat ex opere operato.

Resp. Nego ant. Nam unice instituta est, ut esset signum fœderis inter Deum & Abrahamum ejusque posteris, Genes. 17. *Circumcideretur ex vobis omne masculinum, ut sit in signum fœderis inter me & vos.* Non ait, ut sit in remissionem peccati, sed in signum fœderis.

Inst. In circumcissione debebatur peccatum originale; ergo ad illud deleandum fuit instituta.

Resp. Nego consequ. Equidem in Circumcissione debebatur peccatum originale: Non ex virtute Circumcisionis, ait D. Thom. 3. part. quæst. 70. art. 4. sed ex virtute fidei passionis Christi, cujus signum erat Circumcisio, ita scilicet quod homo qui accipiebat Circumcisionem, proficiebatur se suscipere talem fidem, vel adultus pro se, vel alius pro parvulis. Unde & Apost. dicit, Rom. 4. quod, Abraham accepit signum Circumcisionis signaculum iustitiæ fidei, quia scilicet iustitia erat ex fide significata, & non ex Circumcissione iustificante. Equidem D. August. contrarium sentit; sed non adhaeremus ejus sententiæ, quia versione Græca, qua utebatur, fuit deceptus.

Quæres 10. *Quid sit character?*

Resp. Definitur, signum spirituale, indelebile, impressum animæ, quo homo ad divina deputatur, & ab aliis distinguitur.

Dicitur 1. Quo homo deputatur ad divina; nempe ad Sacramenta, vel recipienda, ut Baptismus; vel administranda, ut Ordo; vel ad fidem profitendam, ut Confirmatio. Hinc probabilius est characterem pertinere ad secundam speciem qualitatis, scilicet, ad potentiam; quia dat simpliciter agere vel pati, nempe, sacra suscipere, vel agere.

Quæres 11. *Quot Sacramenta imprimant characterem?*

Resp.



*Resp.* Tria, scilicet, Baptismus, Confirmatio, & Ordo, ut constat ex perpetua traditione Ecclesiae, ad quam attendens Conc. Trid. sess. 7. can. 9. definit: *Si quis dixerit in vrbis Sacramentis, Baptismo, scilicet, Confirmatione, & Ordine, non imprimi characterem in anima, hoc est, signum quoddam spirituale & indelebile, unde ea iterari non possunt; anathema sit.*

#### S. VI. De caeremoniis Sacramentorum.

*Quæres 1. Quid intelligatur per caeremonias Sacramentorum?*

*Resp.* Intelliguntur ritus Sacramentales, & Sacramentalia.

*Quæres 2. Quid sint ritus Sacramentales?*

*Resp.* Sunt, actus externi Religionis ab Ecclesia instituti, ad decentem & devotam Sacramentorum administrationem.

*Quæres 3. Utrum ritus Sacramentales sint utiles?*

*Resp.* Affirm. Nam, ut docet Conc. Trid. sess. 22. cap. 5. valent ad maiestatem & reverentiam mysteriis nostræ Religionis conciliandam, ad pietatem fidelium promovendam, ad nutriendam eorum fidem, notitiamque mysteriorum veluti oculis subiiciendam; ergo.

*Quæres 4. Utrum liceat in Sacramentorum administratione ritus ab Ecclesia usitatos & approbatos mutare, vel omittere?*

*Resp.* Est peccatum mortale ex genere suo, ut definit Conc. Trid. sess. 7. can. 13. Ratio est, quia tenemur Ecclesiae in omnibus obsequi.

*Quæres 5. Quid sint Sacramentalia?*

*Resp.* Sunt, quidam ritus externi, ab Ecclesia instituti & consecrati, ad quosdam effectus spirituales producendos.

*Quæres 6. Quot sint Sacramentalia?*

*Resp.* Sex enumerantur versus sequenti comprehensa: *Orans, singulus, edens, confessus, datus, benedicens.*

*Quæres 7. Quinam sint Sacramentalium effectus?*

*Resp.* Est remissio peccatorum venialium, & interdum excitatio gratiæ actualis, remissio poenæ temporalis peccatis quoad culpam remissis debitæ, compressio demonis, operatio sanitatis, &c. . . Dixi, interdum; quia hos effectus produciunt infallibiliter, cum Christus non promiserit illos ad præsentiam Sacramentalium operari.

### DISSERTATIO II.

#### De Baptismo.

*Nota:* **A** Gemus 1. de natura, materia, & forma Baptismi; 2. de ejus necessitate; 3. de ejus ministro, & subiecto; 4. de ejus effectibus, ac caeremoniis.

S. I.



## §. I. De natura, materia, &amp; forma Baptismi.

Quæres 1. Quotuplex sit Baptismus?

Resp. Triplex, nempe, Baptismus sanguinis, estque martyrium. Baptismus flammis, estque votum, seu desiderium recipiendi Sacramentum Baptismi. Et Baptismus aquæ, qui est primum novæ legis Sacramentum, de quo hic.

Quæres 2. Quid sit Baptismus?

Resp. Definitur, Sacramentum, a Christo institutum, ad spiritualem hominis regenerationem, per extersionem corporis abluitionem, factam aqua, sub præscripto verborum forma.

Quæres 3. Quando nam institutum fuerit Sacramentum Baptismi?

Resp. Probabilius est institutum fuisse ante passionem; nam, Joan. 3. Venit Jesus, & discipuli ejus in Judæam, & baptizabat, nimirum per Apostolos, ut dicitur cap. 4. quamquam Jesus non baptizaret, sed discipuli ejus. Atqui Baptismus ille non erat Joannis, sed is de quo, eodem capis. 3. dicitur; Nisi quis renatus fuerit ex aqua & Spiritu sancto, &c.

Quæres 4. Quenam sit materia remota Baptismi?

Resp. Est omnis aqua naturalis, & prædicta, Joan. 3. Nisi quis renatus fuerit ex aqua & Spiritu sancto, non potest introire in regnum Dei. Hinc nec aqua artificialis ex rosis, herbis, &c. nec glacies, nix, nisi sint in aquam resolutæ, sunt materia Baptismi.

Quæres 5. Quenam sit materia proxima Baptismi?

Resp. Est exterior corporis ablutio, per aquam immediate supra corpus baptizandi fluentem: nam talis ablutio est materiæ remotæ ad subjectum applicatio.

Hinc, 1. debet esse motus aquæ successivus. 2. Non sufficit ut vestes aut capillos attingat, sed necesse est ut perfundat corpus. 3. necesse est ut abluatur una ex præcipuis partibus corporis, maxime vero caput, in quo omnes sensus vigent. Inde sequitur Baptismus, in quo abluatur manus vel pes infantis, esse dubium, quia licet dicatur ablutus secundum quid, non tamen dicitur ablutus simpliciter & absolute & ideo R. tualia docent illum Baptismus esse sub conditione repetendum.

Quæres 6. Quot modis fieri potest ablutio, ut sit validum Sacramentum?

Resp. Triplici, 1. Per immersionem, ut hætenus apud Græcos, apud Latinos vero usque ad XII. sæculum. 2. Per infusionem, ut hodie apud Latinos. 3. Per aspersionem, qua creditur usum fuisse S. Petrum, quando in una die 3000. hominum baptizavit. Ratio est, quia nullum ex his modis Christus determinavit; ergo per quemeumque satisfit præcepto Christi, baptizantes



eos, &c. . . . Dixi, *Ut validum sit Sacramentum*; quia, ut licitum sit, quilibet tenetur ritum servare præscriptum in Ecclesia, cui adscriptus est, nimirum immersionem apud Græcos, & infusionem apud Latinos.

Quæres 7. *Quenam sit forma Baptismi?*

Resp. Apud Latinos, hæc est: *Ego te baptizo in nomine Patris*, &c. Apud Græcos vero *Baptizatur* (supple, a me) *servus, vel serva Dei N in nomine Patris*. &c. Ita fert Euchologium, quo Græci a mille annis & amplius utuntur. Unde non differt, quoad sensum, a forma Latinorum.

Quæres 8. *Quenam voces Baptismi in forma necessaria sint pronuntiandæ, ut valeat Sacramentum?*

Resp. 1. Pronuntiari debent voces, *te baptizo*, quibus exprimuntur actio ministri, & persona baptizanda, ut definierunt Alexand. III. cap. si quis, extrav. de Bapt. Alexand. VIII. qui hæc prop. damnavit: *Valuit aliquando Baptismus sub hac forma collatus, in nomine Patris*, &c. præterea *ssis istis*, ego te baptizo. . . quoad pronomen, *ego*, sufficienter exprimitur in verbo, *baptizo*.

2. Pronuntiari debet verbum, *in nomine*, quo unitas naturæ exprimitur, quia ita determinavit Christus; unde qui diceret, *in nominibus*, tolleretur sensum formæ a Christo determinatæ.

3. Pronuntiari debent hæ voces: *In nomine Patris, & Filii, & Spiritus sancti*; quibus exprimitur distinctio invocationis trium SS. Trinitatis personarum: tum quia Christus eas designavit: tum quia SS. PP. semper rejecerunt Baptisma ab hæreticis collatum absque hac expressa & distincta invocatione.

Obijciat: Ex actibus Apost. c. 2. 8. & 19. Apostoli baptizarunt in nomina Jesu Christi. Ergo.

Resp. Dist. ant. Baptizarunt, in nomine Jesu, id est, Baptismate a Jesu instituto, conc. id est, invocato solo nomine Jesu, nego. Nam Act. 29. cum aliqui Ephesii dixissent Paulo: *Neque si Spiritus sanctus est, audivimus*, respondit Paulus, *in quo ergo baptizati estis?* quibus verbis significatur, etiam Pauli tempore, in Baptismi forma, Spiritus sancti nomen invocatum fuisse.

Instabis: Actor. 8. dicitur, *Baptizati tantum erant in nomine Domini Jesu*; ergo.

Resp. Nego conseq. Nam vox, *tantum*, excludit eundem receptionem confirmationis, sed non invocationem aliarum personarum.

## S. II. De necessitate Baptismi.

Quæres 1. *Quotuplex distinguatur necessarium ad salutem?*

Resp. Duplex, nempe, *necessarium necessitate præcepti*,



*per*, quod sine peccato non potest omitti culpabiliter, & *necessarium necessitate medii*, estque illud sine quo salus obtineri non potest, sive culpabiliter, sive inculpabiliter quis eo privetur. Quod si non possit suppleri per aliud æquivalens, dicitur, *necessarium necessitate absoluta*, talis est, fides, spes, charitas, gratia habitualis, &c. Si vero possit suppleri per aliud, dicitur, *necessarium necessitate medii hypothetica*, talis est Baptismus, qui potest suppleri per Baptismum sanguinis, vel flammis.

Quæres 2. *Utrum Baptismus sit necessarius [necessitate medii] ad salutem?*

*Resp.* Extra casum martyrii, omnibus, tam infantibus, quam adultis est necessarius, necessitate medii in re, vel in voto: Joan. 3. *Nisi quis renatus fuerit ex aqua & Spiritu sancto, non potest intrare in regnum Dei.* Quod oraculum est generale: Nullum excipit, inquit D. Ambros. lib. 2. de Abraham, cap. 11. *non infantem, non aliqua necessitate præventum.* Hinc Conc. Trid. definit: *Si quis dixerit Baptismum liberum esse, hoc est, non necessarium ad salutem, anathema sit.*

*Obijci* Calvinus, Filii fidelium, ex Apost. 1. Cor. 7. *Sancti sunt.* Ergo.

*Resp.* *Dist. ans.* Sunt sanctis, dispositive, *cons.* formaliter, *neg.* Dicuntur ergo sancti, quia destinantur ad sanctitatem per Baptismum suscipiendam.

Quæres 3. *Utrum Baptismus flammis suppleat vices Baptismi aqua?*

*Resp.* Supplet ex opere operantis, seu elicientis actum perfectæ charitatis cum explicito Sacramenti voto. Id constat ex perpetua Ecclesiæ doctrina, qua innixi PP. Tridentini docent, sess. 6. c. 4. *Post Evangelium promulgatum, nunquam fieri translationem a statu veteris Adæ ad statum gratiæ, sine lavacro regenerationis, aut ejus voto.* Quod votum debet esse explicitum, alias Concilio fuisse inutile illud distincte appellare, cum votum implicitum semper includatur in contritione perfecta.

Quæres 4. *An martyrium suppleat vices Baptismi?*

*Resp.* Supplet, ut expresse tradit Div. August. lib. 13. de civit. Dei, cap. 7. *Quicumque, inquit, etiam non percepto regenerationis lavacro, pro Christi confessione moriuntur, tantum eis valet ad dimittenda peccata, quantum si abluerentur sacro fonte baptismatis.* Qui enim dixit: *Nisi quis renatus fuerit ex aqua, &c. alia sententia istos fecit exceptos, ubi non minus generaliter dicit: Qui me confessus fuerit, &c. Et alio loco: Qui perdidit animam suam, propter me, inveniet eam.... Porro martyrium supplet vices Baptismi ex opere operato, nam sic infantibus prodest; ergo & adultis, nulla enim est disparitas, unde Div. Thom. in 4. dist. 12. a. 3. ad 1. de martyrio generatim dicit: *Non habet liberatio-**



versionem a culpa & poena, tantum ex opere operante, sed hoc habet ex imitatione passionis Christi.

§. III. De ministro & subiecto Baptismi.

Quæres 1. Quotuplex distingui possit minister Baptismi?

Resp. Triplex, nempe, *ordinarius*, qui Baptismum ex officio administrat. *Extraordinarius*, qui Baptismum ex delegatione ministri ordinarii administrat. Et *minister necessitatis*, qui Baptismum confert constituto in periculo vitæ.

Quæres 2. Quinam sit minister Baptismi?

Resp. 1. Minister *ordinarius*, est Episcopus, & dependenter ab Episcopo Sacerdos, quibus, in personis Apostolorum & Discipulorum, Christus dixit, Matth. 28. *Euntes docete omnes gentes, baptizantes eos, &c.* 2. Minister *extraordinarius*, est Diaconus, de licentia Episcopi aut Presbyteri, ut refertur cap. *constas*, dist. 4. de consec. *Constas Baptisma solis Sacerdotibus esse tractandum, ejusque mysterium, nec ipsis Diaconis explorare est licitum, absque Episcopo, vel Presbytero, (id est, absque licentia Episcopi, vel Presbyteri, ait glossa) nisi his procul absentibus, ultima languoris necessitas cogat...* Minister *necessitatis*, est quilibet homo, sive vir, sive mulier, sive baptizatus, sive non. Ratio est, voluntas Christi nobis ex traditione & praxi Ecclesiæ manifestata, ad quam attendens Conc. Florent. definit: *In casu autem necessitatis, non solum Sacerdos, vel Diaconus, sed etiam Laicus vel mulier, imo etiam paganus & hereticus baptizare potest, dummodo formam servet Ecclesiæ, & facere intendat quod facit Ecclesiæ.*

Quæres 3. Utrum infantes, & perpetuo amentes possint baptizari?

Resp. Possunt valide & licite: ut constat ex perpetua Ecclesiæ praxi & traditione: Ecclesiæ traditionem ab Apostolis suscepit, etiam parvulis dare Baptismum, ait Origen. tom. 2 p. 35. & D. August. l. 1. de Gen. ad litteram, c. 23. dicit; *Consuetudo matris Ecclesiæ in baptizandis parvulis nequaquam spernenda est, neque ullo modo superflua deputanda, nec omnino credenda, nisi apostolica esset traditio.* Hanc veterem Ecclesiæ doctrinam confirmavit Conc. Trid. sess. 7. cap. 13. quo Anabaptistas anathemate percussit.

Objectiones: Nemo potest baptizari, nisi prius instruat, euntes docete omnes gentes, baptizantes eos, &c. Atqui infantes non possunt instrui; ergo.

Resp. Dist. maj. Nemo adultus, conc. nemo infans, nego. Nam mandatum Christi, quoad doctrinam, spectat solos adultos, sed quoad necessitatem Baptismi, spectat omnes, ut constat ex traditione.

Inß.



*Inst.* Nemo potest baptizari, nisi credat, Marci ult. Qui credideris & baptizatus fuerit, salvus erit. Atqui infantes non sunt capaces fidei; ergo, &c.

*Resp. Nego maj.* Nam infantes baptizantur in sola fide Ecclesiae, ut definiuit Conc. Trid. textus ergo est intelligendus de adultis.

Quæres 4. *Utrum liceat filios infidelium baptizare inuitis parentibus?*

*Resp. 1.* Filii hæreticorum licite possunt inuitis parentibus baptizari. Quia cum ratione Baptismi fiat subditi Ecclesiae, possunt cogi ab Ecclesia, ut infantes suos baptizari curent; ergo eis possunt eripi, ut baptizentur.

*Resp. 2.* Filii mancipiorum non baptizatorum, possunt ac debent inuitis parentibus baptizari, quia ratione servitutis parentum, pertinent ad dominos, quorum sunt possessio; ergo.

*Resp. 3.* Filii infidelium non baptizatorum, sive principibus infidelibus, sive fidelibus civiliter tantum subditorum non possunt licite, utroque parente invito, baptizari, nisi jamjam sint in evidenti periculo mortis. Quia vel illi infantes subtraherentur parentibus, vel non; si primum, violaretur jus naturale quod habent parentes in filios: si secundum, exponeretur Sacramentum periculo prophanationis; atqui neutrum est licitum, cum non sint facienda mala ut eveniant bona; ergo.

Dixi 1. *Utroque parente invito*, quia si alteruter parens consentiat, potest infans, altero renitente, baptizari, nam voluntas iusta unius parentis in favorem prolis, præferenda est injustæ alterius voluntati in prolis præjudicium.

Dixi 2. *Nisi infans jamjam esset in evidenti periculo mortis*, quia tunc nec eriperetur parentibus, nec Baptismus prophanationi exponeretur.

#### S. IV. De effectibus & caeremoniis Baptismi.

Quæres 1. *Quot sint effectus Baptismi?*

*Resp.* Sublato obiectione, sunt tres, nimirum,

*Primus*, est gratia sanctificans, quæ hominem interius regenerat, ac delicta quæcumque, tum originale, tum actualia totaliter remittit, & quoad culpam, & quoad poenam, cum nihil damnationis sit iis qui sunt in Christo Jesu regenerati.

*Secundus*, est gratia sacramentalis, quæ definitur: *Gratia habitualis regenerativa, annexum habens jus ad gratias actuales necessarias ad conservandam vitam spiritualem per Baptismum acceptam, & ad digne suscipiendam alia Sacramenta*, quorum est janua.

*Tertius* est character, ut supra probavimus.

Quæres 2. *Quenam sint dispositiones necessariae ad recipiendos effectus Baptismi?*

*Resp.*



*Resp.* Ad recipiendum characterem sufficit voluntas recipiendi Baptismi; sed ad gratiam recipiendam requiruntur ex Conc. Trid. sess. 6. cap. 6. fides, timor, spes, amor initialis, odium ac detestatio peccati, tandem propositum inchoandi novam vitam, & servandi divina mandata.

*Quæres 3. Utrum ceremonia Baptismi, quæ, cogente necessitate, fuerant omissa, sint postea supplenda?*

*Resp. Affirm.* Id enim præscribunt omnes libri Rituales.

*Obijcies.* Exorcismi sunt inutiles post Baptismum, quo fugatus est daemon; ergo frustra supplentur.

*Resp. Nego ant.* Nam exorcismi non tantum adhibentur ad fugandos daemones, sed etiam ad eorum vires reprimendas, quare D. Thom. 3. p. 2. q. 71. a. 3. ad 3. dicit: *Nec frustra supplentur post Baptismum: quia sicut impediatur effectus Baptismi antequam percipiat, ita potest impedi postquam fuerit perceptus.*

*Quæres 4. Quenam sint obligationes patrinoꝝ?*

*Resp.* Sunt quinque, namque debent, 1. Baptizandum Parocho præsentare. 2. Pro eo respondere, si nequeat. 3. Illum tenere dum baptizatur. 4. Illum de manu baptizantis suscipere. 5. Illum debite in rebus fidei, & doctrina christiana instruere, si parentes id præstare non possint. Unde ab officio Patrini excluduntur amentes, non baptizati, hæretici, publice excommunicati & infames, quia non sunt capaces instruendi baptizandos in doctrina christiana.

*Quæres 5. Quinam, ratione status, excluduntur ab officio patrini?*

*Resp.* Excluduntur. 1. Religiosi & sanctimonialis. 2. Pater & mater infantis, quia contraderent inter se cognitionem spirituales, quæ impediret usum Matrimonii.

## EDISERTATIO III.

### De Confirmatione.

*Nota:* **A** Genus 1. De natura, materia, & forma Confirmationis. 2. De ejus ministro, subjecto, & necessitate. 3. De ejus effectibus & ceremoniis.

#### §. I. De natura, ac materia & forma Confirmationis.

*Quæres 1. Quid sit Confirmatio?*

*Resp.* Definatur: Sacramentum a Christo institutum, quæ baptizatus per unctionem Chris̃matis in fronte per modum Crucis signatur, sub præscripta verborum forma, corroboratur ad fidem firmiter tenendam, & intrepide proficiendam.

Quæ-



Quæres 2. Utrum Confirmatio sit verum ac proprium  
dilectum novæ legis Sacramentum?

Resp. Affirm. Nam habet omnia requisita ad verum  
Sacramentum, ut colligitur ex Act. Apost. cap. 8. est  
enim 1. signum sensibile, Tunc imponebant manus super  
illos. 2. Habet vim producendi gratiam. Et accipiebant  
Spiritus sanctum. 3. Est a Christo instituta, cum solius  
Christi sit instituere signum collativum gratiæ. 4. Est  
permanentiter instituta, ut demonstrat Ecclesiæ usus ab  
Apostolis ad nos usque non interruptus, & testantur om-  
nes Patres cum S. Clem. Epist. 4. Omnibus festinan-  
dum est sine mora renasci, & demum consignari ab Epi-  
scopo... ut a S. Petro accipimus, & ceteri SS. Aposto-  
li, præcipiente Domino, docuerunt. Unde merito Conc.  
Trid. sess. 7. can. 1. de Confirm. definit Confirmationem  
esse verum & proprium Sacramentum.

Quæres 3. Quo tempore Christus institueris Confirma-  
tionem?

Resp. Cum id neque ex Scriptura, neque ex traditio-  
ne possit colligi, incertum est; probabilius tamen est  
sententia eorum, qui docent Christum instituisse confir-  
mationem intra illud spatium temporis quod finxit a Re-  
surrectione usque ad Ascensionem.

Quæres 4. Quenam sit materia remota Confirmationis?

Resp. Est Chrisma, confectum ex oleo & balsamo, be-  
nedictum ab Episcopo, ut expresse declaravit Conc. Flor.  
in decreto: Secundum Sacramentum est Confirmatio, cu-  
jus materia est Chrisma confectum ex oleo, quod nitorem  
significat conscientie; & balsamo, quod odorem significat  
bonæ famæ, per Episcopum benedictio. Id confirmat pra-  
xis Ecclesiæ non interrupta.

Quæres 5. Quenam sit materia essentialis & adæqua-  
ta Confirmationis?

Resp. Est ea impositio manus, qua Episcopus d. ungit  
per modum Crucis frontem confirmandi. Ita docent Pa-  
tres: Illa unctio, inquit V. Beda, quæ per manus im-  
positionem fit ab Episcopo, vulgo Confirmatio dicitur.  
Rabanus Maurus, lib. 1. de institut. Cler. cap. 28.  
refert ex S. Sylvestro, ad solum Episcopum pertinere,  
ut baptizatum per manus impositionem cum ipso Chris-  
mate consignet. Unde sic concludit Bellarm. lib. 1. de  
Confir. cap. 2. Ipsa unctio & signatio, cum manu fiat;  
manus impositio recte dicitur; qui enim inungis, manus  
imponit, & ideoque utrumque significatur, etiamsi alter-  
um tantum exprimi videtur, ut addit cap. 9. Præterea,  
Græci habent verum Confirmationis Sacramentum: atqui  
tamen apud illos nulla fit manus impositio distincta ab  
unctione Chrismatis, ut constet ex Conc. Constantinop.  
1. can. 7. & fatetur Goarius; ergo, &c.

Obijciat: Apostoli per solam manus impositionem con-  
firmasse referuntur. Act. 8. Ergo, &c.

Resp.



*Resp. Nego ant.* Nam in Scripturis, unctio est manus impositio, quod probat Bellarm. ex Marci 7. ubi, *Cum posuissent quidam, ut Dominus imponeres manus furdo & muto, ille id fecit: nam, misit digitos suos in auriculas ejus, & expuens tetigit linguam ejus, ait Textus.*

*Inst.* Eugenius IV. in decreto, post laudatum Textum *Aff. 8.* ait: *Loco autem illius manus impositionis, datur in Ecclesia Confirmatio.* Ergo unctio, qua datur nunc Confirmatio, distinguitur a manus impositione, qua dabatur ab Apostolis.

*Resp. Nego conseq.* Nam, *Sensus non est*, inquit Bellarm. *Christus esse loco impositionis manuum, quasi Apostoli non usi fuerint Chrismate, & nos non utamur manus impositione: sed sensus est, id ipsum quod Apostoli faciebant, cum dicebantur manus imponere, facere nunc Episcopos, cum dicuntur confirmare aut chrismare: distinguitur enim in his locis, non ritus a ritu, sed modus loquendi a modo loquendi, &c.*

*Quæres 6. Quenam sit forma essentialis & adequata Confirmationis?*

*Resp.* Forma, apud Latinos, est: *Signo te signo Crucis, & confirmo te chrismate salutis, in nomine Patris, &c.* Et apud Græcos, hæc est: *Signaculum doni Spiritus sancti, in nomine Patris, &c.* Constat ex omnibus Ritualibus Latinerum, & Euchologiis Græcorum, & ex usu perpetuo utriusque Ecclesiæ.

*Obijcies;* Forma Confirmationis debet esse deprecatoria; nam, *Orabant pro ipsis ut acciperent Spiritum sanctum.* Atqui hæc verba: *Signo te, confirmo te,* non sunt deprecatoria, sed absoluta: ergo.

*Resp. Dist. maj.* Debet esse deprecatoria virtualiter & quoad sensum, *con.* quoad pronuntiationem & grammaticaliter, *neg.* Porro verba formæ, licet indicative pronuntientur, tacitam includuat orationem, qua minister divinam opem invocat, ut effectum sacramentalem producat.

*Inst.* Ex his verbis, Jac. 5. *Et orant super eum, ungentes, &c.* recte inferitur formam Extremæ unctionis debere pronuntiarı deprecative; ergo ex his verbis, *Oraverunt pro ipsis, ut acciperent, &c.* idem inferri debet.

*Resp. Nego conseq.* Disparitas petitur ex Tradit. Apostolica relucente in perpetua praxi Ecclesiæ.

## §. II. De ministro, subjecto, & necessitate Confirmationis.

*Quæres 1. Quenam sit minister ordinarius Confirmationis?*

*Resp.* De fide est, solum esse Episcopum, ut constat, cum ex Scriptura, *Aff. 8.* ubi legitur Petrum & Joannem

nem  
lippo  
ritum  
dicen  
Virtu  
autem  
eis fir  
non a  
cilia  
Obje  
manus  
Jesum  
go, &  
Resp  
dum,  
non p  
sed pe  
ceden  
cepit;  
Qua  
firmat  
Resp  
ciam;  
prout  
concess  
fertur  
quit,  
mate u  
ca, a  
firmati  
eclesia  
miste i  
mation  
invalid  
Obje  
non ju  
ri per  
Resp  
fecta,  
tem po  
ratione  
testatem  
dam po  
quam p  
Confirm  
Quæ  
Resp  
dem, u  
tibus un  
ministra  
Con



nem Apostolos, missos fuisse Samaritaniam, ut eis, quia Philippo baptizati fuerant, manus imponerent & darent Spiritum sanctum: tum ex Tradit. cujus testes sunt Patres, dicentes eum Div. Chrysostom. hom. 18. in cap. 8. Act. Virtutem quidem asceperant Diaconi faciendi signa, non autem dandi aliis Spiritum sanctum; inter hoc erat in eis singulare, unde & precipuos, id est, Episcopos, & non alios videmus hoc facere. Ita enim definiunt Concilia Flor. in decreto, & Trid. sess. 7. can. 3.

*Obijcies:* Ananias, qui non erat Episcopus, imposuit manus Paulo, dicens: *Saul Frater, Dominus misit me Jesus . . . . ut videas, & implearis Spiritu sancto; ergo, &c.*

*Resp. Dist. ant.* Imposuit manus ad visum ei restituendum, conc. ad eum confirmandum, nego. Unde Paulus non per Confirmationem impletus est Spiritu sancto, sed per Baptismum, ut patet ex contextu, & *confestim ceciderunt ab oculis ejus sanguinem squamae, & visum recepit; & surgens baptizatus est.*

*Quæres 2.* Quis possit esse minister extraordinarius Confirmationis?

*Resp.* Simplex Presbyter per dispensationem Pontificiam; sed debet uti Chrismate per Episcopum benedicto, prout statuit Concilium Florent. in decreto; nam 1. id concessit Gregor Magnus Presbyteris Calaritanis, ut refertur cap. *Pervenit*, dist. 61. *Ubi dicitur Episcopi*, inquit, ut Presbyteri etiam in frontibus baptizato Chrismate ungere debeant, concedimus. 2. In Ecclesia Græca, a mille annis & amplius, simplices Presbyteri Confirmationem conferunt, quam praxim non reprobat Ecclesia Latina, quæ Græcos in suam communiam admisit in Concilio Lugdun. II. & Flor. nec tamen Confirmationem, ab eorum Presbyteris collatam, rejectit ut invalidam; ergo, &c.

*Obijcies:* Potestas confirmandi, est potestas Ordinis, non jurisdictionis; atqui potestas Ordinis non potest dari per delegatum; ergo, &c.

*Resp. Dist. maj.* Potestas confirmandi ordinaria & perfecta, conc. extraordinaria & imperfecta, nego. Sola autem potestas extraordinaria potest dari Presbytero, qui ratione sui Ordinis inchoatam habet & incompletam potestatem, quia capax sit ut ad Confirmationem conferendam possit delegari per dispensationem Pontificiam, per quam potestas illa perficitur ac completur, ut valida sit Confirmatio, alias invalida futura.

*Quæres 3.* Quodnam sit subiectum Confirmationis?

*Resp.* Est omnis, & solus homo baptizatus: omnis quidem, ut constat ex praxi primitivæ Ecclesiæ, quæ infantibus una cum Baptismo Confirmationem & Eucharistiam ministrabat, quam praxim nunc etiam observat Ecclesia

Compend. ex Charmes.

Q

Græ.



Græca. Solus etiam, quia Baptismus est janua cæterorum Sacramentorum.

Quæres 4. *Quanam dispositiones requiruntur in confirmando?*

Resp. Ut validum sit Sacramentum, sufficit voluntas illud recipiendi: ut cum fructu recipiatur, requiritur status gratiæ ad Sacramenti vivorum receptionem necessariæ.

Quæres 5. *Utrum confirmatio sit necessaria ad salutem?*

Resp. Non est necessaria necessitate mediæ, quia sine ea homo potest salvari per Baptismum & Pœnitentiam; sed est necessaria necessitate præcepti divini & ecclesiastici; nam Christus præcepit Apostolis; ut Confirmationem recipere; *Præceptis eis ab Hierosolymis ne discederent, sed expectarent promissionem Patris*; atque cæteri omnes, tum viri, tum mulieres huic præcepto paruerunt, dicente Scriptura ibidem: *Hi omnes erant perseverantes unanimiter in oratione cum mulieribus, & Maria Matre Jesu, & fratribus ejus*. Ergo omnes sibi præceptum esse impositum intellexerunt. Hinc Conc. Secondum definit: Confirmationem omnes Christiani, tam viri quam mulieres, usum rationis habentes, obligantur suscipere, aus saltem non contemnere. Contemnere autem dicitur, quando Episcopus est presens paratus dare, & persona hoc sciens negligit.

### S. III. De effectibus, & caeremoniis Confirmationis.

Quæres 1. *Quot sint effectus Confirmationis?*

Resp. Sunt tres. Primus, est gratia sanctificans secunda. Secundus, est gratia sacramentalis, quæ definitur, gratia habitualis roborativa, annexum jam habens ad gratias actuales necessarias, ut Christianus audacter Christi nomen confiteatur, ait Flor. in decreto. Tertius, est character, quo baptizatus adscribitur militiæ Christi.

Quæres 2. *Quanam sint Confirmationis caeremoniæ?*

Resp. Sunt sex, nempe, 1. Adhibitio patini; qui sit baptizatus & confirmatus. 2. Mutatio nominis. si sit turpe vel ridiculum. 3. Est manus impositio, qua Episcopus super confirmandos divinam implorat protectionem. 4. Est levis inflicto alape in maxilla confirmati. 5. Est crux quæ datur confirmato. 6. Denique, est circumligatio frontis confirmati fasciola lineæ per triduum, ut significetur gratiam acceptam conservandam esse diligenter: cepit Synodus Melodunensis, nisi frontes, presente Episcopo, eodem panno vel bombyce abstergenda curentur.



## DISSERTATIO IV.

## De Eucharistia.

Quæres : **Q**uot modis sit *Statu* Eucharistia?  
*Resp.* Spectatur ut Sacramentum, & ut  
 est Sacrificium, de quibus agendum habemus duplici Ca-  
 pite.

## CAPUT I.

## De Eucharistia, ut est Sacramentum.

Nota : **A** Gemus, 1. de essentia, 2. de materia & for-  
 ma, 3. de re in Eucharistia contenta, 4. de  
 ministro & subiecto, 5. de usu, 6. de effectibus Eucha-  
 ristie.

## §. I. De essentia Eucharistie.

Quæres 1. Quid sit Eucharistia?

*Resp.* Definitur, Sacramentum a Christo institutum  
 ad spiritualem animæ refectionem, in quo Corpus & San-  
 guis Christi, vere, realiter, & substantialiter continen-  
 tur sub speciebus panis & vini.

Quæres 2. Utrum Eucharistia sit verum Sacramen-  
 tum?

*Resp. Affirm.* Nam 1. est signum sacrum, sensibile per  
 species panis & vini, 2. Est signum gratiæ invisibilis,  
 spiritualis scilicet refectionis, Joan. 6. Qui manducas  
 meam carnem, & bibis meum Sanguinem, habes vitam  
 æternam, 3. Est a Christo permanentiter instituta, juxta  
 illud: Hoc facite in meam commemorationem.

Quæres 3. Utrum Eucharistia consistat in usu & sum-  
 ptione, vel in re permanente?

*Resp.* Consistit in re permanente: nam 1. Christus prius  
 protulit verba consecratoria, quam Corpus ad manducan-  
 dum, & Sanguinem ad bibendum Apostolis porrexerit;  
 ergo ante actualem usum & manducationem fuerunt sub  
 speciebus; ergo fuit verum Sacramentum. 2. Ab ipso  
 Apostolorum tempore, Eucharistia aservabatur domi, ad  
 abientes & ægrotantes deferebatur. Ad quam proximam &  
 traditionem attendens Concil. Trident. anathemate per-  
 cellit eos qui dixerint, In Hostiis seu particulis consecra-  
 tis, quæ post Communionem reservantur, vel supersunt,  
 non remanere verum Corpus Domini.

*Obijciat:* Omne Sacramentum constat rebus tanquam  
 materia, & verbis tanquam forma; atqui Eucharistia post  
 consecrationem non constat verbis; ergo.

*Resp. Diss. maj.* Sacramentum in fieri, cont. in facto  
 esse



esse, nego. Hic autem loquimur de Sacramento in facto esse, quod licet extrinsece confectum sit verbis, tamen intrinsece componitur Corpore & Sanguine Christi, non verbis . . . . Ergo Eucharistia non consistit essentialiter in consecratione, cum constet verbis quæ fluunt ac transeunt.

Quæres 4. *Utrum Eucharistia consistat essentialiter in solis speciebus?*

Resp. Negat. Nam Eucharistia gratiam confert, adoratur a fidelibus, consecratur a ministris, quæ omnia non conveniunt solis speciebus.

Obijciat: Innoc. III. tria distinguit in Eucharistia, nempe, Sacramentum tantum, res Sacramenti tantum, res Sacramenti & Sacramentum simul, additque species esse Sacramentum tantum; ergo, &c.

Resp. Sumit nomen Sacramentum inadæquate, pro eo præcise quod significat, non pro eo quod significat simul & significatur.

Quæres 5. *Utrum essentialiter consistat in solo corpore & sanguine Christi.*

Resp. Negat. Nam Corpus & Sanguis solus non sunt quid sensibile, est tamen de ratione Sacramenti quod sit signum sensibile.

Quæres 6. *In quo ergo Eucharistia essentialiter consistat?*

Resp. Consistit essentialiter & adæquate in speciebus simul & corpore ac sanguine Christi, quia huic complexo apprimè conveniunt omnes veri Sacramenti conditiones; est enim signum sensibile per species, gratiæ invisibilis per Corpus & Sanguinem Christi, &c. Unde species in hoc Sacramento habent rationem materiæ, & Corpus ac Sanguis Christi rationem formæ.

Quæres 7. *Utrum Eucharistia, quæ duplici constat specie, sit duplex Sacramentum?*

Resp. Est unum tantum; quia, licet duabus speciebus constet, unam tamen confert gratiam sacramentalem, refectionem scilicet spiritualement; ergo.

## §. II. De materia & forma Eucharistia in fieri.

Quæres 1. *Quanam sit materia Eucharistia in fieri?*  
Resp. Est panis pro consecrando Corpore, & vinum pro consecrando sanguine.

Quæres 2. *Quinam panis sit (materia necessaria Eucharistia)?*

Resp. Est Panis triticeus, & non alius; nam panis quo Christus usus est dum Eucharistiam instituit, vocatur panis simpliciter & sine addite, Luc. 22. Accipis Jesus panem, &c. Atqui solus panis triticeus est, & vo.

& vocat  
panes  
douce  
decre  
deus,  
vus,

Qua  
mentar

Resp  
uterqu  
inter  
decreto

Pane  
Dixi  
licita  
Ecclesi  
cerdote  
sa sua  
nem.

Qua  
Resp

stituit  
vespera  
nullo  
illius  
legis o

Obje  
diam s

Resp  
incipie  
debat i  
monial

Inf.  
nam i.

præpar  
2. Jud

fieri i  
Resp

non tu  
qui eo  
neque  
Pascha  
præpar

Resp

tus in  
bus del

nem Jo  
justitia

Qua  
charisti

Resp  
do de h



& vocatur panis simpliciter: alii vero panes, dicuntur panes secundum quid, & cum addito. v. gr. *Panis hordeaceus, panis ex fabis*, &c. Hinc Conc. Florent. in decreto, ait *Eucharistie... materia, est panis triticeus, & vinum de vite.*

Quæres 3. *Utrum panis debeat esse azymus, vel fermentatus?*

Resp. In utroque valide conficitur Sacramentum, quia uterque est verus panis simpliciter dictus, nec differunt inter se, nisi accidentaliter: Unde Concil. Florent. in decreto, ait: *Definimus in azymo, sive in fermentato pane triticeo Christi Corpus veraciter confici.*

Dixi: *Valide conficitur Sacramentum*: quia, ut sit licita consecratio, quilibet Sacerdos tenetur sequi leges Ecclesiæ, quæ in Concil. Florent. definit, ut latini Sacerdotes azymum, & græci fermentatum consecrent, *juxta suæ Ecclesiæ orientalis, sive occidentalis, consuetudinem.*

Quæres 4. *In quo pane Christus consecraverit?*

Resp. Consecravit in azymo. Nam Eucharistiam instituit primo die azymorum; Marci 14. Atqui a prima vespere primi diei azymorum usque ad septimum diem, nullo modo licebat Judæis uti pane fermentato, imo nec illius frustulum domi asservare; ergo Christus, utpote legis observantissimus, consecravit in azymo.

Objectiones: Christus ultimam coenam celebravit *anno dñm festum Paschæ*, Joan. 13. ergo, &c.

Resp. Joannes loquitur de die naturali Paschæ, quæ incipiebat ab ortu solis ad occasum, & eo anno incidebat in diem veneris; sed non loquitur de die ceremoniali, quæ inceperat die jovis ad vespem.

Inst. Christus non est mortuus in die solemnæ Paschæ: nam 1. dies veneris, qua Christus mortuus est, dicitur præparatio ad Pascha, Joan. 10. *Erat parasceve Paschæ.* 2. Judæi dicebant, non in die festo, ne forte tumultus fieret in populo.

Resp. ad 1. Parasceve, de quo D. Joan. loquitur, non fuit ad ipsam diem Paschæ, sed ad diem Sabbati, qui eo anno incidebat in diem secundam azymorum: neque enim dies Paschæ habebat *parasceve*, quia ipse Paschatis die, & omnibus diebus paschalibus licebat ea præparare, quæ ad victum erant necessaria.

Resp. ad 2. Quod quidem Judæi, ob metum tumultus in ea fuerint searentia, sed prævalere suffragia, quibus deliberatum est non prætermittendum esse occasionem Jesum capiendi, & occidendi, violatis omnia iustitiæ & religionis iuribus.

Quæres 5. *Quodnam vinum sit materia necessaria Eucharistiæ?*

Resp. Est vinum de vite, Matth. 26. *Non bibam unum de hoc genimine vitis.* Hinc invalida est consecratio



tentata in omphacia, aceto, &c. Quia non sunt vinum. Nec uva ex qua nondum expresum est vinum, quia non est potabilis; sed tantum manducabilis. Valet tamen consecratio in musto & vino accecente, quia retinent naturam vini, est tamen illicita ob foeces adjunctas, & alterationem.

Quæres 6. *Utrum aqua debeat vino consecrando admisceri?*

*Resp.* Debet ex præcepto ecclesiastico, ut constat ex Conc. Trid. sess. 13. cap. 7. *Monet sancta Synodus, inquit, præceptum esse ab Ecclesia Sacerdotibus, ut aquam vino in calice offerendo miscerent, cum quod Christus Dominum ita fecisse credatur; tum etiam quia e latere ejus aqua simul cum sanguine exierit, quod Sacramentum hac mixtione recolitur, &c.*

*Obijciat:* Ex Conc. Carthaginensi III. mixtio aquæ fuit a Christo tradita; ergo.

*Resp. Dist. ant.* Fuit tradita, tanquam exemplum quod convenit sequi, conced. tanquam præceptum, nego. Constat ex Contil. Trid.

Quæres 7. *In qua quantitate aqua vino debet misceri?*

*Resp.* In modica quantitate, ut constat tum ex præxi Ecclesiæ, tum ex Conc. Florent. docente materiam calicis esse vinum de vite, cui ante consecrationem aqua modicissima admisceri debet. Illaque mixtio debet fieri tempore Missæ, alioquin sacram non haberet significationem.

Quæres 8. *Utrum Christus verbis ad consecrandum usus fuerit?*

*Resp. Affirm.* Nam ita decent SS. PP. Textul. lib. 4. contra Marcion. cap. 40. ait: *Acceptum panem & distributum discipulis, Corpus suum fecit dicendo: hoc est Corpus meum, &c.* D. Ambros. lib. 4. de Sacramento, cap. 4. dicit: *Consecratio ejus verbis est, aut ejus sermonibus? Domino Jesu... ergo sermo Christi hoc conficit Sacramentum.* Hinc Conc. Florent. ait. *Forma hujus Sacramenti sunt verba saluatoris, quibus hoc conficit Sacramentum: Sacerdos enim in persona Christi hoc conficit Sacramentum.*

*Obijciat:* Marci 14. dicitur: *Et accepto calice gratias agens dedit eis, & biberunt ex illo omnes. Et ait illis, hic est Sanguis meus, &c.* Ex quo sic arguo: Prius Apostoli panem Eucharisticum & Calicem sumperant, quam dixisset Christus: *Hoc est Corpus meum. Hic est Sanguis meus, &c.* Ergo non illis verbis consecravit, sed præcedente benedictione.

*Resp. Nego ant.* Nam D. Marcus non est secutus ordinem narrationis, ut constat ex aliis Evangelistis & Apostolo; sed hæc verba: *Biberunt ex illo omnes*; protulit per anticipationem, ut nempæ præceptum Christi de fumendo calice conjungeret cum ejus executione.

Quæ.



Quæres 9. *Quanam verba essentialam Eucharistiam formam constituunt?*

*Resp.* Sunt ista: *Hoc est Corpus meum. Hic est calix Sanguinis mei*, vel, ut habet Marcus, *hic est Sanguis meus*. Nam illa omnia verba, & quidem sola, perfecte significant transubstantiationem panis in Corpus, & vini in Sanguinem Christi; ergo illam efficiunt... ergo hæc verba, *qui pridie quam pateretur*, &c. Non sunt de essentia formæ, quia non sunt verba Christi, sicut nec particula, *enim*... quoad ista verba: *Accipite, manducate, & bibite: novi & æterni Sacramenti*: sunt quidem verba Christi, sed non sunt de essentia formæ, quia non significant transubstantiationem.

*Obijcies* 1. Multi Patres asserunt Eucharistiam oratione consecrari; ergo, &c.

*Resp.* Nego *conseq.* Nam illi Patres per orationem, intelligunt verba Christi, quæ sunt implicita oratio, quatenus Deum efficaciter movet ad effectum sacramentalem producendum.

*Obijcies* 2. In Liturgia D. Chrysost. Sacerdos, post prolationem verborum Christi, sic orat: *Fac panem istum pretiosum Corpus Christi tui, transmutans Spiritu sancto tuo*. Ergo supponit nondum factam esse transubstantiationem.

*Resp.* Cum Areudio, lib. 3. cap. 33. Latinos S. Chrysostomi verba male omnino reddidisse, quæ juxta textum græcum sic reddi debeat: *Fac ut panis, quem Spiritu sancto tuo transmutasti in pretiosum Corpus Christi tui, fiat suscipiantibus in salutem*.

Quæres 1. *Utrum verba consecratoris profervantur a Sacerdote historicæ vel assertivæ?*

*Resp.* Utroque modo proferuntur: *historica* quidem, quia referuntur tanquam a Christo dicta: *assertivæ* etiam, quia proferuntur a Sacerdote in persona Christi, cum intentione exercendi ipsam propositionis significationem.

Quæres 2. *Quid pronomina, hoc, &, hic, significant in forma Eucharistia?*

*Resp.* Significant Corpus & Sanguinem Christi, sub consueta ratione rei contentæ sub speciebus panis & vini in fine prolationis formæ consecratoris. Quia pronomina demonstrativa, substantive posita in propositione practica, significant tantum confuse id quod existit in fine prolationis verborum; atqui pronomina, *hoc, &, hic*, sunt substantive posita in prop. practica: ergo significant tantum confuse id quod existit in fine prolationis verborum; illud autem est Corpus & Sanguis Christi.

*Obijcies*: Pronomen, *hoc*, significat id quod præsens est; ergo significat panem.



*Resp. Nego ant.* Nam in propositionibus practicis, non demonstratur, nisi id quod vi illarum fit, & nihil fit vi illarum nisi integre fiat prolatae, sed semel completae significant distincte terminum ad quem, qui solus remanet, & quem ab initio prolationis confuse tantum significabant.

*Insp.* Si pronomen, *haec*, Corpus Christi significet, propositio ista: *Hoc est Corpus meum*, erit identica & nuntiativa; falsum conseq. ergo.

*Resp. Nego seq. maj.* Nam ut propof. sit identica, non sufficit, ut idem sit praedicatum & subjectum, sed etiam requiritur ut sit idem significandi modus; hic autem quod per subjectum, nempe pronomen, *haec*, confuse significatur, per praedicatum, nempe, *Corpus meum*, distincte significatur.

### S. III. De re in Eucharistia contenta.

Quaeres 1. *Quinam negarunt realem praesentiam Corporis & Sanguinis Christi in Eucharistia?*

*Resp.* Negarunt IX. labente saeculo, Joannes Erigena, natione Scorus. Saeculo XI. Berengarius, Ecclesiae Andegavensis Archidiaconus. Saeculo XII. Petrus de Briss & Henricus, ejus discipulus. Saeculo XVI. Carolostadius Wittenbergenfis, Oecolampadius, Zuignlius, & Bucerus. Denique eodem Saeculo XVI. Calvinus, qui asseruit non aliam esse praesentiam quam figuratam, objective per fidem vel virtutem a Christo diffusam, ad quam fraudem elidendam Consil. Trident. definitur Christum *vere, realiter, ac substantialiter*, in Eucharistia praesentem esse.

Quaeres 2. *Utrum dogma praesentiae realis possit demonstrari ex verbis promissionis*, Joan. 6.

*Resp.* Potest. Nam haec Christi verba: *Panis, quem ego dabo, caro mea est pro mundi vita... caro mea, vere est cibus, & sanguis meus vere est potus*. In sensu reali accepta, significant realem Praesentiam Corporis & Sanguinis Christi in Eucharistia; atque debent accipi in sensu proprio, quia 1. Nulla est necessitas ea detorquendi in sensum metaphoriceum. 2. Quia Judaei, & discipuli Christi, illa verba intellexerunt de manducatione vere & reali, ut constat ex contextu, nec tamen Christus hanc illorum opinionem correxit, imo juramento firmavit, dicens: *Amen, amen dico vobis, nisi manducaveritis carnem filii hominis, & biberitis ejus sanguinem, non habebitis vitam in vobis*. Additque discipulis: *Hoc vos scandalizat? si ergo videritis filium hominis ascendentem ubi erat prius? (subintellige, quid dicetis aut facietis?) ergo &c.*

Obicies 1. Christus exponens quo sensu dixerit, *carno mea vere est cibus*, &c. ait: *Spiritus est qui vivificat; caro*

carno



*caro non prodest quidquam*: Ergo ejus verba sunt metaphorice intelligenda de spirituali manducatione.

*Resp. Nego conseq.* Christus enim ibi non loquitur de sua carne, sed de hominibus carnaliter sentientibus, ut exponit D. Chrysostr. hom. 46. in Joan. dicens: *Quomodo igitur ait: caro non prodest quidquam? non de sua carne dicit, absit; sed de his qui carnaliter accipiunt que dicuntur.* Unde Christus per Verbum, *Spiritus*, intelligit, sua verba spiritualiter intellecta; & per Verbum, *caro*, intelligit, sua verba carnaliter intellecta.

*Obijcies 2. D. Aug. Tract. 25. in Joann. ait: Ut quid parvas dentes & ventrem? crede & manducaſti*: Ergo caput 6. Joannis exponit de manducatione per fidem.

*Resp. Nego conseq.* Nam D. August. ibi exponit hunc versum: *Hoc est opus Dei, ut credatis in eum quem misit ille*, qui est versus 29. capitis 6. Joannis, & qui est de fide in Christum. Pro cujus intelligentia nota sextum caput Joannis tres continere partes: *Prima*, a versu 1. ad vigesimum quatum, loquitur de multiplicatione quinque panum, quibus in deserto saturati sunt 5000. hominum. *Secunda*, a versu 25. ad versum 52. de cibo mere spirituali, nempe de fide in Christum. *Tertia*, a versu 52. ad finem agit de manducatione orali carnis Christi in Eucharistia; ergo versus 29. non est de Eucharistia.

*Inst. 1. D. Aug. explicans tertiam partem capitis 6. Joannis, lib. 3. de doct. Christ. cap. 16. ait: Hec locutio, nisi manducaveritis, &c. facinus vel flagitium videtur jubere.* Ergo.

*Resp. Dist.* Si sumatur sensu Capharnaïtico, *con. sacramentaliter, nego.*

*Inst. 2. Div. Aug. addit: Figura est ergo precipiens passioni Domini esse communicandum.*

*Resp. Dist.* Est figura plena, continens rei veritatem, *conc.* est figura vacua, excludens rei veritatem, *nego.* Sumit ergo sô figura pro speciebus, ut sese explicat Tract. 25. in Joan. dicens: *Corpus Christi & Sanguis, ut panis & vini substantia efficitur, figura vero est illud, quod exterius sumitur.*

*Queres 3. Utrum presentia realis possit probari ex his verbis: Hoc est Corpus meum. Hic est Sanguis meus, quibus Christus instituit Eucharistiam?*

*Resp. Potest.* Nam 1. iuxta regulam ab August. traditam lib. 3. de doct. Christ. cap. 10. *Verba Scripturæ sensu proprio & naturali debent intelligi, quando nihil continent, quod repugnet aut bonis moribus, aut fidei, aut aliis ejusdem Scripturæ testimoniis clarioribus.* Atqui verba laudata nihil continent quod repugnet bonis moribus, ut fatentur Calvinistæ, aut quod repugnet aliis ejusdem Scripturæ testimoniis clarioribus, nullum enim hæcenus protulere novatores, nec ulius afferri potest; ergo



2. Quia ex nullo capite in hac Christi prop. *Hoc est Corpus meum*, potest colligi sensus metaphoricus. Non ex communi usu loquendi; namque panis, ex recepto usu, non est destinatus ad significandum Corpus Christi, ut, demonstrato pane possit dici, *hoc est Corpus*. Neque etiam. 2. ex contextu sermonis, nihil enim est in antecedentibus aut consequentibus, ex quo possit colligi Christum figurate locutum fuisse. Neque 3. ex ipsius loquentis expositione, quia de facto nulla est, ut legenti Evangelium patebit; ergo &c.

*Obijciat* 1. In hac prop. *Hoc est Corpus meum*, subiectum est panis; atqui repugnat panem esse Corpus Christi; ergo prop. figurate est accipienda.

*Resp. Nego maj.* Nam pronomen, *hoc*, sumitur substantivè; ergo significat panem, sed significat confuse rem contentam sub speciebus panis.

*Inj.* Pronomen, *hoc*, significat quod Christus tenebat præ manibus; atqui panem tenebat præ manibus; ergo, &c.

*Resp. Diss. maj.* Quod tenebat præ manibus, completa propositione, *cons.* ante prop. completam, *nego*. Porro Christus completa prop. prædica præ manibus tenebat Corpus suum, non panem.

*Obijciat* 2. In hac prop. Genes. 41. *Septem spicae plene; septem ubertatis anni sunt*; Verbum, *sunt*, sumitur pro significans; ergo & in hac, *hoc est Corpus meum*, Verbum, *est*, sumitur pro significat.

*Resp. Nego cons.* Disparitas est, quod in primo textu sit manifesta repugnantia; e contra in secundo est perfecta identitas.

*Quærit* 4. *Utrum præsentia realis possit demonstrari ex traditione?*

*Resp.* Potest: illiusque traditionis testes sunt Concilia & Patres: ex innumeris textibus, paucos referemus.

*Conc.* Nicænum I. sess. 3. de sacra mensa, ait: *Intelligamus si sum in illa sacra mensa Agnum illum Deo tantum peccata mundi, inveniunt a Sacerdotibus immolatum, & pretiosum eius Corpus & Sanguinem vere sumentes, credamus, hæc esse nostre redemptionis symbola.*

*Concil.* Nicænum II. Act. 6. *Liquido monstratum est, quod nusquam Dominus, vel Apostoli, aut Patres, imaginem dixerunt, Sacriscentium sine Sanguine, sed ipsum Corpus, ipsum Sanguinem.* Omittimus Concilia, Romanum, contra Berengarium; Viennense, in decreto de festo Corporis Domini; Florentinum & Tridentinum, in quibus præsentia realis fuit declarata & definita, ut deveniamus ad Patrum testimonia.

D. Cyprian. de coena Domini: *Panis iste, non effigie, sed natura mutatus, omnipotentia Verbi, factus est caro.*

D. Damasc. lib. 4. de fide, cap. 14. ait: *Dominus dicente:*



cente; hoc est meum, non figura Corporis, sed Corpus, & non figura Sanguinis, sed Sanguis.

Theophylactus, in cap. 6. Matthei. Non enim dixit, hoc est figura, sed hoc est Corpus meum: panis quidem apparuit sed caro est.

Obijciat 1. Tertull. lib. 4. contra Marcionem. cap. 40. ait: Acceptum panem, & distributum discipulis, Corpus suum illum fecit, hoc est Corpus meum dicendo, id est, figura Corporis mei; ergo in Eucharistia est sola figura Corporis Christi.

Resp. Nego consequ. Illa enim verba, figura Corporis mei, non cadunt supra, Corpus meum, sed supra, acceptum panem, ut concluderet contra Marcionem, legem veterem non fuisse malam, cum illius figuras Christus adimpleverit, quando scilicet panem, qui, apud Jeremiam, erat figura Corporis sui, reipsa fecit Corpus suum, dicendo, hoc est Corpus meum; unde addit: Figura enim non fuisset, nisi, veritatis esset Corpus.

Obijciat 2. D. August. lib. 3. de Trinitate. ait: Corpus Christi verum non frangitur: igitur verus est panis qui sumitur, cum Eucharistia sumitur: Ergo.

Resp. Dist. ans. Verus est panis, quoad species, cono. quoad substantiam; nego. Itaque D. August. intendit probare Corpus Christi, cum sit incorruptibile, non posse frangi in se, sed tantum in speciebus panis & vini.

Quæres 5. Utrum Christus ponatur in Eucharistia per impanationem?

Resp. Negat. Nam impanatio, est unio hypostatica Christi cum pane; atqui Christus non unitur hypostatice cum pane; alias non esset vera panis conversio in Corpus Christi, item veræ essent istæ propositiones: Panis est Corpus Christi; Corpus Christi est panis; quod falsum est; ergo, &c.

Quæres 6. Utrum Corpus & Sanguis Christi ponantur in Eucharistia per consubstantiationem?

Resp. Negat. Nam consubstantiatio est simultanea panis, & Corporis Christi præsentia in Eucharistia; atqui de fide est, quod tota substantia panis convertatur in Corpus Christi; ergo de fide est, quod non remaneat panis in Eucharistia, ut definitur Ecclesia contra Lutherum.

Quæres 7. Quo modo ergo Corpus & Sanguis Christi ponuntur in Eucharistia?

Resp. Per transubstantiationem: nam ex Concilio Tridentino. transubstantiatio est, mirabilis & singularis conversio totius substantie panis in Corpus, & totius substantie vini in Sanguinem (Christi) manentibus duratæ speciebus panis & vini. Atqui sic ponitur Christus in Eucharistia; ergo, &c.

Obijciat 1. Vox, transubstantiatio, est nova; ergo est suspecta & eliminanda.



*Resp. Dist. ans.* Est nova, grammaticaliter, & quas syllabas, conc. quoad rem, nego.

*Obijcies 2.* Hæc prop. de lagena vino plena, hoc est vinum, est vera sine conversione lagenæ in vinum; ergo a pari, &c.

*Resp. Nego conseq.* Disparitas est, quod, secundum communem usum loquendi, contineas sit institutum ad demonstrandum contentum; at panis & vinum non sunt instituta ad aliud continendum.

*Obijcies 3.* In omni mutatione substantiali, materia rei conversæ remanet sub nova forma quam acquirit; ergo, &c.

*Resp. Dist. ant.* In mutatione naturali & formali tantum, conc. miraculosa & totali, nego. Porro conversio panis in Corpus Christi, est miraculosa & totalis.

*Quæres 8.* Utrum consubstantiatio sit vera Corporis & Sanguinis Christi reproductio?

*Resp. Affirm.* Nam Corpus & Sanguis Christi in Eucharistia accipiunt idem numero esse secundum omnes gradus suos, tum phyiscos, tum methaphysicos; ergo, &c.

*Dices cum Scotistis:* Transubstantiatio est simplex corporis & sanguinis adductio; ergo, &c.

*Resp. Nego ant.* Nam transubstantiatio formaliter dicit conversionem; sed simplex adductio non importat conversionem, sed tantum translationem de loco in locum; ergo.

*Quæres 9.* Quotuplici modo aliquid potest poni in Eucharistia?

*Resp.* Duplici, nempe, vi verborum, &c, per concomitantiam, ... ponitur vi verborum, quod expresse significatur per verba formæ ... ponitur per concomitantiam, quod per verba formæ exprimitur, sed habet necessariam connexionem cum eo quod exprimitur per verba formæ.

*Quæres 10.* Quenam ponuntur in Eucharistia vi verborum?

*Resp.* Solum Corpus sub specie panis, & solus Sanguis sub specie vini: nam per verba consecrationis panis, solum Corpus, & per verba consecrationis vini, solus Sanguis expresse significantur.

*Quæres 11.* Quenam ponuntur in Eucharistia per concomitantiam?

*Resp.* 1. Sub specie panis ponitur Sanguis & anima; nam Corpus Christi in Eucharistia, ratione concomitantie, est vivens; at non potest esse vivens sine Sanguine & anima. 2. Sub specie vini, ponitur Corpus & anima, quia sanguis hominis viventis non potest esse sine corpore & anima. 3. Sub utraque specie ponitur divinitas, quia quod fœnel Christi divinitas assumpsit, nunquam dimi-



dimisit; atqui assumpsit omnes partes hominis; ergo eas nunquam dimisit.

*Obijciat:* Sanguis est pars corporis, non secus ac ossa, nervi, &c. ergo est sub specie panis *vi verborum*.

*Resp. Diss. ant.* Est pars corporis vivi & animati, *cont.* corporis mortui, *nego*. Porro, Corpus Christi est in Eucharistia ut immolatum, non autem est vivens, nisi ratione concomitantiae, qua fit ut anima post resurrectionem unita Corpori ab eo amplius separari non possit.

*Quæres 12.* Utrum totus Christus sit sub qualibet parte specierum panis & vini?

*Resp. 1.* Est sub qualibet minima parte, separatione facta, ut definitur Conc. Trid. *sess. 13. cæn. 3.*

*Resp. 2.* Est etiam ante separationem; nam per divisionem non fit nova consecratio quæ de novo sitat corpus præsens, ergo si non est præsens ante divisionem, nec est præsens post divisionem, quod est hæreticum... nec sequitur quod Christus sit pluries in eadem Hostia; nam numerus supponit divisionem.

*Quæres 13.* Utrum Corpus Christi in Eucharistia habeat suam quantitatem?

*Resp. 1.* Habet quantitatem internam: nam quantitas interna, est accidens quod distinguit partes a partibus in ordine ad se, cum proxima aptitudine ad extensionem externam & impenetrationem; atqui Corpus Christi in Eucharistia, utpote organizatum, habet partes extra partes in ordine ad se cum aptitudine ad extensionem externam & impenetrationem; ergo, &c.

*Resp. 2.* Non habet quantitatem externam; nam quantitas externa, est accidens, quod extendit substantiam in ordine ad locum, ita ut una pars respondeat uni parti loci, altera alteri, cum actuali impenetratione & resistantia; atqui Corpus Christi in Eucharistia nullum locum occupat per partes, nec est actu extensum, divisibile, & impenetrabile; ergo, &c.

Ergo, licet Christus in Eucharistia possit eligere actiones spirituales, ut sunt volitio, intellectio, non potest tamen eligere actiones a sensibus dependentes, ut sunt visio, auditio; quia, cum ejus sensus non habeant suam extensionem externam, nullas possunt species ab objectis recipere; atqui sensus externi non agunt nisi per species ab objectis receptas; ergo, &c.

Ergo, Christus in Eucharistia non potest pati alterationem ab agentibus naturalibus, v. g. calefieri, frigi fieri, &c. quia alteratio requirit contactum quantitativum, cujus non est capax corpus quantitate externa privatum... propter eandem rationem, non potest moveri per se, sed tantum per accidens, ad motum scilicet specierum, ut patet, cum ex Conc. Trid. deferatur ad infirmos.

Quæ-



Quæres 14. *Utrum accidentia post consecrationem remanentia habeant aliquod subiectum?*

*Nota*; Duplex est accidentium subiectum, nempe, *mediatum*, quod est substantia, cui inhaeret tota collectio accidentium. Et *immediatum*, quod est quantitas, cui insunt alia accidentia.

*Resp. 1.* Non habent subiectum mediatum, quia tota substantia panis & vini conversa est in Corpus & Sanguinem Christi, ut definit Concil. Trident. *sess. 13. can. 2.* unde Concil. Constantiense damnavit hanc prop. Wiclef: *Accidentia panis non manent sine subiecto.*

*Resp. 2.* Habeat subiectum immediatum, quia sicut accidentia panis & vini, puta calor, frigus, &c. subiectabantur immediate in quantitate ante consecrationem, & mediante quantitate in ipsa panis substantia, ita & post consecrationem, sublata substantia, subiectantur in quantitate.

*Obijciat*: Esse in subiecto mediato est de essentia accidentis, ergo &c.

*Resp. Dist. ant.* Esse in subiecto mediato, aptitudinis & radicaliter, *conc. actu, nego.* Nam inherencia radicalis & aptitudinalis, non autem actualis est de essentia accidentis.

Quæres 15. *Quodnam Corpus Christi desinat esse sub speciebus?*

*Resp.* Desinit quando accidentia necessaria ad conservandam substantiam panis & vini corrupta sunt.

#### §. IV. De ministro, & subiecto Eucharistia.

Quæres 1. *Quinam sit minister Eucharistia consecranda?*

*Resp.* Est solus sacerdos rite ordinatus: nam solis sacerdotibus Christus dixit: *Hoc facite in meam commemorationem*, ut constat ex perpetua tradit. Ecclesiae, & hoc Concil. Trident. definitione *sess. 22. can. 3.* *Si quis dixerit, illis verbis, hoc facite in meam commemorationem, Christum non instituisse Apostolos, Sacerdotes, aut non ordinasse ut ipsi, aliique Sacerdotes offerrent Corpus & Sanguinem suum, anathema sit.*

*Obijciat Lutherus*, D. Petrus, *Epist. 1. cap. 2.* alloquens omnes fideles, ait: *Vos autem genus electum, regale Sacerdotium.* Ergo omnes sunt Sacerdotes.

*Resp. Dist. conseq.* Sunt Sacerdotes, Sacerdotio improprie sumpto, nempe, pro spiritali potestate offerendi Deo preces, & alia pietatis opera, quæ sunt spiritalia hostia, *conc.* Sacerdotio proprie sumpto, nempe, pro potestate consecrandi Eucharistiam, *nego*: Scipsum exponit D. Petrus, cum addit: *Ipsi tanquam lapides vivi superedificamini domus spiritualis, sacerdotium sanctum, offerre spirituales hostias acceptabiles Deo per Jesum Christum.*

Quæres

Quæres  
sanctæ?

Resp.  
tative

ex con  
Quæres

Euchar  
Resp.

ordinatu  
auctorita

conficere  
Semper

bus con  
ex tradi

neri deb  
Quæres

sanctæ E  
Resp.

clesiæ,  
ut decla

conus,  
si popu

Aquisgr  
ita in n

sanctific  
Quæres

Resp.  
& ment

sive mo  
rius inc

zatus,  
rum.

Sacram  
pos, q

gratiæ  
Quæres

diones  
Resp.

confite  
potus,

na, a  
sum or

& ideo  
Exci

Cum p  
eis, 3

non est  
Cum

evadit  
jeiuno

Sacerd



Quæres 2. Quotuplex est minister Eucharistiæ dispensanda?

Resp. Duplex, nempe, ordinarius, qui eam auctoritative dispensat. Et extraordinarius, qui eam dispensat ex commissione Episcopi, vel Sacerdotis.

Quæres 3. Quinam sunt ordinarii ministri dispensanda Eucharistiæ?

Resp. Sunt soli Sacerdotes: eam consecratio Eucharistiæ ordinatur ad ejusdem dispensationem; ergo soli possunt auctoritative Eucharistiæ dispensare, qui possunt eam conficere. Hinc Concil. Trident. sess. 13. cap. 8. ait: *Semper in Ecclesia Dei non fuit, ut Laici a Sacerdotibus communionem acciperent. . . . qui nos tanquam ex traditione apostolica descendens, jure ac merito retineri debet.*

Quæres 4. Quinam sit extraordinarius minister dispensanda Eucharistiæ?

Resp. Solus Diaconus, ut constat ex praxi veteris Ecclesiæ, quæ olim hoc officium commiserat Diaconis, ut declaratur in Conc. Carthag. IV. ubi dicitur: *Diaconus, presente Presbytero, Eucharistiæ Corporis Christi populo, si necessitas cogat, jussu eveget: Et Conc. Aquigranense, cap. 7. Sicut in Sacerdote consecratio, ita in ministro dispensatio Sacramenti est: ille oblatam sanctificat, hic sanctificata dispensat.*

Quæres 5. Quinam sit subjectum Eucharistiæ?

Resp. Est omnis & solus homo viator, baptizatus, & mentis compos. . . Dicitur 1. *Omnis*, sive sanus, sive moribundus, modo nullum vel vomitus, vel alterius indecentiæ adsit periculum. . . Dicitur 2. *Baptizatus*, quia Baptismus est janua aliorum Sacramentorum. . . Dicitur 3. *Viator*, quia præ solis viatoribus Sacramenta sunt instituta. . . Dicitur 4. *Rationis compos*, quia soli rationis compotes sunt capaces augmenti gratiæ.

Quæres 6. Quot ex parte corporis requirantur dispositiones ad recipiendam cum fructu Eucharistiæ?

Resp. Requiritur regulariter. 7. *Jejunium naturale*, consistens in eo quod nihil omnino per modum cibi & potus, vel medicinæ, a primo ictu duodecimæ nocturnæ, ab ore in stomachum traicitur; atque per universum orbem mori ista servetur, ait D. Aug. Epist. 118. & ideo jejuni obligatio est gravis, & sub mortali obligans.

Excipitur 1. cum Eucharistia datur in viaticum, 2. Cum periculum est ne hostia male tractetur ab hæreticis, 3. Cum Sacerdos, inchoata Missa, recordatur se non esse jejunum, nec potest sine scandalo recedere, 4. Cum Sacerdos celebrans post consecrationem impotens evadit ulterius proseguendi, tunc Sacerdos non jejunus, jejunio deficiente, sacrificium absolvere tenetur, 5. Cum Sacerdos advertit in calice, quem hausit, solam aquam appo-



appositam fuisse, curare debet vinum infundi, illud consecrare, & haurire, quia tenetur sacrificium perficere. 6. Cum post ablutionem apprehendit celebrans aliquas particulâs, quæ commodè adervari non possunt, nam sumuntur per modum unius refectionis.

*Requiritur 2.* Puritas, seu immunitas a pollutione etiam inculpabili, non quidem ex necessitate ait Div. Thom. quest. 80. art. 7. sed ex quadam congruentia, præcipue quando cum turpi imaginatione contingit.

*Quæres 7.* Quæ requiruntur dispositiones ex parte anime?

*Resp.* Requiruntur tres. 1. est status gratiæ, ita, ut nullus (fidelis) sibi conscius peccati mortalis quamvis sit, contritus videatur, absque præmissa sacramentali confessione, ad sacram Eucharistiam accedere debeat, ait Concil. Trid. sess. 13. cap. 7.

2. Quæ maxime optandi est, est immunitas ab effectu peccati venialis, quia obicem ponit uni ex effectibus hujus Sacramenti, nempe remissioni peccati illius venialis, neque enim remitti potest peccatum veniale cum affectu ad illud.

3. Est legitima præparatio, & singularis reverentia erga Christum in Sacramento præsentem.

#### S. V. De usu Eucharistiæ.

*Quæres 1.* Utrum Eucharistia sit necessaria necessitate mediæ ad salutem?

*Resp.* Negas. Nam cum solo Baptismo quis potest salvari, Rom. 8. Nihil damnationis est tuis qui sunt in Christo Jesu. Unde Concil. Trident. sess. 21. definit: Si quis dixerit parvulis, antequam ad annos discretionis pervenerint, necessariam esse Eucharistiæ communionem, anathema sit.

*Obijcies 1.* Hæc verba, Joan. 3. Nisi quis renatus fuerit, &c. Et ista: Luc. 13. Nisi poenitentiam habueritis, &c. Important necessitatem mediæ; ergo & ista: Nisi manducaveritis, &c.

*Resp.* Nego consequ. Disparitas est, quod duo primi textus loquantur de rebus ad primam gratiam necessariis: tertius vero loquitur tantum de re quæ supponit primam gratiam, nempe, de nutritione spiritualis vitæ per Baptismum acceptæ, vel per poenitentiam reparatæ, quæ vita per varia media nutriri, conservari, & augeri potest: & ideo Eucharistia non est necessaria ad salutem, nisi necessitate præcepti.

*Obijcies 2.* D. August. multique Patres asserunt Eucharistiæ usum ipsis etiam infantibus necessarium esse, necessitate mediæ; ergo, &c.

*Resp.* Dist. ant. Esse necessarium necessitate mediæ, quoad illius effectum, nempe incorporationem cum Christo, conc. quoad oralem manducationem, nego. Sese



exponit D. August. explanans textum Joann. *Nisi manducaveritis*; ait enim Tract. 20. in Joann. hoc est ergo manducare illam escam, & illum bibere potum, in Christo manere, & illam manentem in se habere. Ita etiam explicat D. Augustinus. S. Fulgentius, Epist. ad Fernandum: *Arbitror S. Frater*, inquit *disputationem nostram preclari Doct. August. sermone firmatam, nec quidquam aliquatenus esse ambigendum, tunc unumquemque fidelium participem Corporis & Sanguinis fieri, quando in baptismo membrum Corporis Christi efficitur; nec alienari ab illo panis consortio, etiamsi antequam panem illum comedat, de hoc seculo in unitate Corporis Christi constitutus discedat.*

*Quæres 1. Utrum communio sub utraque specie sit jure divino præcepta fidelibus non sacrificantibus?*

*Resp. Minime: Si quis dixerit*, inquit Concil. Trident. sess. 21. can. 1. *ex Dei præcepto, vel necessitate salutis, omnes & singulos Christi fideles utramque speciem SS. Eucharistiæ Sacramenti sumere debere, anathema sit.* Definitio Tridentina fundatur 1. in Scriptura, quæ fructum Eucharistiæ tribuit fumentibus unam speciem panis. *Si quis manducaverit ex hoc pane, vivet in ævum*, Joann. 6. 2. In traditione Ecclesiæ: nam primis Ecclesiæ sæculis, Eucharistia in sola panis specie domum deferabatur, ministrabatur infirmis, asservabatur, &c. Ratio est, quia Christus totus & integer sub una specie præsens est, & consequenter totus Sacramenti effectus in una specie salvatur.

*Obijcies 1. Christus, Joann. 6. ait. Nisi manducaveritis carnem Filii hominis, & biberitis ejus sanguinem, &c. ergo præcepit Communionem sub utraque specie.*

*Resp. Nego confeg.* Nam particula, &, eo in loco sumitur pro disjunctiva, vel, ut constat ex Apost. 1. Cor. 11. *Quicumque manducaverit panem hunc, vel biberit calicem Domini indigni, &c.* Præterea, cum totus Christus sit sub qualibet specie, qui sumit unam speciem, Corpus & sanguinem sumit.

*Inf.* Christus usum calicis omnibus præcepit dicens: *Bibite ex eo omnes; ergo.*

*Resp. Dist. ans.* Præcepit omnibus Apostolis qui sacrificaturi erant, *conc.* omnibus fidelibus, *nego.* Unde, *Mark. 14.* dicitur: *Biberunt ex eo omnes*, scilicet, Apostoli.

*Obijcies 2. Christus facultatem reliquit fidelibus sumendi Eucharistiam sub utraque specie; ergo Ecclesia Romana non potuit, nec debuit, illos hac facultate privare.*

*Resp. Nego confeg.* Nam Concil. Trident. sess. 21. c. 2. *declarat hanc potestatem perpetuo in Ecclesia fuisse, ut in Sacramentorum dispensatione salva eorum substantia, ea statueret vel mutaret, quæ suscipiensium utilitati, seu ipsorum Sacramentorum venerationi, pro rerum, temporum,*



*Et locorum varietate, magis expedire iudicaver.* Porro Ecclesia per suam legem consuluit venerationi Sacramenti, auferendo illius effusionis periculum, nec ullo effectu spirituali fideles privavit, cum totus Christus contineatur sub una specie.

Quæres 3. *Utrum detur præceptum divinum sumendi Eucharistiam?*

Resp. Datur, Joan. 6. *Nisi manducaveritis carnem Filii hominis. . . non habebitis vitam in vobis.* Quæ verba exprimunt præceptum divinum omnes adultos obligans, 1. *in morali vite periculo*, quia tunc quisque iure divino, sibi providere tenetur de omnibus mediis ad pugnandum contra dæmonis tentationes necessariis, quale est Eucharistia. 2. *Sæpius in vita*, quia est animæ cibus, ac proinde sicut corpus sæpe cibo indiget, ita anima Eucharistia.

Quæres 4. *Utrum extet præceptum Ecclesiasticum ad sacram Eucharistiam accedendi?*

Resp. Extat sancitumque est in Concilio Later. IV. ac refertur cap. *Omnis utriusque sexus*, de pœnit. & remiss.

Quæres 5. *Quosnam, quandenam, & quomodo obliget præceptum Ecclesiasticum ad Eucharistiam accedendi?*

Resp. 1. Obligat omnes utriusque sexus fideles, postquam ad annos discretionis pervenerint, cujus iudicium Pastori relinquit Ecclesia.

2. Obligat semel in anno, *ad minus in Pascha.* Hinc 1. qui ante quindecim communicavit in sua Parochia, tenetur iterum sub mortali intra quindecim communicare, quia circumstantia temporis cadit sub præcepto. 2. Qui intra quindecim non communicavit, tenetur illo anno quamprimum communicare, quia ratio obligationis præcisæ non est tempus Paschale, sed ut communio ultra annum non differatur, qua parte præceptum est negativum.

3. Obligat ad Eucharistiam *devote & reverenter* suscipiendam, quia illud præceptum est divinum quoad substantiam, Deus autem non tantum præcipit actum externum, sed & internum. Unde Innoc. XI. hanc damnavit prop. *Præcepto communionis annuæ satisfic per sacrilegiam Domini manducationem.*

Resp. 6. *Utrum qui prævidet impedimentum communicandi tempore paschalis, teneatur illud prevenire?*

Resp. Tenetur, quia obligatio communicandi cadit in totum annum; ergo debet impleri in decursu anni, si in fine impleri nequeat.

Quæres 7. *Utrum frequens esse debeat Eucharistica communio?*

Resp. 1. Si spectetur in se & absolute, debet esse frequentissima, quia est cibus spiritualis animæ, ideo Concil. Trident. sess. 13. cap. 6. *Optaret, ut in singulis*  
Missis

Miss  
fed  
micav  
Ra  
tis  
mino  
pare.

Q  
nem  
Ra  
requi  
psum  
Trid  
dixer  
missi  
venit  
Ob

ergo  
Ra  
Sang  
cis;

Q  
Ra  
tio,  
est c  
sanct  
ad  
sto.

Se  
serva  
bono  
dian  
cil

T  
Flori  
mini

Q  
men

3. p  
quia  
minu

Q  
reitur  
ves  
Se  
tale  
mori



*Missis fideles adstantes, non solum spirituali effectu, sed sacramentali etiam Eucharistia perceptione contrahuntur.*

*Resp. 2.* Si spectetur relative ad dispositiones suscipientis, debet esse rarior vel frequentior, juxta maiorem vel minorem ejus dispositionem, ut probat D. Thom. 3. part. quest. 80. art. 1.

#### §. VI. De effectibus Eucharistia.

*Quæres 1. Utrum Eucharistia conferat per se remissionem peccatorum?*

*Resp.* Non confert: nam ad Eucharistiam recipiendam requiritur status gratiæ, 1. Cor. 11. *Probet autem seipsum homo, & sic de pane illo edat, &c.* Unde Concil. Trident. contra Lutherum & Calvinum definit: *Si quis dixerit vel præcipuum fructum SS. Eucharistia esse remissionem peccatorum, vel ex ea non alios effectus provenire, anathema sit.*

*Obijcies:* Matth. 26. dicitur: *Hic est Sanguis meus...* qui pro multis effundetur in remissionem peccatorum; ergo Eucharistia confert per se remissionem peccatorum.

*Resp. Nego consequ.* Christus enim ibi non loquitur de Sanguine bibendo, sed de Sanguine fundendo in ara crucis; unde in futuro dicit: *Effundetur.*

*Quæres 2. Quot sint effectus Eucharistia præcipui?*

*Resp.* Sunt sex. *Primus*, est spiritualis animæ nutritio, quam significat Christus, Joan. 6. *Caro mea vere est cibus, &c.* Et quæ consistit tum in augmento gratiæ sanctificantis, tum in jure ad gratias actuales necessarias ad conservandam charitatem & unionem cum Christo.

*Secundus*, est liberatio a peccatis venialibus, & præservatio a mortalibus, & consequenter perseverantia in bono; est enim *antidotum* quo liberamur a culpis quotidianis, & a peccatis mortalibus præservamur, ait Concil. Trid. sess. 13. cap. 2.

*Tertius*, est ineffabilis unio cum Christo, ex Concil. Florent. *Hujus Sacramenti effectus...* est adunatio hominis ad Christum.

*Quartus*, est imminutio fomitis peccati: *Diminuitur tamen fomitem ex quadam consequentia*, ait Div. Thom. 3. p. q. 79. art. 6. ad 3. *In quantum auget charitatem, quia si ut August. dicit, augmentum charitatis, est diminutio cupiditatis.*

*Quintus*, est quod sit pignus futuræ gloriæ, & semen resurrectionis, Joan. 6. *Qui manducat hunc panem, vivet in æternum...* resuscitabo eum in novissimo die.

*Sextus*, est quod remittat per accidens peccatum mortale, scilicet, nempe, percipiat ab eo qui est in peccato mortali, cujus conscientiam & affectum non habet; forte enim



enim primo non fuit sufficienter contritus, sed devote & reverenter accedens consequitur per hoc Sacramentum gratia charitatis, quæ contritionem perficiet & remissionem peccati, ait D. Thom. *quest. 78. art. 3.*

Quæres 3. *Quandonam Eucharistia in suscipiente producat suum effectum?*

Resp. Tuac producit, cum in stomachum projecta est, quia tunc verum est dicere quod nutriat vitam spiritua-lem animæ.

Quæres 4. *Utrum effectus ad peccatum veniale impe- diat effectum Eucharistiæ?*

Resp. Licet impediatur fervorem charitatis, & dulcedi- nem refectionis actualis, non tamen impedit augmen- tum gratiæ habitualis, vel charitatis, ut docet D. Thom. *1. p. q. 80. art. 8.*

Quæres 5. *Utrum Eucharistia, quatenus est Sacramen- tum, aliis quam sumentibus, prodesse possit?*

Resp. 1. Non potest prodesse directe & ex opere ope- rato, quia per modum cibi fuit instituta; at cibis non prodest nisi sumentibus.

Resp. 2. Potest prodesse indirecte, & ex opere operan- tis, si nimirum communicans in aliorum gratiam Com- munionem suam offerat.

## C A P U T II.

### De Eucharistia prout est Sacrificium.

Quæres 1. *Quomodo definiatur Sacrificium proprie dictum?*

Resp. Definatur, Oblatio externa rei sensibilis, legiti- me instituta, soli Deo, a legitimo ministro facta, per realem Hostiæ immutationem, ad testandum Dei supre- mum dominium in omnes creaturas, & nostram subjectionem.

Dicitur 1. Oblatio externa rei sensibilis, ut excluda- tur a ratione Sacrificii proprie dicti oblatio interna, qua quis se suæque Deo offert.

Dicitur 2. Legitime instituta, nempe a Deo, qui hanc sibi potestatem in utroque Testamento reservavit.

Dicitur 3. Solum Deo facta; quia est cultus latræ, qui soli Deo exhiberi potest.

Dicitur 4. A legitimo ministro, id est, a persona ad id specialiter a Deo deputata.

Dicitur 5. Per realem hostiæ immutationem, quæ fit vel per destructionem, quomodo animalia occidebantur; vel per mutationem status, quomodo caper emissarius tanquam exul eieciatur in desertum.

Dicitur 6. Ad testandum, &c. Ut habeatur finis sacri- ficii.

Quæres 2. *Quomodo in lege veteri sacrificium divide- batur ratione materiæ?*

Resp.



*Resp.* Dividebatur in *victimam*; quæ erant ex animantibus: *immolationes*, quæ erant ex rebus inanimis, seu solidis, v. g. farina, pane &c. Et *libamina*, quæ erant ex rebus liquidis, v. g. vino, oleo, &c.

Quæres 3. *Quomodo dividebatur ratione forme?*

*Resp.* Dividebatur in *holocaustum*, in quo res oblata tota cremabatur. *Hosiam pro peccato*, cujus pars cremabatur, altera cedebat in usum Sacerdotum, qui in atrio templi ex ea vesebantur. Et *hosiam pacificam*, cujus una pars cremabatur, altera cedebat in usum Sacerdotum & offerentium.

Quæres 4. *Quomodo dividitur ratione finis?*

*Resp.* Dividitur in *latreuticum*, quod offertur ad Deum latria colendum. *Eucharisticum*, quod offertur ad gratias Deo pro beneficiis ab eo acceptis referendas. *Impetratorium*, quod offertur ad obtinenda a Deo beneficia. Et *propitiatorium*, quod offertur pro remissione peccatorum.

*Nota.* Agemus hic 1. de existentia & essentia sacrificii Missæ. 2. De ejusdem efficacia, & valore. 3. De ejus causa efficiente, & iis pro quibus applicari potest. 4. De stipendio celebrantibus concessio. 5. De circumstantiis ad celebrationem requisitis.

### §. I. De existentia & essentia sacrificii Missæ.

Quæres 1. *Utrum Missa sit verum ac proprie dictum sacrificium?*

*Resp. Affirm.* Prout Conc. Trid. sess. 22. can. 1. definiit: *Si quis dixerit in Missa non offerri Deo verum & proprium sacrificium, aut quod offerri non sit aliud quam nobis Christum ad manducandum dari, anathema sit.* Ratio est, quia in Missa fit 1. oblatio, nempe Corporis & Sanguinis Christi tanquam hostiæ. 2. Illa oblatio est externa rei sensibilis; nam Corpus & Sanguis Christi sunt sensibilia per species panis & vini. 3. Est legitime instituta, a Christo, nempe, cum Apostolis dixit: *Hoc facite in meam commemorationem.* 3. Fit soli Deo, & quidem a legitimo ministro, nempe a Sacerdotibus, quos instituit, cum dixit: *Hoc facite in meam commemorationem*, prout Concil. Trid. can. 2. definiit. 4. Fit per realem hostiæ immutationem, quia Christus victima in Missa mystice immolatur, quatenus vi verborum, tanquam gladio spirituali, Sanguis ejus a Corpore separatur, ad recognoscendum supremum Dei dominum.

*Obijciunt:* Christus per Sacrificium crucis omnia nobis meruit: una enim oblatione consummavit in sempernum sanctificatos, ait Apost. Hebr. 10. Ergo Missæ Sacrificium est injuriosum cruci Christi; ergo non datur.

*Resp.*



*Resp. Nego consequ.* Quia. 1. Sacrificium Missæ idem est cum sacrificio crucis, sola offerendi ratione diversa. 2. Quia Sacrificium Missæ nihil addit meritis passionis Christi, sed solum ea nobis applicat, quæ Christus pro nobis in cruce meritus est.

*Inst.* Eucharistia est Sacramentum; ergo non est Sacrificium: hoc enim duo pugnant inter se.

*Resp. Nego consequ.* Est enim utrumque sub diverso respectu, nempe, est Sacramentum, quatenus tendit ad sanctificationem hominis efficiendam; est etiam Sacrificium, quatenus directe & primario tendit ad recognitionem supremum Dei in omnes creaturas dominium.

Quæres 2. In quo præcise Missæ ritu consistat tota Sacrificii essentia?

*Resp.* Consistit in sola consecratione; nam sola consecratio est actio quam Sacerdos exercet in persona Christi, dicens, *Hoc est Corpus meum*; ergo, &c.

*Obijcies* 1. In consecratione Corpus & Sanguis Christi non destruantur; ergo

*Resp. Dist. ant.* Non destruantur cruenta, conc. mystice, *nego*. Nam vi verborum Corpus separatur a Sanguine, & ideo Christus ibi est ut immolatus.

*Inst.* Christus per consecrationem producit; ergo non destruitur.

*Resp.* Producitur per actionem sacrificativam, unde una eademque actione producit & immolatur.

*Obijcies* 2. In die Parasceves non fit consecratio, & tamen fit Sacrificium; ergo.

*Resp. Nego 1. partem ant.* Ritus enim ille non est Sacrificium, sed mera commemoratio Sacrificii, quod pridie fuit oblatum, unde vocatur Missa præfationis.

Ergo, essentia Sacrificii non consistit in oblatione panis & vini ante consecrationem, 1. quia non est instituta a Christo; 2. quia panis & vinum non sunt hostia Sacrificii. Nec consistit in oblatione Corporis & Sanguinis post consecrationem: nam 1. non est instituta a Christo; 2. in hac oblatione nulla fit victimæ oblatio. Nec consistit in fractione & commixtione specierum; quia per illas actiones victima nec offertur, nec immutatur. Nec consistit in communione Sacerdotis; nam actio sacrificativa debet esse propria Sacerdotis; atqui communio est communis Sacerdotis & Laicis; ergo, &c. Equidem communio Sacerdotis requiritur ad perfectionem integram Sacrificii, sed non ad essentiam.

Quæres: Unum ad essentiam Sacrificii necessaria sit utriusque speciei consecratio?

*Resp. Affirm.* Nam in iis quæ sunt institutionis divinæ, quidquid est necessarium jure & præcepto divino, ad essentiam rei institutæ pertinet; atqui consecratio utriusque speciei est necessaria jure & præcepto divino;

jux-



juxta illud, *Hoc facite in meam commemorationem*; ergo, &c.

*Obijcies*: Per consecrationem unius speciei, Christus ponitur in altari tanquam victima; ergo nihil deest ad Sacrificium.

*Resp. Nego consequ.* Deest enim expressa significatio mortis Christi, quæ in separatione utriusque speciei representari debet juxta Christi institutionem.

*Inst.* Per separationem animæ a corpore sufficienter representatur Sacrificium crucis; atqui per consecrationem unius speciei separatur anima a corpore, quia vi verborum est corpus exangue; ergo.

*Resp. Nego maj.* Quia Sacrificium crucis debet representari per causam mortis, effusionem nempe sanguinis; atqui talem effusionem proxime & immediate representat utriusque speciei consecratio, mors vero non nisi mediate & consequenter; ergo, &c.

## S. II. De efficacia & valore Sacrificii Missæ.

Quæres 1. *Quid sua efficacia comprehendat Missæ Sacrificium?*

*Resp.* Comprehendit omnia antiquæ legis Sacrificia: nam

1. *Est latreuticum*: offertur enim Deo ad testandum supremum ejus in omnes creaturas dominium.

2. *Est Eucharisticum*: nam offertur in gratiarum actionem pro beneficiis acceptis.

3. *Est impetratorium*: nam habet vim impetrandi omnia beneficiorum genera, in hypothese quod ex Dei ordinatione conferant ad salutem: *Pro infirmis, & ceteris, & ceteris, & universis orbis fructibus sacrificamus*, ait D. Chrysost. Homil. 71. in Joan.

4. *Est propitiatorium*; quia est institutum in remissionem peccatorum, Matthæi 26. *Hic est sanguis meus, qui pro multis effundetur in remissionem peccatorum*. Hinc Concil. Trident. sess. 22. can. 3. definit: *Si quis dixerit, Missæ Sacrificium tantum esse laudis & gratiarum actionis, aut nudam commemorationem Sacrificii in cruce peracti; non autem propitiatorium, vel saltem prodesse sumenti; neque pro vivis & defunctis, pro peccatis, poenitis, satisfactionibus, & aliis necessitatibus offerri debere, anathema sit*. Porro hos effectus producit ex opere operato, cum idem Conc. Trid. dicat: *Illam munda oblatio est, quæ nulla indignitate aut malitia offerentium inquinari potest*.

*Obijcies*: Si Sacrificium Missæ peccata dimittat, inutile erit Sacramentum Poenitentiae; falsum consequ. ergo.

*Resp. Dist. maj.* Si peccata dimittat immediate, *conceditur* tantum, *negatur*. Enim vero Sacramenta remittunt peccata immediate, Sacrificium vero peccata non dimittit, *quoad culpam*, nisi mediate, quatenus, nempe



pe, intuitu hujus Sacrificii Deus peccatori, pro quo oblatum est, largitur gratias actuales, quibus movetur ad penitentiam, disponiturque ad Sacramentum Penitentiae, in quo immediate fit peccatorum remissio.

Quæres 1. *Utrum valor Sacrificii Missæ sit infinitus?*

Resp. 1. Est infinitus ex parte rei oblatae & quoad sufficientiam; nam idem est cum Sacrificio crucis, sola offerendi ratione diversa, ait Conc. Trid. sess. 22. can. 2. Atque Sacrificium crucis valore & pretio est infinitum; ergo, &c.

Resp. 2. Est finitus & determinatus quoad applicationem; quia, ut magis excitetur pietas fidelium, & frequentior hujus Sacrificii procuretur celebratio, Christus non vult meritum suae passionis applicare, secundum totam latitudinem virtutis suae, ut constat 1. ex praxi Ecclesiae, quæ plures Missas ad eandem rem impetrandam celebrari permittit. 2. Ex damnatione hujus propos. ab Alex. VII. Non est contra justitiam pro pluribus Sacrificiis stipendium accipere, & unum Sacrificium offerre.

§. III. *De causa efficiente Sacrificii Missæ & iis pro quibus applicari potest.*

Quæres 1. *Quinam sit principalis offerens in Sacrificio Missæ?*

Resp. Est Christus, qui ideo dicitur, Sacerdos in æternum secundum ordinem Melchisedech; quia Sacrificium Corporis & sanguinis sui sub speciebus panis & vini offert, ministerio Sacerdotum, usque ad consummationem sæculi.

Quæres 2. *Quinam sit Sacrificii Missæ minister?*

Resp. Sunt soli Sacerdotes rite per Episcopum ordinati, quibus solis Christus dixit: Hoc facite in meam commemorationem.

Quæres 3. *Utrum Sacerdos potestatem specialem habeat fructum Missæ applicandi?*

Resp. Tres sunt fructus Sacrificii portiones, 1. est generalis, quæ toti Ecclesiae advenit, & principaliter omnibus qui in Canone Missæ exprimentur. Hæc Christo ipso applicatur. 2. Est specialis, quæ ipsi celebranti advenit, etiam si, accepto stipendio pro aliis celebret. 3. Est ea quæ ipsis advenit, pro quibus Sacerdos celebrare intendit: de hac potest disponere pro libito: non vero de fructu speciali, qui ex natura sua pertinet ad Sacerdotem.

Quæres 4. *Qualis requiratur intentio in Missæ applicatione?*

Resp. Requiritur & sufficit intentio habitualis, non retractata; nam illa applicatio se habet per modum donationis, quæ valida est, donec retractetur.

Quæ-



Quæres 5. Pro quibus non liceat offerre Missæ Sacrificium?

Resp. Non licet offerre, 1. pro infidelibus, hæreticis, & publice excommunicatis: quia Ecclesia eos a suis orationibus & suffragiis excludit. 2. Pro damnatis, quia, cum in inferno nulla sit redemptio, non sunt capaces fructus Sacrificii.

Quæres 6. Pro quibus licitum est offerre Missæ Sacrificium?

Resp. 1. Offerre licitum est pro omnibus fidelibus, si-  
ve iustis, ut eis prosit ad augmentum justitiæ; si-  
ve peccatoribus, ut eis prosit ad poenitentiam, ut constat ex  
Canone Missæ, ubi sic loquitur Sacerdos: *Hæc sancta  
Sacrificia illibata quæ tibi offerimus pro Ecclesia tua  
sancta Catholica... & omnibus Orthodoxis atque Ca-  
tholica & Apostolica Ecclesie cultoribus.* Ergo nullum  
Ecclesiæ membrum excludit.

Resp. 2. Rite offertur pro animabus Purgatorii, ut  
definit Concil. Trident. sess. 22. can. 3. *Si quis dixerit  
Missæ Sacrificium... neque pro vivis & defunctis of-  
ferri debere, anathema sit.* Quæ definitio fundatur in  
Scriptura, 3. Machab. 12. & traditione Apostolica, ut  
docet D. Chrysost. Hom. 69. *Non temere ab Apostolis hæc  
sanctata fuere, inquit, ut in tremendis Mysteriis defun-  
ctorum agatur commemoratio.*

Quæres 7. Utrum Missæ Sacrificium offeratur San-  
ctis?

Resp. Non offertur Sanctis, sed Deo in honorem San-  
ctorum, ut definit Concil. Trid. sess. 22. can. 3. *Si  
quis dixerit imposturam esse Missas celebrare in hono-  
rem Sanctorum, & pro illorum intercessione apud Deum  
obtinenda, sicut Ecclesia intendit, anathema sit.*

#### §. IV. De stipendio Celebrantibus concessio.

Quæres 1. Quo titulo liceat Sacerdoti stipendium pro  
Missâ accipere?

Resp. Potest stipendium accipere, 1. pro honesta su-  
sultatione, 1. Cor. 9. *Nescitis quoniam qui in Sacra-  
rio operantur, quæ de Sacrario sunt, edunt: & qui Al-  
tari deserviunt, cum Altari participant?* 2. Pro labore  
Missæ extrinseco, v. g. quod tali hora, tali loco, &c.  
sit celebranda, ea enim sunt pretio æstimabilia. Iustum  
autem stipendium, illud est quod usu recepto, vel taxa  
Episcopi est determinatum.

Quæres 2. Utrum Sacerdos, qui minora stipendia ac-  
cepit pro pluribus Missis, possit Missas reducere ad nu-  
merum proportionatum solito stipendio?

Resp. Non potest, ut statuit Urbanus VIII. quia ubi  
stipendium, licet minus congruum, acceptavit, obliga-  
tionem induit Missam integram celebrandi.

Compend. ex Chaymes.

R

Quæ.



Quæres 3. *Utrum liceat Sacerdoti duplicatum percipere pro eadem Missa?*

*Resp.* Non potest, ut declaravit Alex. VII. in damnatione prop. contrariæ.

Quæres 4. *Utrum Sacerdos, qui pinguius accepit stipendium, possit alium Sacerdotem hac Missa onerare pro minori, licet iusto, stipendio?*

*Resp.* Non potest, quia nullum titulum habet retinendi; ut definierunt Urbanus VIII. & Alex. VII.

Quæres 5. *Utrum beneficiarius, qui ratione beneficii tenetur certis diebus celebrare, possit pro eadem Missa stipendium ab aliis accipere, eisque fructum Sacrificii applicare?*

*Resp.* Non potest, quia duplicatum acciperet pro eadem Missa.

Quæres 6. *Utrum liceat Sacerdoti stipendia accipere pro multis Missis, quas prævidet non nisi multo post tempore celebrare posse?*

*Resp.* Non licet, nisi adsit consensus saltem præsumptus offerentium: nam Sacrificium offerri solet pro iis rebus, quæ urgent. Hinc Urbanus VIII. decrevit non licere Sacerdoti Missis sese onerare, quibus intra duos menses non potest satisfacere.

Quæres 7. *Quid si necessitas siturgens, nec moram patitur v. gr. pro puerpera, agonizante? &c.*

*Resp.* In tali casu Sacerdos non potest absque gravi peccato & restitutionis obligatione, Missæ celebrationem differre; quia non datur stipendium, nisi sub conditione quod Sacrificium, stante causa, offeratur.

S. V. *De circumstantiis ad celebrationem requisitis.*

Quæres 1. *Quo tempore liceat celebrare?*

*Resp.* Quolibet die, exceptis die Parasceves, & Sabato sancto, in quo unica Missa solemnis in singulis Ecclesiis dici potest: ut constet ex praxi Ecclesiæ, decretis SS. Pontificum firmata.

Quæres 2. *Qua hora liceat celebrare?*

*Resp.* Ab aurora ad meridiem, ut tert consuetudo Ecclesiæ firmata a Pio V. constit. *Santissimus*. . . Excipitur 1. prima Missa Nativitatis Domini quæ celebratur media nocte. 2. Casus necessitatis. 3. Consuetudo legitime præscripta, vel ab Episcopo saltem tacite approbata.

Quæres 3. *In quo loco debeat celebrari Missa?*

*Resp.* 1. Jure communi debet celebrari in Ecclesia, vel alio loco ab Episcopo consecrato, vel saltem auctoritate Episcopi benedicto, ut statuit Conc. Trid. *de observ. in Sacrif. Missæ*. . . Dixi: Jure communi; nam ex privilegio potest celebrari in castris pro exercitu, in littore maris, pro navigantibus, &c.

*Resp.* 2. Debet celebrari in altari lapideo, ab Episcopo, aut ex concessione solius Papæ ab alio Sacerdote



consecrato, ut statuitur, cap. altaria, de consec. dist. 1.  
Quæres 4. Quibus ornamentis instructum debet esse altare, ut in eo rite celebrari possit?

Resp. 1. Debet esse ornatum triplici mappa linea, vel ad minus duplici, quarum prima sit duplicata, eaque ab Episcopo, vel alio habente talem potestatem benedicta. . . . 2. Debet esse instructum corporali & purificatorio lineis ab Episcopo benedictis; item palla linea, saltem qua parte calicem tangit; eaque benedicta. . . . 3. In eo debet esse crucifixus excelsus, nisi expositum sit SS. Sacramentum. . . . 4. Debent esse duo luminaria cerea; tamen in casu necessitatis unum sufficit, imo in casu gravioris necessitatis, candela ex sebo adhiberi potest.

Quæres 5. Quenam vasa requirantur ad celebrationem?

Resp. Requiritur calix & patena ex auro vel argento, vel saltem, cogente paupertate, ex stanno, eaque ab Episcopo, vel alio, ex privilegio Papæ, consecrata, cap. calix, de consec. dist. 1.

Quæres 6. Quotuplicis generis sint rubricæ Missalis?

Resp. Aliæ sunt directivæ tantum, aliæ obligativæ; vel graviter, vel leviter, juxta gravitatem, vel levitatem materiæ & significationis ab Ecclesia intentæ.

Quæres 7. Quenam rubricæ sunt tantummodo directivæ?

Resp. Sunt sequentes: 1. Quod Sacerdos celebraturus prius vacet orationi: 2. Quod præmittat preces quæ dicuntur: *Preparatio ad Missam*. 3. Quod matutinum & laudes ante celebrationem perolverit, dum officium a Missa discrepat.

Quæres 8. Quenam rubricæ sunt obligativæ?

Resp. Sunt 1. Quod Sacerdos recitet preces inter se vestiendum recitari solitas. 2. Quod induat vestem talarem. 3. Quod recitet Missam officio conformem in diebus duplicibus, in quibus potest dici unica Missa de requiem, corpore præsentem. 4. Quod Missam celebret sine intermissione, nisi gravis necessitas urgeat. 5. Quod nihil detrahat aut addat eis quæ in Missali præscripta sunt.

## DISSERTATIO V.

### De Pœnitentia.

Quæres 1. Quo modo accipitur pœnitentia?

Resp. Duobus modis, nimirum, prout est virtus, & prout est novæ legis Sacramentum.

Quæres 2. Quid sit pœnitentia virtus?

Resp. Definitur: *Habitus supernaturalis, quo peccator movetur ad odium & detestationem de peccato commisso.*



missio, cum proposito non peccandi de cetero, iustitiaeque divinae satisfaciendi; Ex hac definitione, quae colligitur ex Conc. Trid. sess. 14. cap. 1. patet Pœnitentiam, prout est virtus, esse omnino idem cum contritione, quam Christus exivit ad rationem Sacramenti.

Quæres 3. Quid sit Pœnitentiæ Sacramentum?

Resp. Definitur; Sacramentum a Christo institutum, ad peccata post Baptismum commissa, remittenda, per actum pœnitentis, & absolutionem Sacerdotis.... Dixi; Peccata post Baptismum commissa: quia peccata ante Baptismum commissa, non delentur per Sacramentum Pœnitentiæ, cuius non sunt capaces non baptizati; sed per actum virtutis Pœnitentiæ, cum receptione Baptismi in re, vel in voto.

Quæres 4. Quomodo differt pœnitentiæ virtus a Sacramento Pœnitentiæ?

Resp. Differt 1. Quod Pœnitentiæ virtus tota posita sit in actibus pœnitentis; Sacramentum vero insuper requirit absolutionem Sacerdotis. 2. Quod pœnitentiæ virtus fuerit quovis tempore necessaria homini lapsio ad iustitiam assequendam, ut affirmant PP. Tridentini, sess. 14. cap. 4. Sacramentum vero Pœnitentiæ non nisi a Christo fuerit institutum, nec pertineat nisi ad eos, qui, post Baptisma receptum, in peccata lapsi fuerint. 3. Quod Sacramentum Pœnitentiæ sit totum, virtus vero Pœnitentiæ sit pars materie Sacramenti.

Nota: Agemus hic 1. De existentia Sacramenti Pœnitentiæ. 2. De ejus materia & forma. 3. De contritione. 4. De confessione. 5. De satisfactione. 6. De ministro. 7. Tandem de effectibus Pœnitentiæ.

#### §. 1. De existentia Sacramenti Pœnitentiæ. 1

Quæres 1. Utrum Christus Ecclesie suæ veram concesserit potestatem dimittendi omnia peccata post Baptismum commissa?

Resp. Concessit Joan. 20. dicens: Sicut misi me vivens Pater, & ego mitto vos. Accipite Spiritum Sanctum, quorum remiseritis peccata, remittuntur eis: & quorum retinueritis, retenta sunt. Quem locum asserens Concil. Trident. sess. 14. cap. 1. ait: Quo tam insigni facto & verbis tam perspicuis, potestatem remittendi & retinendi peccata, ad reconciliandos fideles post Baptismum lapsos, Apostolis... fuisse communicatam, universorum Patrum consensus semper intellexit, &c.

Obijciat: Sunt quedam peccata ex natura sua irremissibilia, dicitur enim Hebr. 6. Impossibile est enim eos qui semel sunt illuminati... & prolapsi sunt, rursus renovari ad pœnitentiam. Ergo, &c.

Resp. Dist. ant. Impossibile est renovari per pœnitentiam, quæ præit Baptismum, cum non possit iterari Baptis-

Baptis-  
est in  
phy-  
absol-  
statis  
sto a  
erat

In-  
ad m  
quod

Re-  
pecca-  
bet p  
oret  
riori  
quia  
audie

In-  
non  
Ergo

Re-  
pecca-  
ritum  
stant  
pecca-  
tentis  
defect  
pœnit

Qu-  
flum

Re-  
mater  
omni  
14. c  
ment  
ment  
non s  
naufre

Obj-  
Pœni-

Re-  
tur d  
ptism  
merit

Qu-  
necess

Re-  
ablu  
Bapti  
sess. 1

Baptis-



Baptismus. *conc.* per Sacramentum Pœnitentiæ, *subdist.* est impossibile moraliter, id est, valde difficile, *conc.* physice & absolute, *nego ant.* Nam & ipse Apostolus abolvit incestuosum Corinthium. Loquitur ergo de Apostatis, qui, agnitam veritatem contemnebant, a Christo ad Iudaismum discedebant, quibus valde difficilis erat conversio.

*Inst.* 1. D. Joan. Epist. 1. cap. 5. ait : *[Est peccatum ad mortem, non pro illo dico ut roges quis.* Ergo est quoddam peccatum irremissibile.

*Resp. Nego conseq.* Non enim loquitur de quocunque peccato mortali, sed de apostasia a Christo, nec prohibet pro illo orare, sed non audet hortari, ut pro tali oret cum ea impetrandi fiducia, de qua egit versu superiori, dicens : *Es hæc est fiducia quam habemus ad eum: quia quodcumque petierimus secundum voluntatem ejus, audit nos :* cum difficulter impetretur hujus peccati venia.

*Instab.* 2. Matth. 12. blasphemia in Spiritum sanctum non remittetur, neque in hoc seculo, neque in futuro. Ergo, &c.

*Resp. Dist. ant.* Non remittetur tam facile ac alia peccata, *conc.* absolute, *nego.* Itaque qui peccant in Spiritum sanctum, cum ex malitia manifeste veritati resistant, impugnentque gratiam Spiritus sancti, sine qua peccata remitti nequeunt, difficile moventur ad pœnitentiam : unde peccatum illud non dicitur irremissibile defectu potestatis in Ecclesia, sed defectu peccatoris non pœnitentis.

Quæres 2. *Utrum Sacramentum Pœnitentiæ sit distinctum a Baptismo, Baptismiue memoria?*

*Resp. Affirm.* Nam Baptismus & pœnitentia habent materiam, formam, subjectum, ministrum, & effectus omnino diversos, & distinctos. Unde Conc. Trid. sess. 14. *can.* 2. contra Lutheranos definit : *Si quis, Sacramenta confundens, ipsum Baptismum Pœnitentiæ Sacramentum esse dixerit, quasi hæc duo Sacramenta distincta non sint, atque ideo pœnitentiam non recte secundam ipsi naufragium tabulam appellari, anathema sit.*

*Obijcies :* D. Joannes, Lucæ 3. prædicavit Baptismum Pœnitentiæ in remissionem peccatorum. Ergo, &c.

*Resp. 2. Nego conseq.* Nam Div. Joannes non loquitur de Sacramento Pœnitentiæ, sed de suo proprio Baptismo, ejus cum tota vis esset a virtute pœnitentiæ, merito vocatur Baptismus Pœnitentiæ.

Quæres 3. *Utrum Sacramentum Pœnitentiæ sit lapsis necessarium?*

*Resp.* Est absolute necessarium in re, vel in voto ; nam absque eo non potest obtineri remissio peccatorum post Baptismum commissorum : *Est autem,* ait Conc. Trid. sess. 14. cap. 2. *hoc Sacramentum Pœnitentiæ lapsis post Baptismum ad salutem necessarium, ut nondum regeneratis*



*ipso Baptismus.* Nam eodem modo quo Christus, Joan. 3. dixit: *Nisi quis renatus fuerit, &c.* Dixit Lucæ 13. *Nisi poenitentiam egeritis, omnes similiter peribitis.*

Dixi: *In re, voto*, quia homo in tali statu constitutus, in quo non habet copiam confessarii, potest per actum contritionis justificari & salvari.

Quæres 4. *Utrum absolutio sacramentalis vera ac proprie dimittat peccata, vel an tantum declarat peccata esse dimissa?*

Resp. Vere & proprie peccata dimittit: nam Christus, Joan. 20. non dixit quorum declaraveritis dimissa peccata; sed, *quorum remisistis peccata*, quæ verba in sensu proprio & naturali significant potestatem judicariam remittendi peccata. Hinc Conc. Trid. sess. 24. can. 9. contra Novatores definit: *Si quis dixerit absolutionem sacramentalem Sacerdotis non esse actum judicalem; sed nudum ministerium pronuntians & declarandi remissa esse peccata constituitur... anathema sit.*

Obijciat: Solus Deus potest dimittere peccata, Lucæ 7. *Quis potest dimittere peccata, nisi solus Deus?* ergo, &c.

Resp. Dist. ans. Solus Deus potest dimittere peccata auctoritate propria & independente, conc. per exclusionem causæ ministerialis, nego. Christus enim concessit hominibus, ad id deputatis, ut suo nomine remitterent peccata.

## S. II. De materia & forma Sacramenti Poenitentiae.

Quæres 1. *Quotuplex sit materia poenitentiae?*

Resp. Duplex, nempe, remota, seu, circa quam, & proxima, seu, ex qua.

Materia remota, sunt omnia peccata post Baptismum commissa, sive jam confessa fuerint, sive non, cum hoc tamen discrimine, quod peccata venialia & mortalia jam confessa sint materia libera, mortalia vero nondum confessa sint materia necessaria, quia sine Sacramento in re, vel saltem in voto, remitti nequeunt. Hoc constat apud omnes: sed:

Quæres 2. *Quanam sit materia proxima, seu, ex qua, Sacramenti Poenitentiae?*

Resp. Sunt tres actus poenitentis, contritio nimirum, confessio, & satisfactio. Nam ex Conciliis Florent. & Trid. sess. 14. can. 4. definitur actus poenitentis esse: *quasi materia*, & partes Sacramenti Poenitentiae; ergo sunt materia ex qua constat: nec obesse potest particula, *quasi*, qua utuntur Concilia, nam, *hi actus quasi materia* a S. Synodo appellantur inquit Catechismus Rom. *Non quia vere materia rationem non habeant: sed quia ejus generis materia non sit, qua extrinsecus exhibetur, ut aqua in Baptismo, Chrisma in confirmatione.*

Obij.



**Obiectis 1.** Ex Trid. Actus poenitentis sunt dispositiones ad Sacramentum Poenitentiae; ergo.

*Resp. Nego confeg.* Nam sunt dispositiones simul & materia Sacramenti. Sunt dispositiones quatenus praecise spectantur prout procedunt a poenitente seipsum ad Sacramentum preparante. Sed quatenus spectantur prout a Sacerdote per potestatem clavium evehuntur ad Sacramentum constituendum, sunt partes intrinsece componentes.

**Obiectis 2.** Materia Sacramenti debet esse sensibilis; atqui contritio non est sensibilis; ergo.

*Resp. Dist. min.* Contritio non est sensibilis, per se, conc. per aliud, *nego*. Est enim sensibilis, vel per confessionem, vel per actum ejus exterius prolatum.

*Inst. 1.* Sacramentum moribundi, confiteri non valens, est validum absque confessione; ergo, &c.

*Resp. Dist. ant.* Est validum absque confessione actuali & explicita, conc. virtuali, & implicita, *nego min.* Illa autem confessio virtualis includitur in petitione Confessarii, vel etiam, ut multi volunt, in vita christianae perfecta.

*Inst. 2.* Valet Sacramentum sine satisfactione, si nempe poenitens statim post acceptam debite absolutionem moriatur, salvabitur, non perfecta satisfactione; ergo non est pars essentialis Sacramenti.

*Resp. Dist. ant.* Sine satisfactione actuali, *conc.* sine satisfactione in voto, *nego*. Itaque satisfactio in voto, quae necessario, saltem implicite, includitur in contritione, est pars essentialis Sacramenti; & satisfactio actualis est pars tamen integralis, sine qua essentialiter ponitur Sacramentum.

**Quaeres 3.** Quenam sit forma Sacramenti Poenitentiae?

*Resp.* Ex Conc. Flor. Sunt verba absolutionis, quae Sacerdos profert, cum dicit: Ego te absolvo in nomine Patris, &c.

Ergo: nec scriptis potest dari absolutio, cum forma constet essentialiter verbis humana voce prolati; nec potest dari absenti, quia pronomen, *se*, supponit personam praesentem loquenti. Unde Clemens VIII. hanc prop. Licet per litteras, seu internuntium, Confessario absenti peccata sacramentaliter confiteri, & ab eodem absente absolutionem obtinere; damnavit, ut falsam, temerariam, & scandalosam, ac prohibuit sub poena excommunicationis latae sententiae ea in praxi uti.

**Quaeres 3.** Utrum forma absolutionis debeat esse declarativa, aut indicativa?

*Resp.* Debet esse indicativa, ut probat D. Thom. opusc. 22. cap. 1. Sed contra est, inquit, quod sicut Dominus dixit discipulis, euantes docete omnes gentes, baptizantes eos: Ita dixit Petro, quodcumque solveritis super terram, sed Sacerdos, auctoritate illorum verborum



*Christi fretus, dicit : ego te baptizo : ergo eadem austeritate dicere debet in hoc Sacramento , ego te absolvo ; ergo forma ex institutione Christi est indicativa .*

*Obijctes 1.* Christus non determinavit an forma absolutionis debeat esse indicativa vel deprecativa ; ergo alterutram potest eligere Ecclesia .

*Resp. Nego ant.* Nam instituit ut Sacerdos verbis exprimeret se peccata remittere, non vero præcise peccata a Deo remitti .

*Prob. ant.* Ecclesia Latina adhibuit formam deprecativam usque ad sæculum XII. ergo, &c. . . *[Resp. Nego ant.]*

*Prob. ant. 1.* Quia in antiquis Ritualibus manuscriptis nulla forma indicativa reperitur, sed solum orationes, quibus Deus exorabatur, ut indulgeret poenitentibus . *2.* Quia SS. Patres, qui ante sæculum XII. floruerunt, affirmant poenitentes absolvi per orationes Sacerdotum ; ergo, &c.

*Resp. Nego consequ.* Nam, *1.* in prioribus Ecclesiæ sæculis formæ Sacramentorum non scripto, sed viva voce tradebantur, ne Paganis aut Judæis facile innotescerent, & ab eis irriderentur . *2.* Ideo Patres dicunt peccatores absolvi per orationes Sacerdotum, tum quia per vosem, oratio, totum ritum Poenitentiae comprehendunt, in quo variae orationes formæ sacramentali uniuntur ; tum ut significarent, ministros esse tantum causam instrumentalem, Deum vero solum esse causam principalem gratiæ & remissionem peccatorum .

*Obijctes 2.* In Euchologiis Græcorum veteribus & recentioribus, non alia reperitur forma quam deprecativa, &c.

*Resp. Nego ant.* Nam *1.* vetera Euchologia fuerunt condita tempore quo formæ Sacramentorum solum viva voce solis ministris tradebantur . *2.* In recentioribus Euchologiis reperitur hæc forma : *Habeo te venia donatum,* quam refert Arcudius Græcus, lib. 4. de poenit. cap. 3. quæ eadem est ac ista : *Absolvo te .*

*Inst.* Clemens VIII. in instructione super ritibus Græcorum, ait : *In casu necessitatis Presbyteri Græci Catholici possunt Latinos absolvere . Utantur forma absolutionis in generali Concilio Florent. præscripta, & postea, si ucluerint, dicant orationem illam deprecativam, quam pro forma hujus absolutionis dicere tantum consueverunt .* Ergo *1.* Græci forma tantum deprecativam usurpabant . *2.* Græci valide absolvuntur a Græcis per solam formam deprecativam .

*Resp. Dist. 1. consequ.* Græci aliqui ex ignorantia formam tantum deprecativam adhibebant, *consequ.* omnes, nego . Ita testatur Arcudius .

*Resp. Nego 2. consequ.* Quia Papa absolute loquitur, dicens, *utatur forma,* non vero dicit, cum absolvunt Latinos .

Qua-



Quæres 3. *Quenam verba formæ absolutionis sine necessaria necessitate Sacramenti?*

Resp. Sola ista, *Absolve te*; nam sufficienter exprimunt ministrum, subiectum, & effectum primum Sacramenti, nempe, reconciliationem.

### §. III. De Contritione.

Quæres 1. *Quid sit contritio?*

Resp. Est ipsamet poenitentia virtus, quæ definitur a Conc. Trid. sess. 14. c. 4. *Animi dolor ac desectatio de peccato commisso, cum proposito non peccandi de cetero*. Huic definitioni addi debent: *Et voto cœnsuendi ac satisfaciendi*, ut habeatur definitio contritionis prout legi evangelicæ est propria.

Tria ergo in vera contritione necessario reperiri debent, nempe. 1. *Animi dolor*, id est, tristitia voluntatis, 2. *Desectatio de peccato*, id est, odium & displicentia de peccato. 3. *Propositum non peccandi de cetero*; quod propositum, juxta probabiliorē sententiam, debet esse formale & explicitum, nam implicitum includitur in dolore ac detestatione, attamen Concil. Trid. ultra dolorem ac detestationem, requirit *propositum*; ergo, &c. Alias ista verba; *Cum proposito non peccandi de cetero*, essent superflua.

Quæres 2. *Qualis debeat esse contritio, ut sit materia Sacramenti Poenitentiae?*

Resp. 1. *Debet esse vera & realis*, quia est pars Sacramenti veri & realis. Hinc qui cum contritione ficta accederet ad Sacramentum, non perciperet Sacramentum, etiamsi suam contritionem existimaret veram.

2. *Debet esse formalis & expresse*, quia pars Sacramenti debet adesse formaliter & in se.

3. *Debet esse supernaturalis*; id est, debet elici per auxilium gratiæ, & ex motivo per fidem proposito; nemo enim potest solis naturæ viribus se ad justificationem disponere, prout definivit Concil. Trident. sess. 6. can. 3. Hinc Innocent. XI. & post eum, Clerus Gallic. ann. 1700. hanc prop. damnaverunt: *Probabile est sufficere attractionem naturalem, modo honestam*.

4. *Debet esse universalis*: ita ut ad omnia peccata mortalia generatim se extendat, & nullam prorsus excludat; quia unum mortale non potest remitti sine alio.

5. *Debet esse summa*, non quidem intensiva, cum intensio graduum non sit in potestate hominis, & Scripturæ testimonia recte exponi possint de totalitate integritatis & perfectionis, non vero de totalitate gradualis intensivæ, ait Causus, de poenit. parte 3. sed debet esse summa, appreciativa, ita ut peccator detestetur peccatum super omnia alia mala, juxta illud Jos. 2. *Convermini ad me*.



*me in toto corde vestro, scilicet, totalitate appretiationis*

*Quæres 3. Utrum quoties datur nova absolutio, toties requiratur nova contritio?*

*Resp.* In praxi requiritur, 1. quia opposita sententia est improbabilis; 2. quia fit novum Sacramentum; ergo requiritur nova materia.

*Quæres 4. Utrum contritio sit necessaria jure divino?*

*Resp. Affirm.* Illud præceptum traditur. Luc. 13. *Nisi poenitentiam egeritis, omnes similiter peribitis.* Præterea, quidquid est necessarium necessitate medii, est necessarium necessitate præcepti divini.

*Quæres 5. Quando nam obliget per se præceptum contritionis divinum?*

*Resp.* Obligat, in probabili vitæ periculo, quia non est impio alia via, per quam homo suæ salutis consulere possit. 2. Obligat aliquoties in vita, hinc Ecclesia præcepit Confessionem annuam; an vero sæpius facienda sit in auro? judicabit Confessarius prudens & pius.

*Quæres 6. Quando nam obliget per accidens, præceptum contritionis divinum?*

*Resp.* Obligat impium, cum urget præceptum administrandi aut recipiendi aliquod Sacramentum. Sed:

*Quæres 7. Utrum obliget statim a peccato commissio?*

*Resp. Negat.* Nam, 1. præceptum resurgendi a peccato, est affirmativum; ergo non obligat pro omni tempore. 2. Quia homo toties peccaret, & quidem specialiter, quoties adverteret ad hanc obligationem, & eam non impletet, atqui hoc est contra sensum, tum confidentium, qui hanc circumstantiam, declarare non consueverunt; tum Confessariorum, qui de hac circumstantia suos poenitentes non interrogant.

*Obijciat 1. Eccli. 5. dicitur: Non tardes converti ad Dominum, & ne differas de die in diem.* Ergo, &c.

*Resp. Nego confeg.* Non enim est præceptum, sed consilium ab omnibus Confessariis suadendum.

*Obijciat 2. Graviter peccat, qui alienum, cum potest, non restitui; ergo & qui non compensat injuriam Deo illatam, cum primum fieri commode potest.*

*Resp. Nego confeg.* Disparitas est, quod præceptum restitutionis sit affirmativum simul & negativum, quo prohibemur rem alterius desinere, ait Div. Thom. q. 62. art. 8. ad 1. præceptum vero resurgendi a peccato est tantum affirmativum.

*Obijciat 3. Lapsus in morbum tenetur statim recurrere ad Medicum; ergo & lapsus in peccatum.*

*Resp. Dist. ant.* Tenetur, quando medicina differri non potest sine probabili periculo, *cont.* quando differri potest, *negat.* Similiter dicendum de contritione & confessione, quæ in periculo mortis, amentiae, impoentientiae finalis, oblivionis gravis peccati, vel affectus retinendi ad peccatum, &c. non debet differri.



Quæres 8. Quotuplex sit contritio?

Resp. Duplex, nempe. perfecta, quæ ex motivo charitatis concipitur, hominemque Deo conciliat, priusquam Sacramentum Pœnitentiæ actû suscipiatur, non tamen, sine Sacramenti voto, quod in illa includitur, ait Conc. Trid. sess. 14. c. 4. Ex quo patet sufficere, ut illud votum sit implicitum & virtuale. Et imperfecta, quæ assensu dicitur, quoniam, inquit Patres Tridentini, vel ex turpitudinis peccati consideratione, vel ex gehennæ & pœnarum metu communiter concipitur. Hæc non justificat sine Sacramento.

Quæres 9. In quo differant contritio perfecta & imperfecta?

Resp. Differunt in duobus; 1. in motivo; nam contritio perfecta concipitur ex perfecto Dei amore charitatis; attritio vero vel ex turpitudinis peccati consideratione, vel ex gehennæ & pœnarum metu. 2. In effectu; contritio enim perfecta cum solo Sacramenti voto justificat; non vero attritio, ut docet Concil. Trid.

Quæres 10. Utrum contritio concepta ex amore charitatis Dei super omnia, justificet, non tantum in gradu intenso, sed etiam in gradu remisso?

Resp. Justificat; nam 1. Scriptura & SS. Patres actû charitatis absolute & simpliciter sumpta, sine ulla mentione gradus & intensiōis promittunt justificationem, 1. Petri 4. Charitas operis multitudinem peccatorum. Chrysost. hom. 7. in 1. ad Tit. Ubi charitas est, omnia sublata sunt mala. Aug. Serm. 35. de Proverb. cap. 12. Deus clamat nobis, amate me, & habebitis me, quia non potestis amare me, nisi habueritis me. 2. Ubi est essentia alicujus formæ, ibi est effectus ejus formalis; atqui ubi est charitas in infimo gradu, ibi est essentia charitatis; ergo ubi est charitas in infimo gradu, ibi est justificatio; quæ est ejus formalis effectus.

Ergo merito damnatæ sunt hæ Baji propositiones: 37. Charitas perfecta & sincera, quæ est ex corde puro, & conscientia bona, & fide non ficta, tam in Catechumenis, quam in pœnitentibus, potest esse sine remissione peccatorum. Prop. 33. Catechumenus iuste, recte, & sancte vivit, & mandata Dei observat, & legem implet per charitatem, ante obtentam remissionem peccatorum, quæ in Baptismi lavacro solum percipitur.

Objicies 1. Scriptura, Joel. 2. ait: Convertimini ad me in toto corde vestro; ergo requirit intensiōem graduum in contritione, ut justificet impium.

Resp. Nego consequ. Hæ enim voces, in toto corde, significant totalitatem apprehensionis, non intensiōis. Præterea scriptura hortatur ad id quod optimum, non quod absolute necessarium est.

Insp. 1. Christus de Magdalena, Luc. 7. ait: Remittuntur ei peccata multa, quoniam dilexisti multum. Ergo



*Resp. Nego conseq.* Nam ibi non est solum sermo de remissione quoad culpam, sed de remissione etiam quoad poenam, quæ major vel minor est pro majori vel minori intensione graduum dilectionis; unde Christus addit: *Cui autem minus dimittitur, minus diligit.* Porro unum mortale non potest quoad culpam dimitti sine alio.

*Inst.* 2. Ananias, *Act.* 22. Paulo perfecte contrito dixit: *Baptizare, & ablue peccata tua.* Ergo.

*Resp. Nego conseq.* Ideo hoc Paulo dictum est, quia perfecta contritio non justificat, nisi cum obligatione resipiendi Sacramenti.

*Obijcies* 2. D. Aug. *lib.* 1. de Symbolo ad Cath. ait: *Deus non dimittit peccata, nisi baptizatis.* Ergo.

*Resp. Dist. conseq.* Non dimittit ordinarie, *consec.* extraordinarie, *nego.* Nam D. Aug. *lib.* 4. de Bapt. cap. 24. de Cornelio ait: *In Cornelio precessit sanctificatio spiritualis in dono Spiritus Sancti, & accessit Sacramentum regenerationis in lavacro Baptismi.*

*Obijcies* 3. Scintilla ignis, etsi verus sit essentialiter ignis, impar tamen est comburendo ligno, vel expellendo frigore; ergo a pari licet charitas in gradu remissio sit essentialiter perfecta, non potest tamen expellere peccatum sine certa gradus intensione.

*Resp. Nego conseq.* Disparitas est, quod actio physica fiat successive, applicando activa passivis, quod certam temporis mensuram, certumque intensiōis gradum exigit; e contra actio spiritualis sit in instanti, & ideo nec mensuram temporis, nec certum actus gradum requirit.

*Quæres* 11. *Utrum contritio ex amore charitatis in gradu remisso concepta, justificet extra Sacramentum in casu necessitatis tantum?*

*Resp.* Justificat semper: neque enim habet virtutem justificandi propter casum necessitatis, sed ex propriis sua perfectione; ergo, cum, juxta adversarios, justificet in casu necessitatis, justificat ordinarie & in omni casu.

*Quæres* 12. *Ex quocumque timore concipi possit attritio?*

*Resp.* Potest concipi, 1. *Ex timore serviliter servilis*, qui definitur, *fuga peccati ut pena causativi*, cum affectu illius committendi, si hæc abesset. Hic timor est malus & vitiosus propter affectum peccati, qui intrinsece malus est sicut & peccatum. 2. *Ex timore simpliciter servili*, qui definitur, *fuga peccati ut pena per fidem apprehensa causativi*, sine affectu illius committendi, si hæc abesset. Hic timor est vere possibile; *Servilitas* enim, ait Div. Thom. 2. 2. quæst. 19. art. 4. non pertinet ad speciem timoris servilis, sicut nec infortitas ad speciem fidei informis.

*Quæres* 13. *Utrum attritio concepta ex timore simpliciter servili sit bona & laudabilis?*

*Resp.*



*Resp.* Est bona, ut Conc. Trid. Sess. 14. can. 5. defini-  
vit contra Lutherum, docentem eam esse malam, ho-  
mitemque reddere magis hypocritam & peccatorem.  
Ratio est, quia Scriptura & Patres nos hortantur ad il-  
lum timorem: *Timete eum*, inquit Christus Luc. 12.  
qui, postquam occideris, habet potestatem mittere in ge-  
hennam. Et D. Aug. in Psam. 127. Bonus est iste timor  
& utilis, quo homo timet ne mittatur in gehennam.

Quæres 14. Utrum attritio concepta ex timore simpli-  
ter servili, sit supernaturalis, voluntatemque peccan-  
di excludat?

*Resp. Affirm.* Nam 1. dicitur, Prov. 8. Timor Domi-  
ni odie malum; & Eccli. 1. Timor Domini expellit pec-  
catum. 2. Conc. Trid. sess. 14. cap. 4. de attritione lo-  
quens, dicit, eam donum Dei esse, & Spiritus Sancti  
impulsum, non adhuc quidem inhabitantis, sed moven-  
tis, quo penitens adjusus, viam sibi ad iustitiam parat;  
ergo, &c. Merito ergo Alex. VIII. has prop. damnavit: 14.  
Timor gehennæ non est supernaturalis. 15. Attritio, quo ge-  
hennæ & penarum metu concipitur, sine dilectione benevolen-  
tiæ Dei propter se, non est bonus motus & supernaturalis.

*Obijciat:* D. Aug. Epist. 145. ait: Inaniter ille putat  
victorem se esse peccati, qui pœna timore non peccat...  
inimicus iustitiæ est, qui timore pœnæ non peccat...  
nam qui gehennas metuit, non peccare metuit, sed arde-  
re. Ergo timor servilis non tollit voluntatem peccandi.

*Resp. Dist. consequ.* Timor serviliter servilis, conc. sim-  
pliciter servilis, nego. Sese explicat D. Doctor Serm.  
161. ubi reprehendens eum, qui, pœnæ timore non pec-  
cans, peccaret, si eum non videret Deus, ait: Ergo  
pœnam times, serviliter times.

Quæres 15. Utrum, in attritione ex metu gehennæ con-  
cepta, requiratur aliquis amor, ut sit dispositio sufficiens  
ad Sacramentum Pœnitentiæ rite & utiliter percipiendum?

*Resp.* Requiritur. Nam Conc. Trid. sess. 6. agens de  
dispositionibus ad justificationem in Baptismo consequen-  
dam requisitis, perinde requirit amorem initialem & im-  
perfectum, ac actus fidei & spei: *Illumque*, inquit, *sam-*  
*quam omnis iustitia fontem diligere incipiunt*; atqui actus  
fidei & spei necessario prærequirit: ergo, &c. Hinc Clerus  
Gallican. an. 1700. Conc. Trid. interpretans, ait: De  
dilectione Dei, sicut ad Sacramentum Baptismi in adul-  
tis, ita ad Sacramentum Pœnitentiæ, quæ est laboriosus  
Baptismus, requisita, ne necessariam doctrinam omis-  
samus, hæc duo imprimis ex S. Synodo Trident. monen-  
da & docenda esse duximus: Primum; ne quis putes in  
utroque Sacramento requiri ut præviā contritionem;  
eam quæ sit charitate perfecta, & quæ cum voto Sacra-  
menti, antequam actu suscipiatur, hominem Deo recon-  
ciliat. Alterum, ne quis putes in utroque Sacramento su-  
curum se esse, si præter fidei & spei actus, non incipias  
di-



diligere Deum tanquam omnis iustitiae fontem. Neque vero satis adimpleri potest utrique Sacramento necessarium vise nove inchoanda, ac servandi mandata divina propositum, si penitens prius & maximi mandati, quo Deus toto corde diligitur, nullam curam gerat, nec sit saltem animo ita preparato, ut ad illum exequendum, divina epitulante gratia, sese excitet ac provocet.

Obijciunt: Concil. Trid. sess. 14. cap. 4. tractans ex praefecto de attritione & ejus motivis, nullam facit mentionem amoris Dei; ergo, &c.

Resp. Nego consequens. Nam licet Consilium nullam fecerit mentionem amoris Dei, nihilominus recte inferitur, discursu theologico, aliquem Dei Amorem necessarium esse, 1. Ex eis quae docet circa naturam contritionis tum perfectae, tum imperfectae. 2. Ex eo quod sess. 6. cap. 6. requirat, ut ii qui se ad iustitiam disponunt, Deum diligere incipiant tanquam omnis iustitiae fontem.

Inst. Solus timor gehennae, absque ullo Dei amore, voluntatem peccandi excludere potest; ergo &c.

Resp. Nego ant. Impossibile enim est timorem gehennae excludere voluntatem peccandi, quin includat amorem boni quo peccator privati metuit, bonum autem illud est Deus possidendus.

Quaeres 16. Quosuplex distinguatur amor Dei?

Resp. Duplex, nempe, amor charitatis, quo Deus super omnia diligitur propter se. Et amor spei, quo Deus super omnia diligitur, quatenus nobis bonus est, nostra beatitudo, & finis ultimus.

Porro, in amore formali spei reperitur virtualis amor charitatis: nam attritio ex amore spei concepta, importat firmum melioris vitae, & mandatorum Dei observationis propositum, inter quae dilectio primum locum tenet; sed qui proponit Deum diligere, jam virtualiter diligit, cum sit proxime dispositus ad illum propter se diligendum, &c. ex D. Thoma, dispositio proxima ad aliquid, sit initium seu inchoatio illius: ergo, &c.

Quaeres 17. Quinam ex illa ducti amore sufficiat in attritione, ad justificationem in Sacramento obtinendam?

Resp. Sufficit amor spei. Nam 1. amor amicitiae in quocumque gradu intentionis justificat ante actualem Sacramenti receptionem; ergo, &c. D. Bonaventura, in 4. dist. 4. dub. 1. ait: Non oportet igitur quod actus penitentiae formatus, qui dicitur contritio, praecedat, sed sufficit quod actus sit infirmis, utpote attritio. Et D. Thom. in 4. dist. 6. art. 3. ad 5. Ad hoc ut homo se preparat ad gratiam in Baptismo recipiendam praerogitur fides, sed non charitas, quia sufficit attritio praecedens, est non sit contritio. 2. Concil. Trid. de attritione ex metu gehennae loquens, ait: Et quamvis sine Sacramento Penitentiae per se ad justificationem perducere peccatum nequeat, tamen cum ad Dei gratiam in  
Sa.



*Sacramento Penitentiae impetrandam disponis*; ergo est dispositio sufficiens, non tantum remota, ut voluit adversarii, sed proxima, nam 1. Concil. loquitur de dispositione in ipso Sacramento, non extra Sacramentum. 2. Loquitur de dispositione quae cum solo Sacramento gratiam infallibiliter impetrat; ergo, &c.

*Obijcies* 1. Patres Tridentinae verbum, *disponis*, substituerunt verbo, *sufficit*, quod primum ab iis fuerat usurpatum; ergo non est dispositio sufficiens.

*Resp. Nego conseq.* Ideo enim tantum verbum *sufficere* fuit deletum, ne daretur occasio existimandi nullum amorem Dei imperfectum requiri in attritione.

*Obijcies* 2. Ex nostra sententia sequitur aliquem posse dari casum in quo quis salvaretur sine actu charitatis Dei: (v. gr. potest fieri, ut qui per totam vitam impii vixit, nec unquam actum charitatis elicit, actum attritionis eliciat, absolvatur, & statim moriatur) absurdum conseq. ergo.

*Resp. Nego seq. maj.* Nam attritio imponat firmum propositum observationis mandatorum Dei pro tempore quo urgent, & sum, in casu proposito, urgeat preceptum charitatis: qui attrititur, tenetur actum charitatis elicere, quem si omittat, sit reus peccati omissionis.

#### S. IV. De Confessione.

*Quæres* 1. Quid sit confessio?

*Resp.* Definitur: *Sacramentalis accusatio peccatorum suorum post Baptismum commissorum, facta Sacerdoti, ad eorum veniam obtinendam, virtute clavium.*

*Quæres* 2. Utrum confessio sit necessaria necessitate precepti divini?

*Resp.* Est iis qui post Baptismum in peccatum mortale lapsi sunt: nam Christus dedit sacerdotibus iudicariam potestatem dimittendi & retinendi peccata; atqui hæc potestas non potest rite exerceri nisi cognita prius causa per confessionem; ergo, &c. Hinc Concil. Trident. sess. 14. can. 6. definit: *Si quis negaveris confessionem sacramentalem vel institutam, vel ad salutem necessariam esse jure divino... anathema sit.*

*Obijcies*: Nestarius Patriarcha Constantinop. abrogavit confessionem; ergo.

*Resp. Diss. ant.* Abrogavit Confessionem secretam, nego. Publicam, subdiss. pro peccatis occultis, cono. pro publicis, nego, hoc est. Nestarius abrogavit usum quædam peccata occulta publice confitendi, deposuitque penitentiarium, ac permisit ut unusquisque pro arbitrio & animi sui conscientia ad Sacramentorum communionem accedere post secretam confessionem factam, apud quem mallet Sacerdotem. Ita Socrates & Zozomenus.

*Inst.*



*Inst. D. Chrysoſt. Naſtarii ſucceſſor, hom. 37. de penit.*  
ait: Deo ſoli dic peccatum tuum, & dimittitur tibi pec-  
catum; ergo rejicit confeſſionem auricularem, & ſecre-  
tam factam Sacerdoti.

*Reſp. Nego conſeq.* Nam confeſſio, quæ fit Sacerdoti,  
fit ſoli Deo, cujus vices gerit Sacerdos.

*Quæres 3. Utrum fideles teneantur præcepto eccleſiaſti-  
co confiteri?*

*Reſp.* Teneantur omnia ſua peccata propriis Sacerdoti  
confiteri fideliter, ſaltem ſemel in anno, ut præſcribitur  
can. *Omnis utriusque ſexus.*

*Quæres 4. Quoſnam, & ſub qua pena, obliget præce-  
ptum annuæ confeſſionis?*

*Reſp.* Obligat omnes utriusque ſexus fideles, poſtquam  
ad annos diſcretionis pervenerint, & quidem ſub poena  
interdicti ab ingreſſu Eccleſiæ, & privationis eccleſiaſti-  
cæ ſepulturæ, ferenda . . . Porro huic præcepto non  
ſatisfit per confeſſionem nullam, unde Alexand. VII.  
damaavit hanc prop. *Qui facit confeſſionem voluntarie  
nullam, ſatisſacit præcepto Eccleſiæ.*

*Quæres 5. Utrum qui toto anno confeſſionem omiſit,  
teneatur adhuc præcepto eccleſiaſtico ſatisfacere?*

*Reſp. Affirm.* Quia terminus ab Eccleſia non fuit ap-  
poſitus ad finiendam, ſed ad non differendam obliga-  
tionem, ut patet ex his canonis verbis: *Saltem ſemel  
in anno.*

*Quæres 6. Quæ ſint conditiones ad legitimam confeſ-  
ſionem requiſitæ?*

*Reſp.* Sexdecim vulgo assignantur his verſibus compre-  
henſæ.

*Sit ſimplex, humilis confeſſio, pura, fidelis,  
Necnon nuda, frequens, diſcreta, libens, veretunda,  
Integra, ſecreta, & lacrimabilis, accelerata,  
Fortis, & accuſans, & ſit parere parata.*

Harum conditionum duæ ſunt, (nimirum integritas  
& ſecretum confeſſionis) quæ pleniora nobis exigunt  
expoſitionem: quare

*Quæres 7. Quoruplex diſtinguatur integritas confeſſio-  
nis?*

*Reſp.* Duplex, nempe, *materialis*, quæ eſt accuſatio  
omnium peccatorum mortalium, nullo dempto: hæc non  
eſt ſemper neceſſaria, cum plerumque ſit impoſſibilis.  
Et *formalis*, quæ eſt accuſatio peccatorum quæ poenitens  
potest & debet his & nunc confiteri. Hæc neceſſa-  
rio requiritur.

*Quæres 8. Quid requiratur ad integritatem confeſſio-  
nis formalem?*

*Reſp. Requiritur* 1. Ut poenitens confiteatur omnia & ſin-  
gula peccata mortalia, eorum ſpecies, numerum, & circum-  
ſtantias peccati ſpeciem mutantes, quæ poſt diligens exa-  
men occurrunt; ita definiit Conc. Trid. ſeſſ. 14. can. 7.

Re-



**Requiritur 2.** Ut declaret circumstantias peccatum in eadem specie notabiliter aggravantes, quia rationes quas Concil. Trid. affert ut probet obligationem confitendi circumstantias speciem mutantem, militant pro obligatione confitendi circumstantias aggravantes, nempe, quod sine illis peccata ipsa neque a penitentibus integre exponantur, nec iudicibus innotescant: & fieri nequeat ut de gravitate criminum recte censere possint, & penam, quam oportet pro illis, penitentibus imponere.

**Requiritur 3.** Ut confiteatur peccata dubia ut dubia, quia, ut ait D. Thom. in 4. dist. 21. art. 3. ad 3. Periculo se committis, qui de hoc quod dubitat esse mortale, negligit confiteri; ergo peccat mortaliter discrimini se committens.

**Quæres 9.** Utrum persona complicitis debeat declarari in confessione?

**Resp.** Non debet, cum poenitens sine declaratione complicitis potest peccati speciem, & ejus circumstantias necessario aperiendas declarare, quia non licet sine legitima causa infamare proximum. Debet e contra, si id non possit, modo urgeat præceptum confessionis, & poenitens sine gravi incommodo non possit adire alterum Confessarium, cui complex si ignotus. Ratio est, quia complex criminis amisit jus ad suam apud Confessarium famam.

**Quæres 10.** Utrum infirmus, qui subita vi morbi obmutescit, possit absolvi absque confessione?

**Resp.** Si aliqua dederit doloris signa coram uno saltem adstante ea de re testimonium ferente, potest absolvi, quia in casu proposito reperitur confessio virtualis & confusa; ita definit Conc. Carthaginense IV. quod si nulla signa desiderii confessionis dederit, vel christiane vixit, vel non: *Si non vixit christiane*, non est absolvendus, quia ejus voluntas, obfirmata in malo, non censetur mutata, *Si christiane vixit*, juxta multos non potest absolvi defectu materiæ sensibilis; juxta alios potest absolvi sub hac conditione, *si es capax*: quia in vita christiana, quam duxit, absolutionis desiderium, saltem in artusculo mortis, includitur. Ita Rituale Tullense, pag. 1. 8.

**Quæres 11.** Quæ sint causæ a materiali confessionis inregritate excusantes?

**Resp.** Sunt quatuor. 1. Est naturalis oblitio inculpabilis. 2. Ignorantia invincibilis. 3. Moralis impotentia. 4. Est grave damnum sive temporale, sive spirituale, vel sibi, vel Confessario, vel alteri, ex alicujus peccati declaratione imminens probabiliter, quia præceptum positivum non obligat eum tanto incommodo.

**Quæres 12.** An, & quo jure Confessarius teneatur ad sigillum?

**Resp.** Tenetur jure naturali, divino, & ecclesiastico.



60. Caveat omnino Sacerdos, (inquit canon, omnis utriusque sexus), ne verbo, vel signo, vel alio quovis modo prodat aliquatenus peccatorem. Porro hæc obligatio tanta est, ut nunquam, nec ullo prorsus casu, sigillurum in minimo infringere liceat. Imo non solum Sacerdos, sed etiam omnes & singuli, qui ex confessione sacramentali immediate vel mediate, licite vel illicite, verbis vel signis, aliquam sigilli materiam naverunt, tenentur ad secretum: nam res ad quoscunque perveniat cum suo onere transit.

Quæres 13. Quamnam cedunt sub sigillo?

Resp. Omnia omnino, etiam minima, quæ fuerunt sacramentaliter deposita, & nata sunt reddere confessionem vel levissime odiosam; quia quidquid fuit sacramentaliter depositum, ab ipso Sacramento manet sigillatum.

Quæres 14. Utrum Confessarius extra confessionem possit loqui cum suo penitente de auditis in ejus confessione?

Resp. Non potest, nisi ex consensu penitentis formaliter, expresso, & omnimode libero: quia hæc agendi ratio penitenti molesta est.

#### § V. De satisfactione.

Quæres 1. Quid sit satisfactio sacramentalis?

Resp. Definitur: Voluntaria poenæ a Confessario injuncta toleratio ad reparandam injuriam Deo per peccatum illatam, expurgandamque poenam temporalem.

Quæres 2. Quot sunt opera poenitentia?

Resp. juxta Conc. Trident. sunt tria, nempe, *jejunium*, per quod intelligitur omnis corporis afflictatio; *elemosyna*, sive corporalis, sive spiritualis; & *oratio*, per quam intelliguntur omnes actus religionis.

Quæres 3. Quo fundamento nititur debitum imponendi satisfactionem penitentibus?

Resp. Peritur ex hoc quod Sacramentum Poenitentiae non tollat cum culpa poenam quæ peccato debetur, sed æternam mutet in temporalem, ut constat exemplo Davidis, qui, post impetratam veniam sui adulterii & homicidii, fuit punitus morte filii, 2. Reg. 12. & definit Conc. Trid. sess. 6. can. 30.

Obijcies, D. Ambrosius, lib. 10. in Luc. ait: *Laevymas Patris lego, satisfactionem non lego*. Ergo dimissa culpa, non remanet poena temporalis.

Resp. Nego consequ. Nam per satisfactionem, intelligit excusationem; addit enim, quod defendi non potest, ablati potest.

Quæres 4. Utrum Confessarius teneatur imponere poenitentiam penitenti?

Resp. Affirm. Nam tenetur procurare integritatem Sacramenti. Et ideo poenitens tenetur poenitentiam acceptare, quia obligatio præcipiendi, & debitum obediendi.



dicendi, sunt essentialiter correlativa, adeo ut unum sine altero esse nequeat.

Porro Sacerdos in injungenda satisfactione debet attendere hæc Concilii Trident. verba sess. 14. cap. 8. *Dabunt ergo Sacerdotes Domini, quantum Spiritus & prudentia suggererit, pro qualitate criminum & penitentium facultate, salutare & convenientes satisfactiones injungere; ne si forte peccatis conniveant, & indulgentius cum penitensibus agant, levissima quedam opera pro gravissimis delictis injungendo, alienorum peccatorum participes efficiantur. Habeant autem præ oculis, ut sit satisfactio, quam imponunt, non sit tantum ad novam vitam custodiam & infirmitatis medicamentum, sed etiam ad præteritorum peccatorum vindictam & castigationem.*

Ergo duplex est satisfactio, scilicet, *vindicativa*, quæ datur præse ad peccata præterita vindicanda, & *medicinalis*, quæ datur præcipue ad peccata futura in posterum præavenda.

Quæres 5. *Utrum necesse sit, necessitate Sacramenti, ut satisfactio ante absolutionem impleatur?*

Resp. Non est necesse, ut constat, tum ex praxi Ecclesiæ, tum auctoritate Sixti IV. & Alex. VIII. qui contrariam opinionem damnarunt.

Quæres 6. *Quandonam penitens teneatur implere satisfactionem?*

Resp. Tenetur tempore a Confessario præscripto, quia determinatio temporis includitur in præcepto. Quod si tempus non fuerit determinatum, tenetur illam implere quamprimum commode fieri potest: nam id exigunt Sacramenti integritas, & ratio debiti ac medicinæ.

Quæres 7. *An satisfactio impleri debeat in statu gratiæ?*

Resp. *Negat.* Quia opus ipsum, non modus implendi cadit sub præcepto. Cavendum est tamen, ut impleatur in statu gratiæ, cum solus iustus possit Deo satisfacere de condigno.

Quæres 8. *An poenitentia ab uno Confessario imposita, possit ab alio mutari?*

Resp. Si sit conveniens & salutaris, non potest mutari: e contra, si fuerit imposita, *clauso oratione*, vel si superveniat circumstantia quæ poenitentem efficiat poenitentem implendi impotentem, potest mutari in sacramentali tantum Confessione, & quidem auditis peccatis, propter quæ fuit imposita.

Quæres 9. *Quotuplex sit poenitentia publica?*

Resp. Triplex, scilicet, canonica, quæ complectebatur quatuor stationes ex præscripto Canonum decurrendas, publica cum solemnitate, v. gr. stando ad fores Ecclesiæ cum cereo accenso; & publica sine solemnitate, v. gr. peracta coram iis qui scandalum passi sunt.

Quæres 10. *An possit imponi poenitentia publica?*

Resp.



*Resp.* 1. Non potest imponi pœnitentia canonica, quia jamdiu ab Ecclesia sublata est... 2. Non potest imponi pœnitentia publica cum solemnitate, nisi ab Episcopo, vel de solius Episcopi concilio & auctoritate, ita Concil. Trid. sess. 14. cap. 8.... 3. Pœnitentia publica sine solemnitate, potest & debet imponi pœnitentibus, quia scandalum necessario debet tolli, & injuria illata reparari.

#### §. VI. De ministro Sacramenti Pœnitentie.

Quæres 1. Quis sit minister Sacramenti Pœnitentie?

*Resp.* Solus Sacerdos; solis enim Sacerdotibus dictum est, Joan. 20. Quorum remisistis peccata, remittuntur eis, &c.

*Objectiones:* Jacobi 5. dicitur: Confitemini alterutrum peccata vestra; ergo &c.

*Resp. Nego consiq.* Nam 1. juxta plures Patres, ille textus non debet intelligi de Confessione sacramentalis, sed de Confessione facta, humilitatis, vel reconciliationis mutue causa, 2. Si intelligatur de Confessione sacramentali, sic debet reddi cum Cornelio a Lapide, Confitemini alterutrum, id est, homines hominibus, non quibuslibet, sed iis quibus a Christo demandata est absolvendi potestas.

*Inst.* In antiquis Conciliis & Patribus legitur, pœnitentes, urgente necessitate apud Diaconos exomologesim, id est, Confessionem fecisse; ergo.

*Resp.* Loquuntur de Confessione cæremoniali, qua pœnitentes a stadio pœnitentie canonice dimittebantur, & Ecclesie reconciliabantur; non vero de Confessione sacramentali.

Quæres 2. Quotuplex potestas requiritur in Sacerdote, ut possit pœnitentem absolvere?

*Resp.* Duplex, Ordinis, nempe, quæ confertur in ordinatione, & jurisdictionis, sive, ordinaria, quæ datur per beneficium Parochiale, sive delegata, quæ datur per approbationem Ordinarii: unde Conc. Trident. sess. 14. can. 4. declarat, nullius momenti absolutionem eam esse debere, quam Sacerdos in eum profert, in quem ordinariam aut subdelegatam non habet jurisdictionem.

*Objectiones:* Quilibet Sacerdos in sua ordinatione accipit potestatem absolvendi a peccatis: Accipite Spiritum sanctum, ait Episcopus, quarum remisistis peccata, remittuntur eis, &c. Ergo potestas Ordinis sufficit.

*Resp. Dist. ant.* Accipit potestatem inchoatam, conc. completam, nego. Neque enim potestas judicandi est completa ex parte termini, nisi assignentur subditi; unde, cum Ecclesie sit assignare subditos, ipsa censetur immediate jurisdictionem actualem & completam con-



conferre, cum conferatur tantum radicalis & inchoata in ordinatione.

*Inft.* Quilibet Sacerdos potest absque iurisdictione absolvere a peccatis venialibus; ergo, &c.

*Resp. Nego ant.* Contrarium enim declaravit Congregatio Cardinalium sub Innoc. XI. an. 1679. non minus enim iurisdictione necessaria est ad jus dicendum in minoribus causis, quam in maioribus.

Quæres 3. *Quis possit delegare ad audiendas Confessiones?*

*Resp.* Potest omnis & solus qui habet iurisdictionem ordinariam, ut definit Bonif. VIII. *cap. 7. de officio Ordinarii, in 6.* Hinc delegatus non potest subdelegare; tamen, *cap. 62. de appellationibus*, excipitur Legatus Papæ.

Quæres 4. *An aliquando defectum iurisdictionis Supplicat Ecclesia?*

*Resp.* Supplet, modo hæc tria concurrant; 1. Quod Confessarius habeat titulum coloratum; 2. Quod adsit error communis moraliter invincibilis; 3. Quod defectus sit juris ecclesiastici, non divini.

Quæres 5. *Quid sit approbatio?*

*Resp.* Definitur, *authenticum Ordinarii testimonium, quo Sacerdos ad Confessiones audiendas idoneus declaratur ac deputatur.*

Quæres 6. *Utrum, præter potestatem Ordinarii & Iurisdictionis, requiratur in Sacerdote approbatio, ut valide absolvere possit?*

*Resp.* Requiritur in Sacerdote non habente beneficium Parochiale: ut statuit Concilium Trident. *sess. 23. cap. 15.* Ibiq. revocat omnia privilegia, quibus summi Pontifices concedunt Regularibus facultatem audiendi fidelium Confessiones, non obtenta prius Episcoporum licentia & approbatione.

Quæres 7. *Qualis debeat esse approbatio, sicut & iurisdictionis?*

*Resp.* Debet esse formalis & expressa, nec sufficit, ut sit interpretativa aut præsumpta; quia tunc non adest, sed tantummodo adest sub conditione, nempe, si postularetur.

Quæres 8. *Utrum Ordinarii possint sibi reservare aliquos casus?*

*Resp.* Possunt, ut definit Concil. Trident. *sess. 14. can. 7.* nam possunt pro libitu iurisdictionem denegare; ergo & ipsam restringere: *Verumtamen*, ait Trident. *cap. 7. pie admodum, ne hac ipsa occasione aliquis periret, in eadem Ecclesia Dei custoditum semper fuit, ut nulla sit reservatio in articulo mortis: atque ideo omnes Sacerdotes quoslibet penitentes a quibuscumque peccatis & censuris absolvere possint.* Porro per articulum mortis intelligitur morale periculum mortis, ut constat ex cap. *Eos qui*, de sent. excomm.

Quæ-



Quæres 9. Quot requirantur ut casus consensatur reservatus?

*Resp.* Quatuor; 1. Ut peccatum sit mortale in sua specie; 2. Ut sit externum; 3. Ut sit consummatum in sua specie, nisi aliud in statuto exprimat; 4. Ut sit a pubere commissum, nisi impubes exprimat in statuto. Quintum potest addi, nempe, ut peccatum sit certum, quia, cum reservatio sit odiosa, est restringenda, & consequenter non extenditur ad casus dubios.

Quæres 10. Quibusnam Confessarius teneatur concedere absolutionem?

*Resp.* Tenetur concedere iis, quos prudenter & cum certitudine morali, judicat esse vere contritos & iure dispositos; nam per Confessionem acquisierunt jus ad absolutionem.

Quæres 11. Quibusnam Confessarius teneatur denegare absolutionem?

*Resp.* Tenetur denegare eis, quos cognoscit carere contritione & debitis dispositionibus; eorum enim absolutio esset invalida defectu materiæ debitæ. Tales sunt, 1. Qui nulla signa dant doloris, aut præceptis Confessarii parere detestant. 2. Qui rem alienam restituere, aut damnum illatum rescarcire nolunt, cum possunt. 3. Qui odia & inimicitias deponere, & inimicis reconciliari nolunt. 4. Qui occasionem peccandi proximam deferere recusant. 5. Qui, publicum dantes scandalum, illud tollere non curant. 6. Qui nolunt abstinere ab usura, artibus, & commerciis illicitis. 7. Qui ignorantia mysteriorum fidei voluntaria laborant, nec volunt curare illa addiscere.

Quæres 12. Quibusdam Confessarius teneatur differre absolutionem?

*Resp.* Extra periculum mortis, eis quorum dubia ei apparet contritio, & dispositio debita, debet differre, donec ad fiat signa conversionis moraliter certa. Ratio est, quia, extra mortis periculum, non licet uti materia dubia, alias Sacramentum absque necessitate exponeretur periculo nullitatis & profanationis.

Hinc debet differri absolutio, 1. eis qui, etiam insuperabiliter, ignorant mysteria fidei necessaria necessitate medii ad salutem, mandata Dei & Ecclesiæ, obligationes sui status, donec illa didicerint.

2. Eis qui nonnisi æquivoca dant doloris signa.

3. Eis qui peccaverunt ex habitu & relapsu, donec operibus probata fuerit eorum sincera conversio.

4. Eis qui versantur in occasione proxima per se peccati; si ea sit voluntaria, differenda est absolutio donec occasionem reliquerint. Si vero sit involuntaria, (qualis est occasio fratris cum sorore peccantis differenda est absolutio, donec, per executionem mediorum a Confessario præscriptorum, signa conversionis non æquivoca dede,



dederint... quod si, mediis ad emendationem adhibitis, adhuc peccet ut antea, tunc per negationem absolutionis cegendus erit peccitens ad deferendam illam occasionem, cum quantocumque damno temporalis, etiam cum famæ & status iactura. Ita, *Ris. Tullense*, & *D. Carol. in instruat. confess.*

5. Eis qui sunt in occasione peccati proxima *per accidens*, si sit involuntaria (v. gr. vir cui uxor est occasio iuramenti) differenda est absolutio donec videatur emendatio. Si vero sit voluntaria, (ut ignorantia in iudice) vel tolli potest, vel non: *Si tolli possit*, differenda est absolutio, donec tollatur. *Si tolli non possit*, differenda est, donec peccitens reliquerit occasionem.

6. Eis qui dant proximo occasionem peccandi, differenda est absolutio, donec scandalum prorsus absciderint.

7. Eis qui tenentur ad restitutionem notabilem, differenda est absolutio, donec restituerint; quod si restitutio non sit notabilis, absolvi possunt ante restitutionem, quam facere sincere promittunt. Quod si eam superiori confessione præceptam, facere neglexerint, tunc non sunt absolvendi antequam restitutionem, ipsis possibilem, fecerint.

8. Eis qui inveteratas cum proximo inimicitias exercent, differenda est, donec ei se reconciliaverint.

9. Eis qui aliquod grave scelus perpetrarunt, absolutio, *saltem ad aliquod tempus*, differenda est, donec operibus præbaverint contritionem, quæ in iis, qui, statim a patrato tali scelere, absolvi præsumunt, est maxime equivoca, cum tam ab infamia per peccatum contracta, vel confusione inde percepta, possit oriri, quam ex odio & detestatione peccati.

### §. VII. De effectibus penitentiae.

Quæres 1. *Quinam sint effectus Sacramenti penitentiae?*

*Resp.* Certum est, apud omnes, quod effectus huius Sacramenti sint. 1. Gratiae habitualis & sacramentalis infusio. 2. Omnis culpæ remissio. 3. Condonatio poenæ æternæ peccatis debita; non tamen semper totius poenæ temporalis. Verum utrum reviviscantia meritorum per peccatum mortificatorum sit effectus Sacramenti Penitentiae controversia est inter Theologos. Quare:

Quæres 2. *Utrum viva iustorum opera, per peccatum mortificata, per subsequentem penitentiam reviviscant?*

*Resp.* Reviviscunt. Nam Deus, peccatores ad penitentiam invitans, *Joel. 2.* promittit se eis redditurum annos, quos comedit locusta, bruchus & rubigo, & e-suca, id est, juxta interpretationem Patrum, omnia merita quæ per peccatum amiserant.



*Obijciunt* Ezechiel 18. de iusto mortaliter peccante, dicitur: *Omnes iustitie ejus, quas fecerat, non recordabuntur. Ergo.*

*Resp. Nego confeg.* Nam Profeta loquitur de eo qui in peccato suo moritur: Addit enim, *in pravaricatione, qua pravaricatus est, & in peccato suo quod peccavisti, in ipsis morietur.*

*Quæres 3. Quomodo merita mortificata reviviscant?*

*Resp.* Reviviscunt juxta omnem gratiæ gradum, quem ante peccatum habebant, & juxta totum jus ad gloriam quod merebantur, juxta illud Ezech. 33. *Impietas impij non nocebit ei in quacumque die conversus fuerit; atqui multum noceret, si, &c.*

*Quæres 4. Utrum peccata per penitentiam dimissa reviviscant per peccatum subsequens?*

*Resp. 1.* Non reviviscunt simpliciter, quia vere & realiter fuerunt deleta, cum econtra merita non fuerint per peccatum deleta, sed tantum suspensa propter peccati impedimentum, quo sublato reviviscunt.

*Resp. 2.* Reviviscunt secundum quid, quatenus peccatum sequens ratione ingratitude gravius sit, quam alias fuisset: Unde reatus eorum, ratione ingratitude, virtualiter continetur in peccato sequenti, ait Div. Thom. 3. p. quest. 88. art. 2. ad 4.

## A P P E N D I X I.

*De satisfactione per suffragia.*

*Nota:* **C**onc. Trid. sess. 25. decreto, de Purgatorio, & sess. 6. can. 3. definit: *Purgatorium esse, animasque ibi detentas fidelium suffragiis juvari.* Cum ergo suffragiorum communio supponat Purgatorium, ideo:

*Quæres 1. Utrum detur Purgatorium?*

*Resp.* De fide est dari, ut constat 1. ex Script. 2. Machab. 12. ubi Judas Machabæus curavit offerri pro peccatis mortuorum sacrificium; additque Scriptura; *Sancta ergo & salubris est cogitatio pro defunctis exorare, ut a peccatis solvantur....* Chastus, Matth. 12. ait: *Qui dixeris verbum contra Spiritum sanctum, non remittetur ei, neque in hoc seculo, neque in futuro.* Ergo aliqua peccata remittuntur in futuro seculo... Apostolus. 1. Cor. 3. ait: *Ipse autem salvus erit, sic tamen quasi per ignem, Purgatorii, ut interpretantur Patres...* 2. Ex traditione: Non potest a corpore egressus, divinitatis particeps fieri, inquit S. Greg. Niss. oral. pro mortuis, nisi maculas animo immixtas Purgatorius ignis abstulerit. Et D. Aug. hom. 16. inter 50. dicit: *Qui temporalibus penis digna gesserunt, per ignem quendam Purgatorium transibunt, de quo Apostolus inquit, salvus erit, sic tamen quasi per ignem.*

*Obji-*



*Obijcies 1. Eccli. 11. dicitur: Si cecideris lignum ad austrum, aut ad aquilonem, in quocumque loco cecideris, ibi eris. Ergo non datur locus medius.*

*Resp. Nego conseq.* Hic enim agitur de statu gratiæ vel peccati in quo aliquis decedit: si in statu gratiæ, nunquam eam perdet; si in statu peccati mortalis, similiter in eo permanebit, quia in inferno nulla est redemptio.

*Inst. Psalm. 126. dicitur: Cum dederis dilectis tuis somnum, ecce hereditas Domini. Ergo, &c.*

*Resp. Nego conseq.* Textus enim intelligitur de iis, quibus, post mortem, nihil luendum superest.

*Obijcies 2. Peccata venialia non possunt remitti post hanc vitam; nam penitentia proprie dicta non habet locum post obitum; ergo.*

*Resp. Nego ans.* Ad prob. *nego conseq.* Neque enim necessaria est penitentia proprie dicta ad remissionem venialium; sed sufficit virtualis displicentia in hac vita, & pena purgatoria in altera, ut docet D. Thom. in suppl. q. 72. art. 4.

*Quæres 1. Quid intelligatur nomine suffragii?*

*Resp.* Intelligitur, translatio satisfactionum unius in alterum.

*Quæres 3. Utrum suffragiorum communio detur inter vivos?*

*Resp. Datur:* nam 1. unus potest orare pro alio, ut constat ex Job ult. *ite ad servum meum Job; ille orabit pro vobis.* Ex Apost. dicente, Rom. 15. *Obsecro vos, fratres, ut adjuvatis me in orationibus vestris.* 2. Unus potest satisfacere pro alio: *Adimpleo,* inquit Apost. Coloss. 1. *ea quæ defunt passionum Christi, in carne mea, pro corpore ejus, quod est Ecclesia:* id est, offerendo passionem meam pro Ecclesiæ membris, ad hoc ut Christi passionem fiant illis in actu secundo utiles: unde in Symbolo Apostolorum credimus communionem Sanctorum.

*Quæres 4. Utrum detur suffragiorum communio inter vivos & defunctos?*

*Resp. Datur:* nam 1. animæ defunctorum orant pro vivis, Hierem. 15. legitur, defunctum Hieremiam pro populo multum orare: & Div. Petrus, Epist. 2. cap. 1. ait: *Dabo autem operam, & frequenter habere vos post obitum meum ut horum (meorum documentorum) memoriam faciatis.* 2. Suffragia vivorum profunt defunctis ad satisfactionem pro penis debitam, ut constat ex articulo de communione Sanctorum.

*Obijcies:* Animæ in Purgatorio spectant ad aliud forum: ergo non possunt a vivis juvari.

*Resp. Nego conseq.* Nam pertinent ad idem corpus, unde possunt a nobis juvari per modum suffragii, licet juvari non possint per modum sententiæ.

*Quæres 5. Quot requirantur conditiones in eo qui offert aliis suas satisfactiones?*

*Compend. ex Charnes.*

S

*Resp.*



*Resp.* Requiritur 1. ut habeat intentionem {suffragium applicandi alteri. 2. Ut opus sit voluntarium. 3. Ut sit factum in statu gratiæ, si opus sit satisfactorium *ex opere operantis*: nam in opere satisfactorio *ex opere operato*, ut est Sacrificium Missæ, non requiritur status gratiæ, cum ejus valor non dependeat a probitate operantis, sed ex dignitate Sacrificii.

*Quæres 6. Quos requiritur condiciones in eis pro quibus offeruntur suffragia?*

*Resp.* Requiritur 1. Ut sint viatores, saltem aliquo modo. 2. Ut sint in statu gratiæ. 3. Ut culpa, pro qua exhibetur satisfactio, sit remissa. Perro his omnibus conditionibus positis, suffragia alicui applicata, ei profunt infallibiliter, quia applicatio ejusmodi pendet ex intentione applicantis, quasi solutio pecuniæ ab uno facta pro altero.

## APPENDIX II.

### De Indulgentiis.

*Quæres 1. Quid sit indulgentia?*

*Resp.* Est, relaxatio pœnæ temporalis pro peccatis, tam quoad culpam remissis debita, a legitimo ministro facta, per applicationem thesauri Ecclesiæ.... alia est plenaria, pro tota pœna remittenda: alia partialis, pro remittenda tantum parte pœnæ debitæ, talis est indulgentia 100. aut 7. annorum, 40. dierum, &c. Item indulgentia vel est annexa personæ, & dicitur *personalis*, vel est annexa loco, & dicitur *localis*, vel est affixa rei, & dicitur *realis*.

*Resp.* Ex thesauro Ecclesiæ, juxta illud Clementis VI. *extravag. Unigenitus*, de pœnit. & remiss. *Unigenitus Dei Filius*.... thesaurum militanti Ecclesiæ acquisivit... quem quidem thesaurum.... per beatum Petrum cæli clavigerum, ejusque successores, suos in terris vicarios commisit fidelibus salubriter dispensandum.

*Quæres 3. Ex quibus coalescat thesaurus Ecclesiæ?*

*Resp.* Coalescit prima id ex meritis & satisfactionibus Christi infinitis; & secundo ex satisfactionibus Dei-patris & Sanctorum; ut definivit *Clemens VI.* & constat tum ex articulo fidei de *communione Sanctorum*; tum ex hac prop. Lutheri a Leone X. damnata: *Theauri Ecclesiæ, unde Papa dat indulgentias, non sunt merita Christi & Sanctorum.*

*Obijcies 1.* Thesaurus ex Christi & Sanctorum satisfactionibus est Christo injuriosus; ergo, &c.

*Resp.* Nego ant. Satisfactiones enim Sanctorum infinitis Christi satisfactionibus non ideo adjungimus, quod satisfactiones Christi se felis non sufficiant, ut quod augentur



geantur satisfactionibus Sanctorum; abfit; sed ideo ad-  
jungimus, ut illæ non sint otiosæ; ut Sancti hoc hono-  
re gaudeant; & ut efficacia meritorum Christi magis  
elucescat, quæ non solum per se possunt expiare peccata  
& reatus peccatorum, sed etiam efficere, ut merita San-  
ctorum vim habeant expiandi reatum pœnæ temporalis  
peccatis debitæ.

*Obicies* 2. Doctrina de communicatione satisfactionum  
alienarum, 1. evertit fundamenta contritionis. 2. pre-  
mittit impunitatem pro peccatis; ergo.

*Resp. Nego ant.* Nam 1. indulgentia solis contritis  
datur; 2. Hoc unum præstat, ut satisfactio illius, cui  
conceditur, satisfactionibus Sanctorum iuvetur ex misere-  
cordia Dei.

*Quæres* 4. *Utrum Ecclesia acceperit a Christo potesta-  
tem concedendi Indulgentias?*

*Resp.* Accepit, ut definiit Concil. Constantiense,  
sess. 15. adversus Wiclefitas, & Concil. Trid. adversus  
Lutheranos & Calvinistas. Probatur 1. ex Matth. 18.  
*Amen dico vobis, quæcumque alligaveritis super terram,  
erunt ligata & in celo; & quæcumque solveritis super  
terram, erunt soluta & in celo.* Hac potestate usus est  
Apostolus erga Corinthium incestuosum, cui, in perso-  
nam Christi, reliquum pœnæ condonavit, dum resolvit  
ipsum de peccato doluisse, ac poenitentiam inchoasse. 2.  
Ex perpetua traditione, qua constat Ecclesiam potestate  
concedendi Indulgentias semper usam fuisse.

*Quæres* 5. *Quinam possint dare indulgentias?*

*Resp.* Possunt summus Pontifex in tota Ecclesia, & E-  
piscopi in suis Diocesium, secundum limitationem sa-  
crorum Canonum, ait Martinus V. in Concil. Constan-  
tientiensi, quæ est ut non possint concedere, nisi Indulgen-  
tias unius anni in Dedicatione Ecclesiæ, & 40. dierum  
in aliis temporibus.

*Quæres* 6. *An aliqua requiratur causa ad concedendam  
Indulgentiam?*

*Resp.* Requiritur causa pia & iusta, ait Martinus V.  
Ratio est, quia Papa & Episcopi dispensatores sunt tan-  
tummodo, non domini Ecclesiæ thesauri.

Hinc, ad valorem indulgentiæ requiritur, ut causa  
quandam habeat proportionem cum Indulgentia, quæ  
conceditur, alias non esset iusta & rationalis.

*Dices:* Ex axioma, *Indulgentia tantum valent,  
quantum sonant:* ergo non requiritur proportio causæ.

*Resp. Diss. ant.* Tantum valent, quantum sonant, cla-  
ve non errante, conc. clave errante, nego. Ut autem cla-  
vis non erraret, requiritur, ex parte dantis, auctoritas &  
iusta causa; & ex parte accipientis, gratia sanctificans  
& executio eorum quæ in Litteris Indulgentiarum præ-  
scripiuntur.

*Quæres* 7. *Quibusnam concedi possunt Indulgentiæ?*

S 2

*Resp.*



*Resp.* Concedi possunt vivis & defunctis, cum hac differentia, quod vivis dentur per modum absolutionis iuridicæ, defunctis vero, per modum suffragii satisfactorii, qui Ecclesia in eos jurisdictionem non habet. Ergo Ecclesia non ipsis immediate remittit poenam peccatis debitam; sed offert Deo pretium ex thesauro Ecclesiæ, ut ipse remittat poenam suæ iustitiæ debitam.

*Obijcies* 1. Indulgentiæ non presunt defunctis.

*Resp. Nego ant.* Nam 1. Leo X. hanc Lutheri prop. damnavit: *Sex hominum generibus Indulgentiæ nec sunt necessariae, nec utiles; mortuis, &c.* 2. Ex constanti Ecclesiæ traditione.

*Inst.* Animæ Purgatorii damnatæ sunt definitive ad subeundas poenas Purgatorii: ergo, &c.

*Resp. Dist. ans.* Damnatæ sunt definitive conditionate, conc. absolute, *Nego.* Damnantur ad poenas sub hac conditione, nisi aliquis fidelis ipsis applicet Ecclesiæ Indulgentias.

*Quæres* 8. *Quanam dispositiones sint necessariae ad lucrandas Indulgentias?*

*Resp.* Tres requiruntur, 1. *Ut lucraturus Indulgentiam præstet completo ea quæ præscripta sunt a Superiore Indulgentiam concedente;* quia sub hac conditione est concessa. 2. *Ut sit in statu gratiæ;* quia non potest remitti poena temporalis, nisi prius remittatur culpa. 3. *Ut habeat propositum efficax Deo satisfaciendi;* quia Indulgentiæ solis vere poenitentibus conceduntur, sed vera poenitentia essentialiter includit propositum pro viribus Deo satisfaciendi; ergo.

*Quæres* 9. *Utrum omnia opera injuncta debeant impleri in statu gratiæ?*

*Resp.* Requiritur equidem, ut ultimum opus impleatur in statu gratiæ; quia eo instanti Indulgentia suam sortitur effectum; sed efficit ut alia opera injuncta fiant animo religioso, vere poenitenti, & ab omni affectu lethælis peccati libero.

*Quæres* 10. *Quid sit Jubilæus?*

*Resp.* Definitur, *Indulgentia plenaria cum privilegiis annexis v. gr. absolvendi ab omnibus casibus & censuris reservatis, commutandi vota, & cætera quæ in Bulla exprimuntur, quæ ideo attente perlegi debet.*

## DISSERTATIO VI.

### De Extrema-Untione.

*Quæres* I. *Quid sit Extrema-Untio?*

*Resp.* Definitur, *Sacramentum à Christo institutum, quo infirmi de vita periclitantes, per unctionem Olei, & orationem Sacerdotis, obtinere salutem animæ, & sanationem membrorum, ubi saluti animæ expedit.*

*Quæ-*



Quæres 2. *Utrum Extrema-Unctio sit Sacramentum proprie dictum?*

*Resp. Affirm.* Et prob. ex Script. Jacobi 5. *Infirmus super eum, ungentes eum oleo in nomine Domini, & oratio fidei salvabit infirmum, & alleviabit eum Dominus; & si in peccatis sit, veniantur ei;* atqui illa Unctio habet omnia requisita ad rationem Sacramenti: nam 1. est signum sensibile, nempe, *Unctio*, &, *oratio*. 2. Habet vim producenti gratiam, *& si in peccatis sit, remittantur ei.* 3. Est a Christo præcepta, *inducant Presbyteros Ecclesie.* 4. Est perpetua & constans in Ecclesia, ut constat ex perpetua ejus praxi, & constanti traditione Patrum: ad quem attendens Conc. Trid. sess. 14. *can. 1.* definit: *Si quis dixeris Extremam-Unctionem non esse veram & proprie Sacramentum a Christo Domino nostro institutum, & a B. Jacobo promulgatum .... anathema sit.*

Quæres 3. *Quo tempore Christus institueris Extremam-Unctionem?*

*Resp.* Plane incertum est; probabilius tamen est quod ipsam instituerit post suam resurrectionem, nam ex Trido Extrema-Unctio est *Pœnitentie consummativum Sacramentum*; ergo probabilius est quod fuerit instituta eo ipso tempore, quod Sacramentum Pœnitentie, nimirum inter resurrectionem & ascensionem.

Quæres 4. *Quenam sit materia Extremæ-Unctionis?*

*Resp. 1.* Materia remota, est oleum, & quidem olivarium, quod est oleum simpliciter dictum, sicut panis triticeus est simpliciter panis: item debet esse ab Episcopo benedictum, juxta illud Concil. Flor. *Extrema-Unctio, cujus materia est oleum olivæ per Episcopum benedictum.* Idem habet Conc. Trident. potest tamen Sacerdos ex commissione Episcopi illud benedicere, ut constat ex praxi Ecclesiæ Græcæ, in qua simplices Presbyteri, (ex concessione saltem tacita SS. Pontificum, ut asserit Gaurius, pag. 436.) oleum istud benedicunt, quam praxim approbavit Clemens VIII. *an. 1595.*

*Resp. 2.* Materia proxima est Unctio, *ungentes eum oleo*, inquit Div. Jacobus, porro ad Sacramenti validitatem una sufficit Unctio, nam D. Jacobus Unctionis simpliciter facit mentionem, non plurium: ex præcepto vero Ecclesiæ multiplex adhibetur, pro cuiusque Diocesis disciplina necessaria consulenda & religiose observanda, cum illam tacite saltem approbet Ecclesia universalis.

Quæres 5. *Quid facere debeat Sacerdos, quando oleum benedictum deficit?*

*Resp.* Debet oleo consecrato admiscere non consecratum; ex cap. *quod in dubiis*, tit. *de consec. Ecclesiæ.* Ex illa enim unione oleum non consecratum consecrationem quamdam contrahit.



Quæres 6. *Quanam sit forma Extremæ-Unionis?*

*Resp.* Sunt hæc verba: *Per istam sanctam Unionem, & suam piissimam misericordiam, indulgeat tibi Deus, quidquid per visum (& ita de aliis sensibus) deliquisti.* Ita præscribunt Concil. Flor. in decreto, & Trid. sess. 14. c. 1.

*Obijciat:* Forma aliorum Sacramentorum est absoluta; ergo, &c.

*Resp.* Nego consequ. Disparitas petitur ex institutione Christi, qui æque potuit gratiam alligare formæ deprecative, ac indicative.

Quæres 7. *Quanam sit minister Extremæ-Unionis?*

*Resp.* Est solus Sacerdos: *Inducat Presbyteros Ecclesiæ*, inquit D. Jacobus. Unusque Sacerdos sufficit, ut definitur Alex. III. cap. *quævis*, de verborum significatione, *Sacerdotes*, inquit, *uno presente Clerico, & etiam solus potest infirmum ungere.* Nullus tamen Sacerdos potest, extra casum necessitatis, hoc Sacramentum licite administrare, nisi habeat jurisdictionem ordinariam, vel delegatam, ex Clementina 1. de privilegiis.

Quæres 8. *Quodnam sit subiectum Extremæ-Unionis?*

*Resp.* Est infirmus, de cujus morte timetur, usu rationis aliquando præditus: in infantibus enim ac perpetuo amentibus, nulla peccata, nullave peccatorum reliquie sunt abstergendæ.

Quæres 9. *Quanam dispositiones requirantur in subiecto Extremæ-Unionis?*

*Resp.* Duæ, scilicet, *status gratiæ*, quia est Sacramentum vivorum; & *intentio*, saltem habitualis, recipiendi Sacramenti. Insuper D. Thom. *quest. 32. art. 4. in Supplem.* requirit divotionem actualem; attamen virtuale sufficere existimamus; quare Parochi curare debent, ut infirmis administraretur, cum adhuc sunt integris sensibus.

Quæres 10. *Utrum Extremæ Unctio sit necessaria?*

*Resp.* Non est necessaria necessitate medii, sed est necessaria necessitate præcepti, tum divini, juxta illud D. Jacobi: *Inducat Presbyteros*, quod importat præceptum, ut interpretatur Concil. Trident. sess. 14. cap. 2. tum Ecclesiastici, in omnibus Ritualibus manifestati.

Quæres 11. *Quanam sint effectus Extremæ-Unionis?*

*Resp.* Sublato obie, sunt, 1. Productio gratiæ sanctificantis. 2. Remissio peccatorum. 3. Absterio reliquiarum peccati, hoc est, propensionis ad malum; corporis ad faciendum bonum, debilitatis mentis a peccato prevenientis, qua fit ut homo sit ita expeditus ad intuenda & meditanda cælestia. 4. Allevatio animæ infirmæ, per magnam divinæ misericordiæ fiduciam quæ in eo excitatur. 5. Corporis sanatio, si expedierit animæ saluti. Hi enim omnes effectus in verbis D. Jacobi continentur, & a Concil. Trid. sess. 14. tit. de *Extrema Unctione*, recensentur.

Quæ-



Quæres 12. An Sacramentum Extrema-Unionis sit iterabile?

Resp. Affirm. Nam non imprimit characterem; unde, juxta Conc. Trid. cap. 3. *Si infirmi, post susceptam hanc unctionem, convalescerint, iterum hujus Sacramenti subsidio juvari poterunt, cum in aliud simile vitæ discrimen inciderint.* Ex quo sequitur non posse iterari durante eodem morbo, nisi infirmus convalescit, & postea in novum mortis periculum relabatur.

## DISSERTATIO VII.

### De Sacramento Ordinis.

**A** Genus hic, 1. De Ordine in genere, variisque Ordinis speciebus. 2. De materia & forma singulorum Ordinum. 3. De ministro, subjecto, & effectibus Ordinis. 4. De irregularitate quæ removet ab Ordine. 5. De censuris, ex quarum violatione incurritur irregularitas.

#### §. I. De Ordine, variisque Ordinis speciebus.

Quæres 1. Quotuplici modo sumi potest Ordo?

Resp. Duplici: 1. Sumitur pro Clero, seu, Hierarchia Ecclesiastica, & definitur, *Census hominum status, in quo variis sunt distincti ac subordinati Ordinationum gradus, alii aliis superiores, distincti ad celebrandum Eucharistiæ Sacramentum, aut ad inserviendum ex officio ipsius celebrationi.*

2. Sumitur pro sacra Ordinatione, & definitur, *Sacramentum, a Christo institutum, quo gratia, spiritusque potestas Clerico traditur ad Eucharistiæ consecrandam, consecranti inserviendum, ceteraque munia Ecclesiastica vite obsunda.*

Quæres 2. Utrum Ordinatio sit verum ac propriè dictum novæ Legis Sacramentum?

Resp. Affirm. Nam 1. est signum sensibile, productivum gratiæ, 2. ad Tim. 1. *Admonet te, ut resuscites gratiam Dei, quæ est in te per impositionem manuum mearum.* 3. Est a Deo præcepta. Act. 13. *Spiritus sanctus jussit segregari Paulum & Barnabam ad opus; ad quod assumpserat eos, tunc jejunantes, & orantes, imponentesque eis manus, &c.* 4. Est perpetua & constant in Ecclesia, est enim instituta ad perfectionem Sacrificii consummationem perseveraturi. Hinc Concil. Trident. can. 13. definit: *Si quis dixerit Ordinem, seu sacramentum Ordinationem non esse verum ac propriè Sacramentum a Christo Domino institutum... anathema sit.*

Quæres 3. Quomodo dividuntur Ordines?

Resp. Dividuntur in majores & minores. Ordo major est ille, qui propinque versatur circa Eucharistiæ,



habetque annexam legem continentia & horarum. Ordo minor, est ille, qui remore tantum versatur circa Eucharistiam, nec habet annexam legem continentia & horarum.

Quæres 4. Quot sint in Ecclesia Ordines?

Resp. Ex Conc. Trid. Sunt septem, nempe, tres majores. Presbyteratus, Diaconatus, & Subdiaconatus: & quatuor minores, Exorcistatus, Lectoratus, Acolythatus, & Ostiariatus.

Ergo prima Tonsura non est Ordo, nullum enim habet officium annexum circa ministerium Altaris: nihil ergo aliud est, quam, ritus ab Ecclesia institutus, quo quis a statu Laicorum, distinguitur, ut ad ordines suscipiendos melius disponatur. Atque eo titulo gaudet privilegio Canonis & Fori.

Quæres 5. Utrum Episcopatus sit Ordo a Presbyteratu natura distinctus?

Resp. Affirm. Nam 1. veram & specialem potestatem indelebilem confert, ad ordinandos Ministros Ecclesiæ, & conferendum Sacramentum Confirmationis, quæ non possunt conferri a simplici Sacerdote. 2. Ordinatio Episcopalis habet materiam & formam a materia & forma sacerdotali distinctam; ergo est Ordo distinctus, & Sacramentum distinctum.

Obijciens: Episcopatus est tamen extensio, characteris Presbyteratus ad altiora munia; ergo, &c.

Resp. Nego ant. Nam ad extendendum characterem par requiritur efficacia, quæ requiritur ad imprimendum novum; non est ergo ratio cur Episcopatus novum non imprimat.

Inst. Si Episcopatus esset Ordo distinctus, essent octo Ordines; atque illud repugnat Concil. Trid. ergo.

Resp. Dist. maj. Essent Octo Ordines, specie infima, conc. specie subalterna, nego. Itaque Ordo generatim sumptus immediate dividitur in septem species, quarum prima, nempe Sacerdotium, subdividitur in Presbyteratum & Episcopatum, qui in Sacerdotio continentur tanquam nobilior species in suo genere.

Inst. 2. Episcopatus non habet habitudinem ad Eucharistiam, distinctam ab ea quam habet Presbyteratus; ergo, &c.

Resp. Nego ant. Dat enim potestatem ordinandi Sacerdotes, qui Eucharistiam consecrant.

Quæres 6. Utrum jure divino Episcopi sint Presbyteris superiores?

Resp. Affirm. Nam jure divino regunt Ecclesiam Dei, ac proinde & ipsos Presbyteres, Act. 21. Attendite vobis & universo gregi, in quo vos Spiritus sanctus posuit Episcopos regere Ecclesiam Dei. Quare Conc. Trid. ses. 23. can. 7. definit: Si quis dixerit Episcopos non esse Presbyteris superiores . . . anathema sit.

Quæ-



Quæres 7. Utrum omnes Ordinationes sint Sacramen-  
ta?

*Resp.* 1. De fide est Presbyteratum esse proprie dictum Sacramentum: nam Conc. Trid. definivit sacram Ordinationem esse Sacramentum proprie dictum, ergo Presbyteratus, qui est inter Ordines præcipuus, est Sacramentum.

*Resp.* 2. Certum est Diaconatum esse verum Sacramentum: nam 1. Est cæremonia sacra, Act. 6. *Orantes imposuerunt eis manus.* 2. Per illam cæremoniam confertur gratia sanctificans, ex Trid. *can. 4. definiente, Per sacram Ordinationem dari Spiritum sanctum, nec frustra Episcopos dicere, accipe Spiritum sanctum; atqui in Ordinatione Diaconi dicitur; Accipe Spiritum sanctum.* 3. Est a Christo instituta, ex Trid. *definiente, can. 6. In Ecclesia Catholica esse Hierarchiam divinam Ordinatione institutam, quæ constat ex Episcopis, Presbyteris, & Magistris.* Per Ministros haud dubie intellige ad minus Diaconos; ergo.

*Resp.* 3. Probabilius est Subdiaconatum & minores Ordines esse proprie Sacramenta: nam illa opinio est conformior menti & doctrinæ Conciliorum; Floreat. enim in decreto ait: *Sextum Sacramentum est Ordinis, cujus materia est illud, per cuius traditionem confertur Ordo, sicut Presbyteratus traditur per .... Subdiaconatus vero per Calicis vacui cum Patena vacua superposita traditionem; & similiter de aliis (Ordinibus) per verum ad sua ministeria pertinentium assignationem; ergo cum assignando materiam illius Sacramenti, assignet materiam Subdiaconatus & minorum, consequens est illos Ordines esse Sacramenta . . . . .* 2. Postquam Concil. Trid. *sess. 13. can. 3. enumeravit omnes Ordines, can. 3. definit, Ordinem, seu sacram Ordinationem, esse vero & proprie Sacramentum a Christo Domino institutum; sed quidquid convenit generi, convenit etiam omnibus suis speciebus; ergo . . . . .* 3. Subdiaconatus & minores conferunt characterem potestatis spiritualis collativum, ut docet Div. Thom. *q. 35. art. 1. ad 1. 2. Atqui hoc est proprium solius Sacramenti; ergo, &c.*

*Obijcies* 1. Scriptura nullam facit mentionem Subdiaconatus & minorum; ergo.

*Resp.* Nego *conseq.* Inde enim tactum concludi potest, quod Christus per semetipsum non promulgaverit istos Ordines, sed per Apostolos, a quorum traditione illorum seriem habemus.

*Obijcies* 2. Subdiaconatus non semper, minores vero nunquam fuerunt Ordines sacri; ergo, &c.

*Resp.* *Dist. ant.* Non sunt sacri, ex parte functionum, quæ non attingunt immediate res sacras, & ex parte status ordinati, qui voto castitatis non est adstrictus, *can.*



ex parte sui, nego. Conferunt enim sacram functionem. *Inst.* Possunt exercere a Laicis; ergo non sunt sacri ratione sui.

*Resp. Diss. ens.* Exerceri possunt a Laicis ex officio & solemniter, nego, secus, conc. alias nec distributio Eucharistiæ, quæ olim fiebat a Laicis, nec Baptismus, qui etiam nunc in necessitate datur a Laicis, essent quid sacram.

[ IS. II. De materia & forma singulorum Ordinum. ]

Quæres I. Quenam sint materia & forma Episcopatus?

*Resp.* Materia Episcopatus essentialis, est sola manuum impositio ab Episcopo consecratore & assistentibus Episcopis facta; forma vero sunt hæc verba, impositioni manuum correspondentia: *Accipe spiritum sanctum.* Cætera ad solam integritatem ordinationis pertinere videntur.

Quæres 2. Quenam sint materia & forma Presbyteratus?

*Resp.* Est traditio calicis cum vino, & patenæ superpositæ cum hostia, & ultima manuum impositio: forma vero sunt hæc verba: *Accipe potestatem offerendi Sacrificium Deo, tam pro vivis, quam pro defunctis in nomine Domini: amen,* quæ correspondent traditioni instrumentorum: & ista: *Accipe spiritum sanctum, quorum remisit peccata, remittuntur eis, & quorum remisit, reserata sunt,* verba correspondent impositioni manuum.

*Obijci.* Si tam impositio manuum, quam traditio instrumentorum est materia Presbyteratus, erit duplex Sacramentum; falsum consequ.

*Resp. Nego consequ. maj.* Materiarum enim istarum partiales in unum confluunt Sacramentum, eo modo quo Eucharistia unum est Sacramentum, quamvis duas habeat partiales materias & formas.

*Inst.* Ordinatio imprimit duos characteres, nam confert duas potestates; ergo sunt duo Sacramenta.

*Resp. Nego consequ.* Nam illi duo characteres sunt partiales & inadæquati, qui in unum Sacramentum confluunt.

Quæres 3. Quenam sit materia & forma Diaconatus?

*Resp.* Est impositio manus dexteræ a solo Episcopo facta super caput ordinandi, cum hac forma: *Accipe spiritum sanctum ad robur, & ad resistendum diabolo & tentationibus ejus in nomine Domini.* Et traditio libri Evangeliorum cum hac forma: *Accipe potestatem legendi Evangelium in Ecclesia Dei pro vivis & defunctis.* &c.

Quæres 4. Quenam sit materia & forma Subdiaconatus?

*Resp.* Est traditio calicis vacui cum patena vacua: sub hac forma: *Videte cuiusmodi ministerium vobis traditur,* ideo



ideo vos admono, ut ita vos adhibeatis, ut Deo place-  
re possitis. Et traditio libri Epistolarum, sub hac for-  
ma: Accipe librum Epistolarum, & habe potestatem le-  
gendi eam in Ecclesia sancta Dei, tam pro vivis, quam pro  
defunctis... onera Subdiaconi sunt, recitatio officii di-  
vini, & votum castitatis Ordini suscepto annexum.

Quæres 5. Quenam sint materia & forma Ordinum mi-  
norum?

Resp. 1. Materia Acolytatus, est traditio candelabrî  
cum cereo extincto, sub hac forma. Accipe ceteroservarium  
cum cereo, &c. Et traditio urseolorum vacuorum, sub  
hac forma: Accipe urseolos ad suggerendum vinum &  
aquam in Eucharistiam sanguinis, in nomine Domini.

2. Materia Exorcistatus, est traditio libri exorcismo-  
rum, sub hac forma: Accipe & commenda memoria, &  
habe potestatem manus imponendi super energumenos, sive  
baptizatos, sive catechumenos.

3. Materia & forma Lectoratus, est liber lectionum,  
sub hac forma: Accipe & esto Verbi Dei relator, habi-  
turus, &c.

4. Materia & forma ostiariatus, est traditio clavium  
Ecclesiæ, sub hac forma. Sic age, quasi Deo redditurus  
rationem pro his rebus, quæ his clavibus recluduntur.

Quæres 6. Quenam sint Ordinum germanæ definitiones?

Resp. 1. Episcopatus definitur: Ordinatio, quæ, per  
manuum impositionem ab Episcopo consecratoro & assisten-  
tibus Episcopis factam, sub præscripta verborum forma,  
traditur Presbytero potestas regendi Ecclesiam Dei.

2. Presbyteratus definitur: Ordinatio, quæ, per tra-  
ditionem calicis cum vino, & patenæ cum hostia, & im-  
positionem manuum, sub præscripta verborum forma, tra-  
ditur potestas Eucharistiam conficiendi, & a peccatis absol-  
vendi.

3. Diaconatus definitur: Ordinatio, quæ, per tradi-  
tionem libri Evangeliorum, & impositionem manuum, sub  
præscripta verborum forma, confertur potestas Evan-  
gelium legendi, & Sacerdoti immediate assistendi.

4. Subdiaconatus definitur: Ordinatio, quæ, per tra-  
ditionem calicis vacui cum patena vacua, & traditionem  
libri Epistolarum, sub præscripta verborum forma, con-  
fertur potestas legendi Epistolas in Ecclesia, & proxime  
interveniendi Diacono solemniter ministranti. Et sic de ce-  
teris ordinibus.

§ III. De ministro, subjecto, & effectibus Ordinis.

Quæres 1. Quid sis minister Ordinis?

Resp. 1. Minister ordinarius est solus Episcopus, ut de-  
cernerunt Concil. Florent. in decreto, & Trid. sess. 23.  
cap. 7.

Resp. 2. Simplex Sacerdos potest, ex commissione S.  
Pontificis, tonsuram & quatuor minores conferre, ut  
constat, tum ex cap. requisivit, tit. de ordinatis ab



Episcopo qui non renuntiavit, in quo dicitur: *Minores ordines a non Episcopis quandoque conferuntur*. Tum ex Conc. Trident. sess. 23. cap. 10. in quo prohibetur Abbatibus, ne conferant *consuram vel minores Ordines*, nisi regularibus sibi subditis; ergo, &c.

Quæres 2. *A quonam Episcopo Ordines debeant recipi?*

Resp. A proprio Episcopo, nullo modo ab alieno absque litteris dimissoriis proprii Episcopi, ut statuit Conc. Trid. sess. 22. c. 8. de ref.

Quæres 3. *Quis sit proprius Episcopus?*

Resp. Triplex a Bonifacio VIII. cap. Cum nullus, de temp. Ordinationis, in 6. distinguitur, nempe, 1. *Originis*, in cuius Diocesi quis natus est: 2. *Beneficii*, in cuius Diocesi aliquis beneficium obtinet, modo tamen illud beneficium non fuerit per fraudem obtentum; ad quam vitandam Clerus Gallic. in comitis anni 1657. statuit neminem ordinandum absque consensu Episcopi originis, exceptis casibus necessitatis. *Pura*, inquit Harbert in compend. si difficilior sit recursus ad Episcopum originis, vel sedes ejus vacet, & beneficium, ratione cuius ordinant, residentiam postulet. 3. *Episcopus domicili*, in cuius Diocesi aliquis commoratur cum proposito ibidem perpetuo manendi: excipitur familiaris Episcopi, quem juxta Trident. potest ordinare, si per triennium secum fuerit commoratus, & beneficium, quacumque fraude cessante, statim reipsa illi conferas.

Quæres 3. *Quinam sit subiectum Ordinis?*

Resp. Est homo baptizatus: nam 1. solus baptizatus est capax aliorum sacramentorum. 2. Mulieres jure divino arcentur a sacris ministeriis, 1. Cor. 14. *Turpe est mulierem loqui in Ecclesia*.

Quæres 4. *Quid requiratur ad validam receptionem ordinum?*

Resp. Requiritur *intentio*, sine qua nulla & invalida foret ordinatio, ut probavimus in disert. de Sacramentis in genere.

Quæres 5. *Quenam requirantur ad licitam receptionem Ordinum?*

Resp. Requiruntur novem: 1. *Vocatio Dei*, quia, *ne quisquam sumis sibi honorem, sed qui vocatur a Deo* tanquam Aaron, ait Apost. Hebr. 5. 2. *Status gratia*, quia est Sacramentum viverum, 3. *Confirmatio & prima consurs*, prout statuit Concil. Trident. cap. 4. de ref. 4. *Congruæ sustentationis titulus*, sive ex beneficio, sive ex patrimonio, sive ex pensione, ita ut qui sic titulo ordinatus fuisset, ab exercitio Ordinum ipso jure suspensus foret, Trid. sess. 21. cap. 2. de ref. Mendicantes tamen ordinantur sub titulo paupertatis. 5. *Ætas legitima*, quæ est juxta Trid. annus 22. pro Subdiaconatu; 23. pro Diaconatu; 25. pro Presbyteratu: sufficit autem

ut an.



ut annus sit inchoatus. 6. *Tempus*, a jure statutum pro ordinationibus. 7. *Observatio interdictorum*, prout statuitur in Conc. Trident. 8. *Ut ordinatio nota fiat per saltum*, id est, ut non suscipiatur Ordo minor, omisso inferiori: alias sic ordinatus, esset ab exercitio Ordinis sic suscepti suspensus, cap. *sue littere*, de Clerico per saltum ordinato, 9. *Immunitas ab omni irregularitate*, ut infra probabitur.

Quæres 6. *Quinam sint effectus Ordinis?*

Resp. Sunt quatuor: 1. *Est gratia sanctificans*, in augmento: 2. *Est gratia sacramentalis*, quæ definitur: *Gratia habitualis*, sacre potestatis traditiva, annexum habens jus ad gratias actuales necessarias ad officia cuiuslibet Ordini propria vite persolvenda. Gratia ergo sacramentalis, nihil est aliud quam illud jus fundatum in gratia sanctificante: 3. *Est character*, ratione cujus ordinatio semel valide data iterari non potest: 4. *Est coelibatus*, qui sacris ordinibus est annexus, & qui in hoc consistit, ut qui in Ecclesia latina sacris initiatur, nec matrimonium contrahere, nec matrimonio prius contracto uti possint: in Ecclesia vero græca liceat quidem sacerdotibus initiatis (exceptis Episcopis) retinere uxores legitimas ante ordinationem ductas, & omni jure matrimonii uti, sed omnino, & quidem sub pœna depositionis, prohibitum sit eis post ordinationem ducere uxores, ex Concil. Trull. can. 6. & 12.

#### §. IV. De irregularitatibus.

Quæres 1. *Quid sit irregularitas?*

Resp. Definitur: *Impedimentum canonicum, quo quis directe redditur inhabilis ad Ordines & beneficia licita suscipienda, & eorum functiones obeundas.*

Dicitur 1. *Impedimentum*, ut distinguatur a censura, quæ est pœna.

Dicitur 2. *Canonicum*, quia non incurritur, nisi in casibus a jure expressis.

Dicitur 3. *Quo quis directe*, ut iterum distinguatur a censuris, quæ nonnisi indirecte possunt impedire receptionem Ordinum: ideo enim excommunicatio impedit, quia non licet cum excommunicato communicare: suspensio impedit usum Ordinum, non vero receptionem.

Dicitur 4. *Ad Ordines*, tam proprie dictos, quam improprie, quale est tonsura.

Dicitur 5. *Et beneficia*, ad quæ irregularis dicitur ineligibleis, cap. ult. de temporis Ord. in 6.

Dicitur 6. *Et eorum functiones*, ut declaratur in toto tit. de tempore ord.

Quæres 2. *Utrum quis in dubio, irregularis sit judicandus?*

Resp.



*Resp.* Judicandus est in dubio facti, ut definiit Clem. III. cap. ad audientiam, de homicid. non vero in dubiis juris, quia id non exprimitur in jure.

Quæres 3. *Quam penam incurrat irregularis, qui exerceat functiones Ordinis?*

*Resp.* Licet peccet graviter, tamen nullam penam canonicam incurrit, quia nulla decernitur in jure.

Quæres 4. *Quotplex sit irregularitas?*

*Resp.* Dividitur 1. In *totalem*, quæ omnium Ordinum receptionem & usum impedit, ut irregularitas ex homicidio. *Partialem*, quæ Ordinis suscipit aliquem tantum usum impedit, sic Sacerdos cæcus est irregularis ad Missam celebrandam, non ad audiendas confessiones. Et, *temporalem*, quæ impedit ad tempus susceptionem Ordinum, ut minor ætas in pueris.

Dividitur 2. In eam quæ est *ex defectu*, contrahiturque sine peccato, & in eam, quæ est *ex delicto*, contrahiturque propter peccatum grave, & actu exteriori consummatum.

Quæres 5. *Quot sint irregularitates ex defectu?*

*Resp.* Sunt octo, nempe;

1. Est *ex defectu anime*, per quem intelligitur. 1. Defectus usus rationis, ut in infantibus, amentibus, furiosis, emergentibus, & epilepticis. 2. Defectus scientiæ competentis ad officia Ordinis rite obeunda. 3. Defectus fidei obfirmate, ut in Neophitis.

2. *Ex defectu corporis*, qui impediatur deinceps Ordinis executionem, vel scandalum, horrorem & contemptum personæ generet. Tales sunt, 1. Qui carent indice vel pollice, vel oculo sinistro. 2. Claudi, qui sine baculo non possunt accedere, gibbosi, leprosi, tremuli manibus, hermaphroditi. 3. Eunuchi, qui sibi virilia amputarunt absque justa causa, vel quibus in poenam delicti amputata sunt.

3. *Ex defectu naturalium*, quem habent omnes illegitimi, etiam occulti.

4. *Ex defectu fame*, quem habent omnes infames, sive infamia juris, sive facti. In Gallia tamen admittitur sola infamia juris, declarata per sententiam Judicis.

5. *Ex defectu ætatis*, qui contrahitur ab iis qui non habent ætatem a Canonibus præscriptam pro receptione Ordinum.

6. *Ex defectu sacramenti*, propter quem irregulares sunt bigami, sive bigamia sit vera, qua quis duas uxores habuit, & cum eis Matrimonium consummavit. Sive interpretativa, qua quis viduam duxit, aut ab altero corruptam; sive simul sudinaria, qua quis post solemnem religionis professionem, vel Ordinis sacri susceptionem, contrahit Matrimonium etiam cum virgine.



7. *Ex defectu lenitatis*, ex quo contrahunt irregularitatem omnes qui voluntarie & proxime, licet iuste, ad necem, vel mutilationem alicujus concurrunt, sive *physice*, ut homicida, carnifex; sive *moraliter*, ut accusator, testis, notarius, iudex, &c.

8. *Ex defectu libertatis*, irregulares sunt, 1. *Servi*, quandiu sunt servi. 2. *Conjugati*. 3. *Curiales*, ut sunt iudices, milites, quandiu illis functionibus sunt dediti. 4. *Obligati ad ratiocinia*, ut sunt thesaurarii publici, tutores, curatores, procuratores, &c. donec reddiderint rationes, & suam depofuerint obligationem.

Quæres 6. *Quot sint irregularitates ex delicto?*

*Resp.* Sunt quatuor: 1. *Provenit ex iteratione Baptismi*, propter quam irregulares sunt omnes qui scienter & absolute rebaptizant, rebaptizantur, & ex officio ministrant rebaptizanti.

2. *Ex hæresi*, propter quam irregulares sunt, non solum hæretici, sed & eorum receptatores, fautores, ipsorumque filii usque ad secundam generationem ex linea paterna, & primam ex linea materna. Hæc juris dispositio non viget in Gallia, ubi hæretici conversi non habentur irregulares.

3. *Ex interdictis susceptione, vel usu Ordinis*, propter quam irregulares sunt, 1. Qui suscipit Ordines per saltum, vel turtive, vel ligatus matrimonio, vel ab Episcopo non habente jurisdictionem; vel tandem qui in excommunicatione majori suscipit Ordinem sacrum. 2. Qui liatus excommunicatione majori, aut suspensione, aut interdicto, exercet actum proprium sui Ordinis. Item, qui exercet actum proprium Ordinis, quem non habet: ii excipiuntur qui cum dalmatica, sed sine manipulo, vices Subdiaconi gerunt. Item qui scienter celebrat in loco interdicto.

4. *Ex homicidio, mutilatione, & abortu*, propter quam, irregulares sunt, non solum qui homicidium voluntarium injusta perpetrant, sed & omnes cooperatores, v. gr. mandantes, consulentes, non impediētes, cum tenentur ex iustitia impedire. Ergo non incurritur irregularitas ex homicidio pure casuali, omni diligentia adhibita, nisi occisor vacaverit rei illicitæ, ut statuit Greg IX. cap. Quidam, de homicidio.

Quæres 7. *Quomodo tolli potest irregularitas?*

*Resp.* Omnes irregularitates ex delicto, & omnes ex defectu qui non remanet post Baptismum, tolluntur per Baptismum. 1. Irregularitas ex defectu temporali, tollitur per cessationem defectus. 2. Irregularitas ex defectu natalium, tollitur per solemnem Religionis professionem, sed quoad Ordines tantum, non quoad prælaturas & dignitates. 3. Tollitur per dispensationem.

Quæres 8. *Quis dispensare possit in irregularitate?*

*Resp.* 1. S. Pontifex potest dispensare in omni irregularitate.



gularitate jure humano inducta. 2. Episcopus, ex Concil. Trident. sess. 24. de ref. c. 6. potest dispensare in omni irregularitate proveniente ex delicto occulto, nec ad forum contentiosum deducto, exceptis ea quæ erisur ex homicidio voluntario; sed nullo modo potest dispensare in irregularitate ex defectu, excepta ea quæ provenit ex defectu natalium, in qua potest dispensare ad Tonfuram, minores Ordines, & beneficia non requirentia susceptionem Ordinis sacri, ex cap. *Is qui*, de filiis Presbyterorum, in 6.

### §. V. De Censuris.

Quæres 1. Quid sit censura?

Resp. Definitur: Pœna, ab ecclesiastica potestate inflicta, hominem viatorem, baptizatum, adultum delinquentem privans usu bonorum Ecclesie spiritualium & communium, donec a contumacia respiscat.

Dicitur 1. Pœna; per quod convenit cum depositione, degradatione, &c.

Dicitur 2. Ab ecclesiastica potestate inflicta: quia est actus jurisdictionis spiritualis a Christo concessæ prælatis Ecclesiæ, his verbis: *Quicumque alligaveritis super terram erunt legata & in Cælo*.

Dicitur 3. Hominem viatorem baptizatum: quia solus viator & baptizatus sunt subditi Ecclesiæ.

Dicitur 4. Adultum; quia infantes non sunt capaces peccati. Quoad impuberes adultos, possunt equidem ligari censura a jure, non vero censura ab homine, quia non censentur habere sufficientem maturitatem ad intelligendum ordinem judicarium.

Dicitur 5. Delinquentem; quia gravis pœna supponit grave peccatum: quod debet esse. 1. Externum. 2. Mortale, vel ex circumstantiis. 3. Opere completum & consummatum, nisi aliud exprimat in lege. 4. Cum contumacia conjunctum, id est, cum præcepti & censuræ contemptu.

Dicitur 6. Privans usu, non autem ipsa potestate, v. g. titulo beneficii.

Dicitur 7. Bonorum spiritualium non temporalium, nisi secundario: Et communium, nempe publicorum Ecclesiæ suffragiorum, sacrificiorum, Sacramentorum, & aliorum, quæ dispensat Ecclesia.

Dicitur 8. Donec contumacia respiscat, ut denotetur finis censuræ, quæ est pœna medicinalis, non mortalis, ait Innoc. IV.

Quæres 2. Quenam cause excusent a censuris?

Resp. Quatuor: nempe, 1. Ignorantia invincibilis, sive juris, sive facti. 2. Impotentia moralis. 3. Metus gravis. 4. Invaliditas censuræ, non vero ejus injustitia.

Quæ-



Quæres 3. *Quid requiratur, ut censura ab homine sit valida?*

Resp. Requiritur 1. Jurisdictio in ferente. 2. Culpa mortalis in subiecto. 3. Ut præcesserit una saltem monitio, quæ absolute spectat ordinem substantialem Judicii.

Quæres 4. *Quid requiratur ut censura sit justa?*

Resp. Requiritur, ut accidentalis ordo Judicii observetur, juxta quem 1. Debet præcedere trina monitio. 2. Sententia debet ferri scripto. 3. Denuntiatio illius qui censuram contraxit, debet fieri publice in Ecclesia, vel ad valvas Ecclesiæ affigi, juxta morem receptum cujusque Diocesis.

Quæres 5. *Quinam absolvere possint a censura?*

Resp. 1. Quilibet Sacerdos potest absolvere, 1. a censuris non reservatis; 2. ab omnibus reservatis, in articulo mortis.

Resp. 2. A censura ab homine, per sententiam particularem lata, nullus potest absolvere, nisi qui eam tulit; vel S. Pontifex; vel etiam Metropolitanus; sed jure duntaxat visitationis, aut appellationis.

Resp. 3. A censura a jure, vel per statutum lata, quam sibi Legislator reservavit, nemo potest absolvere, nisi qui eam tulit, vel ejus superior, vel ab ipso delegatus. Porro Episcopi, velut Papæ delegati possunt absolvere ab omnibus censuris Papæ reservatis. 1. Quando casus sunt occulti, nec ad forum contentiosum deducti. 2. Quando rei sunt impuberes, senes, debiles; vel quando non sunt sui juris, ut mulieres, filii familias; vel quando, ob legitimum impedimentum, non possunt recurrere ad Papam. Sic tamen absoluti, cessante impedimento, tenentur, sub pœna reincidentiae, se sistere coram Papa, vel ejus Legato, ut mandata ejus suscipiant. *cap. Mulieres, & cap. de cætero, de sent. ex comm.*

Quæres 6. *Quomodo dividatur censura?*

Resp. Dividitur 1. In eam, quæ est a jure, & eam, quæ est ab homine; & utraque, vel est latæ sententiæ, vel ferendæ.

Censura, a jure, est ea, quæ per Canones, seu statutum perpetuum fertur generaliter in omnes subditos. Censura ab homine, est ea, quæ per sententiam Judicis, aut præceptum transitorium, fertur propter factum particulare, vel in personas particulares.

Censura latæ sententiæ, est ea, quæ incurritur ipsa criminis admissione, absque ulla ulteriori Judicis sententia. Censura ferendæ sententiæ, est ea, quæ non contrahitur, nisi accedente Judicis sententia: unde vocatur, comminatoria. Porro, in dubio utrum sit latæ, vel ferendæ sententiæ, censenda est ferendæ; quia, in panis benignior est interpretatio faciendâ, ait, Reg. 49. *jur. in 6.*

Quæres 7. *Quotuplex sit censura?*

Resp.



*Resp.* Est triplex, nempe excommunicatio, suspensio, & interdictum: ita statuitur, *cap. quærenti, de verb. signif.*

*De Excommunicatione.*

*Quæres 1. Quæplex sit excommunicatio?*

*Resp.* Duplex, nempe, *major*, qua quis privatur omnibus Ecclesiæ bonis communibus; & *minor*, qua quis privatur participatione Sacramentorum, & electione passiva ad dignitates & beneficia Ecclesiastica. Hæc solum contrahitur propter illicitam cum excommunicato non tolerato conversationem.

*Quæres 2. Quinam excommunicati sint vitandi?*

*Resp.* Post Bullam Martini V. *Ad evitanda*, ii solum sunt vitandi. 1. Qui per sententiam Judicis Ecclesiastici nominatim sunt excommunicati, ac specialiter & publice denunciati. 2. Notorius Clerici percussor: verum in Gallia nulla admittitur notorietas facti, unde percussor Clerici non est vitandus, donec per sententiam Judicis sit declaratus.

*Quæres 3. Quot sint effectus excommunicationis majoris?*

*Resp.* Sunt septem.

1. Est privatio communium Ecclesiæ suffragiorum, etiam si excommunicatus Deo per contritionem sit reconciliatus.

2. Est privatio administrationis & receptionis Sacramentorum.

3. Est privatio facultatis audiendi Missam, & officiis publicis assistendi.

4. Est inhabilitas ad dignitates & beneficia Ecclesiastica acquirenda.

5. Est privatio exercitii liciti omnis jurisdictionis spiritualis: imo & exercitii validi, si sit nominatim denunciatus, nec toleratus, ut refert Glossa, *in cap. Ad probandum, de sens. & re judicata*. Hinc licet excommunicatus non toleratus, possit valide consecrare, quia consecratio est actus Ordinis, non potest tamen valide absolvere, quia absolutio est actus jurisdictionis.

6. Est privatio omnis communicationis cum fidelibus: unde distinctio tolerati a non tolerato, non est in favorem excommunicati, sed in favorem fidelium, qui non peccant communicando cum excommunicato tolerato, licet peccet excommunicatus toleratus communicando cum fidelibus.

7. Est privatio sepulture Ecclesiasticæ, si excommunicatus non sit toleratus: si tamen ante mortem signa penitentia dederit, debet absolvi, & Ecclesiastica sepultura donari.

*Quæres 4. Quot sint actus in quibus fideles tenentur vitare excommunicatos non toleratos?*

*Resp.*



*Resp.* Sunt quatuor, versu sequenti expressi.

*Or, orare, vale, communicatio, mensa negatur.*

*Or,* significat orationem allocutionem, sive verbo, sive scripto. *Orare,* significat omnem in orationibus communicationem, tam intra, quam extra Ecclesiam. *Vale,* significat salutationem honorificam, sive verbo, sive nutu, sive facto. *Communicatio,* significat omnem societatem, sive in habitatione, sive in contractibus. *Mensa,* significat omnem in cibo & potu participationem.

Quæres 5. In quibus casibus iura permittunt communionem cum excommunicato vitando?

*Resp.* Sunt quatuor, hæc versu comprehens.

*Utile, lex, humiles, res ignorata, necesse.*

Per *utile,* intelligitur utilitas spiritualis, vel corporalis, tum nostra, tum excommunicati. Per *lex,* intelligitur matrimonium. Per *humiles,* intelligitur officium subiectionis, quam debent filii parentibus, famuli dominis. Per *res ignorata,* intelligitur ignorantia juris & facti, modo non sit crassa & affectata. Per *necesse,* intelligitur necessitas vel spiritualis, vel corporalis, tum nostra, tum excommunicati.

Quæres 6. Quam penam incurrant, qui communicant cum excommunicatis non toleratis?

*Resp.* Incurrunt excommunicationem minorem: imo incurrunt maiorem, 1. Cum communicant in crimine criminoso. 2. Cum excommunicatum in loco sacro sepiunt. 3. Cum cum admittunt ad divina officia, vel eorum illo scilicet Missam celebrant.

Quæres 7. Quinam sint effectus excommunicationis minoris?

*Resp.* Sunt duo; 1. est privatio receptionis Sacramentorum, non vero administrationis. 2. Privatio electionis passivæ ad dignitates & beneficia Ecclesiastica: potest ergo eligere, sed non eligi.

Quæres 8. Quid sit monitorium?

*Resp.* Definitur, mandatum iudicis Ecclesiastici, quo, sub pena excommunicationis post trinam monitionem incurrendam, iubes revelari auctores criminis reipublice perniciosi, vel gravioris damni proximo illati.

Quæres 9. Quinam excusentur ab obligatione revelandi?

*Resp.* Excusantur, 1. Infantes. 2. Ii qui non sunt subditi Prælati, qui Monitorium decernit. 3. Qui ex revelatione cum fundamento timent grave damnum, vel sui, vel familiæ, 4. Consanguinei usque ad 4. gradum inclusive, & affines usque ad 2. 5. Ii quibus delictum revelatum est capiendi consilii causa. 6. Fidus amicus. 7. Clerici, dum illorum revelatione aliquis extremo supplicio plecti posset, exceptis causis læsæ maiestatis, hæresis, &c. tamen in Gallia Clerici in causa sanguinis, licite & absque periculo irregularitatis, ferunt testi-



testimonium. 8. Is qui certo novit detentorem, iusto titulo rem possidere. 9. Reus & complices, qui nec seipsos, nec socios criminis tradere tementur. 10. Famuli rei, si a Iudice non interrogentur, qui tamen tenentur revelare, si a Iudice interrogentur.

### De Suspensione.

Quæres 1. Quid sit suspensio?

Resp. Est, censura, qua Clericus privatur usu officii ecclesiastici, vel beneficii, vel utriusque simul. Solus Clericus potest esse subiectum suspensionis.

Quæres 2. Quotuplex sit suspensio?

Resp. Duplex, nempe, totalis & partialis.

Suspensio totalis, est ea, qua Clericus privatur usu ecclesiastici officii, & beneficii simul.

Suspensio partialis, est ea, qua Clericus privatur usu vel Ordinis tantum, vel jurisdictionis tantum, vel officii tantum, ad quod pertinet potestas Ordinis & Jurisdictionis; aut usu beneficii tantum. Verum hæc ultima suspensio locum non habet in Gallia, ubi Clericus, quamdiu non est depositus, nec spoliatus beneficii titulo, non potest, sine abusu, privari fructibus beneficii per Iudicem ecclesiasticum.

Quæres 3. Quinam sint effectus suspensionis?

Resp. Suspensus ab Ordine, exercendo functiones Ordinis, fit irregularis. 3. Suspensus ab officio, est inhabilis ad acquirenda beneficia.

### De Interdictis.

Quæres 1. Quid sit interdictum?

Resp. Definitur: *Censura privans hominem, vel locum, vel utrumque simul, publica divinorum officiorum celebratione, aliquorum Sacramentorum administratione, & usu ecclesiastica sepultura.*

Ergo, triplex est interdictum, personale, quo quibusdam personis ubique prohibetur divinorum officiorum auditio, aliquorum Sacramentorum participatio, ac sepultura ecclesiastica. Locale, quo prohibetur ne in aliquo loco celebrentur officia divina, administrentur aliqua Sacramenta, neve quisquam in eo sepeliatur. Mixtum, quod consistat ex locali & personali, omnesque illorum producit effectus.

Ergo non privat administratione omnium Sacramentorum, sed quatuor tantum, scilicet Eucharistiæ respectu sanorum, Extreme Unctionis, ordinis, & Matrimonii, ex cap. alma, de sent. excom. in 6.

Quæres 2. Quas poenas incurrant qui violant interdictum?

Resp. 1. Clerici, si exercent actum proprium Ordinis,

nis, su  
incurr  
Laii in  
3. Regu  
rale, q  
habitau  
cil. Tric  
Cæter  
art. 4. f

Quæ  
Resp.  
yum, a  
ecclesiæ  
flam cas  
patet qu  
tamen v  
censura  
excomm  
Quæ  
Resp.  
um priv  
solo pri  
Quæ  
Resp.  
tuum &  
benefici  
retento

A Ge  
ti  
to. 4.  
diment

Quæ  
Resp.  
debet  
gravi i  
lum,  
sequun  
onerof  
gissima  
Matrim  
Qua



nis, sunt irregulares: si sepeliant in loco interdicto, incurrunt excommunicationem Episcopo reservatam. 2. Laici incurrunt excommunicationem Papæ reservatam. 3. Regulares, qui non servant interdictum locale generale, quando servatur ab Ecclesia matrice loci in quo habitant, excommunicationem ipso facto incurrunt, *Concil. Trident. sess. 25. cap. 12. de ref.*

Cætera quæ pertinent ad interdictum, vide Tom. 7. art. 4. de interdicto.

De cessatione & divinis, depositione, &c.

Quæres 1. Quid sit cessatio a divinis?

Resp. Est, prohibitio celebrandorum officiorum divinarum, administrandorum aliquorum Sacramentorum, & ecclesiastica sepultura, ab homine vel a jure facta ob justam causam, v. gr. ob pollutionem Ecclesiæ.. ex hoc patet quod producat eisdem effectus ac interdictum; ejus tamen violatio non inducit irregularitatem, quia non est censura; sed regulares eam violantes incurrunt ipso facto excommunicationem. *Clem. 1. de sent. excom.*

Quæres 2. Quid sit depositio?

Resp. Est pœna ecclesiastica, qua Clericus in perpetuum privatur omni beneficio & officio Clericali, retento solo privilegio Canonis & fori.

Quæres 3. Quid sit degradatio?

Resp. Est pœna ecclesiastica, qua Clericus in perpetuum & solemniter privatur, non solum omni officio & beneficio Clericali, sed etiam privilegio Canonis & fori, retento solo charactere, *cap. degradatio, de penis, in 6.*

DISSERTATIO VIII.

De Matrimonio.

**A** Genus 1. De sponsalibus. 2. De existentia & essentia Matrimonii. 3. De ministro & consensu requirito. 4. De ejus bonis & proprietatibus. 5. De ejus impedimentis. 6. De dispensatione ab ejus impedimentis.

§. I. De sponsalibus.

Quæres 1. Quid sint sponsalia?

Resp. Definuntur: *Futuri Matrimonii promissio*, quæ debet esse 1. *Libera*, id est, sine coactione, & meru gravi injuste incusso, quo Matrimonium redditur nulum, ac proinde sponsalia, quæ naturam Matrimonii sequuntur. 2. *Mutua*, & *accepta*, quia est contractus onerosus. 3. *Vera*, non ficta. 4. *Facta inter personas legitimas*, id est, habiles ad contrahendum suo tempore Matrimonium.

Quæres 2. Quos effectus producant sponsalia?

Resp



*Resp.* Duos : 1. Est impedimentum publicæ honestatis , quod ex eis oritur . 2. Est gravis obligatio contrahendi Matrimonii tempore præfinito , nisi adsit iusta causa differendi .

*Quæres 3. Quot modis Sponsalia , etiam juramento firmata , dissolvi possint ?*

*Resp.* Dissolvuntur 1. Mutuo & libero sponsi & sponsæ consensu . 2. Per susceptionem sacrorum Ordinum . 3. Per ingressum religionis , saltem quoad partem in sæculo manentem . 4. Per subsequens Matrimonium cum altero contractum . 5. Per superveniens impedimentum affinitatis . 6. Per subsequentem unius fornicationem . 7. Per notabilem mutationem supervenientem , talis est notabilis difformitas , infirmitas , morbus contagiosus , hæresis , graves inter desponsatos , vel inter utramque familiam inimicitie . 8. Per diuturnam absentiam unius partis sine consensu alterius . 9. Per reclamationem , si ante pubertatis annos sponsalia contraxerint .

*Quæres 4. An proclamatio annorum sit necessaria ?*

*Resp.* Est necessaria , necessitate præcepti Ecclesiæ in Conc. Later. IV. & Trid. intimati ; non autem est necessaria ad valorem Sacramenti .

*Quæres 5. Quinam teneantur revelare impedimentum ?*

*Resp.* Omnis qui illud extra confessionem novit , etiam si illud sub juramento promississet occultare , quia juramentum non potest esse vinculum iniquitatis .

*Quæres 6. Ad quos pertineat facultas dispensandi a proclamationibus ?*

*Resp.* Ad Episcopum , qui ex Trident. non debet dispensare sine causa , cujus tamen judicium Episcopi prudentia & judicio remittit .

## §. II. De existentia & essentia matrimonii.

*Quæres 1. Quomodo dividatur Matrimonium ?*

*Resp.* Dividitur in legitimum , ratum , & consummatum . *Legitimum* , est illud quod inter personas a lege non prohibitas contrahitur . Tale est Matrimonium non baptizatorum .

*Ratum* , est illud quod a solis fidelibus contrahitur , estque in ipsis Sacramentum , ratione cujus sit ratum , id est , indissolubile .

*Consummatum* , est illud , quod , accedente copula carnali , extrinsece completur .

*Quæres 2. Quid sit Matrimonium ?*

*Resp.* 1. Matrimonium , sumptum pro contractu , definitur : *Contractus* quo vir & femina sibi invicem legissime tradunt & accipiunt corporum suorum dominium perpetuum ad actum conjugalem . Cui definitioni si addideris has voces : *Elevatus a Christo ad gratiam significandam & conferendam* , habebitis definitionem Matrimonii ut est Sacramentum .

*Resp.*

*Resp.*  
tractu  
lieris o  
dividu  
zinem  
collati  
consent

*Quæ*  
*proprie*  
*Resp.*

1. his  
10 unu  
Domin

*Prob*  
relinqu  
& erui  
est , et

*Prob*  
D. Au  
Elias

*Prob*  
Sacram  
sensibi  
unione  
sancti

a Chr  
conjun  
um in  
terrup

*Quæ*  
sus ?

*Resp*  
c. annu  
Cor. 7

*vivo*  
jungit

*Ob*  
cedit

*Resp*  
virgin  
modo

*Inst*  
*Resp*

ne in  
illumi  
innoc

*Quæ*  
eram

*Re*  
nioni

bi di



*Resp. 2.* Matrimonium, sumptum pro vinculo ex contractu habitualiter permanente, definitur: *Viri ac mulieris conjunctio maritalis inter personas legitimas, individuum, (id est, perpetuam) vitæ consuetudinem retinens: cui in nova lege addi debet: significativa & collativa gratiæ.* Ergo non potest solvi mutuo partium consensu.

*Quæres 3.* Utrum Matrimonium, in nova lege, sit proprie dictum Sacramentum?

*Resp. Affir.* Ita enim definit Conc. Trid. sess. 24. can. 1. his verbis: *Si quis dixerit Matrimonium non esse vere unum ex septem legis evangelicæ Sacramentis a Christo Domino institutum... nec gratiam conferre, anathema sit.*

*Prob. 1.* Ex Script. Ephel. 5. Propter hoc, inquit Apost. relinquet homo patrem & matrem & adhaerebit uxori suæ, & erunt duo in carne una; Sacramentum hoc magnum est, ergo autem dico in Christo & in Ecclesia.

*Prob. 2.* Ex tradit. In nostrarum quippe nuptiis, ait D. Aug. lib. de bono conjugii, cap. 18. plus valet sanctitas Sacramenti, quam fecunditas uteri.

*Prob. 3.* Ratione Quia Matrimonium habet omnia ad Sacramentum proprie dictum requisita: nam 1. Est signum sensibile, nempe, conjunctio maritalis, quæ significat unionem Christi cum Ecclesia. 2. Est productivum gratiæ sanctificantis, ut ex Ephel. 5. asserit Conc. Trid. 3. Est a Christo institutum dicente, Matth. 19. Quod ergo Deus conjunxit, homo non separet. 4. Est constans & perpetuum in Ecclesia, ut constet ex usu Ecclesiæ nunquam interrupto.

*Quæres 4.* Utrum Matrimonii usus sit licitus & honestus?

*Resp. Affirm.* Nam Apost. Hebr. 13. ait: *Honorable connubium in omnibus, & sorsus immaculatus: imo 1. Cor. 7. præcipit, ut uxori vir debitum reddas; & uxor viro: & infra addit eum bene facere, qui Matrimonio jungit virginem suam.*

*Obijciens:* Actum conjugii non nisi ex indulgentia concedit Apostolus, 1. Cor. 7. ergo.

*Resp. Dist. ans.* Tamquam minus bonum comparate ad virginatatem, *con.* tamquam malum, *nego.* Alias nullo modo illum concessisset Apostolus.

*Inst.* Actus conjugalis pudet conjuges; ergo.

*Resp. Dist. ans.* Actus conjugalis pudet conjuges ratione inordinatorum concupiscentiæ motuum, qui semper illum comitantur, *con.* ratione sui, *nego.* Unde in statu innocentie non ipsos puduisset.

*Quæres 5.* Quare Matrimonium dicatur magnum Sacramentum?

*Resp.* Dicitur propter triplicem significationem 1. Unionis Dei cum anima. 2. Christi cum Ecclesia. 3. Verbi divini cum humanitate.

Quæ-



Quæres 6. *Quenam sit materia Sacramenti Matrimonii*

*Resp.* Materia remota sunt contrahentium corpora; proxima vero est corporum traditio ad actum conjugalem; nam sunt materia contractus; atqui Christus circa contractum nihil immutavit, nisi quod eum ad rationem Sacramenti elevaverit; ergo.

Quæres 7. *Quenam sit forma Matrimonii?*

*Resp.* Est mutus contrahentium consensus; verbis, aut nutibus expressus: quia determinat corporum traditionem ad esse firmum & ratum contractum.

S. II. *De ministro Matrimonii, & consensu ad eam requisito.*

Quæres 1. *Quinam sit minister Matrimonii?*

*Resp.* Sunt ipsi contrahentes: constat 1. ex Concilio Flor. dicente: *Septimum, est Sacramentum Matrimonii... causa efficiens Matrimonii regulariter est mutus consensus per verba de presenti expressus.* 1. Ex Conc. Trid. definiente: *Eclandestina Matrimonia, libero contrahentium consensu facta, rata & vera esse Matrimonia, quamdiu Ecclesia ea irrita non fecit.* Atqui Matrimonium non est ratum, nisi quatenus est Sacramentum, ut definivit Innocent. III. *cap. Quanta*, de divortio: *Est Matrimonium verum inter infideles existat, non tamen est ratum: inter fideles autem verum & ratum existit.*

3. Sacramentum Matrimonii est essentialiter contractus; sed in omni contractu contrahentes sunt ministri. 4. Constat ad validitatem Sacramenti sufficere præsentiam Parochi, etiam dissentientis & contradicentis; ergo.

*Obijcies* 1. Ex Concil. Trid. Sacerdos conjugit contrahentes, dicens: *Ego vos in Matrimonium conjungo*; ergo.

*Resp. Dist.* Conjungit approbative, *conc.* efficienter, nego. Certum est enim quod aliis verbis uti posset, ad suam approbationem manifestandam; *Vel aliis utatur verbis*, ait Conc. Trid. quæ verba exponentes Cardinales Conc. Tridentini interpretes, dicunt: *Est Parochus nihil dicat, constat tamen Matrimonium, modo partes contrahant & Parochus sit præsens, & intelligat quod agitur, licet dissentiat & contradicat.*

*Obijcies* 2. Conc. Mediolanense V. ait: *Cum Sacramenta quinquæ tantum, scilicet, Baptismum... Matrimonium... administrare possit.* Ergo Parochus est minister Matrimonii.

*Resp. Dist. confeg.* Est minister improprie, *conc.* proprie, nego. Ministerium ergo Sacerdotis importat puram solemnitatem Matrimonii in facie Ecclesie, quæ ex decreto Trid. est conditio necessaria ut valeat Sacramentum.

*Inst.* In Sacerdotali Romano legitur: *Sacerdos pron-*  
*feras*



at verba, quae sunt forma huius Sacramenti cum consensu utriusque. Ergo.

*Resp. Dist. ans.* Sunt forma Sacramenti integraliter sumpti, *conc.* essentialiter sumpti, *nego*. Forma igitur Sacramenti Matrimonii integraliter sumpti, constat tum ex utriusque contrahentis consensu ejus essentialiter constituentibus, tum ex Sacerdotis verbis ad ejus solemnitatem pertinentibus.

Quaeres 2. Quodnam debeat esse consensus matrimonialis obiectum?

*Resp.* Debet esse mutua & irrevocabilis in corpora potestas quam necessario & essentialiter debent intendere contrahentes, cum is ad materiam Matrimonii substantialem spectet: sed non requiritur ut intendatur usus Matrimonii, seu copula carnalis: nam Matrimonium B. M. Virginis cum S. Josepho fuit verum; atqui tamen neuter consensit in copulam, imo se per votum obligaverunt ad abstinendum ab ea; ergo, &c. Ratio est, quia usus rei, de qua contrahitur, non pertinet ad essentialitatem contractus, sed est quid illam consequens.

*Obiectis:* Essentialiter est Matrimonio, ut ad generationem ordinetur; atqui Matrimonium, in quo excluditur copula, non ordinatur ad generationem; ergo.

*Resp. Dist. maj.* Ut ordinetur radicaliter, remote, & implicite, *conc.* proxime, actualiter, & explicite, *nego*. Porro Matrimonium, in quo per votum castitatis excluditur copula, ordinatur radicaliter & remote ad generationem, quatenus confert veram potestatem ad illam, licet, propter votum emissum, hæc potestas non sit libera, expedita, & proxima.

Quaeres 3. Qualis debeat esse consensus matrimonialis?

*Resp.* Debet esse 1. *Verus, mutuus & aliquo signo externo expressus.* Id enim exigit natura contractus onerosi. 2. *Debet esse de presenti.* Per quod differt a sponsalibus de futuro. 3. *Consensus utriusque debet esse simul moraliter,* alias non esset mutuus duorum in idem consensus. 4. *Debet esse omnino liber,* ita ut sit immunitas a metu gravi, iniuste, a causa libera, ad hoc incusso, ut diximus in tractatu de contractibus.

Quaeres 4. Utrum ad valorem Matrimonii filiorumfamilias, requiratur consensus parentum?

*Resp.* Licet requiratur ut Matrimonium sit licitum, tamen non requiritur ut valeat. Nam Conc. Trid. sess. 24. cap. 1. de ref. *Eos anathemase damnat, qui falso affirmant Matrimonia a filiis-familias sine consensu parentum contracta, irrita esse, & parentes ea rursus vel irrita facere posse.* Ratio est, quia omnis homo, sufficienti ratione & legitima ætate præditus, plenum atque integrum habet dominium in corpus suum independentem a parentibus.



*Obijcies*: Juribus regni Galliarum, Matrimonia sine consensu parentum contracta, declarantur irrita; ut constet ex edicto Henr. III. in comitiis Blesensibus, art. 40. & 41. ergo.

*Resp. Dist. ant.* Declarantur irrita, quoad effectus civiles, conc. quoad effectus sacramentales, nego; nam in ipso non habet jus potestas civilis. Præterea hæc clausula edicti Blesensis, *Invalide contractum*, spectat duntaxat Matrimonium, aut clandestinum, aut in raptu contractum, quæ sunt duo impedimenta dirimentia; id patet, tum ex attentâ lectione articuli Blesensis, tum ex Henrico IV. qui dictam clausulam interpretatur de Matrimoniis clandestinis. *Qua*, inquit, *coram Ecclesia cum forma & solemnitate requisita, celebrata non fuerint; quandoquidem poena hæc per Concilia indicta est ac decreta*. Atqui certum est poenam nullitatis non decerni à Conciliis in Matrimonia, quibus tantum deest consensus parentum; ergo.

*Inst.* Ludovicus XIII. in art. 39. edicti, quod an. 1629. emisit circa Matrimonia, sic jubet: *Statutum Blesense de Matrimoniis clandestinis adamussim servabitur, & illi addendo, volumus omnia Matrimonia, contra dicti status tenorem contracta, declarari invalide contracta, obligabunturque iudices ecclesiastici causas matrimoniales huius articulo dijudicare*; ergo &c.

*Resp. Dist. ant.* Rex Christianissimus vult illa Matrimonia declarari invalide contracta, quoad effectus civiles, conc. quoad effectus sacramentales, nego. Nam cum Clerus Gallicanus Regem rogasset ut edictum suum vellet interpretari, ad duarum difficultatum elucidationem. 1. Est, ut non aliter intelligantur hæc voces, *valide aut invalide contractum Matrimonium*, quam per relationem ad contractum civilem, & nullatenus ad contractum spirituale Sacramenti. Respondit Rex: Communitio Cleri Gallicani, quod spectat ad priorem difficultatem, sic resoluta fuit. *Valide aut invalide contracta Matrimonia non esse aliter explicanda, quam per solam relationem ad contractum civilem per Laicos Iudices*. Quæ explicatio tollit omnem difficultatem.

#### §. IV. De bonis & proprietatibus Matrimonii.

*Quæres 1. Quos sint bona Matrimonii?*

*Resp.* Triâ; nempe, *fides*, per quam intelligitur unitas & indissolubilitas Matrimonii; *proles*, per quam intelligitur prolis susceptio & educatio ad cultum Dei; et *Sacramentum*, per quod significatur tum gratia sanctificans secunda, tum gratia sacramentalis.

*Quæres 2. Quos sint proprietates Matrimonii?*

*Resp.* Sunt tres; 1. Est *unitas*, id est, unus cum una conjunctio, cui opponitur polygamia. 2. Est *indissolubilitas*. 3. Est *castitas* conjugalis.

Quæ-



Quæres 3. Quæplex sit polygamia?

Resp. Duplex, nempe, *successiva*, quæ *bigamia* dicitur, etque ulterius connubium post mortem compartis, & *simultanea*, quæ proprie dicitur *polygamia*, etque connubium unius viri cum pluribus simul uxoris, vel unius uxoris cum pluribus simul viris.

Quæres 4. Utrum bigamia sit licita?

Resp. Affirm. Ita definit Ecclesia contra Montanistas & Novatianos: Nam Apost. 1. Cor. 7. ait: *Mulier alligata est legi (Matrimonii) quanto tempore vivit ejus vir: quod si dormierit vir ejus, liberata est, cui vult nubat, tantum in Domino.* Unde Conc. Flor. ait: *Declaramus non solum secundas, sed tertias, & quartas, atque ulteriores nuptias... licite contrahi posse.*

Quæres 5. Utrum polygamia simultanea ex parte mulieris sit jure naturali prohibita?

Resp. Affirm. Nam adversatur primario fini Matrimonii, nempe, prolis generationi, & educationi: unde nunquam fuit, nec potuit esse in usu.

Quæres 6. Utrum polygamia simultanea ex parte viri, sit contra jus naturale?

Resp. Est contra jus naturale variabile; sic enim habetur Gen. 2. *Relinquit homo patrem & matrem, & adheret uxori suæ, & erunt duo in carne una.* Atqui in polygamia simultanea, non duo, sed plures essent in carne una; ergo.

Obijciat: Jacob, David, & alii Patriarchæ plures habuerunt simul uxores: ergo, plures habere uxores, non est contra jus naturale.

Resp. *Dist. ant.* Habuerunt ex Dei dispensatione, *conc.* aliter, *neg.* Ergo non est contra jus naturale, invariabile, *conc.* variabile, *neg.* Itaque jus naturale est invariabile quoad prima principia, ac primarium naturæ finem, in quibus nulla potest esse dispensatio; sed variabile est quoad conclusiones & secundarios naturæ fines: porro quod homo non possit habere simul plures uxores, pertinet ad secundarium naturæ finem, a quo Deus potest dispensare, & de facto dispensavit cum veteribus Patriarchis.

Quæres 7. Utrum Christus in lege nova dispensationem veteribus Patriarchis datam revocaverit?

Resp. Revocavit, atque Matrimonium cum pluribus simul uxoris illicitum ac irritum fecit, Matth. 19. *Qui fecit hominem ab initio, masculum & feminam fecit eos, propter hoc relinquet homo patrem & matrem, & adheret uxori suæ, & erunt duo in carne una.* Ubi Christus licentiam, antiquis Patriarchis concessam, aperte revocat. & Matrimonium ad primitivam institutionem reducit: Non, enim, dixit, *tres, vel plures, sed duo*; nec dixit, *adheret uxoris, sed uxori*, ait Innoc. III. cap. 8. de divorciis.



Quæres 8. Quotuplex sit dissolutio Matrimonii?

Resp. Duplex, nempe, dissolutio quoad vinculum, quæ conjuges ita priori libertati restituatur, ut alias possint inire nuptias. Et divorcium, quod est separatio quoad thorum, & cohabitationem, salvo Matrimonii vinculo.

Quæres 9. Utrum Matrimonium jure divino sit indissolubile quoad vinculum?

Resp. Est, ut definit Conc. Trid. sess. 24. his verbis: Matrimonii perpetuum indissolubilemque nexum primus humani generis parens divini Spiritus instinctu pronuntiavit, &c. Quam indissolubilitatem Christus confirmans, Matth. 19. ait: Quod Deus conjunxit, homo non separet. Et Apost. 1. Cor. 7. dicit: *His qui Matrimonio juncti sunt, præcipio, non ego, sed Dominus, uxorem a viro non discedere, quod si discesseris, manere in nuptiis, aut viro suo reconciliari.*

Hinc 1. Matrimonii vinculum non potest dissolvi per adulterium, ut definit Conc. Trid. Can. 7. *Si quis dixerit Ecclesiam errare, cum docuit, & docet, juxta Evangelicam & Apostolicam doctrinam, propter adulterium alterius conjugum, Matrimonii vinculum non posse dissolvi; & utrumque, vel etiam innocentem, qui causam adulterio non dedit, non posse, altero conjugis vivente, aliud Matrimonium contrahere; mœchaturque eum, qui dimissa adultera, aliam duxerit, & eam, quæ, dimisso adultero, alii nupserit; anathema sit.* Quæ definitio fundatur in Script. Marci 1. ubi generaliter & absque exceptione dicitur: *Quicumque dimiserit uxorem suam, & aliam duxerit, adulterium committit super eam; & Lucæ 16. Omnis qui dimittit uxorem suam, & aliam ducit, mœchatur; & qui dimissam a viro ducit, mœchatur.*

Obijcies: Matth. 19. dicitur: *Quicumque dimiserit uxorem suam, nisi ob fornicationem, & aliam duxerit, mœchatur; & qui dimissam duxerit, mœchatur; ergo vinculum Matrimonii dirimi potest propter adulterium.*

Resp. Nego consequ. Illa enim exceptio referenda est ad dimiserit, non ad, aliam duxerit; sensus ergo est, *quicumque dimiserit uxorem suam, quoad thorum & habitationem, nisi ob fornicationem, & aliam duxerit, quamcumque ob causam, mœchatur.*

Hinc 2. Probabilius videtur, quod Papa non possit dispensare a vinculo Matrimonii rati, ut definiit Alex. III. in Appendice Conc. III. Lateran. parte 6. insuper asserens, aliquos Pontifices, qui dicuntur dispensasse in Matrimonio, locutos fuisse de Matrimonio per verba de futuro, id est, de sponsalibus: alios vero de dissolutione quoad thorum & cohabitationem.

Quæres 10. Utrum Matrimonium Christianorum indissolubile sit jure natura quoad vinculum?

Resp. 1. Si solummodo sit ratum, non est jure nature indissolubile: nam omnes contractus, quantumvis rati,



si spectetur solum jus naturæ, ex utriusque contrahentis consensu sunt dissolubiles, modo nullum inde contraturam sequatur inconueniens: atqui ex dissolutione Matrimonii rati, nullum sequitur contra naturam inconueniens, neque ex parte generationis, neque ex parte prolis educandæ, ut constat; ergo, &c.

*Resp. 2.* Si Matrimonium sit consummatum, jure naturali est indissolubile quoad vinculum; quia ejus dissolutio aduersatur fini primario Matrimonii, nempe, debite prolis generationi, ejusdemque rectæ educationi, quæ exigunt firmum ac perpetuum conjugum nexum.

*Obijctes:* Ex infra dicendis, Matrimonium, etiam consummatum, potest dissolvi a Deo; ergo non est indissolubile.

*Resp. Dist. conseq.* Non est indissolubile, per exclusionem auctoritatis diuinæ, *conc.* per exclusionem auctoritatis hominis, *nego:* Deus itaque, pro suo supremo in res omnes dominio, Matrimonii etiam consummati vinculum dissolvere potest, auferendo utrique conjugum dominium quod habet in corpus alterius, & sua providentia impediendo incommoda inde sequi nata, aut suppeditando media ad illa vitanda.

*Inst.* Jus naturale est immutabile; ergo.

*Resp. Dist. ant.* Est immutabile quantum ad universalia principia, & ea quæ habent inseparabilem malitiam, *conc.* quantum ad principia remotiora, & ea quæ aliqua circumstantia coonestari possunt, *nego.* Porro talis est solubilitas vinculi conjugalitatis.

*Quæres 11.* Utrum Matrimonium ab infidelibus contratum dirimatur per unius partis conversionem ad fidem?

*Resp.* Non dirimitur, si pars infidelis consentit habitare pacifice cum parte fidei; sed si pars infidelis discedat, vel nolit habitare pacifice cum parte fidei, dirimitur, etiam si fuerit consummatum, ut tradit Apost. 1. Cor. 7. Nam ceteris ego dico, non Dominus, si quis frater (id est, ad fidem conversus) uxorem habet infidelem, & hæc consensit habitare cum illo (pacifice) non dimittas illam. . . . Quod si infidelis discedit; discedas: non enim seruituri subiectus es frater, aut soror in huiusmodi. Ergo Deus in casu proposito dissolvit prius Matrimonium in gratiam christianæ Religionis.

*Quæres 12.* Utrum in lege veteri Matrimonium dirimeretur per libellum repudii?

*Resp.* Probabilius est quod dirimebatur, Deo dispensante propter duritiam cordis Judæorum, ne graviora mala orirentur, nempe uxoricidia: nam lex repudii,

*Deut. 24.* veram licentiam concedebat, tum marito dimittendi uxorem, tum uxori dimissæ nubendi alteri viro; ergo dimittens non amplius maritus dimissæ lex enim prohibebat, ne repudiata, post mortem secundi mariti, posset unquam recipi a priori marito,



quod alias optimum & valde optandum fuisset.

*Obijcies*: Deut. 24. uxor repudiata dicitur polluta & abominabilis: Non poteris prior maritus accipere eam in uxorem, quia polluta est, & abominabilis facta est coram Domino. Ergo secunda nuptiæ, a repudiata initæ, erant peccaminosæ & nullæ.

*Resp. Nego consequ.* Non enim dicitur polluta & abominabilis absolute, sed relate ad repudiantem, ad quem reditus uxoris abominabilis est, & omnino vetitus a Deo, quia hic orbicularis nuptiarum regressus speciem præ se fert adulterini concubitus, videturque fucatum tantum fuisse repadium, quasi non sincere repudiata fuisset uxor, sed alteri ad tempus commodata, quod abominabile est, ut fert textus hebræus.

*Quæres 13. Utrum Matrimonii vinculum dirimatur per solennem unius conjugis professionem in Religionem a S. Sede approbatam?*

*Resp.* Si sit consummatum, non dirimitur; si vero sit solummodo ratum, jure divino dirimitur, ita ut liceat alteri ad alias nuptias convolare; sic enim definit Conc. Trid. sess. 24. can. 6. Nulla alia potest assignari ratio a priori, quam voluntas Christi nobis ex traditione perpetua revelata.

*Obijcies*: Fidelitas in promissis obligat jure naturæ; atqui conjuges sibi promiserunt mutuam & individuan vitam societatem in Matrimonio; ergo.

*Resp. Dist. maj.* Fidelitas in promissis absolutis, conditionatis, nego. Contractus autem Matrimonii fit cum hac retentione implicita & virtuali, ut, nempe, liceat ante consummationem Religionem ingredi & profiteri.

*Quæres 14. Utrum divortium sit licitum?*

*Resp.* Est licitum, si fiat legitima auctoritate, ita definivit Concil. Trid. sess. 24. can. 8. Si quis dixerit Ecclesiam errare, cum, ob multas causas, separationem inter conjuges quoad thorum, seu, quoad habitationem ad certum, incertumve tempus fieri posse deservit: anathema sit.

*Quæres 15. Quas ob causas licitum sit divortium?*

*Resp.* Licitum est, 1. ob culpabile alterius conjugis adulterium moraliter certum: id enim permittit Christus, Matth. 19. Quicumque dimiserit uxorem suam, nisi ob fornicationem, & aliam duxerit, moriatur.

2. Ob crimen vertens in damnum spirituale alterius conjugis, quale est periculum subversiois, vel a fide, vel a bonis moribus: imo tunc teneretur ad divortium; dicente Christo, Matth. 18. Si oculus tuus scandalizaverit, erue eum, & projice abs te.

3. Ob periculum gravis damni corporalis compartis, quale reperitur, cum alter conjux laborat morbo contagioso, est amens, furiosus, &c. quia Matrimonium non tollit jus naturale vitandi corporale periculum.

*Obijcies*

*Obijci*  
unica e

*Resp.*  
causas  
fornicat  
loquitu  
perpetu  
petui;

*Quæ*  
divo ti

*Resp.*  
est mu  
fessione  
compar  
tium m  
tare fl  
Judicis

*Quæ*  
trimon

*Resp.*  
Matrim  
rimen  
lum 8

*Quæ*  
Resp.  
ti com  
E

1. P  
Paroc  
nium  
tur,

2. P  
tur nu  
phani

Pasch

3.  
prius

4.  
vel re  
crum

letur.

Quæ

Resp.

Erro

Cu

An

Si

Ha



*Obijcies: Christus solius fornicationis meminit; ergo unica est causa divortii.*

*Resp. Nego conseq.* Christus enim non exclusit alias causas, sed solius fornicationis meminit, 1. quia sola fornicatio opponitur fidei conjugali; 2. quia Christus loquitur de divortio per libellum repudii, quod erat perpetuum; atqui sola fornicatio est causa divortii perpetui; ergo.

*Quæres 16. Quid juris habent innocens post factum divortium?*

*Resp.* Si divortium sit perpetuum, pars innocens potest mutare statum per susceptionem Ordinum, vel professionem religiosam, quia adulter amisit jus in corpus compartis innocens, sed non vicissim. Si vero divortium non sit perpetuum, pars innocens non potest mutare statum, quia nocens emendatus potest, auctoritate Judicis, repetere suam compertem.

### S. V. De impedimentis Matrimonii.

*Quæres 1. Quotuplicis generis sint impedimenta Matrimonii?*

*Resp.* Duplicis, alia sunt *impediensia* tantum, quæ Matrimonium reddunt tantummodo illicitum. Alia *dirimentia*, quæ Matrimonium attentatum reddunt nullum & irritum.

*Quæres 2. Quot sint impedimenta impedientia?*

*Resp.* Jure novo sunt tantum quatuor, versu sequentii comprehensa:

*Ecclesia vetitum, tempus, sponsalia, votum.*

1. Per *Ecclesia vetitum*, intelligitur, prohibitio a Parecho facta nupturientibus, ne contrahant Matrimonium ob aliquam causam temporalem; v. gr. donec inquiretur, an impedimentum, quod objicitur, revera existat.

2. Per *tempus*, intelligitur tempus, quo interdicuntur nuptiæ, nimirum, ab Adventu usque in diem Epiphaniæ, & a Feria quarta Cinerum usque in octavam Paschæ inclusive. Trid. c. 10. de ref.

3. Per *sponsalia*, intelliguntur sponsalia cum alio prius contracta, & nondum dissoluta.

4. Per *votum*, intelligitur votum simplex castitatis, vel religionis ingrediendæ, vel suscipiendi ordinem sacrum, vel nunquam nubendi, ne fides Deo data violetur.

*Quæres 3. Quot sint impedimenta dirimentia?*

*Resp.* Sunt quindecim, his versibus expressa:

*Error, conditio, votum, cognatio, crimen, Cultus disparitas, vis, ordo, ligamen, honestas, Ament, affinis, si clandestinus, & impos,*

*Si mulier sit rapta, loco nec reddita tuto,*

*Hec facienda verant connubia, facta retractant.*



## Error, conditio, votum.

Quæres 1. Quid sit impedimentum erroris?

Resp. Est, *inhabilitas ad contrahendum Matrimonium*, orta ex errore circa personam, vel circa qualitatem redundantem in personam: Dirimit Matrimonium iure naturali, quia omnino tollit consensum.

Dicitur 1. Orta ex errore circa personam; ut si supponatur Lia pro Rachele. 2. Vel circa qualitatem redundantem in persona: ut si supponatur secundo genita pro primo genita, quam contrahens petierat; hæc enim qualitas redundat in personam, qui illam determinat & distinguit a quavis alia persona.

Ergo error circa simplicem qualitatem personæ, (ut cum quis ducit puerperam, vel corruptam, quam putabat divitem vel virginem) non dirimit Matrimonium, quia defectus accidentium non tollit consensum absolutum in rem ipsam.

Quæres 2. Quid sit impedimentum conditionis?

Resp. Est, *inhabilitas ad contrahendum Matrimonium*, orta ex servitute ignorantie a parte libera. Dirimit Matrimonium solo iure ecclesiastico, quia est solum error circa simplicem qualitatem personæ.

Quæres 3. Quid sit impedimentum voti?

Resp. Est, *inhabilitas ad contrahendum Matrimonium*, orta ex voto solemniter quod amittitur, in professione Religionis approbate ab Ecclesia. Hocque iure veteri: nam iure novo Greg. XIII. votum simplex emissum a P. P. Societatis Jesu, est enim impedimentum dirimens Matrimonium. Porro impedimentum voti, est iuris Ecclesiastici, cum ab hoc solo iure votorum solemnitas fuerit instituta.

## Cognatio.

Quæres 1. Quid sit impedimentum cognationis?

Resp. Est, *inhabilitas ad contrahendum Matrimonium inter personas, vel carnaliter, vel spiritualiter, vel legaliter propinquas*. Ergo triplex cognatio Matrimonium dirimit, nempe, carnalis, quæ dicitur *consanguinitas*: spiritualis, quæ dicitur, *comparsivitas*; & legalis, quæ dicitur, *adoptio*.

Quæres 2. Quid sit consanguinitas?

Resp. Definitur: *Vinculum personarum, quarum una ab alia, vel ambæ ab eadem, tanquam a communi propinquo stipite, per carnalem generationem, descendunt*. Cum autem descendentes ex eodem stipite, possint esse stipiti propinquiore vel remotiores, gradus in consanguinitate debent observari.

Quæres 3. Quomodo computantur gradus consanguinitatis?

Resp.

Resp.  
Indirec  
Line  
rum u  
Line  
dentes  
nulla d  
nus &  
distant  
nea in  
frater i  
Quæ  
consang  
Resp  
dus, q  
compus  
tres pe  
2. R  
distant  
Si frate  
stant in  
3. R  
duo dis  
pite. S  
bus, q  
Quæ  
rimoni  
Resp  
que gra  
dirimit  
Quæ  
rimat?  
Resp  
primo  
hoc eni  
saliter  
beat fr  
collater  
secundo  
sess. 24  
Quæ  
Resp  
proveni  
suscep  
in utro  
& matri  
pienten  
Ergo  
trina in  
sed ma  
Quæ



*Resp.* Per duplicem lineam, aliam directam, aliam indirectam, seu, collateralem.

Linea directæ est, ordinata series personarum, quarum una ab alia præcedit, ut Filius a patre.

Linea indirectæ, est ea quæ continet personas, descendentes quidem ab uno communi stipite, sed quarum nulla descendit ab altera, ut frater & soror, consobrinus & consobrina. Cum in hac linea personæ æqualiter distant a communi stipite, ut frater & soror, dicitur *linea indirectæ æqualis*; cum vero inæqualiter distant, ut frater & filia sororis, dicitur *linea indirectæ inæqualis*.

Quæres 4. Quot sint regulæ ad computandos gradus consanguinitatis?

*Resp.* Sunt tres. 1. Reg. In linea recta, tot sunt gradus, quot sunt personæ, dempto stipite, a quo ducitur computationis initium, v. gr. pater, filius, nepos, sunt tres personæ, & duo gradus.

2. Reg. In linea collateralis æquali, tot gradibus duo distant inter se, quot ambo distant a communi stipite. Si frater & soror, quia distant a patre uno gradu, distant inter se uno gradu.

3. Reg. In linea collateralis inæquali, tot gradibus duo distant inter se, quot remotior distat a communi stipite. Sic frater & filia sororis distant inter se duobus gradibus, quia filia sororis distat a stipite duobus gradibus.

Quæres 5. In quo gradu consanguinitas dirimit Matrimonium?

*Resp.* In linea recta, dirimit Matrimonium in quocumque gradu usque in infinitum; sed in linea collateralis dirimit duntaxat usque ad quartum gradum inclusive.

Quæres 6. Quo jure consanguinitas Matrimonium dirimit?

*Resp.* 1. In quocumque gradu lineæ directæ, & in primo lineæ collateralis æqualis dirimit jure naturæ: hoc enim dicitur pudor & reverentia, quæ homini naturaliter indita est erga parentes, & quam sibi quoque debent fratres & sorores. 2. In cæteris gradibus lineæ collateralis dirimit solo jure ecclesiastico, cum etiam in secundo gradu Papa possit dispensare, ex Conc. Trid. sess. 24. cap. 15.

Quæres 7. Quid sit cognatio spiritualis?

*Resp.* Est, Propinquitas, jure ecclesiastico inducenda, proveniens ex Baptismi & Confirmationis collatione & susceptione. Dirimit Matrimonium. 1. Inter susceptores in utroque Sacramento, & susceptum, illiusque patrem & matrem. 2. Inter ministrum & illa Sacramenta suscipientem, illiusque patrem & matrem.

Ergo impedimentum non contrahunt patrinus & matrina inter se, nec procurator patrini, quia non suo, sed mandantis nomine agit.

Quæres 8. Quid sit cognatio legalis?

*Resp.*



*Resp. Est, propinquitas personarum ex adoptione posita confurgens. Dirimit Matrimonium, inter adoptantem & adoptatum, ejusque posteros usque ad quartum gradum. 2. Inter uxorem adoptantis & adoptatum, & vicissim inter uxorem adoptati & adoptantem. 3. Inter adoptatum & filios aut filias adoptantis, quandiu non sunt liberi a patria potestate.*

*Crimen, cultus disparitas.*

*Quæres 1. Quid sit impedimentum criminis?*

*Resp. Est, inhabilitas, jure ecclesiastico indulta, ad contrahendum Matrimonium, orta vel ex homicidio solo, vel ex adulterio solo: vel ex utroque simul.*

*Dicitur 1. Ex homicidio solo: quando nimirum quis occidit conjugem alterius conspirantis, vel consentientis in homicidium, ex intentione postea Matrimonium ineundi cum homicida.*

*Dicitur 2. Ex adulterio solo: quando, sive ante, sive immediate post adulterium, adulteri sibi dederunt promissionem de Matrimonio contrahendo post obitum conjugis.*

*Dicitur 3. Ex adulterio & homicidio simul, quando post admissum adulterium simpliciter, & sine data fide de futuro Matrimonio, conjux unius occiditur ab alterutro adultero, etiamsi adulter superstes non consenserit.*

*Quæres 2. Quid sit impedimentum disparitatis cultus?*

*Resp. Est, inhabilitas ad contrahendum Matrimonium inter personas, quarum una est baptizata, altera non baptizata. Irritat solo jure ecclesiastico. Ergo catholici valide, licet illicite, contrahunt cum infidelibus.*

*Vis, Ordo, Ligamen.*

*Quæres 1. Quid sit impedimentum violentie?*

*Resp. Est, inhabilitas ad contrahendum Matrimonium, orta ex gravi metu, injuste a causa libera incusso ad matrimonium extorquendum. Dirimit Matrimonium solo jure ecclesiastico, sed fundato in jure naturali, dicente posse irritari contractum, cui ab initio defuit spontaneum plenum, conjunctum injuriæ, quæ non potest reparari, nisi per irritationem Matrimonii.*

*Quæres 2. Quid sit impedimentum Ordinis?*

*Resp. Est, inhabilitas ad contrahendum Matrimonium, orta ex susceptione sacrorum Ordinum. Dirimit solo jure ecclesiastico, ut definiit Concil. Trid. sess. 24. can. 9.*

*Quæres 3. Quid sit impedimentum ligaminis?*

*Resp. Est, inhabilitas ad contrahendum Matrimonium, orta ex vinculo prioris Matrimonii, sive rati, sive consummati; quo durante, secundum Matrimonium juris*

re nat  
fuit su  
multar

Qua  
Resp  
aus M  
jure e

Qua  
dimen

Resp  
Matri  
trimon  
to scie  
quam

Resp  
ex spo  
can. 3  
salia p  
gatio

Qua  
Resp

rati,  
sensum  
tia no  
re in

Qua  
Resp  
licita  
perfor

guine  
Qua  
dimen

Resp  
ta,  
Quod

dirim  
nem  
Qua

Resp  
guini  
meus,  
Qua

Resp  
re cu  
Qua



re naturali & divino est irritum. Hoc impedimentum fuit sufficienter explicatum §. 4. ubi de poligamia simultanea egimus.

*Honestas, Amentia.*

Quæres 1. Quid sit publica honestas?

Resp. Est, propinquitas orta ex sponsalibus validis, que Matrimonio rato, non consummato. Dirimit sola jure ecclesiastico.

Quæres 2. Ad quem gradum extendatur illud impedimentum?

Resp. 1. Ad quartum gradum inclusive, si oriatur ex Matrimonio rato, etiam si fuerit nullum, quale est Matrimonium attentatum tempore prioris Matrimonii certo scienter subsistentis, cap. veniens, de eo qui duxit, quam polluit per adulterium.

Resp. 2. Dirimit tantum in primo gradum, si oriatur ex sponsalibus validis, ut statuit Conc. Trid. sess. 24. can. 3. porro impedimentum perseverat, etiam si sponsalia postea iuste fuerint dissoluta, ut decidit S. Congregatio Cardinalium Concil. Trid. interpretum, ann. 1656.

Quæres 3. Utrum amentia dirimat Matrimonium?

Resp. Dirimit Matrimonium contrahendum jure naturali, cum tollat usum rationis, ac proinde omnem consensum, sine quo nullus est contractus. Quod si amentia non sit perpetua, potest, qui ea laborat, contrahere in lucido intervallo.

*Affinitas, Clandestinitas.*

Quæres 1. Quid sit Affinitas?

Resp. Est, propinquitas orta ex copula carnali, sive licita, sive illicita, inter cognoscentem & consanguineos persona cognita; & vicissim inter cognitam & consanguineos cognoscentis.

Quæres 2. Ad quem gradum se extendat illud impedimentum?

Resp. Ad quartum inclusive, si oriatur ex copula licita, ad secundum vero, si oriatur ex copula illicita. Quod si superveniat Matrimonio contracto, non illud dirimit, sed illius usum impedit quoad debiti petitionem, non vero quoad redditionem.

Quæres 3. Quomodo computantur gradus affinitatis?

Resp. Eodem modo computantur, quo gradus consanguinitatis. Unde quo gradu aliquis viro est consanguineus, eodem gradu est affinis uxori, & vicissim.

Quæres 4. Utrum affinitas pariat affinitatem?

Resp. Non parit, unde duo fratres possunt contrahere cum duabus sororibus.

Quæres 5. Quo jure affinitas Matrimonium dirimat?

Resp.



*Resp. 1.* In linea collateralis, dirimit solo jure ecclesiastico, nam Jacob cum duabus sororibus contraxit, quod certe non fecisset, si juri naturali fuisset contrarium. 2. In linea recta, probabilius etiam est quod ille dirimat solo jure ecclesiastico; nam Concilia Agathense, can. 6. & Aurelian. III. can. 10. statuunt non esse dissolvenda pagavorum Matrimonia, etiam in primo gradu lineæ rectæ affinitatis contracta: ergo censent ea jure naturali fuisse valida.

*Quæres 6. Quid sit impedimentum clandestinitatis?*

*Resp. Est, inhabilitas ad contrahendum Matrimonium, orta ex defectu presentie proprii Parochi, & duorum saltem testium.* Dirimit jure novo a concil. Trid. inducto. Unde Matrimonia clandestina sunt invalida in omnibus locis, ubi Concilii decretum promulgatum & receptum est.

*Quæres 7. Quis censeatur proprius Parochus, an originis contrahentium, an domicilii?*

*Resp. Est Parochus domicilii, siue sit viri parochus, siue mulieris: usus tamen invaluit, ut Matrimonium celebretur coram Parocho mulieris, de licentia Parochi viri, qui debet testificari se proclamasse banna, nemine contradicente.*

*Quæres 8. Quandiu quis debet in aliquo loco commorari, us in eo fortietur domicilium?*

*Resp. Juxta statuta diocesana, regiis edictis firmata, domicilium sufficiens ad contrahendum non acquiritur, nisi contrahentes per 6. menses in Parochia habitaverint, si sint ejusdem Diocesis, & per annum, si sint diversæ.*

*Quæres 9. Coram quo Parocho debent contrahere vagi?*

*Resp. Coram Parocho loci ubi versantur dum contrahunt, obtenta prius Ordinarii licentia, ut statuit Concil. Trid. sess. 24. can. 7. de res.*

### Impotentia, Raptus.

*Quæres 1. Quid sit impedimentum impotentiae?*

*Resp. Est, inhabilitas ad contrahendum, orta ex incapacitate consummatam & completam copulam exercendis: unde sterilitas non est impotentia.*

*Quæres 2. Quotuplex sit impotentia?*

*Resp. Dividitur 1. In perpetuam, quæ absque miraculo, vel peccato, vel vitæ periculo, non est vincibilis; & temporalem, quæ absque prædictis est vincibilis.*

*Dividitur 2. In absolutam, quæ est inhabilitas viri ad omnes mulieres, & vicissim; & relativam, quæ est inhabilitas respectu quarundam tantum personarum.*

*Quæres 3. Quenam impotentia dirimas Matrimonium?*

*Resp. Sola impotentia perpetua, Matrimonium antecedens, dirimit Matrimonium, absoluta quidem respectu omnium; respectiva vero, respectu illius personæ ad*



ad quam est. Ratio est, quia tunc nulla est contractus matrimonialis materia, quæ est corpus, non qualecumque, sed corpus ad congressum maritalem aptum; ergo impotentia est impedimentum juris naturalis.

Ergo, si separatione facta, appareat impotentiam non fuisse perpetuam, conjuges restaurari tenentur, etiam si a comparte aliud Matrimonium fuisset contractum, quia prius celebratum fuit validum, & est indissolubile, cap. 5. de frigidis.

Quæres 4. *Quid sit raptus?*

*Resp.* Generatim describi potest: *Fœminæ abductio de loco in locum, vi aut seductione facta, Matrimonii incundi, vel libidinis explenda causa.*

Quæres 2. *Quotuplex sit raptus?*

*Resp.* Duplex, nempe, *violentia*, qui fit quando filia familias renitens abducitur e domo paterna. Et *seductionis*, qui fit quando filia-familias, blanditiis & promissis seducta, consentit suæ abductioni, non consentientibus parentibus, sub quorum est potestate.

Quæres 3. *Utrum raptus dirimat Matrimonium?*

*Resp.* Ex Concil. Trid. *sess. 24. can. 6.* Matrimonium dirimit inter raptorem & raptam, quamdiu manet in potestate raptoris: nam si rapta, a raptore sepeparata, & in loco tuto ac libero constituta, consentiat, validum erit Matrimonium. Porro cum juxta mentem Senatus Parisiensis, puella non censeatur in loco tuto ac libero constituta, nisi paternæ potestati restituatur, raptus seductionis Matrimonium non minus dirimit, quam raptus violentiæ.

#### S. VI. De dispensatione ab impedimentis Matrimonii.

Quæres 1. *Quis possit dispensare ab impedimentis Matrimonii impediensibus?*

*Resp.* Potest Episcopus, exceptis, 1. sponsalibus, quæ obligant jure naturali, 2. votis castitatis perpetuæ, & ingrediendi religionem, quæ sunt Papæ reservata. Si tamen Matrimonium jam sit contractum, in illis etiam potest Episcopus dispensare.

Quæres 2. *Quis possit dispensare ab impedimentis dirimentibus?*

*Resp.* 1. In impedimentis jure naturali & divino dirimentibus, nulla potest esse dispensatio.

*Resp.* 2. In impedimentis jure ecclesiastico dirimentibus, solus Papa, ex communi Ecclesiarum usu, habet jus dispensandi, saltem ordinarie loquendo.

Dixi: *Saltem ordinarie loquendo*, nam ex communi Episcopus potest dispensare in impedimentis occultis post Matrimonium contractum, si ista occurrant, 1. Si præmissæ sint denuntiationes. 2. Si fuit igno-



ignoratum impedimentum . 3. Si Matrimonium sit consummatum . 4. Si facilis non sit ad Papam vel legatum recursus . 5. Si inflet periculum incontinentiæ , aut infamiae .

Imo plures Episcopi in Gallia existimant , se , ex antiquo prædecessorum suorum usu , posse dispensare ab aliquibus impedimentis , etiam publicis , sive de contrahendo , sive de contracto , atque eo titulo dispensant , nemine contradicente : alii aliter sentiunt & agunt , unusquisque igitur sequatur usum certum & probatum suæ Ecclesiæ .

Quæres 3. *Quid requiratur ad valorem dispensationis?*

Resp. Requiritur . 1. Ut causa fœnalis dispensationis sit vera , & subsistat dum conceditur . 2. Ut in petitione nihil omittatur eorum quæ jus & stylus curiæ exigunt ; nihilque reticatur veri , ratione cuius dispensatio , vel nullo modo , vel nonnisi cum certa conditione aut limitatione , daretur : alioquin dispensatio foret *subreptitia* , aut , *obreptitia* .

Quæres 4. *Quomodo Matrimonium debeat revalidari , impetrata dispensatione?*

Resp. 1. Si impedimentum sit publicum , novus præbendus est consensus coram Parocho & testibus : quia tunc urget ratio Concil. Trident. quæ est ut possit probari validitas Matrimonii .

Resp. 2. Si impedimentum sit occultum , de quo non sit periculum ut aliquando inanotescat , tunc satis erit ut partes contrahentes secrete mutuo consentiant , ut declaravit Pius V. motu proprio , apud Navarum .

Quæres 5. *Utrum necesse sit , ut pars conscia nullitatis Matrimonii , illam alteri parti aperiat?*

Resp. Non est necesse , cum hæc via semper importet gravissimas suspiciones , rixas , & alia incommoda : sed sufficit , ut compartem blanditiis delinias , & bene dispositam sic alloquatur : *Ita te amo , ut si non esset inter nos Matrimonium , te in Conjugem acciperem , & nunc ita te accipio : tu ne idem ex tua parte facis?* Si respondeat , *facio* , aut simili verbo consensum novum declararet , tunc valebit Matrimonium , non sufficit autem si dicat : *Vellem , facerem* , quia consensus tunc non esset de præsentibus absolutus , sed tantum simplex approbatio prioris consensus invalidi .

F I N I S.



con-  
tum  
in-

anti-  
ali-  
hen-  
ne-  
muf-  
fuz'

is?  
s fit  
ione  
nt ;  
vel  
li-  
pri-

avi,

oræ-  
quia  
pro-

non  
t ut  
ccela-

asis

rtet  
fed  
dif-  
ter  
unc  
on-  
cla-  
fi  
effet  
atio





